


Apologia
pro
Confessione
in
Belgio
Remonstranti
XXVII
Remonstranti
Apolog.
1699

7.

II	6	291
----	---	-----





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.381



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.381





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.381


2 M.6

2.6.381

XXXIV
REMONSTR
Apolog







A P O L O G I A
P R O
C O N F E S S I O N E
S I V E
D E C L A R A T I O N E
Sententiæ eorum,

Qui in Fœderato Belgio vocantur REMONSTRANTES,
super præcipuis Articulis Religionis Christianæ.

Contra


C E N S V R A M

Quatuor PROFESSORVM LEIDENSIVM.

*Inscripta Nobilibus, prudentibus ac potentibus D. D. Deputatis & Consiliariis
Ordinum Hollandiæ & West-Frisiæ.*



Impressa Anno Domini c1610c xxx.



NOBILIBVS,
Prudentibus & Potentibus Dominis
D. D. DEPUTATIS.
E T
CONSILIARIIS ORDINVM
Hollandiæ & West-Frisiæ.

Nobiles prudentes ac potentes Domini,
Apologia hæc Remonstrantium, pro divina veritate, vestra
autoritate & ipsorum innocentia est. Ignoscite si eam inscri-
bant angusto nomini vestro. Nulla temeritate id fit, sed par-
tim necessitate, partim exemplo: Necessitatem iis imposuit Theolo-
gorum vestrorum labor, qui simplicem atque innoxiam eorum Decla-
rationem, ante annos aliquot editam, tot atrocibus criminationibus
& suspicionibus onerarunt, ut tutam esse non posse credant in Repub.
vestra innocentiam suam, nisi apud vos iusta responsione eas diluât. Ex-
emplo, quia præverunt Theologi vestri, & censuram suam vobis in-
scripserunt, quibus fidei & causæ suæ innocentiam Remonstrantes
quam maxime probari cupiunt ac desiderant. Sequuntur actores suos
ex lege & ritu gentium pene omnium, nec exceptione fori utuntur. E-
nimvero ea est veritatis & innocentiae fiducia, ut nullum forum, nullum
tribunal reformidet, ubi alteram partem non audire religio est. Secura
est apud omnem judicem, qui sine gratia, sine offensa ambigua causa-
rum fata dirimit, nec difficile credit eum, licet accusationibus præven-
tum, nuda causæ suæ & innocentiae ostensione in subsellium suum tra-
here. Ea vero etiam est Reipub. Vestrae supra alias non paucas gloria,
ut alteri parti aurum non præbere, nefas esse judicetis, ne causâ qui-
dem Religionis excepta. Nempe supremam causarum omnium cogni-
tionem ad istud auditorium & tribunal pertinere creditis, cui summa
Reipub. cura & populi suprema salus concredita est. Sola itaque æqui-
tatis

DEDICATIO.

tatis Vestrae & causae suae fiducia freti Remonstrantes, supplices se ad-
volvunt genibus vestris, & ut causam eorum ex aequo & bono cogno-
scatis, obnixè postulant.

Ne vero vos N. N. D. D. quos hoc tempore gravissimis de summa
Reipub. curis ac negotiis occupatos esse non ignorant, prægrandi hac
Apologiaremorentur, paucis, si placet, accipite, quæ in ea pluribus
disceptantur, ut uno quasi oculi ictu omnia habeatis perspectissima.

Summa accusationis duobus fere capitibus continetur. Primum spe-
ctat Declarationem ipsam. Alterum eos, quorum nomine Declaratio
edita est. Declarationem Theologi vestri errores nec paucos nec leves
continere asserunt, quos vel Pelagio vel Semipelagianis aut Massiliensi-
bus, vel Socino acceptos ferendos esse ajunt, Declaratores vero schis-
matis ac secessionis nuper natae autores faciunt ac fomites. Vitam eo-
rum, quæ, coelo ipso teste, sine labe, sine macula fuit, aperte non tra-
ducunt, sed subinde hic illic veluti in transcurso admordent, usque adeo
tamen inverecunde, ut quod mens vel cogitare horret, eos in suspicio-
nem læsæ Majestatis aut perduellionis vocare per intervalla non dubi-
tent. Ita enim fere fit. Quorum ingenium errare creditur, eorum pie-
tas in dubium vocatur, perinde ac si errorum scelerumque necessaria
sit cognatio, & adeo individuo nexu cohæreant Error atque Impietas,
ut errorum reprehensio justam criminum omnium suspensionem post se
trahat.

Summa responsionis est. Primo, errores quod attinet. Nec ad ju-
stam probationem, quod sententia aliqua erronea sit, sufficere, si hunc
aut illum damnati vel exosi nominis autorem habeat; nec, si id omnino
sufficere creditur, justam causam esse, cur Declaratio Remonstrantium
damnatis aut exosis istis, quos ajunt, autoribus accepta sit ferenda. Ad
justam probationem autoritas humana non sufficit, nisi in consistorio
Pontificio. Nec satis est damnatam olim sententiam esse, nisi damnandā
eam aut jure ac rite damnatā esse constet. In foro conscientiae & Christi
auditorio nō alia constant argumenta, quā quæ suppeditat aut Scriptura
aut recta ratio: Cætera, etsi pondus suū habeant, tanti tamen non sunt, ut
propter-

D E D I C A T I O.

propterea recte aut secus sentire quisquam judicandus sit. Quare nec pro dignitate sua nec pro causæ suæ merito egerunt Theologi vestri, cum id unum potissimum operam dederunt, ut Declarationem Remonstrantium, non tam erroris convincerent, quam similitudinis cum iis, quos errasse olim Antiquitas & nunc errare communis credit opinio. Hoc eorum est, qui cum causæ suæ diffidant, adversarios suos speciosis autoritatibus malunt obruere, quam rationibus conscientias eorum convincere.

Sed nec causâ ulla est, cur Declaratio Remonstrantium autoribus istis, quos volunt, accepta ferri debeat. Etenim quæ de prævenientis gratiæ necessitate non uno in loco statuit, ea toto coelo distare à Pelagio & Massiliensibus seu Semipelagianis, nemo dubitare potest, nisi qui profunda Pelagianæ historiæ ignorantia laborat. Socini propria placita quâ longe dissita sint à Remonstrantium sententia, tria fidē faciunt. Primum, quod ipsi hi Theologi vestri, eos in Articulis de Trinitate, Deitate Filii, ac Spiritus S. de Satisfactione, aliisque *secum sentire* fateantur, *Si modo quod Verbis testantur animo sentiunt.* Imo ea affirmare, *Quæ in iustam reprehensionem non incurrunt & cum fidei analogia quadrant.* Deinde, quod eos non modo in pluribus quam professi antea fuerant, recedere asserant ab Ecclesiis Reformatis, verum etiam in *Fundamentali Reformationis Articulo*, puta de *Iustificatione*, Socino se socios præstare, *ita ut Socino proprios quam Ecclesiæ Reformatae videri possint.* Cætera itaque omnia Reformationis fundamenta facta tecta manere volunt apud Remonstrantes, quæ à Socino convelli credunt. Quare si in eo ipso de *Iustificatione* Articulo, Reformatarum Ecclesiarum sententiam tuentur, quid restat aliud quam ut, vel Theologis vestris iudicibus, orthodoxi censeantur? Id autem tam clare à se demonstratum credunt in capite Apologiæ hujus undecimo, ut non dubitent, quin suffragaturi sint omnes, quorum non interest ut contrarium verum esse credatur. Denique, quod nusquam aperte, nusquam directe ullam seu veterem seu novam hæresin Declarationi impingant. A capite ad calcem Censuræ, non occurrunt nisi leves conjecturæ, hariolationes, consequentiarum & suspitionum.

DEDICATIO.

cionum inania, quæ circa phrasès, circumstantias, aliaque ad principalem causam non facientia versantur, ex quibus tandem operoso molimine aliud nihil extorquent, quam suum illud millies pene in tota Censura inculcatum, **VIDETVR**. Ex his æstimare potestis **N. N. D. D.** an justam ullam causam habuerint Theologi Leydenenses, cur Declarationem Remonstrantiũ odiosis atq; invisis istis nominibus infamaverint.

Neque tamen diffitentur aut dissimulant Remonstrantes, se in Declaratione sua non pauca silentio præteruisse, quæ in Scholis & Academicis operoso conamine & magno spiritu disceptari solent. Silentii huius sui causam passim in hac Apologia sua ingenue exponunt. Nimirum iis libenter accedunt, qui intra necessaria rigide consistentes, in cæteris veniam dare & petere vicissim amant. Reciproca ista commiseratione & benevolentia mutua pacem & concordiam inter dissentientes redimi ac constare posse existimant. Multa esse credunt quæ condonari humanæ imbecillitati possunt ac debent, quæ nec ignorata saluti cujusquam mortalium officiant, nec male intellecta animorum concordiam turbant. Multa periculose disceptantur, difficillime intelliguntur & vix sine hæsitatione creduntur. Sectas illas oderunt, in quibus omnia pene licent, præterquam dissentire; quæ in summis fidei capitibus consentientes, ex rituum atque opinionum diffidiis in factiones aguntur, & ob non necessaria ad salutem dogmata cælum & inferos sibi invicem superbis denunciationibus decernunt.

Atque hinc facile colligitis **N. N. D. D.** necesse non esse, ut multis à se amoliantur schismatis crimen, quod *Eorum opera & artibus* in Repub. vestra procuratum esse & indies adhuc foveri passim asserere non erubescunt. Obtestantur vos ipsos **N. N. D. D.** si unquam tanto crimini causam præbuerint. Archiva vestra pro ipsis loquuntur. Habetis libellos eorum supplices, alios ex aliis, qui pene aliud nihil quam mutæ in non necessariis dogmatis tolerantia consilia continent. Possuntne jure merito schismatis rei agi apud vos ii, quibus tam salutare contra schisma consilium placuit? Et ne quid dubitetis, in ea mente ac sententia perstant adhuc, parati tanti boni causa aptare se dissentientiũ omnium

DEDICATIO.

omnium infirmitatibus, & ad ultimos usque caritatis Christianæ terminos, patientiam & æquitatem ac moderationem suam extendere. Nec dubitant quin hæc una sit Panacæa illa, quæ medendis omnibus non patriæ tantum suæ, sed totius Christiani orbis schismatis sufficit. Sed pro dolor! eo usque processit plerorumque longissime ab aliis dissentiendi & discedendi libido, ut jam Ecclesia Christi nec mala sua nec malorum suorum remedia ferre possit. Et vos nostis N. N. D. D. eos, qui crimen hoc Remonstrantibus objiciunt, hætenus isti eorum consilio, voto ac conatui summa animi contentione obstitisse, & etiamnum velis remisque obniti, tanto zelo, ut qui inter eos vel leviter tantum significant se ab isto consilio non abhorreere, pene capitali admittente censeantur, & ab iis refugiat, tanquam si bidental aliquod calcaissent aut Reformationi bellum indicerent.

Majestatis crimen atrocius est, quam ut per suspensionem ingeri debeat, Ab eo se operose purgare est pene crimen agnoscere. Si ejus rei sunt Remonstrantes, causam non dicunt, sæviat in eos ira Vestra ad extremum usque, tanquā in perduelles & patriæ hostes. Sin infantes sunt, cogitate, quantum crimen sit eorum, qui eo innocentes gravant, ut ad afflictis afflictionem addant.

Hæc summa est Apologiæ hujus N. N. D. D. quam vobis Remonstrantes offerunt & dedicant, non sponte sua, (utinam id liceret!) sed provocati, sed laceffiti, sed protracti ad tribunal vestrum; nec alio animo, quam ut vobis suam & Ecclesiarum suarum fidem atque innocentiam probent, & id à vobis si possunt impetrent, ut, si eos favore vestro dignari nondum potestis, saltem eos favore vestro non indignos esse intelligatis. Optassent se hoc tam molesto labore defungi potuisse, sed per Censores vestros id non licuit. Digladiationes & certamina de non necessariis aut non valde utilibus ad salutem dogmatis ex animo averfantur: Theologia eorum practica est, quæ in morum reformatione totiusque adeo vitæ ad præscriptum Iesu Christi correctione & directione posita est, quæ vix constare potest inter acria ista dissidentium ac certantium studia. Difficile est clavum animi recta tenere in tam turbido mari,

DEDICATIO.

mari, ut non fluctibus contentionum aut abripiatur aut obruatur. Sanctimoniam & caritatis rudimentibus opus est, ut Ecclesiam & cum Ecclesiis Respublicam non fluctuent. Hinc arduas, subtiles & elaboratas circa Religionem quaestiones vitant ut scopulos: Ignorare licet, quae non nisi periculose disputantur. Doctrina pietatis plana, facilis, expedita & rudibus pariter atque eruditis obvia est. Per eam recta itur in coelum. Caetera nec sine labore quaeruntur, nec sine periculo creduntur, & plerumque tantis animis agitantur, ut pietatis simul ac caritatis internecionem post se trahant.

Vtinam Deus, Misericordiarum Pater, Rerumpublicarum & Ecclesiarum Rectoribus aliquando spiritum illum mansuetudinis & caritatis indat, ut sublatis partium studiis, de pietate ac pace inter Christianos restituenda, illaesa necessaria veritate, consilia omnia studiaque sua conferant! Nil dubium est, quin multa hominum millia tot malorum, odiorum, schismatum pertaesa, tam sanctum propositum piis votis, suspiriis ac studiis prosequerentur, & frequentes concurrerent ad sublatum concordiae vexillum.

Istum Spiritum ut vobis etiam, atque universis Foederati Belgii Rectoribus, potenter suppeditet, caeterisque Vestris pro salute atque incolumitate Reipublicae consiliis propitius benedicat, ex animo precantur

*Nobil. Prudent. ac potentibus D. D. vestris ad
omne obsequium paratissimi*

REMONSTRANTES.

PRÆFA-

P R Æ F A T I O

Ad Reverendos, Clarissimos, Doctissimos Viros, Fratres
ac Symmystas, pro veritate & bona conscientia partim
proscriptos, partim incarceratos, partim adfectos op-
pressosque in Belgio Fœderato.

VT Sisyphus saxum suum, ita nos argumentum de Prædestinatione
volvimus ac revolvimus. Recidimus semper in eundem lapidem,
& veluti estu quodam indefinenter in se ipsum reciprocante, flui-
mus ac resluimus per eundem controversia alveum. Nihil mirum. Suus cuiq;
etati atque homini labor est in divina veritatis promotione. Vti morbi in
corpore, ita se habent errores in spiritu. Alii magna remedii cura opus non
habent: Sponte sua dilabuntur ac diffluunt, non aliter quam catarrhi. Alii
omnem atque imprimis sollicitam remedii vim respuunt: quanto acrius eos
attrectas atque urges, tanto atrocius irritantur ac serpunt latius gangrena
institar. Alii longa lentaque cura opus habent: Principio non cedunt ullis
remediis; herent non aliter quam scabies & impetigo; sed si instes, si urgeas
per intervalla paulatim exhauriuntur ac deficiunt. Hinc variis variorum la-
bores, pro errorum malitia ac pertinacia; Nec defuerunt, qui uni soli exstir-
pando atatem atque industriam omnem suam frustra impenderunt.

Hæc jam nostra Sparta, nostra provincia est. In hac nobis standum & la-
borandum est, ac fortasse etiam moriendum. Nec tædere nec pigere nos debet,
hujus tam piæ, tam laudabilis, tam egregiæ operæ.

Sunt qui aliter censent, & nos identidem, veluti per Satyram, naso suo
suspendunt, jubentque ex formula sua,

miseros nos esse libenter

Quatenus id facimus.

Est. Hæc sacra aliter non constant. Etiam per ludibria, per probra atque
opprobria malefactorum quorundam, divinæ gloriæ, aliorum utilitati, &
nostræ bonæ conscientiæ litandum est.

Sunt alii, quibus farrago disputationum & altercationum, in se semper
à recur-

P R Æ F A T I O.

recurrentium, displicet: Litem totam una vice semel ac simul confectam cuperent. Sed hi mancipia pauci laboris sunt. Nesciunt, quanta sit vis inolitæ opinionis, & quantum possit inveteratum in suam cuiusque sectam studium. Error, ubi semel adhibuit & consuetudine longa familiaris esse cæpit, malum est quævis scabie insanabilius. Hydra instar est: Cervicem unam si amputes, ilico plures repullulant, per quas respirat. Germen intus latet, & præjudicia, affectus, aliaque subito protrudunt. Hinc novus semper labor, & qui, ut ille ait,

redit actus in orbem.

Sunt alii, qui solo litium odio, & puro puto amore ac studio pacis, controversias omnes de Religione videri volunt respuere, nosque, ut litium ac rixarum mancipia, damnant; sed, si paulo propius eos videas, aliud in causa est. Laborem inquirendi in res sacras, utpote rebus suis inutilem, defugiunt, & ignorantie simul atque ignavie sue, pii affectus purpuram pretextunt, ne studio utramque affectasse videantur. Docet id vita eorum in rebus mundi hujus negotiosissima simul ac litigiosissima. De stillicidio, de tigno, de cloaca, de osco & obsoleto aliquo vocabulo, de commate, de accentu, de lana caprina, de umbra asini, lis modo incidat, disputaciores mortales, in foris, in compitis, in circulis, in ambonibus non reperias. Crederes eos ad jurgia natos factosque, & in litibus veluti Pyraustas in igne vivere. Sole res sacre mortalibus istis non magis cura sunt & cordi, quam subus. Susque deque habent, quid quisque de quaque re in divinis credat.

Minimum est, quod scire labora,

De Iove quod fentis.

Frigido huic atque otioso animo suo pacificæ affectionis mantellum circumdant, ut quiete & tranquille vivant, inter certantium ac dissidentium studia. Hec summa voti illorum est, hoc unum agunt, ut cetera licet negotiosissimi, de solis Religionis controversiis securi vitam hanc transeant, ut pecora. Fruantur equidem voto suo ex animi sui sententia, & cum morientur spei sue saturi, tropæum animæ suæ statuunt, habuerunt mercedem suam.

Sunt alii, & qui ad istos proxime accedunt, qui sciendi quidem recteque sentiendi de rebus divinis studium & libertatem probant, sed professionem dissen-

P R Æ F A T I O.

diffensionis ab eo, quod publice semel receptum est, & veluti in axioma religionis transit, alto silentio ac profundo dissimulationis arcano tegere, præcipuam rationis ac prudentiæ humanæ partem faciunt. Hisce si recte ac penitus eos perspicias, una eademque cum cæteris meta est, ad quam collineant. Tranquillitati ac securitati tantum suæ student, aliorum hominum curam procul habent, contenti sola sua conscientia; quasi videlicet sapere sit, sibi soli sapere, & foris cum cæteris omnibus desipere: quasi pietatis apex sit scire quid rectum sit, & probare animo, quod ore atque opere ipso damnas. Miserrimi profecto sunt huiusmodi mortales, qui servitutem istam sibi ipsis imperant, & dum intra se cæteros homines vident ut stultos fatuosque, seipsos interim ejusdem stultitiæ professione damnant, & sapientibus ac cordatis omnibus ludibrio propinant. Atque huiusmodi quidem hominum genus non exiguum mundi partem facit. Quotquot supra vulgi & proletariæ turbæ fecem sapiunt, atque accuratiore judicio pollent, quam ut vanis futilibusque sectarum quarundam de Religione nenius capi se sinant, & interim securitatem ac tranquillitatem rerum suarum supremam vivendi legem sibi ponunt, ii omnes ad hanc turbam pertinent. Omnes hi mortales hunc unum sibi scopum habent propositum, ut sine cruce vivant. Conscientiam suam sibi liberam servant, cætera omnia publico vanalia habent. Domi suæ sapiunt, foris histrioniam exercent cum universo mundo, ut Polypi, referentes semper ejus saxi colorem, cui se applicant, aut lamiarum instar, exemtiles oculos in publico assumentes, quos domi iterum deponunt. Hoc pacto securitatem sibi in hoc seculo parant: Enimvero nemini sola sua conscientia causa unquam crucis fuit. Quare qui cum istis mortalibus commune aliquid sibi esse volunt, iis necesse est, ut Religio Christi aut crux, quæ Religionis Christianæ gloria est, pro deridiculo sit.

Sunt alii, qui studii melioris speciem præ se ferunt: Nempe, qui non tam odio disputationum liberarum diffensionisque publicæ, quam schismatis, aliorumque quæ ex schismate veluti ex perenni fonte fluere solent, malorum, ad pacem & concordiam quovis modo inter dissidentes conciliandum aut schismata averruncandum omnia studia sua, omnemque ingenii sui vim conferre videri volunt. Hisce prætextus paulo melior quam cæteris favet. Pax

PRÆFATIO.

enim & concordia, Christianorum insignia sunt, ex quibus eos Dominus ipsorum dignosci vult. Optime suscipi ac geri creditur, quicquid salvis istis auspiciis geritur. Nec injuria sane, ubi pax & concordia animorum voluntatumque pro scopo est. Hæc enim sola est vera illa pax, sine qua cetera omnia ficta, fucata, simulata, ac nil nisi meræ pacis ac concordie larvæ sunt. At si propius horum consilia videas, comperies ea longe aliò, quam videntur, tendere, adeoque unam & eandem cum cæteris causam habere. Nimirum, pacem & tranquillitatem cupiunt; non quia rationalis, libera, vera atque ingenua pax est, sed tantum quia pax est & imperturbatus rerum omnium status. Eam quovis pretio redemptam cupiunt, ut sibi ceterisque bene sit ac commode. Vnde fit, ut schismatis odio fere in alterum extremum concedant, & Tyrannidem paucorum ac plurium servitutem, pacem publicam vocent; quasi videlicet pax vera, quæ non in corporum aut linguarum, sed in animorum conjunctione sita est, & schismati proprie opponitur in sacris; constare possit, ubi libertas dissentendi, & libera ac modesta dissensionis professio locum non habent. Atque hic est scopulus, ad quem isti semper impingunt, Libertatem judiciorum animorumque proscriptam cupiunt, ut concordia isti locus sit in Ecclesia, in qua vivunt, & quam unicam Dei Ecclesiam ac sponsam esse fortiter sibi persuadent. Quod si veram, si Christianam pacem propositam sibi haberent, utique non tollerent judiciorum libertatem, sine qua vera animorum pax constare nullo modo potest. At eam usque adeo oderunt, ut ad ejus vocem pene nauscent, ac tantum non horreant. Vocant illam pestem animarum, regnorum ac Religionis; certo indicio, eos nihil minus quam veram pacem cupere. Nam quæ, per Deum immortalem, pax, quæ concordia religionis esse potest, quæ aliunde quam ex libera atque incoacta conscientiarum persuasionem oritur? Hanc tolle, pacem ac concordiam, veluti Solem, ex medio susluleris. Pacem veram non facit quovis modo procurata linguarum factorumque unitas, sed ex animo profecta consensio. Consensio non est, quam extorquet vis, aut necessitas imperat. Libertas sola consensionis radix est & scaturigo. Absque illa concordia omnis nil nisi mera servitus est, eruptura aliquando in nervum, nisi vi retineatur. Sic aut hypocrisis, aut innoxius sanguis pacis istius cæmentum

PRÆFATIO.

mentum fit ac vinculum. Alio pretio pax ista non constat. ô diram pacem! Atque hinc fit, ut istorum hominum consilia studiaque, ut ut videantur pia ac seria, fere tamen infrugifera sint ac sterilia. Quanto satius tutiusque consulerent orbi Christiano, si iudiciorum libertatem, & in media libertate animorum concordiam suaderent, hoc uno saltem nomine carnali ac spurie isti paci, siue imperturbato statui anteferendam, quod cum persecutionis & innoxii sanguinis periculo non sit conjuncta. Neque vero incommodum ullum ex libertate ista metuendum est, nedum incommodum, quod tam immuni sceleri ac flagitio, directe legibus omnibus I. Christi contrario, equari meretur: Dissensio sententiarum concordiam non turbabit eo ipso, quia libera erit. Suam enim quisque liberam sibi esse cupit pari jure. Et cum rationibus utrimque nitatur, rationibus ut tollatur necesse est. Si consensionem vi extorquemus ab aliis, ut eam alii à nobis vicissim per vim extorqueant, jus damus. Et, siue ab istis, siue à nobis consensio vi extorqueatur, utique ea non est concordia rationalis, sed irrationalis servitus. Nec Religio laborat, si libera urgeatur consensio; sed contra, si libera non urgetur consensio, aut laborat Religio sub ignorantie jugo, aut sub hypocriseos larva latent. Medium non datur. Religio non est religio, quæ à libero animo non proficiscitur. Liber animus non est, ubi aut judicia sunt legi humane serviliter adstricta, aut alterius arbitrio per vim obstricta. Deus tum colitur, non quia eum colendum esse animus noster dicat, sed quia tolerare cogitur. At religio non est, à qua animus aut abest, aut aversus est. Nec à diversitate aut multitudine dissentientium periculum regnis ac Rebuspub. imminet. Commune libertatis privilegium regnorum ac Rerumpub. columen est. Ita censuit, ita statuit melior Antiquitas. Et floruerunt olim hodieque adhuc florent non pauca regna sub auspiciis hujus libertatis. Vnde hæc libertas proscripta est, ibi quot Christianos, totidem videre est aut bruta pecora, aut ingenia alienæ libidini serviliter mancipata: Solum Pontificium atque Hispanum regnum videte, lumenta ibi sunt, non homines. Quicquid imponitur, id portat vulgus, ut asinus Ifidis sacra. Nec magis intelligit, quid sit Religio, quam mulus aut equus; Nec mirum: Cæca obedientia & tantum non stupor ibi encomium est Christiani populi, & bubalorum instar naso circumduci

PRÆFATIO.

in omnem partem ad superstitionem usque, hoc ibi est Christianum esse. Ire qua itur, non qua eundum est, hoc vulgi gloria est, & Christiani obsequii laudem habet ac meritum.

Qui supra hos sapiunt, ii amant quidem judiciorum libertatem & à vi ac sanguine abhorrent, controversias tamen omnes aversantur quia per eas sanctimonia ac pietatis studium labefactari, ac tantum non pessumdari clamant. Simplicem, carbonariam, ac non contentiosam veritatem amare se dicunt, & doctam esse ignorantiam, quæ litibus caret ac dissidiis. Horum studium etsi libens ceteris prætulerim, tamen multum vereor, ut ex eodem cum ceteris fonte originem ducat. Vix enim fieri posse videtur, ut qui serio veræ pietatis ac sanctimonie studio ducitur, non eas saltem controversias solícite excussas, ventilatas, trutinatas cupiat, per quas fieri videt, quominus studium pietatis & sanctimonie inter plures vigeat; aut si quod vigeat, quominus istud rationale pietatis studium censeri debeat. Si spinosas, si non necessarias, si inutiles, si noxias controversias aversarentur ac fugerent, utique cum manifesta ratione conjunctum foret eorum studium. At cum omnes simul uno ore damnant, & nescio quam simplicitatem & doctam ignorantiam affectant; fieri vix potest, quin alius affectus in causa sit, quam prætenditur. Mollities animi subesse mihi videtur, quam propriæ quietis tranquillitatis atque otii amor de se gignit. Nempe molestum, grave, laboriosum ac difficile est, in arcana ista controversiarum descendere, errorum atque impietatum, quæ ex erroribus nascuntur, angulos ac recessus perreptare, strophas, artes, tricas ac nodos quibus teguntur ac retinentur, detegere, diluere, explicare ac solvere. At quis enim aut veritatis piæ studiosum, aut pietatis veræ amatorem censuerit, qui veritatem, quæ secundum pietatem est, arctissimis pravæ opinionum compedibus vinctam solvere, laborem credit? qui pietatem gementem sub iugo impiorum errorum, non eripere, non in libertatem adferre meliorum rationum ope atque auxilio, pietatem putat? Enimvero si isto seculo viveremus, quo veritas non laboret sub profanis erroribus, aut sub iis non usque adeo laboret, quin puro puto silentio meraque controversiarum abstinencia, ut morbi quidam pertinace inedia, liberari posset; nemo tam iniquus foret, quin controversiis omnibus epicedium primo quoque tempore scribendum

P R Æ F A T I O.

bendum esse concederet. Sed proh dolor ! longe alio seculo vivimus. Hypotheses, præjudicia, errores, affectus pravi simul ac speciosi occuparunt animos mortalium pene omnium. Istos nisi eximas, nisi extirpes, nisi evelas, frustra pietatem inculcaveris, aut, si quam inculcabis, ea fere erit bruta, & stupida affectioni propior, quam obsequio rationali. Sola præjudicia obstabunt. Ea succum omnem seræ pietatis à radice voluntatis divertent, atque ad se trahent. Hinc tenues & rari pietatis fructus, & plerique fere abortivi erunt. Neque vero generosa aut Deo Christoque ejus digna pietas est, recte pieque vivere, quia ita vivere docemur, & aliter vivendum esse ignoramus, sed idcirco, recte pieque vivere, quia ut ita vivamus, sicuti vivere docemur, rectum ac justum deoque gratum esse solidis rationibus persuasi sumus. Pietas nostra nisi sit rationalis & λογική λατρεία, cadaver est & σκελετόν, sine nervis, venis, sanguine, medulla, anima, Spiritu. Solida veritatis scientia eam informet necesse est, ut sciamus, quod vere ac jure pii simus, & pii simus, quia scimus quæ sit vera pietas. Quisquis aliter pietatem aut exercet ipse, aut alios docet, is non aliter se ipsum & alios pie vivere docet, quam Psittacum docet humana verba sonare. Atque hinc sunt tot infrugiferae conciones, tot steriles scriptiones, tot infecunda multorum pro pietate molimina. Hortamur ad pietatem magnis & pene herculeis nisibus. Orationem comimus non aliter quam cynædi & mangones, ut auditoribus adlibeat. Eloquentiam nescio unde accersimus ut grata sit oratio, fluatque

Monte decurrens velut amnis.

Sed irritò fere semper conatu. Cur ? Non docemus solide veritatem, quæ pietatis anima est. Intra nuda Scripturæ loca magno agmine coacervata, intra Scholæ conclusiones, Doctorum, Conciliorum, Patrum sententiolas & flosculos stamus, & postquam ea firmis lateribus expectoravimus, tum vero pulchre & valide veritatem simul ac pietatem docuisse nobis videmur. Affectus deinde scenicos, comicos, tragicos pro occasione miscemus, fingimus, & pro affectibus, verborum ampullas, tonitrua, fulmina. Accendimus, inflammamus, abripimus animos auditorum; sed non heret ardor. Flamma in stipula est. Fomes deest. Exprimimus affectus, sed non imprimimus. Nimirum veritatem, quam ipsi solide non didicimus, odio controversiarum & doctæ

P R Æ F A T I O.

doctæ ignorantia studio, solide non docemus. Non occurimus præjudiciis, non revellimus radices errorum, non convincimus conscientias. Superficiem rerum lambimus; at in penetralia earum non introimus amotis sipariis velisque larvarum ac præstigiatarum, quibus obstruuntur à carne & à Spiritu erroris. Rima omnes rimuleque penetranda sunt, per quas errori datur aditus in animam. Nisi id fiat, dictum factum effluet quicquid instillabis, non aliter quam aqua per cribrum. Nec juvat, si pietatem ad ravim usque inculces, & nihil pene quam hoc agas aliud. Obruuntur animi, non aliter quam tenelle stirpes nimia irrigatione. Erudiendi sunt & persuadendi. Semel recte persuasa veritas hæret altius, quam millies inculcata sine solida persuasione pietas.

Neque tamen hæc idcirco à me dicuntur, dilecti Fratres, quasi probem aut sententiam eorum, quibus istud semper in ore est, Quicquid quæritur, optimum est; aut morem & consuetudinem aliorum, qui pro concione nil nisi disputant cum adversariis, & de ejusmodi fere controversiis, quæ ad pietatem aut omnino nihil faciunt, aut non nisi per decimamtertiam consequentiam ad eam aliquomodo facere posse creduntur. Absit. Hoc foret ex suggestu arenam facere gladiatoriam, & ex Dei Ministris, quos ^{duxes} esse jubet Apostolus, luctatores ac pugiles. Qui quicquid quæritur, optimum censent, ii semper discunt & nunquam ad veritatis cognitionem perveniunt. Qui de rebus levibus operose disputant ii magno conatu magnas & difficiles nugæ agunt. Pietatis est non semper hesitare: Caritatis; non docere nisi quæ usum habent & fructum. Scio ingenia & dona esse varia. Non omnibus eandem docendi rationem convenire: Alios esse, quorum oratio tota flexanima ac mera quadam suada est: Alios melle consolationum adeo diffuere, ut quicquid aliter agunt, id omne pene affectatum videatur: Aliis inesse aculeum, quo in errores ac vitia fortiter simul ac feliciter invehuntur, quem nisi adhibeant, tota eorum oratio languet frigetque: Alios esse quorum dictio tota, sive consolentur, sive redarguant, sive corrigant auditores suos, nervosa potius est quam affectuosa; doctrinæ perpetuæ genium ac vim potius in se habens, quam gratiæ aut suadæ medullam: Alios esse, quorum oratio continua quadam hortatio est: Alios, qui ad multa, alios, qui ad omnia simul nati factique videri possunt.

P R Æ F A T I O.

possunt. Scio hæc ita se habere, sed existimo tamen omnibus hoc unum commune esse debere, ut Veritatem solide doceant. Solide doceri Veritas non potest, nisi controversia, per quas labefactatur & convellitur, sic tractentur, ut eas solide à nobis intelligi & cum accurato iudicio decidi perspiciat Auditor. Controversias vero non intelligo alias, quam quæ vel necessitatem, vel luculentam aliquam utilitatem habent ad affectiones pietatis vel inserendum, vel excitandum, vel fovendum, vel promovendum, de quibus postea agetur. Hæc solide doceri, & contra errores, exceptiones, sophismata, distinctiones, tanquam impietatis latebras, tibicines, ac fomites adferri ab omnibus in hoc controversiarum diluvio ex animo opto. Ceteræ nauci non sunt. Aut leviter summaque cum moderatione animi tractandæ sunt, aut prorsus à templis, ambonibus, Scholisque relegandæ. Nempe, etiamsi optime intelligantur, nihil tamen nos reddunt meliores, ac non raro etiam deteriores: ut plurimum nos acunt ad non necessarias pugnas rixasque & tanquam, si salutis cardo in earum recta intelligentia versaretur, ad miraculum usque reddunt pertinaces. Atque hic merito deplendus venit plurimarum Scholarum mos, in quibus ingenia alioquin felicissima & ad maxima quæque nata non exercentur à primis annis nisi in istarum questionum inutili simul ac laboriosa arena, nullo alio fine, quam ut acuantur ad subtiliter adserendum & colore aliquo veri fucandum, quæ in Scholis vera esse supponuntur, aut publica autoritate, ut axiomata omni exceptione maiora, credi iubentur, etiamsi falsissima sint, & à recta ratione primisque adeo mentis nostræ notionibus alienissima. Iste disputationes sunt ingeniorum cruces, bonarum mentium compedes, latebræ superstitionis, veritatis pestes, Tyrannidis nutrices. Memini me, cum in exilio vobiscum vixi, non paucas ejusmodi vidi & audivisse. Credidisses ingenia quedam Dædaleo artificio ab subtilitate facta, & quamquam hypothesein manifeste falsam tuebantur, tamen tanta arte atque industria eam adstruere & variarum distinctionum coloribus pingere, ac si totam veri speciem pro se habuissent. Et hæsissem cum iis implicitus implexusque, nisi hypothesein respexisses, quæ totius subtilitatis basis erat. Ea quia laborabat, utpote Scholæ tantum fulta autoritate, facile statim videre erat, cetera, quæ ei in edificabantur, fragilitate ipsa fragiliora esse, & præter fucum ac fumum operosæ subtilitatis

è

tatis

P R Æ F A T I O.

tatis nihil habere. Nimirum ea est falsitatis indoles; Multis fictionibus ut velis opus habet, ne diluceat: Falsum falsi tegula est, ne hypothesis perpluatur: Hujusmodi disputationes, quæ crude sæpe in ambonem protruduntur, deslere merito potest Christianus, tanquam veræ pietatis & caritatis remoras atque obstacula: Nec spes est ut exoleant, nisi Tyrannis delinat, qua hypothesis istæ statuminantur. Si in eas inquirere liceret, repente & illæ & cæteræ ejusdem generis disputationes ad claram veritatem evanescerent, uti nebule ad ardorem solis. Sed hoc optare juvat, sperare vix licet.

Ultimo demum loco colloco eos, qui proxime nos tangunt, & rem nostram, qui, videlicet, controversias nostras tanti faciendas non putant, ut propter eas disputationis labor suscipiatur, nedum ut earum causa exilium, carcer, vincula, aliæque mala subeantur: pro utraque parte militare argumenta non levia, difficile judicium esse quæ quibus præponderent. Ac licet pro nostra opinione videantur facere optima aut melioris notæ, contraria tamen tanta veri specie incrustari, ut, qui iis subest error, leviculus videri & humane infirmitati condonari debeat. Denique cum isto errore consistere posse pietatem & salutis æternæ spem.

Horum oratio semper mihi visa fuit digna accurato examine. Nihil enim indignius homine nedum Doctore Christiano, quam levibus controversiis divinam veritatem prostituere, caritatem ledere, & pacem Ecclesiarum Dei ac Christi turbare. Quod si inter leves etiam hæ nostræ censerī debeant, utique omnia ea, quæ perpessi hætenus sumus earum causa, nec patientiæ Christianæ laudem, nec bonæ conscientie gloriam habent. Quare quæ huic orationi subsit ratio, operæ pretium est expendere.

Certum est controversiarum, quæ hodieque Christianum orbem agitant, alias esse graves, alias leves. Inter graves, aliæ sunt graviores, aliæ gravissimæ: uti inter leves, aliæ leviores, aliæ levissimæ. Graves appello eas omnes, quæ versantur vel circa necessaria vel circa utilia ad salutem dogmata. Necessary dogmata voco, quæ ex officio nobis in Evangelio Iesu Christi præscripto necessario tenenda ac facienda sunt, ut æternæ salutis participes evadamus; quæ tribus his comprehendo, Fide divinorum promissorum, obedientia

PRÆFATIO.

diētia divinatorum præceptorum & debita Scripturis, quibus præter promissa ac præcepta, alia omnia divina oracula atque enunciata continentur, reverentia. Utīlia voco, quæ ex natura & proprietate sua, non post alia plura ac certiora, sed primo ac per se serviunt ad excitandum, fovendum & augendum in animis nostris scientiam earum rerum, quæ promissorum fidem, præceptorum obedientiam, debitamque Scripturis reverentiam alere aptæ natæ sunt. Inter graves itaque gravissimæ sunt controversiæ primi generis, quæ circa præcise necessaria versantur. Ad eas proximo gradu accedunt controversiæ secundi generis. Ceteras omnes, quæ non versantur aut circa necessaria, aut circa utilia ad salutem dogmata, appello leves, non quod aut levia tantum tractent, aut non nisi leviter: Sæpenumero enim controversiæ hæc circa maximorum mysteriorum arcana versantur, & acrioribus fere animis ac studiis agitantur, quam quæ sunt circa necessaria aut utilia: Sed quia eas in unam partem decidere, aut magno molimine ac conatu tractare operæ pretium non est. Neque tamen prorsus inutiles eas censeo volo, quasi nullus earum usus sit in poliēda aut acuēda mente nostra in rerum divinarum cognitione, sed quod ad dogmatum necessariorum aut utilium inculcationem per se parum aut nihil conferant. Sunt autem eæ duorum generum: Aliæ speculativæ, aliæ practicæ. Speculativas voco eas omnes, quæ in merâ mentis speculationem desinunt, sive eæ versentur circa arduas ac sublimes res, sive circa res minus arduas humilesq; sive speculatio nitatur rationibus certis aut verisimilibus sive hypothesibus, definitionibus & postulatis in Schola aut Ecclesia receptis, sed tamen re ipsa dubiis atque incertis. Ad hanc classem etiam refero controversias, quæ circa historias, genealogias, successiones temporū ac vaticiniorum arcana versantur, quorum decisio conjecturis & hæriolationibus potius nititur quam justis argumentis. Practicas controversias voco, quæ circa ritus, ceremonias, & consuetudines, quas Agendas vocant, occupantur, quæ videlicet à Deo præcise mandatæ non sunt, & quæ in se non continent aut superstitionem aut actus ejusmodi, qui sine violatione præcepti alicujus divini, vel saltem sine periculo violationis præstari non possunt. Sic enim ad primam classem gravium & quidem gravissimarum controversiarum pertinent.

Ad utram harum duarum nostræ hæc controversiæ referendæ sint, quoties

P R Æ F A T I O.

mecum attente considero (considero autem sapissime) toties mirari satis non possum sententiam eorum, qui eas in levium adeoque inutilem turbam consi- ciendas esse censent. Neque videre unquam potui, qua solida ratione adducti ita statuant. Me quod attinet, Ego ita censeo. Post gravissimas istas, quæ circa præcise necessaria dogmata versantur, controversias, nullam inter cate- ras, quæ utiliter agitantur, hac nostra graviolem esse, quæ aut justioribus ti- tulus in quæstionem adducitur, aut utilius expenditur, aut facilius deceditur, aut certius tutiusque defenditur. Controversiæ autem hujus nostræ summa huc redit: An res omnes quæcunque sunt & fiunt, imprimis virtutes ac vi- tia, à fatali atque inevitabili rerum, actionum, eventuum omnium adeoque salutis ac perditionis æternæ Prædestinatione nominatim facta dependant? Hoc enim si ita est, tum cetera omnia consequuntur necessario.

Christum non nisi pro paucis nominatim ad vitam æternam electis mor- tuum esse.

A fidei donatione omnem liberæ nostræ receptionis operam excludi.

Neminem posse plus boni facere quam facit: nec plus mali omittere quam omittit. Nulla peccata saluti sic nominatim electorum obesse posse: Nullas virtutes, nulla bona opera ceteris nominatim perditioni æternæ destinatis ad salutem prodesse posse. AÆternâ salutem paucioribus serio promitti quam foris offerri, aliæque ejus generis infinita alia. Nullâ controversiam justioribus ti- tulus ventilari ab iis, qui alios docent veritatem quæ secundum pietatem est, duo fidem faciunt; Quod hæc controversiarum omnium prima sit, & quod sit universalissima. Prima est, quia absque ea ceteræ omnes de hoc illove Re- ligionis capite controversiæ vane, frustraneæ, ac non nisi ludicræ & inanes velitationes sunt. Universalissima est, quia absque ea non modo Christiana, sed omnis in universum Religio nil nisi mera histrionia est. Quæcunque sunt controversiæ, eæ agunt de particulari aliquo dogmate aut ritu ad religionem spectante: Hæc totam atq; universam Religionem spectat. Nam si fatalis ne- cessitas in rebus, actionibus & eventibus omnibus dominatur; Si

Fata regunt orbem ac certa stant omnia lege;

Et

Nec nos obniti contra, nec tendere tantum Sufficimus:

Actum

PRÆFATIO.

Actum est de Religione tota, conclamatum est de officio nostro, & quæ de singulis capitibus moventur controversiæ, eæ meræ nugæ nugarum sunt. Quid enim attinet de hoc aut illo Religionis capite funem contentionis trahere, si hoc ipsum, quod quisque de unoquoque capite sentit ac credit, ab inevitabili fato est? Et,

Si quoque fatale est, sic ipsum expendere fatum?

Quid sunt controversiæ omnes aliud, quam ludus & jocus? quid Religio nisi fabula in theatro operosa simul ac ludicra? Mandata, jussa, leges, edicta, statuta, quid aliud sunt quam pantomimorum ridicula, fitiones & commenta in proskenio? obedientia, sanctitas, pietas, fides, non sunt nisi inania nomina. Inobedientia, peccatum, culpa, tituli sine re. Promissa, invitationes, blanditiæ, merus fucus, purpurissæ, ceromæ. Minæ, querelæ, obtestationes, μορφοποιεῖα, larvæ ac lemures terrendis pueris. Præmia ac pænæ catastrophe fabulæ ingeniosa simul ac ridicula. Sed & quid est disciplina omnis privata publicæque, sine qua tamen nec Respub. nec civitas, nec domus, nec societas ulla humana constare potest, quid, inquam, est aliud, quam bruta simul ac crudelis carnificina! is qui cedit & qui ceditur, eodem fato aguntur. Nec ille facit, nec hic patitur injuriam, etiam si nec ille causam habeat, nec hic dederit. Iam vero vos obtestor, Fratres, ecqua controversia justiore titulum habere potest, quam ea, quæ pro gloria sacrosanctæ Religionis, pro officii nostri Deo hominibusque debiti necessitate, pro divinarum præceptionum, promissionum, comminationum, premiorum ac pænarum justitia & dignitate, pro domesticæ & civilis disciplinæ equitate, pro totius denique humanæ societatis incolumitate suscipitur? Comparentur cum his ceterarum omnium utilium controversiarum causæ, nulla, non dico justior, sed ne paris quidem ponderis ac momenti esse comperietur. Luberet equidem mihi, dilecti Fratres, in apertum hunc campum latius exire, & comparatione facta per omnes Christianorum controversias discurrere, sed maligno admodum sæculo vivimus, & ea vestra est prudentia atque ἀγχινοῖα, ut id vestro proprio Marte facile possitis colligere, si modo animum iudicio liberum adferatis.

Neque tamen cum hanc nostram controversiam primam omnium & universalissimam facio, id sic accipere volo, quasi negem fieri posse, ut quis de

P R Æ F A T I O.

Prædestinatione perperam sentiat, & idem tamen pie sancteque vivat : Absit : Sed quod is, qui pie vivit, ab ista opinione habeat ut pie vivat, ac non potius ab ea habeat cur pie non vivat, id vero est quod nego. Vbi fatalis necessitas dominatur, ibi pietas non est virtus nostra, sed pura puta Dei actio : ibi virtus non est actus officii nostri, sed merus divinæ virtutis effectus in nobis : ubi vero ista persuasio de virtute & pietate locum habet, ibi studium pietatis ut langueat frigeatque necesse est. Recte Suetonius de Tiberio scripsit, Circa Deos negligentior erat, quippe addictus Mathematicæ, persuasionisque plenus omnia fato agi. Itaque nec impius ab hac opinione habet, ut pius esse velit, nec pius, ut nolit esse impius, imo ab ea & ille habet, cur aut pius fieri nolit, aut ut pius sit non labore, & hic, cur aut impius esse nolit, aut ut impius non fiat non labore. Iustissima itaque, si ulla alia, hæc à nobis controversia mota atque agitata videri debet.

Ex hoc jam non obscure colligitur, quanto utilior ceteris omnibus hæc nostra sit controversia. Utilitatem controversiarum æstimo ex intrinseca earum vi & proprietate, quam habent ad promovendum pietatem. At ceteras omnes controversias, si placet, expendite. In quibusdam utilitas non adeo insignis est, nec inesse creditur ad pietatis promotionem : Præcipuam partem speculativæ esse creduntur, & revera intra nudam speculationem fere consistunt. In quibusdam major videtur inesse utilitas, quam revera inest. Majestas earum major est, quam utilitas. In multis quæ inest utilitas, ea ex aliis prioribus, certioribusque fontibus hauritur, & per se obvia est. In aliis si qua est utilitas, ea vix apparet, ac non nisi per longas & operosas consequentias velut per trochleas ex iis educitur. At hujus nostræ controversiæ utilitas, ad acuendum in nobis pietatem, latissima est & in aperto posita. Nemo eam non videt, nemo non palpat, præjudicium modo absit & affectus. Quid enim clarius, quid apertius, quam quos fatalitatis opinio apta nata est eximere mortalium animis stimulos ad pietatem, eos libertatis veræ patrocinium subdere ? Si liber es, debes ac potes bona ac bene agere. Si non bene agis, jure puniris. Si bene agis, jure præmio adsiceris. Tam certa hæc est veritas, ut nec Doctorem Schola, nec indoctorum turba dissentiat. Nec obedientiæ laudem, nec inobedientiæ labem habet, quicquid aliter fieri non potuit. Qui non potest non
facere

PRÆFATIO.

facere quæ facit, etiamsi rectissima faciat, indignus est premio. Qui non potest non facere quæ facit, etiamsi pessima faciat, indignus est supplicio. Superfluous labor est, ut recte olim sanctissimi Gallie Episcopi Augustino opponebant, si neque rejectus ulla industria potest intrare, neque electus ulla negligentia potest excidere. Quoquo enim modo se egerint, non potest aliud erga eos, quàm Deus definivit, accidere, & sub incerta spe cursus non potest esse constans, cū, si aliud habeat prædestinantis electio, cassâ sit annitensis intentio. Possem utilitatem hanc per totam humanam vitam latissime extendere: Sed id non est necesse in re per se clarissima.

Ex hoc jam fluit tertium; Faciliorem hujus nostræ, quam ullius pene alterius controversiæ decisionem esse. Experimentum capiatur. Nulla controversia citius, indubitatus, universalis, constantius deceditur, si modo paulum à Sophistarum quorundam Scholis abeas. Totum genus humanum testor. Vox vulgi, vox populorum, vox mortalium pene omnium est: Vbi libertas non est, ibi nec premium nec pœna est. Natura hoc axioma suggerrit, ut primam notionem. Argumentis opus non est, ut istud capiat cerdo, tyro, infans pene dixerim. Ex terminis suis liquet. Conscientia quemque sua de ejus veritate convincit. Praxis hominum, familiarum, Rerumpubl. Regnorum, denique mundi totius ubique ei suffragatur. Qui reclamant, ii oppido sunt pauci, nec alii, quam quos vel Scholarum præjudicia fascinarunt, vel vitæ impietas in sensum egit reprobum, Scurræ, nebulones, athei, qui cauterio isto fati opus habent, quo conscientias suas inurant, ut sine remorsu peccent, & fortiter in ganeis lustrisque, aut, ut ille ait, clam & in scrobe virtutem omnem ejurent, quorum illud carmen est:

Solvite mortales, animos, curisque levate,
Totque supervacuis animum deplete querelis.

Fata regunt orbem, certa stant omnia lege.

Præter hos si qui alii sunt, ii aut ipsi parum recte sapiunt, aut aliorum exemplo desipiunt. Ratio manifesta est. Simulatque præceptionum, prohibitionum, promissionum, comminationum, premiorum, pœnarum vel sole audiuntur voces, vim sibi faciat homo necesse est, ut credat cum istis fatalem necessitatem posse consistere. Ingeniosa quidem est humana industria ad fabricandum

P R Æ F A T I O.

candum fictiones, quibus sibi ipsi aliisque fucum faciat, quin & maligna sepe, ut quod vehementer vult atque amat, fortiter sibi verum esse persuadeat; sed ut hanc tam claram atque evidentem notionem animo aut suo aut alieno extorqueat, fieri non potest. Simulatque ad se redit, sentit se in Euripo difficultatum & absurditatum versari, adeo ut velit nolit se sibi ipsi aliisque impingere intelligat, nisi animum obstinet ac frontem. Atque hinc est, quod ii, qui fatalem rerum omnium necessitatem propugnant, & libertatem voluntatis aut prorsus negant, aut meram spontaneitatem cum iudicio conjunctam, ad eam credunt sufficere; ex præceptis omnibus Evangelicis promissa faciant respectu electorum, aut si id non audent, nulla in re magis laborent ac sudent, quam ut istam necessitatem cum præceptis, comminationibus, præmiis ac pænis concilient. Distinctionum, respectuum montes accumulanti, non ut doceant te, sed ut obruant. Proteos eos diceris, qui in omnes formas se vertunt distinctionum veneficio. Nescis ubi sint, quo tendant, ubi consistant. Eadem est ratio ceterarum controversiarum; Nulla est, pro qua ratio recta manifestius militat. Comparatio fiat & res elucescet. Controversa est inter Pontificios & Reformatos de Iudice Controversiarum. An, videlicet, præter Scripturam iudex aliquis loquens sit in Ecclesia, qui controversias omnes decidat autoritate irrefragabili? Plana & facilis videtur hujus controversiæ decisio, si modo præjudicia ponantur, & animus iudicio affectuque liber ad eam dijudicandam adferatur. De Scriptura constat, eam primitus scriptam ac traditam esse simplicibus, rudibus ac vulgaribus hominibus, eo fine, ut ex ea viam salutis æternæ peterent ac discerent: Eam continere sensus omnes necessarios ad salutem pars utraque fatetur: Iudicem perpetuo loquentem in ea nominatim non designari certum est. Ex quibus quam facile hæc controversia possit decidi, nemo non intelligit. Attamen hæc tam plana, tam facilis controversia, tot tantisque difficultatum nodis implicata est ab iis, quorum interfuit ut pars plana non crederetur vera esse, ut jam involutissima, difficillima, ac pene inextricabilis videatur. Si Scriptura dicatur esse norma illa judiciaria, de ipsius Scripturæ autoritate comprobanda lis movetur. Et species additur; Et species additur; Nemo legitimus iudex in propria sua causa est. Contra: Si Ecclesia in Concilio congregata, aut Pontifex, aut cum Pontifice major minorve Concilii pars statuatur

PRÆFATIO.

tuatur iudex iste loquens, eadē lis movetur de autoritate Concilii aut Pontificis. Et eadem species liti datur. Nemo iudex in propria sua causa est. Ita Pontifex suo pte argumento jugulatur. Attamen præcipitium hic est, in quo fere consistunt ingenia, & controversia æternum suspensa hæret. Ab hoc enim si divertas ad alia argumenta, in distinctionum, cavillationum, exceptionum vortices ac gurgites pene inexhaustos delaberis. Neque tollit difficultates Calvinista, quando iudicem istum facit Spiritum S. intus in cordibus electorum, quos vocat, loquentem; sed eas multo magis auget: quin imo omnibus simul sectis pallium dat, quo absurdissima quæque placita ac commenta sua, tanquam Spiritus istius dictata, tegant, atque ita litem æternam & immortalem facit: Quisque quamlibet litē decidet, prout volet, pari jure. Spiritus solus ac semper decisionem istam fecerit, nec finis erit: Ita quod volent, Sabini somniabunt, & quicquid somniaverint, oraculum erit Spiritus S. & Sibylle folium. Sed neque via exeundi ex hac tam intricata controversia apparet, nisi piis & veritatis studiosis, qui exuti affectibus facile videre possunt hanc controversiam studio involvi ab iis, quorum interest ut involuta credatur, quo sarta tecta maneat eorū autoritas in sanciendo, pro arbitrio, quæ volunt in Ecclesia. Interim cæteri fere omnes hærent ac stupent in tricis istis, & prout cujusque animus aut ingenium est, ita in hanc aut illam partem rapitur, non tam iudicio quam impetu atque affectu. Nec levioribus nec paucioribus difficultatum salebris obruta sunt controversiæ, quæ in Scholis agitantur de Natura & attributis Dei, de Personis divinis, de personarum reali, rationali aut modali distinctione, de Generatione Filii per intellectum, de processione Spir. S. à aut per Filium, de Peccati Originalis forma: De communicatione idiomatum; &c. Bone Deus! si à simplice atque incuriosa Scripturæ locutione, quæ in tam augustis mysteriis sufficere nobis debet, & facillime intelligitur, ad Scholarum conclusiones abis, quot quantisque terminorum, definitionum, respectuum, modorum, notionum, relationum sentietis horrent omnia? Distinctionum nec modus nec finis est. Ne Lynceus quidem earum profunditates ac Bæm pervideat. Labyrinthi undiquaque sunt, in quibus perspicacissima ingenia hærent, omniū subtilitatum Logicarum, Physicarum, Metaphysicarum flexibus, gyris ac meandris circumvoluta. Nec exire datur, nisi obstupeant & patiantur sibi horrida distinctione, veluti duro

Saxo,

P R Æ F A T I O.

Saxo cere-comminui-brum.

Esto, inquiet aliquis vestrum: Non minoribus nec paucioribus difficultatum ac subtilitatum spinis obsita nunc est nostra hac de Prædestinatione controversia: Fateor. Si ulla alia, hac controversia in pulverem usque secta est. Quicquid industria humana excogitare potuit, id omne huc contulit, ut sentinam controversiæ hujus totam exhauriret, & claritudini ejus veluti Soli tenebras suffunderet: Cribrum diceris humani ingenii, in quo percolata est ejus acies. Nussiam magis sudatum aut laboratum est. Quid enim non potest ac non audet humanum ingenium, ut causæ omni colorem det? Sed hoc interest inter ceteras controversias & hanc nostram, quod in illis tanto minus videat, tanto magis cæcutiat humanum ingenium, quanto penitius acriusq; eas introspicit. In hac nostra vero, quanto contentius omnia considerat, quanto altius penetrat in intima eorum, quæ pro fatali necessitate adferri solent, tanto clarius videat, atque intelligat, se id concludere, à quo tota natura humana abhorret, quod mundi totius praxis redarguit, quodque ipse homo ore atque opere suo singulis pene momentis damnat ac destruit; adeo ut fati istius patronis idem prorsus usu veniat, quod Scepticis solet, qui postquàm magno molimine id egerunt, ut evincant, Nihil in rerum natura sciri posse: Vnum non esse magis hoc quam aliud; hoc ipsum evincendo, seipsos suopte ore coguntur damnare: Nam

Nil sciri quisquis putat, id quoque nescit,

An sciri possit, quo se nil scire fatetur.

Rationem addamus, quæ vel mantissæ loco sit. Nemo tam fatuus, tam crudelis in se ipsum est, etiamsi Parcarum tabulas mordicus tenere velit, qui, si credat sciatque, se in crimen aliquod non voluntate sua, sed invicta necessitate incidisse, reum se supplicii aut tormentis dignum fatebitur. Conciliationem libertatis & necessitatis nullam à lictore aut carnifice fieri permittet: Distinctiones omnes in equuleo positus respuet, damnabit, execrabitur. Solam necessitatis exceptionem ad justam excusationem sufficere sibi dicet, clamabit, vociferabitur. Quod si tamen forte quis adeo fatuus aut iniquus in se ipsum reperietur, ut contrarium se credere dicat, ecquis adeo Barbarus aut immanis Pater erit, qui Filium suum flagris, virga, fustibus dignum judicabit, nisi firmiter persuasum sibi habeat Filium suum ea commisisse aut omisisse, quæ poterat non committere

vel

PRÆFATIO.

vel omittere ? Quisquamne Magistratus, Princeps, Rector aut Dominus adeo à Sole aversus ac demens reperietur, qui virgas, secures, laqueos, furcas, cruces, rogos non damnabit, si subditos suos non libera prorsus voluntate peccare, sed necessitatis impulsu incidere credat in crimina ? Nimis, nimis clara & plana est hæc notio. Nemo eam expectorare aut revellere potest de animo suo, nisi qui hominem totum exiit, & generis humani hostem se facit. Hæc cum ita uno omnes ore censeamus, annon evidentia rei convincimur facillimam esse huius nostræ controversiæ decisionem ? Nempe, nos iniusti, crudeles, barbari erimus sic agendo, & Sapientissimus, iustissimus, atque optimus Deus, cuius nos propago sumus, inclemens, iniquus, crudelis ac barbarus non erit, si temporalibus atque æternis cruciatibus excarnificet multo maximam generis humani partem, quam ipse necessitate inevitabili incidere voluit in peccatū & ineluctabilem peccandi necessitatem. Ratio hæc per se adeo clara est, ut ad decisionem faciendam sufficiat. Tam facili momento eam percipit olearius in velabro, sutor ac fullo in trivio, quam Angelicus, Seraphicus aut illuminatus Doctor in Academia. Cæterarum controversiarum dispar est indoles : difficillime fit earum decisio. Principalia argumenta, quibus adstruuntur in Scholis, humanum ingenium aut præ imbecillitate sua non capit, aut pro libertate sua carpit. A nonnullis etiam prorsus abhorret, adeo subtiliter contortis, ut ab iis circumveniri metuat tanquam à laqueis. Vnde fieri fere videmus, ut qui in ejusmodi controversiis extra aut præter Scholas sapere audent, tandem intra sobrias scripturæ locutiones, tanquam intra tutum fidei vallum, se recipiant, malintque tam sublimium mysteriorum decisionem, aut studio defugere, tanquam periculosam, aut cujusque judicio liberam relinquere, tanquam incertam, aut negligere, tanquam difficultatibus & subtilitatibus Scholarum inextricabilibus refertam. Nec injuria. Quotusquisque enim est, qui controversias Scholarum circa Trinitatis, unionis hypostaticæ, &c. materias, de notionibus, actibus, potentiis notionalibus relationibus, reduplicationibus, modis, conceptionibus, subsistentiis, aliisque difficiles atq; obscuras esse non cogitur fateri ? Ut termini intelligantur sæculo pene opus est. Ut fundamenta, rationes, distinctiones concipiantur, tota Philosophia proluendus est animus. De Peccato Originali quindecim sunt opiniones, omnes fere æque obscuræ atque intellectu difficiles. Decima sexta si

P R Æ F A T I O.

addatur, quod sit, ut Genes. 8. dicitur, cordis humani prava cogitatio ab ineunte ætate, non tollitur, sed augetur obscuritas. Sacramenta tot habent definitiones quot fere sunt sectæ. At in hac nostra controversia plana sunt omnia. Res, termini, rationes, simulatque proponuntur, sine hæsitatione intelliguntur. Quæ obijciuntur, apparet statim esse sophismata arte elaborata ab ingeniis, curiosis dicam an otiosis, ad obscurandum controversiæ hujus lumen: Pleraque ex Metaphysicis disputationibus hausta sunt, de concursu causæ primæ cum secundis, de secundarum causarum subordinatione ac dependentia à causa prima, de coordinatione & distinctione facultatum vitalium in anima, de intellectus & voluntatis distinctione, de libertatis definitione, de jure ac Dominio Dei in res creatas, aliisque Philosophiæ Scholasticæ arcanis. Ea omnia si propius paulum videatis, nil nisi operosæ Scholarum nugæ sunt, leviores quam ut omnes simul constipata in balance appendantur cum uno isto argumento, quod pro nostra parte ex præceptionum, prohibitionum, promissorum, comminationum, præmiorum ac pænarum æquitate desumitur. Hoc unicum argumentum omnibus istis simul junctis longe præponderat. Hoc sentit palpatque verum esse, quisquis tantum audit. Ista ut intelligas tota acuminis Metaphysici subtilitate opus est: Ut assentiaris vim tibi facias necesse est, nisi mancipium fias alienæ libidinis.

Neque vero ad rem quicquam facit, quod controversiæ istæ multis, variis, elaboratis probationibus constant. Quanto operosiores sunt, tanto sunt difficiliores, tanto magis suspectæ. Comta & elaborata omnis oratio Cynæda est. Multo fuco indiget meretrix, quanto deformior, tanto copiosiore. Vnaquæque veritas non habet nisi unam præcipuam rationem, qua consistit.

ἀπλῆς ὁ μῦθος τῆς ἀληθείας ἐστίν.

Sermone veritas amat uti simplice.

Quocirca controversiæ istæ similes videri debent matronis, quæ cothurno indigent, quo se attollent, ut grandes ac procere videantur; eo exuto, pumilæ sunt ac nana: Ita istæ hypothesibus sublimibus Scholarum subnixæ magnæ atque excelsæ videntur: Subduc eas, jacebunt.

Veluti ingentes littore trunci.

Accedit, quod cæterarum istarum controversiarum decisiones paucissimis Scripturæ locis, aut, quæ ex iis depromuntur, consequentiis innitantur: Hujus vero
nostræ

PRÆFATIO.

noſtræ controverſiæ veritas per totum Scripturæ corpus longe lateque innume-
ris fibris, venis atque arteriis diſfuſa ſit. Nam præceptorum, prohibitionum, pro-
miſſionum, comminationum, præmiorum ac pœnarum à capite ad calcem plena
ſunt omnia. De perſonarum Trinitate, de Vnione hypſtatica, de modo incarna-
tionis &c. quam parce, quam ſobrie loquitur Scriptura? Conſequentiis multis
veluti gradibus opus eſt, ut ad controverſiarum, quæ in Scholis agitantur, api-
ces perveniatur. Peccatum Originis non niſi ex duobus aut tribus Scripturæ lo-
cis effoditur. Padobaptiſmus ut ex ea eruatur, Syllogiſmorum amfractibus opus
eſt. Cœnæ Dominicæ controverſia pene in unius verbi ſubſtantivi, Eſt, exami-
ne veluti cardine vertitur. Caput Ioannis ſextum fruſtra baſis illius eſſe credi-
tur. Non agitur in eo de Euchariſtiæ Sacramento. Temporis hiſtoria id arguit.
Nondum tum adhuc inſtitutum erat hoc Sacramentum. Diverſitas enuntia-
tionum, quæ in iſto capite ſunt, ab ea, quæ in inſtitutione Sacramenti huius à
Servatore facta eſt, id confirmat. Quod enim ſubjectum hic eſt, id ibi eſt præ-
dicatum, & vice verſa. Hic dicitur, Caro Chriſti eſt panis vivificus; Iſthic
dicitur, Hoc eſt corpus meum. Denique contrarietas enuntiationum rem indu-
biam facit. Hic enim, edere carnem Chriſti & bibere ejus ſanguinem, dicitur
conjunctum ſemper eſſe cum ſalute & vita æterna: Iſthic corpus Chriſti ſive
panis, qui corpus Chriſti eſt, edi poſſe dicitur ad judicium. Adde, quod car-
nem Chriſti edere, & ſanguinem ejus bibere, & Chriſtum ipſum edere pro eo-
dem hic ſumuntur. Chriſtus hic ſeipſum appellat panem vivificum. Iſthic mi-
nime. Neque enim dicitur, Hoc eſt Chriſtus, ſed hoc eſt corpus meum; Hoc
poculum eſt N. Teſtamentum in ſanguine meo. Quantum autem & quam im-
mane diſcrimen ſit inter hæc, quis non videt? utinam id animadverteret Chri-
ſtianus orbis! Magna idololatriæ anſa præcideretur. Chriſtus totus præſens in
Euchariſtia eſſe creditur, atque idcirco magna religione iſthic colitur, adoratur,
invocatur à multis, cum verba ipſa textus manifeſta arguant Chriſtum totum ibi
preſentem non eſſe, ſed corpus Chriſti mortuum ſive ſeparatum à ſanguine, id
eſt, anima ac vita ſua, repræſentari per panem & ejus fractionem, vinique in
poculum inſuſionem. Mortuum autem Chriſtum ſive cadaver ejus, quæ tale,
colere, adorare, invocare, quæ ratio, quæ Religio permittit? O cecitatem!
Hoc loco ſublato apparet, quam tenuibus, quam imbecillis fulcris nitatur ſolem-

P R Æ F A T I O.

nis & principalis iste ritus, qui centrum ac fulcrum est totius Religionis Pontificiæ, & pro qua tamen credunt militare tot loca, tot rationes, tot argumenta, ut & æque eorum Christianum orbem pene obruant & suffocent. Cetera omnia Religionis Pontificiæ axiomata, de Sanctorum mortuorum intercessione & invocatione, de Imaginum religiosa adoratione, de Reliquiarum veneratione, de Indulgentiarum nundinatione, de Purgatorio, votis Monasticis, aliæque ejus commatis plura, quibus, quæso, Scripturarum locis superstruuntur? Tolle auctoritatem Ecclesiæ loca Scripturæ obtorto collo eo trahentis, & pro arbitrio atque ex usu suo interpretantis, repente videbitis

ruere alto à culmine Trojam.

Nec mirum. Vnus tantum est articulus, quo tota Pontificiorum fides nititur, nempe, Ecclesiæ, aut potius unius Pontificis auctoritas. Ex hoc clavo ceteri omnes istius Religionis proprii dependent. Conciliorum, Patrum, qui vocantur, consensus adjungitur quidem, sed in speciem tantum, ne fraus transpareat. Hoc ipsum enim, quæ concilia, qui Patres orthodoxi sint censendi, ab arbitrio unius dictatoris Pontificis dependet. Quæ res adeo clara est, ut articulos, quos cum Reformatis totius Religionis ac fidei Christianæ præcipuos censent, de Trinitate Personarum in una numero essentia, de hypostatica unione, de peccato Originali, de Pædobaptismo, de Scripturarum auctoritate, non nisi traditionibus & æque-Phis, aut sola auctoritate Ecclesiæ, nullis vero invictis Scripturarum testimoniis niti, adserere non dubitent. Sed redeamus ex diverticulo in viam. Tota Scripturæ sacræ compages, ratio manifestæ, nullis consequentiis difficilibus elaborata, nulla subtilitate nixa stant pro hac nostra controversia.

Neque tamen diffiteor esse loca quædam, quæ pro adversa parte aliquo modo videntur militare: Sed ea oppido sunt pauca, adeoque obscura & controversa, ut in computum venire non mereantur cum tot tantisque planis, perspicuis, & extra omnem controversiæ aleam positis Scripturæ testimoniis, quæ ubique in singulis fere paginis ac periodis occurrunt. Et miseri sane ac miserandi merito sunt isti mortales, qui præteritis infinitis ejusmodi testimoniis sua propria luce splendentibus, & quæ, nisi per vim, in sensum alium detorqueri non possunt, pauculis istis & controversis adherent non aliter quam hirudines; istis pugnant, istis se jactant, istis triumphant contra clarum cæterorū Solem.

*AEquisi-
mum*

P R Æ F A T I O.

num profecto est ut pauca pluribus, obscura claris, dubia indubiis cedant, & non hæc ad illorum, sed illa ad horum incudem revocentur. Quolibet interpretationis malagmate utendum potius est, ut paucis, obscuris, dubiis lux adferatur à claritudine cæterarum, quam ut pluribus claris apertisque vis inferatur, & tenebræ ab obscuris suffundantur. Qui contra faciunt, ii sane parum sunt equi erga veritatem, & ingenio suo abutuntur ad multorum perniciem. Inter ista loca caput nonnum ad Romanos proram pene ac puppim facit. Isto, veluti Gorgonis capite, pugnant non Doctores tantum, sed & fabri sutoresque. Et in eo præsidium adeo firmum positum esse creditur, ut inexpugnabile censeatur. Nec desunt qui mirantur, quomodo, eo conspecto, non protinus convertamur in lapides ac saxa, ac vel hiscere contra audeamus. Atque, ut verum fatear, quia caput istud ut non pauca alia Paulina, operosiore explicatione eget, utpote totū allegoriis & typis involutum, sententiisque brevibus & abruptis intercisum, parum abest, quin revera inexpugnabile sit apud eos, qui verbis ejus ac literæ mordicus volunt inherere, neutiquam attendentes ad id, quod de Paulinis quibusdam monet Petrus, esse in iis nonnulla intellectu difficilia, quæ indocti, parumque stabiles detorquent, ut & reliquas Scripturas ad suum ipsorum exitium. Interim quotquot mancipia literæ non sunt, cū de allegoriis agitur, sed veritatem amant sine præjudicio, ii facile vident, non modo nullum præsidium in isto capite situm esse pro ista de Fatalitate opinione, sed in eo arcem atque armamentarium reconditum esse, ex quo ea fortissime oppugnari, labefactari ac tantum non supeditari potest. Præter & extra hoc caput, quæcunque allegantur testimonia, ea nil nisi lacinia quedam sunt, hinc inde à reliquo Scripturæ corpore avulsa, & quæ solo locutionis methaphorica colore nitent. In eo hærent ac stupent non aliter, quam fascino præstrictæ mentes. Nempe Deus aliis dicitur dare cor novum, facere ut in viis justitiæ ambulent, trahere, creare, gignere, vivificare, suscitare eos in novam vitam: alios vero excæcare, indurare, in sensum reprobum tradere, aliæque. At quam, obsecro, levidensè argumentum est, quod ex vocibus petitur? Scriptura plena est figurarum, troporum, metaphorarum, allegariarum. Nunquam finis erit, si quis mordicus istis velit inherere & pugnare, Et cū eadem voces, eadem actiones tribuantur hominibus ab eadem Scriptura, quæ tribuntur Deo, quis exitus? Sola ratio præceptionum præmiis

P R Æ F A T I O.

premiis ac pœnis sancitarum, in quibus tota Scripturæ medulla sita est, legem interpretandi nobis ponat necesse est. Vbi ista locum habent, ibi impossibile est, ut phrasæ ista aliter quam violenta manu trahantur ac torqueantur in istam pro Fato partem. Hæc enim ratio tam clara, tam evidens, tam palpabiliter manifesta est, ut ex ea una ac sola controversia hujus decisio facillima, si quæ alia ulla, censeri debeat.

Hinc jam id, quod ultimo loco proposuimus, liquet; videlicet, quanto certior, tutiorque sit hujus nostræ, quam cæterarum pene omnium controversiarum decisio. Certissima decisio est, quæ fit ex clarissimis Scripturis & rationibus nulli non obviis, quæque statim & facillime ab unoquoque mentis tantum suæ compote fieri potest. Tutissima decisio est ea, quæ pro pietate, pro officii nostri necessitate facit, & ad nullum alium finem spectat, quam ut divinis legibus, iussibus, promissis, minis sua constet autoritas. Sed audire mihi videor, qui contrariū nobis persuasum volunt: Periculosam, scilicet, esse decisionē, quæ pro libertate humanæ Voluntatis fit. Quia, si homo liber est, tū totus quātus quantus est, non dependebit à Deo: si vero à Deo homo totus non dependet, ex homine tandē Deus fiet. ô Subtilitatem! Nempe isti mortales metuunt, ut, si homo liber dicatur, ex homine tandem Deus efficiatur, & non metuunt, ut contra, si homo liber non est, ex Deo Diabolus aut Tyrannus Phalaride quovis immanior efficiatur. Hæc consequentia plana, facilis, obvia & palpabilis est. Ista ne speciem quidem habet. Quæ enim, obsecro, ista est divinitas hominis, quæ tota in sola volendi libertate consistit, atque interim potentia, autoritate & jure omni proprio destituta est? cujus usus ex alterius arbitrio ac Voluntate pendet, & cujus abusus eum, in quo est, gravissima pœna reum facit? At manifesta est ista crudelitas, si Deus dicatur, innoxias suas creaturas inextricabili peccandi necessitati illigare, & eas deinde ob peccata ad ineffabiles atque æternos animæ & corporis cruciatus damnare. Neque vero est quod hîc quisquam mihi regerat, hominem in statu primo liberum conditum fuisse. Sic enim alterutrum sequetur; Aut Deum aliquando fecisse ut homo Deus esset, aut, si liberum eum creando id non fecit, certissimam esse consequentiam, summam Tyrannidem & crudelitatem Deo tribui, quando hominem non liberum æternis cruciatibus destinat. Qui istis magis sapere videri volunt, ii gratiæ divinæ detrahi & homini gloriæ

PRÆFATIO.

& homini gloriationis ansam subministrari clamant, si homo liber statuatur; quasi vero aut gratia divina nō sit gratia, nisi homo bos aut lapis fiat, aut gloriationi vana locus esse possit, ubi primus ac principalis libertatis usus in bono à gratia suspēditur. Nūq̃; Sed hæc omnia aliq̃; in hac Apologia plenius tractātur. Nolo actū agere. Hæc cum ita se habeant, dilecti Fratres, non est quod aut vos aut me pigeat pudeatve eorum, quæ jam per decennium integrum & fecimus & passi sumus pro hujus controversiæ patrociniō. Ego vero etiam mihi vobisque gratulor, gloriōrque in Domino Iesu, quod dignos nos judicaverit & idoneos fecerit, per quos tam iusta, tam utilis, tam clara, tam facilis, tam certa, tam tuta veritas adfereretur. Parum nobis videri debet, quid alii de nobis nostrisque laboribus ac doloribus sentiant. Fatua sæpe hujus ævi judicia sunt, aut iniqua: Pauci sine gratia, sine offensa aut odio judicant. Rationes solæ ponderandæ sunt, & conscientiæ bonæ studium alienis omnibus judiciis est præferendum. Nemo mortalium omnibus simul placuit; & nos, si hominibus placere studemus, Christi servi non sumus. Bonis ac bonæ conscientiæ studiosis siconsilia, si studia nostra probamus, ultra nihil aut exspectemus aut optemus. Axiomata eorum, qui omnia ex usu suo aut quiete publica metiuntur, ad nos non pertinent. Istis Caiaphæ consilium hodieq̃; sacra Reipub. anchora est, qua stat vigetque. Conducit nobis ut unus homo moriatur pro populo, & gens tota non pereat. Et dubitare liceat, an non isti ipsum Dominum Iesum denuo in crucem acturi essent, ut istius axiomatis hostem & pacis publicæ turbatorem, si ad eos rediret: utilitate publica compensatam crederent privatam iniquitatem. Nobis aliamens, alius animus est. AEquisissimum esse novimus ut Dei veritas, quæ ad pietatem utilis est, & à seditione omni aliena, non ad mundi hujus legem, sed totius Mundi Lex ad Dei, Christi que unius sacrosanctam veritatem dirigatur. Vbi id non licet, ibi Synagoga Satanae est, qui homicida fuit ab initio, & Pater est mendacii. Sed valeant hi, & res suas sibi habeant. Eorum vicem imprimis doleo, qui cum veritatem recte norint, & pietatis amorem ac studium præ se ferant, quin etiam eos qui propter eam in hoc seculo affliguntur, recte atque egregie facere credant, adeo tamen segnes ac socordes sunt, ut præter inanem adfectum sterilemque jurandi voluntatem, nihil conferant. Indigni utiq̃; sunt, qui sub Christo mereant & stipendium melioris vitæ faciant. Nos, uti cæ-
 ò
 pimur,

PRÆFATIO.

pimus, ita pergamus, non minus fortiter, quam alacriter. Deo hoc debemus & proximo nostro. Sacramentum semel diximus Domino ac duci nostro Iesu: Perfidi ac perjuri sumus, si Sacramento isti renunciamus, si deficimus, si cedi-
mus, aut nos ipsos subducimus tam præclare, tam utili, tam gloriose pugna pro
divina veritate. Et cur cedamus, Fratres? Vidimus, & gratia tibi sit Domine
Iesu, vidimus, inquam, jam per annos aliquot fructum laborum nostrorum non
exiguum. Semen jactum in terram, & aliquamdiu rore patientiæ vestræ,
quin & sanguine vestrorum irrigatum feliciter hic illic adolevit, & adolevis-
set longe altius uberiusque, nisi, proh dolor! malefana & cruenta paucorum con-
silia plurimum innocentiam maculassent, & veritati feliciter succrescenti, con-
traque onera ac pondera afflictionum, palme instar, sese erigenti, manum &
remoram injecissent. Nostis quanta nos adversariorum phalanx hætenus pres-
serit: quam diris animis, sanguinariis consiliis, immanibus ausibus in nos sevie-
rint: quot convitiis, maledictis, suspicionibus nos publicæ infamiae prostitu-
erint, ut per latus nostrum veritatis cursum sisterent: Nihilominus tamen di-
vina veritas per omnia ista obstacula viam sibi fecit, & veluti ruptis obicibus
flumen solet, per universum terrarum orbem se longe lateque diffudit. Parum,
fateor, profectum est apud eos, qui malorum nostrorum authores sunt. Sed quid
mirum? Interest eorum ne veritatem & innocentiam damnassee, ac sine causa
patriam atque Ecclesiam turbasse videantur. Tum frustra fere disputatur cum
duobus hominum generibus. Cum iis, qui credunt se errare non posse, & cum
iis, qui credunt se ea fide præditos à Deo esse, quæ excidere nunquam potest. Ut
hi errorem suum videant pene impossibile est. Laterem lavat, qui rationibus
eos ab errore ipsorum abducere conatur. Nolent videre, etiamsi Solem manu tua
portes, ut hæc vestra Apologia recte loquitur. Talium non est fides. Alii sunt
inter eos, iique magno numero, qui vel simpliciores sunt, quam ut arcana doctri-
na istius pervideant, vel segniore quam ut in ea inquirent, vel doctiores quam
ut ea probent, vel aquiriores quam ut dissentientium rationes non posse veras esse
in animam suam velint inducere; vel probiores quam ut iis, quæ semel didicerunt,
pertinaciter herere velint, aut meliora monstrantibus non cedere. Sunt qui
fundamenta & axiomata eorum non intelligunt, adherent tamen sectæ, prout
aut suus quemque affectus impellit, aut aliena allicit suada, aut spes metusve
devin-

PRÆFATIO.

devinciunt. Sunt qui uni isti sectæ odio aliarum sectarum omnium usque adeo bene volunt, ut in animum inducere nolint, esse in ea, qui tam horrenda, tam absorta in sinu suo fovent. Excusant, emolliunt, dedolant scabra, dura & aspera omnia benigne interpretationis aut elaboratæ alicujus distinctionis ascia, & si nihilominus sentiatur asperitas & horror, caritatis pallio ea velant; & hoc appellant non revelare patrum pudenda. Tantum valet quo quis affectu in Sectam suam feratur. Sunt qui nihil horum probant, adherent tamen & silent, quia credunt se impares defensionis, ne culpa ingenii divinam veritatem prostituant. Alii aliis de causis adherent, prout quisque aut sibi ipsi palpum obtrudit, aut ab aliis sibi obtrudi non illibenter sinit. De hisce omnibus spes est, ut ab errore suo in rectam viam revocentur. Quæ eos impediunt, quominus in errore se versari intelligant ex maligno fonte non proveniunt. Præjudicium non fixit adhuc radicem in animis eorū, nec pessulum adhuc menti voluntas obdidit. Rationibus aditus adhuc patet. Nec raro tempus, veritatis filia, lemas sponte sua facit excidere. Vti mustum tempore despumat, & facibus in fundo subsidentibus enubilatur ac serenū redditur; ita etiam temporis tractu non raro componuntur turbati animi, ubi ebullierunt odia, affectusque eruperunt. Sape subita & levis quadam occasio errorem tollit, ut radius nubem. Inter hos fructum fecit labor noster, & faciet cum bono Deo. Nostrum est curare ne illis desimus, ne causam habeant à nobis, cur in errore maneant, imo ut causam à nobis habeant, cur ab eo exeant, atque ita, quod errori conjunctum est æternæ salutis periculum, nostra ope evadant. Atque hoc quidem fieri tum inprimis æquum est cum videmus errores noxios nova specie veluti honesto stragulo tegi, aut autoritate eorum fulciri, quos eruditio ac professio sua supra alios longè extollunt: Id toties hoc nostro ævo factum vidimus, ut jam pene exhausta credam ingenia & ad errores incrustandos nihil pene fuci ac ceromatis reliquum esse. Tentarunt quidem nuper Theologi Leydenses in Censura declarationis nostræ novo fuco errores suos circumlinere & declarationem nostram in suspensionem variorum errorum vocare, sed quam infelicitè, Christianus orbis discet ex hac Apologia nostra. Atque hac quidem ratione si veritatem propugnare pergamus contra mangones istos, qui errores suos fuco ac specie veri circumlitos incauto populo obtrudunt, fieri non poterit, quin multorum minime malorum

P R Æ F A T I O.

oculos aperiamus, ut videant quanto in errore versentur, atque ita populum meliore veri cognitione imbutum Christo Domino nostro lucrifaciamus.

Neque tamen existimo hac in re præcipuum laborum nostrorum fructum consistere, quod multos ab erroribus noxiis liberemus, & meliore veri rectique scientia instruamus. Absit: Scio majores & meliores fructus requiri, ut Christianus populus simus, & à reliqua pereuntium turba segregemur in peculium Dei, atque immortalis vite hereditatem consequamur. Scientia sola neminem facit Christianum, ac non raro inflat hominem, ut Christianus fieri vix possit, aut factus semel Christianus, paulatim Christianus esse desinat. Scientiæ fructus pietas esse debet, & vitæ sanctimonia legibus Christi digna. Sine hac nemo Christianus esse potest, nemo videre Dominum. Hic scopus itaque laborum nostrorum, post divini nominis gloriam potissimus esse debet. Verum enimvero, si huic nostro scopo, aut hisce laboribus nostris non respondit adhuc fructus iste, inde tamen neutiquam æstimanda est doctrina nostra. Ex fructibus æstimandi sunt homines, non semper doctrina. Fieri enim potest ut doctrinam optimam pessimi mores consequantur, ut acetum optimum vinum solet. Doctrina æstimanda non est ex fructu suo, sed ex fine & ex propria vi atque indole sua. Semper ea manet sanctissima atque optima, etiamsi in iis, qui eam norunt & profitentur, nec finem istum suum adsequatur, nec vim suam exserat. Pietas non fluit ex ea, uti fructus ex arbore. Nempe non efficit vi sua, ut homines non possint non esse pii, sed dat ut habeant, unde pii possint evadere. Pluribus opus est ut reipsa pii sint. Nimirum, per ipsos stare potest, quominus pii evadant, etiam cum ab ea acceperunt unde pii fieri possunt: Vt in tenebris positus videas, lumine opus est & videndi potentia; ut accenso lumine, & potentia visiva uti nolis, tui est arbitrii. Non videbis, si nolis, etiamsi meridies sit, & tu acutius possis cernere,

Quam aut aquila, aut serpens Epidaurius.

Similis doctrinæ ratio est. Illius lumen & tua potentia, quam à divina gratia accepisti, ut pius possis evadere, non facient unquam ut reipsa pius evadas, si animum refractarium ipse adferas. Voluntate tua obicem potes ponere, quominus te irradiet lumen aut potentia se exerat, nullo doctrinæ vitio, nullo potentia defectu. Qui doctrinæ suæ peculiarem quandam vim divinam adspirari volunt,

PRÆFATIO.

volunt, quæ in voluntate nostra, sine voluntate id efficiat, quod doctrina mandat; ii divine doctrinæ usum, & voluntati nostræ officiū suum adimunt. Quicquid aliunde in nobis, sine nobis efficitur, id nec per doctrinam præcipi nobis, nec a nobis ex officio nostro fieri, dici potest. Voluntas ista jumenti instar est, aut potius organi, quod ex aliena inspiratione movetur, & modulos facit ad digitorum arbitrium. Doctrina itaque hujus nostræ utilitas ex fine & vi sua propria æstimanda est, non ex effectu aut eventu. Ea vero multo maxima est, & quæ per se sola sufficit, ut non debeamus videri non satis gravem causam habuisse, cur tam fortiter, tam constanter eam cum stipendiorum, fortunarum, patriæ ac libertatis nostræ damno, aliorumq; gravissimorum malorum toleratione propugnaverimus. Bene habet, dilecti Fratres, Per eam bellum indiximus impietati. Per eam sanctimonie & bonis operibus operam nostram navavimus, quorum portæ & muri quatuntur à fatali ista machina. Nunquam nos hujus conatus studiiq; pœnitere debet. Nimis multis validisque fulcris pene ubique fulcitur impietas. Ex omni parte bellum ei est indicendum. Minimus quisque error pro tibiçine est, quo se sustentat. Ex omni occasione pabulum sugit, quo se alit augetque. Nisi nos, qui ei destruendæ vocati sumus, pro virili nostræ fulcra, quæ videmus, subtrahamus: nisi subducamus pabulum, indigni utique sumus, qui serviamus sanctissimo Domino nostro Iesu. Christianus orbis gemit sub onere. Et utut qualibet secta videri velit in tollendo onere isto idem nobiscum facere, vix tamen ulla est, quæ hunc præcipuum scopum suum facit. Qualibet pene intra reformationem errorum aut rituum quorundam stat, & hoc titulo sese ab aliis segregat. Quæ errores, superstitiones, ritus reformant eo solum fine, ut impietati, peccatis, vitiis, odiis, dissidiis, schismatis ansa præcidatur & vera Christiana pietas ac caritas vigeant,

Apparent raræ nantes in gurgite vasto.

Atque hinc fit, ut secta ipsæ perpetua odiorum, & quæ odia consequi solent, variorum enormium peccatorum fomenta sint, & Deo ita permittente, in singulis pene aliqua doceantur, quæ cedunt in alimentum aut impietatis, aut non necessarij schismatis. Nulla tamen est, quæ impietatem validius firmat ac stabilit (etiãsi aliter ipsi videatur) quam Prædestinationis Fatalis magistra Secta. Atque hinc sunt tam acria, tam crudelia, tam indefessa pro ea molimina. Nihil

PRÆFATIO.

intentatum relinquit Satanas, ut istam arcem sibi retineat. Quin & ingenia omnia, omnes strophas, artes, consilia & studia adhibet, ut persuadeat mortalibus eam pietatis ipsius sedem esse ac domicilium. Quo magis laborandum nobis est, ut contrarium Christiano orbi, atque imprimis bonis omnibus in patria nostra magis magisque pateat. Diluendus est hic fucus & detrahenda hac larva omni cura studioque. Silentio id fieri non potest. Tergiversatio etiam omnis errantibus fiduciam, & errori addit incrementum. Controversiarum examine opus est, ut ventilabro, quo ventiletur palea subtilitatum, qua error tegitur. Nullus Zelus hic potest esse nimius, si intra modestiæ fines se contineat, & affectus affectuumque causas omnes procul habeat. Si disputationes & lites fugimus, fugiamus vanas & inanes, quæ nec scienti juvant, nec ignorantibus nocent. Istæ sunt otiosarum, & curiosarum mentium diversoria, in quibus otii simul atque ingenii sui opes misere dilapidant, & non aliter quam viperæ mutua salivatione, venenum simul ac voluptatem sibi affricant. Neccessarias aut utiles pro pietate, pro religione nunquam aversemur. Hoc foret hastam abjicere, & terga dare Satanae per errores ad impietatem grassanti, & tantum non de pietate ac pace triumphanti. Superflua atque inutilia questionum vagæ ne consecemur. Quod in corpore sunt humores supervacui, id in Theologia sunt questionum superflua. Quando istis turget tumetque mens nostra, necessaria atque utilia vix admittit, inflatis utribus non absimilis, in quibus nil nisi ventus est. Atque hinc fit, ut in scholis raro aut nunquam discantur necessaria atque utilia, quia fere non necessariis & superfluis diffluunt ac redundant earum cathedra ac pulpita. Transcurrenda sunt solertissimæ nugæ, & properandum ad ea, quæ in vita nostra usum, & in morte solatium secum adferunt.

Atque hæc eo pertinent, dilectissimi Fratres, ut intelligatis scopum huius mei ad vos alloqui non esse, quasi cura nostra tota in hac de Prædestinatione controversia recte intelligenda stare debeat. Absit. Priores habere debet & succedaneas alias curas. Rerum necessariarum cura primas semper tenere debet. Nec discrimen inter eas ullum faciendum est. Pari necessitate singula semper urgenda sunt. Necessitatis etymon hoc docet. Utilium rerum cura ut eam sequatur necesse est. Magna earum vis est in animis nostris: Et ea nostra est infirmitas, ut iis veluti stimulis ac calcaribus excitari, veluti fulcris sustentari

opus

P R Æ F A T I O.

opus habeamus; fulti vero excitatique, alacrius multo curramus in viis Domini: iis destituti, aut jaceamus toti segnes inertesque, aut lento valde gradu pergamus ad metam. Adeo repente sentit caro nostra remoram ex omni occasione, ut in capto cursu aut hereat, aut retrocedat. Posthæc inutilium & noxiarum rerum ratio habenda est, ne bonæ segeti se misceant veluti Zizania, & pietatis succum ac medullam alio derivent.

Atque hæc isto ordine cum facimus, tum vero viam obstruimus impietati, quantum in nobis est. Habent tum à nobis omnes, ut non de parte vitæ una, sed de tota vita sua deliberent. Si in hac una controversia perpetuo stamus, si hoc tantum agimus, ut de quinque, qui vocantur, Articulis, recte sentiat, parum profecto egimus: Vti ideo plerique peccamus, quia de partibus vitæ omnes, de tota vero nemo deliberat; ita ideo desipimus plerique, quia de hoc aut illo Religionis capite recte intelligendo & aliis persuadendo solliciti sumus, de tota vero pietate curam, quam par est, non suscipimus. Aut tota pietas urgenda est, aut nulla. Non magis ad salutem proderit in una sola pietatis parte stetisse, quam in nulla. Nec vera pietas, nec Deo Christoque digna est virtus, non esse pessimum.

Virtus est vitium fugere, & Sapientia prima
Stultitia caruisse.

Non fugit vitium, qui ab uno alterove se expedit, & pluribus aliis nihilominus tenetur implicatus. Habitus omnes exuendi sunt. Exceptionem nec facit, nec patitur pius animus. Ut exuantur serio, totius divinæ Religionis amore opus est. Sic enim fit, ut omnes ac singuli pariter odio habeantur. Religio distinctionem non patitur, nec amor divisionem. Nec mirum. Quod in corpore letale vulnus, id in anima cujuslibet peccati habitus est. Vnus solus ad nos eternum damnandos sufficit.

Atque hisce quidem omnibus si jungamus caritatis & commiserationis affectum, tum vero explevimus numeros omnes officii nostri. Videmus Christianum populum in infinitas pene sectas & sectarum particulas membra-
tim discriptum ac dirvulsum esse, & dirarum, inimiciarum, quæ ex istis fere solent fluere, nec modum nec finem esse. Iacet, jacet, proh dolor! corpus illud sacrosanctum, quod tam blandi, tam pacifici, tam misericordis Domini ac Magistri
nomina

P R Æ F A T I O.

nomen præ se fert, misere in sua propria viscera conversum, Cadmeis victoriis dilaceratum ac pene in frustra concisum. Quelibet secta unguis & dentes in vulneribus istis impactos tenet, ut labia jam satis hiantia magis magisque à se invicem divellat ac distrahat. Nulla fere de iis adducendis, conglutinandis, sanandis cogitat. Ferreus est, quisquis hæc videt, & non ex imo pectore ingemiscit. Fieri enim non potest, quin hæc labe, hæc macula, hoc opprobrium in Dominum ipsum Iesum & sacrosanctam ejus Religionem redundet. Habent inde Iudæi, cur ab ea toto animo maneant alieni atque averfi: Profani vero & mundani homines, cur ex præscripto ejus non vivant, adeoque in pejus indies proficiant. Et quæ, obsecro, tanti mali causa est? Nempe, qualibet secta non tam hoc agit, ut se à superstitiosis, idololatricis, falsis cultibus præstet immunem; quam ut opiniones suas peculiare stabiliat & statuminet. Qui in istas consentiunt, eos singula suos vocant, nullo pene vitæ ceteræ discrimine. Quanto quis fortiores iras pro istis gerit contra dissentientes, tanto sincerior, tanto purior, tanto creditur esse reformatior. Nusquam mortalitatis recordatio, nulla errato venia. Adversarius veritatis puræ, quam vocant, acerrime contradicere, plumbeas iras gerere, Vatiniæ odia contra eos exercere, longissime ab iis recedere, imo eos proscribere, relegare, æternis carceribus mancipare, apex pene veri Zeli esse creditur. Sola consensione opinionum, non aliter quam tessera, suos dignoscunt; odium dissentientium in parte officii ponunt. Et quod pessimum est, Nullius ingenium errare potest, quin probitas ejus male audiat. Opinionum reprehensio in morum criminationem degenerat. Etiam ipsi veritati fraudi est, ab errantibus esse prolatam aut defensam: Diceret sectas omnes veluti sentinas esse, ad quas confluere permittuntur impurissimi & maledicentissimi quique, ut faeces atque excrementa generis humani, quibus hoc unum studium est, ut fortiter à cæteris omnibus dissentiant, & supera inferis potius misceant, quam ut vel latum unguem à placitis suis deflectant. Hic est vacors ille Spiritus, qui jamdudum totum Ecclesiæ corpus exagitat, & singula secum membra intestino dissidio committit. Hunc si curatum volumus, contraria nobis via insistenda est. Illi operam dant divisioni, disseparationi, odiis, rixis, schismatibus: Nos colligamus, congregemus, uniamus nobiscum quicquid cum Christo unum est. Illi opinionibus reformandis potissimum student, & pro erroribus quos exemptos cupiunt,

P R Æ F A T I O.

piunt, non raro tetriciores errores inserunt: Nos ante omnia pietati & paci Sacramentum diximus. Reformemus animos, consilia, studia, mores ad præscriptum Christi. Nam ut ait ille:

*Mores leges perduxerunt jam in potestatem suam.
Eæ miseræ etiam ad parietem sunt fixæ clavis ferreis,
Vbi malos mores affigi multo fuerat æquius.*

Et,

*Mores mali quasi herba irrigua succreverunt uberrime;
Neque quicquam hîc vile nunc est, nisi mores mali.
Eorum licet jam messëm metere maximam.*

Nunquam hîc frustra esse possumus. Pietas si non errorem, errandi saltem animum tollit. Recta sententia errorem quidem tollit, sed pravitatem animi sæpe non corrigit. Error veniam & commiserationem meretur; Impietas odium & pœnam: Errantes nuspiam cælo proscribit Deus, Impios ubique. A mundo & ab iis, qui se inordinate gerunt, à dissidiorum & scandalorum autoribus, à profanis, peccatoribus, impiis declinare, fugere nos jubet. Pios, Dei timentes, amare, complecti; cum lenitate erudire eos, qui contrario animo sunt affecti, errantium misereri. Exemplum dedit divinus iste Apostolus, acerrimus aliquin veritatis divinæ & libertatis Christianæ assertor. Quando cum Corinthiis agit, qui futuram corporum resurrectionem negabant, Christiani tamen animis ac studiis videri volebant, ipsa lenitas est. Non indignatur, non exacerbatur, non jacit excommunicationis fulmen contra eos. Fert, tolerat, patitur, fratres eos nihilominus vocat. Et tamē opinione ista quid sædius, quid turpius, quid religioni Christianæ magis contrariū dari potest? Et redarguit eos, inquit. Ita est, sed argumentis, sed demonstrationibus, absurdis, aliisque, ut instruat, ut doceat, ut erudiat. Longe aliter profecto quam cum de malis, improbis, impuris & injustis agit. Toto Zeli Spiritu in eos invehitur, ardet, indignatur, tonat, fulminat contra eos, qui communionē eorum ut pestē & lepram non fugiunt. Scripsi vobis, inquit, ne commisceamini, si quis, cum frater nominetur, sit scortator, aut avarus, aut ebriosus, aut convitiator, aut rapax: Dico atque edico etiamnum, cum istis ne edatis quidem. Incestuosus ille pro exemplo est: quanto animo, quanto Zelo, quā acri Spiritu incusat Corinthios, quod cum in communione

u

sua

P R Æ F A T I O.

sua ferrent, quod ab eo divortium non facerent? Nec hoc contentus, jubet eum absens corpore, sed Spiritu præsens, frequēte cœtu, in nomine & cū potestate Domini Iesu congregato, Satanæ tradi ad interitum carnis: Cur, quaeso, isthuc adeo lenis, hic adeo acer est Apostolus? Scilicet, errorum & peccatorū longe dispar est ratio: In his culpa, in istis soli locus est infirmitati ingenii aut iudicii. Hic idem limes, hic terminus noster esto. Deus hunc nobis figit: nostrum est eum non refigere. Quare, si qui à nobis dissentiant ceteroquin probi piiq; cogitemus idem nobis agendum esse, quod nobis fieri cupimus, qui ipsis aliisque errare credimur: Reciproca ista commiseratio concordie mater est. Neque vero existimare debemus inter opera carnis, quæ recenset Apostolus, dissensiones meras recenseri, sed lites, sed rixas, sed hereses. Lis non nudam dissensionem, sed contentiosam dissentienti libidinem significat. Hac enim est carnis fructus, & carnalis animi propago ac surculus. Nemo litigare censendus est, qui eam, quam veram atque utilem scitu credit opinionem, placida mente & rationibus adhibitis tuetur ac defendit. Qui id non facit, is segnis inersque merito habetur. Hæresin non facit opinio, sed animus. Illa in potestate nostra non est: Hunc, quia in potestate nostra est, prohibet ac damnat Deus.

Amemus itaque, complectamur, exosculemur eos, quos hæcenus Sectæ penes omnes implacabiliter oderunt, fugarunt, proscripserunt, & omni malorum genere affecerunt. Ista opera carnis odio habeamus, si salvi esse volumus. Damnemus, fugiamus, aversemur sectas istas, ubi omnia pene licent, præterquam dissentire: Vbi fratres & collegæ levissima ex causa sibi invicem superbis denunciationibus cælum & inferos decernunt. Non licet nobis cum istis vivere ut fratribus. Caro ibi dominatur, non Spiritus Iesu Domini nostri: Sapientia, quæ de cælo est, ea est pura, pacifica, moderata, obsequens, plena misericordie & fructuum bonorū, absque disceptatione, & hypocrisi. Ante omnia vero demus operā, ne consilia studeam; nostra jungamus cum iis, qui piorū hominum, quos errare credunt, persecutionibus, cæde ac sanguine se poluere non dubitant. Non discedamus modo, sed fugiamus quam possumus longissime & citissime à sanguinariis istis cætibus, ne cum iis pereamus. Servari non potest, qui istis, non dico favet, sed non se opponit, non refragatur, non reclamationat. Totus Christi Spiritus, tota regia caritatis. Christianæ Lex, tota anima Evangelii simul ac semel isto axioma suffocatur atque.

P R Æ F A T I O.

atque eliditur. Sanguis iste vindictā clamat, & exaudiet eum Dominus. Sanguis Abel est, sanguis innocentium & iustorum, quorum mors pretiosa est in oculis Domini. Ne simus sicut Cain, qui ex malo illo erat, & occidit fratrem suum, cujus opera iusta erant. Nullus homicida habet vitam æternam in se manentem. Inustum, pium, innocentem, quem errare credimus, ledere, verberare, vexare, scelus est coram Deo: Flagitium ac prope parricidium occidere; quid dicam in crucem agere, lentis ignibus ustulare, & rotis tormentisque excarnificare? Nemo id suadet, nisi Spiritus ejus, qui homicida fuit ab initio. Scio, Fratres, hæc vos mecum ita judicare & credere, atq; hoc nomine inter alia, ferre ac perferre tot adversa, tam gravia, tam diuturna: Vos imprimis Societatis nostræ decora ac lumina, quorum vincula jam non in Belgio tantum, sed pene ubiq; per totum orbem Christianum celebria facta sunt, qui patientia vestra jam per tot annos invicta atq; infracta, adversariis totiq; adeo mundo fidem fecistis, Conscientiam Remonstrantibus pluris esse, quam quicquid uspiam carū est in mundo. Ita pergite mecum ad metam, per gloriam & ignominiam, per convitia & laudes, per bonam & malam famam, ut seductores & tamen veraces, ut ignoti & tamen noti, ut morientes & ecce vivimus; ut qui castigamur, non tamen occidimur, ut dolentes, sed tamē semper gaudentes, ut pauperes, sed multos ditantes, ut nihil habentes, sed omnia possidentes.

Deus veritatis, Deus pacis, Deus consolationis, Deus Pater misericordiarum omnium, benedicat vobis, vestrisque laboribus, & perficiat vos in omni opere bono, ad laudem nominis sui, & multorum ædificationem.

*Ita voveo, ita precor ex animo vestri studiosissimus
in Christo frater ac socius afflictionis vestræ*

N. N.

Epist. 2. ad Timotheum cap. 2. 24.

Servum Domini non oportet pugnare, sed placidum esse erga omnes, aptum ad docendum, tolerantem malos.

Cum lenitate erudientem eos, qui contrario animo sunt affecti, si forte Deus aliquando eis det resipiscentiam ad agnitionem veritatis.

Conscientia virtuti satis amplum theatrum est.

Optimus animus, pulcherrius Dei cultus est.

h 2

A D

A D L E C T O R E M.

Benevole Lector. In vestibulo hoc paulum sta. Apologia hac Remonstrantium serius, parcius, & incorreptius, quam pro voto ipsorum & tua forte expectatione in lucem prodit. Pericula & impedimenta in causa fuerunt, quae sub cruce plurima & gravissima esse solent. Opere Typographica diu defuerunt, quae tandem non nisi maximis impendis redempta ac nihilominus tarda editionem ejus protelarunt. Parcitem rerum ac testimoniorum peperit librorum defectus & adjumentorum necessariorum inopia. Latendum fere fuit, & longe aliquando à libris aliisque subsidiis fugiendum ob editorum severitatem. Quae singula Censoribus suppetierunt, ea omnia defuerunt exulibus, & adflatis. Nihilominus satisfactum putant causae simul ac Censorum curiositati. Nihil dissimularunt, aut consilio praeiterunt: Ubique sententiam ingenue dixerunt, & libere. Ingenue, ne suspicioni locum relinquerent. Libere, ut conscientiae suae satisfacerent & bonorum desiderio. A necessariis non necessaria dogmata solite ex animi sui sententia distinxerunt, ut quae ad pacem & mutuam Christianorum coetuum tolerantiam pertinere putant Christiano orbi repraesentarent. Nempe hac via, Sectis, Schismatis, ac factionibus quibus passim fervet Christi populus, optime ac tutissime occurri posse persuasissimum habent. Hinc acrius aliquando carpservunt Censuras illas, quae milium, quod dicitur, terebrant, & leviculas dissensiones circa non necessaria aut non valde utilia, tanto cum supercilio exaggerant, ac si ex musca Elephantum facerent. Hoc tam noxium ulcus, hoc cacœthes acri aliquo canterio subinde opus habere crediderunt. Nec uspiam facile adfectus reperies, nisi in simili causa, ubi ad minutula & levia controversiarum tanquam ad vada & scopulos concordiae & mutuae tolerantiae naufragium futurum metuumt. Ista censendi impetigo salem postulavit, quo defricaretur. Per totum Censura corpus serpit & recurrit cum ardore & molestia. Animus pacis & mutuae tolerantiae studiosus non magis eam sine commotione ferre potest, quam tener oculus festucam. Hinc enim omnes in Ecclesia lachryma. Caterum ne te offendant παλινδρομικά, quae passim occurrunt. Censura id vitium est, non Apologia, quae presse vestigiis Sectionum singularum institit, ne calumnia studio quicquam praeiteritum esse conquereretur. Et tamen eas hic illic nonnunquam resectas & in suum locum rejectas reperies, ne fastidium te aut nausea caperet. Nec male te habeat, quod plerumque non Censorum sed Censoris vox occurrat. Consulto id factum est, quia Censura cento est, ad quem singuli laciniam contulerunt. Stylus & frequentes παλινδρομικά id arguunt; Inde nata est tam ingens Censura, quae alioquin pumila fuisset & nana: Menda Typographica non paucæ, si aliculi tibi spina & remora videbuntur, cogita eas ex temporis injuria, & variorum correctorum seu inscitia, seu incuria, seu ositantia natas esse, & disce afflictorum misereri. Vale & sine gratia sine odio, lege, judica.

APO-

A P O L O G I A
P R O
D E C L A R A T I O N E
R E M O N S T R A N T I V M,
contra Censuras quatuor Theologorum
Leydensium.

Introductio ad Lectorem Christianum.

QUAE omnium sæculorum, eadem hujus nostri calamitas est. Miserrima ferè est conditio eorum, qui veritati contra errores inveteratos, & innocentiae contra criminationes publicæ autoritate & vi armatas patrocinium suum commodant. Fieri vix potest, quin in diras obtreptiones incidant, ac tandem, quomodocunque se gerant, publici odii victimæ fiant. Nec silendo se probant, nec scribendo se purgant. Silentium eorum aut tacita culpæ confessio, aut perfida causæ desertio esse creditur: Scripta eorum vix nata, aut opprimit violentia, aut infamat calumnia. Quorum interest, ne ea pluribus adlubescant, ii ea aut in ipso partu velut infelices & communi suffragio damnatos foetus suffocant, aut censuris suis, veluti stigmatis inusta, publicæ infamiae prostituunt. Nempe ab istis deinde abhorret populus, veluti à monstris & infamibus ac mali ominis prodigiis. Et raro deest species iis, quibus publica autoritas & vis patrocinantur. Quicquid volunt, id scriptis istis penè cum cauterio inurunt, ut deleri vix possit sine cicatricis macula. Suspicio advocat ingenium, calumnia adhibet fucū, & utriq; mantellum circumdat, roburq; addit autoritas publica. Hinc fit, ut qui Confessiones semel scribere incipiunt, de scribendis sine fine Apologiis cogitare opus habeant. Apologia deinde Apologiam trudit, uti fluctus fluctum. Nihil tam rectè scribi potest, tam innoxie defendi, tam candidè suggeri, quod suspicio malefana non detorquet in pejus, & livor morfu suo, non maculat ac conspurcat. Hinc Apologiarum ac Declarationū nec modus nec finis.

A

Ex-

INTRODUCTIO AD

Experiundo id jam per annos aliquod didicerunt, qui in Belgio Fœderato vocantur, Remonstrantes: Postquam ex Academia, Ecclesiis & patria sua per vim & nefarias Ministrorum quorundam molitiones ejecti fuerant, eò quod Canonibus Synodi Dordracenæ subscribere, aut prodigioso silentio conscientiam & bonam mentem ejurare detractaverant, in eam tandem necessitatem compulsi fuerunt, ut de Confessione fidei suæ in lucem edenda cogitarent. Criminationes adversariorum id effecerant, quibus palam ac tantum non viritum traducebantur, quod mira opinionum portenta in sinu suo alerent, veteresque omnes ac diu sepultas hæreses refoderent, & de novo veluti paxillo susponderent. Ac licet crebræ Remonstrantium Apologiæ, ipsaque adeo Synodi Dordracenæ sententia in eos lata, jam pridem calumniam istam penitus exautoraverant, erant tamen, qui eam apud insanam fluxæque fidei plebem fovebant. Et color erat, quod, nisi ita esset, Remonstrantes publica fidei declaratione contrarium testaturi essent. Id enim desiderare Reformatum orbem, & Belgium totum una voce postulare. Hinc nata Remonstrantium Confessio. Ea res cum sufflaminatura videretur iras & odia adversariorum, oleum, quod dicitur, camino addidit. Nempe simulatque lucem vidit Confessio, expalluit calumnia, & innocentia Remonstrantium tam clare eluxit, *quam Solis esse radii, olim cum sudum est, solem.*

Hinc crescebat favor publicus, & uti fit, damnatæ triumphatæque Remonstrantium causæ accedebant complures. Febris hoc erat iis qui Remonstrantes damnaverant & calumniam sparserant. Irritati Confessione ista fuerunt, non aliter quam purpura tauri solent. Ac ne fidem inveniret apud plures, glisceretque bona de ea existimatio, ex Confessione solis pæne radio clariore pomum epidos fecerunt. Quæsi verunt in ea hæresium pæne omnium labes, non aliter quam qui in Sole maculas quærunt: Et pretium laboris erat, quod hac arte alebatur suspicio in animis eorum, quos jam pridem odia affectusque sui à Remonstrantibus alienaverant. Nimirum levi momento opus est, ut ea, ubi semel nata est, figatur, hæreatque. Ut tabes corporibus, ita suspicio animis infidet. Exinde Confessio Remonstrantium scopus esse cæpit, in quem dirigebantur tela & spicula linguarum pæne omnium. Sed ea principio non nisi eminus & clam jaciebantur. Qui palam & γυμνῇ τῇ κεφαλῇ id auderet, nemo erat. Nemo contra Solem loqui audebat. Sequebantur deinde, qui eam lacebant ex alto, apud inconditam plebem, sed procacibus potius

potius diſſeruiſſis, quam juſtis rationibus. Alii laciniam ejus aliquam hic illic ſuſtinebant ſugillare, vellicare, admordere, arrodere; ſed tam ignava lingua; tam futili opera, tam imbelli calamo, ut non niſi fermentum animi ſui proderent. Qui juſto examine eam ſollicitaret, nemo erat. N. Bodecherus ſignum primus ſupra alios omnes extollere videri voluit, ſed in eo nil niſi vœnalis induſtria, vilis labor, & mercenaria diligentia apparuit. Remonſtrantes cum judicarunt indignum ſerio reſponſo, rati ſufficere ſi ineptas ejus chartas exhiberent, ut dignas

*Deferri in vicum vendentem thus & odores,
Et piper & quicquid chartis amicitur ineptis.*

Nec movebat eos judicium, quod inſulſæ & propudioſæ ejus farragini, tanquam amuletum aliquod appenderant, quatuor Doctores Academici. Nempe horum intererat ut operoſæ iſtæ nugæ in pretio haberentur, eo ſolum nomine, quod calumniæ jam pridem ab ipſis aliſq; de Remonſtrantibus ſparſæ, momentum aliquod allaturæ videbantur, ſi non apud æquos & bonos, ſaltem apud eos, qui affectibus potius quam judicio ducuntur. At evanuit jamdudum tam inepta farrago ad conſpectum lucis, non aliter quam ros ad Solis æſtum.

Et nunc quarto demum poſt anno, Doctores ipſi quatuor, levato velo in ſcenam prodeunt, & quæ ab aliis antehac, aut per arcani licentiam perperam muſſitata, aut palam, ſine pudore, inconditis vocibus & ſcriptis contra Confessionem Remonſtrantium ſparſa fuerant, recolligunt, & mutata tantummodo ſcriptionis facie ac ſcena, publica veluti autoritate in integrum reſtituunt. Hæc reſ ſumus erit in oculis multorum. Nec enim obſcurum eſt, quantum poſſit apud imperitos rerum æſtimatores tam immane præjudicium. Cenfura vocatur, probroſo quidem & inauſpicato titulo, ſed qui autoritatem præfert cenſendi judicandique. Et Facultatis Theologice nomenclatura reverentiam addit ac prætium. Stupet populus in titulis iſtis plus quam in rebus, & judicata jam cauſa creditur, quæ iſtos præ ſe ferre meretur. Abſit verò à Remonſtrantibus, ut eos leviter habeant aut flocciendant, etſi non ignorent, quid ſit Facultas Theologica Leydenſis, & qui viri qui eam conſtituunt: ſed ſilentium obſtinare hic non poſſunt, nec debent. Vbi rea agitur divina veritas, in eodem foro, ut cauſam dicat innocentia, æquiſſimum eſt. Nec ægre ferre debent Doctores Academici, ſi Cenſuram ſuam ad incudem revocari videbunt, & quam graviter in ea pæne ubique

INTRODVCTIO AD

hallucinati fuerint, quantaque injuriâ Remonstrantes eorumque Declarationem oneraverint, Christiano orbi repræsentabitur. Fiet id à nobis ea animi æquitate, qua par est, & ea libertate, quæ humano omni judicio emancipata est, neque personas judicantium, sed judiciorum pondera ad veritatis rectæque rationis trutinam amat expendere, ut omnibus quaquaversum constare possit, Remonstrantes Apologias scribere non pro sectæ suæ gloria, sed pro innocentiae suæ veritatisque divinæ victoria.

Censendi modus reprehenditur tribus nominibus.

I. Quod sit admodum immodestus.

Ac primum quidē Censendi modus animadvertendus venit, deinde Censura ipsa. In Censendi modo, tria statim occurrunt animadvertione digna. I. Quod sit admodum immodestus & inclemens. Variat quidem pro cuiusq; Doctoris ingenio, indole atq; industria, sed ubiq; se prodit exeritq; fermentum inclementis animi. Inter cæteros tamen unius torvum atque ubiq; adseveratum supercilium eminet. Nihil iste leniter, nihil clementer, nihil moderate censuit: Minoem crederes aut Rhadamantum, tetro atque irretorto vultu, nil nisi amarulentas damnationes de plano scribere: ubique in adversarios censoriam virgulam vibrat, veluti in hostes feralem hastam. *Scepticos, Pyrrhonios, circumcelliones, mendaces, turbones, seditiosos, blasphemos* eos facit, perinde ac si sentina sint omnium errorum simul ac scelerum. Proscriptiones æternas, incarcerationes perpetuas, persecutiones dirissimas, pro levibus stricturis, quin & pro moderatis benignisque tractationibus habet crudelis Censor. Vtinam hoc ei Deus aliquando non imputet! Neque tamen ab ingenio & indole ejus abhorrent cæteri, etiam si oratio eorum paulò sit mollior mitiorque: Similes habent labra lactucas. Cum ad rei apicem ventum est, conspirant, uti in velabro olearii. Mira utique est vanitas istorum hominum, quos cum titulus professionis suæ affectibus mansuetudinis, modestiæ & clementiæ supra cæteros deberet imbuiere, cæteris omnibus longe reddit tetiores atque immittiores. Nempe simul atq; titulus eos supra vulgus extulit, repente videas eos altiore cothurno & erectiore spiritu sublato incedere, loqui & scribere, non aliter quam si cum inani titulo tota facultas Theologica evestigio in eos commigrasset.

II. Quod sit fastidiosus.

Deinde censendi modus ubique admodum est illiberalis & fastidiosus. Nihil intactum relinquunt: Ubique dentem aut unguem habent, non aliter quam si Confessio tota non esset nisi pus & sanies. Omnia adeo scrupulatim censent, ut non tam cum judicio singula censuisse, quàm ex morbo animi omnia censere tantum voluisse videantur.

Neque

Neque hoc tantum; ubique fere omnia simul censent, adeo ut censura veluti anima in corpore ubique & in singulis Confessionis partibus ac sectionibus pene tota sit. Credas eos singulos certatim id operam dedisse, ne vel censura videretur pumila nani instar, vel ne alter altero in censendo videretur fuisse aut oculatior aut acrior: ubi rebus sensibusque unguem non possunt imprimere, ibi verbis phrasibusque dicam scribunt, quas tamen, si Calvinus modo aut alius quisquam de grege eorum protulisset, ambabus manibus amplexarentur: Hæreses ex loquendi formula aucupantur, quasi qui receptas eorum Formulas tanquam prætoria aliqua edicta ad digidi crepitum non amplectuntur, non secus horrere oporteat, ac si elephanto assem porrigant aut Lorcris legem suadeant. Vbi nihil habent quod censeant, ibi censendi cupiditatem veluti aliquod curiosæ industriæ suæ vestigiū relinquunt. Et suspicio ubique in singulis penè sectionibus velum est, quod malèfanæ curiositati suæ obtendunt, quasi sc. caritatis & industriæ Theologicæ apex sit, nihil boni de adversario suo credere, omniaque etiam optimè dicta ejus pejore semper viâ trahere.

Denique censendi modus passim valde est iniquus: Ex privatis claris, Viri M. Episcopii thesibus, exercitii gratia intra domesticos parietes & multò ante, quàm Confessio edita est, disputatis, publicâ & communem omnium Remonstrantium Confessionem censent; dignissime profectò mortales, quorum fides Dordracena ex Piscatoris, Gomari, Maccovii, aliorumq; ejusdem exedræ Doctorum scriptis lege talionis censeatur. Sicubi in thesibus Episcopii minus aliquid occurrit quàm in Confessione legitur, tum ex Confessione omniū theses Episcopii censent, contra, sicubi plus occurrit, tum mutatâ rursus scenâ Confessionem ex Episcopii thesibus censent. Sicubi Episcopus disertè contraria iis, quæ Confessione continentur, in thesibus suis statuit, ea dissimulatione tegunt, & Confessionem nihilominus suspitione veluti atramento maculant, nò aliter quam si histrioniam exercerent cum mundo, & incautioribus tam inani commento fucum ac præstigias facere, Theologicæ subtilitatis & Academicæ industriæ culmè esse crederent.

Hi censendi modi quam sint alieni ab ingenuâ & candidâ indole Christianorum, qui ex æquo & bono aliorum scripta censent, non est necesse ut multis demonstretur. Nihil tam alienum à regiâ Christi lege, quàm crudelis animus. Nec fieri potest, ut judicium sit sincerum atque incorruptum, quod à tali animo proficiscitur: Cavillatio ei propria est, quæ circa festucam hæret, tanquam si trabs esset, & in scirpo

III.
Quod sit iniquus.

EXAMEN

nodum quærit. Commiseratio bonæ mentis index est, & animorum errantium, licet obstinatissimorum, illicium simul ac glutinum. Cavillationem omnem procul habet, & affectibus fibulam imponit, ne in censendo exorbitent; acrimoniam vitat æque ac fastidium. Sufficit animo pio errorem detegere, ita ut errantem non exulceret, aut lectori non pariat nauseam. Quicquid excusationem, aut benignam interpretationem pati potest, id dissimulat ac præterit tanquam non animadversum; in leviculis hæere nec vult nec potest: in majoribus hæret, sed sine morfu, sine affectu. Hæc si perpendissent Doctores Academici, nec tam inclementer, nec tam illiberaliter, nec tam inique in censendo se gessissent. Sed hanc monelâ supercilium eorû non capit, & crudelissimus animus in tuto est, quando magni zeli specie tegitur.

Examen Censuræ Præfationis.

Censuram ipsam quod attinet, ea versatur circa præfationem Confessionis, & circa articulos Confessione comprehensos.

Sarcasms
Censoris de
Præfationis
magnitudine
recessit.

Censura quæ circa præfationem versatur, multas habet λεπτολογίας & minutias, quas in pulverem pæne secuit Censor. Nos eas non consectabimur, sed silentio & contemptu vindicabimus, indignæ enim sunt Censore serio. Injurias etiam, convitia, scommata & calumnias, quibus hîc illic respersa est, negligemus. Magni animi est an istas habere nolle, nec aurem, nec linguam. Tantum ea tangemus, quæ speciem justæ Censuræ habere videntur, & lectorem maxime remorari, atque in Confessionem iniquiorem reddere posse credimus. In limine ipso, magnitudo & prolixitas præfationis offendit Censorem; Nempe verbo simul ac semel dicta vellet omnia, idque ad præscriptum artis. Usque adeo ad Scholarum regulas ac formulas adusæctas habent aures oculosque Doctores umbratici, ut nihil sapiat nisi quod ad amussim earum accurate exactum est. Cum proportionem scribendum est & oratio elaboranda, veluti trabs ad libellam, ne quid extet aut protuberet: Alioquin delicatæ aures & tennelli oculi istorum Magistrorum dolent, tanquam si monstrum informe viderent, aut tonitru audirent, fragoremque è cælo. Ista vanitas trivialis est, quam libenter relinquimus Scholæ mancipiis, & iis qui docte & ex arte malunt scribere, quam in gratiam & ad captum eorum, qui legunt aut audiunt. Sufficit quod præfatio sit sine affectibus. Hi non decent Christianos, & qui veritatem libenter aliis persuadent.

persuasam volunt. Prolixitas affectari aliquando sine vitio potest. Nunquam satis dicitur, quod necessario dici debet, aut quod ex re & usu est, ut recte ac solide intelligatur.

Quæ post hæc sequuntur querimoniæ, eæ tam sunt futes frigidaque, ut cavillatorem & κυρινοπίστω potius deceant, quam Censorem. Andabatarum more pugnat censor. Nunc in hoc, nunc in illud præfationis comina, quod ἐνδιέλεγον putat, incurrit, & si quid oblique in se suosque quadrare credit, id arripit & in illud fertur τὰ ὑποσώσις εἰς κέρως θυμώμενος, sed conatu inepto plane atque irritō. Abusus quos circa formulas Confessionum accidere posse crediderunt Remonstrantes, veluti exerto digito indicarunt sine cuiusquam Ecclesiæ insectatione: Omnia in genere ab iis dicta sunt, quæ sic accepta nemo nisi væcors sustinuerit admordere: At ista tanquam in se suosque ex obliquo dicta operoso conamine à se amoliri studet Censor. Certe quanto istud facit curiosius, tanto magis suspicionem movet, ulcus istud in intestinis Ecclesiæ suæ latere, quod tactum & detectum non vult. Omnis non necessaria nimiumque sollicita defensio merito suspecta est. *Atqui, inquit, si causam suam contra nos non agunt, quid queruntur de auctoritate eorum, quæ ab Augustino adversus Pelagiū disputata & condemnata sunt, nisi quia existimant, se prægravatos fuisse sententiæ Augustini præiudicio, &c.* Quasi vero palā non sit Remonst. nullam humanam, nedum unius Augustini auctoritatem tanti facere, ut ejus præiudicio prægravari metuant: aut si quis, Pontificium fermentum adhuc redolens, isto argumento pugnare velit, eos eodem illo non tantum libenter pugnasse, sed & feliciter de adversariis suis triumphasse. Sola historia Pelagii ejus rei fidem facit. Sed istic non urebat eos calceus. Tantum id voluerunt, ut constaret quantopere paulatim invalescat in negotio fidei & formularum fidei, humana auctoritas: Exemplum Augustini instar plurimum esse poterat, & controversiæ nuperæ effecerant, ut exemplum istud lippis ac tonsoribus notum esset. Augustini enim & Pelagii nomina jam fabri ac sutores tenent: Et adeo unius Augustini auctoritas apud summos imosque hodie invaluit, ut Pelagii sententia non amplius expendatur an vera sit, sed eò ipso falsa credatur quia Pelagii est, & ab Augustino damnata, imo vero, quod multo pejus est, ut sententia omnis, remotissima licet sit ab erroribus Pelagii, eo ipso ut Pelagiana damnanda censeatur quod, Augustinum patronū non habeat. Nemo id nescit, & qui id cum dolore non animadvertit, nā is parum intelligit, quam profunde adhuc hæreat in veteri luto.

Cenfo-

Abusus formulæ
larum genera-
liter à Remon-
strantibus in-
dicatos, suæ
Ecclesiæ im-
pactos credit
Censor.

Quantopere
auctoritas for-
mularum paula-
tim invalescat
exemplo
Augustini o-
stenditur, quo
solo fere pug-
nat Censor
hic alique in
controversia
de gratia &
libero Arbi-
trio.

Censorem hunc tantum vide. In omnibus quæ contra Remonstrantes edidit scriptis, nihil penè aliud crepat ex Patrum scriptis, quam unius Augustini formulas & ὁμοιοτέλευται. Et mirificè sibi placet, quando auctoritate ejus aut sententiola aliqua à reliquo ejus scriptorum corpore avulsa, tanquam amentato aliquo telo pugnare se posse credit. Cæteri Patres, imprimis quos prior & purior Antiquitas vidit, sordent præ Augustino. Quibus gemina germana videre est in scriptis penè omnium qui de controversiâ Prædestinationis disputant, non Pontificiorum tantum, quibus id condonari posset, sed Reformatorum etiam, qui vocantur, pœnitendo sanè errore ac stupore. Quod interim, quæ de abusu, in extollendâ nimium auctoritate humanarum formularum, in Præfatione sunt dicta, verissima etiam sint, & experienciâ ipsa comprobata, id non ignoravit Cenfor, cum disertè ipse fateatur, Bergenses Concordistas, quos ita vocat, eo usque circa ipsa Reformatio- nis incunabula prolapsos fuisse, *ut verba Confessionis Augustana & Lutheri scripta pro norma fidei obtulerint*: Et hos tamen non Reformatio- nis tantum titulo se venditasse, sed etiam à Pontificiorum sententiâ hac in parte non minùs quam Censorem hunc videri voluisse alienos, nemo historiæ gnarus negaverit. Idem alijs pluribus accidisse, & quoti- die adhuc accidere non obscurè fatetur, *quorum eâ in re judicium suos non probare, nec praxin imitari velle* protestatur. Quare, cum idem tan- quam in suos dictum magno molimine à se amovere studet, non im- meritò sanè causam suspicandi dat, suos eodem intercute morbo la- borare: Neque dubium est quin verum sit, quicquid istud Cenfor ne- get ac perneget. Axiomata eorum, de quibus paulo post acturi su- mus, id adedò clarè probant, ut candela in meridie opus non sit. Ea- dem conclusio ex iisdem præmissis sequitur. Nec terminorum fucus, nec axiomatibus contraria protestatio sufficiunt evertendæ aut tegan- dæ manifestæ consequentiæ: ubi rerum testimonia adsunt, quid opus est verbis? Sed nos jam ea videamus.

Confirmatur
exemplo Ber-
gensium Con-
cordistarum,
& Cenforis
de iis propriâ
Confessione.
Parag. 4.

Examinantur
præcipua Cē-
suræ in Præfa-
tionē capita.

Primum caput
est de fine,
propter quem
declarationes
& Confessio-
num Formulas
cudi velint Re-
monstrantes.

Primum ac præcipuum caput, circa quod Censura Præfationis ver-
satur, est Quod Remonstrantes *Confessionum formulas edendas ar-
bitrentur, non propriè eum in finem, ut iis declararetur quid de controversiis
singulis constanter firmiterque orthodoxis omnibus ubique credendum sit, sed
quid ipsi de iis sentiant ac credant, quo tempore istas Confessiones pro
suis agnoscunt*: Deinde, quod formulas istas Confessionum idcir-
co edi nolunt, *ut statuantur veluti limites ac termini, intra quos solos Re-
ligio & salvifica Dei cognitio consistere credatur*. Hic ardet, hic æstuat,
hic

hic tumultuatur Cenfor, tanquam si ista oratione Majestas Synodorum & conciliorum omnium læsa ac violata esset, Symbolorum veterum autoritas deprecata, & Pyrithonia *ἑρῶν* in Ecclesiam introducta. Mira hæc profectò est insolentia ac temeritas in Doctore Reformato, qui non ita nuper omnium Conciliorum, omnium Patrum, totiusque adeò antiquitatis auctoritatem ejuravit, ut Scripturæ unius formulæ se obstringeret. Vix potuit propius redire ad damnatam & ejuratam non ita pridem sententiam, aut pejus consulere orbi Reformato. Res meretur, ut id clarum faciamus. Certum est ex Præfatione, Remonstrantes non loqui nisi de formulis Confessionum, quæ diversas de Religione sententias, circa dogmata non præcisè creditu necessaria, exprimunt, idque aliis quàm meris Scripturæ verbis. Ratio manifesta id evincit, Necessaria enim non tantum credi à nobis, sed credenda esse omnibus, omni tempore, ex æquo, juxta Dei præscriptum, nemo Christianos dubitat. Quare cum Remonstrantes Formulas Confessionum edi volunt, non ut iis declaretur quid omnibus constanter & ex æquo credendum ac sentiendum præcisè sit; fieri non potest ut id intelligant de formulis, quatenus dogmata creditu necessaria continent: Dicerent enim credenda non esse ea, quæ necessariò credenda sunt. Similiter, si formulas istas, quatenus necessaria dogmata exprimunt, negarent ponendas esse veluti terminos ac limites, intra quos Religio & salvifica Dei cognitio credatur consistere, dicerent Religionem & salvificam Dei cognitionem extra necessaria dogmata consistere: quo utroque nihil absurdius cogitari potest. Deinde, cum de formulis Confessionum diversis agunt, non agunt nisi de formulis, quatenus aliis quàm meris Scripturæ verbis conceptæ sunt. Mera enim Scripturæ verba non possunt esse dissociationis tessere, nedum causæ. Quid ergo? Concludendum certè est, eos de formulis istis loqui, quæ versantur circa dogmata non præcisè creditu necessaria, quæque inter Christianos controversæ, ac proinde aliis, quàm Scripturæ puris puris verbis, conceptæ sunt. De hujusmodi ergò formulis quæritur, quomodo optimè, tutissime atque utilissimè concipi possint ac debeant? An sic, ut in iis præcisè definiatur, quid de singulis controversis dogmatis constanter, firmiterq; Orthodoxis omnibus credendum sit: An verò sic, ut in iis declaretur, simplicibus atque innoxiiis verbis, quid ii, qui eas pro suis agnoscunt, de singulis controversis dogmatis sentiant ac credant. Remonstrantes hunc posteriorem modum probant, utq; ei in principio locus datus esset aut etiamnum adhuc detur,

Offenditur, Remonstrantes per formulas Confessionum in Præfatione suâ non intellexisse nisi formulas quæ diversas de Religione sententias circa dogmata non præcisè creditu necessaria, exprimunt.

De optimâ, tutissimâ, utilissimâq; Formularum editione.

EXAMEN

ex animo cupiunt, optantque. Rationes eorum sunt luculentæ. Sic periculossimæ præsumptioni, in rerum controversarum decisionibus, anfa præciditur: Sic pertinaciæ fomes subtrahitur: Sic vitatur partium & sectarum exacerbatio: Sic ad unionem & redintegrationem partium aditus non admodum difficilis relinquitur. Quam ingentia hæc sint bona, quis non videt? Si contra fiat, contraria omnia facile evenient. Vide autem quam sit ineptum, Controversias decidere vel- le ex prioris formula, sine irrefragabilis autoritatis titulo, idque contra plures doctos, piosque aliter sentientes: Quam sit periculosum sic decidere, cum fieri possit ut pertinacia pro causa induatur, & constantiæ titulo tegatur: Quam noxia sit ejusmodi decisio, cum sine gravissima partium offensione fieri non possit. Exacerbationes animorum inde oriuntur. Eæ gignunt dira odia, quæ gangrænæ instar latius semper serpunt, ac tandem pacem atque unionem reddunt desperatissimam. Hisce tam enormibus atque ingentibus malis janua occluditur, hæc Remonstrantium agendi ratione. Et hæc tamen res bilem concivit in nasum horum Theologorum, tanto cum ardore, ut pæne exhibent tam salutare consilium. Decisiones de singulis controversiis fieri volunt. Esto. Fiant. Qui se credere profitemur hoc aut illud, is decedit, is dicit sententiam suam. At fiant placide, fiant modeste, fiant sine imperio, sine præscribendi autoritate, sine damnationibus, sine anathematis. Si idem, quod nos de singulis controversiis credimus, alios omnes credere volumus, si idem quod de iis credimus, aliis omnibus constanter firmiterque credendum esse adseveramus, credimur cedere ac doceri nolle, credimur contradictiones ferre nolle, & in conscientias ac linguas aliorum Tyrannidem exercere velle. Nec immerito. Si enim alii idem nos jubeant, nos eos ista consequentia gravamus, tanquam si id in nos affectarent. Atqui utrobique par est ratio: Et hæc est remora illa, qua veritatis cursum sistimus, & reconciliationis ac pacis ostio pessulum obdimus, atque ita efficimus, ut paulatim Tyrannis humanæ autoritatis se insinuet in Ecclesiam, tam subtili lapsu, ut eam non introire, sed introivisse tandem deprehendamus. Ista ars est Satanæ. Tyrannidem omnibus nobis exosam esse scit, usque adeo ut ne nomen quidem sine horrore audiamus. Quilibet ab ea videri vult alienissimus. Id novit vaser artifex. Hinc fallit & imprudentibus insinuat, quod prudentibus obtrudere non audet. Per rimas rimulasque illabitur, & cum recta non possit, flexu & per gradus enititur. Primum suadet Confessiones de rebus non præcise scitu

Satanæ ars ad
stabiliendum
Tyrannidem
in Ecclesia
per formula-
rum exalta-
tionem.

scitu ac creditu necessariis fieri, puritatis retinendæ causa. Bene quidem: Deinde Consensionem urget, ut vinculum pacis atque unionis: Recte. Porro ut Consensio duret ac firma sit, operam dandam esse ait. Et hoc speciem habet. Pergit: Itaque formulis opus esse clamat, ut non consensio tantum, sed consensionis constantia promittatur. Hic primis gradus est ad humanā Tyrannidem & Formulas Confessionum Tyrannicas. Per hunc gradum non est difficile Satanæ ascendere ad supremum Tyrannidis culmen, imprimis ubi formula ista ætatem aliquam nacta est, & inter persecutiones aliquamdiu stetit infracta, contra adversarios acriter propugnata, & martyrum, qui vocantur, sanguine veluti autoramento aliquo sancita ac stabilita est. Singula ista totidem sunt fulcra atque adjumenta, quibus sibi gradum facit ad statuminandum humanæ autoritatis fastigium. Vin' hujus rei exemplum, præter Bergenium Concordistarum, recens ac nuperum, quod ab ipsis genuinis Calvini discipulis nobis datum est? Vide quid paucis abhinc annis, Anno sc. 1620, mense Octobri, non multo post decisam controversiam in Synodo Dordracena, Calvinistica Ecclesiæ in Gallia, in Synodis suis Aleziana & Charentonensi decreverint. Non tantum receperunt formulam Dordracenam, eamque approbarunt, sed solemni insuper juramento, ei se obstrinxerunt, aliosque omnes imposterum obstrictos voluerunt, se videlicet in ea non tantum constanter firmiterque, sed, ut constantiæ apex exprimeretur, *ad extremum usque vitæ halitum perstyturos*. Poteratne altius evehere aut sublimius attollere humanam formulam Satanas? Et hoc fecerunt nullo prægresso examine, inauditis partibus. Poteratne gravius excæcare atque indurare, tam immemores tam inconcinnos Reformatores Deus justissimus ultor? Tu interim ex hoc uno disce omnes. Nec enim hætenus quisquam Calvinistarum fuit, qui hoc tam enorme factum displicere sibi professus est.

Quod verò hinc colligit Censor, Majestatem Synodorum Conciliorumque omnium hac ratione violari, id nullius prorsus momenti est, & vetus Papæ fermentum sapit. Nos uti Synodorum Conciliorumque decreta cum reverentia & sollicito examine libenter expendimus, ne privato & proprio nostro sensui nimium blandiri videamur: ita eorum Majestatem nullam agnoscimus. Atqui Majestatem Conciliis tribui persuasissimum habemus, quando iis tribuitur jus statuendi formulas, quibus constanter firmiterque ad extremum usque vitæ halitum hærendum est: Non potest ulterius evehi humana

Illustrator exemplo Galliarum Calvinistarum Ecclesiarum, Alezianæ & Charentonensis.

Refellitur obiectio de Synodorum & Conciliorum majestate, quæ hac ratione violari putatur Censor.

EXAMEN

Refellitur ob-
jectio de Sym-
bolorum vete-
rum violatio-
ne.

autoritas, aut propius ad divinam attolli. Vti in necessariis & quæ aperti juris sunt, nimis parum est si dicatur, Nos hoc credimus verum esse: Assseverantius loquendum est, Hoc credendum est: Anathema qui id non credit: Ita in iis, quæ controversi juris sunt, nimium dicitur, si dicatur, Hoc credendum constanter firmiterque est. Contra-ctius & retinentius loquendū est, Nos expensis omnibus sic credimus, sic statuimus sine cuiusquam præjudicio. Symbolorum omnium, quæ non expresse constat Apostolica esse, eadem est ratio. Aut omnibus humanis Symbolis jus istud negandum est, aut nullis. Hoc ipso enim cætera omnia carent jure isto, quia prorsus humana sunt. Quare nil dubitamus profiteri, Athanasium limitem juris hujus prætergressum esse, quando Symbolo suo (si quidem Symbolum ejus esse credi possit) superbam istam præfationem præscripsit: *ὅσις βέλεται σωθῆναι*, Qui vult salvus esse, ante omnia credat oportet, &c. Et si enim rem quæ Symbolo isto continetur, quatenus Scripturæ phrasim non egreditur, ex animo probemus, eique fidem nostram libenter obstrin-gamus, tamen hoc ipso, quod rem Scripturæ controversis phrasibus expressam, cum æternæ salutis periculo recipi vult, non aliter quam si divinis prorsus phrasibus expressa esset, humanæ potestatis fines eum egressum esse credimus. Et crudeles sane atque immisericordes meri-to habendi essemus, si eos omnes æternum damnatos statueremus, qui Symbolum istud aut nesciunt, aut in istud, quatenus conceptum est, firma fide non consentiunt. Qui id audent, ii viderint. Nos istum damnatorium calculum si poneremus, divinam auctoritatem humanæ formulæ transcribere nos crederemus. Absit id à nobis, & in eorum consilium, qui id audent, anima nostra non veniat.

Refellitur ob-
jectio de
sceptica
ἐποχή.

Quod porro regerit Censor, hac ratione Religionem totam tan-dem desitutam in scepticam *ἐποχῶ*, Pyrrhoniæ hæsitacionem, & Theologiam problematicam, id caret omni prorsus colore. Quasi verò periculum ejus rei ullum esse possit, quamdiu certa atque in-dubia manet articulorum necessariorum adsertio, saltem ista, quæ *ῥητως* in Scripturis facta est, nedum si accedat, quæ ex ista, per con-sequentiam omni exceptione majorem, fluit aut deducitur. Incon-siderati Doctores, qui Scripturarum perfectionem & perspicuitatem in rebus omnibus creditu necessariis contra adversarios suos firmis lateribus ubique adserunt, & Pyrrhoniæ tamen hæsitacioni locum esse posse credunt apud eos, qui Scripturarum perfectionem & per-spicuitatem eandem cum ipsis tuentur, iisque, quæ perfecte & per-

spicue in Scripturis definita sunt, conscientiam & fidem suam obstringunt. Pœnitere eos debebat, tam incompositæ orationis: Assertio & ἐποχή non constant simul; Contradictoria sunt. Quare nec hæsitare nec ἐπέχειν in Religione tota dici potest, qui ea, quæ Scriptura totidem verbis necessaria esse dicit, aut quæ necessaria esse per evidentem, & Sole clariorem, omnibusque obviam consequentiam constat, pari Religione adserit; ne quidem, si nihil præter ea quæ Scriptura εὐτὸς necessaria esse docet, adserere audet. Qui circa cætera alia omnia ita se gerit, aut de iis non nisi cum modesta præfatione contra alios dissentientes sententiam suam pandit, is non hæsitat, Non fluctuat, nec cum Pyrrhonio dubitat, in quam partem inclinare velit suum iudicium, jam enim istud inclinavit: sed ita iudicat, ut iudicium suum divino impar faciat. Inter dubitationem & divinam assertionem, humana certitudo media est, quæ etsi formidinem contrarii excludat, infallibilitatem divinam tamen non includit. Rationibus nititur, sed quæ à divinis oraculis differunt. Hoc humanitatis nostræ ἡττημα esse voluit summus Deus: Nihil constanter firmiterque credendum est in rebus ejusmodi, de quibus controversia incidit inter doctos & pios, nisi cum hac lege, ut si quis forte meliora ostendat, cedere semper paratus sis. Neque dubitat interim, qui sic credit, neque hæret hæsitatve, sed statuit atque adserit, quantum humanæ imbecillitati statuere concessum est: Et hoc Deo satis est. Qui ultra terminum istum progreditur, aut citra eum stat, fieri non potest quin hominem exuat, & Brutum se vel Deum faciat, atque ita paulatim reddatur aut alienæ conscientiæ Dominus, aut Religionis omnis contemtor, aut pertinacia ipsa pertinacior.

Quare ad rem non facit, quod Censor per Satyram nobis hac occasione objicit Theologiam *annuam, mensuram, diurnam, horariam*. Theologia enim in superbis istis controversiarum decisionibus posita non est. Neque Theologia idcirco vera Theologia est, quia constanter retinetur aut diu durat. Id habet commune cum pertinacia ipsa. Millenaria Theologia potest esse omnium pessima. Tum, Religio vera, uti humilitatis ita docilitatis est mater, & inter infinitas adeoque horarias circa controversias variationes manere potest salva atque illæsa. Contra, Theologiæ ipsius anima suffocatur atque eliditur ubi decisiones fiunt quibus constanter firmiterque hærendum est. Sive enim decisio vera sit, sive erronea, id perinde est. Qui veram decisionem sequitur, is non iudicio adductus in ea permanet, sed

Refellitur sarcasmus Censorii de Theologia annua, mensura, diurna, horaria.

EXAMEN

quia constanter in ea permanendum esse sibi persuadere vult. Nec aliter facit, qui erroneam decisionem sequitur. Neutrum ratio, aut bene deliberatus animus, utrumque casus habet & affectus tenet. Itaque non isti magis profutura est recta sententia sua, quam huic obfuturus suus error. Deinde, pone aliquem sequi erroneam decisionem, & isto axiomate subnixum, in errore suo sibi plaudere, atque in eo perstare velle; quæ spes, ut ad meliorem mentem aut frugem redeat? Non sinet eum respicere nedum regredi hoc axioma, ne Theologia ejus videatur *annua, menstrua*, aut *horaria*. En ut hoc axiomate sibi quisque in errore suo possit lenocinari. Nihil magis pietati aut caritati obest quam indocilis & obstinatus animus; ἰδιὸν τὸ σοφὸν μελαινέειν. Neminem unquam poenituit didicisse, aut docilem animum secum ubique circumtulisse. Nunquam male aut sero dediscitur error etiam si dediscatur millies. Δεῖ, inquit Aristoteles, ἐπὶ σωτηρίᾳ γε τῆς αἰχμῆς καὶ τοῖς ὀκνεῖα ἀναίρειν. Tum verò

Nimum idem omnes fallimur; neque est quisquam

Quem non in aliqua re videre Suffennum

Possis; suis cuique attributus est error:

Sed non videmus Mantica quod in tergo est.

Quod cum ita sit, non est quod Remonstrantes tam inepta objectio moveat. Consilium dederunt quod Orbi Christiano profuturum crediderunt, atque etiamnum credunt, contra humanæ autoritatis Tyrannidem: ut non nisi præcise necessaria quæ vel *πρωῖς* in Scripturis decisa sunt, vel per consequentiam Sole clariorem talia esse constat, credantur, adferantur, serio, constanter, firmiter, cum anathemate Maranatha. In cæteris, colatur in contendendo moderatio, in decidendo modestia, sine cujusquam præjudicio, & sine pertinaciæ professione. Præcipientes, immodestæ, & pertinaces decisiones in controversiis non necessariis, turbant ab omni ævo Christianum orbem. Absq; illis fuisset, in tot sectas sectarumq; particulas non fuisset distractus ac divulgus. Et ad summâ mali non accessisset, quod paulatim non necessaria dogmata cū necessariis, eodem plane loco ac gradu censita fuissent, & excommunicationis fulmine non minus dignus judicatus is, qui non necessaria semel in Ecclesia decisa convellere, aut in dubiū vocare sustinet, quam qui necessariorum veritatem funditus evertit. Nempe, eò tandem deventum est, quod sane omnium fœdissimum est, ut citius excommunicationis fulmine feriat is, qui dogma aliquod receptum labefactat, licet alioquin vita ejus sit sine labe, sine macula, quam

quam qui vitam vivit Christiano nomine indignam, imo quam profanus, bibo, ganeo, conviciator, avarus, persecutor, scurra. Et hinc articulorum credendorum numerus usque adeo auctus fuit, ut pæne excreverit in immensum. Ab ista scintilla tam vastum incendium. Tanti est initii obstare, & levibus etiam malorum occasionibus prorumpentibus obicem ponere.

Neque satis se suosque purgat Censor, cum ait: *Nos non stamus istis decisionibus, ad Scripturam semper provocamus & provocari permittimus, &c.* Nam sic quidem ostendit, se sibi suisque contradictoria tribuere, at non se suosque à crimine isto immunes esse. Contradictionibus non tollitur Tyrannis, sed augetur: Glaucoma sunt in oculis eorum qui eam usurpant; ut eam à se usurpari vel videre non possint, vel videre noli. Non tantum hoc dicendum est, sed illud etiam dicendum non est. Quid enim est, obsecro, non stare decisionibus formularum, ubi formulæ eum in finem cudi jubentur, ut iis constanter, firmiterque ad extremum usque vitæ halitum stetetur? Et quæ provocatio ad Scripturam relinquitur, ubi formulis, Scripturæ sensus definitus atque expressus creditur, qui constanter firmiterque Orthodoxis omnibus credendus est? Citius ignem aquæ quam propositiones istas conjungas. Deinde ubi contradictoria duo simul dicuntur, ibi istud tantum duorum contradictoriorum credi censendum est, ad quod praxis dirigitur, & contra, tanquam falsum rejici censendum est id, ad quod praxis non dirigitur, aut quod in praxin non deducitur, nisi cum ita usuenit, aut ut eo tanquā specioso stragulo tegatur alterius dicti absurditas. Tum multa practice, ut falsa, rejici credendum est, quæ speculative vera esse creduntur. Et hic fere est lapis iste, ad quem Censores hi aliique non raro impingunt. Non pauca dicunt, quæ, si seorsim & per se pure pute speculative considerentur, vera sunt & recta: at, si eadem practice considerentur & componantur, cum iis, quæ ex alia parte ab illis dicuntur & fiunt, ut falsa & prava ab iis credi censendum est. Nec dubitandum est, quin hæc nua speculatio apud plures *ἐπι-καλύμματα* illud sit, quo fit ut errores suos, alioquin manifestissimos non videant, inque iis dedita opera maneant. Nempe, satis esse credunt ad hoc, ut in errore isto, quem impingi sibi audiunt, non versentur, aut ut à facto isto, quod sibi tribui legunt, sint immunes, si errorem aut factū istud, quod ex alio capite, quod mordicus tenent ac propugnant, & ad quod praxin totā suam dirigunt, necessario consequitur, seorsim damnent & rejiciant: Neq; hoc tantū, sed actiones etiam istas, quas

Diluitur exceptio Censoris, qua pro vocationem concedi dicit à Formulæ Confessione ad Scripturam.

EXAMEN

quas directè repugnare caritati Dei ac proximi, palpari pene potest, ac proinde quas aliunde, quam ex perversa opinione, proficisci nō posse concludendum est, ut optimas probant laudantque, quia mentem suam opinione istā, unde eā proficisci debere creduntur, liberam se habere intelligunt: Ac licet nō rarè in aliis, quos errare credunt, istud observent, nihilominus tamē istud idem sibi accidere non possunt neque volunt in animum suum inducere. Adeo ingeniosa est industria humana in sui adulationem. Possent hæc multis documentis præter experientiam, quæ omni documento & exceptione major est, confirmari, sed ne scamma hoc nostrum egrediamur, rem hanc ipsam, quā de agimus, testem dabimus. Dicunt Censores se Scripturam Sacram solam agnoscere controversiarum omnium judicem, ad eam se provocare, & ut ab aliis ad eam provocetur, permittere. Ita est: At cum de sensu Scripturæ quæritur, vide, quæ ex alterā parte dicunt, Sensum Scripturæ rectum non tenere credunt nisi eos, qui per specialis gratiæ beneficium à Deo sensus istius intelligentiā & fide donati sunt. *Deinde*, eos, qui semel istā intelligentiā & fide sunt donati, non tantum novo insuper beneficio Spiritus Sancti obsignari credunt, quod ista intelligentia & fides, quā donati sunt, sit vera & recta illa intelligentia ac fides, quæ profitenda est, sed etiam confirmari ac conservari in eā asserunt, ita ut ab ea excidere, aut ea ipsis excidere nunquam possit. *Tertio*, eos omnes, qui in formulas Confessionum suarum consentiunt, persuasos esse volunt, & singulos apud se persuasissimos esse dicunt, quod sensus illi, qui formulis istis continentur, sint sensus ipsissimi illi, quos Spiritus S. mentibus ipsorum dictavit, & cordibus eorum impressit atque obsignavit. Itaque *quarto*, formulas istas factas volunt, non ut iis declaretur tantum, quid ipsi credant aut sentiant, sed quid credendum ac sentiendum non sibi tantum, sed Orthodoxis omnibus sit. Neque hoc tantum, sed quid *constanter firmiterque* credendum sit. Hic jam declarent, si placet, Censores, quomodo, cum de Scripturæ sensu definiendo alicui controversia cum ipsis incidit, ad Scripturam tanquam ad judicem provocationem fieri, concedere possint? quo animo provocationem istam faciant? Nam controversum Scripturæ sensum jam in cordibus suis ab ipso Dei Spiritu decisum atque obsignatum, & formulis Confessionum expressum ita credunt, ut ab eo tanquam à re judicatā ac decisā recedere nec debeant, nec possint. Atqui provocare à sensu deciso ad indecisum, à non controverso ad controversum, annon est in re seria

ria ludere? & verbo tantum provocare, cum re ipsa nec possis, nec velis provocare? Qui id non videt, nā ei sana mens non est: Ex hoc jam fundamento praxin eorum vide atque aestima. Si incidat controversia aliqua circa dogma receptū, statim recta ad formulam itur. Pro qua parte ista militat, ea pars supra rationem, supra Scripturam omnem triumphat, imo ratio, Scriptura, Antiquitas ne quidem in censum veniunt. Parti ita damnatae silentium imponitur. *At provocatio ad Synodum Generalem permittitur*, inquires, *ut ibi rationes & Scripturae testimonia expendantur: Formulam enim mutari æquum non est, nisi de communi consensu.* Fateor, & hoc speciem recti habet: Interim Formulæ istius auctoritas hætenus viget, non sine magno partis damnatae præiudicio. Esto, inquires, *hæc sacra aliter non constant.* At si porro videas quomodo Synodus ista convocetur, quid in ea agatur, comperies istā provocationem non concedi nisi dicis causa, & convocationem fieri non ut in Synodo accurate & serio ventiletur mota controversia; sed ut autor ejus opprimatur, & formula Confessionis à contradictione constanter, firmiterque vindicetur. Actiones id probant. Id unum opera datur ut ad Synodum istam non ablegantur, nisi quos certum est ne latum quidem unguem à formula recepta discessuros, ἡδὲ καὶ ἐν ὅλῳ, pro puritate receptæ semel fidei ad extremum usque vitæ halitum contra novatores, ut vocant, pugnatos esse; Imo fit ut non ablegantur nisi eum mandatis, quibus id expresse iis injungitur, uti in nupera Dordracena Synodo ex Genevensium, Zelandorum, Anglorū, aliorumq; Deputatorum litteris systaticis evenisse, manifestum est. Deinde si fiat ut suspecti aliqui arceri non possint, id agitur, ut suffragantium numero certetur non suffragiorum pondere, atque ita semper extra omnem erroris aleam maneat formula. Si nihilominus urgeatur controversia, tum audiuntur passim voces, *Antiqua hæresis est*, jam olim damnata, & sæpius; quorsum crambe ista recoquetur? Item, *Novitas est*, quā Reformatio non fert. In hac uti facta semel est, persistendum est constanter firmiterq;: Alioqui suspecta reddetur, & fenestra aperietur infinitis aliis novitatibus, quin & de sanguine martyrum, quo sancita est, controversia movebitur, &c. Atque hisce vocibus tantum efficitur, ut, qui controversiam movet, non tam damnetur quia falsi convictus est, quam quia Novator est, & reformatæ pacis turbator. Post hæc demū à triumphatoribus istis relegitur Confessionis formula, ne videantur eam habere pro regula infallibilis veritatis. At quomodo? vix ita canis fugit cum ex Nilo in Ægypto bibit quam ab istis Confess. percurritur.

C

Vnam

Ostenditur vanitas præcedentis exceptionis expressi Censuram in Synodis.

Vnam atque alteram diem lectioni ejus Synodus Dordracena impendebat, quæ tot menses, rebus multo levioribus, impenderat. Quid mirum? Fidem istam, quæ Confessione ista comprehensa est, fidem eandem esse credunt, quæ electi à Deo donantur, quæ nunquam excidit, *contra quam porta inferorum non prevalet*, & quæ non nisi *semel datur sanctis*: De hac cur diu & prolixè quærant, disputent, aut litigent? Principia sua eversum irent studio deditaque opera. Quicquid interim in Synodo fieri concedunt, id pro forma tantum fit, ne exutum semel damnatumque Pontificiæ Tyrannidis calceum rursus induere velle, & non Scripturam ipsam, sed quem Scripturæ sensum inesse formulæ ipsorum statuunt, judicem controversiarum omnium facere videantur. Quæ contra hæc regerit Censor de formulis Confessionum *non formaliter ita consideratis, sed materialiter*, &c: ea non sunt nisi inania verborum *περὶ σμῶμα*, & Scholarum, *σοφὰ φάσματα*. Hoc uno axioma, *Formulis constante firmiterque credendum atque herendum est*, & quæ axiomati isti innititur, praxi, distinctionum ejusmodi inania eliduntur. Itaque cum ait; *Verum non est nos alia lege velle aliquem adstringi formulis, nisi quatenus & quamdiu ipse certo deprehendit, & in conscientia sua convincitur, eas cum sensibus Scripturæ convenire*, fumus tantum & fucus est. Quid enim est, non adstringi aliquem simpliciter, cui constanter firmiterque id quod formulis continetur sentiendum ac credendum esse adseritur? Imo quid aliud est juramento solemni obligare te ipsum, quod perstiturus sis in sententia formulis expressa ad extremum usque vitæ halitum, quam adamantinis vinculis conscientiam & linguam tuam obstringere? quæ libertas sententiam suam examinandi ad Scripturæ lydiū lapidem relinquitur iis, qui istam, prout formulis Confessionum expressa est, à Spiritu S. dictatam & mentibus suis infusam, quin & objectum istius fidei esse, quæ nunquam potest excidere, non credunt tantum, sed credere tenentur, adedque non possunt non credere? Hæc conciliare velle, est velle *ἀσύγκλωσά συγᾶπλεν*. Hæc aliaque faciunt, ut credendum sit Censores hos parum abesse, si non prorsus recidere in eandem cum Bergensibus Concordistis, à quibus tamen videri volunt alienissimi, sententiā. Si enim verba eorum videas, & cum verbis Concordistarum conferas, hac laeti, ovum ovo non est ita simile, quam sunt eorum dicta. Ac licet verba Bergensium, prout ea refert Admonitio Neostadiana, paulum videri possint crudiora, tamen si sensum videas, vix hilum à dictis horum Censorū differre comperientur. Conferantur tantum omnia, quæ-

Refellitur exceptio Censoris, suos neminem adstringere formulis nisi quatenus & quam diu ipse certo deprehendit eas cum Scripturæ sensibus convenire.

Ostenditur eandem prorsus esse rationem Censori & Bergensium Concordistarum.

quæcunque à Bergenſibus dicta ſunt, cum verbis iſtis Cenſorum quæ ſect. 12. leguntur: *Synodi, ſeu Nationales, ſeu Provinciales, ſuas Confeſſiones non eò tantum ſine publicant, ut indicent quid ipſe ſentiant, pro vero & falſo habeant, credant aut non credant, & ſenſa mentis ſua exprimant, ſed etiam ut iudicent quomodo de iſſdem doctrinis SENTIRE & LOQUI omnes Orthodoxi ex Scripturis debeant, &c.* Vt jam non dicam Bergenſes ubiq; fere conqueri, quod & Admonitio Neoftadiana nō ſemel annotavit, injuriam ſibi fieri atrocem, quando ipſis tribuitur quod Lutheri ſcripta & verba Confeſſionis Auguſtanæ pro norma fidei obruderent, prout ipſis Cenſor tribuit ſect. 5. Neque ſane veriſimile eſt, eos, qui à Pontificiis recens diſceſſerant, tam repente iterum eo uſque prolapſos fuiſſe; imo nullum dubium eſt, quin aliud nihil propoſitum ſibi habuerint, quam Confeſſionem Auguſtanam, quam à Luthero optime intellectam & expoſitam eſſe ſibi perſuadebant, & quam Scripturis conſentaneam eſſe credebant, conſtanter firmiterque contra eos, quos Novatores eſſe opinabantur, retinere & ſartam teſtam conſervare, eodem plane modo, quo Calviniſtæ hodie, & inter eos Cenſores hi, Confeſſionem ſuam Belgicam hæcenus adſerere & nuper in conciliabulo ſuo Dordraceno communibus ac pæne emendicatis eorum, quos conſentientes ſibi habebant, ſuffragiis, ab omni erroris ſpecie vindicare ſunt conati. Libri eorum Apologetici id docent adedò clare, ut *λύχρον ἐν μεσημέρι* quærere dicendi eſſemus, ſi multis id com-monſtrare aggredieremur. Quare, ſi contra eos ſcriptam Admonitionem Neoftadianam probant laudantque Cenſores, ſe ipſos damnent necesse eſt. Nec finis erit quam diu eadem illa qua hæcenus chorda oberrabunt, & Orthodoxos omnes ex formula ſua ſentire ac loqui conſtanter firmiterq; ad extremum uſque vitæ halitum jubebunt: Eò deveniendum eſt, ut quod optime notavit Neoftadiana Admonitio, *Scripta Eccleſiarum publica norma non habeantur niſi Confeſſionis, ex qua* Pag. 133. *potest & debet, non quid verum aut falſum ſit agnoſci & pronuntiari, ſed duntaxat, quid cum doctrina in ſingulis Eccleſiis recepta & appobata congruat, NB, ſive ſit verum ſive falſum.* Atque hoc eſt idem illud, quod præfatio Remonſtrantiū conſuluit, & adhuc conſulit orbi Reformato. Quæcunque hac occasione de prophetandi licentia, de privato-jure in examinandis Confeſſionibus, de petulantia, præſumptione & pertinacia Remonſtrantium in contradicendo publicis Formulis, in contemnendo conſenſu Eccleſiarum, in perturbando ordine publico, in ſeceſſione facta ſine cauſa, in ſtudio ſeducendi incautos, traducendi

EXAMEN

viros optime de Ecclesia meritos, aliaque ejusdem commatis plura in Remonstrantes effudit effrænis Cenfor, ea totidem sunt convitia contra Solem, & toties tamque luculenter in ipsa præfatione confutata, ut pigeat repetere. Impudentia aliquando silentio redarguenda est.

Secundum caput :
An Remonstrantes multas & contrarias salutis vias supponant.
Prima Calumniæ Cenforis deregitur.

Alteræ Cenforis calumniæ diluitur.

Alterum caput, quod in Censura Præfationis notandum venit, est, Quod Cenfor Remonstrantibus tribuit, *Quod multas easque difficiles, imo sæpius contrarias salutis vias supponant : Et quod non putent nobis absolute tutissimam viam esse eligendam, sed tantum, si justus alicujus majoris in Ecclesia periculi & scandali metus obstet.* Nihil mehercule calumniæ ipsa potuisset in Remonstrantes evomere aut atrocius, aut à mente eorum alienius : Ad verba sua provocant : Citius ex pumice aquam quam ex istis expresseris tam malignum sensum. Summa eorum hæc est, Credunt inter Christianos, qui fundamentum salutis tenent, cætus alios alii esse puriores, ac proinde formulas cætuum alias aliis esse puriores. Formulas has, prout per eas cætus alii ab aliis separantur, ut puri ab impuris, dicunt statui non debere tanquam terminos & limites, extra quos Religio & salutis æternæ spes constare nullo modo queat. Consequenter, Eos, qui ab uno cætu ad alium transeunt, eo ipso à spe salutis abire, aut alios à quibus discedunt, excludere videri non debere. Et si enim ad puriorem cætum accedunt, non tamen idcirco discedunt à cætu, unde salutis spes exulat. Puritas enim & impuritas non tribuitur cætibus ob differentiam, quæ inter eos est, circa Religionis essentiam, sed circa ea, sine quibus essentia Religionis & spes salutis facta tecta manet. Quis adeò à Sole aversus est, qui hic plures vias salutem consequendi à Remonstrant. fingi dicet ? Malitia ipsa id ex præmissis istis concludat necesse est. Quod verò addunt, Christianos teneri ad eligendum cætum, quem credunt omnium esse purissimum, *impo- tute tutissimam & certissimam* (perverse addidit Cenfor vocem *Absolute*, quæ in præfatione non legitur) *aut potius minime omnium impeditam salutis viam, nisi forte justus majoris alicujus periculi aut scandali metus obstet,* quid habet quæso dicæ Cenfor ? Caritas non semper permittit fieri, quod utilitas aliquando jubet facere. Tutissima non semper sunt præferenda nec præeligenda nisi cum alioquin salus nostra periclitatur. Aliorum rationem habere prudentia suadet, caritas jubet. Multo majoris momenti apud nos esse debet æterna proximi nostri salus, quam nostra major ad salutem perveniendi commoditas ; Quare, si salutis æternæ periculum ex transitione nostra à cætu impuro ad purio-

puriorē, redundaturum videtur ad proximum nostrum, ratio ipsa nos vetat transire. Præstat enim nos incommodiore via ire ad salutē, ut æternum nobiscum salvetur proximus noster, quam commodiore, unde verisimiliter futurum est, ut proximus noster æternum pereat. Nec evadit calumniæ, dicam an malitiæ, crimen, Cenfor cum ait: *Suos etiam distinctione illa inter Ecclesias magis vel minus puras aliquando uti, sed Præfationem Remonstr. de eadem puritate & impuritate non agere, verum de impuritate & puritate circa fundamentalia & necessaria dogmata ad salutē.* Tertium caput de paucitate articulorum fundamentalium.

Nec enim aut vola aut vestigium ullum in præfatione est, unde id verisimiliter elicere potuit: Contrarium Sole clarius est. Nam cum Præfatio diserte dicat, eos qui ab impuro ad puriorem cætum discedunt, non idcirco istum, à quo discedunt, à spe salutis excludere; manifestum certe est, eam de puritate aut impuritate circa dogmata necessaria non agere: Nam alioquin dicendum foret, Præfationem adferere salutem constare posse in cætibus istis, in quibus necessaria ad salutem dogmata non traduntur, quod contradictionem habet in adjecto. Nam salvari posse sine cognitione & fide necessariorum ad salutem, idem foret quod salvari posse sine iis, sine quibus salvari impossibile est. Deinde, cum formulas etiam istas, quæ in cætibus puris sunt, nolint statui ut limites & terminos, intra quos solos Religio & salvifica Dei cognitio consistit, fieri non potest, ut per puritatem intellexerint aliam, quam quæ circa non necessaria dogmata est. Nam alioquin Religionem & salutem non constare dicerent intra dogmata, quæ ad salutem sunt necessaria, aut in cætibus istis, ubi illa omnia pure docentur; qua absurditate quid absurdius?

Tertium caput quod in hac censura Præfationis observandum venit, est: Quod cum Remonstrantes dicunt, *Se arbitrari pauca admodum esse: quæ præcise ad æternam salutem obtinendum scitu & creditu necessaria sunt*, Cenfor Sociniano id genio ac spiritui tribuat, & contrarium diserte adserat: *Manifestissime necessaria dogmata ad paucissima redigi non debere, & in determinando ac discernendo fundamentalia seu necessaria à non necessariis, opus & laborem ingentem positum esse.* Vix credebamus oculis nostris, cum utrumque hoc à Reformato homine tam diserte adseverari legeremus. Nam primum quod attinet, Quis nescit idem multo antequam Socinus in rerum natura esset, complures alios affirmasse, ac publicitus professos esse? Vide *Jacobum Acontium*, virum æterna memoria dignum, quo Satanas isto tempore majorem hostem vix habuit lib. 3. stratagematum, & post na-

Regis Magnæ
Britanniæ ju-
diciū de pau-
citate articu-
lorum funda-
mentalium.

tum defunctumque Socinum, ipsum *Magnæ Britanniæ Regem*, uti
disertis verbis scriptum reliquit *Isaacus Causabonus* in Respon. ad
Epist. Illustriss. & Reverendiss. Cardinalis Perronii, observat. 3. Ejus
verba hæc sunt; *Verissime autem scriptum esse in explicatione τῶν ἀπλῶς
ἀναγκασίων Rex arbitrat, Rerum absolute necessariorum ad salutē non ma-
gnū esse numerum*: Et non multo post: Si ad decidendas hodiernas
controversias hac distinctio adhiberetur, & jus divinum à positivo candide se-
pararetur, non videretur, de iis, quæ sunt absolute necessaria, inter pios aut
moderatos viros longa aut acris contentio futura. Nam & *PAUCA* illa
sunt, ut modo dicebamus, & fere ex æquo omnibus probantur qui se Christia-
nos dici postulant. Quid? an in hac Regis Serenissimi sententia etiam
genium & spiritum Socinianum apparere dicet Censor? Et hæc cum
dixit Rex, inter absolute necessaria censuit, non tantum ea, quæ ex-
presse verbum Dei præcipit credenda faciendave, sed & quæ ex ver-
bo Dei necessaria consequentia Vetus Ecclesia elicit, ut ibidem vi-
dere est. Plus quam Socinianum itaque Spiritum in Regia hac sen-
tentia animadvertat Censor necesse est: Si enim absolute necessaria
pauca sunt, comprehensis etiam iis quæ vetus Ecclesia ex verbo Dei
necessaria consequentia elicit, ut Rex ait: quomodo non erunt pau-
ca, si absolute necessaria dicantur tantum ea, quæ *ἐν ᾧ* in Scripturis
designantur, exclusis cæteris omnibus, quæ Ecclesia vetus per conse-
quentiam ex iis elicit ut Socinum adferere ait Censor? Post Regem
hunc *Molinæus Regiæ fidei Defensor* veniat; Is in Responsione sua ad
Cardinalem Perronium pro Rege Magnæ Britanniæ, cap. 1. & ali-
bi sæpius, diserte hæc verba posuit, *Fides fidelis hominis PAUCIS
articulis, in quibus substantia pietatis consistit, contenta est: & Articuli isti
in Scripturis extant tam perspicuis terminis expressi, aut concepti, ut inter-
pretatione opus non habeant*. Alios plures, quæ Veteres, quæ recentio-
res non allegamus: nec enim pugnare libet ficulneis ejusmodi argu-
mentis. Aded vera est, ista imprimis Regia sententia, ut eam, etiamsi
Rex aliufve nemo protulisset, amplexandam esse Christianis omni-
bus, à quibus Scripturarum perfectio & perspicuitas agnoscitur, neu-
tquam dubitemus. Nec referre crederemus, si author ejus primus ac
solus fuisset, Socinus, aliufve quivis è trivio Christianus. Tanti est
Remonstrantibus manifesta veritas, ut susque deque habeant, sive So-
cini, sive Serveti, sive Arrii, sive Pelagii, sive alterius alicujus exosissi-
mi hominis nomen ei præscribatur, aut genium & spiritum ejus redo-
lere dicatur. Iam dudum professi sunt, se istiusmodi Disputatores
nauci

Petri Molinæi
judiciū de
paucitate fun-
damentalium
Articulorum
eorumq; per-
spicuitate.

nauci non facere, & qui aliter censent eos Reformationi probro esse, & sibi ipsis obicem ponere credunt, quominus ab erroribus suis liberentur, & ad veritatis cognitionem perveniant. *Qui ignarus est, ignarus esto.* 1. Cor. 14. 38; & *qui sordidus est, sordescat adhuc* Apoc. 22. 11. Quare mirari merito subit, quod Reformatus hic Censor & novitius Doctor, disertis verbis contrarium affirmare non erubuit; *Manifestissime necessaria ad paucissima redigi non debere, & laborem atque opus positum in eo esse, ut necessaria à non necessariis discernantur.* Cælum fortasse metuit nimis angustum futurum, si ad paucissima redigantur necessaria: & facultatis Theologicæ gloriam evanituram, si necessariorum cognitio & discretio sine magna subtilitate & Academico acumine fieri posse credatur. Sed si omnino sic se habere rem ex animo credit, magnum certe operæ pretium fecisset, si necessariorum illorum numerum, & necessitatis istius rationem, vel verbulo saltem indicasset: Interest enim quam maxime orbis Christiani, ut id ante alia omnia accurate intelligatur. Qui pauca necessaria esse docent, ii opus non habent necessariorum illorum numerum, & necessitatis istius rationem sollicitè aliis exponere. *Pauci reperiuntur in Christiano orbe, quibus non ex æquo, ut Rex ait, ista probantur.* At qui, præter pauca ista, alia adhuc multo plura scitu ac creditu necessaria, esse asserunt, iis declarandi ac probandi onus incumbit. Affirmantium est probare: Negantibus sufficit, si dicant se non videre, unde aut quomodo, præter pauca ista, quæ apud omnes in confesso sunt, alia plura adhuc necessaria esse ostendi aut elici possit. Quare cum à Remonstrantibus Censor exigit, ut singulatim, quænam ista necessaria dogmata sint, definiant, iniquissimum petit, ut probandi onus, quod sibi incumbere novit, ab humeris suis dimoveat, & interim eos suspitione gravet, quasi manifestissime necessaria dogmata convellant ac rescindant. Deinde, si ex animo credit, laboris atque operis ardui esse necessaria à non necessariis distinguere, equidem tempus est ut palinodiam canat, & cum Pontificiis in gratiam redeat, statuatque deinceps Scripturam non esse perspicuam & claram in iis, quæ præcise ad salutem creditu sunt necessaria; aut si eousque recidere nolit, vel, si id aperte, quamquam ita sentit, profiteri non velit, tempus est ut nos doceat qua ratione claritas & perspicuitas Scripturarum cum ingenti ista difficultate discernendi necessaria à non necessariis, possit conciliari: habebit ob quod unguis mordeat. Nec satisfaciet, si dicat, Scripturam claram quidem esse, sed non nisi iis, qui speciali efficacis gratiæ

Contrarium
Censoris judi-
cium, Artic-
ulos manifesti-
ssime neces-
sarios nec pau-
cos esse nec
sine magno la-
bore à non ne-
cessariis dis-
cerni.

Ostenditur
Censoris par-
tes fuisse de-
clarare &
probare qui &
quot Articuli
sint fundamē-
tales.

Demonstratur
Censorem fa-
vere Pontificiis
de obscuritate
Scripturarum.

EXAMEN

gratiæ lumine à Spiritu Dei collustrantur, ut eam possint recte intelligere: hoc enim tantundem est atque hastam abicere, & in castra Pontificiorum, jam olim solemniter deserta ac damnata, sponte redire. Imo si res bene perpendatur, facile quis huic sententiæ Pontificiam longe prætulerit. Nam si per istos, quos dicunt efficaciter vocatos, intelligat cætum aut Ecclesiam, quæ ex ejusmodi vocatis constat, an non pejus multo sentit, quam si cum Pontificiis, tribuat Pastoribus, siue Ecclesiæ repræsentativæ jus discernendi necessaria à non necessariis? Certe; sic enim jus istud idem defert Ecclesiæ toti, quatenus ex pastoribus & ovibus sic efficaciter vocatis constat. Si vero per istos efficaciter vocatos intelligi vult, singulos qui lumine isto gratiæ efficacis à Deo donantur, uti cum intelligere certum est; quid tum obsecro aliud facit, quam quod pro uno Papa, cui Pontificia Ecclesia non nisi in & cum generali Concilio jus illud decidendi & discernendi tribuit, totidem Papas faciat, quot sunt sic efficaciter vocati, iisque jus illud semper & ubique tribuat, pro afflatu & dictamine Spiritus, quod sibi quisque factum credit: & cum afflatum hunc, instinctumque peculiarem pari jure sibi vindicare possint omnes Sectæ, licet maxime à se invicem dissentientes ac dissidentes, utique necesse est ut fateatur, aut Spiritum S. sibi ipsi esse contrarium, aut se, quando ita statuit, non tantum cum Pontificiis statuere debere, Scripturam S. non esse claram & perspicuam in rebus necessariis, sed obscuritate ipsa esse obscuriorem. Quod si nihilominus credere & ab aliis credi vult, hanc discretionis gratiam suis efficaciter vocatis peculiariter fieri, seu singulis, seu congregatis in Synodo, cur sui isti, non dicimus non definiverunt hætenus quænam multa illa necessaria sint, sed, cur id nunquam adhuc tentaverunt? cur lites nescio quas, Christiana sane pietate & æquitate indignas, incredibili cum pertinacia & Reipublicæ perturbatione moverunt, agitarunt, deciderunt, & hanc unam præcipuam ac palmariam, sine cujus decisione cæteræ omnes decisiones nugæ sunt & ineptiæ, adeo negligenter reliquerunt indecisam, imo prorsus indeliberatam atque intactam? hoc sane qui faciunt, ii *culicem percolant, & camelum deglutiunt*. Interim cum à Remonstrantibus id petit, iniquissimum sane facere censendus est, quamquam & ii jam sæpius ea de re tam aperte sententiam suam dixerunt, & in Confessione sua expresserunt, ut desiderari nihil amplius ab iis jure possit. Quod si ea, quæ dixerunt, Censor non credit sufficere, præstet itaque nobis, præstet Christiano orbi hoc beneficium, ut, quid in iis desideret

deret aut culpet, intelligamus, atque imprimis, ut, ad quam Formulam necessarium dogmatum certa atque indubia dijudicatio facienda sit, nobis liquido possit constare. Hoc optamus, hoc oramus, hoc supplicamus. Quamdiu id non fit, tamdiu mera formularum humanarum autoritate Christianus orbis turbatur, & sub generalibus terminis Tyrannis simul ac pertinacia tegitur. Hactenus id nemo horum Censorum, imo vix Calvinista ullus, tentare ausus fuit. Et tamen, si unquam alias, jam certe tempus erat ut id à Censoribus his fieret, ne multorum necessariorum, quæ vocantur, ignoratio multis sit exitio, & non necessariorum nimia æstimatio, occasio sit plurium in Ecclesia Christi turbarum ac dissidiorum.

Neque verò ad rem quicquam facit, quod invidiose Remonstrantibus Censor objicit, *Inter eos non convenire adhuc de paucorum istorum necessariorum numero ac specie*: Nam posito quod id omnino esset, idque ex Actis istis, quæ Censuræ suæ præfixit Censor, clare posset evinci, quis nescit in tanta judiciorum imbecillitate & diversitate, quanta in humanis rebus locum habet, imprimis apud eos, quorum alii præjudicia sua inveterata dudum atque inolita, alii recens, & uti fit, magno affectu hausta atque imbibita secum adferunt, accidere aliquando posse, ut controversia & lis oriatur inter optimos quosque de rebus, quæ alioquin per se sunt facillimæ decisionis? Convitium facit mortalitati, qui istam imperfectionem nostram calumniatur. Sæpe acutissimam mentis aciem nimius pietatis zelus adedò obtundit, ut, quicquid aliquā necessitatis aut magnæ utilitatis speciem præ se fert, præcise necessarium creditu esse sibi persuadeat, ne pietatis limitem transgrediatur, aut alium transgredi doceat: Contra, non raro magnæ commiserationis æstus extendit porrigitque limitem libertatis Christianæ ulterius quam par est. Affectus hi sunt, in quos humana infirmitas in medio bonæ conscientiæ studio, Deo ita permittente, aliquando incidit, idque non sine acri contentione & victoriæ studio. Sed raro diu durant affectus isti, & simul atque evanuerunt, statim sententiæ animique levi momento arctissime iterum coeunt ac conglutinantur. Ut ut vero extra culpam non sint, qui affectibus istis abripi se sinunt, tamen dubitandum non est, quin clementissimus Deus culpam istam propitius condonaturus iis sit, ea solum de causa, quod affectus istos proficisci sciat ex puro puto bonæ conscientiæ studio, à quo procul absunt livor, odium, & nocendi aliis propositum. Tantum valere credimus apud miseratorem generis humani pium affectum, & innoxium veritatis

D

studium,

Frustra calumniatur Censor
diffensionem
Remonstrant.
de articulo
necessariorum
numero ac
specie.

studium, ut quæ iis aliquando, ex infirmitate nostra, accidunt vitia, in computum & rationem venire nolit.

Diluitur crimi-
natio Cen-
foris quod Re-
monstrantes
pleraque Reli-
gionis capita
in dubium vo-
cent.

Quod verò, dum nos ita iudicamus, atque idcirco mutuam tole-
rantiam & prophetandi libertatem, tanquam singularia media ad ve-
ritatis penitorem inquisitionem & Sectarum diminutionem, com-
mendamus orbi Christiano, *nos ista via moliri* Censor ait, *ut cuilibet li-
ceat, sub velamine penitioris inquisitionis, pleraque Religionis Christianæ do-
gmata in dubium revocare*, id in præfatione Remonstrantium aliisque
penè infinitis eorum scriptis sæpius confutatum est. Fieri vix potest,
quin ii qui ulcera aliqua in Ecclesia detegunt, aut Tyrannidem ex
Ecclesia depulsam cupiunt, in istam criminationem incidant. Quic-
quid inveterato errori, aut Tyrannidi, & conscientiarum dominatio-
ni opponitur, id effrænis licentiæ obtentu optime reprimi posse credi-
tur, & ex uno capite multa alia dependere, facillime credulæ plebi
persuadetur: Sed ab hac criminatione jam dudum satis adseruit Re-
monstrantes Confessio eorum. Quod vero non multo post Censor
subjungit, à Remonstrantibus eo sine Sectarum diminutionem urgeri, *ut ad
eorum unam confluant omnes Sectarii, Libertini, Anabaptista, &c. eaque
istorum omnium confluxu aucta, ipsi politico stratagemate viam sibi parent
ad opprimendos eos, quos conatibus suis vident obstare*; id sane colorem nō
habet, & proterva calumniæ est. De animo eorum iudicabit omni-
scius Deus. Eum ut probent iis, qui iura legesque omnes divinas &
humanas violare, ac tantum non pedibus conculcare non dubitarunt,
ut Remonstrantes opprimerent ac pessumdarent, nec opus est, nec
possibile. Nec credere vellent, nec si omnino vellent, credere aude-
rent. Conscientia eorum mala id non sineret. Animus male sibi con-
fiscus, & qui ex eo sequitur, malus rerum Interpret metus, omnia tra-
heret pejore via. Quicquid in alios admisit, idem sibi ab iis eventurum
perpetuo imaginatur. Iste est equuleus male agentium, qui eos securos
nunquam esse finit. Securitas prima ab animo nostro est: ubi ille tur-
bat, ibi cætera omnia frustra sunt. Quicquid dixeris, quicquid pro-
miseris, quicquid iuraveris, id omne fingi ac simulari volet pertinax
diffidentia. Nisi ita esset, jam dudum calumniæ hæc evanuisset, ut nix
ad meridianum Solem: Remonstrantes enim ab isto spiritu vindictæ
alienos esse, non modo doctrinæ eorum genius, sed tot extremæ pa-
tientia & tolerantia eorum documenta hæcenus comprobarunt, ut
ad fidem ei rei faciendam pluribus non sit opus. Si turbare, si oppri-
mere in animo habuissent eos, quos conatibus suis obstare norant,
vires

Diluitur alte-
ra criminatio
Censoris
quod Remon-
strantes se-
ctarum dimi-
nutionem ur-
geant ut à se
dissentientes
opprimant.

vires & occasiones quærendæ ipsis non fuissent : In manu sua habuerunt & habent quam plurimis in locis, ut oppressores suos opprimant: non foeneramur Soli lucem. Res nota est: Sed eos ab isto scelere conscientia retinuit, & Dei timor. Absit ab iis, ut unquam tam profanis consiliis animas suas maculent. Istam gloriam, istam laudem adversariis suis lubentes relinquunt, & hoc etiam nomine quam maxime sibi gratulantur, quod jam amplius communia sacra nulla habeant cū iis, qui, ut soli rerum potiantur, & in tranquillo vitam ducant, omnes à se palam dissentientes oppressos cupiunt, & in errantes, aut Ecclesiæ puritatem, quam vocant, aliquomodo inficientes, licet alioquin pios, innoxios, & solius bonæ conscientiæ studiosos, edictis, carcere, equuleo, virgis, quin & gladio, cruce, rota ac rogis, si pertinaces sint, & pacem turbare non desinant, animadverti jure posse, inter axiomata suæ Ecclesiæ ponunt. Sanguinem istum jam non reposcet Deus à manibus Remonstrantium. Sanguis Abel est, qui vindictam clamat, & exaudiet eum Dominus. Ab istis jure aliquando reposcet, qui, cū axioma istud publice tueantur, interim tamen alios, qui, eodem axioma nixi, in ipsos non modo dissentientes, sed pro virili sua, uti ubique solent, omnia turbantes, tanquam Majestatis divinæ reos damnant. Ex suis ipsi sermonibus aliquando condemnabuntur apud tribunal summi Iudicis. Nec juvabunt eos frivolæ & frigidæ distinctiones, quibus Censor hic aliique tam manifestum, non dico, errorem sed scelus tegunt. Nunquam desunt prætextus persecutoribus. Hæreticus, Pertinax, Scditiosus, Turbator, Blasphemus ilico esse cogitur, quisquis ab adversa parte triumphante pro tali censetur. Nomina ista imponuntur, uti alia omnia, pro arbitrio partis victricis. Definitiones pro libitu facere Tyrannorum est, quibus pro ratione voluntas est: Ab istis dissentire, istis contradicere, est pacem publicam turbare, & seditionem facere. Nihil communius, nihil usitatus, nihil facilius. Ita nemo ferre hæreticus esse potest, quin protinus Turbator audiat, & à prima ad secundam, tertiamque nomenclaturam proclivis est progressus. Quisquis artes istas persecutorum non novit, næ is in meridie cæcus est. Censorem tantum hunc vide. Gradus quosdam fingit, per quos ad supremū crudelitatis fastigiū ascendit, adeo speciose, ut nihil minus quam eò contendere videatur. Ista arte crudelitatem Ecclesiarum suarum, propter quam eas bonis & piis omnibus merito jure exosas atque invisas esse novit, tegere studet. Sed vide dolum ac fraudem. *Licet Magistratui, inquit, Hæreticos, qua tales, coërcere atque in eos animadvertere:*

Ostenditur
Censorem hæ-
reticidii fave-
re.

EXAMEN

hic primus gradus est. qua lege, quo jure, qua ratione is nitatur jam non disputo. Deinde inquit: *Seductores non tantum coercere licet magistratui, sed & coercendi & puniendi sunt à Magistratu, etsi non supremo supplicio.* Hic secundus gradus est; neq; hic examino quo fundamento is nitatur. *Seditiosi & Blasphemi capitali supplicio affici possunt.* Hic tertius gradus est. Hunc cum manifesta lege, jure ac ratione nitatur, mirum alicui forte videri posset, cur Censor non exprefferit planioribus verbis, videlicet, tales non tantum posse capitali supplicio affici, sed & debere. Sed hac etiam arte crudelem animum, tanquam si à sanguine prorsus esset alienus, optime tegi posse credidit, dum quos lex jubet, & ratio dicit occidi debere, non nisi posse occidi dicere voluit. In cæteris autem jus concedere & necessitatem imponere Magistratui, crudelitatis non videtur, quia ad sanguinem non proceditur. Sed nos jam dolum ipsius videamus, *Hæreticos qua tales licet Magistratui coercere,* inquit: At quid obsecro est istud *qua tales*? At definitionem veniendum est. Ex ista enim sola constare debet, quid sit hæreticus qua talis. *Non omnes,* inquit Admonitio Neostadiana cap. 7. pag. 244. *qui errant in doctrina Christiana, sunt Hæretici, sed ii demum, qui versantur in errore, vel qui aperte pugnat cum Religionis fundamento, hoc est (NB) præceptis decalogi vel articulis fidei, vel ex quo sequitur partis alicujus fundamenti everso; de errore suo sunt admoniti & convicti Scriptura S. testimonio, non tantum privatim, sed etiam publico Ecclesie judicio & nomine, & post hanc admonitionem aliquoties adhibitam, errorem pertinaciter tuentur, & schismatibus Ecclesiam distrahunt.* Iuxta hanc definitionem Hæreticus qua talis, est pertinax, seductor, schismaticus, seditiosus, & si forte hæresis sit circa articulum de Deo, blasphemus. Hæreticum itaque quàm talem Magistratus non tantum potest coercere, sed & debet, nec debet tantum coercere, sed & potest, ut cum Censore loquar, occidere aut capitali supplicio afficere. En ut in primo gradu repente collocetur tota crudelitas. Hoc non volo, inquires Censor. Est. Quid itaque est tibi Hæreticus qua talis? Definitionem hic jam ex cerebro tuo forma contra Scholarum omnium placita, ut crudelitatem subtilitatis fuce tegas. Per Hæreticum, qua talem, intelligo, inquires, eum, qui Hæreticam tenet opinionem: At quid est tenere Hæreticam opinionem? Nam si eam tenet apud se, nemini id constare potest, nec ergo etiam Magistratui licet in eum animadvertere, & eum coercere; nam de occultis & ignotis non judicant homines. Vltterius eundem est; Qui eam etiam profitetur, inquit. Est. At qui eam etiam pro-

profitetur, is jam profitendo Seducitor est factus : Hæreticus itaque qua talis etiam est seductor . Deinde, quid si eam deseruerit aut deserere paratus sit ? Addendum itaque est, qui in ea pertinaciter perseverat. Pertinacia enim est de ratione formali hæreseos ut Cenfor hic ipse asserit Theol. 39. disput. 40. de Eccles. in Synopsi purioris Theologiae. Esto, at quid si roget, ut sibi in ea perseverare liceat, ea lege, ut nemini pandat, nemini exponat hæresin suam, nemini eam persuasam velit, sed sibi tantum eam habeat : An magistratui licet eum, qualem, coercere ? De eo loquor, inquiet, qui sententiam suam hæreticam jam ante aliis aperuit, & porro aliis eam aperire, atque ita eam propalare & propagare studet. At sic Hæreticus qua talis, etiam seductor est. Et quia fieri non potest, quin seductio ista cum turbatione, cum schismate & seditione sit conjuncta; quid aliud tandem efficitur, quam Hæreticum qua talem, esse etiam seductorem, turbonem, seditionis & schismaticum, atque ita occidi jure posse ? En, ut gradus isti scholares non sint nisi commenta & figmenta, quæ in praxi usum non habent, & quæ ed tantum sine in Scholis elaborantur, ut eorum obtentu veletur crudelissima praxis, ne animadvertatur aut diluceat. Atque hæc quidem Reformatorum crudelitas idcirco intolerabilior videri debet, quam Pontificiorum, quod hi, juxta placita Ecclesiae suæ, infallibiter designare possint quid proprie dicta hæresis sit, & qui vere sint hæretici. Reformati verò juxta placita sua, id certo atque infallibiliter designare nullo modo possint. Hæresin sive errorem fundamentalem appellant Pontificii, omnem ejusmodi errorem, qui repugnat apertæ decisioni Ecclesiae suæ, quam credunt (etsi falso) errare non posse, & quicumque isti decisioni non cedit, eum vocant consequenter pertinacem. At hic Cenfor, & qui cum eo sentiunt Reformati, negant Ecclesiae suæ potestatem infallibilem competere de errore fundamentali, de quo controversia incidit, judicandi ac statuendi: Ex quo consequitur, eam de pertinacia ejus, quem errare in fundamento credit, certo statuere non posse. Seductionis itaque & seditionis crimen, quod ex propagatione hæreseos, quam vocant, & secessione eorum, quos hæreticos esse volunt, oriri dicunt, constare ipsis nequit, ut quando supremo supplicio locus sit, Magistratui indicare possint. Ut jam non allegem alia infinita absurda, quæ cum perversa & diabolica ista opinione conjuncta sunt.

Quartum caput esto. Quod Declarationis & Sententia, voces, quas Confessioni suæ præfixerunt Remonstrantes, in suspensionem vocet

*Quantum ea-
put, An decla-
rationis &*

Sententiæ vo-
ces distinxe-
runt Remon-
strantes.

Censor, quasi declarare minus sit quam confiteri, & sentire minus quam credere. Quis non miretur hanc Academicam subtilitatem? Sane ea nunquam venit in mentem iis, quorum ista est Confessio. Quin contra exaggerandæ rei vocibus istis usi sunt. *Declarationis* voce uti maluerunt quam *Confessionis*, contra eos, à quibus differebantur passim, quasi aut non possent, aut non auderent sensa mentis suæ de præcipuis Religionis capitibus clare proferre. Nempe credebantur ea ex professo premere, aut non nisi sub obscuris verborum involucribus promere. Ista arte usa erat calumniæ, ad concitandum & acuum in eos odium publicum. *Sententiæ* voce maluerunt uti quam voce *fidei*, ut hypocriseos calumniam à se amolirentur: Nimirum non credere tantum, sed serio atque ex animo declarationem facere videri volebant ejus, quod apud animū suum sentiebant ita se habere. Hanc ingenuitatem culpæ, quid aliud est quam candorem ipsum calumniari? Et quæ obsecro calumniæ species? Per vocem *Sententiæ* meram opinionem, adedque Pyrrhoniā & Scepticā *ἐποχὴν* intelligere eos dicunt Censores Theologi. Vah, quam sordide! digni, qui ad Grammaticos ablegentur, ut ibi inter cathedras eorum adhuc plorent. Etymologia & usus vocis eos aliud docere debuissent, Et hæc ipsa Remonstrantium Confessio, quæ à Pyrrhonia *ἐποχὴ* tam longe abest quam cælum à terra. Nec refert, quod claram eam esse negent. Quam enim id falsum sit, patebit ex Censuræ sequentis examine. Solem in meridie clarum esse negabunt, cæcus, lippus, & qui oculis suis palpebras obducit. Quam claritatem cæcus aspicere non potest, eam lippus non potest ferre, & qui palpebras obducit oculis suis, intueri non vult. Malignus animus etiam in Sole tenebras, & in luce maculas quærit. Lux in tenebris lucet aliquando, & tenebra eam non comprehendunt. Huic simile est.

Quintū caput.
An Confessio
Remonstrant.
communī con-
sensu edita sit.

Quintum caput, quod annotamus in censura præfationis, quando *Confessionem communī Remonstrantium consensu editam esse in dubium & suspicionem mendacii vocat* Censor. Quid facias in re tam clara? Nihil certius veriusque, & tamen hic dubitat Censor, & mendacii suspicionem gravat Remonstrantes, qui unanimen hanc approbationem coram Sole sæpius professi, & consentientibus hætenus studiis atque actionibus testati sunt. Cur? *In eorum Synodo*, inquit, *apparent vestigia dissensus*: In qua Synodo? post editam Confessionem à Remonstrantibus, Synodus nulla ab iis indicta aut habita est: Si cætum istum intelligit, cujus acta præfixit Censuræ suæ, næ injuriam facit Remonstran-

strantibus, cum cærum istum Synodum eorum vocat, & Synodum tanquam si in ea Confessio scripta atque edita esset, cum cætus duntaxat exiguus fratrum quorundam fuerit,isque habitus quarto anno post editam & ab omnibus ore atq; opere approbatam Confessionem. Et quæ in eo fuit dissensio, non vestigium fuerit veteris dissensus, sed nova, quæ in amicam consensionem tandem desinit. *Sed præterea*, inquit, à nonnullis ejus rei consciis habemus, & multos noluisse subscribere, & à quibusdam aperte fuisse contradictum. Itane? multos? & noluisse subscribere? & contradixisse? Os impudens! nemo subscripsit; nemo ut subscriberet rogatus fuit. Quinam itaque multi isti, qui noluerunt subscribere? post ventilatam & serio agitatam causam, quod sine contradictionibus fieri vix potest, omnes amice, omnes unanimiter, omnes ultro consenserunt: Et hoc satis erat. Subscriptionis ceremonia aliæque ne postulatae quidem fuerunt. Communibus studiis, communibus auxiliis, per medias afflictiones, per crucem & mille discrimina, testanda erat consensio, & si ita Deo placeret, sanguine signanda: hac tessera, qui consensionem suam testari paratos se profitebantur, ab iis manuum signatura non postulabatur. Et, non fuisse, ne unum quidem ex omnibus istis, qui Synodo isti, in qua Confessio scripta, lecta, atque diu multumque à singulis expensa est, interfuerunt, qui id recusavit, jam quinque ex ordine anni, quibus persecutio eorum severissima flagravat, fidem fecerunt luculentissimam, non sine bonorum omnium admiratione & Adversariorum consternatione. Quinam igitur consciis isti esse potuerunt, qui Censori huic tam apertum debuerunt mendacium? Et cur istis tam leviter fidem adhibuit alioquin suspicacissimus Censor? Qui facile credit, levis est corde. Malignus animus pronus in suspiciones, levi momento impellitur ut credat calumniæ & mendacio. Cur istis paucis transfugis forte ac desertoribus fidem potius habuit, quam iis omnibus, qui contrarium publice non tantum professi, sed docendo, tolerando, jam per aliquot continuos annos testati sunt, quorum numerus cum paucorum istorum desertorum numero conferendus non est? merito sane jure suspecta debet esse fides eorum, qui, veluti Protei, in omnes formas se vertunt, ut scenæ ac tempori se accommodent. Quicquid sciunt, videntq; gratum esse, avideq; expeti ab iis, ad quos transeunt, id narrant, tanquam si oraculum esset, & Sibyllæ folium: Et quicquid aliquis vehementer vult, id statim facile credit. Atque hinc est quod Censor hic, quem totum flagrare Remonstrantium odio atq; invidia,

Ostenditur
falsum esse
quod quidam
Remonst. Con-
fessionis sub-
scribere detre-
daverint.

ama-

EXAMEN

Indicatur causa cur Confessio sine notatione temporis & loci & sine ulla subscriptione edita sit.

amarulenta hæc in Præfationem censura aliaque scripta ejus arguunt, nihilque libentius arripit, quam quod iis videt posse nocere atq; offere, hoc etiam tam manifestum mendacium sibi obtrudi passus sit. Quod vero addidit, *Hinc fortasse fuisse, quod Confessio edita fuit sine notatione temporis aut loci, quo perscripta fuit & approbata, & sine ulla subscriptione*, id sane non incitiam sed malignitatem Censoris arguit: Novit enim in quas angustias redacti essent Remonstrantes per crudelitatem ipsorum, quo tempore Confessionem illam suam edebant. Angustus erat redditus ipsis pœne totus vicinus orbis Christianus: In ditione hostium patriæ suæ subsistere cogebantur, quorū gratia abuti nec debebant, nec volebant. Tutum non erat indicare locum & tempus conventus sui, in quo perscripta & approbata erat Confessio. Sine die, sine Consule, omnia sua scribere atque edere tenebantur. Hoc itaque cum in iis culpat Censor, crudelitatis suæ memoriam refricare voluit. Sed & quod, obsecro, in levibus adeo rebus momentum positum est? Tum, Annum editionis, locum ubi perscripta & approbata fuit, nomina eorum, qui eam approbarunt, vel pueri in Belgio norant tanquam ungues digitosque suos: Subscriptione ergo nominum, notatione temporis & loci quid opus erat? Et quis unquam vidit nomina eorum qui Confessionem Belgicam scripserunt & approbarunt, quis Consulem, diem, aut locum notavit quo scripta fuit & approbata? Adde; quod, qui illam attente legit, causam certe non levem habet credendi, eam ab uno aliquo aut festinanter, aut sine magno judicio, vel serio examine aliorum scriptam esse, ac proinde dubitandi, an tale scriptum pro scripto totius Communitatis censi initio debuerit: Adrianus Saravia eam primo scriptam fuisse ait à Guidone de Bres, & cum paucis hic illic communicatam, ac sine solemnī & serio, ut decet, examine, nedum in Synodo ulla approbatam esse, & sic paulatim in communem Ecclesiarum formulam abiisse. Quod verò nuper in Synodo Dordracena Canones suos solemnī subscriptione notatos, Bergensium Concordiarum in morem, ediderunt, id sane vanitatem *μὲν αὖ πολλὰς Παντλασίας* arguit, & eo nomine ludibrium sui debent Prudentioribus. Nam & dissensisse eos, acriterque inter se diu contendisse constat, & dissensionem suam publica protestatione D. Gomarus testatus est, & dissensionis non vulgaris manifesta vestigia in Anglis & Bremēsis Theologis apparent, & in quibus consensus est, ea sunt tam lubricis, tam generalibus, tam involutis Phrasibus ac vocibus elaborata, ut similia videri possint calceō laxo aut cothurno, qui pedibus

pedibus omnium simul potest aptari. Et hæc cum ita accidisse norit Censor, mirum fane videri debet, quod vel de Remonstrantium consensu idcirco dubitet, quod subscriptione careat eorum Confessio, vel ex subscriptione de consensu eorum iudicium faciat, vel denique quod de subscriptione an facta sit dubitet, cum eorum Confessionem adeo obscuris, dubiis, atque incertis lubricisque phrasibus exaratam esse velit, ut quilibet pæne Sectarius, modo Calvinista non sit, ei sine ulla difficultate possit subscribere. Cur adeo difficulter credit eos subscripsisse unanimiter Formulæ, quam ad libitum & arbitrium cujusq; compositam & de industria fabricatam esse omnibus vult esse persuasissimum? hæc non cohærent.

Sexto loco notamus. Quod cum Remonstrantes in præfatione sua dicunt, *quod omnia Confessionis sue membra ad praxin Christianæ pietatis direxerint, eo ipso tacite Ecclesias suas taxatas velit Censor, quasi Theologiam totam mere speculativam faciant*: Ita est. In Theologiam etiam ipsorum id dictum voluerunt, quanquā non ignorabant esse inter eos, qui contra profitentur, & Theologiam partim speculativam, partim practicā, aut practicam quidem, sed maximam partem speculativam faciunt. Professionem & protestationem hanc flocci fecerunt. Tota enim Theologia eorum revera mere speculativa est, & cum praxi, sive officio hominis erga Deum, nihil habet commune. Quicquid in ea est, id est aut Deus, aut Dei actio, ad quam etiam cessatio ab actione referenda est. Praxis nostra nil est, nisi vel pura puta Dei actio in nobis, vel id, quod cessationem divinæ actionis in nobis tam necessario consequitur, quam Solis absentiam tenebræ: Nos boni sumus & benedicimus, quia Deus vi sua divina ita operatur in nobis, ut non possimus non esse boni. Nos mali sumus & peccamus, quia Deus non vult operari in nobis, ut possimus boni esse & à peccando desinere: Officium nostrum nudum nomen est: Conditio in Evangelio nulla est: Præcepta divina ad promissa ejus pertinent: Deus efficit in nobis quod à nobis fieri vult, & præcipiendo adspirat effectum simul atque efficaciam: Voluntas nostra non est principium practicum, quod ex officio præscripto se movet, sed vel subiectum mere passivum, vel instrumentum brutum cæco motu necessario sequens, aut rationis imperium, aut arcanum divinæ motionis impulsus: Principii, medii ac finis eadem est ratio. Ut consilium Dei stet, easdē divinas actiones pari vi atq; efficacia continuari necesse est. Hæc tam certa, tam clara sunt, ut nihil supra. *At nos*, inquit Censor, *fatemur veritatem quæ secundum*

Sextum caput
Quo fine Remonstrantes
dixerint se omnia Confessionis sue membra ad praxin Christianæ pietatis direxisse.

Tota Theologia Calvini
reveramere
speculativa
est.

E

pietatem

Diluitur Cen-
foris frivola
& infcita ex-
ceptio.

pietatem est, non esse mere speculativam, nec mere practicam: Credo, hoc non fateri aperte, nimis foret crudum. Interim, aut nos vehementer fallimur, aut quod fateri aperte non vult, reipsa tamen credere se significat. Sed acumine grammatico & triviali hinc opus est, ut fallacia Sophistica, quæ Academicis propria est, pateat: Sub particula *Merere* fraus tegitur. Id indicat subjuncta ratio; *Quia etiam verus de Deo & rebus divinis sensus ad pietatem pertinet. Non enim potest Deum recte colere, nec proximum diligere, qui de Deo & ejus voluntate in intellectu non bene informatus est.* En quid sit mere Speculativum, & mere practicum acuto huic Doctori! Quasi verò ulla practica scientia detur, quæ absque omni præcedanea speculatione sit, aut scientia idcirco dicatur practica, quia nihil nisi mera praxis in ea locum habet. Qui Philosophiam vel à limine salutavit, is novit scientias appellari Speculativas vel practicas à fine ultimo, in quem desinunt. Quare si Theologia non est mere speculativa, nec mere practica, necesse est ut definat partim in speculationem, partim in actionem. Vbi vel tota speculatio actioni, vel tota actio speculationi subordinatur, ibi vel mere speculativa, vel mere practica est scientia. Quod si aliter rem se habere in Theologia credit Cenfor, det itaque speculationem istam, in quam Theologia ex una parte definit, & quæ actioni non subordinatur, & actionem in quam ex altera parte definit. *Verus, inquit, sensus de Deo & rebus divinis ad pietatem pertinet. Esto; At quæritur quomodo? Non enim potest, inquit, Deum recte colere, nec proximum diligere, qui de Deo & ejus voluntate in intellectu non bene est informatus.* Recte. At hoc arguit Theologiam totam in actionem desinere, atque idcirco esse mere practicam, non aliter quam Ethica, Politica, aut œconomica, scientiæ mere practicæ sunt. Nec enim virtutem recte exercere quisquam potest, nisi de iis, quæ ad virtutem pertinent, in intellectu antea bene sit informatus. Sed quid ego in re clara disputo? Tota pietas, universus Dei cultus, quem Theologia horum Cenforum docet, ad praxin sive officium Hominis non pertinet, nec pertinere ullo modo potest, si consentaneè principiis suis loqui velint. Effectus enim merus actionis alterius non potest esse actus officii nostri, qui ad præscriptum ejus ipsius, qui actum istum efficit, à nobis fit. Quod totum aliunde est, id non potest esse ullo modo actus officii nostri, nedum actus virtutis, aut pietatis elogio dignum censeri, quid dico, præmio à Deo ipso affici? Tota itaque Theologia eorum non est nisi mera divinarum actionum speculatio. Et hoc tam ingens absurdum ex doctrina

doctrina de prædestinatione Calvinii oriatur necesse est : Prædestinatio ejus, & officium hominis, sunt *ἀντίθετα*. Impossibile est illa conjungere. Quisquis non potest non facere quod facit, is officium suum non facit, & sublato hominis officio, quid est Religio, nisi mera histrionia, & operosa simul ac ludicra fabula? Quare, non levem causam Remonstrantes habuisse censendi sunt, cum doctrinam istam appellarunt, infelix lolium, & apostema quod succum & sanguinem omnem pietatis exugit, fermentique instar sese per universum Theologiæ corpus ita diffundit, ut nihil sani sapidique reliquum faciat. Quin imo, quod de ea *Clarissimus vir Tilenus* censuit, scripsitque meritiissimo jure censuisse ac scripsisse credendus est; nec esse quod metuat illud, *increpet te Deus, ô Satan!* Istud non metuit, qui credit doctrinam istam arcem esse, ex qua Satanas potentissime Deum & Religionem ejus oppugnat simul atque expugnat, ac proinde Satanæ nihil gratius accidere posse, quam si tam pestilens doctrina credatur esse Religionis ac pietatis sedes & domicilium. Hac ægide munitus haud difficulter regnum suum firmat in hoc mundo, & pietatis fibras ac radices è pectoribus hominum revellit. Qualis Prædestinatio, talis Religio: fieri aliter non potest. Nec dubium est, quin hanc unam ob causam tam diras, tam plumbeas, tam acres iras gerant Calvinistarum Coryphæi, & qui rem intelligunt, Contra Remonstrantes, quod sciant quantum syрма consequentiarum per totam Religionem ipsorum post se trahat dogma de Prædestinatione. Quod apud Pontificios est Ecclesia, id apud Calvinistas est Prædestinatio: uti tota illorum Religio ex isto uno capite, ita horum tota Religio ex hoc uno capite dependet: Atque hinc est, quod non dubitarint propter eam solam turbare, & sursum deorsum vertere Patriam nostram, totque in ea funestas tragædias excitare, quas jam per decennium cum lachrymis & gemitu Pii omnes spectarunt: Nec desinunt, hodieque potestates summas incendere atque inflammare, ut omni crudelitatis genere sævire pergant in eos, à quibus doctrinam istam fortissime oppugnari sciunt. Nempe, nisi vi stabilietur & retineatur, perituram & dilapsuram eam vident sponte sua, non aliter quam catarrhus dilabatur ac diffuit. Nec divinam iram crudeles turbatores metuunt, quia doctrina hæc ipsa facit ut metuere opus non habeant. Quicquid faciunt, id credunt aut peccatum non esse, aut, si peccatum est, id efficere non posse ut in iram Dei æternam incidant. Peccata omnia sua remissa esse credunt, antequam facta sunt, & cum fiunt, efficere non posse, ut irrita fiat remissio,

aut ut, quam semel conceperunt animo, fides evanescat. Hoc æstro excitati sæviunt ubicunque rerum potiuntur. Et doctrina hæc est Helena ista, pro qua pugnant. Citius cælum terræ miscerent, citius Ecclesiam & Patriam suam sanguine Civium suorum cruentatam, fratresque suos inter se crudelibus consiliis commissos cuperent, citius regimen totum contra fas & jus eversum, leges omnes conculcatas pessundatasque, rectores optimos quosque è medio sublato vellent, quam permittere, ut sint, quibus liceat libere Veneri ista suæ, peplum detrahare, & nude aperteque quam multorum malorum causa sit mundo patefacere.

An quæ de pace & concordia præfati sunt Remonstrantes, serio ab iis sint dicta.

Ultimo loco observamus, quod justam dubitandi causam esse dicat Cenfor, an, quæ de pace & concordia in fine præfationis suæ dixerunt Remonstrantes, serio ab iis dicta sint: Nempe quia sicum ficum, & Scapham scapham vocarunt, id est, Ecclesiam Calvinisticam, quæ Synodi Dordracenæ placita nuper sancivit, veritatis & pacis hostem, cum qua pax & concordia coli non potest, sine manifesto salutis aut periculo aut dispendio. Ita est. Hoc profitentur palam publiceque, fieri non posse ut salutem consequatur is, qui juxta axiomata Ecclesiæ istius vivit, & crudelem praxin ejus contra innoxie errantes aut probat aut non improbat: Axiomata ejus non sinunt ut pie & sancte ex præscripto Christi vivatur: Praxis ejus repugnat directe regiæ Christi legi, id est, caritati, quæ innoxii sanguinis fusionem penitus averfatur. *At Heb, 12. 14. sine sanctimonialia & pace nemo videbit Dominum:* Atque hæc cum aperte profitentur, non tamen idcirco eos, qui doctrinam istam tenent, convitiis, maledictis ac calumniis incessisse censendi sunt: Absit hoc ab iis: Doctrinæ labem detegere, non est ejus professoribus maledicere; Vivis coloribus falsitatem depingere, non est convitari; Sententiam suam de ea ingenue dicere, non est calumniari. Nec *λσδσπίω* est, si quis eum, qui monstrosas opiniones & horrenda dogmata profitetur, monstrosarum opinionum Doctorem & fautorem vocet; si eum, qui hæreticidii patronus, persecutionis suasor & author est, crudelem & sanguinarium Doctorem vocet; dicit enim quod res est, & quod palpari potest verissimum esse. Neque igitur jure, à concordia & pacis studio alienus censeretur, qui cum istis pacem & communionem, sine salutis periculo, coli non posse ait. Pacis enim & concordia studio non debet excedere limites divinæ permissionis: Intra hos si stetur, tum verò pacem Christianorum omnium ex animo cupiunt Remonstrantes. Quicquid ad eam conciliandam, aut conservandam

vandam facere potest, in id pro virili sua enituntur. Pro ista Deum rogare nunquam desinunt. Nec dubitant, quin pax ista parvo redimi possit, si modo adferantur animi veritatis & pacis studiosi. Dolent a-nimitus, eò rediisse res Christianorum, ut concordiae spes omnis pænè decollaverit, dum quaelibet Secta contenta se ab idololatricis & superstitiosis cultibus, & damnatis quibusdam ritibus repurgasse, id fere unum agit, ut ex opinionibus & placitis suis orthodoxum & Christianum hominem aestimet, eosq; tantum, quos per omnia ista placita sibi consentientes habet, recipiat foveatque in sinu suo, nullo pænè vitæ cæteræ discrimine: Contra qui à placitis & opinionibus istis vel latum unguem discedunt, eos, licet idololatriæ hostes & sanctimoniae pacisque studiosissimos, cætu simul suo ac cælo velit esse exclusissimos, quin imo eos aded hostilibus, aded diris odiis, aded atrocibus animis persequatur, ut majoribus vix possit. Sola opinionū consensione, non aliter quam tessera & Sacramento, suos dignoscit. Quanto quis fortiores iras gerit pro istis opinionibus contra dissentientes, quāto acrius in eos furit sævitque, tanto sincerior, tanto purior, tanto creditur esse reformatior. Modestiae, innocentiae, humanitatis, caritatis, commiserationis cura nulla, aut exigua habetur. Ut nihil in moribus offendas, tamen in sensu rerum divinarum vel cespitare capitale est. Adversariis veritatis puræ, quam vocant (sed heu nimium sæpe impuræ ac profanæ!) acerrime contradicere, vatiniana odia contra eos exercere, longissime ab iis recedere, eos proscribere, relegare, incarcerare, aqua & igni interdicare, etiam si sint vitæ prorsus inculpatæ, & pacis amantissimi simul ac studiosissimi, apex pænè veri zeli esse creditur. Hoc fletu, hoc lachrymis dignum censent Remonstrantes. Hinc alia illis mens, alius animus. Propter meras opiniones, quibus nulla superstitio, nulla idololatria, nulla impietas cohaeret, hostiliter in partes ire, pro nudis merisque Sectarum quarundam placitis pugnare, non aliter quam pro vero ac puro Dei cultu, id verò probrosum Christiano nomini putant. Hinc neminem sic à se dissentientem aut fugiunt aut fugant, si modo pie in Christo & pacifice cū ipsis velit vivere. Solos impios, profanos, mundanos, contentiosos, maledicos, rebelles, implacabiles, λοιδορὰς, ἀσπίνδους, ἀσωδέτους, μετὰς φθόρου, φθόνου, ἐριδος, δόλου, κακονομίαις, ἀνελεήμονας, πρεδόντας procul à se esse jubent. Hæc est gloria Societatis eorum. Hac tessera discriminari gaudent à cæteris omnibus Sectis, imprimis ab istis, ubi pænè omnia licent, præterquam dissentire: Hic limes, hic terminus eorum est, Neminem pium

EXAMEN

à se excludere, nec profanum admittere, dissentientes omnes ferre atq; amplecti: Deus illis hunc terminum figit, eum refigere in gratiam cuiusquam nec debent nec volunt. Quos Deus cælo ac throno suo glorioso dignatur, eos cur illi non dignentur societate sua? Quos ille non excludit domo sua, cur eos illi excludant cætu suo? Atqui certa res est, omnes & solos pios ac fideles Dei cultores, omnes pacificos Christi Filii sui imitatores Deus cælo & domo sua dignari vult. Solos profanos & caritatis pacisq; expertes exesse jubet: Dissentientes aut errantes à se separare, aut se ab illis segregare nusquam mandatū sibi legunt. Nec referre putant Remonst. in quocunq; dogmate sit dissensio, dum modo dogma istud Deum & pietatē non lēdat, & qui istud profitetur, pacem cum dissentientibus colere ex animo paratus sit. Quod hic Censor se audire vocem Iacobi, sed manum Esau sentire, imo nec vocem Iacobi, sed vocem plane profanam audire ait, id parum eos movet. Norunt jam eum præ zelo caligantes oculos ac manus stupidas habere, ad pacis monita obstinasse animum suum, & tantū non obsuruisse ad Remonstrantium vocem, atq; idcirco Iacobum ab Esau discernere non posse. Quare nec penſi habent, quod eos, *sub hoc pacis specioso*, ut ait, *nomine, Socini Religionem introducere velle scribit*. Iam enim satis testatum mundo fecerunt quam Religionem introductam velint, quid credant, quid sentiant. Confessio eorum id docet: Socinus, Calvinus nomina sunt Sectarum. Neutri Sacramentum dixerunt unquam, nec dicere volunt. Si quid hic, aut ille bene sensit scripsitq; ad mentem Christi, id libenter amplectuntur, Nec curant an Socini an Calvini Theologia dicatur. Id sane susque deque habent. Qui aliter sentiunt, eos credunt cum Calvino Tyrannidem moliri, vetera Antichristi vestigia premere, & sub mutato titulo, Papatum, quem ore damnare videri volunt, opere ipso stabilire ac confirmare. Cum istis pax ut ineatur impossibile est. Non cupient eam, nisi habeant id omne quod volunt. Alio pretio pax non redimitur ab istis hominibus. Nec mirū: ut enim eam aut cupiant, aut ineant, alia lege, à doctrina aut ab animo suo, non magis quā Pontificii, possunt impetrare: uti enim Pontificii credunt ac palā profitentur, se in doctrina & fide, ut vocant, errare non posse, ac proinde ne pilum quidem in ea cuiquam volunt concedere: ita hi, etiamsi id non profiteantur, imo contrarium se credere protestentur, re ipsa tamē idem prorsus credunt, utpote persuasionis pleni se ista fide præditos esse, quæ à Deo speciali gratia infusa est, & excidere nunquam potest. Quam docilitatem, quam æquitatem, quam moderationem speres aut

ex-

expectes ab his mortalibus? Æthiopem lavas, & littus aras, si cum iis de doctrina eorum disputes. Istis errorem suum ostendere tantundem est atq; Isthmum velle perfodere, & fidem, quæ doctrinam istam respicit, & quam credunt excidere nunquam posse, pectoribus eorum velle excutere. Nolent videre, etiam si Solem manu tua portes. Et quid rationibus promovebis apud eos, qui credunt fidem suam omnipotentem Dei manu in se effectam esse, & eadē vi in se conservatam semper iri? Ab his itaq; frustra pacis aut moderationis consilia expectare se sciunt Remonstrantes. Nec inopinati quicquam sibi accidere credunt, quando eos respuere atque abominari vident consilia omnia pacis, quæ Christiano orbi dant: Sciunt aut prorsus sentiendū esse cum ipsis, aut actum esse de pace. Nemo eos potest habere nisi aut socios, aut hostes. Fatalis prædestinatio, malorum omnium lerna, non finit aliter fieri. Neq; tamen desperant idcirco, quin futuri sint probi ac pii inter omnes Sectas, qui, si non probabunt consilium eorum, studium tamen eorum ad pacem & concordiam promovendam non sunt improbatum. Quod ut fiat, ex animo & supplices Deum rogant.

Interim, ne cuiquam sit obstaculo hæc Censura, ad eam examinandam nos accingimus, ubi primum nonnulla de scopo Censorum, quem propositum sibi habuerunt, præmonuerimus. Quisquis Censuram accurate & cum iudicio considerat, is prima statim fronte deprehendit, id potissimum dedisse operam Censores, ut, ineptientis Bodecheri vestigiis insistentes, Remonstrantium Confessionem Socinianismi non tam iusta labe, quam inani nomenclatura penè ubique infamarent. Tria huic rei fidem faciunt. I. Quod in Confessione eorum, ea etiam ut Sociniana censuerint, in quibus Socinianos cum Orthodoxis conspirare certissimum est, ipsique aded aperte fateri coguntur. II. Quod ea, quæ vel Socini nullo modo sunt, vel quæ Socinus ab his aut illis Reformatis Doctoribus mutuatus est, vel quæ cum Scriptoribus neutiquam aspernandis habet communia, solo Socinismi titulo gravent, ut invisi atque exosi nominis maculam, veluti atrum stigma iis inurant. III. Quod quæ Socini non solum sententiæ, sed & phrasi contradicunt, Socinismi tamen veru atque obelo confodiant, ea solum de causa, quod vel in terminis Socinianæ sententiæ condemnationem non contineant, vel non isto modo, istis terminis, istis phrasibus, ista via Socinum oppugnent quæ in Scholis eorum usitatæ sunt. Et in hisce tribus cardinibus totus labor Censuræ vertitur. Mirum, a. quanto artificio, quanta cura, quanto

Præmittuntur generalia quædam quæ lucē sequenti examini dant, de Socinianismi macula, quam Confessione inurere propositum ante omnia habuerunt Censores.

Tria indicia ponuntur, unde patet, turpitudine & iniquitas tam manifesti propositi.

EXAMEN

quanto molimine ubique fere occupentur Censores, ut speciem & colorem aliquem huic nomenclaturæ possint dare: Credas eos subinde velut victores receptui canere & sibi ipsis accinere illud *εὐχάρμεν εὐχάρμεν*. At si ineptientem Bodecherum tantum ob oculos habuissent, sensissent utique se ea in re nullum operæ pretium fecisse apud eos, qui rerum momenta ponderant. Et jam pridem Remonstrantes testatum orbi Christiano voluerunt, atq; etiamnum testatum volunt, sibi fusque deque esse quodcunque tandem invisum nomen sententiæ ipsorum præscribatur. Nomenclaturis offendi stultum putant & ridiculum. Istis verò etiam Reformatos pugnare inglorium ac probrosum. Norunt ipsos illos, quorum hoc jam carmen est, in principio Reformationis pæne omnium, qui unquam fuerunt, hæreticorum nomenclaturis gravatos, mactatos, ac tantum non obrutos fuisse: Nihil à summa ad imam chordam sonabant olim Adversarii, quam veterum hæresium pænè omnium nomina, quas de novo paxillo suspendi ab iis clamabant. Neque ab hostibus tantum id factum sciunt, sed non raro ab amicis, & qui Reformationis laude cæteris præstare volebant, si quando fiebat ut in diversas opiniones ac sententias discederent. Quas non hæreses à Reformatis Bergensibus Ecclesiis suis impactas conqueritur Admonitio Neostadiana? Calvinus Arrianizans Hunnii, an non viritim atque in omnium manibus teritur? Et profecto nullus pænè est Scripturæ locus, quo se tueri veteres Patres solebant contra Arrium, Samosatenum, aliosque, quem non injuria sibi objici Sociniani à Reformatis clamant, quod inter alios Calvinus eos interpretatione sua non tantum luxaverit, sed in sensum qui opinioni eorum optime quadrat, flexerit. Calvino-Turcismum aliaque non allego. Quare qui nunc idem faciunt, iis vel fermentum vetus Pontificii ad huc sapit, vel ad istud redeunt, veluti ad vomitum canes. Reformationis gloria in eo sita est, quod ad unicam Scripturæ amussim dirigatur, & non pugnet nisi justis argumentis ac solidis rationibus. Qui ab istis vel latum unguem discedunt, ii probro sunt Reformationi, & ridendos se propinant suis Adversariis. Aut intra ista consistendum est, aut redeundum est ad vetus & semel excussum jugum humanæ autoritatis. Medium non datur. Distinctionibus, exceptionibus, restrictionibus, non eluitur tam feæda macula. Qui sapiunt, ii eandem fabulam agi vident, sed sub alia persona ac larva, quam de trahere non est difficile. Hoc semel dictum esto.

Iam verò, ut, quod caput rei est, attingamus, Censores nulla iusta Soci-

Socinianismi labe Remonstrantium Confessionem notasse, aut notare aulos fuisse ex hoc manifesto indicio liquet;

Quod capita ista, in quibus placita Socino propria sita sunt, non modo fateantur in Confessione eorum non deprehendi, sed diserte quæ de istis capitibus à Remonstrantibus in Confessione ipsorum declarata sunt, talia esse agnoscant, quæ orthodoxam sententiam continent, si modo quod verbis testantur (ut ajunt) Remonstrantes animo sentiunt. Capita ista sunt de Trinitate, de Deitate filii, de persona Christi, de Satisfactione. Verba eorum in Censura capitis de Trinitate pag. 52. lin. 15. hæc sunt; *Verum Remonstrantes nobiscum credunt Iesum Christum esse naturæ verum & æternum Deum, si, quod verbis testantur, animo sentiunt.*

Demonstratur ex ipsis Censorum verbis Confessionem Remonstrantium Orthodoxam esse, in capitibus præcipuis.
I. De Trinitate.

De Deitate Filii ac Spiritus S. sic censent pag. 54. lin. 16. *Deitatem autem Filii & Spiritus, inter alia maxime probari affirmant ex divinis nominibus seu iuulis, item ex divinis proprietatibus & operationibus, quæ utriusque in sacris literis aperte passim tribuuntur. Quæ sane suam vim ac robur habent, modo non negligantur alia quæ à sanis Theologis invicta semper habita sunt.*

II. De Deitate Filii ac Spiritus S.

De persona Christi pag. 120. lin. 17. Remonstrantibus tribuunt, *Quod sectiones duæ in Confessione eorum ita de ea sint conceptæ, ut nihil habeant contra fidei analogiam.*

III. De Persona Christi.

De officio Christi pag. 121. Remonstrantium pleraque omnia talia esse dicunt, quæ in justam reprehensionem non incurrant. Cum enim fateantur initio, Christum triplex suum officium universum, partim jam olim in terris sub statu humilitatis & exinanitionis fideliter administrasse, partim etiā nunc in calo, sub statu gloriæ & exaltationis, gloriose administrare: Videntur omnino nobiscum agnoscere, Christum non solum ante resurrectionem suam fuisse Prophetam: quod solum Sociniani ipsi tribuunt: sed etiam jam tum fuisse sacerdotem & regem, quod negavit Socinus.

IV. De Officio Christi.

Pag. 122. sect. 9. Sic loquuntur, ajunt, Remonstrantes, Christum non esse Servatorem solo præconio, exemplo & martyrio suo, sed etiam vero erga Deum merito & efficacia. Quibus etsi, verbis saltem, fateantur quod verum est, Christum merito & efficacia esse Servatorem &c.

Confessio itaque Remonstrantium vel ipsis Censoribus iudicibus, in istis capitibus à vera Socinismi labe immunis est, saltem quod ad summam rei attinet, & si verba eorum videas prout jacent. Quid pluribus argumentis opus est? Nec contra quicquam facit, quod in capitibus istis hic illuc nonnulli Doctores censeant: ea enim non rem ipsam capitum, sed circumstantias rei spectant, & non nituntur

F

ratio-

EXAMEN

Ostenditur
quam absurda
& stulta sit
clausula Cen-
soris, Si quod
verbis testan-
tur, animo
sentiant.

Andreas Fri-
cius Sylva
quarta, cap. 1.

rationibus, sed meris suspicionibus, atque inanibus harialotionibus & frivolis conjecturis, quas postea confutabimus. Multo verò minus contra hoc facit quod addunt, *Si quod verbis testantur, animo sentiant.* Id enim prorsus indignum est Censoribus Christianis, & animum eorum censendi nimis avidum arguit. De animo Remonstrantium frustra sunt solliciti. Eum impossibile est ut aliter mortalium ulli probent quam verbis. Ex illis æstimandi sunt; si istis eum sibi probari negent Censores, quibus tandem eum probari sibi volent? Suifne? At si fallere, si prævaricari verbis in animo habuissent Remonstrantes, haud difficulter suis etiam ipsorum verbis Censores fallere potuissent. Fallere volenti, verba omnia serviunt: Ex instituto sunt & ferè *πλῆθη*; plures enim sunt res quam verba, ut inquit Aristoteles. Nihil tam accurate dici potest, quod cavillo omni carere possit, si modo velis. Qui fallere vult, is verbis etiam exquisitissimis fallere potest. Nunquam finis erit, si quis suspitioni velit indulgere. Suspicio cuilibet voci & rei duas, imò plures ansas aptare, nullo negotio potest: Fœcunda est imaginatio, & si velis, infinita: uti sine fine interpretationes sibi ipsi fingere potest, ita sine fine modoque eas ab aliis quærere potest, aut desiderare: Ne longè abeam, in ipsa materia de Trinitate, vide voces essentia, personæ, substantiæ, consubstantialitatis *ὁμοσις*, *ὁμοιότης*, substantiæ, assumptionis, naturæ, etsi quæ sunt aliæ. Personæ vox veteribus Latinis, uti & vox *πρόσωπον* Græcis, non significant nisi qualitatem, Etymologia id indicat. Apud Theologos verò quot de ea definitiones reperiuntur? Essentia, substantia, *οὐσία*, natura, nunquam ferè in Scripturis, & valdè raro Scriptoribus, imprimis Iureconsultis & in usu communi significant id quod apud Philosophos, hodieque significant, & post natam controversiam cum Arrio aliisque, significare cœperunt. Per vocē Consubstantialitatis sive *ὁμοσις*, non essentia unitatem, sed similitudinem Filii cum Patre ipsos Nicænos Patres intellexisse prolixè ex historia probare conatur Andreas Fricius, recte an secus jam non quæritur. Per similitudinem autem illam eos indicasse, filium Dei esse mediæ naturæ inter ingenitum Patrem & inter Creaturam. *Post illam Synodum, quot inter Orientales & Occidentales Ecclesias contentiones de illa voce fuere? quot etiam inter unius & ejusdem Provincia Episcopos? imo & inter eos, qui privati essent, quot certamina excitata? Episcopi*, inquit Sozomenus lib. 2. 18. *temporis illius (erat autem tempus illud vivo adhuc & imperante Constantino) inter se dissidebant, homines si nomen accurate examinantes. Et Arriani quidam ho-*
mofianos

monianos blasphemiam accusare, quasi filium extra substantiam esse sentirent. Contra homoniani Arrianos & Ethnicos aversari, tanquam suspicionem plurimum Deorum inducentes. Ad hæc Orientales nomen essentia omittere, illosque tantum qui Filium Dei ex non existentibus, aut ex alia quam Dei substantia fuisse affirmarent, execrari. Contra Occidentales ejusmodi Orientalium decreta rejicere, solisque Nicæna Synodi decretis standum esse contendere. Quapropter Synodus tandem Sardica coacta homonisi vocem omittere, illosque tantum excommunicare qui vel tres Deos, vel Christum non Deum, vel Patrem, Filium & Spiritum Sanctum unum & eundem, vel Filium ingeneratum dicerent. Eundem ad modum & in formula Syrmis composita & Arimini recitata, nomen & *σας* propterea quod à Patribus simplicius positum esset & populis incognitum, offendiculum pareret, amputandum, ejusque mentionem nullam deinceps fieri debere censebant, cum quidem divina litera nusquam Filio, nusquam Spiritui sancto nomen & *σας* tribuant, similem a per omnia Patri Filium doceant. Eisi autem multi Episcoporum hujusmodi decretis intercesserunt, idque missis literis cum legatione ad Constantium testati sunt, Tamen & in Synodis sequentibus id confirmatum est, vide Socrat. lib. 2. c. 37. Theodor. lib. 2. cap. 18. 19. 21. ὑποσάσας vox, quam diverse accipitur in scholis à recepta Scriptoribus, Sacris, Medicis, aliisque, significatione quis ignorat? Quid? an credunt Cenfores materiam fallēdi deesse potuisse Remonstrantibus, si eos suis ipsorum verbis fallere propositum habuissent? Ipsi apprime norunt quibus verbis, quibus phrasibus in nupera Dordracena Synodo deceperint orbem Christianum: Singuli Canones totidem cothurni, singulæ fere voces totidem decipulæ sunt, quibus populo imposuerunt, & concordēs Doctores visi sunt. *Historia Concilij Tridentini* nuper edita monstrat quanta arte laboratum in eo sit à legatis Papæ, ut phrasēs ac periodos reperirent, quæ dissentientium Doctorum pedibus possent aptari, salva manente sua cuique sententia, & Ecclesiæ recepta fide. Et quid non ex professo egit *Synodus Sendomiriensis* in Polonia, uti Calvinistæ & Lutherani, alioquin capitales inter se hostes, consentirent in formulas, quas pro arbitrio suo quilibet posset interpretari, atque aptare animo suo? *Remonstrantes* quamquam sciebant non defuturos inter Calvinistas, qui omnia eorum acriter censerent, & dentibus atque unguibus acutissimis vellicarent, maluerunt tamen, postquam ab iis per vim ejecti, & sine ulla commiseratione segregati atque expulsi erant, propriis suis verbis ac phrasibus uti; non quod eas calumniæ non obnoxias futuras credebant (quis enim ita

Remonstrantium candor in Declaratione ipsorum.

EXAMEN

loquatur, ut malignum calumniæ dentem evadat?) sed quia simpliciores, Scripturæ propiores, & capacitati lectorum omnium accommodatiores esse videbantur. Quod sicubi aliis sunt usi, id non sponte sua, sed inviti penè fecerunt: Adèd perverso ac maligno sæculo vivimus. Alioquin planissimas & maxime perspicuas phrasas ubique adamaverunt & sectati sunt: securi cum quo illas communes haberent: Id enim nimis vernile est. A scholaribus consulto abstinerunt. Æquivocas, ambiguas, ἀμφίπλευρας, quantum licuit solícite evitarunt. Nisi id propositum habuissent, breviorẽ multo Confessionem, ad instar multarum, quæ in harmonia extant, edere potuissent, & sub obscura brevitate, verborumque contorto volumine, si quas habuissent hæreticas opiniones, tegere. Nunc, cum aliter egerint, & non tam Confessionem, quam declarationem apertam ediderint, immerito sane in suspensionem vocantur affectatæ, seu simulationis, seu dissimulationis. Sed ea est calumniæ & suspensionis indoles. Vbique reperit quod suggillet. Si brevis est oratio, ex professo obscuritas dicitur affectari & arcanum mentis tegi. Si clara & prolixa est oratio, an verba cum animo conveniant in dubium vocat, & non de declarationis, sed declarantis sinceritate scrupulum movet. Ita semper habet malevolus animus, ad quod hæsitat. Si Remonstrantes jure talionis agere vellent, quid non haberent, præter omnes istas considerationes, quas super Confessione, & Catechesi Palatina, Synodo Dordracenæ obtulerunt, in singulis, non dico Articulis, sed periodis, quod sequius interpretari & obelo possent configere? Nec enim articulus penè ullus est, in quo non aut pleraque eorum defunt, quæ in Confessione Remonstrantium Censores desiderant, aut non verba fere eadem repertiuntur, quæ sensum varium dicunt admittere, aut si verba satis sunt exacta, in quo non scrupulus reperiri, aut injici possit, de animo eorum, qui verba ista, suâ esse volunt. Sed id impræsentiarum non faciunt Remonstrantes, ne vicem rependere & vindictæ ac talionis magis, quam innocentia suâ studio duci videantur.

Tria alia indicia, quæ probant, Censores Remonstrantium Confessionem non Socinianismo sed sola Socianismi suspitione gravare.

Atque hoc est indicium istud, ex quo patet quod Censores Confessionem Remonstrantium nulla justa labe notare ausi fuerint: quod non parum augetur. I. Ex Censorum continuis locutionibus, quæ ferè à capite ad calcem usque non desinunt, nisi in verbum *Videatur*; quod plusquam millies ingeminatur in hac Censura. II. Ex petitionibus, quas creberrime faciunt, ut Remonstrantes propius se in omnibus pæne Articulis declarent. III. Ex eo quod plerorumque articulorum

culorum veritatem & necessitatem ad eò solícite confundunt, ut certo statui non possit, quid Remonstrantibus tribuant, an quod veritatem eorum in universum negent, an quod necessitatem eorum, seu in universum, seu ex parte in dubium vocent; an quod de utroque simul hæsitent: Cribro opus est, ut mentem eorum divines. Hæc qui faciunt, illis iusta argumenta defunt ad fidem faciendum, ac proinde Conclusio eorum in frivolam *Suspicionem* definat necesse est.

Suspicio caput & cauda Censuræ est.

Verum enim vero, quia rem hanc liquere volunt in articulo de *Justificatione*, quem in fine Censuræ suæ *Fundamentalem Reformationis Articulum* vocant, quod sine dolore & horrore se non dicere profitentur: opere pretium foret, ut, quo iure id ab ipsis affirmetur, accurate expendetur. Hic enim Remonstrantes, manifesto teneri Socinismi, & quod accusationis caput est, apertum bellum indixisse universæ Ecclesiæ Reformate pag. 141. non dubitant affirmare. Quare, si ab ista labe immunes esse Remonstrantes probetur, nihil restat, ad innocentiam eorum probandum, quantum ad fundamentales Reformationis Articulos attinet. Sic enim loquuntur Censores, tanquam si, præter hunc, nullum alium Reformationis Articulum fundamentalem agnoscerent, Sed, quia de hoc Articulo cap. x. & xj. Censuræ ex professo tractant, eò Lectore remittimus, ne bis idem agamus. Ad Censuram ipsam progrediamur.

Ejus frontispicio prætexitur *Admonitio, de titulo Confessionis*. Nimirum, usque ad eò impura est Confessio, ut à titulo etiam ipso contrastrat censetur. Titulus Declarationis frustrat censetur.

gionis periculum sit. Cautione opus est, ne aditus ejus ingredientibus noceat, & hæresin affricet. Bone Deus! quam inquietus est suspicax animus, & quem prava censendi libido agitat! Omnia tuta timet, & sub omni viridi saxo Scorpium latere credit. *Sub fucato nomine declarationis insidie latent*, ait Censor hic, quisquis est, (sane stylus, & argumentandi, distinguendique modus *Virum* arguunt) id est, sub ipsa claritate latent tenebræ, & sub candoris nive hypocrisis ac dolus? Ita est. Ex istis ipsis vocibus, quas innocentia elaboravit à moliendæ criminationi materia criminationis petitur. Quid facias? Nos hic non reciprocabimus ferram contentionis per eandem lineam. Fieret, quod dicitur, *Thuscum jurgium*. Iam ante satis superque, in examine Censuræ ad Præfationem, hac tota de re actum est, Cur vid. Remonstr. Declarationis voce potius usi sint, quam voce *Confessionis*, & quam inepte iis tribuatur *fides annua, menstrua & horaria*, & simul prolixè responsum ad totum istud, quod hac admonitione continetur. Tu Lector vide sis, & confestim intelliges Censorem hunc in ipso

Censuræ limine, tam turpiter lapsum esse, ut *Cantherius in porta* dici mereatur.

AD CENSURAM

CAPITIS I.

De S. Scripturæ autoritate, perfectione,
& perspicuitate.

Primam Censuram orditur Censor à felle & à suspitione : Fel in præfatione est, quod animum Censoris etiam hujus valde exulceratum arguit. Nos illud respuemus, ut sordidi ulceris excrementum. Suspicio, Censuræ basis est. Quid mirum? Ea facit in toto Censuræ corpore proram & puppim. Tolle suspitionem, jacebit Censura

Veluti ingens littore truncus.

Quod, ut piis omnibus totique orbi Christiano liquido constare possit, (*verba sunt Censoris*) singulas Censuræ sectiones *narà nidas* persequemur, & quam monstrosis hariolationibus, vanis conjecturis, & inanibus suspitionibus, refertæ sint, demonstrabimus. Tu Lector, adhibe animum & judicium procul omni gratia & odio, nec à quibus, sed quid dicatur, adverte.

Initium Declarationis Remonstrantium hoc est : *Quisquis Deum rite colere, & æternam salutem certo atque indubie consequi vult, ante omnia ei necessum est, ut credat Deum esse, &c.* Hæc Remonstr. Assertio, inquit Censor, etsi verbis Apostoli sit adornata, quibus ad fidei descriptionem mittitur *Hebr. 11. 6. mens tamen ipsorum nobis suspecta est, quod verba Apostoli, præter scopum ipsius, duplici Socinianorum glossemate interpretari (NB) VIDENTUR.* Prius est, quod phrasin, Accedentem ad Deum, qua Apostolus utitur, exponant cum Smalcio, per Deum colere. Alterum est quod quærere Deum, exponant cum eodem Smalcio, per pie vivere, & ad regulam bonorum operum à Deo præscriptam se & vitam suam componere. Unde deinde concludit, suspitionem justam esse quod Remonstr. Socinianis astipulentur, ut qui fidem non tantum per fiduciam, verum etiam per operum obedientiam definiunt.

Quam

Quam longe petita sit hæc suspicio, quis non videt? Ambagibus Vanitas pri-
opus est, quas ne Ariadne quidem inveniatur aut filo suo circumbeat. ma suspicio-
Cæterum quam sit ea vana ac futilis, sic demonstramus. Primum glos- nis. I.
fema quod attinet: Remonstr. phrasin illam sacri Scriptoris, *Accedere ad Deum*, exponere voluisse per *colere Deum*, ne probabili quidem ratione evincet Censor. Non enim dicunt, *Accedere ad Deum & colere Deum* idem esse, sed tantum, in eo, qui legitimus & verus Dei cultor censendus est, requiri duo; *Fidem*, qua credit Deum esse, eumque præmia largiri quærentibus ipsum, & ipsum *Quærere*, id est, divinæ voluntatis obsequium. *Accedere ad Deum*, qua phrasi Scriptor facer utitur, ut interpretarentur cum Smalcio per *colere Deum*, necesse non erat quamquam quid in eo absurdi foret? imo causa erat, ut non interpretarentur per *colere Deum*. *Accedere enim ad Deum*, longe aliud
quid Scriptori Sacro hoc loco significare, versus præcedens non obscure arguit, cum *Enochum à Deo translatus fuisse per fidem* affirmat, *ne videret mortem*: Sic enim infert, *Translatus fuit à Deo*, ergo credit Deo. Ratio est, quia si translatus fuit, placuit Deo: *impossibile autem est placuisse Deo sine fide*. Qui enim ad Deum transfertur, aut ad Deum accedit, ut cum eo æternum sit & vivat, eum credidisse, antea sc. (*πιστεύει* enim est in textu, non *μετέειναι*) oportet, *Deum esse, & præmia largiri quærentibus ipsum*. *Accedere itaque ad Deum*, hoc loco idem valet, quod ad gloriosam & immortalē vitam apud Deum possidendam transferri, quo sensu forte *ἐγγίζειν τῷ Θεῷ* *appropinquare Deo* accipitur Cap. 7. 19. & *accedere ad Deum iudicem omnium*. Cap. 12. 23.

Secundum glossema quod attinet, in eo clarius adhuc apparet Vanitas suspici-
suspicionis vanitas. Nam I. cum Remonstrantes dicunt, *Ac proinde* tionis ostendi-
de necesse est ut ad eam normam ac regulam se componat, inepte paren- tur plenius in
thesin hanc inserit Censor, *Bonorum sc. operum*: Per regulam enim secundo glos-
ad quam se componere debet Dei verus cultor, non intelligunt semate Ceu-
isthic Remonstr. regulam bonorum operum, contra-distincte à re- foris.
gula fidei; Absit: Sed regulam fidei & bonorum operum simul.
Fidei, inquam, qua indubitanter credimus Deum esse; & qua certo persuasum habemus, Deum præmia largiri quærentibus ipsum. Hæc enim firma fides, non habetur sine divinæ voluntatis cognitione. Eadem obedientiæ ratio est: Consequentia patet, Indubitata præmii spes & definitus ac determinatus obediendi modus à sola voluntate Dei dependent: Ergo necessaria est cognitio regulæ istius, qua voluntas tota divina expresse continetur, II. Verba ista; *Com-*
ponere II.

ponere se ad normam & regulam istam, inepte Censor existimat *ἐξ ἑνός* esse verborum istorum, *Εὐμ* oportet credere, Sunt enim *ἐξ ἑνός* totius istius pronuntiati, quo non tantum credere Deum esse, & præmia largiri quærentibus ipsum, sed quærere etiam Deum necesse esse dicit Sacer Scriptor. Qui enim dicit, necesse esse, credere Deum præmia largiri quærentibus ipsum, is etiam necesse esse dicit Deum quærere. Quærere autem est obedire. Vtramque igitur, tum Fidem, tum obedientiam ex fide necessariam esse, ex loco isto concludunt Remonstr. si ad Deum velimus accedere, id est, Deo uniri, propitio Deo frui, & præmium à Deo consequi. Tantum autem abest ut fidem hic cum Socinianis non tantum per fiduciam, verum etiam per obedientiam operum definire voluerint, ut ne quidem per somnium, de ea re cogitaverint tam alieno loco. Aliud est fidem & obedientiam ex fide, simul necessaria esse ad hoc, ut æternum salvemur; aliud fidem non tantum per fiduciam, sed etiam per obedientiam operum definiendam esse. Istud, non hoc dixerunt Remonstrantes, sectionis hujus initio. III. Imperite & inepte Censor hic addit: *Fidei seu fiducia in Deum, formalem actum esse, ad Deum accedere per Christum, obedientia actum formalem, Deo obtemperare ex Decalogi præscripto*. Nam, si fidei actus formalis est ad Deum accedere per Christum; tum sensus verborum sacri hujus Scriptoris erit: Accedentem ad Deum, id est, credentem in Deum, oportet credere, vel credidisse in Christum, Deum esse, &c. Si enim formalis actus fidei est accedere ad Deum per Christum; accedere itaque ad Deum, est formaliter in Christum credere. Quid futilius? Imo contra, Scriptor diserte dicit in Aoristo primo eum oportet *πιστεῖν*, credidisse: Nec vel hilum de fide in Christum loquitur, quod tamen facturus omnino fuisset, si formalem actum fidei in eo situm esse dicere voluisset. Deinde, si actus formalis obedientiæ est obtemperare ex Decalogi præscripto, tum actus formalis obedientiæ non est obedire ex præscripto Evangelii: quo quid ineptius? Si enim præcepta Evangelii formaliter sunt præcepta, quomodo obedire præceptis istis non est formaliter obedire? Accedit, IV. Perperam ex eo, quod Remonstr. locum ad Gal. 6. 16. conjunxerint cum loco Matth. 7. 21. ut probent, normam obedientiam à Deo præscriptam esse doctrinam Legis & Evangelii, Concludit Censor, Remonstrantes statuere cum Socinianis, obedientiam esse formam fidei: Nam quæ consequentiæ ratio? Deinde, nec potest, nec debet ignorare Censor, Remonstrantes in Cōfessione sua Cap. xj. & xij. ubi de fide & obedientia proprie dicta ex professo

III.

IV.

professo agitur, totidem penè verbis, quibus ipse Cenfor hic utitur, Fidem facere & vocare causam, matrem, fontem obedientie proprie dictæ. Obedientiam verò prolem, fructum atque effectum fidei; imo quod omni exceptione majus est, eos duos articulos sive capita duo distincta de fide & de bonis operibus fecisse. Hanc tam apertam declarationem, ex locorum istorum duorum conjunctione, in suspensionem trahere, quid aliud est, quam in censendo suam imperitiam, dicam an malignitatem prodere? Atque hic primus in ipso limine lapsus mali omnis præfagium videri debet.

Par, si non major, imperitia se prodit sectione II. *Primum Confundere hic videntur Remonstr.* ait Cenfor, *questionem, an sit Deus, cum altera, Quis & qualis sit.* Cur? Nam, inquit, loca S. Scriptura, quibus hinc nuntur, tantummodo indirecte probant quod sit Deus: cujusmodi sunt ad Hebr. 1. 1. 1. Ioh. 1. 18. Atqui loca ista non allegantur, ad probandum seu directe, seu indirecte, quod sit Deus; Nihil minus; Magna hæc in disputatore Academico imperitia est: pertinent enim ad subiectum quæstionis, non ad prædicatum. Quæritur enim unde probetur Deum esse? & cum Deum, qui locutus olim est per Prophetas, & ultimis temporibus per Filium suum, uti Hebr. 1. 1. & 1. Ioh. 1. 1. legitur, verum Deum esse? Alterum est, Remonstrantes silentio suo astute dissimulant alia Scriptura dicta, quæ Sociniani ad naturalem Dei cognitionem homini derivandam passim rejiciunt, ea sc. quæ Deum esse proprie ac directe ostendunt; cujusmodi sunt, quæ Psal. 19. Act. 14. Act. 17. & Rom. 1. ex operibus creationis ac providentiæ producuntur. Mera imperitia hæc est, & suspicandi libido. Nec enim Remonstrantibus propositum est, ista sectione simpliciter probare Deum esse; sed hæc duo simul, Deum esse, & eundem voluntatem suam, secundum quam coli vult, de qua præcedente sectione actum fuerat, singulis temporibus patefecisse; Imo hoc posterius tantum directe probare propositum sibi habent. Hoc enim evictum ac probato, prius istud simul probatum atque evictum est. Hoc posterius autem, quod vid. is, qui verus Deus est, voluntatē suam singulis temporibus patefecerit, ex operibus creationis ac providentiæ, aut ex istis locis, in quibus de illis operibus agitur, ut adstruerent, ratio non sinebat. Ingens itaque hic iterum σφάλμα apparet in disputatore hoc Academico, quod quæstiones non distinguat, & statū controversiæ non perpendat. Quod interim attinet quæstiones illas duas, quas Cenfor noster hic parum accuratus non distinguit; *An homini naturaliter insita seu innata sit divinitatis alicujus opinio; Et, An ex libro Na-*

G

tura.

Sectionis secundæ Censura ventilatur.

Censoris imperitia in primo membro.

Censoris imperitia in secundo membro sectionis.

tura, qui vocatur, sive ex naturalibus principiis homo possit cognoscere Deum esse; De iis ut in hac Confessione sua quicquam definiatur, non modo non necessarium, sed superfluum etiam judicarunt. Etenim illa ipsa argumenta, quibus hac secunda sectione sua probant Deum illum, qui solus verus Deus est, olim multis modis multisque vicibus per Prophetas locutum esse, & ultimis hisce temporibus per Filium suum Iesum voluntatem suam manifestasse, non modo sufficere credunt, ad istud ipsum probandum cuilibet homini, quicumque tandem is sit, dummodo iudicii & sanæ mentis expertus non sit; sed & talia esse credunt, ut cætera omnia præ his infirma atque incerta, saltem operosiora, & controversiis pluribus impedita censerī debeant. Remonstrantes sequi amant plana facilia & brevia, quæ rudes & indocti sine ullo labore statim percipiunt, & doctissimi quique coguntur admittere, nisi cavillatores agere, & manifeste prævaricari velint. Quale hoc est; Ista signa, prodigia, virtutes, &c. factæ fuerunt: Ergo Deus est; & is qui ea fecit, verus iste Deus est, & Religio, quam iste præscripsit, vera ac divina Religio est: Hoc argumentum prima statim fronte palpari potest. Cætera, quæ ex principiis Philosophicis deducuntur, tam operose sunt elaborata, tot exceptionibus involuta, tot distinctionibus, hypothesibus, postulatis intricata, ut indoctus ea sæpe adsequi non possit, & doctissimi quique non raro reperiant, quod in iis desiderant. Quicquid sit, Quæstionem illam, An sit Deus, & an ratione naturali cognosci ac probari possit Deum esse, ex professo hic tractare non voluerunt Remonstrantes; tantum, abest eam cum Quæstione, Quis & qualis sit Deus, confundere voluerint, uti eos confundere videri voluisse Cenfor asserit. Et, mirum est, quod Cenfor hoc in iis culpæ præsumat aut ex eo Socinianismi suspitione eos gravare nitatur, cum collega ejus in *Synopsi purioris Theologia*, quâ suo nomine editam etiam esse non ignorat, pag. lxij. Thef. iij. hoc inter præcongnita censendum esse affirmet, imo hoc quærere, *An sit Deus*, inter quæstiones illicitas & nefastas ponat. Sic enim ait: *In Theologia quærendum non est, An sit Deus, cum ut scientia suum subiectum, ita hoc ipsum Theologia præsupponat, quodque id, ut sua luce clarum, à piis disputari fas non sit.*

Quod Deus sit
Confessio Remonstrantium
inter præcongnita censet.

Antonius
Thyffius.

Quod porro subjicit: *Hallucinari Remonstrantes, cum essatum Apostoli, Hebr. 1. 1. quæ eandem doctrinam ore Prophetarum sub veteri, ac Christi sub N. Testamento prolatam fuisse asserit, hac interpretatione Socinianismum redolente explicant; Tandem vero postremis temporibus per*

per unigenitum Filium suum nobis ultimam voluntatem suam plenissime declaravit ac manifestavit: Hoc inquam, nil nisi ingentem suspicandi æruginem arguit. Nam nec Apostolus isto in loco asserit, eandem doctrinam ore Prophetarum sub V. ac Christi sub N. Testamento prolatam fuisse, uti audacter hîc affirmat Cenfor, nec negat asseritve contrarium: sed ordinem tantum modumque quem Deus in revelanda voluntate sua observavit, indicat. Neque aliud hic indicatum voluerunt Remonstrantes. Per *ultimam voluntatem*, cujus revelationem per Filium Dei factam esse dicunt, non intelligunt, nisi eam, quam nulla alia revelatio subsequutura est; & quæ duratura est usque ad ultimum mundi terminum, contradistincte à revelationibus, quæ multis vicibus, multisq; modis per Prophetas, nunc hos nunc illos factæ fuerunt sub V. Fœdere; & si sub Prophetarum voce Mosem etiam hic comprehensum velimus, contradistincte, revelatione illa, quæ per Mosem facta est, quatenus sc. ille divinam voluntatem Veteri fœdere comprehensam, populo Israelis, nomine Dei, manifestavit. Voluntas enim divina, isto Fœdere comprehensa, non erat ultima Dei voluntas: erat enim antiquanda & abroganda, uti diserte dicitur ad Heb. 8. v. 7. 8. 9. 10. 11. 12. 13. & cap. 7. 17. 18. 19. & jam etiam abolita atque abrogata est. Vnde *Lex per Mosem data* dicitur, *Gratia & veritas per Iesum Christum*, Ioan. 1. 17. Cæterum, an voluntas Dei ultima, etiam stante isto Fœdere veteri, non aliquo modo, saltem sub typis & umbris fuerit proposita, & per Prophetas prædicta, alterius loci est disquirere. Certum est eam plenissime tum declaratam ac manifestatam non fuisse. Et hoc est illud quod hic adserunt Remonstrantes: Emphasis enim est in voce superlativa, *plenissime*: Contrarium velle concludere ex vocabulo, *Ultima*, nihil aliud est quam suspicioni indulgere velle, & rem per se manifestam, calumniari. Sed hac de re tota in sequentibus ex professo agetur, ubi ejus tractandæ sedes erit.

Sectionis tertiæ Censura tam frigida est, ut tussim Lectori ciere possit. *Assertio*, inquit Cenfor, *Remonstrantium*, *qua universam divinæ voluntatis, quæ quidem ad Religionem pertinet, declarationem comprehensam esse dicunt libris V. & N. Testamenti, adeo laxa est & lata, ut ipsi quoque Sociniani ei possint subscribere, &c.* Quid tum? Et Orthodoxi ei non possunt tantum subscribere, sed & debent, adeoque subscribunt unanimiter. Particulam illam; *Quæ quidem ad Religionem pertinet*, hoc loco à Remonstrantibus insertam esse, contradistincte ab ea Voluntate, qua salutis & vitæ æternæ expressa promissio continetur

tinetur (quali vid. dicere voluissent, utrisq; libris V. & N. Testamenti totam ad Religionem & cultum Dei pertinentem voluntatem Dei comprehensam quidem esse, sed eam voluntatem qua vite æternæ promissio comprehenditur, solis N. Fœderis libris contineri.) vanissimum est. Imo contra, sub iis *quæ ad Religionem pertinent*, etiã promissum vite æternæ, & quidem ante omnia comprehendere voluerunt: Tantummodo voluerunt particulam illam insertam, ut distinguerent voluntatem Dei ad Religionem pertinentem, ab illa voluntate divina, qua alia omnia in mundo vult facere, aut fieri, quæ ad Religionem non pertinent. Interim, an *distinctio illa voluntatis in voluntatem quæ ad Religionem & voluntatem quæ ad vitam æternam pertinet*, recta sit, & *An expressa vite æternæ promissio solis N. Fœderis libris contineatur*, alterius loci est disquirere, & suo tempore à nobis examinabitur. Vnum hoc loco tantum dico, Si claræ & expressæ Dei promissiones de salute ac vita æterna etiam libris V. Testamenti continentur, quid opus est ea de re digladiari? Proferantur loca & conclamatum est.

Sectione quarta, censentur Remonstrantes, quod *libros Canonicos utriusque Testamenti, quos Sect. III. & IV. recensuerant, à viris divinis aut esse conscriptos, aut approbatos, in genere tantum affirmat; Interim quænam ac quorum sint illa Testimonia, quibus illud probari possit, neque hic, neque alibi nominatim significant.* At quis adeo iniquus est, ut id in Confessione tam brevi, & in re tam nota & apud Christianos omnes confessa, requirat? Legantur tantum quæ hac de re *Eusebius* variis in locis *historia sua Ecclesiastica* scripsit, quæ passim à Theologis citari solent, & comperietur per ducentorum & quinquaginta circiter annorum spatium, id est, usque ad Eusebii ætatem, sine contradictione creditum fuisse, libros plerosque imo pæne omnes à viris divinis, & nominatim ab iis, quorum nomina præ se ferunt, conscriptos fuisse. Ut lib. 3. *Eccles. Hist.* Cap. 3. & 4. & 25. & lib. 5. cap. 2. & lib. 6. cap. 18, &c. videre est. De illis vero, de quibus dubitatum aliquandiu fuit, an à viris istis divinis, qui iis inscribuntur, scripti essent, successu temporis per certa documenta & indicia, exceptione omni majora, compertum fuisse, quod ab iis revera scripti essent aut approbati. Idem Euseb. lib. 3. cap. 3. & 6. cap. 18. &c. Quod itaque addit Censor, *Remonstrantes id studio videri fecisse, ejusque rei causam assignari ab Episcopo, in disput. privata. 1. Thes. 3. putidum* aded est, ut nihil supra. Nihil alienius à mente & scopo Episcopii in Thesibus istis. Nam non dicit *Episcopus* testimonia illa nomi-

Cur declarati-
oni Remon-
strantium in-
serta sit parti-
cula: Quæqui-
dem ad Reli-
gionem perti-
net.

nominatim adduci non posse, siue impossibile esse ut adducantur; Nihil minus: sed tantum dicit, testimonia illa, etiam cum adducuntur, & jure meritoque adducuntur, talia tamen non esse, quæ exceptionibus, cavillis, & tergiversationibus non sint obnoxia apud eos, quibus statutum est non credere, nisi cum *Apostolo Thoma* oculis suis videant, ac manibus suis palpent. Impossibile autem est, ut quis authorem ipsum, postquam in vivis esse desiit, videat ac palpet, & ex ejus ore audiat atque intelligat id, quod ab eo dictum factumve esse dicitur, & credi jubetur. Exceptionibus ergo, cavillis, & tergiversationibus semper manet reliquus locus in tali casu, id est cum in rei gestæ historia, quæ credi jubetur, sensus experimenta postulantur.

Quod subjicit tanquam notatu dignum, propiore examine opus habet: *Remonstrantes*, inquit, nullum hic testimonii, quod dat *Sp. S. de S. Scripturæ* certitudine mentionem faciunt; cum tamen solum illius testimonium, ad omnem de libris *Canonicis* dubitationem ex animis fidelium eximendam, maxime sit efficax, illoque sublato, cetera *Scripturæ* atque *Ecclesiæ* testimonia parum apud eos momenti ad persuadendum habeant. Mira ratio atque oratio: Quomodo, dic sodes, mi Censor, testimonium *Sp. S.* maxime efficax est, ad eximendum dubitationem de libris *Canonicis*, ex fidelium animis, si fides de libris *Canonicis* non supponitur in animis istorum fidelium producta sine testimonio *Spiritus Sancti*? Fidelium animi fide præditi sint necesse est, illos itaque, quibus testimonium hoc *Sp. S.* contingit fide præditos statuis, antequam testimonium hoc in animis suis perceiverunt, & fide quidem ejus rei, quam sine testimonio isto *Spiritus* percipi posse negas. En acumen. Sed addit, inquires, Nam sicut *Sp. S. Scripturæ* est author, sic fidem inspirat, qua tum *Scripturæ* de se tum *Ecclesiæ* de *Scripturæ* testanti, certo assentimur. Sed quid hoc est, *Sp. S.* fidem inspirare? An fidelium animis dubitationem eximere? Mirum acumen. Fides itaque inspiratur per *Sp. S.* iis, qui ante inspirationem fidei, fideles erant. An fidem & fidei certitudinem immediate in mentem ac voluntatem infundere? At sic per testimonium *Sp. S.* non eximeretur dubitatio fidelibus, sed infidelibus, ad credendum alioquin non tantum ineptis sed prorsus impotentibus; imo à credendo alienis atque averis fides infereretur. Infidelibus itaque & *Sp. S.* expertibus convincendis testimonium hoc *Sp. S.* serviet; At hoc ipsum est quod disertis verbis negat Censor, paulo post, cum ait; *Internum testimonium Sp. S. non videtur posse adhiberi pro argumento, si tantum infideles & Sp. S. expertes convincendi sint.* Mirum vero quid sibi velit

Ventilatur
Censura de nō
allegato testi-
monio Spiri-
tus Sancti, ad
certitudinem
de S. Scriptu-
ræ divinitate
consequenda.

Censor, cum ait: *Aliam rationem esse eorum, qui fidem in Christum proficiuntur. Hos enim convinci posse ac debere, ait, per hoc testimonium.* Nam aut omnes eos (qui fidem profitentur) vult esse fideles, ut distinguat eos ab infidelibus, quos convinci posse negat testimonio Sp. S. aut infideles. Si fideles, quorsum itaque istud testimonium? & quomodo iis fides, per testimonium istud subsequens fidem, inspiratur? Si sunt infideles, quomodo sibi ipsi non aperte contradicit in eodem pæne instanti? Dicit forte alius quis, Sp. S. fidem hanc infundere per argumenta ista. Sed hoc ipsum nil nisi merum asylum inscitiae est. Nam, si Spiritus S. per argumenta ista infundit fidem, tum argumenta ista, etsi à Sp. subministrantur, sua tamen vi, ut argumenta, fidem efficiant necesse est. At hoc est, quod Remonstr. libenter concedunt, sed à mente Cenforum revera alienum est, qui Sp. S. testimonium, ut internum, peculiare & distinctum testimonium ab argumentis externis, & vi sua peculiari agens, necessarium esse volunt. Si dicat, Sp. S. affundere argumentis istis speciale lumen, quod speciali & interna sua vi, distincta à vi argumentorum illustrat atque afficit mentem ejus, qui argumenta audit; eodem recidit. Tum enim argumenta ista non subministrantur à Sp. ut argumenta, nec operantur ut argumenta, sed concurrunt tantum ut objecta luminis istius, quod solum menti affusum, convincit mentem, & de istis ipsis argumentis, non minus quam de re ipsa testatur. Quicquid sit, certum est testimonium hoc Sp. S. etiam sic non concessum iri nisi fidelibus: quia omnes infideles esse ac manere necesse est, quibus hoc lumen Spiritus Sancti non affulget, & quibus affulget, eos infideles manere, impossibile est ex Censoris huius sententia. Quare, mirari satis nemo potest, quomodo hic Censor fateatur *testimonium hoc Sp. S. pro argumento ad convincendum non servire apud infideles.* Apud alios enim ut serviat impossibile est, juxta Theologiam ipsius. Si dixisset testimonium internum, Sp. S. servire non posse convincendis aliis, sive sint fideles, sive infideles, sed ei tantum cui sit, consequenter locutus fuisset; Nam infidelibus idem testimonium prius suggeri necesse est. Fideles autem, qui id jam perceperunt, testimonio meo, quod ego percepi, convinci opus non habent, nec possunt, tum enim credunt, & ut credant testimonio suo interno adducantur necesse est. Quod si verò etiam dixisset, testimonium Sp. S. internum servire obsignandis ac confirmandis eorum animis, qui jam fidem adhibuerunt argumentis externis, recte fecisset. Idem fatentur satis prolixè Remonstr. in articulo de promissione Sp. S. & cer-

& certum est Scripturam passim asserere testimonium hoc Sp. S. non dari nisi credentibus, & jam vera vivaq; fide in Iesum Christum præditis, & ex fide spiritus istius divini auxilium cupientibus atq; implorantibus. Neque tamen recte quisquam hic dixerit Remonstr. Spiritus S. gratiam ab argumentis istis sejungere aut secludere. Absit: Gratiam Sp. S. eis conjungi haud inviti concedunt, sive dicatur gratia ista argumentis istis conjungi, ut vis eorum ad persuadendum elevetur & roboretur; sive dicatur infundi menti hominis, ut ad vim eorum percipiendam fiat idonea, sive utrisque simul dicatur conjungi, dummodo eam sic eis conjungi non statuatur, quasi fieri nullo modo possit, ut is, cui gratia ista fit, à credendo possit superfedere, & in infidelitate velle perseverare. Hoc enim Stoicum, Manichaicum, & Pelagiana hæresi non multo est inferius.

Non minor imperitia est, quæ in *Sectione VII.* apparet: Remonstr. *Sectione VII.* in sua declaratione dixerant doctrinæ V. T. veritatem ac divinitatem doctrina N. T. abunde stabiliri atq; asseri, Inde colligit Censor, Censoris manifesta imperitia demonstratur. *Remonstr. non tantum Socinianos esse hac in parte, sed cum Socinianis censere, Librorum V. T. veritatem non posse ex suis quoque $\kappa\rho\iota\sigma\tau\iota\varsigma$ ac notis indubitatis asseri ac stabiliri sed in omne ex testimonio alieno, nempe Scriptorum N. T. pendere. Quid alienius à mente Remonstrantium, aut imperitius concludi poterat à Doctore Academico? Tantum abest ut istud Remonstr. sua ista parenthesi indicatum voluerint, aut ut propterea cum Socinianis censeri debeant, ut ne quidem ipsi Socino aut Socinianis tale quid unquam in mentem venisse dici possit: Contrarium ex lectionibus ejus sacris pag. 6. & locis infinitis pluribus, luce meridiana clarius apparet. Tum vero, quis adeo à Sole aversus reperietur, qui doctrinæ V. T. veritatē ac divinitatem suis $\kappa\rho\iota\sigma\tau\iota\varsigma$ ac notis indubitatis adseri ac stabiliri posse negaturus est, si quis eam per se & seorsim considerare, & contra atheos, infideles, aliosq; id negantes tueri velit? Quando vero Remonstr. ita loquuntur, ut in parenthesi ista fecerunt, tantummodo id volunt, Non esse necesse ut veritas & divinitas librorum V. T. adferatur ac stabilietur propriis argumentis ac $\kappa\rho\iota\sigma\tau\iota\varsigma$ suis: Sufficere si modo probetur veritas ac divinitas librorum N. T. Ratio est; Quia, si hoc posterius tantum probetur, eo ipso evictum & demonstratum est libros V. T. veros ac divinos esse. Nam libri N. T. agnoscunt ac fatentur libros V. T. veros ac divinos esse. Quid potest aut verius aut brevius aut solidius dici? Digni sunt quibus sua in argumentando imperitia exprobetur, qui tam manifestam consequentiam*

sequentiam non sentiunt, & utraque, quod dicitur, manu non palpant. Et tamen ex hac parenthesi tam putidam & purulentam suspicionem fugit hic Cenfor, quasi Remonstr. cum ita loquuntur, *Blasphemie affines sunt; & credant librorum V. T. veritatem non posse suis xpi-
eius propriis notisque indubitanis adferri ac stabiliri.* Aliud est, non posse id fieri, aliud non necesse esse ut id fiat: Hoc dixerunt Remonstr. Istud ne cogitarunt quidem: Ambagibus opus non esse dixerunt, ubi compendio ire licet: Et non necesse esse ut fiat per plura, quod potest fieri per pauciora.

Ostenditur in-
juria cenferi
Declaratione,
quod I. Chri-
stus primus
doctrinae N. T.
autorem vo-
cet,

Affinis huic est, quæ in eadem Sectione occurrit, imperitia, Vocat in suspicionem Socinianismi Remonstrantes Cenfor, quia formula hæc usi sunt in declaratione sua: *Quod Dominus noster Iesus Christus, in carne manifestatus, sit doctrinae N. T. primus auctor.* Ex eo, inquit, intelligi potest quid sentiant. Nimirum nec Spir. S. nec Patrem Ecclesie V. T. doctrinam illam per os Prophetarum revelasse. Mirabile Doctoris hujus acumen est. Quid si quis vicissim concludat, Cenforem hunc credere, non necesse adeoque superfluum fuisse ut Christus à Patre mitteretur ad doctrinam Evangelii hominibus annunciam? Nam, si Pater eandem doctrinam Ecclesie V. T. per Spiritum Propheticum patefecit, quid necesse erat ab eo Christum in mundum mitti, ut eam ipse nomine doceret ac patefaceret? Hic scio distinctionem ad manum statim habebit Cenfor pro more suo, sed pudet hujusmodi distinctionum & consequentiarum. Vnum tantum dicam. Si Cenfor consequentiam suam valere vult, necesse est ut ea ipsa gravet Spiritum Dei sanctum, cujus hæc pænè ipsissima est oratio; Ad Heb. 2. 3. *Etenim, si per Angelos dictus sermo, fuit firmus, & omnis transgressio ac contumacia, justam mercedis retributionem retulit, Quomodo nos effugiemus, si tantam neglexerimus salutem?* ἡ τὴν ἀρχαίαν λαβόντων λαλεῖσθαι διὰ τῶν κυρίων, id est, quæ principium sumit à Domino Iesu eam prædicante: Ovum ovo vix similius est, (ut Cenforis verbo utar) quam hæc oratio orationi Remonstrantium; Ergo, si hæc oratio Sociniana est, Sociniana etiam fuit Scrip-
tor ad Hebræos. Neque vero hic excipere licet: Scriptorem hunc, Christum vocare primum autorem, five prædicatorem magnæ hujus Evangelicæ salutis, in ordine ad Apostolos, qui ipsum secuti postea sunt: diserte enim respicit ad sermonem, qui per Angelos fuit prædicatus, five dictus sub V. T. & salutem, quam primus Christus prædicavit, quam etiam vocat tantam, ut ejus neglectus aut contemptus majori multo supplicio dignus sit censendus, quam neglectus aut contemptus

temtus sermonis Angelici. Sed, quid ego hoc solo loco pugno? Tota Scriptura N. T. à capite ad calcem, tota inquam pæne Sociniana censenda est, si consequentia ista locum habet. Ioan. 1. 17. dicitur. *Lex per Moysen data est, gratia & veritas per Iesum Christum.* *ἐγὲν* id est, *cæpit, vel contigit, vel fuit, vel facta est.* Deum nemo vidit unquam, unigenitus ille Filius, qui est in sinu Patris, *ἐκείνῳ* & *ἐξ ὧν οὐκ ἔστιν ὁ υἱός*, id est, exposuit iuxta illud Matt. 11. 27. *Omnia mihi tradita sunt à Patre meo, & nemo novit Filium nisi Pater, neque Patrem quisquam novit nisi Filius, & cui Filius voluerit revelare.* Hisce consonant infinita alia loca, uti imprimis ista, quibus patefacta dicitur gratia per *ἐν τῷ φάει*, id est apparitionem Salvatoris nostri Iesu Christi. Qui mortem aboluisse & *(φωτὶ σα)* id est in lucem produxisse vitam atque immortalitatem dicitur per Evangelium. 2. Tim. 1. 10. En quo censendi impetigo Censorem abripuit. In ipsam Scripturam necesse est ut arietet, eamque totam pæne Socinianam faciat oportet, ne sine causa locutionem Remonstr. Socinismi suspicione gravasse videatur.

Sectionis X. censura, nil nisi continua quædam ignorationis elenchi concatenatio est. Remonstrantes, inquit Censor subtilis, in ista sectione Ecclesie Dei omne iudicium publicum de controversiis Religionis tripliciratione oblique, imo etiam directe adimunt. Qui omne iudicium publicum dicit, is generaliter loquitur: Stet hic Censor & pedem figat. Nam certum est eum à janua aberrare, & contra umbram suam dimicare. Solum caput vicesimum quantum declarationis Remonstrantium, docete id eum potuisset, & scopus, quem hoc in loco propositum sibi habuerunt Remonstr. monere eum debuisset. Sed nos triplicem istam rationem videamus. I. inquit, *Cum Soli Deo ac Christo ἀπέσῳς ut iudici supremo & infallibili controversias decidendas relinqui volunt: Quod necessum est ut ad extremum iudicium referant.* At I. Fidem hic desidero in Censore. Vocem enim emphaticam peremptorie omisit, in qua tamen vis præcipua sententiæ Remonstrantium sita est. II. Quæ consequentia? Remonstr. controversias omnes decidendas relinqui volūt soli Christo ἀπέσῳς ut iudici supremo & infallibili; ergo tollunt omne iudiciū publicum ex Ecclesia. Nō poterat, nec debebat aliud concludere disputator Academicus, quam ergo tollunt omne iudiciū supremum atq; infallibile ex Ecclesia, & hic in terris. Quid? an hoc facere crimen putat? Supremus itaq; atq; infallibilis Iudex hic in Ecclesia est? En inscientiā nostri distinctoris. At inquit, decisione nullā fieri volūt Remonstr. Ecquod autem iudicium sine decisione? Quasi vero iudiciū nullū

H

fine

Sectione X. diluuntur tres rationes, quibus Censor conatur evincere. Remonstr. Ecclesie Dei omne iudiciū publicum de controversiis Religionis adimere.

Ratio I. expenditur.

EXAMEN CENSURÆ

sine peremptoria, ut vocant, decisione esse possit. Et cum hoc ipsum decidendum non esse peremptorie in Ecclesia, dicunt Remonstr. an non iudicium fieri concedunt, & decisionem ipsi etiam aliquo modo faciunt? Verum enim vero, nunquam in mentem venit Remonstrantibus, cum in declaratione sua his verbis usi sunt, iudicium publicum adimere Ecclesiæ, nedum omne iudicium publicum, nedum directe. Contra Pontificios disputant; qui non modo Iudicem in Ecclesia ordinarie loquentem, & iudicium in Ecclesia publicum de controversiis Religionis locum habere volunt, sed iudici isti, ut unico, supremo, atque infallibili in terris iudici, peremptorium, infallibile & supremum iudicium, à quo provocare, nulli liceat, competere adferunt. Huiusmodi iudicem in Ecclesia peremptorie loquentem, non agnoscere se profitentur; iudicium istud soli Deo ac Christo tribuunt. Quis vero adeo Suffenus est, ut ex eo colligat, Remonstr. ista oratione iudicium omne publicum Ecclesiæ Dei adimere? Imo quis non potius inde colligat, eos concedere Ecclesiæ Dei iudicium aliquod publicum, quia non adimunt nisi peremptorium atque infallibile? Quod si vero etiam iudicio peremptorio in Ecclesia locum esse vult Censor, tempus est ut cum Pontificiis redeat in gratiam. Nam si huiusmodi iudicium soli Christo *attribuere* non vult competere; vult itaque istud ei competere *imputare* per Ecclesiam. Iudicandi itaque potestatem peremptoriam atque infallibilem Ecclesiæ à Christo concessam dicat necesse est. At hoc est illud ipsum quod Pontificii volunt. Quæ porro ex thesibus *Clariss. viri Episcopi* citat, ea huc non petinent: Decisionem enim aliam non intelligit *Episcopus* nisi peremptoriam, id est, eiusmodi decisionem, à qua creditur provocare nemini licere, vel, si id licere dicatur, à qua provocatio non magis permittitur sine summo periculo, quam si crederetur provocationem prorsus non licere, Thesi 7. vide, & manu palpabis. Tum disp. seq. de requisitis ad legitimam Synodum, Thesi 7. Decisiones fieri permittit istic Episcopus diserte *que communi & rationabili consensu sunt*, Quæ aliter fiunt, eas solas repudiari vult. Et sane decisiones huiusmodi pestes sunt Ecclesiarum, & regni Antichristi, id est, Tyrannidis fulera ac tibicines. Progrediamur.

Secunda ratio, qua Remonstr. Ecclesiæ Christi omne jus de controversiis iudicandi, indirecte eripiunt, hæc est, ait Censor. *Deum nobis in verbo suo normam reliquisse directive duntaxat, non coactive iudicantem*. Hinc colligit Censor eos non tantum negare violentam cogendi potestatem Ecclesiæ competere, *Talem enim coactionem ut tyrannicam*

Ex Censura
Censoris colligitur, Censorem Pontificiis favere in præcipuo Articulo de Ecclesiæ auctoritate.

Ratio Secunda
Censoris refellitur.

cam etiam nos detestamur ait; Sed etiam coercionem illam, qua Ecclesia, secundum ordinem disciplina sibi in verbo Dei prescriptum, hæreticis errorum convictis, silentium imponit, suæque excommunicatione sanctorum communione eos interdicunt. Bone Deus! quam hæc dicuntur inscite, & quam impudenter! Quis ex verbis istis Remonstrantium extuderit tam alienum sensum, & tam barbarum? Non licere Ecclesiæ secundum (NB) ordinem disciplina (NB) sibi in verbo prescriptum, hæreticis (NB) errorum convictis silentium imponere, &c. quis nisi emotæ mentis dixerit? Tantum abest, ut id Clarissimo viro D. Magistro Episcopo tribui possit, ut contrarium Sole clarius ex disputationibus istis ipsis, quas citat Cenfor, pateat, si modo quid hæresis, & quis hæreticus sit recte definatur. Quæ autem verba citat Cenfor, ea falso & mala fide citavit. Nuspiam enim in Thefibus ejus legitur, quod coercitio nulla Ecclesiastica usurpari possit contra eos qui circa sensum Christianæ Religionis credendum graviter errant, sed tantum adversus eos, qui circa cultum Dei in vita inordinate atque incompote se gerunt. Contrarium disertè patet ex eo, quod Episcopus fateatur, eos quos in ultimo errantium ordine collocat, non suspensione tantum sed etiam excommunicatione mulctari posse ab Ecclesia Thef. 7. Errantes a. hos expresse distinguit ab iis, qui circa cultum Dei in vita sua se incompote gerunt; de iis enim agit Thef. seq. 9. Sed quicquid sit de mente Episcopii, certum est Remonstrantes in hoc, de quo agitur declarationis loco, eo quo ait Cenfor, non respexisse. Contrarium satis aperte declararunt in *Capite de Synodis*. Tantum, hoc voluerunt: Totum illud, quod Ecclesiæ suæ reliquit Deus, & in verbo suo nobis patefecit, non esse nisi normam dirigentem, sive directive, non a. coactive judicantem, id est, cujus totum ac proprium quarto modo officium est dirigere judicium in cognitione veritatis & officii nostri. Nuspiam in verbo Dei aliud quid Ecclesiæ relictum aut traditum esse. Hoc a. oppositum voluerunt tum Pontificiis, qui præter normam dirigentem, judicium etiam Ecclesiæ coactivum, id est, quod cum potestate & auctoritate irrefragabili fertur, nobis in verbo Dei relictum ac datum esse asserunt: Tum iis, qui Scripturam judicem controversiarum perperam vocant, & sic loquendo Pontificiis, aliisque seu atheis seu profanis occasionem dant sugillandi Religionem Reformatam, quasi ea dicat, quæ per se sunt absurda. Scriptura enim non magis recte dici potest iudex controversiarum, si propriè loqui velis, quam Lex iudex est litium. Iudicium nemo Legi tribuerit, nisi per *ἀκρολογίαν*. Lex & iudex distincta

EXAMEN CENSURÆ

Quo sensu
Scriptura ju-
dex controver-
siarum statu-
enda sit.

distincta sunt, & distincta sint necesse est, ubi de Legis sensu contro-
versia aut lis incidit. Breviter, hoc dictum voluerunt Remonstr. in
verbo Dei, sive in Script. sacra nullam normam, id est, nullum infalli-
bile aut Ecclesiæ aut hominis, aut Angeli iudicium designatum vel
traditum esse, quod nos, si quando controversia aliqua de Religione
incidit, cogere aut obligare in conscientia vel possit, vel debeat, ut
huic aut illi controversiæ parti subscribamur & adstupulemur, prout
Pontificii persuasum nobis esse volunt; sed ipsam tantum Scripturam,
id est, phrasin Scripturæ, & quæ in Scriptura extant, aut ex Scriptura
labore nostro eruuntur argumenta, esse unicam normam, ad quam ju-
diciu cujusq; nostru dirigi ac regulari debet. Hæc autem argumen-
ta non esse, nec vocari aliter jure posse, quam *normam directive judi-
cantem*, quatenus ex iis quisque iudiciu suu propriu de salute sua
formare, & ad ea, ut ad certissimam quæ nobis à Deo relicta est, nor-
mam, dirigere debet, adeo ut, qui istis non assentitur, aut assentiri non
vult, alio ullo infallibili iudicio, tanquam indubitata norma aut iudice
controversiarum cogi & constringi non possit. Quis vere Reformatus
hanc tam claram Remonstrantium assertionem ambabus manibus
non amplectatur? Quisquis id non facit, nã is quæ genuina ac pro-
pria Reformatorum sententia sit contra Pontificios, non intelligit, &
quando cum iis disputat, cum umbra sua pugnat, aut in Pontificioru
sententiam, seu prudens, seu imprudens relabatur, necesse est. Quare
cum hanc Remonstrantium periodum Censor hic calumniatus est, al-
terutro morbo se laborare persuasum omnibus esse voluit.

Ratio tertia
Censoris con-
futatur.

Ejusdem farinæ est *ratio tertia*, qua probare nititur Remonstr.
Ecclesiæ publicam iudicandi auctoritatem derogare, quia, vid. *om-
nibus & singulis*, hoc est, tam privatis, quam iis, qui in publico munere
versantur, de omnibus controversiis iudiciu ex æquo, seu equaliter, con-
cedendum esse affirmant. Miseret nos profecte tam imperiti, aut tam
inconsiderati disputatoris. Remonstr. dicunt contra Pontificios,
Deum nusquam in Scripturis significasse, iudicem ullum infallibi-
lem in Ecclesia semper loquentem esse debere, nedum ut quis ille
perpetuo futurus esset designaverit: Sed contra, omnibus & singu-
lis ex æquo scrutari leges, seu iudicia ac Statuta sua, probare spiritus
an ex Deo sint, omnia probare, & quod bonum est retinere expresse
mandasse; ergo Remonstr. omnem Ecclesiæ publicam iudicandi
auctoritatem derogant. Quæ consequentiæ species hic apparet? Aliud
est iudiciu publicum, aliud iudiciu infallibile seu irrefragabile.
Istud

Istud consistere optime potest cum iudicio, quod privatus quisque facere tenetur, etiam de publico, imo, si iusta ratio sit contra publicum iudicium. Hoc cum eo non nisi stulte & ridicule componitur. Quid enim necesse est ut privatus scrutetur sensum divinæ Legis, probet Spiritus, examinet controversias, ubi locum habet publicum & irrefragabile atque infallibile iudicium Ecclesiæ, quo necessario omnibus ac singulis standum est? Contra hoc iudicium directæ est Remonstrantium assertio, non contra illud. Quisquis, publicum iudicium Ecclesiæ errori obnoxium esse posse statuit, is necesse est ut concedat, omnibus & singulis Ecclesiæ membris ex æquo, jus indicandi de omnibus controversiis, etiam de ipso publico Ecclesiæ iudicio. Nam si fieri potest ut publicum Ecclesiæ iudicium falsum sit, & si omnes & singuli credere tenentur, quod id fieri possit, utique necesse est, ut omnibus, ac singulis, qui salutis suæ studiosi sunt, ex æquo jus inquirendi concedatur, an iudicium Ecclesiæ verum, an falsum sit. Ius hoc inquam, aut concedendum est omnibus & singulis ex æquo, aut nullis. Alterutrum enim fiat necesse est, Aut omnibus & singulis, sine iudicio proprio, implicita, ut vocant, fide subscribendum est publico Ecclesiæ iudicio: Aut, non subscribendum nisi cum iudicio proprio. Prius istud est plane Pontificium, quod longe à se remotum esse vult Censor, aut si id verum est, tum nullis jus inquirendi in controversias, aut probandi Spiritus concedendum est. Posterius si concedat, necesse est ut omnibus ac singulis jus istud competere concedat, & quidem ex æquo, quia sua cuique salus ex æquo cordi esse debet, & fides ab humana autoritate nullo modo pender. At si hæc assertio vera est, ait Censor, *nihil unquam certi ab Ecclesia ad controversias decidendas & finiendas statui potest.* Sane ita est, in controversiis de Religione quas Scriptura S. evidenter non decedit. Et mirum merito videri debet id, tanquam absurdum aliquod ingens, à Censore, qui Reformatus videri vult, adduci. Quid certi unquam statui potest ab Ecclesia, quæ semper & in omni eo, quod statuit, creditur errare posse? Quicquid certum est, id necesse est ut extra erroris periculū sit. Sed hæc & similia, cum subinde effutiant Doctores Academici, haud obscure indicant, quā prope accedant iterum, aut quam parum absint à præcipuo, si non unico fundamento Ecclesiæ Pontificiæ, quod tamen toto corde & aperto ore videntur respuere atque averfari: Fermentum vetus subinde se prodit hic illic. Nondum expurgatum est ex animo: ubi ad apicem controversiæ venit, tum apparet quid intus lateat & ubi rerum potiuntur

Aliud est iudicium publicū Ecclesiæ de controversiis, aliud iudicium irrefragabile: Illud admittunt Remonstrantes: Hoc negant.

Omnibus & singulis Ecclesiæ membris iudicium de Fidei controversiis concedendum esse evincitur.

Qui in controversiis certas definitiones & decisiones Ecclesiæ adsignant, eos Pontificiorum præcipuo errori patrocinari ostenditur.

eiusmodi Doctores, ibi exerit se atque erumpit tanto acrius, quanto tegi solet curiosius. Quæcunq; ab iis dicuntur pro Scripturarum autoritate, ea dici tantum ex his & aliis similibus locutionibus apparet. Eo ipso enim, quod adeo studiose & prolixè probare conantur, Ecclesiæ istiusmodi autoritatē publicā iudicandi competere, quæ certi, certi inquam, aliquid statuitur ad controversias decidendas & finiendas: ita ut iis, qui acquiescere iudicio isti per conscientiam non possunt, silentium imponatur, tanquam hæresios convictis; satis ostendunt, se Ecclesiæ autoritatem iudicandi irrefragabilem revera tribuere cum Pontificiis, quanquam id facere videri nolunt & contrarium se credere protestantur. Quem verbis Papatum destruere videri volunt, eum dictis huiusmodi, & quæ dictis hisce superstruitur praxi, adstruunt. Nec mirum: Credunt enim Ecclesiam suam, imo singulos fideles errare non posse in fide, etiam si aliter credere videri velint, uti in præfatione ostendimus. Sed ut sententia eorum non videatur absurda, species additur: *Alioquin nihil unquam certi erit, controversiarum nec modus nec finis erit, cuilibet privato licebit publicum consensum cōvellere, Ecclesia publico iudicio contradicere, & quæ sunt ejus generis alia.* Hæc enim non tantum frivola ac frigida sunt effugia, sed ipsissima Tyrannidis Pontificiæ arcana ac fundamenta. Per ea paulatim altius ascenditur, & gradu facto ad supremum Papatus culmen pervenitur. Quare quæ *sectione xj. & xij.* Cenfor pro Ecclesia sua, & pro Synodis Ecclesiarum suarum, sine ulla necessitate, ad eas ab hac culpa purgandas, adfert, ea non sunt nisi inania verba, quibus crimen non diluitur, sed tegitur, & quod hac *sectione* longa assertum est, plane destruitur. Qui Ecclesiæ autoritatem tribuit, quæ *certi aliquid statuit ad controversias decidendas, & (NB) finiendas,* & interim infallibilem iudicandi ac statuendi autoritatem ei adimit, is, quod una manu ædificat, altera destruit.

Sectione XIII. Definiverant Remonstr. quid per ea, quæ simpliciter & præcise ad salutem scitu, creditu, speratu, factu necessaria sunt, intelligant, aut ex quo indicio ea cognosci possint. Sic enim habent eorum verba, *Necessaria ad salutem ea tantum esse intelligimus, sine quibus fieri nullo modo potest, ut quis vel præceptis Iesu Christi recte, & prout oportet, obediat, vel divinis ejusdem promissis firmiter confidat; quæque talia sunt, ut, sine manifesta hominis culpa, negari, ignorari, aut in dubium vocari nequeant.* Quid hic facit Cenfor? hæc, inquit, omnia hausta sunt ex Socinianorum lacunis, qui paucissima dogmata ad salutem cognita necessaria esse asserunt, nimirum ea quæ libris *N. T. græcīs, seu ad verbum*

verbum ac totidem syllabis continentur, non autem ea, quæ evidenti tantum collectione ex iis deduci possunt; cuiusmodi ipsis (nobis dicere voluit) sunt, ex. g. harum questionum explicationes: *An in divina unica essentia sint necne plures personæ: Quando Dei Filius primum extiterit, utrum genitus fuerit ex patris substantia, nec ne, &c.* At certum est Remonstrantes nihil horum *ἐν τῷ* dicere in sua declaratione. Nam I. non dicunt hoc loco, paucissima dogmata esse ad salutem cognitu necessaria. Quamquam si id dixissent, uti in præfatione se dixisse haud ignorant, non dixissent nisi quod verissimum est, & Sociniani propterea censendi non essent; quia non pauci Reformati, & Rex ipse Magnæ Britanniae, id ipsum nuper adhuc *ἐν τῷ*, & totidem syllabis adseruit, uti supra in Præfationis censura ostendimus. II. Nec dicunt, ea tantum quæ libris N. T. *ἐν τῷ* seu ad verbum & totidem syllabis continentur, esse necessaria ad salutem: Ne *γὰρ* quidem huius rei in declaratione eorum exstat. III. Nec negant ea, quæ evidenti collectione, ex Scripturis deduci possunt, necessaria esse. Imo nemo sanus reperietur, qui alterutrum horum dicturus est; Vid. Ea omnia, quæ *ἐν τῷ* in Scripturis continentur, aut ex iis evidenti collectione deducuntur, necessaria esse: Nec Sociniani aded sunt vecordes, ut ita loquantur, aut scribant. Aliud est, omnia necessaria *ἐν τῷ* in Scripturis exstare. Aliud, omnia ea, quæ *ἐν τῷ* in Scripturis exstant, necessaria esse. Sed hoc inscitiae Cenforis deputandum est. Dicit fortasse Cenfor: Ista quidem *ἐν τῷ* non dici à Remonstrantibus, sed tamen omnia ista ex eorum definitione jam allata sequi collectione evidenti. Atqui hic Rhodus est, hic salta, mi bone Vir: Collige, & evidentiam monstra. Hærebit tibi aqua. Quid mirum? Contrarium ex verbis ipsa evidentia evidentius patet, quia Remonstr. diserte addunt, *Quæque talia sunt, ut sine manifesta hominis culpa, negari, ignorari, aut in dubium vocari non possint.* Eo ipso enim significant, inter necessaria etiam censenda esse ea, quæ fieri potest, ut qui Christianus videri vult, & Religionem Christi profiteatur, neget & in dubium vocet. At fieri posse, ut quæ *ἐν τῷ* in Scripturis exstant, vel negentur, vel in dubium vocentur ab eo qui Christianus videri vult, & Religionem Christi profiteatur, prorsus absurdum est. Ex quo deinde efficitur, Cenforem contrarium colligere debuisse, quod attinet *explicationes questionum istarum*, quas recensuit, Causam sc. nullam esse cur Remonstrantibus tribuerit, eos cum Socinianis explicationes istarum questionum inter non necessarias censere. Nam, si evidenti collectione ex Scripturis deducuntur, inter necessaria

Inscitia Cenforis demonstratur in eo, quod hic Sociniani suspitione gravet Declarationem.

Exceptioni occurritur.

Explicationes
Quæstionum
istarum, quas
fecit Censor,
præcise scitu
& creditu ne-
cessarias esse,
non audent
asserere Re-
monstrantes.

faria censent, tum sane necesse est, ut concludat Remonstr. etiam explicationes istarum quæstionum inter necessaria dogmata collocare. Sed, ut interim quid hac de re sentiant Remonstr. exponatur, sic habeto. An præcise & simpliciter cognitu necessariæ sint harum Quæstionum decisiones, propter evidentem consequentiam, qua ex Scripturis deducuntur, nunquam sententiam suam interposuerunt. Quid de earum veritate sentiant, satis exposuerunt in declaratione sua. Qui eas simpliciter & præcise cognitu ad salutem necessarias esse statuunt, eos necesse est myriadas animarum, alioquin piissimarum, de plano damnare, quia profunda istarum explicationum ignorantia laborant, aut evidentem istam consequentiam se videre non posse profitentur. Enimverò, quotus quisque inter omnes Sectas explicationes istas aut intelligit, aut cum iudicio atque explicata fide credit? Ejusmodi damnatorium calculum non audent Remonstr. tam levi brachio conjicere in tot miliones hominum piorum, qui Christum & Religionem ejus ex animo amplectuntur. Qui id audent in suo periculo id faciant. Certe Pontificii, qui etiam explicationibus istis firma fide assentiuntur, easque pro necessariis creditu habent, tamen eas non modo non *enlās* Scripturis expressas esse concedunt, sed perspicua aut evidenti collectione ex Scripturis deduci posse negant; imo earum tum veritatem tum necessitatē à sola Ecclesiæ definitione ac decisione pendere adserunt. Quod sane non levidense argumentum est, quo Remonstr. moventur ut de absoluta & simplici explicationum istarum necessitate pronunciare non audeant: Si aliter sentiunt Censores, rationes evidentes allegent contra Pontificios aliosque, quibus id demonstrent; Id hæcenus ne tentarunt quidem. Simulatq; eas videbunt Remonstr. non dubitabunt eas ambabus ulnis amplecti, & gratias iis agere. Quod si sine ullis rationibus à Remonstr. id credi volunt, sciant Remonstratibus statutum esse tyrannidem istam odisse, averfari ac fugere. Non enim damnare volunt quemquam, nisi quem Christus Dominus eorum aut expresse damnat, aut tam evidenti collectione, ut non minus palpari possit, quam hæc; currit, ergo movetur.

Sectione XIV. De Scripturarum perspicuitate contra Pontificios sententiam suam declaraverant Remonstrantes hunc in modum: Præterea, eorundem librorum (sacrorum sc.) licet alicubi (præsertim indoctis & minus exercitatis) satis obscuri sint, tanta est claritas & perspicuitas, in sensibus imprimis ad æternam salutem intellectu necessariis, ut omnes Lectores, non docti tantum, sed & idiota (communi quidem sensu ac ju-

ac iudicio preclari) quantum satis est mentem eorum adsequi possint, modo præiudicio, vana confidentia, aliisque pravis affectibus sese occurrere non sinant, sed Scripturam hanc pie & sedulo scrutentur, &c. Hæc sectio, inquit Cenfor, Socinianum redolet. Eheu! Credebam Sectionem esse reformatissimam, & Sociniana est, inquit Cenfor. Cur? Vide incertiam hominis: Si addatur explicatio Episcopi (quæ sane nihil aliud habet, quam ipsa quæ in Confessione est, declaratio) apparet inquit, Remonstr. non tantum confundere sensum S. Scripturæ Grammaticum seu literalem cum sensu ejus spirituali, verum etiam cum Osorodio, aliisque Socinianis putare verborum S. Scripturæ sensum, sine precedente interna illuminatione & revelatione Spiritus S. in hominibus fidem atque obedientiam aliquo modo operari posse. Quis non catarrhum sibi fluere sentit, cui tam frigida rationes occurrunt? Sed nos singulas videamus: Confundunt (inquit) sensum Scripturæ Grammaticum seu literalem, cum sensu ejus spirituali. At quomodo sensum Grammaticum cum spirituali confundunt; qui aperte & in terminis, ut loquuntur, de sensu tantum literalis sive Grammatico se loqui profitentur, Sect. xvj? Et, cum ipse Cenfor statim subjungat, se agnoscere animalem hominem naturali modo sensum S. Scripturæ Grammaticum seu literalem adsequi posse, an non idem sentit dicitque quod Remonstr.? Socinianus itaque est suo preiudicio. At hoc facimus, inquit, distinguentes sensum literalem a spirituali rerum spiritualium intelligentia. Incite atque inepte: A sensu spirituali dicere vult, at quis tandem est sensus iste spiritualis quem a sensu Grammatico distinctum esse vult? An est sensus, qui in sensu isto Grammatico continetur, sed una cum Grammatico percipi non potest, an sensus, qui a Spiritu S. menti hominis superfunditur, postquam is Grammaticum sensum adsecutus est, aut ut sensum Grammaticum & literalem adsequatur? Hæc explicanda fuerant, ut distinctio intelligi posset. Est enim numeris Platonice obscurior. Neque verò cum pueris in Academia disputat, qui distinctionibus, ut pulte, solent pasci. Sed nos explicationem si possumus, eruamus. Si est sensus spiritualis primo modo, tum necesse est ut intelligibiliter explicetur, quomodo sensus iste spiritualis, sensu Grammatico aut literalis contineatur: An contineri eum vult, uti æquivoca voce duplex significatio contineri dicitur? At sic 1. tota Scriptura, & Scripturæ omnia dogmata ad salutem necessaria, erunt æquivoca. 2. Animalis homo non percipiet unquam ipsum sensum Grammaticum Scripturæ, quod tamen Cenfor fieri posse, concedit. 3. Sensus Grammaticus

Ostenditur vanitas Cenforæ, qua Remonstrantes dicuntur confundere sensum Scripturæ Grammaticum cum sensu ejus spirituali.

ticus Scripturæ non erit nisi sensus iste, quem Sp. S. sub æquivocis vocibus Scripturæ intendit, & quem ab aliis quam electis suis, intelligi non vult. Quantæ nugæ? Aut continebitur sensus, hic spiritualis sub sensu literali, ut sensus Mysticus, Allegoricus, Anagogicus, & Spiritualis, ita dictus Theologis sub sensu literali contineri dicuntur. At sensus hi non sunt proprie sensus Scripturæ, sed sensus eorum, qui sub verbis istis intentionem suam ulteriorem occulunt, quam clare cognosci nolunt, ac propterea nulli ut sensus iste credatur verbis istis subesse mandant, vel qui sensus suos, Scripturæ sensibus aptant & accommodant pro suo arbitrio. Et quia Script. S. sensus necessarii ad salutem jam non sunt mystici adeoque omnes fere sunt spirituales id est spiritum & animum hominis spectantes, Mystica & spiritualis ista Theologorum aptatio hic locum non habet, nisi eodem modo Scripturam totam velis facere Mysticam, Allegoricam & Anagogicam. At sic, si omnino probatum foret Scripturæ sensum Grammaticum & spiritualem intelligi posse à quovis homine, probandum deinde adhuc esset, Scripturam posse intelligi à quovis, secundum Mysticum Allegoricum & Anagogicum sensum; & species adderetur, quia inter priscos Ecclesiæ Patres non defuerunt, qui sensum Scripturæ Allegoricum verum ac genuinum Scripturæ sensum esse asseruerunt. Quis finis? Sed quocunque tandem modo sensum hunc spiritualem sensu Grammatico contineri dixerit Censor, concludendum tandem ei erit, dogmata omnia Scripturarum, quæ quidem ad salutem cognita sunt necessaria, semper duplicem continere sensum. Vnum, qui intelligi potest ab homine, etiam si animalis tantum sit; alterum, qui ab eo intelligi non potest: quo quid vanius & insulsius dici potest, aut concipi? Sic enim ex. g. dogmata ista, quæ in Scripturis exstant. *Deum esse, Deum esse unum, æternum, immensum, omnipotentem, omniscium, Iesum Christum esse verum Deum & hominem in una eademque persona, pro peccatis nostris mortuum, Fide in illum nos justificari, sobrie, pie, iuste in hoc saculo vivendum esse, non esse furandum, adulterandum, concupiscendum, &c.* omnia ista & similia dogmata necessaria, duplicem habebunt sensum, Grammaticum unum & spiritualem alterum, & illum naturali modo adsequi poterit homo animalis, hunc non poterit. Id si ita se habere credit Censor, explicet itaq; quis propositio-num vel dogmatum istorum sensus literalis sit, quis spiritualis; Citius credo, sensu omni se destitui intelliget, quam rem adeò absurdam explicaturus est. Quod si sensum Spiritualem secundo modo accipiat, quia

quia vid. menti hominis, qui jam Grammaticum & literalem sensum est adsecutus, vel ut sensum istum Grammaticum adsequatur superinfunditur: non minoribus absurditatibus se implicatum sentiet. Nam *r.* sensus ille superinfusus non erit sensus verborum Scripturæ, sed sensus spiritus Dei; aut si est sensus verborum Scripturæ, quomodo & quare differt à sensu Grammatico? quorsum superinfunditur? an ut intelligatur sensus, qui jam intelligitur? Nugæ, an ut clarius intelligatur? at sensus in indivisibili consistit. Si dicas, lumen hoc Sp. S. prærequiri, ut verus sensus intelligatur; auges absurditatem; Quis enim tum est verus & spiritualis sensus? & lumen hoc cum sit ipse verus sensus Scripturæ, sensus verus Scripturæ intelligetur antequam intelligatur sensus grammaticus. Quorsum itaq; sensus grammaticus? aut si sensus grammaticus verus sensus est, cum sensum grammaticum intelligi posse credat Cenfor ab homine animali, & quidem naturali modo, quid lumine illo præcedenti, id est, altero illo sensu opus est? Dicere uti in Theob. suis in Synopsi purioris Theologiæ Cenfor. Walæus loquitur, *Spiritus Sancti lumine opus esse, ut sensus Grammaticus spirituali evidentia comprehendatur*, nihil est dicere. Nam si sensus Grammaticus evidens est & evidenter intelligitur, utq; eū evidentem esse & evidenter nō intelligi tantum posse, sed intelligi etiam ab animali homine ibidem concedit, quid *Spirituali evidentia* opus est? & quid est ista *spiritualis evidentia*, quæ est in sensu Grammatico evidenter intelligibili & evidenter intellecto? En in quam *ἀνεξιχνίαστον* labyrinthum se conjicit Doctor Leydenfis distinctione hac sua? Quam miseri sunt discipuli qui tantanibus distinctionum filiquis saginantur, ut fues, quibus anima pro sale data est. Si hoc pacto licet distinguere, Scriptura nil nisi Cereus nasus & regula Lesbia erit, Enthusiasmis atque adflatibus opus erit, ut in quem sensum flecti ejus verba debeant, intelligatur. Et hunc adflatum sibi vindicabit quisquis volet; Ita quod volent Sabini somniant. Sed nos jam alterum membrum censuræ expendamus.

Hac loquendi ratione inquit Cenfor declarant Remonstrantes se cum Ostorodio aliisque Socinianis putare verborum S. Scripturæ sensum sine interna præcedente illuminatione & revelatione Spiritus S. in hominibus fidem atque obedientiam aliquo modo operari posse. De fide & obedientia, nec vola nec vestigium in declaratione est, nec locus de iis agendi hic erat, nec scopus ut de iis ageretur, id permittebat. De nuda tantum sensuum divinorum intelligentia sine *κατάληψι* agunt: quia de Scripturæ perspicuitate sententiam suam exponunt. Ex eo verò, quod

Discrimen ostenditur inter nuda sensu Scripturæ κατὰ ληψιν & Fidem quæ sensibus istis adhibetur.

Remonst. sensus Scripturæ necessarios cognitu, ab homine sine interna & speciali illuminatione Spiritus S. intelligi posse statuunt, concludere velle; ergo etiam statuunt, sensum illum Scripturæ, fide accipi atque obedientia compleri posse; usque aded ineptum & absurdum est, ut nihil supra; Nam I. certum est Diabolos ipsos Scripturæ S. sensus necessarios cognitu & creditu ad salutem, clare intelligere, quos tamen Censor credere posse atque obedire Deo juxta sensus illos non dicet opinor. Diabolos a. posse intelligere sensus necessarios, id unum evincit, quod seducere homines à fide atque obedientia eorundem sensuum, omni studio conentur. II. Certum est Reformatos non paucos, alioquin Prædestinationis Fatalis acerrimos Patronos diserte ista à se invicem separare. *Withakerus* unus pro multis sufficiat. Is Cap. 1. de perspicuitate Scripturæ sic loquitur: *Possumus aliquo modo cognita habere dogmata Scripturarū, fidemque historicam tenere per verbi ministerium, ita ut articulos (NB) omnes fidei cognoscamus, ac veros (NB) esse judicemus, idque sine interno lumine Sp. ut multi homines impii & demones faciunt, &c.* Non examino hūc quomodo consentanè *Withakerus* certam solidamque scientiam (de salutari enim lubens admitto) haberi posse neget sine interno lumine: Nam cognoscere Articulos Fidei & eos veros judicare, an non est certo solideque cognoscere? Sed nolo ea de re cum eo contendere. Idem dicit *Petrus Molinæus* in Responsa sua ad Cardinalem Perronium cap. 1. *Articuli necessarii in Scriptura tam claris terminis sunt expressi, ut interpretatione opus non habeant. Similiter Festus Hommius* disp. 62. de Fide Theol. 3. *Notuam & ad sensum quo pro veris habemus omnia, quæ in Lege & Evangelio sunt revelata, etiam ea quæ captum ingenii humani superant, diserte etiam in diabolis & multis sæpe impiis reperiri.* Quos tamen credere aut credere posse atque obedire divinæ voluntati non concedit: Quare si hac sua consequentia jure gravari Remonstrantes credit Censor, necesse est ut eadem gravet *Withakerum, Molinæum, Festum*, aliosque complures de grege suo, eademque fidelia Socinianismi & Pelagianismi eos omnes pariter denigret: aut si hoc nolit, perperam se conclusisse, & à linea, quod dicitur, excidisse fateatur.

Vt verò Censoris hujus iniquitas magis appareat, adde argumento huic mantissam, quæ vel novæ rationis loco esse possit: Tantum abesse ut consequentia ista Remonstrantes gravare potuerit, ut contra si ulla tantum *immemor* erga eos uti voluisset, à consequentia ista formanda abstinere prorsus debuisset, quia certum est Remonstr. in cap.

in cap. 17. ubi specialiter de credendi & obediendi potentia, sive de electione ad gratiam & Vocatione ad fidem agitur, disertis verbis adferere Sect. 1. Deum conferre gratiam homini peccatori, per quam idoneus & aptus reddatur ad prastandum id omne quod ab eo in Euangelio postulat. Et Sect. 2. Gratiam ad fidem & obedientiam prastandam necessariam à Deo concedi peccatoribus, cum eos ad se per Euangelium vocat, gratiamque illam dari per prædicationem Euangelii eique adjunctam virtutem Spiritus: Quæ Remonstrantium verba reipsa approbantur à Censore istius capituli, aut in sanio-rem, ut ipse loquitur, sensum sumuntur: Distinxisse itaque Remonstrantes inter potentiam intelligendi Scripturæ sensus, & sensibus istis credendi obediendique potentiam observasse debuerat: Quod si nihilominus Remonstrantes in eo Pelagianos esse velit, quando Scripturæ necessarios ad salutem sensus à quolibet homine sano tantum iudicio prædico intelligi posse asserunt, tum vero explicet Censor, quomodo Scripturam perspicuam esse statuatur contra Pontificios, aut qua in re status controversiæ inter ipsum & Pontificios consistat. 2. quomodo infidelitatis argui & contra conscientiam suam, imo in Spiritum Sanctum peccare, juxta definitionem Calvinii, possint reprobi, quos vocat. 3. Quid istud Domini Iesu sit; Servus sciens voluntatem Domini & non faciens, pluribus plagis vapulabit. Luc. 12. 47. Item istud Pauli 1. Cor. 13. 2. Si habeam omnem fidem, & c. id est, Si sciam omnia mysteria & omnem notitiam, & tamen caritatem non habeam. Item illud Petri 2. Ep. 2. 21. Sati- us enim fuisset eis non cognovisse viam justitiæ, quam agnita illa regredi à sancto mandato sibi tradito. Et istud Iacobi 4. 17. Qui novit recte facere, nec facit, hic peccato teneatur. Ex illis enim constat, fieri posse, ut ii, qui vera fide, vera obedientia, caritate & sanctimonia præditi non sunt, divinæ tamen voluntatis, divinorum omnium mysteriorum, imo veræ justitiæ cognitione, ipsiusque Servatoris Iesu agnitione sint præditi: Imo futurum esse, ut, qui cognitione ista præditi fuerunt, & tamen vel fide atque obedientia destituti manserunt, vel à fide atque obedientia iterum defecerunt, propterea damnentur, & gravioribus ac severioribus pœnis afficiantur, quam qui ista cognitione plane destituti vixerunt. Tales autem non sunt nisi animales aut naturales homines, sive irrogeniti & infideles. Itaque cum iis potentiam cognoscendi Scripturæ verum sensum competere negat Censor, alterutrum dicat necesse est: Aut sententiæ suæ sententiam Scripturæ directe contradicere: Aut cognitionem istam, quæ tribuitur homi-

Ostenditur Remonstrantes distinxisse inter potentiam intelligendi sensus Scripturæ & potentiam sensibus intellectis adfuerendi, seu credendi.

EXAMEN CENSURÆ

Expenditur
consequentia
Censoris: Si
Scripturæ sen-
sus necessariū
intelligi pos-
sunt lumine
naturalī; Ergo
non est neces-
saria auxilii
divini ad S. li-
terarum co-
gnitionem
imploratio.

nibus istis in Scriptura, per internam Spiritus sancti illuminationem in illis effectum fuisse. Hoc posterius non dicet, quia eos, quibus illuminationem illam contingere vult tantum regenitos, fideles & spirituales esse dicit, oppositè ad animales homines, & unctione Spiritus Sancti destitutos, uti ex locis, quæ citat, manifestum est. Istud prius itaque dicat necesse est, aut distinctionem Sophisticam more suo reperiatur ut rimam qua elabatur. Quod sub finem sect. 15. addit; *Ex asserptione hac Remonstrantiam necessario sequi, non necesse esse, ut quisquam naturali lumine potens intelligere sensus Scripturæ ad salutem cogniti necessarios, ad S. literarum cognitionem divinum auxilium imploret*, id prorsus absurdum est. Nam I. ex eo etiam sequetur, non necesse esse ut fideles & regeniti, sive lumine interno Spiritus Sancti donati, ad S. literarum cognitionem divinum auxilium implorent: Hi enim non tantum possunt intelligere sensus Scripturæ necessarios, sed eos jam actu intelligunt, iisque ad sentiuntur & credunt. 2. Tantum abest, ut consequentia hæc absurda videri debeat ut non modo non necesse sit, hominem animale divinum auxilium ad Scripturarum cognitionem implorare, ut plane impossibile sit, ut ad Scripturarum intelligentiam adsequendam divinum auxilium imploret, nisi ex Scriptura prius intelligat, aut alia aliqua ratione humana persuasum habeat, auxilio divino opus esse ad earum intelligentiam consequendam, & Deum pro auxilio isto rogari velle, juxta illud Apostoli: *Quomodo invocabunt de quo non audierunt?* Cui non repugnat id, quod Remonstrantes sect. 15. declarationis suæ dicunt, *Esse permultos, etiam inter Christianos, qui divinum auxilium subinde, uti decet pie non implorant. Eo ipso enim requiri, ait Censor, ut divinum auxilium imploretur pro adsequenda intelligentia Scripturarum.* Nam hoc posterius membrum, si ad alios quam ad eos qui jam Christiani sunt referatur, ad Iudæos aliosque qui vel ex V. T. vel ex traditione, vel alia aliqua ratione divinum auxilium implorandum esse in omnibus rebus persuasum habent, referri volunt.

Quæ in Sectione XVI. Remonstrantium censuit Censor ea sunt plane *ἀντιρροδιόνοια*. Dixerant Remonstrantes, optimam Scripturæ interpretationem esse eam, quæ sensum ejus nativum ac literalem quam fidelissime exprimit, vel saltem quam proxime ad eum accedit. Sensem autem nativum ac literalem appellaverant non tam eum, quem verba proprie sumpta præ se ferunt, quam eum, qui licet verba rigide accepta eum non insinuent, tamen rectæ rationi & menti atque intentioni ejus, qui verba protulit, convenientissimus est, sive

sive ille proprie, sive figurate enuntiatus sit: ut autem quid recte rationi & scopo auctoris convenientissimum sit exponerent, addiderant id ex scopo, & occasione uniuscujusque loci subjecta materia, antecedentibus, consequentibus, similium locorum collatione, aliisque id genus argumentis atque indiciis dignosci posse. In hac tam clare, tam aperte, contra Pontificios imprimis, directa sectione, arripit & carpit Cenfor voces duas, videlicet *Recta rationis*, & ratione, ut putat, recta omnibus probare nititur, rationem rectam nullam esse per quam Scripturæ sensum recta interpretatio haberi possit, nisi spiritus sanctus eam illuminet, & is, qui eam illuminatam habet a Dei spiritu, in sensum disquisitione, non rationationis suæ naturalis, sed spiritus sancti dictamen ac ducem sequatur. Quid est cum ratione insanire, si hoc non est? Nam recta ratio hic non significat vim, qua homo ratiocinando ex se ipso excogitare aut invenire potest id, quod rectum & divinæ voluntati conveniens est, sed tantum vim, qua sensum clare & perspicue à Deo revelatum apprehendere, aut ex verborum circumstantiis, ex antecedentibus & consequentibus, &c. recte seu convenienter intentioni ejus, qui verba protulit, elicere potest. Deinde, positorem ita se habere, quod videlicet homo, nec hoc, quod dico, præstare posset; an non sequeretur tandem impossibile, imo ineptum ac stultum esse, ad eruendum genuinum Scripturæ sensum rationibus agere aut rationes audire? Nam quæcunque erunt rationes, eæ proficiuntur aut à mente non illuminata, aut ab ea, quæ à Spiritu Dei jam illuminata est. Si ab illa id est non illuminata mente proficiantur, tum rationes omnes sunt stultæ & stolidæ, sive quis iis utatur, sive quis eas audiat. Si ab hac id est à mente illuminata proveniant, tum frustra audiuntur contrariæ rationes, quia qui illuminatus est à Spiritu, is non potest errare in ratiocinando: & frustra prioribus istis opponuntur rationes ab illuminata mente profectæ, quia hoc ipsum est signum evidens priores istos non posse capere: has rationes, quia mentem non habent illuminatam: nam rationibus utuntur, quæ rationi adversantur, quæ à Spiritu Dei illuminata est. Quid ergo alia re opus est, quam hac una, videlicet, ut quisque fortiter, etiam sine ulla ratione, sibi persuadeat (nam rationem rectam habere non potest, nisi hæc persuasio præcedat) se habere mentem à Spiritu Dei illuminatam: Sic nec fatigabit se ipsum audiendo rationes, quas scit non posse non esse falsas; nec laborabit, ut aliis rationes suas persuadeat: quia frustra id futurum sciet, nisi Spiritus prius illuminet mentem ejus, qui persuadendus est, & cum illu-

Recta ratio
quid significet
in declaratio-
ne Remon-
strantium.

EXAMEN CENSURÆ

illuminat mentem non opus esse sciet, ut id fiat, quia tum is, qui illuminatur, non potest non sensus sacros intelligere. Deinde, si is, qui illuminatus est, rectam rationem iudicii de genuino Scripturæ sensu capacem non habet nisi in disquisitione non ratiocinationis suæ naturalis, sed Spiritus sancti dictamen ac ductum sequatur, At Cenfor ait, quis finis? Nam unde dignoscet an in disquisitione ratiocinationis suæ naturalis, an Spiritus Sancti dictamen sequatur? Oportet ut id cognoscat ratione: At qua? An recta? At eam inquit. An alia? At ea inquirere non potest, nec debet. En ut in circulum absurditatum eat Cenfor, cum rectam rationem veluti oculum sibi ipsi aliisque omnibus eruit, & recta deinde, ut putat, ratione aliis persuadere vult, quod sentit: Meræ tricæ, mera somnia, & meræ nugæ. Brutum & lapidem facit hominem, ut Deum tanto altius extollat. Ista est putida superstitio, & stulta humilitatis affectatio. Nam quid eximium, quid excellens tribuitur homini, aut quid detrahitur summo Deo, quando dicitur homo sensus sacre Scripturæ, intelligibilibus, perspicuis ac significantibus verbis propositos, & à Deo ipso non propositos tantum, sed mandatos etiam præscriptosque sub comminatione æternæ mortis, ut intelligantur, examinentur, dijudicentur, intelligere, examinare ac dijudicare posse? Si tribueretur homini sensuum eorundem inventio, quod videlicet eos suoapte marte, suoapte industria, suoapte ingenio possit excogitare & invenire, tum vero tribueretur ei, quod Scriptura ei adimit, & soli Deo divinæque ejus gratiæ tribuit: at quando tribuitur homini, quod verba, sensum clare ac perspicue exprimentia intelligere possit, aut, si de verbis controversia moveatur, quod antecedentia, consequentia, similia conferre inter se possit, & ex absurditatibus, quæ secuturæ essent, aliisque rationibus colligere, quis verus sensus & scopus loci sit, de quo quæritur; quid magnum ei tribuitur? Brutum eum facias necesse est, si hoc ei adimis. Et quid? An Diabolus ipse sensus Scripturæ sic adsequi non potest, & non adsequitur? an non multi athei, profani, scelerati sciunt & fatentur sensus Scripturæ veros esse istos, quos fideles Christi servi veros esse statuunt, & tamen iis adstipulari nolunt, imo idcirco iis adstipulari nolint in animum suum inducere? An non hæretici intelligunt sensus istos, quos orthodoxi statuunt Scripturæ genuinos sensus esse? Sane, & respuunt idcirco eos & confutant, non facturi id, si eos nullo modo intelligerent. Distinguere hic inter sensum *literalem* & *spiritualem*, nimis

Abstrusitas exceptionis, qua Cenfor utitur, hic indicatur.

Nihil detrahitur Deo, quando tribuitur homini, quod sensus Scripturæ clare propositos possit intelligere.

nimis putidum est commentum, ut jam ante demonstravimus. Ratio etiam, quam hic allegat Cenfor, ex 1. Cor. 1. 23. ubi præcipua Scripturæ doctrina de Christo *hujus mundi sapientibus stultitia* esse dicitur, non modo non probat contrarium, sed confirmat id, quod dixi. Stultitia enim gentibus istis esse dicitur Christus crucifixus, non quod gentes non possent intelligere aut percipere vi rationis rectæ (id est convenientem & rectum verbis Iesu Christi sensum aptantis, ne quis vocem hanc calumnietur) quænam esset ipsissima doctrina Iesu Christi crucifixi: Nihil minus: Sed quod doctrinam illam, quam optime intelligebant quid contineret, ut stultam & vanam rejicerent atque avversarentur. Eo ipso itaque quod doctrinam illam pro fulta habebant, eam etiam intellexisse judicandi sunt. Nam idcirco eam respuebant, quia intelligebant ac judicabant sensus istos, quos continebat, puta Iesum per crucem in gloriam intrasse, & cum crucifixo Iesu crucem fubeundam, ut salvemur, sensus esse, quos humana ratio & sapientia mundi hujus, id est, mundana, quæ omnia utilitate rerum præsentium aut mundi hujus metitur, probare non solet. Stultitia itaque dicuntur fuisse, non quod sensus stulti essent, ut intelligi non possent ab ipsis, aut quod ipsi stulti essent, ut sensus Evangelii intelligere non possent; sed quod sensus, quos intelligebant, pro sensibus habendos esse judicabant, quos non nisi stulti, id est, homines simplices, quos vocant, qui commodis vitæ suæ non sciunt studere, probaturi essent. Confirmatur hoc ex eo, quod idem Christus dicatur *scandalum Judæis*: Scandalum autem esse non poterat, nisi intelligerent quid doctrina Christi contineret. Eadem hic ratio est. Antequam finio, sic colligo: Si rationis rectæ, quæ à S. Spiritu Dei interno non est illuminata, nullus est usus ad dijudicandos sacræ Scripturæ sensus cognitu necessarios, cur adeo multus est Deus in monendis omnibus omnino, quos per verbum suum vocat, ut *diligenter audiant, attendant, judicent, probent Scripturas, ut sapientes vel prudentes sint, ut non sint pueri sed adulti scientia?* 2. Cur adeo serio commendat eos, qui probaverunt illos, qui se dicebant Apostolos esse, qui sensus illos scrutati sunt, & scrutatores ejusmodi *generosiores* appellat, qui non examinant, non scrutantur sensus Scripturæ? cur reprehendit negligentes, tardos, languidos, tepidos? cur eos, qui Scripturæ sensus detorqueant, qui falsas, ineptas aut vanas de rebus divinis opiniones habent, accusat? cur eos stultos, dementes ac mente corruptos vocat, id est, quod ratione recta non utantur? cur eos gravius punit? quomodo & cur tradit eos *ἐς τὴν ἀδόκιμον, im mentem*

Expenditur
locus 1. Cor.
1. 23. à Cenfo-
re allegatus.

Matth. 15. 10.
Ioan. 5. 40.
1. Ioan. 4. 1.
Ephes. 5. 17.

Apoc. 2. 2.
Aclor. 17. 11.
Luc. 24. 25.
Rom. 3. 11.
Matth. 2. 29.
2. Pet. 3. 16.
Rom. 1. per
totum.
Rom. 1. 28.

K

judicii

EXAMEN CENSURÆ

judicii expertem? & similia. Hæc enim omnia totidem sunt absurda, propter quæ Censura hæc Censoris merito videri debet absurda & plane αλογος. Nam prima ac præcipua, quæ in Religione præcognosci debent, fundamenta ac fulcra, funditus tollit: & quod caput rei est, hominem ex homine exuit, ut Religionem, quam Pelagianam futuram sine causa metuit, Fatalem sive Manichaicam nobis obtrudat, quæ omnis Religionis pestis est.

Examen Censuræ de Symbolo Apostolico.

An ab Apostolis vel Apostolica autoritate scriptum sit.

Sectione XVII. inquit Cenfor, Remonstrantes sub generali epitheto Symboli humanitus (ut loquuntur) fabricati, Symbolum quoque Apostolicum completi videntur, illudque aliis annumerare hominum scriptis Ecclesiæ traditis, tam publicis, quam privatis. Temeritas hic an imperitia major sit, dubium est. Temeritas: quod n. vel levissimum indicium est, unde id Remonstrantes fecisse videri possunt? An non generalis ista propositio Remonstrantium, Nullum Symbolum humanitus fabricatum, norma est interpretationis Scripturarum, non dico verissima, sed apud omnes Orthodoxos receptissima est? Imperitia: Alterutrum enim verum statuendum est; Aut Symbolum hoc ab Apostolis vel Apostolica autoritate scriptum esse, & sic ut Symbolum istud Remonstrantes inter scripta humanitus fabricata retulerint, aut referre videri voluerint, ineptissimum esse; Aut Symbolum hoc ab Apostolis vel Apostolica autoritate scriptum non esse, & sic, si illud inter scripta humanitus fabricata Remonstrantes recensere voluerint, nec mirum nec absurdum videri debere. Quamquam vero de neutro horum aperte quicquam statuit Cenfor, tamen non obscure significat, se credere Symbolum istud ab ipsis Apostolis aut Apostolica autoritate scriptum non esse. Quo major iniquitas videri debet, quod is Remonstrantes censere non erubuerit eo nomine, quod Symbolum istud, sub scriptis humanitus fabricatus comprehendere visi sint. Nam si scriptum est humanitus fabricatum, aut sine divina autoritate scriptum, cur male illum habet, quod inter ejusmodi scripta à Remonstrantibus, non dico recenseatur, sed recenseri tantum videatur? Atqui, inquit, ignorare non possunt Symbolum Apostolicum ab aliis scriptis Ecclesiasticis hoc saltem nomine discernendum esse, quod non eadem ratione in his scriptis, atque in illo fidei nostræ compendio, tota veritatis doctrina totidem pene verbis ac methodo divina summatim comprehendatur, Esto: An inde sequitur, Symbolū istud inter scripta humanitus fabricata censendū non esse, si scriptū revera humanum est? Aliud est, rem sive sensum Symbolo comprehensā divini esse, aliud Symbolum ipsum à Deo vel Dei jussu exaratum vel scriptum.

ptū esse. Non jam examino an tota veritatis doctrina summatim isto Symbolo comprehensa, & totidem verbis (vox enim *penè*, quam hic Cenfor addidit, enervat vim totam rationis ipsius) expressa dici possit. Certum est Bonorum operum nullam in isto Symbolo mentionem fieri, quæ tamen ad veritatis doctrinam pertinere nemo visū vecors negaverit. Nec Sacramentorum, nec precationis aliarumve rerum in eo mentio ulla. Adde quod in confesso sit, ut recte annotavit Erasmus variis in locis, Symbolum hoc in principio non complexum fuisse omnia ista, quæ postea, procedentibus temporibus, complexum est, & jam adhuc complectitur. Paulatim enim, variorū articulorum adversus exorientes hæreses adjectione, auctum id esse docet solidissime Erasmus contra Censuram facultatis Theologicæ Parisiensis, Tit. 11. Nempe, clausula Symboli hujus in principio erat, *Credo in Spiritum sanctum*, uti ex Tertull. adversus Praxeam, & ex Canonibus Synodi Nicenæ non obscuræ colligitur. Quoniam vero ob sectas dubitari poterat, ubi nam esset Ecclesia, additus est articulus, *Credo sanctam Ecclesiam*. Præpositio in veteribus ignota fuit. Propter Novatum deinde additus videtur sequens articulus, *Credo remissionem peccatorum*. Post, quum exorirentur, qui animarum resurrectionem quidem profitebantur, sed corporum negabant, adjectus est: *Credo carnis resurrectionem*. Rursum quum Origenistæ faterentur nos resurrecturos cum corporibus, at nō his, in quibus nunc degit anima, in Symbolo quod exponit Cyprianus, Aquilegiensi additum est, *Hujus carnis resurrectionem*. Ex hoc jam etiam colligere est, quid ponderis habeat quod subjungit Cenfor: *Nec eodem consensu universus Christianismus alia scripta humana sibi tradita amplexus est, aut etiamnum amplectitur*. Cui adde, quod de ipso isto consensu, dubitandi causa sit. Certum enim est, symbolum hoc varie apud Veteres referri, adeo ut toti etiam articuli supersint aut desint. Cyprianus ipse fatetur Symbolum hoc in diversis Ecclesiis diversum habitum fuisse suo tempore, adjectis quibusdam, quæ Romana non haberet Ecclesia. De articulo, *Descendit ad inferos*, res plana est, nec in Romano, nec in Orientalium Ecclesiarum Symbolo habebatur. Articulum de *Sanctorum communione* præterit Cyprianus, verisimiliter, ut æquipollentem præcedenti, *Credo Sanctam Ecclesiam*. Nec Tertullianus, nec Augustinus, nec Cyprianus habent ultimum articulum, Et *vitam æternam*. Et ad Sanctam Ecclesiam non addiderunt vocem *Catholicam*: licet Augustinus, velut interpretans, eam adjiciat. Hæc omnia, etsi talia sint, ut de Symbolo hoc Apostolorum, quod

An contineat omnia scitu ac creditu ad salutem necessaria.

An uniforme semper fuerit?

Vide Erasmus ad Censuram Facultatis Theologicæ Parisiensis Titulo 11.

An communi consensu ubique receptum sit.

EXAMEN CENSURÆ

vocatur, prout nunc à nobis legitur, dubitari non injuria possit, imò credi penè debeat id ab Apostolis ipsis, aut Apostolica autoritate scriptum non fuisse: tamen Remonstrantes, ut quanto in pretio illud habeant, declararent, totum illud, tamquam formulam, in quam universus consentit Christianismus, & merito quidem, declarationi suæ inferuerunt. Quod vero censor addit, *se non satis intelligere causam, cur id Remonstrantes fecerint*, id ex eo est, quod præjudicio plenus, pessima quæque de Remonstrantibus, etiam sine ulla manifesta ratione credere malit, quam rationi cedere, aut quicquam eorum benigne interpretari. Patet hoc clarissime in censura sequentis commatis, ubi, quod de *Analogia fidei hic illic recepta* à Remonstrantibus additum fuerat, suspicione infamat, tanquā si de analogia fidei simpliciter dictū fuisset. Particula ista, *Hic illic recepta*, satis arguit de qua analogia isthic loquantur Remonstrantes. Si per *Analogiam fidei intelligant Remonstrantes*, inquit, *sana doctrina proportionem ac convenientiam, quæ ex indubitatis constat S. Scripturæ axiomatis, & evidentibus fidei principiis, cum vero censura digni sunt Remonstrantes*. Quasi vero quisquā tam sit exensæ mentis, aut usq; adeo ab omni ratione alienus, ut tale quid per analogiā fidei *hic illic receptam* indicari vel per somniū suspicari possit. Quis hujusmodi judicia expectet ex Academia, aut à pileatis Doctoribus.

Analogia Fidei,

AD CENSURAM CAPITIS II.

De cognitione essentiaæ seu Naturæ divinæ.

Censetur hic ipsa Scriptura non a. Confessio Remonstrant.

IN *Sectione I.* cum dicit Censor, Remonstrantes quando statuunt Religionem Christianam totam in relictā unius veri Dei, & quem ille misit Iesu Christi mediatoris cognitione, &c. consistere, Iesum Christum, ut Mediatorem, Deo Patri uni vero Deo opponere; urique non censet Remonstrantium confessionem, sed Scripturam, cujus ea sunt ipsissima verba, Ioan. 17. 3. *Hæc est vita æterna, ut te cognoscant unum illum & verum Deum, & quem misisti Iesum Christum.* Cui infinita alia loca addi possunt, imprimis quæ in principiis Epistolarum Apostolicarum occurrunt. Alterutrum det Censor, Aut Scriptura, cum ita loquitur, opponit Iesum Christum mediatorem Deo Patri, aut non: Si opponit, cur, si idem faciunt Remonstrantes, id iis vitio vertit? Si non opponit, cur à Remonstrantibus id fieri dicit, quando

quando non aliis, quam iisdem Scripturæ verbis, & signanter quidem majusculo charactere notatis, utuntur? Sed hic succus est loliginis, hæc ærugo mera & censendi impetigo est.

Sectione II. occasionem censendi prolixam captant ex vocabulo, *dignissimi*. Non enim censent, sed *quarunt quid isto vocabulo sibi velint Remonstrantes*. Nempe turgent Doctores suspicionibus gravidi: Hinc quæstiones, veluti informes molas, ubique abortiunt, quia nihil recte concipiunt, quod à Remonstrantibus profectum est. Sub omni vocabulo, veluti sub saxo viridi latere ipsis videtur anguis, & ubique odorantur sagaces viri, quod suspicionem auget. Occasio quærendi hæc est; dixerant Remonstrantes: *Naturam Dei primo loco esse considerandam, ut recte intelligatur, Deum ex se esse dignissimum, qui à nobis colatur*. Hæc verba dicunt Sociniano sensu accipi posse, *Deum sc. ob suam naturam divinam, ex se se dignissimum esse inter eos quos licet adorare, ac proinde maxime vel precipue, non autem solum esse adorandum*. Atqui vox *dignissimus* isto in loco non comparative, nec ita superlative posita est, quasi relationem ad alios dignos dignioresq; habeat. sed absolute & emphatice, prout de Deo fere loqui solemus κατ' ἐξοχὴν sive cum superlativa exaggeratione. Id patet ex eo, quod Remonstrantes dicunt, *Deum ex se se dignissimum esse*. Nam si per *dignissimum ex se se* comparisonem fecissent, quasi liceat quidem alios adorare, sed non maxime vel precipue, sane sic loquendo, alios ex se se etiam dignos quidem esse, sed nō dignissimos esse indicassent, quod absurdū esse prima statim fronte omnibus liquet. Deinde, cum de cultu loquuntur, non loquuntur nisi de cultu universo, qui Religione Christi præscribitur. Sub eo autem etsi adoratio etiam comprehendatur, ad eam tamen proprie ut respexerint hoc in loco Remonstrantes, nulla iusta ratione colligi potest, aut debet. Quæ hic prolixè de adorationis cultu disseruntur, præteriri possent: Sunt enim aliena ab hoc loco & ex professo de eo agitur in cap. 16. Sed ne Censor existimet Remonstrantes ad quæstionem hanc suspiciosam, directam atque apertam declarationem declinare, ita habet: Cultum, quo Deus ex se se ob naturam suam divinam dignissimus est, hætenus distinctum esse volunt à cultu, quem Scriptura Christo Iesu, ut mediatori tribuendum esse dicat, quod Cultus, quem Iesu Christo contra-distincto à Deo Patre Scriptura tribuendū esse dicat, est cultus, non quo Iesus Christus ratione naturæ divinæ, quam per generationem ex Patre habet, dignus est, sed qui Iesu Christo ut mediatori in tēpore à Patre assignatus & attributus est, quemq; Chri-

Quo sensu
Deum ex se
dignissimum
esse qui colatur, Confessio
Remonstrantium adferat.

Discrimen inter Cultum
Dei & Christi
Mediatoris.

Christus adeptus est propter obedientiam, quam Patri suo præstitit ad mortem usque crucis, quam iussu Patris sui voluntarie pro salute generis humani subiit: uti disertis locis Scripturæ expressum est Ioan. 5. 26. Sicut enim Pater habet vitam in seipso, sic dedit & filio vitam habere in seipso. Et ἐξουσίαν auctoritatem ei dedit etiam iudicium faciendi, quia vel quatenus Filius hominis est. Et paulo ante: Pater non iudicat quemquam, sed omne iudicium dedit Filio, ut omnes honorent filium, sicut honorant & Patrem. Qui non honorat Filium, non honorat Patrem (NB) ut qui miserit eum. Philip. 2. 8. Christus fuit obediens Patri usque ad mortem, mortem autem crucis, διὸ καὶ ὁ Θεὸς αὐτὸν ὑπερύψωσεν: ἵνα ἵνα & donavit ei nomen, quod est supra omne nomen: ut ad nomen Iesu omne genu se flectat, caelestium, terrestrium ac subterraneorum, omnisque lingua confiteatur, quod Iesus Christus (sit) Dominus, ad gloriam Dei Patris. Ad Heb. 2. 7. 8. Fecisti eum (Iesum Θεὸν ὑποτάξαντα hominem mediatorem) paulisper inferiorem Angelis, gloria & honore coronasti eum & constituisti eum super opera manuum tuarum, omnia subiecisti sub pedibus eius, &c. Vide 1. Cor. 15. 27. Omnia subiecit sub pedes eius (Deus) Quum autem dicit omnia ei subiecta esse, palam est hoc dici excepto eo, qui subiecit ei omnia. Postquam verò subiecta fuerint ei omnia tunc & ipse Filius subijciatur ei, qui subiecit ipsi omnia, ut Deus sit omnia in omnibus. Ephes. 1. 20. 21. 22. 23. Hinc ipse Christus Matth. 28. 18. Data est mihi omnis Potestas in celo & in terra. Et apud Ioan. cap. 17. 2. Sicut dedisti ei auctoritatem in omnem carnem, ut quotquot dedisti ei, det eis vitam æternam, &c. Huiusmodi loca plura sunt, quæ clare dicunt, Christum Θεὸν ὑποτάξαντα sive mediatorem, quæ talem, gloriam, maiestatem & honorem adorationis sive cultus non habere à se, sed à Patre: & quidem χάρειν τῷ Θεῷ, sive per χάρισμα, id est, non per gratiosam propriam, sed per liberam & liberalem donationem; honorem hunc coepisse aliquando, & aliquando finem habiturum; quando videlicet, regnum mediatorum cessabit. Sic de cultu Dei & Christi simpliciter sentiunt, sic loquuntur, & cum Scripturis loqui volunt Remonstrantes: securi quæstionum istarum, quas in Scholis texunt neſcuntque otiosi Doctores; An cultus ille substantia idem sit cum cultu Dei: an fundamentum istius cultus sit natura Christi divina, an alia quædam dignitas, cuius etiam particeps est natura humana: Tum, an in personam terminetur quæ talem, an in personam, quatenus in ea est natura divina, & similia. Has enim subtilitates, dicam, an vanitates? non tantum non curant, sed & ode-

& oderunt, ut ingeniorum cruces; & quas, hypotheses Scholarum fecerunt inexplicabiles simul atque interminabiles. Si quis hoc calumniari velit, ut Socinianum, ille sciat injuriam fieri Remonstrantibus, & ut ut sit, calumniam istam non in Remonstrantes, sed in Scripturam ipsam redundare.

Huic censuræ in eadem sectione adjungit aliam, quæ ejusdem farinæ est. Periculosa, ait, est assertio ista, qua Remonstrantes ajunt, non necessario tenenda esse ea omnia, quæ ad divinam essentiam, & omnes operandi modos atque operationum species, quacunque tandem ratione, pertinent; Sed eorum tantum, sine quibus divina voluntas, in Scripturis patefacta, aut recte cognosci, aut præstari non potest. Cur? Sic videntur, aut, cum Vorstio, nonnullas proprietates atque actiones divinas, ex numero necessariarum excludere. Sed videtur, solvitur per non videtur, & , fortasse, per non fortasse. Deinde ait, Ignorare non possunt, mentem nostram non minus, quoad naturæ & operum Dei cognitionem, quam voluntatē & affectus nostros præceptorum Dei observatione imagini ipsius conformari debere. At hoc est *negivum*. Quantum attinet ea omnia, ad essentiam divinam & omnes operandi modos, atque operationum species, quacunque tandem (NB) ratione pertinent, non, uti imperite Cenfor ait, quantum attinet ad id ut divine naturæ convenienter sentiamus, prout se in verbo suo declaravit; Hoc enim plane est extra quæstionis statum, nec contradicit assertioni Remonstrantium. Deinde, posito quod hic status esset quæstionis, tamen eo ipso, quod Cenfor præcepta ad voluntatem & affectus tantum refert, indicat non obscure, cognitionem illam naturæ atque operum Dei ad præcepta ista non pertinere, atque idcirco, saltem ratione præceptorum, magis nos debere conformari imagini Dei, quoad voluntatem & affectus, quam quoad mentem: Denique cum cognitionem naturæ atque operum Dei in Theſibus suis, quæ in *Synopsi purioris sc. Theologiæ* extant, cultui sive pietati subordinatam esse dicat, satis indicat cognitionem illam propter cultum & pietatem necessariam esse, non contra, ac proinde de cognitione dici non posse, quod non minus sit necessaria, quam pietas. Nam propter quod unumquodque est tale, illud magis est tale: At propter cultum & pietatem cognitio naturæ & operum Dei necessaria est: Ergo. Sed observare hic est in censura hujus sectionis, Cenforem aliter multo hic, quam in thesibus istis loqui. Nam cognitionem hic non subordinat cultui, sed coordinat, sive consociat, quia cognitionem & cultū vult esse duos fines medios, sive condiciones prærequisitas, ad vitam beatam consequendam, &

ratio-

Perſti principii in Censura ostenditur,

Inepta citatio
loci Matth. 5.
8. redargui-
tur.

rationem addit; *Interdum enim in Scripturis una sub altera reciproce ordinatur, cognitio veritatis sub pietate. Ut Tit. 1. 1. & pietas seu sanctimonia sub Dei visione seu cognitione.* Matth. 5. 8. *Beati mundi corde, quoniam Deum videbunt.* En mutatam orationem, & insulsam mutationis causam, quia pietas aliquando subordinatur visioni seu cognitioni, ut Matth. 5. 8. quasi videlicet visio seu cognitio ista Dei, de qua agitur, Matth. 5. 8. sit eadem illa cognitio, quam paulo ante finem, medium, seu conditionem prærequisitam vocavit, ad vitam beatam consequendam. Pudet tam inconsideratæ interpretationis. Cognitio enim sive visio illa Dei, est ipsa vita beata, ad quam cognitio illa, de qua hic agimus prærequisitur; Est enim ratio propter quam Christus beatos pronunciat mundos corde: Tum futurum tempus *videbunt Deum*, de alia seu visione, seu cognitione, vid. illa, quæ præmii loco erit, Matthæum loqui, non obscure indicat. Sed clarius multo mentem suam, sive mutatam, sive detectam proposuit Cenfor, cum dixit, *Sacram Scripturam de utraque illa Religionis parte ita loqui, ut cognitionem Dei Patris & Iesu Christi cultui utriusque, tanquam causam proximo suo effectui ac fini præponat; ac Dei cognitionem, in vera fide consistentem, Deo, per se, cultum verò per illam cognitionem Deo gratum, hominique salutarem esse.* Nam in hisce verbis duo notatu digna sunt. *Primum*, quod cognitionem non tantum præponat cultui, sed præferat, & quidem idcirco, quia cognitio causa est pietatis, ita ut ejus vi pietas, tanquam proximus ejus effectus, necessario existat. *Secundum*, quod cognitionem per se Deo gratam & homini salutarem esse dicat, cultum verò per accidens, seu per aliud, nempe per cognitionem. Quæ duo quorsum spectent haud difficile est colligere: Impietas aptiore velamine tegi non poterat. Necessitas præceptionis pietatis & bonorum operum ista via simul ac semel eliditur: quin & pietas ista ratione per accidens grata esse dicitur Deo, & qui cognoscit Deum, per se Deo gratus esse asseritur. Nec est quod objicias Cenforem sub cognitione comprehendere fidem quando dicit *cognitionem in vera fide consistentem, &c.* Hoc enim Cenforis inscitiam arguit, quia fides prima ac potissima pars est cultus divini, quatenus cultus à cognitione distinguitur, & fiducia, quæ forma Fidei est, non ad intellectum, sed ad voluntatem pertinere diserte à Cenforibus his in synopsi ipsorum Disput. 31. Thes. 14. dicitur.

Quod tandem in fine Sectionis hujus ait Cenfor, *mirum sibi suisque videri, quod Remonstrantes tam audacter & confidenter definiant tot operandi*

operandi modos divinos, atque operationum species in capitibus de Providentia Dei, & de conversione hominis, cum tamen hic & alibi tot modos minime necessarios esse asserant; id nescio, an admiratione, an risu dignum sit. Nam Primo aliud est definire modos varios, aliud asserere definitiones istas modorum esse cognitu necessarias ad salutem: Quæ vera esse creduntur, ea definiri possunt: At quæcunq; definiuntur ut vera, non statim necessaria esse cognitu ad salutem dicuntur. Deinde dicit, Remonstrantes adserere hic & alibi tot modos, quot definiunt de Providentia & de conversione hominis, non esse necessarios. Vbi? Dicunt quidem omnia, quæ ad omnes operandi modos & operationum species, quacunq; tandem ratione pertinent, non esse necessaria cognitu ad salutem: At omnes eos modos, quos recensuerunt, non esse necessarios in tractatione questionum ad Providentiam pertinentium, nunquam dixerunt. Aliud est, modos esse necessarios ad pertractandam rem: Aliud, modorum istorum cognitionem esse necessariam cognitu ad salutem. Hæc Doctorem Academicum non vidisse, an non admiratione dignum est?

Sectione III. nulla censura, sed iterum mera tantum suspicio continetur. Hoc loco obiter, ait, naturam Dei spirituales esse pronunciant, nullibi definiunt an natura ipsius sit mere spiritualis, adeoque in æternum nobis invisibilis: Nempe omnia definienda sunt apud hos Doctores, qui nihil ignorant, & minutissimas quasque controversias acumine subtilitatum suarum ad unguem secant. Nuspian consistunt. Sequendum est, si purus haberi velis, & à suspicione liber esse. Sequamur eos. Remonstrantes questionem istam, an Dei natura aliquando beatorum oculis visibilis sit futura, non tantum non necessariam, sed inutilem atque ineptam esse crediderunt. Nam natura, sive essentia Dei, etiamsi corporea esset, non tamen idcirco oculis corporis visibilis esset, quanto minus itaque visibilis est, quum sit spiritualis? Nihil videtur aut videri potest oculis corporis, nisi per colorem aut lucem. Accidentia sola oculis corporis videntur. Deinde, cum de Visione Dei beata loquatur Scriptura, tantum abest ut Remonstrantes credant eam de visione illa, qua essentia divina oculis corporis videtur, ut ne quidem proprie ac solum de visione illa eam loqui credant, quæ cognitio intuitiva essentiae divinæ à Scholasticis & Monachis dici solet. Essentialem beatitudinem in eo non collocant, & disputationes Scholasticorum ea de re nullo certo fundamento, sed sola tantum phrasi ista, qua visuri & cognituri Deum dicimur, præter phraseos ipsius propriam & passivam significationem, niti credunt. Nam visionem Dei,

An essentia Dei oculis beatorum visibilis sit futura, non necessaria adeoque inutilis questio est.

Scholasticorum assertio de essentiali beatitudine in cognitione essentiae divinæ intuitiva sine certo fundamento est.

L

si phra-

EXAMEN CENSURÆ

Visio Dei quid
significet in
S. Scriptura.

si phrasin consideres significare cognitionem essentiae divinae intuitivam, unde constat? dubium non est, quin cum Scriptura phrasi ista, Deum videndi, utitur, per Synecdochen metaphoricam, gloriosam & familiarem cum Deo commorationem & conversationem intelligat, eique beatitudinem tribuat, quia ii, quibus ea concedenda aliquando est, tum non tantum fruituri sunt gloriose Dei majestatis praesentia, sed & benevolae ejus praesentiae signa atque effecta, tam clare, tam jucunde, tam familiariter percepturi ac sensuri sunt, ac si oculis suis essentiam ipsius Dei totamque adeo Dei Majestatem viderent ac intuerentur. Qualis autem & quomodo ista perceptio futura sit, id credunt prorsus inexplicabile esse, atq; idcirco cum Apostolo dicunt, *τὸς θεῶν ὁρῶν θεὸς ὁρῶν, τὸν ἐμπνέοντα, καὶ οὐκ ἐκτενέοντα*, id est, *tum facie ad faciem videbo, & cognoscam eum, prout cognitus ero, vel prout cognoscere factus fuero.*

De simplicitate divinae Naturae.

Quaestio hæc tota Metaphysica est.

Ezech. 18. 24.
33. 11.

Addit Cenfor, nihil etiam de simplici natura Dei docent: Quid mirum? de ea ne jota quidem in Scriptura est. Deinde disputatio ista tota metaphysica est; de ipso termino simplicitatis nondum convenit inter Philosophos. Rem verò quotusquisque intelligit? Tota penè metaphysica proluendus est animus, antequam intelligas quid sit compositio, tum an & quid sit compositio ex esse & essentia, ex actu & potentia; an compositio hæc sit vera compositio: An simplicitati Dei repugnet, si volitiones & actiones Dei liberae ab essentia Dei dicantur distinctae; quia inexplicabile videtur, quomodo, si distinctio nulla sit, volitio Dei libera esse possit, imo quomodo volitio desinere ac cessare possit, cum essentia libera non sit, sed semper eadem prorsus maneat, nec desinere unquam possit: Item, cum de Deo expresse dicatur, quod justum quem amat, à justitia sua deficientem odio habeat & aversetur, quomodo amor iste & odium subsequens amorem, respectu ejusdem subjecti, sit ipsa Dei essentia, quæ eadem semper manet, & quæ sunt ejus commatis alia. Et quotusquisque mortalium quaestiones istas intelligit? habent ibi acutissima ingenia, in quo exercent industriam suam. Et postquam id fecerunt, alterationes eorum aridiores sunt arena. Crucem diceret sibi ipsis fixisse, ex qua suspensi hæreant. Remonstrantes itaq; earum decisiones Doctoribus Academicis relinquunt, & iis omnibus, quibus libet in arido isto pulvere lutari & sejugulare. Tertio, Et cur faciant aliter? ut intelligantur necesse non est, juxta ipsum horum Cenforum fundamentum, quod in Synopsi suæ Theologiae purioris posuerunt, Disput. III. Thes. 19.

Quic-

Quicquid Scriptura non continetur, quamvis simpliciter ab ea non dissentiat, non est necessarium ad salutem dogma. Tale est hoc quæsitum de simplicitate naturæ divinæ: Quare mirum merito videri debet, quod Censor hic eousque progrediatur, ut ejus decisionem cognitu necessariam esse statuat: Nam certum est, decisionem hanc non contineri Scripturam. Rationes, quas allegat, neutiquam isti necessitati probandæ serviunt. Nonne, inquit, ad unitatem naturæ divinæ tribus personis, Patri, Filio, & Spiritui S. communis, plene intelligendam necessaria est simplicitatis ipsius cognitio, per quam cum omnis compositionis & divisionis expertem esse novimus? At, mi Censor, hoc est idem illud quod quæritur; An videlicet naturæ divinæ unitas plene percipi non possit, nisi ei tribuatur omnimoda ejusmodi simplicitas, ita ut volitiones ejus liberæ, sint ipsa ejus essentia. Naturam enim divinam unam esse, apud omnes in confesso est. Simpliciter autem omnimodam, ex. g., qua dicitur liberum velle Dei, esse ipsam essentiam divinam, unitati isti repugnare, probandum erat. Et quomodo hoc fiet, nisi definitio unitatis certa & extra controversiam prius ponatur? At hic acumine toto Metaphysico opus est. Tum, omnimodam simplicitatem non esse necessariam ad hoc, ut aliquid unum & pluribus non tantum personis, quæ ab essentia non nisi ratione differunt, sed etiam rebus partibusque realiter ab ipsa & inter se distinctis commune sit, sola animæ natura indicat, quæ, etiam si simplex non est, una tamen esse, & tota in tota, & tota in qualibet parte corporis esse creditur. Secunda ratio Censoris hæc est; Nonne ad identitatem Dei, & attributorum ejus essentialium percipiendam necessaria quoque est doctrina de ipsius simplicitate, ex qua in Deo non esse res, aut qualitates ab ejus essentia diversas cognoscimus? Enervis argumentatio. Nam esto, doctrina de simplicitate Dei sit necessaria ad identitatem Dei & attributorum ejus essentialium percipiendam. Ergo doctrina de Dei simplicitate est talis doctrina, qua omni modo aut sic simplex esse dicitur Deus, ut non tantum attributa ejus essentialia cum essentia ejus unum sint, quod nemo Remonstrantium unquam negare sultinuit, sed ut, ex. g. volitiones ipsius liberæ sint unum idemque cum ipsius essentia, imo non nisi ipsissima ejus essentia. Quæ ratio? Hoc autem concludendum erat: quia idcirco dicit Remonstrantes non docuisse de simplici Dei natura, ne D. Vorstio se opponerent Deo naturam ex subjecto & accidentibus, id est, ex essentia & volitionibus liberis compositam affingenti: Deinde tantum ab est ut doctrinam de essentia & volitionum liberarum in Deo unitate necessariam

Questionem hanc non esse scitu necessariam, ex ipso Censorum Fundamento five axiomatico evincitur.

Rationes Censoris hujus contrariæ & præcedenti Fundamento repugnantes examinantur.

Prima ratio.

Secunda ratio.

EXAMEN CENSURÆ

riam esse concludere possit Cenfor, ut doctrinam de omnimoda identitate divinæ essentiae & attributorum ejus essentialium præcise cognitu ad salutem necessarium esse, non permittat *κρίτητον* Cenforum ad quod dijudicari volunt, non an dogma aliquod necessarium sit, hoc enim nusquam tentant, sed an dogma aliquod sit non necessarium; cujus supra mentionem fecimus. Tertia ratio digna est quæ exhibetur: ne speciem quidem consequentiae habet.

De Aeternitate
Dei.

Sectione VI. & VII. de Aeternitate Dei recte & aperte loqui Remonstrantes ait Cenfor. Euge! semel bene loquuntur Remonstrantes. Mirum quod hic de Metaphysica aeternitatis definitione, quaestionem non moverit, & Socinianismi aliquod vestigium non olfecerit.

De Dei im-
mensitate.

De Dei infinitudine & immensitate loquuntur, inquit, oblique & ambigue, cum ajunt, Deum in omnibus ubique locis praesentem adesse modo generali & incomprehensibili; non definientes, an ubique locorum, tam in terra quam in caelo, atque etiam extra illa, atque omnia locorum spatia sit, secundum suam essentiam. Mire suspicax est hujus Cenforis animus. Nulla fere Sectio est, quæ justam censuram habere dici potest. Suspicionem utramque paginam faciunt. Contemni possent, & forte deberent. Quis enim non nausceat ad tot purulentas suspensiones? Sed ostendenda est Cenfori sua indisputando imperitia, & in suspicando κακῆξια. oblique inquit, & ambigue loquuntur. Nempe, quia non ex praescripto & ad formulam loquuntur. Nam, si idcirco oblique & ambigue loquuntur, quia non definiunt in terminis quod Deus secundum essentiam suam sit tum in terra & caelo, tum extra illa, atque omnia locorum spatia, oblique etiam & ambigue loqui Scripturam dicatur necesse est, illa enim semper loquitur, uti Remonstrantes loquuntur, & nunquam uti Cenfor hic Remonstrantes loqui vult. Nec enim usquam in Scripturis legitur Deum secundum essentiam suam ubique esse, nedum Deum secundum essentiam suam esse extra caelum & terram in spatiis omnibus, etiam imaginariis. Remonstrantes cum Scriptura & ad Scripturae formulam, divinam omnipraesentiam agnoverunt, modum praesentiae, utpote sibi incomprehensibilem, & in Scriptura non expressum, definire non fuerunt aucti, rati sufficere, si intra Scripturae locutionem starent, & ab intricatis Scholarum litibus, de hoc praesentiae modo in totum abstinere, aut professione ignorantiae sese subducerent. Nec mirum: usque ad eam involuta & implicata est reddita lis hæc, ut vix quisquam sanus homo sub sole sit, qui postquam omnia ad eam pertinentia accerrime excussit,

Remonstrantes quamquam non negant Deum secundum essentiam suam ubique esse, tamen cum Scriptura loqui maluerint, quæ modum divinæ praesentiae nusquam definit.

excussit, ita ut nihil ad decisionem faciendam reliquum fecisse videatur, tandem tamen fateri non debeat sibi deveniendum esse ad ingenuam istam voculam, *Nescio*. Evanescit in concipiendo, nedum in ratiocinando mens, & gurgite difficultatem absorberi se sentit, ubi in quaestione istius adyta penetrare incipit. Et bone Deus! quis atopicam & atomicam istam essentiae divinae & personarum trium divinarum praesentiam, non dico tantum in caelo & terra, in cloacis, in Idolis foedissimis, in diabolis, in inferno ipso, sed extra caelum & terram in spatiis etiam imaginariis, quae non constat uspiam esse, & quae fingi necesse est, & ficta quid sint, intelligi non potest, sic comprehendit, ut non hæreat, non stupeat, non tremat, non horreat? Quis ista, cum dicit, intelligit? Ab istis sane facilis prolapsus est in Atheismum. Nam juxta illam Thesin, sequitur hoc axioma: Quicquid est, id est Deus & essentia divina: Si quid aliud statuitur, quod Deus non est, atomica Dei praesentia laborat. Quod si qui tamen sunt, qui aliter censent, aut tam firmo iudicio, ut difficultates has omnes possint superare, fruuntur iudicio suo. Remonstrantes decisionem illam suam esse nolunt, aut saltē eā necessariā esse non credunt, vel hoc uno argumento adducti, quod Scriptura eā nuspiā faciat, idcirco malunt Deo eā relinquere, & futuro isti saeculo, in quo videbunt Deū, sicuti est. Nescire liceat, quae non nisi periculose creduntur. Et cū summa subtilitate disceptatur.

Sectio octava primam habet Censuram, sed infelicem valde, itaque infcitam. *Quaquam*, ait Censor, *Remonstrantes hic quoque eventa possibilia nominant, in eo tamen pravaricantur, quod contingentia silentio praetermittunt, vel potius diserte non recensent.* Nam I. certum est, Censorem hunc, aliosque, si consentaneē principiis suis loqui velint, contingentia nulla, quae verē contingentia sunt, uti, ex.g. libera, agnoscere. II. Certum est eos credere contingentia, qua talia, praecise sumpta, non cognoscibilia, ac proinde inter objecta divinae omniscientiae referenda non esse. Contingentia nulla, quae quidem vere contingentia sunt, non agnoscunt, quia libertatem voluntatis veram, quae in indifferentia activa sita est, quae, positis omnibus ad agendum requisitis, potest agere & non agere, vel hoc aut illud agere, funditus tollunt, & lubentiam sive spontaneitatem conjunctam cum iudicio, ipsam veram libertatem esse volunt, uti suo loco demonstrabitur. Spontaneum autem istud tantum abest, ut inter contingentia censeretur debeat, ut semper summe sit necessarium. Contingentia vero, qua talia, non esse scibilia statuunt in terminis. Vide quid disertis

De Scientia
rerum conting
entium.

Censores ipsos
nulla vere con
tingentia agno
scere & vere
contingentia,
qua talia, non
esse cognosci
bilia statuere,
prolixè de
monstratur.

EXAMEN CENSURÆ

Ioannes Ca-
mario.

Calvinus.

Censor ipse
hic fateatur
contingentia
qua talia non
sciri à Deo.

Remonstran-
tes vere con-

verbis ea de re scripserit *Iohannes Camero Professor Theologia* in respon-
sione sua ad libellum, cui titulus est, *Epistola viri docti, &c.* quam Cen-
sores ipsi alique iudicio suo approbarunt & dignam iudicarunt, quæ
in lucem mitteretur, uti ex Epistolis Festi Hommii, aliorumque ei
præfixis liquet. Verba ejus hæc sunt: *Non potuit Deus divinare, quor-
sum hominis primi voluntas libera sese inclinaret, priusquam ipsa sese inclina-
vit in alterutram partem. Vnde id demonstrem? Qualis est res, talis est rei
scientia. At hæc inclinatio in sua causa incerta fuit, quæ ad id quod & indiffe-
rens (ut ita dicam) erat in utramvis partem. Ergo in sua causa certo id sciri
non potuit. Sed, quid ego novitium & nuperum hunc Scriptorem
allego? Calvinus ipse Institut. suarum lib. 3. 21. diserte ita loqui-
tur: Decretum quidem horribile fateor, inscisciari tamen nemo poterit, quin
præciperet Deus, quem exitum habiturus esset homo, antequam ipsum con-
deret, & IDEO præciperet, quia decreto suo sic ordinaverat. Loqui-
tur autem de decreto proprie dicto, quia addit; fatemur factum fuisse
Dei consilio ac voluntate, ut Adamus lapsus sit. Et, ne longe abeamus,
Censor hic in eandem sententiam, & ad Calvinii formulam, hoc ipso
in loco scripsit; *Contingentia ex scientia determinata seu visionis cogno-
scit Deus, sub ratione prævisæ (inepte hæc vox prævisæ inseritur) existen-
tiæ, tanquam certo future, quia Deus, ut ea aliquando fiant, ab æterno ordi-
navit.* Contingentia itaque, qua talia, juxta Censorem hunc, non
cognoscit Deus, nec cognoscere potest aliter, quam cognoscere eum
dicit possible, videlicet scientia indeterminata seu simplicis intelli-
gentiæ, sub ratione possible tantum existentia, propterea quod Deus,
ut ea aliquando fiant, non decreverit: ut enim futura sunt, cogno-
scere non potest scientia determinata, nisi in decreto & ordinatione,
ut aliquando fiant: At contingentia, ut futura ex decreto, non sunt
contingentia, sed necessaria: aut, si contingentia sunt, & con-
tingentia ea esse vult Censor, eadem etiam comprehensa fuisse à Re-
monstrantibus sub vocabulo, Futurorum, cur non credidit? Si eos
determinationem hujusmodi divinam non agnoscere dicat Censor,
tum necesse est, ut fateatur eos idcirco eam non agnoscere, quod
alioquin secuturum sit, mala etiam à Deo non cognosci, nisi quia &
quatenus determinationi isti divinæ subjacent. Mala itaque à Deo,
ea determinante erunt, & ut sic determinata à Deo cognoscantur: ut
contingentia itaque non cognoscantur, nec cognosci à Deo poterunt:
quod tamen illud ipsum est, quod Censor hic in Remonstrantium
declaratione carpit. Sed ut nos eum hac ratione premamus non est
necesse:*

neceſſe: Certum eſt, quod Remonſtrantes attinet, eos contingentiam & libertatem, quæ vera & ſola contingentia iſta eſt, quæ hic conſideranda venit, & à lubentia ac ſpontaneitate Cenſorum toto cælo diſtat, agnoſcere. Deinde, certum eſt, eos Prædeſtinationem ex præviſa fide & fidei perfeverantia, nullo interveniente abſoluto decreto aut ordinatione de fide iſta per vim irrefiſtibilem efficienda, paſſim urgere. Quid inde concludatur nemo non videt. Quæ ex Theſibus Episcopii citantur, ea iſtis non repugnant. Etſi enim verbo *videtur* in Theſibus ſuis Episcopius utatur, tamen, cum dicit paſſim in Scripturis ſcientiam contingentium tribui videri Deo, non obſcure indicat, ſe in eam ſententiam maxime propendere: Interim quod diſquiri permiferit, an neceſſarium ſcitu ſit ad hoc, ut Deus colatur, ſcientiam iſtam Deo competere, in eo eum & recte & prudenter feciſſe, cur dubitetur? Qui diſquiri & examinari aliquid permittit, iſ, etiamſi ſignificare videatur rationes ex utraque parte eſſe, quæ probabiles ſunt & veriſimiles, tamen ſententiam ſuam nondum interponit. Quare, quid de ea ipſa re ſtatuert Episcopius, colligi ex verbis iſtis non poteſt. Cenſura itaque hæc tota nil iterum niſi mera & inepta conjectura ac ſuſpicio eſt.

Quæ Sectione IX. cenſentur, ea huc proprie non pertinent, & ſuis ſingula locis, ubi de voluntatis libertate, de providentia Dei & Vocatione hominū ad ſalutem agetur, expendenda venient. Breviter itaq; tantum perſtringam, quæ hic Cenſor carpit. *Vuioſa*, inquit, *eſt definitio liberrime voluntatis Dei, qua Remonſtrantes aſſerunt Deum non intrinſecæ naturæ ſue neceſſitate determinari aut ad volendum bona, aut ad nolendum vel permittendum mala, quæ extra ipſum ſunt ac fiunt, &c.* Ratio eſt, *Quia duo, quæ ſimul in Deo ſunt atq; amice inter ſe conſpirant, tanquam contraria à ſe iſta inter ſe opponunt, nimirum intrinſecam ipſius naturæ neceſſitatem, & voluntatis ad ea, quæ extra ipſum ſunt aut fiunt, libertatem.* Valde crude atq; inſcite hæc dicuntur. Nam Remonſtrantes non negant naturæ neceſſitatem in Deo eſſe, & ſimul etiam libertatem voluntatis, nec ea tanquam contraria à ſe iſta cenſent, quaſi ſimul in Deo eſſe non poſſint, aut quaſi ita ſint oppoſita, ut eidem ſubjecto ſimul ineſſe nequeant; Nugæ: tantum dicunt, volitiones Dei liberas ex naturæ divinæ neceſſitate non fluere, ac proinde etiam non produci à voluntate, ut voluntas natura eſt, ſed à voluntate, ut eſt potentia activa indifferens ad hoc aut illud volendum, vel ſimpliciter ad volendum aut non volendum, ſive, ut *Thomas Aquinas* loquitur, ut eſt *principium electionis*. Nam alioquin

tingentia ag-
noſcere oſten-
ditur.

De libertate
divinæ volun-
tatis.

EXAMEN CENSURÆ

quin volitiones essent simul necessariae & liberae, quod contradictio-
nem implicare manifestum est. Quæ enim necessaria sunt, ea non
possunt non esse: Quæ libera sunt, ea possunt non esse, quia libertas
species contingentiae est. Posse autem non esse, & non posse non esse,
contradictoria sunt & infinite inter se distant. *At necessitas naturæ in
Deo est*, inquit Censor, *quatenus ipse alius esse non potest, quam in se est, ne-
cessaria sc. atque immutabiliter sapiens, bonus & iustus. Quando igitur ei
libet aliquid velle præter se, & aliquid ex se agere, illud naturaliter non po-
test quam sua naturæ perfectissima congruenter velle & facere.* Esto: si mo-
do superlativæ istæ affirmationes positivo sensu accipiantur. *Hæc li-
bertas quoque in Deo est*, inquit, *quatenus multa bona, quæ extra ipsum
sunt, potest aliter velle & agere, quam vult & facit.* Atqui hæc libertas, non
est nisi libertas contrarietatis, quam vocant, & necessitati naturali ha-
ætenus opponitur etiam, quod Deus, etiamsi natura sua sit determi-
natus ad volendum quod rectum est, non tamen determinatus sit ad
hoc aut illud rectum volendum: Sed de libertate contradictionis po-
tissimum quæritur, An Deus ad simpliciter volendum extra se per in-
trinsecam naturæ suæ necessitatem determinetur, ita ut non possit non
volitionem hanc aut illam extra se habere ex. gr. creare mundum, re-
mittere peccatum, satisfactionem postulare, &c. sive, an Deus possit
non velle, id est, superfedere à volendo extra se, id quod si vellet, sine
dubio sapienter, iuste ac recte vellet. Itaque non quæritur, utrum De-
us id omne, quod vult extra se, sapienter, iuste ac recte semper velit,
nedum, an inter ea, quæ recta & iusta sunt, hoc aut illud velle possit;
sed an Deus ad volendum quicquam extra se, per sapientiam, iustiti-
am & rectitudinem suam naturalem ita determinetur, ut non possit
non velle: Sive, an volitio, qua Deus extra se aliquid vult, talis sit vo-
litio, quæ ex intrinseca naturæ divinæ necessitate fluit, ut Deus eam
non possit potueritve non habere. A vero itaque controversiæ statu
aberravit Censor: Sed elenchi ignoratio familiare est huius Censoris
vitium. Idem apparet in censura sequente. Ex eo enim, quod Re-
monstrantes dixerant Deum bona quidē omnia ita velle, ut ea etiam
approbet & procuret, quædam etiam jubeat, suadeat, optet, desideret,
& suo semper modo efficiat; colligit eos eo ipso asserere, *unicum tan-
tum agendi modum, eumque perpetuum, in Deo bona opera præcipiendi esse,
nimirum moralem seu suasorium.* Atqui Remonstrantes non dicunt,
Deum bona omnia suadendo, jubendo, optando, semper efficere, sed
quædam bona suadere, optare, desiderare, & suo semper modo effi-
cere,

Ignoratio E-
lenchi familia-
re Censoris
huius vitium
est.

cere. Aliud autem est suadere, optare, & suo semper modo efficere, aliud non nisi suadendo efficere. Et quis est adeo rerum sacrarum ignarus, ut dicere audeat Deum non nisi unico agendi modo eoque perpetuo uti, videlicet suasorio seu morali? Ne Pelagius quidem id dixit, ut Augustinus ipse fatetur lib. 1. de Grat. Christ. cap. 7. Pelagius, inquit, adiutorium Dei multipliciter insinuandam putavit, commemorando revelationem & doctrinam, & oculorum cordis apertionem, & demonstrationem futurorum, & apertionem Diabolicarum insidiarum, & multiformem & ineffabilem doni gratiae caelestis illuminationem (NB) ad hoc utique ut divina praecepta & promissa discamus. Remonstrantes vero directe & diserte etiam id negare constat ex Actis & scriptis eorum Synodali-
bus. Vide in Declaratione sententiae eorum circa articulum 3. & 4. pag. 60. Reget, inquit, fortasse quispiam, ex hac nostra deductione concludi posse à nobis aliam gratiam non statui, quam moralem: Sed respondemus, nequaquam recte concludi. Potentiam enim credendi conferri dicimus per irresistibilem gratiam, &c. Videatur hujus etiam ipsius Confessionis ipsorum cap. 17. distinct. 1. & 2. Quando vero Remonstrantes in Declaratione sua hoc in loco dixerunt *Deum suo semper modo efficere bona*, non id voluerunt, quasi Deus non nisi suadendo efficiat bona, quae jubet: Sed tantum, quod Deo vere tribuatur, quod bona efficiat, etiam quatenus illa jubet, optat ac desiderat, vel potius, quando bona ista non tantum optat ac desiderat, sed suo semper modo etiam ut effectum sortiantur, operam dat. Quis autem ille modus sit non exponunt. Et hoc quidem idcirco addiderunt, ut contradistinguerent voluntatem hanc Dei, à voluntate Dei, qua circa mala versatur. Hac enim Deum mala non velle significant, ut videlicet ea vel procuret, vel approbet, vel jubeat, vel suadeat, vel desideret, vel suo modo efficiat. Atque hæc quidem ita dicta sunt, non quod existimem idcirco Censura dignam futuram fuisse Declarationem, etiamsi haberet Deum non nisi morali suasionem (supposita tantum potentiae gratiosa concessione) uti circa eos, quos credere & resipiscere jubet: nihil minus. Istud enim certissimum est. Nec jubendum est quod efficitur, nec efficiendum quod jubetur. Stulte jubet & vult ab alia fieri aliquid, qui id ipsum, quod jubet, in eo efficere vult, efficitque ea vi, cui reluctari non est in potestate ejus, cui jubet, ut postea suo loco videbimus: Sed ut paralogismos hujus Censoris tantum ob oculos poneremus: Rarissime enim sic disputat, ut non præter casum, quod dicitur, currat. Sectione sequente, quod à Remonstrantibus dictum fuerat, *Deum, vid. mala culpa sive*

M

peccata

Quo sensu Remonstrantium declaratio adferat Deum suo semper modo bona efficere.

EXAMEN CENSURÆ

peccata velle permittere, ac proinde volentem permittere, non quod ea fieri a nobis velit, aut, ut fiant, efficaciter ordinet vel decernat, hoc, inquam, censet tanquam ambigue dictum: Quo circa eos iterum interrogare cogimur, inquit, quo sensu dicant, postquam de permissione Dei & voluntate permittendi peccata egerunt, Deum non velle ea a nobis fieri? Audiamus distinctum & acutum interrogatorem. Si Remonstrantes hoc dicant respectu voluntatis Dei præceptiva & approbativa in verbo ipsius revelata, idem bis dicunt. Nugæ. Quis adeo excors, qui istam periodum sic intelligat? Sin autem, inquit, respectu voluntatis Dei permittentis hoc dicant, sibi contra dicunt; Cur? Nam si Deus, inquit, vult peccata permittere, ea que volens, ut ajunt, permittit peccata, certe voluntate permissiva ab aliis fieri vult. Quam fordide! quam imperite! Permittere velle peccata, non est velle ea fieri, sed tantum velle permissionem, qua posita, peccata fieri possunt, aut non fieri. Permissio non dicit voluntatem futuritionis, nec supponit futuritionem peccatorum, ut Calviniani affirmant; sed tantum dicit id, quod necessario præcedere debet, ut peccatum fieri possit. Volitio futuritionis, affirmationem notat: Volitio permissionis, negationem. Permittere enim aliud nihil est, quam nolle impedire, quominus peccatum fiat, aut fieri possit, sive futurum sit, sive non futurum: Posita enim permissione divina, non sequitur idcirco peccatum futurum: imo fieri potest, ut tamen peccatum non sequatur, sive ut non fiat: Sed hoc non vidit bonus Censor. Permissionem enim Dei aliam non esse sibi persuadet, quam divinæ voluntatis remissionem, qua posita, fieri non potest quin peccatum fiat: quod arcanum Calvinianæ impietatis est. Nam sic peccata omnia in Deum unum ac proprie transcribi necesse est: Sic statuitur Adamus non potuisse non peccare: Sic reprobatio non circa lapsum, sed circa integrum hominem absoluta voluntate facta statuatur necesse est, aliaque ejus generis horrenda. Hujusmodi vero permissionem à Censore hoc loco intelligi ex secundo quæsito liquet: cum interrogat, quid sibi velint Remonstrantes per vocem Efficaciter, cum negant Deum efficaciter, ordinare aut decernere ut peccata fiant? Nam satis indicat se, si voce efficacitatis intelligatur positiva aliqua & externa efficientia, concedere quidem isto sensu, Deum non ordinare aut decernere ut peccata fiant: Sed si intelligatur negatio efficientiæ ad peccata impedienda sufficientis, quæ etiam efficacitas vocari potest, nullo se modo id concedere. Permissio enim divina ipsi est talis negatio, qua posita, peccata fieri necesse est. Sed libet hic ignorantiam Censoris clarius

Velle permittere peccata quid sit.

Permissio quid Censoribus sit.

rius paulum detegere. Si intelligunt, inquit, Remonstrantes Deum non decernere nec ordinare peccatorum permissionem actu interno voluntatis consultata, certoque consilio determinata, qui apud Deum ipsum sit efficax, nos Vorstium ipsis opponimus. Magnum profecto acumen Censoris hujus! Quasi voluntas permittendi aliud quid esse possit, aut quicquam tam sit fatuus, ut quum voluntatem & decretum permittendi dicit aut concipit, aliud quod intelligere aut concipere cum ratione possit. At si, inquit, actum voluntatis Dei externum, seu executionem intelligunt, qua peccata permittit, non esse efficacem apud homines peccatum committentes, id certo respectu concedi potest, quatenus actus iste externus seu executio decreti permissivi, est nuda Dei permissio; nihilque aliud, quam actionis negatio aut omisio. Quis, bone Deus! Censorem hunc deliberata mente hæc scripsisse credat? Actionis negationem, sive non impeditionem, quæ non potest non esse actio Dei interna, vocat externum voluntatis Dei actum, seu executionem decreti permissivi: Non agere velle itaque, sive perstare in volendo non agere, est externa agere: continuare decretum permissivum est executio decreti permissivi sive actus voluntatis Dei externus. Pudet equidem tam inepti distinctoris. Quid si per permissionem intellexisset Censor actualem divinæ gratiæ subtractionem, uti non pauci inter Calvinistas intelligere se profitentur, consequenter locutus fuisset, & speciem haberet distinctio: Sed quia nil nisi meram actionis divinæ negationem se intelligere affirmat, vanitate ipsa vanior est ejus distinctio. Deinde, ista ipsa negatio actionis sive non impeditio peccati, non est efficax, inquit, certo respectu. Nota, certo inquit respectu: Nimirum (ô acumen!) respectu talis physiciæ efficaciciæ, quæ positivam efficientiam sive subtractionem notat. Sed quoniam, inquit, ista Dei permissio semper cum actus vitiosi, tam interni, quam externi, moderatione conjuncta est, ideo à quibusdam ex nostris Theologis recte efficax permissio appellatur. Quam timide! quam inepte! Pudet Censorem suæ sententiæ. Moderatio enim illa Dei quid est? an est actus Dei internus an externus? Si externus, an negatio actionis, an positiva actio? Si negatio, tum bis idem dicit Censor. Si positiva actio, tum permissio, vel est physica efficientia, quam tamen hic excludit, vel saltem per efficientiam externam permissioni conjunctam, permissionem efficacem fieri, dicat necesse est. Et sic efficacia non tribuenda est permissioni ut tali, sed efficientiæ positivæ, quæ permissioni conjuncta est: Vnde consequetur tandem si efficientia talis divina versatur circa omnem actum

Ridicula Censoria.

vitiosum, tam internum, quam externum, Deum per positivam actionem peccatorum omnium, verum, proprium ac solum Authorem esse. Consequentia patet ex terminis. En, ut suo se gladio jugulavit Cenfor, & dum Remonstrantes taxaturum se credidit, arcanum impiæ doctrinæ suæ, distinctionis hujus suæ subtilitate, velut clave, aperuit.

An Deus necessario punire teneatur peccatorem.

Sectionis XI. Censura prima indigna est serio responso. Nam statuere justitiam Dei vindicatricem sic esse Deo essentialem, ut Deus vi ejus obligetur & necessitetur ad puniendum peccata, ineptissimum & Deo indignissimum esse, non tantum rationes complures, sed etiam ista omnia loca probant, quibus Deus misericors, tardus ad iram, clemens, remittere peccata, transgressionum non velle recordari, dicitur, &c. Et fatentur id non pauci Reformati Theologi, ut mirum merito videri debeat, quod hoc etiam Censuræ suæ caput fecerint Cenfores. Piscator ipse, nuper admodum publice & ingenue profiteri non erubuit, se, quanquam aliter credidisset, jam tamen rationibus D. Vorstii propius expensis, in ipsius sententiam concessisse. Secunda ejusdem sectionis Censura acris quidem est, sed admodum inscita, dicam, an ridicula? Dixerant Remonstrantes, Deum in omnibus operibus & judiciis suis (imprimis autem in præmiis distribuendis & pœnis infligendis) rectitudinem & justitiam, qua suum cuique tribuitur, semper exacte servare, & jus æquissimum exercere. *Huic assertioni*, inquit Cenfor, *repugnat tota Evangelii doctrina, quæ testatur Deum electorum suorum fidem, eorumque opera coronaturum dono gratuito vitæ æternæ.* Matth. 25. 34. Quis non miretur audaciam Cenforis hujus, & collectionem ejus tam futilem admiretur? *Tota*, inquit, *Evangelii doctrina repugnat isti assertioni*, & unum tantum locum Matthei allegat, ubi ne quidem dicitur id, quod ibi dici ait. Tum, certum & clarum est, Scripturam asserere non uno in loco vitæ æternæ donationem ex justitia futuram, uti diserte videre est. 2. Tim. 4. 8. ubi Deus ut *judex justus daturus* dicitur *coronam justitiæ omnibus, qui expetiverint illustrem ipsius adventum.* Et ad Hebr. 6. 10. *Non est injustus Deus, ut obliviscatur operis vestri, & laboriosa caritatis vestrae, &c.* Et 2. Thess. 1. 6. *justum est apud Deum, vicissim reddere iis, qui vos affligunt, afflictionem: Vobis vero, qui premimini, relaxationem nobiscum, dum patefiet Dominus ipse de calo, cum Angelis potentia sua, &c.* Vide Rom. 2. 5. 6. 7. 8. 9. 10. 1. Ioh. 1. 9. Consequentiam sive collectionem quis admittat? Ex gratia coronabit Deus opera nostra vitæ æternæ: Ergo vitæ æternæ distributio non

Datio vitæ æternæ à Deo promissæ, actus justitiæ distributivæ merito vocatur.

non fiet secundum iustitiam distributivam. Aliud enim est vitæ æternæ præmium promittere, aliud præmium promissum distribuere: Promissio pure pute gratuita est: Distribuere, post promissionem factam, suum cuique præmium, pro ratione præstitæ conditionis ad præmium consequendum requisitæ, iustitiæ actus est, tum respectu ejus, qui promissit, tum respectu eorum, quibus promissio facta est: Respectu ejus qui promissit, quia verbo suo promissorio, licet gratiofo, se obligavit alteri, & promittendo jus alteri in se dedit. Ex promisso enim nascitur obligatio, & quidem talis, ut promissor promissum bonum sibi retinere, aut diminuere ex eo non possit, sine injuria ejus, cui promissit. Respectu eorum, quibus promissio facta est, quia justum est, ut jure suo, eo quod in ipsos translatus est, utantur. Promissa enim res non amplius est promittentis, sed ejus, ad quem promissio pertinet: Nec refert an res promissa sit proportionata labori ejus, cui promissio sub conditione facta est, an non: Id enim non ad distributionem, sed ad promissionem considerandum venit. Quod verò dicit Censor, *Ergo vita æterna est stipendium potius ac pretium debitum, quam donum gratuitum*, nimis est futile. Debitum enim ex promisso impro merito & gratiofum donum non repugnant, imo eo ipso, quia aliquid est debitum ex promisso libero & liberali, adeoque pure pute gratiofo, gratiofum donum est & manet. Quod vero ex promisso debetur alicui, id justum sane est ut ei detur, quia iustitiæ est suum cuique dare. Quod autem mihi debetur, id meum est, quocunque tandem modo debeatur & quaecunque tandem sit. Verum quidem est Apostolum Rom. 4. 4. de operantibus solis dicere, quod eis tribuatur merces ex debito, de credentibus autem, quod eis ex gratia detur: At A-
Exceptioni
occurritur,
 postolum voce debiti istic strictiore significatione uti, ex verbo Operandi satis liquet, & ex natura rei, quia alioquin dixisset Apostolus id, quod Iudæi alii que statim damnare ac respuere potuissent. Nam debitum ex quolibet promisso nascitur, quaecunque tandem sit, etiam si sit gratiofissimum. Id autem hac etiam in re locum habere, ex illis locis Scripturæ evincitur, ubi Deus vitam æternam daturus dicitur fidelibus & sanctis ad finem usque perseverantibus, quia non est injustus iudex, & quia justum est ut ita faciat. Atq; hæc quidem res ad eam certam visa fuit primis Reformatoribus, ut Augustana ipsa Confessio, quæ in Harmonia Confessionum est, non dubitavit asserere, *Bona opera nostra præmia mereri, adeoque esse ipsam iustitiam*, uti videre est in Articulo de Bonis Operibus.

M 3

Quæ

EXAMEN CENSURÆ

Quæ sequuntur, inquit Cenfor, ea sunt leviora. Itaque nos ea præteribimus & ad graviora progrediemur, ne otio nostro, in levioribus Censuris censendis, voluisse abuti videamur.

AD CENSURAM CAPITIS III.

De SS. Trinitate.

IN Sectionis primæ censura confert Cenfor exemplar Latinum cum Belgico. In illo dicit reperiri quasdam locutiones, quæ vel aliter habent in Belgico, vel prorsus omissæ sunt. Magnum crimen! acutum videt suspicax & malignus oculus. Sed suspicio lema est, quæ iudicium fascinat. Res utrobique eadem: idem utrobique sensus est. Nam quod attinet ea quæ aliter in Belgico quam in Latino haberi dicit, ea talia sunt, ut *quid ista mutatione innuere voluerint Remonstrantes* Cenfor ipse *non satis se intelligere dicat*. Conjecturam adhibet ut cribrum, sed revera pædagogicum & Scholare. *Nisi forte*, inquit, *cum Vorstio, essentiam divinam & personas affirmât se habere ut genus & species*. Id ne somniantur quidem Remonstrantes, nec intelligunt quid sit. Fuit istos & stultos terminos Academicorum rident: Nec credunt Cenforem intelligere quid dicat, aut quomodo ex verbis istis concludi, vel per decimam consequentiam possit: Ergo, essentiam ut genus, personas ut species se habere significant. Sed quorsum hæc Phrasis eadem est, eadem Phrasios utriusque sententia. Translatio significantissima est. Latini termini, qui in Scholis noti sunt, & rem illustrent apud eos qui terminorum periti sunt, translationem obscuram reddidissent apud plebem, in cuius gratiam translatio facta est. Quod si pari jure agere nobis liberet, quam crebras, quam pudendas, quam inconcinnas variationes ostendere possemus in exemplaribus Confessionis horum Cenforum. Augiæ stabulum est. Crederes quemlibet pro arbitrio suo phrasas, ut sordes, immiscuisse in singulis pene articulis: uti id a Remonstrantibus in collatione Exemplarium, cum considerationes suas in Confessionem istam Synodo repræsentarunt, observatum fuit, & ex parte hic illic in considerationibus indicatum, nominatim verò pag. 87. sect. 10. Quæ omissa esse dicit Cenfor, ejusdem sunt farinæ. Duæ sunt enuntiationes, inquit: *I. Deus in verbo suo Deitatem*

tatem suam patefecit nobis œconomice meditandam : Esto. At quis illud, *œconomice meditandam* Belgice ita reddat, ut intelligi à plebe possit? At ambigua est enunciatio & indigna interpretationis. Nugæ. Vox *œconomice* clara est. Qui Patrem dicit & Filium, œconomiam dicit : Deus, verbum, Spiritus, œconomiam proprie non dicunt : Proprietas vocum id arguit : An Patres ista voce, hoc sensu usi sint, non putant operæ pretium expendere : Quanquam certum est Tertullianum ista voce eodem prorsus sensu usum esse, & quidem in hac de Trinitate materia. Altera enuntiatio, quam omissam esse dicit, hæc est, *Alia Deitatis persona est prorsus à vāis*. At Belgicum exemplar ita habet : *D'een persoon is niet voort-ghebragt*. Quid hic omissum ? An vocem Græcam Belgice reddi voluit ? at Latinum exemplar, Græcam vocem reddidit. Addidit enim, *h. e., improducta*. Hanc reddidit Belgicum. Quid restat adhuc reddendum ? Pudet, pudet tam stupidæ censuræ. Scrupulus, quem in voce *ἀναίματος* facit Censor, nimis est frivolus, quam ut solícite expendi mereatur.

In Sectione secunda dicit Censor *Remonstrantes minus dicere, quam in priore suo Belgico exemplari* : quia dicunt Deum Patrem a nemine habere suam essentiam sive originem. Nam vocem *essentia* hic omittunt. Quis non rideat Censuræ insulsiatatem ? Imo plus dicunt, quia dicunt, Deum Patrem expertem esse *omnis originis*. Omnis origo, an non essentia originem etiam notat ? Quin imo, quid origo aliud significare potest, quam incipere esse ? Sed hoc indicasse etiam satis est. Alterum quod in hac sectione censet, est, quod exemplar Belgicum & Latinum variare videantur in adsignandis Christo Filiationis causis : Sed hoc sane nuce cassa inanius est. Particulam enim, *tantum*, quæ in Belgico exemplari tertio membro addita videtur, etiam ad priora duo membra, referri quid vetat ? Ratio recta non permittit, ut eam aliter quam in Latino exemplari exstat, Censor accipiat. Christum enim per Creationem proprie dictam, aut gratiosam adoptionem Filium Dei esse, ut Censor statuatur Remonstrantes credere, non permittit Hypothesis ipsius, qua eos cum Socino sentire adfirmat, quem id ipsum ex professo negare & ab Arrio, cuius ista sententia est, ea in re dissentire, certissimum est. Cavillatio itaque est, & plena quidem inscitia. At, inquit Censor, *saltem manifestum est ex Latino exemplari, Remonstrantes affirmare, Deum Patrem Christo tanquam* (hæc vox *Tanquam* inepte inserta est à Censore) *Filio suo unigenito Deitatem suam duplici modo communicasse* : Nimirum *per veram, at tamen arcanam & ineffabilem generationem, & per gratiosam*
divinæ

EXAMEN CENSURÆ

divine potestatis ac glorie suprema communicationem, Ita est. At hoc, inquit, contradicit Scriptura. Nam Scriptura sacra, unicam tantum Deitatis communicationem à Patre Filio ejus unigenito factam agnoscit, per divinam sc. Filii sui ac naturalem generationem. Audax assertio: Nihil falsius, nihil quod Scripturæ verbis magis directe contrarium est. Tantum enim abest, ut unicam tantum Deitatis communicationem, sive unicam tantum filiationem Christo tribuat Scriptura, ut disertis verbis, & variis in locis, eum diversas ob causas Filium Dei vocet, quæ tamen omnes ad duas illas, quas diximus, referri possunt. Nam ex Luc.

Christus pluribus modis & variis de causis vocatur in Scriptura Filius Dei.

Primo.

1. vers. 35. aperte liquet, Angelum Dei nomine affirmare Christum idcirco Filium Dei vocandum fore, quod nasciturus esset ex matre, quam Virtus Altissimi inumbratura erat, & quæ ex Spiritu S. superveniente, uterum esset latura, Matth. x. 18. Propterea enim, inquit Angelus Mariæ, quod nascetur ex te sanctum, vocabitur Filius Dei, vers. 35. sive Filius Altissimi, ut est vers. 32. Hæc nativitas, hæc Filiatio, non est æterna illa nativitas, nec æterna illa Filiatio: Ergo non unica tantum generatio, nec unica tantum Deitatis communicatio. Hoc cum ita sit, quid obstat quo minus dici possit, Christum Deum Patrem suum vocare, τὸν ἰδιον seu proprium suum Patrem Iohan. 5. 18. etiam ratione hujus productionis? Nam hæc Christo uni ac soli propria est, & hanc cum nulla alia creatura habet communem. Dicit Censor, Christum Patrem suum vocare τὸν ἰδιον ὃς πατέρα, ob solam æternam generationem. At dicit hoc tantum, sed non probat, & ut probet impossibile est: Tentet, & videbit: Deinde ex cap. Iohan. 10. 35. 36. manifestum est, Christum Iudæos convicisse, quod jure se Filium Dei vocare potuerat, & quod Iudæi causam non habebant ipsum blasphemiae postulandi idcirco, quod se Filium Dei vocasset, hac solida & ἀναλογίῳ ratione, quod à Patre suo sanctificatus, & missus esset in mundum ad procurandum salutem generis humani. Nam, inquit, si illos dixit Deos, ad quos sermo factus est, nec potest solvi Scriptura; Mene, quem Pater sanctificavit, & misit in mundum blasphemare dicis, quia dixi Filius Dei sum? Propter sanctificationem itaque hanc, & missionem in mundum, Christus se Filium Dei non minori jure esse ac dici posse concludit, quam Magistratus aliq, propter munus excelsum & egregium, quod gerunt inter mortales, ad quod à Deo sanctificati sunt, Dii ac Filii altissimi, in Scripturis à Deo ipso vocantur, psal. 82. 1. 6. Ratio plana est & evidens: Tertio ex Act. 13. 32. 33. clarissime patet, Christum Filium Dei vocari, imo à Deo

Secundo.

Tertio.

à Deo genitum dici, quatenus à Deo ex mortuis suscitatus, & ex terra, veluti ex utero, rursus eductus fuit in vitam; nam sic sonant verba; *Nos vobis Evangelizamus promissionem, quæ Patribus facta est, Deum vid. eam explevisse filiis eorum, id est, nobis, suscitato Iesu; ut etiam in psalmo secundo scriptum est, Filius meus es tu, ego hodie genui te.* Per suscitationem autem ex mortuis aliquem, recte & merito Filium Dei vocari posse, natura rei indicat; Deus enim solus tum est autor vitæ istius, & in communionem ejus non venit homo ullus: & locus Luc. 20. 36. arguit evidenter, *Sunt Filii Dei, quia sunt Filii Resurrectionis*: unde & Christus dicitur, *definitus Filius Dei potenter per resurrectionem ex mortuis*, Rom. 1. 4. Denique ad Hebr. cap. 1. 4. aperte dicitur de Christo, *postquam, vel, eo ipso quod consedit ad dextram majestatis Dei in altissimis, quod tanto præstantior factus fuerit Angelis, quanto excellentius præ illis nomen κεκληρονόμηκεν. i. e. fortitus est.* Nam cui Angelorum dixit unquam, *Filius meus es tu, ego hodie genui te?* Ac rursus, ego ero ei Pater & ipse mihi erit Filius. Ex hisce liquet, quam inconsiderate Censor hic affirmet, Scripturam Christo Domino nostro, unicam tantum filiationem attribuire ex unico ad divinam & æternam ipsius generationem respectu; & contra quam recte, quam solide Remonstrantes cum Scripturis asseruerint, Christum pluribus modis Filium Dei esse ac vocari. Nequis verò existimet hoc à Remonstrantibus solis, contra & præter Reformatorum, & cæterorum Christianorum omnium opinionem, statui, is videat quæ in hanc eandem sententiam subjunximus testimonia, quæ instar multorum erunt. Rudolphus Gualterus in Luc. 1. *Deinde repetit Gabriel quod prius dixerat, Filius Dei vocabitur, quod non modo ad æternam illius divinitatem, verum etiam ad incarnationem referri debet. Vi enim, quoad divinam naturam, verus & æternus Filius est Christus, ita quoad assumptam carnem quoque revera Filius Dei dicitur: nam si homines Dei Filios scriptura dicit, ad quos (ut Christus ait) Dei sermo factus est, id est, qui ad munus aliquod peculiare divinus destinati sunt, quanto magis nomen hoc Christo debetur, qui ut, quoad carnem, absque viri congressu, Spiritus S. virtute & operatione singulari ex virginis substantia generatus est: Ita munus etiam à patre accepit omnium excellentissimum, ut scilicet populi Dei Rex & Sacerdos æternus, atque unicus humani generis Redemptor sit.* Hieronymus Zanchius parte 2. de tribus Elohim, lib. 2. cap. 6. *Sic enim dixit (Angelus) δὸς ἐκ τῶν τριῶν ἐλοῶν: ideo etiam (id) quod nascetur sanctum, vocabitur Filius Dei.* Quorsum illa particula copulativa &, etiam? nimirum, quia voluit

Per suscitationem ex mortuis, merito quis vocatur Filius Dei.

Citantur testimonia Reformatorum in eandem sententiam.

Rudolphi Gualteri in 1. cap. Lucæ.

Hieronymi, Zanchii de Tribus Elohim.

EXAMEN CENSURÆ

tuit indicare, Christum antea quidem fuisse Filium Dei, alia, quam nunc recens natus sit, ratione, nempe quia genus ex substantia Dei Patris, illius scilicet naturæ respectu, qua non est conceptus à Spiritu S. Nunc vero etiam aliam accedere rationem propter quam idem vere futurus sit Filius Dei, potius quam hominis, etiam secundum illam naturam, qua nasciturus erat ex virgine, quia scilicet non de semine viri, sed ex Spiritu Dei, hoc est vi Spiritus S. erat concipiendus. Hanc vim habet illa particula Etiam, ut optime observavit Epiphanius.

Maldonatus in
1. cap. Luc.

Maldonatus in Luc. 1. Ad probandum autem id quod nasciturum erat ex virgine, Dei Filium futurum fuisse eo sensu, quo exposui, apertissima ratio fuit Angeli, quia non ex viro, sed ex solo Deo concipiendus erat. Itaque etiam si Christus Deus non fuisset, illo tamen modo genus, quo genitus fuit, merito Dei Filius vocatus fuisset; non solum ut ceteri viri sancti, de quibus dictum est, ego dixi Dii estis & Filii excelsi omnes, sed singulari quadam & propria ratione, quod non alium, quam Deum, haberet Patrem, non ab alio quam ab eo generatus. Eodem prorsus modo, quo Lucas infra cap. 3. 38. Adamum Filium Dei vocat, quia non à viro, sed à Deo genitus fuerat. Distinctiones fortassis hic pro more suo accumulabit Censor, sed eæ tam obscuræ, tam futiles erunt, ut Scoto dignæ sint futuræ & quas ne Holcot aut Bricot quidem intelligat: Atqui, inquit, duæ huiusmodi Filiationes se mutuo everiunt necessario: Nullus enim Filius ob naturalem generationem alterius filius vere sic dictus, ob aliud aliquod bonum adventitium, Filii nomine proprie insignitur. Inapte primum hic inseritur in fine huius paragraphi. vox proprie. Nemo & enim adeo amens est ut gratiosam Filiationem five generationem, proprie dictam generationem five Filiationem vocet. Assimilatio gratiosa, vere ac recte dicitur Filiatio, sed non proprie. Nec enim est propria generatio. Sic nos recte ac vere filii Dei sumus, ac vocamur in Scripturis, imo divinæ naturæ consortes dicimur, etiam si proprie filii Dei non simus. Sed clarissime in adoptione res patet. Is qui naturaliter filius alterius est, vere quidem filius adoptantis fit, etsi non proprie, quia in iura omnia filii succedit, non aliter quam si proprie ex adoptante genitus esset. Sic olim in vet. Fœdere filius ex fratris demortui vidua, proprie à viro & superstitute fratre genitus, filius tamen vere, imo ex mandato & jussu divino, erat ac vocabatur, non fratris qui eum proprie genuerat, sed ejus, qui jam diem suum obierat. Deuter. 25. 6. Deinde Naturalis generatio non impedit, quo minus aliquis, qui naturaliter filius alicujus est, etiam filius ejusdem recte dici possit ob bonum aliquod adven-

Inter veram
& propriam
generationem
five Filiatio-
nem non di-
stinguit Cen-
sor.

Deut. 25. 6.

adventitium, quod propter aliam causam quam naturæ privilegium ei assignatur, Apparet id ex eo, quod videamus in Scripturis Filium unigenitum aliquando vocari eum, qui naturaliter unigenitus filius non est, imo qui plures fratres ex eadem matre habet, tantum eam ob causam, quod Pater eum præ reliquis diligit, & bona adventitia aut præcipuam bonorum adventitiorum partem, in eum conferat, non aliter, quam si proprie unigenitus esset. Proverb. 4. 3. *Adhuc*, inquit Censor, *gratiosa Deitatis communicatio, naturali ex diametro repugnat*: Sane, quando Deitas divinam essentiam notat: At gratiosa Deitatis communicatio non est essentiae communicatio, sed dignitatis ac gloriæ, non quæ Deo essentialis est, sed quæ divinæ dignitati ac gloriæ similis est. Naturalis generatio, qua talis, non confert nisi essentiam: gratiosa generatio confert dignitatem gloriam & excellentiam specialem, quæ eum cui confertur, similem reddit ei qui eam confert. Tantum autem abest, ut hæc sibi invicem ex diametro repugnent, ut I. Censor ipse ejusdem paginae linea 22. in terminis affirmet, gratiosam dignitatis ac gloriæ communicationem, naturalem necessario supponere, sic enim ait; *Quemadmodum officium Christi Mediatorium, divinam ipsius naturam, sic gratiosa dignitatis ac gloriæ communicatio, naturalem necessario presupponit*. Quamquam, quo modo se hic ex manifesta contradictione expedire Censor possit, non video, cum paucis ante lineis dixerit, *Gratiosa Deitatis communicatio, naturali ex diametro repugnat*. Naturalem enim necessario supponere, & naturali ex diametro repugnare contradictoria sunt. Sed hoc ille viderit. II. Ista duo sibi invicem ex diametro non repugnare, id unum fortissime evincit, quod Christus etiam secundum naturam Humanam, Filius Dei natus fuerit, & tamen gratiosa divinæ potestatis, dignitatis & gloriæ communicatione, Filius Dei factus fuisse, & nomen supra Angelos omnes excellentissimum, vid. nomen Filii, hæreditasse dicatur in Scripturis: Ex quo etiam liquet, Remonstrantes jure dixisse Christum per adoptionem filium Dei appellari non posse, ne quidem secundum naturam humanam, quam ex matre habuit, quamquam non desunt inter Reformatos qui id non dubitant adserere, quia sic filius Dei, sive ex Spiritu divino conceptus ac natus fuit: ubi autem nativitatis jus locum habet, ibi adoptio locum habere non potest. Adoptio enim, est mera generationis imitatio seu simulatio, uti Iureconsulti loquuntur. Ineptus autem est Censor, quando gratiosam communicationem sufficere credit ad adoptionem constituendam. Et si enim adoptio omnis sit

Censoris contradictio.

Vide Epistolam Adriani Mylii.

nis sit gratiosa communicatio, non tamen omnis gratiosa communicatio adoptio est. Ignorantia hæc crassa est & Theologo indigna.

In *sektionē Tertiā* nihil habet Cenfor, quod jure cenferi possit proficitur, tantum suspicionem iterum movet, abortum credo facturum, nisi eam subinde hic illic eniteretur, usque adeo suspicionibus turget. Ea hæc est, *Remonstr. hoc loco*, inquit, *cultum divinum Filio, ac Spiritui S. debitum, inter illa argumenta non referunt, quibus Deitas utriusque à Theologis Orthodoxis demonstrari solet.* Nempe, eò jam res devenit, ut argumentis omnibus, & iisdem quibus alii utuntur, non uti, signum sit *Ægodoxiæ*. Tribus argumentis, quæ per se solida sunt, & efficacia ad probandam Filii divinitatem, uti sunt Remonstrantes. Hoc non sufficit. Quarto opus est, nisi hæretici cenferi velint. Putidi Doctores! Nisi eadem & omnia cum ipsis, eodem modo, ad unguem usurpes, suspicionem te macTABUNT, uti malleo boves solent. Id sæpius observabitur in hac Censura. Valeant, & servitutem istam Bodechero, & mancipiis cæteris suis imperent. Remonstrantes Tyrannidem istam abominantur. Sed *nec alia causa est*, inquit, *cur de cultu divino differentes, qui Christo debetur, eum nunquam θεῶν ἰσχυροῦ aut Deum in carne manifestatum nominem.* Itane? Atqui Remonstrantes studio Christum sic non nominasse, unde constat? Tantum abest, ut alia causa non sit, cur id non fecerint, ut causa, credo, nulla prorsus fuerit, aut esse potuerit cur id non facere in animum suum voluissent inducere. Quis enim paulo æquior, Christum θεῶν ἰσχυροῦ nominare gravetur? Christum verò cum Scriptura ipsa nomet *1. Tim. 3. 16.* (quod enim necessario locus hic de Deo Patre intelligi debeat, ut Socinus & Transylvani volunt, nulla ratio solida cogit ut credamus) *Deum in carne manifestatum*, Qua verisimilitudinis specie Remonstrantes id facere noluisse dicet Cenfor? Imo verò idcirco quia Remonstrantes ex Scriptura didicerunt, Deum Patrem Christo Filio suo, quatenus θεῶν ἰσχυροῦ, Mediator, Homo, Filius Dei, & Filius hominis in una eademque persona est, Deus denique in carne manifestatus, cultum & honorem divinum gratificatum esse, idcirco inquam, à cultu divino argumentum irrefragabile ad probandum æternam Filii Deitatem peti non posse, judicarunt. Consequentia evidens est, & per se plana. Christus enim, qua θεῶν ἰσχυροῦ, æternus non est: multo minus æterna est ista gratificatio. Quod autem Deus homini Christo, quatenus Mediator est, aut quatenus Filius hominis est, honorem & cultum istum gratificatus fuerit, ex Scripturæ verbis liquet, & nos jam ante probavimus. En censuræ vanitatem. Sed

Argumentum à cultu adorationis ad probandum Christi æternam divinitatem, cur à Remonstrantibus non sit adductum.

Christum recte vocari posse θεῶν ἰσχυροῦ & Deū in carne manifestatum à Remonstrantibus cōcedi ostenditur.

Sed & vide jam Cenforis impudentiam : *Nec alia causa est*, inquit, *cur nusquam doceant, Christum propter divinam naturam, aut propter operationes divinas, &c. divino à nobis cultu esse adorandum.* At hoc ipso in loco probant Remonstrantes, Christum Deum esse ex divinis proprietatibus & operationibus ejus. An hoc satis non est, ut colligatur Christum divino cultu à nobis adorandum esse? Certe hoc tantundem est, atque si id totidem verbis dicerent. Si enim vere Deus est, utique divino cultu adorandus est. Sed id hic non agitur. Aliud est dicere, Christum idcirco esse adorandum, quia est Deus æternus: Aliud, Christum idcirco Deum esse æternum, quia adorandus est. Istud certissimum est: Hoc controversum. Deus enim, uti ex Scriptura liquet, Christum Filium suum dignatus est honore adorationis, etiam quatenus homo & Filius hominis est, uti loca supra allegata, in terminis probant. Impossibile autem est, ut concipiatur, Deum Filium suum Iesum dignatum esse honore isto in tempore, si ratio adorationis, quæ Christo Mediatori tribuenda est, sit tantum divina ejus natura, quam per generationem à Patre ab æterno habuit. Hunc enim honorem Cenfores ipsi non diffitebuntur deberi naturæ divinæ Christi, vel Christo etiam ratione naturæ istius per se semper & ubique: dignatione aut donatione Dei nulla opus est, ut honore isto dignus censeatur Christus ratione naturæ istius, ne dum natura illa in persona Christi: Imo vix sine summa injuria, tum Dei Patris donantis, tum Christi accipientis, id concipi aut percipi potest. Distinctionibus si hanc rem elucidari posse credit Cenfor, nã vehementer errat. Nimis clara est hæc veritas. Distinctionibus non obnubilatur. Stupent ingenia ad istas veluti ad crines Gorgonis. At Remonstrantes istas respuunt. Aut dicenda sunt, quæ intelligi possunt, aut respuenda quæ dicuntur.

De Spiritu S. quod attinet, certum est Remonstrantes Argumentum à cultu divino non adhibuisse ad probandum Spiritus S. æternam Deitatem. Cur? Argumentum istud adhibere non poterant, nisi ex Scriptura S. adorationis Spiritus S. mandatum, exemplum aut indicium aliquod manifestum proferrent. Hoc non poterant, manente quæstione principali controversa, an Spiritus S. sit Deus: At quæstio illa maneat necesse est, quando quæritur, an medium ad probandum, quod Spiritus S. sit Deus, idoneum inter alia etiam hoc sit, quod Spiritus S. adorari debeat cultu divino. Alioquin in circulum eundem foret. Si Cenfor dicat, sufficere quod Scriptura eum vocet Deum, sufficiat itaque idem à Remonstrantibus dici, &

Cur Remonstrantes non adhibuerint argumentum a cultu adorationis ad probandum Spiritus S. divinitatem.

EXAMEN CENSURÆ

Hilarius,

Georgii Cas-
sandri locus,

propter argumentum à cultu non usurpatum, lis eis non moveatur. Causa, uti jam dixi, & ratio manifesta est. De Patre & Filio adorando Scriptura plena est. De Spiritu S. ne hilum quidem occurrit. Quæ res etiam fecit ut *Hilarius* Episcopus Pictaviensis in 12. quos de Trinitate scripsit libris, Spiritum S. nusquam Deum, nusquam adorandum esse dixerit, ut in præfatione ad illum, prolixius observavit Erasmus. Hinc etiam ab omni ævo fuerunt, hodieque adhuc sunt complures, ut ait *Georgius Cassander* in notis suis ad *Hymnum de Spiritu S.*, qui, cum alioquin de Sacro sanctæ Triados mysterio rectissime sentiunt, Zelo tamen quodam & religione verbi divini adducti, consuetudinem Ecclesiæ olim receptam, qua Spiritus S. nominatim invocatur, in dubium vocant. Remonstrantes id se facere nunquam sunt professi. Sufficit impræsentiarum, si dicant, quod argumentum à cultu divino, ad probandum Spiritus S. divinitatem, idcirco non adhibuerint in sua declaratione, quia ex Scripturis cultum istum Spiritui S. nominatum deferendum, aut à Sanctorum ullo delatum esse, probare non possunt.

Nimis vero anile ac putilum est, quod subjicit Cenfor, Remonstrantes nullum locū allegasse, ubi Spiritus S. & Christus quoque Iehova nuncupantur. Nam esto, id non fecerint Remonstrantes, an ex eo sequitur eos negare esse loca, in quibus hoc factum sit? Imo, si Iehova divinum ac proprium Dei nomen est, an non eos id non negare concludendum potius fuerat, cum dicunt Filium ac Spiritum Deum esse, concludi ex divinis nominibus ac titulis, quibus in Scriptura insigniuntur? Certe: ut loca omnia citarent, non erat necesse. Sed, quid si etiā id omnino negassent, an non jure id facere potuissent, & à Censura immunes esse? Quid ni? Nam, ut jam de ipsa voce Iehova nihil dicam, quam tamen certum est, non Rabbinos tantum Iudæos pene omnes, sed complures etiam orthodoxos, linguae sacræ peritos, pro voce plane fictitia habere, nihil certius aut liquidius est, quam nomen hoc Creaturis etiam in Scriptura passim attributum esse. Loca, unde id constat, tot sunt & tam aperta, ut frontem perfricuisse censi debeat, qui id negare audet. Videantur hæc pauca, Gen. 16. 7. 8. 9. 10. collatis cum vers. 13, ubi hæc verba sunt, vers. 7. *Invenit eam Angelus Iehovæ, dixitque ad Hagar, &c.* vers. 13. dicitur, *vocavitque* (Hagar scilicet) *nomen Iehovæ, qui loquebatur sibi, Tu Deus videns me, &c.* cap. 31. 13. *Angelus se ipsum nominat, Deum Bethel, cui Iacob visum voverat, cum à facie Esau fratris sui fugeret, & ad cognationem suam iret, &* qui expresse cap. 28. 13. se Ieho-

se Iehovam appellat Angelus in rubo apparens Moſi, Exod. 3. 2. diſſerre appellatur Iehova, & Deus verſ. 4. 6. 16. vide porro Exod. 13. 21. collato cum Exod. 14. 19. & cap. 23. 20. & 32. verſ. 34. Exod. 3. verſ. 2. collato cum verſ. 4. & 16. Num. 20. 16. & 22. 28. collato cum verſ. 22. 23. 24. & cum Iofuæ 2. 1. Iud. 6. 14. 15. 16. collatis cum verſ. 2. 12. 13. Zach. 1. 19. 20. collato cum verſ. 7. 9. & cap. 2. verſ. 3. Zach. 3. 3.

Sectione IV. duo cenſet: Primum, *Remonſtrantes dignos eſſe gravi atque acri cenſura, quod cum omnino neceſſarium, & quam tutiſſimum eſſe arbitrentur, ut myſterium de S. S. Trinitate, quantum fieri poteſt, propriis & expreſſis Spiritus S. phraſibus enuncietur, in declaratione tamen phraſibus utantur, quas à Spiritu S. non didicerunt.* Cenſuram hanc, etſi admodum ſit iniqua & impertinens, haud gravate tamen admittunt Remonſtrantes. Vtinam in Declaratione ſua, de hoc myſterio auguſto, & humano ingenio inſcrutabili, non fuiſſent locuti, niſi lingua Spiritus Sancti! Præſtituiſſet fortasſe, invidiam totius mundi ſuſtinere, quam audacter inferre pedem in adytum divinæ Maieſtatis ulterius, quam Spiritus S. hominibus aperuit. Quis enim ſine ſolicitiſſimo tremore, ſine Spiritus S. maniſeſtiſſimo ductu ac dictamine, de tam ſublī Maieſtate cogitet, loquatur, aut ſcribat? Ponderandæ jure ſunt ſyllabæ ac literę omnes, ne quid indignum ea nobis excidat, quin & balbutiendum potius eſt cum ſacris Scriptoribus, quam, vel imprudenter aliquid effutiendum, vel Academica cum confidentia, tanquam ex tripode, de ea pronunciandum. Quicquid de ea Spiritus S. dixit, id ſine periculo dici poteſt; quicquid non dixit, periculo falſi vix caret, & fere ſemper temeritatem ſapit. Aut enim id, quod Spiritus S. dixit, ſufficere credendum eſt, aut, ſi id non ſufficit, in præcipuo capite Religionis, Spiritum Dei & Scripturam deficere, ſtatuendum eſt. Non ignorarunt vim hujus rationis Remonſtrantes. Quin & libenter admodum ad eam, Declarationem ſuam compoſuiſſent, certi & experientia longa edocti, quam difficile ſit conſiſtere, ſi ſemel pedem ultra Scripturæ limitem protuleris, & quam multæ, quam peregrinæ conſuſiones ex una poſitione deducantur, ad quas deinde pari neceſſitate, ac ſi ipſa Spiritus S. conſequentia eſſet, te obſtringas neceſſe eſt. Sed quid facerent? Adverſariorum iniquitates & calumniæ id non finebant. Alterutrum neceſſario faciendum ipſis erat: Aut calumniæ cedendum erat, aut cædenda calumnia. Calumniæ cedere viſi fuiſſent, ſi non niſi verbis Scripturæ, mentem ſuam de hoc myſterio expreſſiſſent.

Cantio Re.
monſtrantium,
ſeçãoe quar-
ta propoſita
adleritur à
Cenſoris cri-
minationibus.

In rebus ad di-
vinæ eſſentia
Maieſtatem
pertinentibus
potius Scrip-
turæ phraſi
quam alia ulla
humana uten-
dum eſt.

Cur humanis
& in Schola
uſitatis phraſi-
bus nihilomi-
nus uſi ſint
Remonſtrantes,

Id

Id Cenfor ipse hic indicat, cum subiungit hæc verba; Si in plerisque Confessionis suæ capitibus, se conceptis S. Scripturæ verbis ac phrasibus sententiam suam proponere regerant, hoc ipsis cum Socinianis commune esse dicemus, aliud nihil crepantibus, quam Confessiones ac Catecheses suas, totidem pæne verbis ac syllabis ex S. Scriptura depromptas. Quid apertius? hoc pacto calumniæ cedere, & latam fenestram aperire malignis rumoribus, qui jam invaluerant apud credulam & malefanam plebem, nimis profecto grave ac difficile videbatur Remonstrantibus in hoc capite. Vt autem calumniam cæderent, aliis phrasibus utendum esse sibi videbant. Hoc quamquam grave etiam videbatur in hoc mysterio, ob reverentiam, quæ summa Numini isti supremo debetur, idcirco tamen tum temporis levius esse habendum iudicabant, quia ex una parte calumniæ aliter occurri non posse intelligebant, & ex altera parte cautione subiecta, factum hoc suum aliquo modo excusari, & reverentiam quam mysterio huic deferendam esse putant, declarari posse credebant. Hinc nata brevis & circumspccta Mysterii istius declaratio, deinde sollicita illa, quæ declarationi subiecta est cautio. Vtraque tum iniquis, tum æquis, piis, & Dei reverentibus, satisfieri posse persuasum habebant. Hæc res, cum per se sit manifesta, & Cenfori ignota esse non potuerit, tanto profecto maior videri debet Cenforis iniquitas, quod factum hoc Remonstrantium, non Censura tantum, sed acri & gravi censura dignum pronunciet. Sed huiusmodi sæculo vivimus. Vnde modestia exultat, ibi impudentiam regnare, necesse est.

Cur usus nul-
los doctrinæ
de Trinitate
protulerint
Remonstran-
tes.

Secundum, quod in hac sectione censet Cenfor, duo membra continet, quorum prius est, *Quod Remonstrantes doctrinæ huius ac mysterii de S. S. Trinitate nullos usus proferunt.* At quis imperitiorem aut insulsiorem Censuram hic fieri posse cogitet? usus enim doctrinæ de Deo, præmissi fuerunt, & quidem satis prolixè: Nunc vero hoc capite tantum asseritur, Deum illum se patefecisse sub tribus personis sive hypostasibus. Quis, nisi væcors, novos usus hic fingat? Quicunque enim hic fingentur usus, ii non fingentur sub alio conceptu, quam sub conceptu Deitatis. Persona, ut persona est, simpliciter usum præbere non potest, nisi quatenus persona divina est: Divinitatis autem conceptus, quos usus præbeat jam ante præcedente capite indicatum erat. Vnde patet quam frivolum sit ac frigidum, quod hic Cenfor ait, *Remonstrantes hac usum omissione, aut non recitatione ipsis suspicandi occasionem præbuisse, quod caput hoc de Trinitate non tam* *utilibus,*

utilibus, quam omnino speculativis articulis annumerari velint. Communi sensu ac judicio careat necesse est, qui arenaceam hanc consequentiam facit. Contrarium potius quis collegerit, & Cenfori, si non depudit, ruborem incusserit. Tum considerentur, sodes, quos doctrinæ huic proprios usus facit Cenfor & statim intelligetur, quam graviter hic hallucinetur. Nam usus illos, plane eosdem esse videbit, qui præcedente capite annotati sunt à Remonstrantibus, quarto tantum excepto, quo ineptior usus fingi non potest. Quomodo enim ex eo, quod tres personæ in una eademque essentia realiter distinctæ sint, si nihil aliud adjungas, colligetur, æquum ac necessarium esse, ut certo credamus ex offensa Deitate nobis miseris peccatoribus, non dico dari potuisse (hoc enim speciem habet, quanquam ad rem parum facit) revera datam esse ex tribus unam? Ne Lynceus quidem hanc consequentiam videat. Torum enim id à pura puta Dei voluntate dependet eaque libera, de qua postea quæritur: hic autem de sola tantum essentia agitur: Nisi ita esset, pari jure colligi posset ex hac doctrina, Patrem aut Spiritum S. ex offensa Deitate dari potuisse, imo alterum datum revera fuisse in Mediatorem generis humani. Sunt enim illæ personæ, non minus à Filio realiter distinctæ, quam Filius à Patre & Spiritu S. distinctus est; Et cum Filii essentiam eandem & æqualem Cenfor esse non neget cum essentia Patris ac Spiritus S., quæ ratio differentiæ dari aut excogitari posset? Impossibile est: Aliud est æquum fuisse ut Filius mitteretur, non Pater aut Spiritus S. supposita voluntate mittendi. Aliud æquum adeoque simpliciter necessarium fuisse, ut una ex tribus daretur, aut mitteretur. Qui aliter censet,

Nescio an Anticyram ratio illi destinet omnem.

Secundum membrum quod hic observandum esse dicit Cenfor, est, quod Remonstrantes, cum in declaratione sententiam suam de prædestinatione & articulis ei annexis declarent, doctrinam Ecclesiarum Reformatarum (id est Calvinianarum) non modo hæc doctrinam rejiciant, sed eam quoque impietatis ac blasphemie condemnent, in hac tamen doctrina Hæreticos nullos, aut heretica nulla dogmata improbent, damnent, aut anathemate percutiant: Frustra. Nec enim mirum est Remonstrantes doctrinam istam Calvinisticam rejecisse passim in sua Declaratione, & quæ ex ea consequuntur, impietates ac blasphemias damnasse ex professo, à cæteris autem ex professo damnandis abstinuisse. Istud ut facerent, gravissimas causas habebant: nam sententia ista Hæretica Calvini jam nota erat, vel pueris à furno & lacu redeuntibus: rint.

Adsignatur ratio, cur Remonstrantes in Articulo de Prædestinatione potius, quam in aliis articulis contrarias hæreticas opiniones damnarent.

O

Patroni

EXAMEN CENSURÆ

Patroni ejus non damnaverant tantum contrariam veritatem, sed eam etiam intolerabilem in Ecclesiis suis judicaverant: Professores ejus exauthoraverant, proscripserant, incarceraverant, enecaverant, & quantum in ipsis erat, ad sanguinem usque crudelitatis omni genere persecuti fuerant, & indies adhuc persequabantur, ea solum de causa, quod se sententiæ isti Calvinii subscribere bona conscientia non posse, aut contrariæ veritatis prædicationem ac propagationem solemniter promisso silentii abdicare non velle profitebantur. Istam sententiam ut coloribus suis ad vivum depingerent, necessarium erat, idque eo magis, quod eam, prout jacet, pestem credant & venenum Religionis omnis, cum qua forte hæresis nulla alia comparari mereatur, & tamen nihilominus eam, ut fundamentum & basin Religionis pæne totius Christianæ statui, ac propugnari videant. Hoc ut facerent, id est, ut hæreses ubique omnes, & nominatim quæ circa hoc caput sunt, anathemate damnarent, causas non habebant satis graves. Præterquam enim quod hæreses hæ non ita notæ erant in vulgo, stabat jam animo Remonstrantium hæc sententia, nulli doctrinæ, nulli homini anathema dicere, nisi cui Deus ipse anathema dicit, vel expressis verbis, vel sic, ut per consequentiam omni exceptione majorem & cuivis obviam, id Deum dicere, colligi possit. Deum non reperiunt anathema dicere altero horum modorum iis, qui unum Deum in Filio ejus unigenito Iesu Christo pie colendum esse, & Spiritum S. ab utroque procedere, ex animo credunt, vitamque suam ex præscripto Evangelii sic instituunt, ut Patrem in filio ejus colant, & ab utroque Spiritus S. gratiam, sanctis piisque precibus ambire studeant, etiam si forte aut non intelligant quod Filius ab æterno ex essentia Patris per intellectionem sit genitus, aut quod Spiritus S. per voluntatem ex Patre & Filio, seu à Patre per Filium emanet, aut alioquin de persona Filii vel Spiritus S. perperam sentiant, aut denique an Pater Filius & Spiritus S. sint personæ inter se distinctæ realiter, an formaliter, an ratione, & quæ sunt circa istud caput quæstiones aliæ infinitæ, non percipiant. Et quantula, obsecro, pars hominum est, quæ ista intelligit, aut explicita fide credit? Absit à Remonstrantibus, ut tam promptam habeant spongiam, qua ex albo vitæ æternæ, infinitas animarum, alioquin sanctissimarum, myriadas expungant, ob ignorantiam earum rerum, quæ sufficiunt ad doctissimi cujusque industriam exercendam, ut eas possint intelligere, aut si forte eas intelligant, adeo ténues ac subtiles sunt, ut eas persuadere aliis pæne impossibile sit: Et profecto veterem Christianorum Ecclesiam, cum
iis qui

iis qui circa tempora Iustini, credebant Iesum Christum non esse, nisi hominem ex hominibus, communionem coluisse, dummodo Iesum verum Messiam esse, & per eum Deum colendum esse firma cum ipsis fide crederent, non obscure colligitur ex Iustini dialogo, cum Tryphone. Ejus hæc sunt Verba. ἤδη μὲν ὧ τεύφων, εἶπον, ὅτι ἀπολλώται τὸ τοῦτον, χριστὸν δὲ θεόν, εἰάν ἀποδείξαι μὴ δύναμαι, ὅτι καὶ προῦπήρχεν υἱὸς δὲ ποιήτης τῶν ὅλων, θεὸς ὢν, καὶ γεννητὴν ἀνθρώπου. Ἀλλὰ τῆς πατρὸς, αἰὶν' ἐκ παλιν, ἀποδεικνυμένην ὅτι οὕτως ἔστιν ὁ χριστὸς ὁ τοῦ θεοῦ ὅστις οὕτως ἔσται. εἰάν τις μὴ ἀποδείκνυται, ὅτι προῦπήρχε καὶ γεννηθῆναι ἀνθρώπου, ὁμοιοπαθῆς ἡμῶν σάρκα ἔχων κατὰ τὴν δὲ πατρὸς βολὴν ὑπέμενεν, ἐν τούτῳ πεπλανηθεὶς αἰ μόνον λέγειν δίκαιον, ἀλλὰ καὶ ἀρνέιοιτο ὅτι οὕτως ἔστιν ὁ χριστὸς εἰάν φαίνηται ὡς ἀνθρώπου. ἔξ ἀνθρώπων γεννηθεὶς, καὶ ἐκλογῇ γενόμενος εἰς τὸν χριστὸν εἶναι ἀποδεικνύεται: καὶ γὰρ εἰσὶ πῖνες, αἱ φίλοι, ἔλεγον, ἀπὸ δὲ ἡμετέρων γένους ὁμολογοῦντες αὐτὸν χριστὸν εἶναι, ἀνθρώπων δὲ ἐξ ἀνθρώπων γενόμενον ἀποφανόμενοι, οἱς ἐπαυτίθεμαι, ὅδε αὖν παλαιοὶ ταῦτα μὲν δοξάσαντες εἵποιεν. Id est; Verum enimvero, Trypho, dixi, non perierit illud, Christum hunc esse Dei, si demonstrasse nequeam, cum præexistisse Filium conditoris hujus universitatis, esseque Deum, & genitum esse hominem ex Virgine, præterquam ex eo omni, quo probatur hunc esse Christum illum Dei, quod talem eum fore præostensum sit. At si non demonstravero, inquam, eum & prius existisse & nasci Hominem sustinuisse, iisdem nobiscum perpeffionibus obnoxiam carnem habentem, secundum Patris consilium & voluntatem, in eo ipso tantum æquum fuerit, errore me lapsum dicere, non autem negare hunc esse Christum illum, etiamsi tanquam homo ex hominibus genitus videatur, & electione Christus factus esse asseratur. Sunt enim nonnulli, O Amici, dixi, ex genere nostro, profitentes ipsum Christum esse, sed hominem ex hominibus genitum esse affirmant; quibus non adsentior, neque id sane multi, qui in eadem mecum sunt sententia, dixerint.

AD CENSURAM CAPITIS IV.

De cognitione operum divinorum.

NOVUM hic Censorem agnosco & Doctorem novitium, qui statim, perinde ut præcedens, in limine primæ sectionis misere celsipitat

cespitat, quod malum omen est: *Remonstrantes hic*, inquit, *admodum improprie, opera Dei, per qua gloriam suam nobis patefacit, ac bona quadam sua nobiscum communicat, quoddam fundamentum esse asserunt, cui jus atque auctoritas Dei superstruitur, ex qua iuste à nobis postulare potest ac solet cultum, quem ac qualem vult.* Ratio est: nam divini cultus fundamentum proprie dictum, est *Dei natura ac summa maiestas.* Inepte. Nam primo, Remonstrantes nec asserunt opera ista esse fundamentum cultus simpliciter, nec fundamentum proprie dictum, sed fundamentum quoddam. Secundo, nec dicunt ea esse fundamentum quoddam cultus divini, sed tantum juris istius fundamentum, quo Deus cultum iuste à nobis postulare potest; *iuste*, inquam, *& à nobis.* In his enim vocibus emphasis sita est: & ratio manifesta est; Maiestas enim divina, qua talis, non facit ut Deus jus ullum in nos habeat, quo iuste postulare cultum à nobis potest, nisi nos aliquo actu suo aut nostro, obnoxios sibi habeat ad se colendum: Maiestas divina sufficit ad hoc, ut Deus coli dignus sit: At ut à nobis coli jure debeat, id est, haberi pro eo, ad cuius cultum jure aliquo obstricti simus & obligati, maiestas per se non sufficit. Ius omne, quod quis in alium habet, necesse est ut oriatur aut ex beneficio ejus in nos, aut ex maleficio in illum nostro. Aliud est dignitas, aliud potestas aut jus. Sed hoc indicasse sufficiat.

Maiestas Dei est fundamentum non cultus proprie, sed juris istius, quo Deus cultum iuste à nobis postulare potest.

In *secunda sectione* examinat Cenfor Axioma, non tam Remonstrantium, quam mortalium pene omnium. *Talia omnino esse decreta Dei, qualis est eorundem executio:* Bone Deus! quam operoso molimine, quam turbido conatu veritatem planissimam studet involvere! Heracliti tenebris obscurius facere adlaborat, quod Sole clarius est. *Non recte*, inquit, *id axioma ab ipsis exponitur, cum ajunt, ex ratione & modo executionis, iudicium semper faciendum esse de ipsis decretis: Nihil magis absolum fingi potest, ait. Cur? Nam cum Deus quacunque ab aeterno voluit, unico simplicissimo actu voluntatis suae determinaverit ac decreverit, non potest huiusmodi modus atque ordo agendi in decretis ipsis statui, quo aliquid prius, aliquid posterius tempore ordinasse dicatur. Hic autem modus, ordo, & successio in executione locum habet.* At ratio hæc I. valde est inepta. Nam quis adeo ἀλογος reperitur, ut axiomatis istius sensum hunc esse credat? Sicut Deus successive in tempore omnia exequitur, ita ab æterno successive omnia decrevit? Nugæ hæc sunt Academicæ & commenta otiosorum Sophistarum. II. Ratio hæc valde est absurda & impertinens. Quid enim hoc est, Deum unico simplicissimo actu voluntatis

Sensus Axiomatis istius. Talia omnino sunt decreta qualis est eorundem executio, prolixè declaratur contra Cenforis ineptias.

tatis suæ determinare quæcunque ab æterno vult? An Deum omnia simul confuse, in eodem instanti, sine ordine, qui inter res ipsas est velle ac determinare, id est, finem, media, antecedentia, consequentia, causas, effecta, sine ullo proprio, distincto conceptu finis, mediorum, antecedentium, consequentium, causarum, effectorum, sine ullo, inquam, ordine aut connexionem, quæ inter res ipsas est, decernere? Chaos foret huiusmodi decretum, & sapiente quovis homine, nedum sapientissimo Deo indignum. III. Ratio hæc non convenit cum eo, quod in fine sectionis huius fatetur Censor, imo aperte ei contradicit: Nam ibi dicit, *Quicquid Deus in tempore facit, id eum ab æterno sic facere decrevisse*: Atqui decretum, quo Deus ab æterno aliquid facere decrevit, est unicus simplicissimus divinæ voluntatis actus: Ergo quod in isto etiam decreto Deus omnia simul ab æterno decreverit, fateatur necesse est. Falsum itaque erit quod dicit, quicquid Deus in tempore facit, id ab æterno sic facere decrevit. Quid hic excipere Censor possit non video. Necesse est ut dicat, aut decretum illud, quo Deus exequi decernit quæ vult, non esse decretum sive volitionem divinam, quæ ab æterno est, & sic non esse etiam unicum ac simplicissimum actum divinæ voluntatis, quo omnia simul & eodem momento decernit, quod sane per se absurdum est; aut, si hoc non vult, esse in Deo itaque decretum duplex; Vnum, quo Deus omnia simul in instanti decernit, quod cum executione commune nihil habet; alterum, quo Deus omnia simul non decernit, sed unum prius, alterum posterius, cui responderet executio. At sic rationem suam omnino destruet, & commento vanissimo se ipsum ridendum omnibus propinabit. Sed nos alteram ejus rationem videamus; ea ejusdem commatos est, & huc redit: *Quod primum est in intentione, id ultimum est in executione: finis in intentione sapientis primum semper locum habet, inde media*: Contra, in executione, media prius adhibentur, ut finis deinde obtineatur. Eadem itaque ratio in sapientissimo Deo locum cur non habuerit? Præter rem & extra oleam est hæc ratio. Nam quod ad logicum Axioma istud attinet, certum est ejus sensum alium nullum esse, quam id quod prius est ordine causalitatis in intentione, posterius esse ordine temporis in executione: Finis, ordine causalitatis prior est in intentione: media, ordine temporis sunt priora in executione. Ordo causalitatis, cum ordine temporis tantum confertur a Theologis, quando axiomate isto utuntur. At Axioma Remonstrantium, *Talia omnino sunt decreta, qualis est eorundem executio*, nullo modo de ordine temporis, sed de solo ordine

Sensus Axiomatis istius. Quod primum est in intentione, id est ultimum in executione.

causalitatis, qui est inter res ipsas, intelligendum est, ita ut sensus ejus sit, eundem esse ordinem, nostro intelligendi modo, inter decreta divina ab æterno, qui est inter ipsas res in tempore, ratione causalitatis, id est, Deum ab æterno prius decrevisse de eo, quod habet rationem causæ & posterius de eo, quod habet rationem effectus, prius decrevisse de conditione præstanda, quam de præmio conferendo, sive, Deum non prius decrevisse aut ordinasse efficaciter alicui præmium, quam decreverit, ut is certaret & præstaret, quod ad præmium consequendum requiritur, & similia. Quare cum dicit Censor, *Deum in decreto suo semper primum de fine decernere, & finem illum primarium esse divina voluntatis objectum: Deinde, de mediis ad finem illum obtinendum convenientibus, ut secundariis objectis statuere. In executione autem decreti istius, è contrario media omnia destinata prius efficere, quam finem suum adsequatur, recte* quidem loquitur, si modo id quod dicit sane intelligatur, hoc videlicet sensu, volitionem divinam, quæ circa finem versatur, priorem esse volitione illa, qua eliguntur media; quia finis intentio causa est electionis mediorum; Nemo enim sapiens vult media, qua talia, nisi propter finem adsequendum: At, cum finis dupliciter possit spectari, primo, per modum finis respectu ejus, qui vult finem consequi per media:

2. per modum præmii, respectu ejus, qui alteri finem istum vult per modum præmii; fallacia hic latere potest, quæ detegenda est. Volitio, qua quis efficaciter vult finem per modum finis, ista est, quæ ex amore finis movet volentem ad querenda media, quibus finis obtineri potest: Volitio autem, qua quis efficaciter vult finem per modum præmii, est ista, quæ eum, in quo est, efficaciter movet ad volendum dare præmium ei, qui facit id, quod, ad præmium obtinendum, præscriptum est. Istam volitionem sequitur in decreto, electio mediorum ad finem; At in executione præcedit hanc volitionem mediorum electio, tum in decreto, tum in executione. Hac distinctione posita, dicunt Remonstrantes fieri non posse ut Deus, respectu eorundem objectorum, id est, respectu eorundem hominum, decretum duplex hoc habuerit, Vnum quo voluisse credatur gloriam suam patefacere in salvandis hominibus per modum finis, & alterum, quo voluisse credatur eam patefacere in salvandis iisdem hominibus, per modum præmii: Hoc enim pacto, decreta duo prorsus diversa ac dissimilanea in Deo statuerentur, Absolutum unum, & conditionale alterum, quod per se *ἀπορον* & absurdum est. Nec conciliabis ea, si dicas, conditionem illam, quæ in condicionali decreto statuitur, à Deo ipso effici in illo, cui

Finis dupliciter potest spectari. I. Per modum finis. II. Per modum præmii.

cui conditio præscribitur, & sic conditionem illam induere rationem effectus: Nam hoc ipso decretum non modo non erit conditionale, sed & fatuum. Conditio enim, quam is, qui conditionem præscribit, ipse efficit, non nisi ridicula & stulta est conditio, sapiente legislatore indigna. Præceptum etiam, quo conditio illa præscribitur, ridiculum præceptum est, imprimis, si sanciat in super promissione præmii, & comminatione supplicii: Et hoc est totum illud, quod axioma isto suo voluerunt Remonstrantes, *Talia esse decreta, qualis est eorum executio*; prout patet ex additamento sive ἐξήγησις, quam immediate subjungunt, *circa notam inconstantia fieri non potest, ut executio decreto non respondeat, nedum ut decreto repugnet aut contraveniat*. Nimirum id vult Declaratio, fieri non posse, ut Deo tribuatur decretum ab æterno, quo absoluta voluntate Petro, Paulo, ut Petro & Paulo, sive integris, sive in lapsu Adæ positis (id enim jam ad rem hic non facit, ne quis vocem *absolute* calumnietur, quamquam voce eadem Censores uti in materia de prædestinatione non dubitant,) vitam ac salutem æternam ordinaverit: In executione autem ei tribuatur, quod Petro & Paulo salutem non ordinet, nisi sub ratione præmii, coronæ, mercedis, id est, sub conditione fidei & resipiscentiæ. Similiter, ut Deo tribuatur decretum ab æterno, quo absoluta voluntate morti destinaverit Petrum, Paulum, ut Petrum & Paulum, in executione autem ei tribuatur, quod Petrum & Paulum non velit destinare morti, nisi sub conditione, si credere & resipiscere nolint: Item, ut Deo tribuatur decretum, quo constituit ab æterno ut Christus non moriatur pro reprobis, quos vocant, & simul tamen ei in executione decreti huius tribuatur, quod reprobis mandet in Christum credere, id est, persuadere sibi ipsis, quod Christus pro ipsis mortuus sit, & quæ sunt huius generis alia: Hæc sunt ἀνύστατα & incompatibilia. Quare, quæcunque præter hunc scopum dixit Censor, uti omnia sunt, quæ hic dixit de decreto, quatenus est actus divinæ voluntatis immanens, & quatenus ad objecta refertur, ea sunt ἀνὰ λόγον διόνοια, Scholaria commenta, & plane extra lineam controversiæ. Hoc vero, quod dixit in fine huius censuræ, recte videlicet concludere Remonstrantes, si dicant, *quicquid Deus in tempore facit, id ab æterno sic facere decrevit*, verissimum est, & est idem illud, quod hic axioma suo volunt Remonstrantes, tantum abest ut id negent, prout Censor ait. Sed præter decretum hoc aliud esse decretum, quo decrevit res simpliciter & quod distinctum sit à decreto, quo res decrevit exequi, id ipsum est quod Remonstrantes

tes dicunt per se absurdum ac falsum esse. Sed hoc ipsum postea pluribus demonstrabitur.

Sectione III. eadem, cum Censore præcedente, censendi prurigne se laborare docet hic Cenfor : Quod obiter & ex occasione hic dixerant Remonstrantes, etsi per se verissimum sit, id tanquam si ex professo, & suo loco, sensuque hæretico dictum fuisset, suspitionis morsu vellicat & carpit : *Cum de pœna peccati, in quod Adamus est prolapsus, hic loquuntur, mortis tantum æternæ mentionem faciunt. Observa sis Lector, inquit, atque hanc sectionem confer cum 4. sectione capitis proximi, in qua Remonstrantes tantum agunt de immortalitate animæ, qua Deus hominem primum creationis beneficio exornavit. Quid inde? Nugæ. Confer item, inquit, cum Thesi 4. disp. 5. Episcopi de operibus Dei, qua mortalitatem corporum homini ante lapsum cum brutis animalibus communem fuisse asserit.*

De pœna peccati primi.

Quasi vero Remonstrantium omnium interfit, quid Episcopus, multo ante editam Confessionem, privatim, exercitii gratia inter discipulos suos disputari permiserit. Sed &, quid verius, quam quod Episcopus in Thesibus istis sustinuit? Hic ipse Cenfor, cap. seq. sect. 4. idem in terminis asserit : Sed pergit. *Ex istis videtur concludi posse, Remonstrantes pœnam transgressionis primorum nostrorum Parentum collocare in sola morte æterna. En censendi aviditatem simul atque imperitiam : videtur, inquit : Imo vero contrarium potius videri, colliget Socinianus. Idcirco scilicet quia mortis æternæ mentionem faciunt Remonstrantes, mortem temporalem, id est, dissolutionem animæ & corporis æternam, adeoque animæ & corporis annihilationem ab iis intelligi, hoc enim Socino est æternum mori. Sed utraque collectio vana est. Mors enim æterna, uti dissolutionem animæ & corporis, quæ temporalis mors dicitur, non necessario excludit, ita annihilationem animæ & corporis non necessario includit : Et quomodo adeo exordes & amentes forent Remonstrantes, ut, cum mortis æternæ mentionem faciunt, mortem temporalem, sive dissolutionem animæ & corporis exclusam velint, quandoquidem sententia contra Adamum lata, post admissum peccatum, diserte habet, *pulvis es & in pulverem reverteris* ? Non obtusa adeo gestamus pectora. Stupor hic foret, non ignorantia. Neque vero huic repugnat, quod ex disputationibus M. Episcopi refert Cenfor, eum statuere, hominem ante peccatum etiam mortale corpus habuisse, ut cætera animantia. Aliud enim est mortale corpus habere, aliud corpus certo vel necessario moriturum : aliud corpus, quod potest mori, aliud corpus, quod certo morietur, aut*

Genes. 3. 19.

aut quod non potest non mori. Mortalitas corpori Adami, vel potius, ut rectius loquar, homini Adamo (mors enim est suppositi totius, non partis huius aut illius in supposito destructio) ante peccatum naturaliter competebat, quatenus etiam tum homo animalis, & per unionē natura sua dissolubilem, compositus erat. Mors & moriendi necessitas non competeabant ei naturaliter, sed ex sententia Iudicis, & quatenus transgressor erat divini pacti. *Nam per peccatum mors intravit in mundum: Rom. 5. 12. & per hominem mors, 1. Cor. 15. 21.* Sed de hac re pluribus in seq. cap. Quæ post hæc quærit Censor, *Cur videlicet, Remonstrantes, cum concedant Adamum per peccatum morti atque æternæ condemnationi cum omnibus suis posteris obnoxium factum esse, tam opere offenduntur eo, quod ipsi & ipsorum Theologi doceant, Deum pro voluntatis suæ beneplacito decrevisse quorundam tantum, non autem omnium posterorum ejus misereri, aut nonnullos eorum in morte relinquere?* Ea, inquam, omnia ridicula & inepte quærit: nam idcirco jure offenduntur eo Remonstrantes, quia id falsissimum esse credunt, & directe Scripturis contrariū. Si quæreret Censor, cur offendantur Remonstrantes eo, quod dicant Deum jure potuisse nonnullos Adami posterorum sub morte æterna relinquere, uti postea quærit, recte quæreret. At tantum abest, ut eo offendantur Remonstrantes, ut ne quidem offendantur, si dicatur, Deum omnes Adami posteros sub morte potuisse relinquere, si voluisset, aut si rei tantum natura spectetur. Tantum offenduntur, & jure quidem meritoque idcirco, quod Censores dicant Deum non tantum jure id potuisse, sed etiam re ipsa voluisse, & velle quotidie relinquere sub æterna morte non paucos, imo maximam etiam partem eorum, quos per Evangelium suum serio vocat à morte, ad vitam & salutem æternam. Hoc offensionis & scandali plenum est. Hæc sufficere possunt pro responsione ad quæstiones has Cenforis. Sed ut novis quæstionibus occasio præcidatur, auctarii loco addere libet hæc duo. 1. Cum de æterna morte loquuntur Remonstrantes, in hac de Adamo quæstione, (de morte enim æterna, quam actualiter peccantibus atq; inprimis contemtoribus Evangelii comminatur Deus, jam non agitur) non intelligunt mortem illam, quæ æterna poena sensus, sive cruciatuum infernalium æterna perpeffio dicitur, quasi videlicet, Deus eam Adamo vel sine ulla morte corporali interventura comminatus fuerit, vel post corporalem mortem prius inflictam, Adamo ex morte iterum suscitato, inflicurus fuerit. Nuspian enim poena hæc Adamo, aut denunciata aut inflicta legitur: Sententiam Adami

De Morte quā
Adamo com-
minatus est
Deus.

P

vide

vide, & res liquebit luce clarius: Nec verba, *morte morieris*, istam pœnam vel verisimiliter postulant: Sed intelligunt mortem corporalem, sive dissolutionem animæ & corporis, quam præcedunt mala omnia ad mortem disponentia, & quam deinde æterna pœna damni, id est, divinæ visionis sive gratiæ & gloriæ æterna privatio, subsequitur. Hæc mors ista est, quam sententia divina expressam credunt. Aliam mortem, id est, pœnam æterni sensus ut statuant, nulla autoritas, nulla æquitas, nulla ratio cogit, imo sententiæ divinæ autoritas, æquitas & ratio cogunt, ut aliam non statuant. II. Cum Remonstrantes Adamum morti huic æternæ obnoxium factum fuisse dicunt cum posteris suis omnibus, non volunt mortem istam, eodem prorsus modo, infligam fuisse utrique, tum Adamo, tum posteris ejus: Absit: Sed volunt eam infligam fuisse Adamo, ut transgressori, & qui ipse actualiter peccavit. In posteros vero ejus propagatam propter conditionem naturæ ejusdem, quam ex Adamo peccatore trahunt; quippe quæ privata bono gratiæ & gloriæ, non aliter quam posteros eodem bono privatos, profeminare potest. Hæc duo, iis quæ diximus, idcirco subicere operæ pretium est, ne Cenfor credat, argumenta illa momenti alicujus esse, quibus colligere aliqui solent cum Calvino, aliisque hunc in modum: Si Deus propter unum peccatum Adami, cæteros pæne infinitos Adami posteros, nondum natos, conceptosve, jure reos censere potuit ejusdem peccati, simpliciter quia ita voluit; imo, si Deus omnes istos posteros propter istud peccatum Adami, pœna peccati originis, id est, necessitate peccandi punire jure potuit, cur mirum aut alienum videtur, si dicatur Deus potuisse ordinare, ut homo in peccatum incideret, simpliciter quia ita voluit? Deinde, si Deus omnes Adami posteros æterna pœna sensus, id est, perpetuis inferni ignibus cruciare ac torquere jure potest, propter peccatum unum, quod ab Adamo parente eorum solo commissum est, & cujus ipse veniam consecutus est, tantum quia Deo sic placuit, cur absurdum aut iniquum videbitur, si dicatur Deus maximam generis humani, imo infantium ab uberibus matrum suarum raptorum miriadas, non perdere tantum velle, sed etiam internis inferni cruciatibus destinare pro arbitrio suo? hæc enim sunt horrenda illa, quæ Calvinī schola istis fundamentis superstruit; quæ Remonstrantes idcirco rotis animis avversantur & abominantur. Nec dubitant, quin, si Cenfor ex animo quæstiones formare ausus fuisset, easdem aut similes potius formaturus fuisset, quam eas quas formare non potuit, quin ineptiam suam

am proderet, uti jam ostensum est. Quod de providentia divina subjungit Cenfor, id non ad hoc caput, sed ad caput de prædestinatione, aut ad caput de vocatione & conversione hominis pertinet. Vbi quam fit absurda & ridicula ista, quam hic exceptioni nostræ adjungendam censet Exceptio, cum bono Deo demonstrabitur. Interim notandum hic est, quod Cenfor diserte fateatur, conversionem hominis non pertinere ad providentiam, quæ rerum creatarum naturis ac proprietatibus est accommodata, & hominem in ea tantum *παθητικῶς* seu passive se habere, quo absurdius & falsius dici nihil posse, suo loco plenum faciemus, *οὐκ ἔστιν*.

EXAMEN CENSURÆ CAPITIS V.

De creatione Mundi, Angelorum,
& Hominum.

Hic sectio declarationis tertia, primo loco incurrit censuram, *Non omnes*, inquit Cenfor, *rationes hic à Remonstrantibus exprimentur, ob quas boni Angeli nunc sancti, nunc electi, nunc Filii lucis, in sacris literis appellantur.* Quantum crimen, etiamsi omnino hoc verum esset! At tantum abest, ut Remonstrantes, non omnes rationes hic exprimant, ut ne quidem rationes ullas allegent, cur Angeli sancti, electi, aut Filii lucis vocentur: Nam idcirco tantum eos sanctos, electos, & Filios lucis vocari in Scripturis dicunt, quia, principatum seu originem suam retinentes, Deo creatori, & Domino suo constanter adhæserunt: Quæ causa ejus rei fuerit quod adhæserint, & an electi à priori aut posteriore dicantur, an nominaliter, an participialiter, non definiunt, uti ex eo constat, quod Angelos idcirco etiam sanctos vocari dicant, quia Deo creatori suo constanter adhæserint: Sanctitas autem ab iis allegata, non poterat dici ratio, propter quam Angeli Creatori suo adhæserint constanter, quia constans illa adhæsiō, ipsa sanctitas est. Itaq; particula *idcirco*, qua utuntur Remonstrantes, non ut rationalis aut causalis particula, sed ut *ἐξαιρητικῆς* tantum allata fuit. Et cum vox electus, nominaliter accipi possit, & non raro accipi in Scripturis soleat, eodē sensu vocem electos, quo sanctos usurpare potuerunt Remonstrantes. Sed esto, Remonstrantes particulam, *idcirco*, pro causali particula acceperint,

Arguitur in-
pta citatio lo-
ci ad Rom. II
35. 36. & ve-
rus ejus sen-
sus indicatur.

runt, cum ad vocem *Electi* refertur, & vocem *electi*, participialiter ac-
ceperint, quid tum? At sic, inquit, *vocarentur Angeli electi à postero-
re, uti sancti & Filii lucis vocantur, cum à priore vocentur electi*, I. Tim.
vers. 21. Cedo rationem Censor, Ad ipsos etenim, inquit, *illud Apo-
stoli effatum quoque accommodari potest: Quis prior dedit ei, & retribuetur
ei? Nam ex eo, & per eum, & in ipsum sunt omnia*, Rom. II. 35. 36.
Quis maiorem rationem fingi posse credat? Nam primo, certum est,
istud effatum Apostoli ad Angelos non spectare, si scopus loci videat-
ur. II. Incertum est, an ad eos accommodari possit, imo certum est,
si sensus loci proprius spectetur, ad eos accommodari non posse, in hac
de electione materia. Nam manifestum est ex antecedentibus versibus
33. 34. de datione consilii tantum isthic loqui Apostolum, Sensus e-
nim est: Deum Opt. Max. consilium istud, quo constituit primum
Gentes incredulas & rebelles sub contumacia concludere, & Iudæos
in gentem seu populum suum assumere; Deinde, quo vice versa, Iu-
dæos incredulos & præfracte rebellantes constituit rejicere, & gentes
iterum gratia Euangelii sui dignari; consilium istud, inquam apud se
ipsum, ex se ipso, per se ipsum, & in se ipso sumsisse: à nemine instru-
ctum, *συμβιβασθέντα*, à nemine, qui *σύμβελ* & ipsi fuerit motum aut
impulsus, ac proinde ei soli universam sapientissimi istius consilii, sive
administrationis istius universæ, quæ in mentem nullius mortalium
unquam venisset, nisi Deus eam Apostolis suis revelasset, qui mentem
& consilium Domini tenuisse se affirmant, I. Cor. II. 16. gloriam ac
laudem deberi. Quis itaque prior dedit Deo consilium, ut ita ageret,
& reddetur ei gratia? inquit Apostolus: Quam alienum jam ab hoc
sensu sit futurum, si quis hæc verba accommodare velit ad Angelos, &
ex iis colligere, Angelos idcirco electos à priore dici debere, quia illis
etiam dari oportuit à Deo, ut sancti essent, & ut sancti manerent, &
quia ex Deo sunt omnia, quis non videt? III. posito etiam quod ad
Angelos non accommodari tantum possint, sed etiam accommoden-
tur hæc verba Apostoli, qua consequentiæ trochlea, ex iis educetur,
dationem sanctitatis simpliciter hic intelligi: Non enim datio pro-
prie Deo tribuitur, sed dationis prioritas. 2. Etiam si datio simpliciter
Deo tribueretur, neutiquam tamen adhuc evictum foret, talem datio-
nis modum intelligi ab Apostolo, qualem hic Censor intelligi vult, id
est, absolutam ejusmodi electionem, & quam ex ista electione sequi
vult sanctitatis & perseverantiæ irresistibilem collationem. Contrari-
um potius evinceretur. Datio enim accipientem respicit. Nec dedisse
dici

dici potest, nisi qui accipientem invenit. Sed quid ego his diutius immoror? Syrma absurditatum neſti poſſet, ſi quis Cenſorem urgere velit. Vnam tantum indicabo, quæ inſtar multarum erit. Si Angeli electi dicuntur à priore, quia, ut ait Cenſor, ex toto genere Angelorum à Deo ſelecti, & ad vitam æternam fuerunt ordinati ex mera Dei gratia, abſque ullo ad ullas ipſorum qualitates reſpectu; tum certe ceteri Angeli abſolute, abſque ullo ad ullas qualitates ipſorum reſpectu, reprobati, ſive non electi credantur neceſſe eſt; aut ſi electi credantur, non electi niſi ſub hac conditione, ſi in ſanctitate permanerent, qualem intelligi vult à Remonſtrantibus. Hoc non dicet Cenſor, nec dicere conſequentur poſſet: Nam ſic Angeli iſti potuiſſent ſaltem electi fieri, & ſic Cenſori concludendum foret, falſum etiam potuiſſe eſſe illud Apoſtoli; *Quis prior dedit ei, & retribuetur ei?* ſic ex Deo, per Deum, & in Deum potuiſſent ſaltem non eſſe omnia: imo, ſi qui ex iis perſitiſſent (quod cur fieri non potuerit, cauſa nulla dari poſſet) falſum fuiſſet reiſa ex Deo eſſe omnia. Itaque prius iſtud dicat neceſſe eſt: Hoc ſi ita eſt, jam mihi vide, an ulla cauſa dubitandi ſit, quod hominum electionem & reprobationem, quæ non minus ab æterno hominibus quam Angelis in Scriptura tribuitur, lapſui Adami præmittendam eſſe cenſeant, quamquam aliter facere videri volunt, ut ſcum faciant imperitiſſimis, & fraudes atque impoſturas ſuas horrendas apud populum tegant? Ita ſane ſorex ſuo ſe indicio hic illic prodit. Profecto, cum Cenſor aperte ſatis hic fateatur, Deum ſic abſolute cum Angelis egiſſe, cur gravate fert, ſi idem de hominibus ſtatueri à noſtris dicatur? Nec enim ratio ulla juſtitie aut æquitatis ex parte Angelorum magis dari poſſet, quam ex parte hominum.

Sectione IV. de Spiritus ſive animæ hominis immortalitate reſelocutos fatetur Remonſtrantes. Bene quidem, *Sed cur de corporis eorum immortalitate nihil dicunt, niſi quod tam Episcopio, quam Socino contradicere nolunt?* Ridicule. Rationi contradicere nolunt. Falſum enim eſt, corpus Adami immortale, id eſt, incorruptibile fuiſſe: Corpus omne, animale, pulvereum, quod cibo & potu indiget ad ſui conſervationem, quod ex contrariis qualitatibus compoſitum eſt, corruptibile eſſe, ratio recta docet, & diſerte affirmat Apoſtolus 1. Cor. 15. imo τὸ φθαρτὸν ipſum eſſe non ſemel inculcat. Et cur reprehendit id in Remonſtrantibus Cenſor, cum ipſe idem totidem terminis in hac ſectione ipſa fateatur? *Adamus enim, inquit, ante lapſum ab omni periculo mortis immunis erat, non ex corporis ſui natura, ſe-*

Oſtenditur
Cenſorē hunc
ſupralapſariū
eſſe ex pro-
prio ipſius
argumento.

Corpus Ada-
mi non fuit
immortale
ſeu incorru-
ptibile.

EXAMEN CENSURÆ

cundum quam, utpote compositum ex contrariis qualitatibus, corrumpi possent, &c. Corrupti posse, an non idem est, quod corruptibile esse? Et quid aliud dicunt Remonstrantes? *Argui addo, Censor inquit, Adamum ab omni periculo mortis immunem fuisse ex anima originaliter iusta, tanquam causa proxima, atque ex ordinatione Dei, tanquam causa remota.* At sic efficitur quidem corpus Adami si in innocentia perstitisset, moriturum, siue potius corrumpendum non fuisse, at non corpus ejus incorruptibile fuisse, quod hic solum cum D. Episcopo & Theologis omnibus dicunt Remonstrantes. Non jam necesse est examinare, an verum sit id, quod dicit Censor, incorruptibilitatis istius causam proximam fuisse animam, quatenus originaliter iusta erat: Nulla enim prorsus solida ratione nititur, nec in scriptura fundamentum ullum habet, sed transeat cum cæteris Academicis postulatis, quæ nunc expendere nec animus est, nec otium: Certum est immortalitatem non fuisse intrinsicam qualitatem, siue conditionem ex natura corporis Adami necessario resultantem, atque ita homini naturalem, sed beneficium extrinsecum, ut ita loquar, dependens pure pute à divinæ voluntatis gratia, quatenus ille conservare, id est, non destruere volebat hominem, siue non permittere ut moreretur soluta compage corporis & animæ, nec permittere ut vel anima ejus annihilaretur, vel corpus ejus corrumperetur: Idcirco enim data homini fuit Arbor vitæ in Paradiso, ut mala omnia ad mortem disponentia, vel apta nata corruptionem corpori humano inducere, esu fructus ejus anteverteret aut tolleretur, veluti præsentissimo mortis & corruptionis antidoto. Arborem autem istam, Sacramentum fuisse Adamo, quo ob signata fuerit promissio vitæ æternæ, si qui adserere audent, ii videant ut id probent: Remonstrantes uti id adserere non fuerunt ausi, ita negare noluerunt, sufficere rati, si arborem istam dicerent fuisse symbolum beatæ immortalitatis (promissæ enim aut non promissæ dicere non audent, nec dicere certo possunt, quia promissio illa nusquam facta legitur) prout diserte dixisse leguntur sect. 3. cap. 7. *Arbor vitæ, symbolum erat beatæ immortalitatis.* Quod porro Censor mirari se dicit, cur Remonstrantes non tam in totius hominis creati à Deo immortalitate, quam in dominio ipsius in cæteras creaturas, Dei imaginem constituent, id mirum merito videri debet. Quid enim ad rem facit, si dicant Remonstrantes imaginem Dei, potissimum consistere in dominio ejus in cæteras creaturas, si id quod imagine Dei comprehensum vult Censor, nihilominus tamen homini tribuant, etiamsi sub ratione imaginis

Arbor vitæ
symbolū fuit,
beatæ immor-
talitatis.

An imago Dei
potissimum fi-
ta sit in domi-
nio hominis
in cæteras cre-
aturas, quæ-
stio est nullius
momenti.

ginis id non comprehendant? An ista res tanti est, ut Censura digna sit? Sed & causas habuerunt Remonstrantes exceptione omni majores, cur ita judicaverint. I. quod imago Dei, ad quam Adamus creatus fuit, diserte aut præcipue in dominio, non autem diserte, nedum præcipue, in immortalitate hominis, constituta dicatur isto in loco, ubi homo ad imaginem & similitudinem Dei factus legitur, Gen. 1. 26. II. quia imago Dei diserte homini adhuc tributa legitur, post peccatum commissum, cum jam mors in mundum introducta, & immortalitatis beneficio homo propter peccatum privatus esset, Gen. 9. 6. *Qui effuderit sanguinem hominis in homine, sanguis ejus effundetur, quia ad imaginem Dei factus est.* Quod contra adfert Censor, quod vid. immortalitas sit una ex primariis naturæ divinæ proprietatibus, quæ imagine Dei in homine adumbrata fuerunt, id nullius proflus est momenti, quia hoc est ipsum τὸ ἀθάνατον. Alterum vero quod subjicit, quia immortalitas una est ex notis præcipuis status beati, in quo Deus hominem collocavit, arguit quidem hominem in statu isto immortalem, eo quo diximus sensu, creatum fuisse, at non arguit immortalitatem istam partem, nedum partem præcipuam imaginis Dei fuisse, quod tamen illud est, quod hic quaeritur. Tertium ejusdem generis est, itaque vanum & impertinens, ut jam de veritate ejus nihil dicatur.

In V. Sectione nihil censet Censor, sed ne nihil censendum habuisse videatur, suspicionem movet, pro more suo, & sub latiore imaginis Dei descriptione aliquot cothurnos latere fingit, quos adaptare posse Socinum pedibus suis ait. Et ne Remonstrantibus dura videatur hæc agendi ratio, supplicia facit Censor, *Rogamus, inquit, ipsos, ut de quibusdam dubiis animum suum nobis aperiant, Phariseorum instar & Scribarum, de quibus Lucas ait cap. 11. 53. quod cum ex verbis Christi nihil reprehensione dignum possent captare,* ἤρξαντο δεινὰς ἐνέχειν τῷ Ἀποστολικῷ αὐτὸν περὶ τῶν ἁγίων, ἐνεδρεύοντες αὐτὸν καὶ ζητῶντες ἰσχυροῦναι πρὸς τὸ σῶμα αὐτοῦ, ἵνα καταγορεύσωσιν αὐτῷ: *Esto: Audiamus quaesitorem.* An sub vocibus istis, animo recto, affectibusque integris, talem quoque justitiam Originalem complectantur, qualem Ecclesia Reformata Adamo & Evæ tribuit? Quod ut de ipsis penitus nobis persuadeamus, ab animis nostris impetrare non possumus. Nempe, multum admodum refert, ut de eo persuasi sint Censores! Non quaeremus hic vicissim, Cur Ecclesias Reformatas hic tantum nominet, & qualem justitiam originalem Ecclesiæ Reformatæ unanimiter Adamo & Evæ attribuant? Res tanti non est, ut propter-

De justitia
Originali.

Ostenditur
Calvinistas
per justitiam
originalem
intelligere e-
jusmodi quali-
tatem, qua ma-
nente, Adamum
impossibile e-
rat peccare.

propterea laboremus. Remonstrantes enim quæstionem hanc totam ineptam & inutilem censent. Qualemcumque justitiam originalem Adamo & Evæ attribueris, cum Ecclesiis, seu Reformatis, seu Romanensibus, seu aliis quibuscumque, eam volentibus ac lubentibus Remonstrantibus Adamo & Evæ attribueris, dummodo justitiam originalem ejusmodi qualitatem aut formam esse non dicas, qua posita, impossibile fuerit peccare Adamum, & , qua non posita, impossibile fuerit Adamum non peccare: quod ideo monendum putant, quia observarunt, Calvinistas plerosque, qui ingenue & sine fūco sententiam suam proferre non dubitant, justitiam originalem pro ejusmodi seu qualitate, seu forma supernaturali accipere solere, qua manente, Adamum peccare impossibile erat, sublata, peccare Adamum necesse erat, prout ex eo patet, I. quod Adamo justitiam illam originalem subtractam fuisse, antequam peccaret, imo ut subtraheretur necesse fuisse affirmant, ut peccare posset, & ut actu in peccatum laberetur, quam subtractionem, alii cautiores, sed minus ingenui, permissionem efficacem appellant. II. quod justitiam illam originalem in regentis per novam creationem restitui atque instaurari dicant, eamque justitiam dicant esse inamissibilem, uti hic etiam Censor hac ipsa sectione sub finem diserte loquitur. Quod si Censores hi nihilominus aliter se sentire profiteantur, & justitiam originalem, formam tantum super naturalem esse velint, quæ necessaria est ad potentiam humanæ voluntatis elevandam, ut idonea sit ad actus supernaturales præstandos, sive formam illam habitum vocent, sive semen, sive principium supernaturale, sive aliud quid, Remonstrantes omnes habebunt sibi ultro suffragantes. Titivilitio non emittent tam vilem controversiam. Est enim, iudicio ipsorum, vana & inutilis. Quid enim refert, sive quis dicat Adamum justitia tali præditum fuisse, sive quis id neget, & interim fateatur, Adamum potentia voluntatis tali præditum fuisse divino beneficio, ut possit idem, quod ab aliis non nisi posita justitia illa posse dicitur? Semper enim, sive hoc, sive illud dicatur, tribuetur Adamo potentia prorsus libera, & liber potentiæ usus, & quidem ex puro puto divinæ gratiæ beneficio. Sed certum est, Censorem hunc per justitiam originalem aliud quid velle, quid autem illud sit, nusquam clare satis explicat, sive quia id non potest, sive quia non audet. Sub generalibus terminis latet, sed frustra; nos eum ex latebris suis extrahamus, ut intelligamus, quid sibi velit. Justitiam originariam vult esse, non modo remotionem injustitiæ, verum etiam positionem justitiæ sive æqui-

æquitatis internæ. Esto: Illa posita, quæro, quomodo fieri potuerit, imo quomodo factum fuerit, ut homo peccaret? Si dicat, liberam nihilominus mansisse voluntatem hominis, nihil dicit. Nam, cum hoc dicit, tum necesse est ut simul etiam dicat, voluntatem hominis libero suo & proprio motu iustitiam illam originalem retinere potuisse, aut abjicere. At sic in infinitum abibit. Nam sic potentiam Voluntatis, qua Voluntas iustitiam illam originariam retinere libere potuit, alia rursus iustitia Originali opus habuisse dicat necesse est, ad retinendum iustitiam illam Originariam, & sic porro in infinitum. Deinde, si voluntas iustitiam illam originariam libere potuit abjicere, quid iustitia illa originalis operata est in voluntate hominis aliud, quam quod operari potuisset potentia illa, si iustitia caruisset? Nihil dubito quin Censor, & qui cum ipso sentiunt, dicturus hic sit, fieri non potuisse ut Adamus peccaret, nisi iustitia illa originalis Adamo subducta vel subtracta à Deo fuisset, & sic Adamus permissus fuisset sua sponte rueri in peccatum, ut molare saxum pondere suo ex alto ruit, subducto fulcro, in sterquilinum. Sic enim Angelos reprobatos, & iustitia originali præditos, peccasse, ut fateatur necesse est. Quod an non sit culpam totam in Deum transcribere, Lector judicet. Quod subjicit ex voce, Iaschar, nimis triviale & grammaticum est. Pergo.

In sectionis sextæ censura, magna apparet Censoris inadvertentia, ut lenissime dicam, *Remonstrantes*, inquit, *scopum creationis ad marginem, ex locis S. Scripturæ ostendentes, naturam cum gratia Evangelicam, illiusque usum, cum huius beneficio confundunt.* Ratio est, loca enim ac testimonia verbi divini, de fine creationis mundi enotata, ex psal. 8. 104. & 136. &c. permiscetur cum locis ac testimoniis, de fructu Redemptionis nostræ per Iesum Christum; (Loca autem hæc duo sunt ex 1. Cor. 4. 7. & ex 1. Cor. 1. 26.) hic inquam inadvertentia supina apparet. Nam loca hæc posteriora duo non allegant Remonstrantes eum in finem, ut ex iis immediate probent, quem usum nobis præbeat Creationis primæ consideratio. Nihil minus. Tantum allegant ea ad rationem istam, qua nituntur usus, quos ex creationis beneficio deducunt, stabiliendam. Ratio autem ista *Majorem* tantum propositionem habet Syllogismi istius, quem in sectione ista formant Remonstrantes. Ea hæc est; Qui nihil habet boni à se ipso, is omnia debet ei à quo habet, quicquid habet, ac proinde non in se ipso, sed in eo, à quo habet omnia, gloriari perpetuo tenetur. Hujus propositioni majori, hæc subnectitur *Minor*: Atqui

Q

homi-

Magna Censoris inadvertentia.

homines omnes à Deo solo omnia habent per creationis beneficium, uti ex natura rei liquet. Majorem istam propositionem, etsi per se claram, duobus illis locis tantum illustratam voluerunt; Vno, quo dicitur, *quod si accepisti, quid gloriaris, ac si non acceperis?* Altero, quo dicitur, *Ex Deo vos estis, &c. ut sicut scriptum est (cogitatis) qui gloriatur, in Domino gloriatur*: Hunc esse sensum Remonstrantium in hac sectione particula rationalis, *Enim*, arguit, & orationis filum adeo clare, ut verbum non sim additurus.

Inepta Censura de usibus Creationis diversis ommissis in declaratione.

Atqui diversos, præterea, creationis usus hic omittunt, inquit, *Remonstrantes*. Credo Censorem hunc præ censendi aviditate peregrinatum esse animo, cum hæc scripsit. Isti enim usus, quos recenset, quomodo fieri potest ut credantur non contineri istis usibus, quos assignarunt Remonstrantes? Qui enim dicit hominem idcirco totum se, & totum sui, & omne quod habet, quo utitur aut fruitur, in solidum Deo Creatori perpetuo debere; an non dicit hominem credere debere, ipsum Creatorem suum Deum suum esse unicum, eum solum adorandum, eique uni (quod etiam diserte additum à Remonstrantibus est) exclusis aliis omnibus, à quibus nihil prorsus habet, utpote Angelis, &c. gratias semper agendas esse? 2. Si quis rem bene expendat, primus iste quæ assignat usus, non est usus ex creationis beneficio fluens, sed ex hypothesi & consequentia alia, quam expendere alterius scholæ est & operæ: Aliud enim est dicere, Deus creavit te, idcirco eum solum colere & adorare debes: Aliud dicere, Qui creat, is necessario æternus est, & pro æterno habendus. Ista consequentia plana est, & usus, qui ex ea deducitur, palpabilis. Hæc primum operose adstruenda est, antequam usus iste, quem Censor vult, inde elici possit. Sed & posito aliquem esse aut fuisse, qui consequentiam istam aut non perciperet, aut negaret, quid hoc ad rem faceret, si nihilominus constet, eum firmissima fide credere, Deum æternum esse? An isto argumento opus habet, ut id credat firmiter? Nihil minus. Sed vide interim, lector, quanta servitus servienda sit apud Censores istos: Etiam argumento isto moveri, vel consequentiæ illi assentiri, ut credas Deum æternum esse, inter usus ponunt, qui ad salutem cognitu necessarii sunt, sic enim ajunt: *Quasi vero usus illi non sint ad salutem cognitu necessarii*. Horret animus, cum Tyrannidem istam vel cogitat. 3. Denique posito quod usus hi, aut non sint usibus illis Remonstrantium comprehensi, aut à Remonstrantibus neglecti an ratio ulla suspicandi idcirco data fuerit, eos de æternitate Dei dubitare? At Censores laudem istam Remon-

Remonstrantibus dederunt jam ante, quod de æternitate Dei recte & aperte fuerunt locuti, pag. 38. An quod cultum Angelorum religiosum approbent? At cum diserte etiam reprobari ab iis cap. 16. Sect. 3. in confesso est. Et qui possunt aliter? Cultum Angelorum Apostolus diserte ad Coloss. damnat. De creatione cæli & terræ Prophetæ exclamat, *Dii, qui non fecerunt cælum & terram, pereant de terra, & de sub cælis istis.* Ier. 10. 11.

Sectionis septimæ Censura nil nisi prolixā habet Calvini apologiam, quod Prædestinationis objectum non fecerit hominem integrum & innocentem, sed in lapsu Adæ consideratum, sive Peccatorem. At principio quidem Censor acriter invehitur in Remonstrantes, quod Pontificiis nonnullis Ecclesiarum Reformatarum hostibus parcentes, Calvino soli & quibusdam aliis Orthodoxis Theologis ac Doctoribus litem moveant. Sine causa. Remonstrantes Calvino aut orthodoxis Theologis litem nunquam moverunt: Præclaras dotes, & merita de Ecclesiis Reformatis insignia Calvini aliorumque in pretio semper habuerunt, atque etiamnum habent: Tantum sententiam ejus de Prædestinatione rejecerunt ac damnaverunt, ut sententiam, quæ Reformatarum Ecclesiarum communis sententia dici non debeat, sed Calvini, eorumque, qui vel Calvinum sequuntur vel idem cum Calvino credunt, sive ii sint Stoici, sive Manichæi, sive Prædestinati, sive Turcæ, sive Athei, sive Pontificii, propria sententia, & quæ per se falsa ac Reformationi toti, ipsique adeo Religioni Christianæ probro sit, ac scandalo. Hoc autem se non tantum jure suo facere potuisse crediderunt, ut Reformatas Ecclesias à fœda ista labe & pudenda macula, quantum in se erat, præstarent immunes, sed etiam ad id faciendum constricti fuerunt, eam maxime ob causam, quod cum sententiam istam sibi improbari significarent, in acerbissima odia multorum incidere se videbant. Alii enim sententiam istam Calvini, sententiam Reformatarum Ecclesiarum esse contendebant, alii eam Calvini sententiam esse negabant, alii eam, etiamsi Calvini sententia esset, à contradictione tamen omni vindicandam, & contradicentes quovis modo opprimendos esse asseriebant. Quid facerent Remonstrantes? ut Calvini sententia peculiaris pro communi Ecclesiarum Reformatarum sententia haberetur, permittere non poterant per conscientiam, nec debebant ex officio: ut crederetur sententiam istam non esse sententiam Calvini, non sinebant non modo Reformationis hostes, sed nec ii, qui inter Reformatos id palam & in adaperto capite non agnoscebant tantum, sed velis etiam

Ostenditur vera causa quæ Remonstrantes impulit, ut Calvini nomen in scenam producerent.

remisque contendebant : ut à sententia ista non dissentirent , & contrariam sententiam non profiterentur , ab animo suo impetrare non poterant , quia valde noxiam eam & religionis pietatisque omnis labem ac tabem esse persuasi erant , & experimentis multis didicerant. Quamquam vero initio libenter admodum parcebant nominibus Calvinii , aliorumque , quorum istam esse sententiam sciebant , rati sufficere si intra solam sententiæ contrariæ assertionem & propugnationem starent ; tamen non sinebant id Zelotæ complures , quibus Calvinii omnia placita usque adeo probabantur , ut ea pro ipsissima Reformatarum Ecclesiarum sententia habenda esse judicarent ; hi Calvinum ducem & antesignanum Reformationis peti , & per latus ejus Ecclesias Reformatas vulnerari , clamabant , quando sententia illa convellebatur. Hinc necessitas imposita fuit Remonstrantibus , ut sententiam istam non esse communem Reformatarum Ecclesiarum sententiam , sed peculiarem Calvinii , aliorumque sententiam esse probarent. At initio quidem vix ulli erant , qui non ultro agnoscebant , fatebanturque sententiam illam , Calvinii genuinam sententiam esse , & res plana erat : Sed quia sententiæ istius fœditas paulatim magis magisque detegebatur , adeo ut stragulum satis speciosum reperiri non posset , quo velaretur , fuerunt , qui audaci stratagemate utendum putarunt , & in dubium vocare non erubuerunt , an sententia ista Calvinii sententia esset. Ista arte credebant novæ liti materiam præberi posse , & odia plebis accendi in Remonstrantes , quia videbant eos sententiam suam tue-ri non posse , nisi aut tam magni herois famam , manes ac merita quasi publicitus prostituere , aut mendacii manifesti teneri vellent. Calvinum itaque aliosque Theologos , ejus asseclas , in scenam ut producerent Remonstrantes , necesse erat , non quia ita volebant , sed quia aliter non poterant , tum veritati , tum famæ suæ honestæ consulere. Ex quo patet cur Pontificios nonnullos , ac nominatim Dominicanos , accerrimos licet Ecclesiarum Reformatarum hostes , à quibus Calvinus sententiam suam hausit , & cum quibus pene per omnia sentit , in hanc arenam non traxerint , sed Calvino ac Calvinistis tantum sententiam hanc , & quæ ex ea sequuntur horrenda paradoxa , & à Roma attribuerint , imprimis postquam sententia ista Calvinii in Synodo Dordracena non tantum approbata , sed contraria etiā ut intolerabilis in Ecclesiis ipsorum judicata est , & professores ejus proscripti , relegati , omnique sævitiae genere tractati fuerunt : Quare cum Censor ait , *Remonstrantium scopum hunc esse , ut Ecclesiarum Reformatarum hostibus , sive hæreticis , sive*

Schisma-

Schismaticis blandiantur, atque ut gratiam eorum captent, & consensui, in generali quadam Confessione, in qua omnes comprehendi queant, viam sternant, cum convitium Remonstrantibus dedita opera facere voluisse, manifestum est. Scopus enim Remonstrantium jam liquet, & res in Belgio Fœderato notior est, quam ut negari possit. Quomodo vero credibile est, Remonstrantes hac ratione voluisse blandiri Pontificiis, Ecclesiarum Reformatarum hostibus, aut hæreticorum & schismaticorum aliorum gratiam captare, qui sententiam eorum quam cum Calvino & Calvinistis communem habent, non minus quam Calvinum ipsum respuunt ac rejiciunt? quid? an gratia eorum captatur, quia nominibus eorum parçitur? At sententia eorum damnatur. An consensui cum iis via sternitur? At dissensionem testantur, cum iis aperte contradicatur. Profecto tetricum & malevolum hunc Censorem hujus calumniæ, dicam, an importunæ proterviæ? pudere merito debet. Sed nos rem videamus.

Censor pro Calvino dicturus duas proponit sententias, unam, quæ statuit objectum prædestinationis, massam generis humani corruptam; Alteram, quæ statuit massam corruptam. Illam dicit tenuisse tum Patres quosdam orthodoxos, Augustinum scilicet, Fulgentium, Prosperum, Bernardum, tum Theologos alios recentiores, Scholasticos sc. non paucos, Iesuitas nonnullos, & nominatim Iesuitam *Estium*. Hanc dicit Calvinum tenuisse, cum expressa prioris istius non repudiatione tantum, sed & detestatione. Quid de prima ista sententia sit, & an jure ea tribuatur iis, quibus eam tribuit Censor, nolo jam inquirere. De plerisque Scholasticis, de Pontificiis Doctoribus, de Iesuitis Hispanis, imprimis Dominicanis Inquisitoribus, & de *Estio* dubitandum non est, quin sententiæ istius primæ patroni fuerint. De Augustino, Fulgentio, Prospero, Bernardo, etiam si Iudicia varient, tamen pauca admodum sunt, quæ iis primam sententiam tribuunt, pleraque iis tribuunt sententiam secundam, & summa cum veritatis specie: Sed Remonstrantibus ista lîs tanti non est, ut eam suâ facere velint. Quisque in suo sensu abundet. Id tantum opere pretium est notari, quod Censor hic omnes istos orthodoxos vocet, quatenus unanimiter cum Calvino in hac re, quod absolutum Prædestinationis decretum Deo attribuant, id est, à solo pendens voluntatis ipsius beneplacito, non autem ab ullis bonis aut malis hominum operibus ab ipso prævisis, neque etiam ab ulla virtute aut dispositione ad virtutem (addi debebat, aut ad peccatum, nam non bona tantum sed etiam mala hominû opera antea excluderat) in massa generis huma-

Quæ fuerit genuina Calvinii & Bezae sententia de Prædestinationis objecto.

EXAMEN CENSURÆ

ni considerata : Nam ex eo apparet, quanta sit horum Cenſorum erga Remonſtrantes *emendatæ*, dum eos, qui ſtatuunt Deum Opt. Max. multo maximam hominum partem inſontem, & nullius prorsus culpæ aut peccati ream, non tantum deſtinare potuiſſe, ſed etiam deſtinare ab æterno voluiſſe, actuque ipſo deſtinari ad æternos & ineffabiles ignium infernalium cruciatus, quanquam ipſi ſententiam eorum videri volunt habere pro profana, deteſtabili, blaſphema & execratione digna, ut ex pag. 71. 75. liquet; dum eos, inquam, nihilominus tamen inter Orthodoxos referunt, & quidem idcirco tantum, quia decretum eorum, quod Deo attribuunt, in eo convenit cum decreto, quale ipſi Deo attribuunt, quod abſolutum ſit, & quod per illud deſtinentur homines plerique æternis cruciatibus, non propter peccatum ullum ipſorum, ſed quia Deo ita libet, quo tamen ipſo abſoluto decreto nihil aut in divinam ſapientiam, bonitatem, juſtitiam contumelioſius, aut in divinum Chriſti meritum injurioſius, aut in rectam rationem incongruentius, aut in totam Chriſti ſacroſanctam Religionem indignius concipi poteſt : Remonſtrantes vero, qui Deum nec poſſe, nec velle deſtinare ullos homines ad æternos inferni cruciatus, niſi ob propriam & vincibilem eorum culpam adferunt, inter heterodoxos cenſeant, tantum idcirco, quod non tribuant Deo abſolutum decretum, quod à præviſis malis hominum operibus, aut ab ulla ad mala opera diſpoſitione non dependet. Adeo facile coeunt, qui in fatalitate abſolutam tantum conſentiunt. An Deus ex una parte ſtatuatur inſipientis, ex altera injuſtus, ſuſque deque habent: Salvo tantum fato, ſyncretismus orthodoxus conſtat. Hoc qui non admittit, etiamſi non niſi veriſſima dicat, in ſpongiam incumbat, & ex albo orthodoxorum deleatur, neceſſe eſt : Abſolutum decretum, id eſt, fatum, teſſera eſt, ex qua dignoſcitur, an quis ſit orthodoxus, etiamſi id dicat, unde neceſſario conſequitur Deum eſſe inſipientem, ſtultum, injuſtum, Tyranno quovis crudeliorem, peccati authorem, & ſi quæ alia ejus generis blaſphemia ſunt. Atque hinc etiam eſt, quod in Synodo Dordracena, non modo non ſint ex orthodoxorum catalogo expuncti, qui horrenda iſta primæ ſententiæ placita ſe tenere proſtentur, uti Piſcator, Macco-vius, alique, ſed etiam inter orthodoxos cenſitus D. Gomarus, quamquam proteſtatione publica ſe primæ ſententiæ adhærere ſignificabat. Neque ſine cauſſa Cenſor, cum primam ſententiam proponit, prolixè adeo Patres, Doctores, Scholaſticos, Eſtium, & quæ ab Eſtio pro ſententia iſta ex Apoſtolo ad Roman. 9. dicuntur, citat : Vix dubium eſt, quin

Syncretismus
Calvinistarum
conſtat, ſalvo
tantum Fato.

quin eo significatum voluerit, sententiam istam non esse usque adeo improbabilem; Quando vero deinde subjicit, *Calvinum sententiam Scholasticorum rejicere*, non respexisse eum nisi ad posteriorem illam Bassolii Aliacensis, & aliorum Thomistarum sententiam, qui affirmant, Deum quoque hominem infentem potuisse addicere pœnis æternis, atque interim lusisse sub voce *Pœnis*, qua tamen Scholasticos malum pœnæ, etiamsi non sub ratione pœnæ, significare voluisse certum est. Sed conjecturis opus non est. De Calvino videamus. Ad ea, quæ à Remonstrantibus Calvino attributa erant, *Nos*, inquit Censor, *in contrarium ipsummet Calvinum pro se dicentem, deque sententia sua testificantem audiamus*: Atqui primo, hoc satis non est. Calvinus Calvino facile opponi potest, utpote sibi ipsi, quoad locutiones, quibus in hac materia utitur, valde dissimilis. Nec mirum. Non enim ignorabat, quam horrenda esset sententia sua nude prolata. Arte locutionum, veluti purpuris & ceromate incrustanda erat, ne pateret vulgo, aut iis, quibus stomachus non est, quo crudam istam sententiam concoquant. Hoc ita esse, id unum arguit, quod inter ipsos Calvini Sectatores hodieque mira opinionum diversitas sit de genuina Calvini sententia, quolibet pene reperiente in verbis ejus, quo suam opinionem tueatur ac propugnet: Adeo ἀμφίπλευρος est, quicquid ab eo profertur, ut quid crediderit difficulter capi possit, nisi quis acriter animum advertat, & affectus ac præjudicium procul habeat. Idem observare est in Discipulo Calvini Beza: Nam si Notas ejus Minores in cap. 9. ad Rom. videas (pauculis quibusdam periodis exceptis, ubi lineamenta & vestigia propriæ sententiæ suæ exstare voluit) jurares, eum prædestinationis objectum non statuere nisi *massam* generis humani *corruptam*: At si Notas ejus Majores videas, aut prælectiones in caput idem nonum, item Respons. ejus ad Calumnias Nebulonis, Sole clarius est, eum Prædestinationis objectum facere *massam* generis humani incorruptam. Hæc enim sunt ejus verba in Prælect. in cap. 9. ad Rom. pag. 120. *Aeternum illud Dei decretum de gloria sua in nonnullis, quos ei visum est, per misericordiam servandis, & in nonnullis justo judicio perdendis, patefacienda, non modo corruptionis, sed etiam integritatis, atque adeo ipsius creationis propositum, ordine causarum antegreditur.* Et clarius adhuc in tractatu de Prædest. contra Castell. Respons. ad calumn. pag. 86. *Neque enim Massa nomen humano generi condito, sed condendo convenit, nedum ut Massa nomine corruptum (NB) genus humanum intelligatur. Condendum autem humanum genus voco, non modo quod Deus re ipsa*
non dnm

Refellitur
Censoris ob-
jectio, quam ex
ipsis Calvinii
verbis depro-
mit.

Beza sibi dissi-
milis.

condidisset, sed etiam quod non (NB) consideraret siue prospiceret ut conditum, nedum ut corruptum. Idem hoc in Notis Majoribus in cap. 9. ad Rom. tribus rationibus probare conatur: Nihil apertius dici potest. Et hunc Calvinī præceptoris sui vestigiis instituisse mentemque ejus penitus, quam Censorem hunc perspectam habuisse, quis dubitet? Sed, quid ego longe abeo? Idem factitarunt nuper, post natam in his Provinciis controversiam de prædestinatione contra Remonstrantes supralapsarii, Calvinī Sectatores. Deus bone! Vidimus atque experiundo didicimus, quanta illi arte, quanto studio sententiam suam in crustare, tegere, ac celare semper conati fuerint, hodieque adhuc conentur: Vix credo, humanam industriam comminisci plura posse, quam commenti sunt isti mortales, ut sententia ipsorum, a sententia Sublapsariorum differre non videretur. Proteos eos diceret & versipelles, qui subinde istorum, subinde horum sententiæ colorem præ se ferunt, & levi distinctione, veluti ventulo circumacti, sese vertunt in utramque partem. Si concionantes eos & orantes ad populum, si cum vulgo loquentes audias, nihil nisi Sublapsariorum fidem crepant, & sub peccati Originis obtentu, Prædestinationis absolutæ justitiam tegunt: Si disputantes eos audias, imprimis ubi secreti licentiam nacti sunt, altius eundem esse clamant, &, ne Deo tribuatur insipientia, supra lapsum ascendendum, & à Dei puro beneplacito non Electionis tantum sed & Reprobationis decretum ordiendum esse contendunt: Ista arte credulæ plebis obsequium emitur, & retinentur in fide, quibus est *Pelida stomachus, cedere nescii*. Calvinum idem fecisse, & semitam hanc sectatoribus suis monstrasse cap. 21. 22. 23. Instit. ipsius, quæ à Remonstrantibus citata sunt, clare satis arguunt. Tantum vero abest, ut loca illa, quæ hic citat Censor, sufficere videri debeant, ad probandum Calvinum Prædestinationis objectum constituisse massam generis humani consideratam ut corruptam, ut ex illis ipsis non obscure colligi possit contrarium, si quis modo animum advertat. Nam, dum Scholasticorum sententiam de absoluta Dei, ut vocat, potestate, ut profanam & merito detestabilem repudiat & damnat, non idcirco id facit, quia potestatem absolutam homines infantes destinandi ad æternum exitium, Deo non competere vult; Nihil minus: sed tantum, quia Deo eam competere non vult eo sensu, quo Scholastici eam Deo tribui posse & competere asserebant: Hi enim Potestatem absolutam à justitia hæcenus separare Calvino videbantur, quod etiam si injustissimum aliquid nobis sit aut esse videatur (quale est illud, Deum

Quid in Scholasticorum sententia de absoluta Dei potestate taxet Calvinus.

Deum infontem hominem posse æternis pœnis addicere) Deum tamen jure id posse contenderent, & non idcirco aliquid posse Deum statuere, quia justum esset, sed idcirco justum esse, quia Deus id posset facere: Hanc eorum sententiam tantum repudiavit Calvinus, ut ex verbis à Censore citatis patet: At potestatem absolutam infontes destinandi ad exitium & cruciatum æternum (non dico ad pœnam) tantum abest ut Calvinus Deo ademerit, ut contra eam diserte ei competere contenderit, sed causam occultam esse & absconditam dixerit, & ab ea justitiam separari non voluerit, uti verba hæc citata manifeste evincunt; *Quamquam mihi Dei voluntas* (absoluta scilicet) *summa est decretorum ipsius causa, ubique tamen doceo, ubi in ejus consiliis & operibus causa non apparet, apud eum tamen esse absconditam, ut nihil nisi juste & sapienter decreverit. Itaq; quod de absoluta potestate nugantur Scholastici, non solum repudio, sed etiam detestor, quia justitiam ejus ab imperio separant. Nunc vide canis, quid proterve latrando proficias; Ego Dei arbitrio* (absoluto scilicet) *humanum genus subjiciens clare affirmo Deum nihil decernere sine optima causa, quæ si hodie nobis incognita est, ultimo die patefiet: Interim mentem nostram figendam potius esse dicit in causa nobis propinqua, & quæ per se ad damnationem sufficit, videlicet in vitiositate per totum genus humanum diffusa: prout diserte habent verba ejus, quæ pag. 75. citavit Censor. In corrupta* (NB) *potius, inquit, humani generis natura* (NB) *evidentem damnationis* (NB. non dicit Reprobationis) *causam quæ* (NB) *nobis propinquior est, contemplerur, quam absconditam & (NB) pœne incomprehensibilem inquiramus in Dei prædestinatione. Neque immensa Dei sapientia submittere huc usque ingenium pigeat, ut in multis ejus arcanis succumbat. Instit. lib. 3. cap. 23. sect. 8. Cui loco consonant duo, quæ statim subjungit Censor ipse, ubi Calvinum ait, prædestinationem definire per divinæ justitiæ, occultæ quidem, sed inculpatæ dispensationem, & eos* (NB) *præpostere agere, qui ad querendam suæ* (NB) *damnationis originem, in* (NB) *recondita divini consilii adyta oculos intendunt, ad naturæ corruptionem, unde illa* (damnatio scilicet) *scaturit, conniveant, &c. Ex istis, ut alia plura non allegemus, haud obscure liquet, Calvinum asseruisse in massa corrupta causam quidem damnationis quæri & reperiri posse, sed tamen eam prædestinanti Deo neutiquam objecisse. Ratio est, quia causam prædestinationis semper nobis absconditam, occultam & incomprehensibilem esse vult: Est enim prædestinatio, inquit, justitiæ divinæ, occultæ quidem, sed tamen inculpatæ dispensatio: At si massa generis humani*

Ostenditur à
Calvino massam incorruptam statui ob-
jectum Præde-
stinationis.

R

corrupta,

corrupta, à Calvino habita fuisset prædestinationis objectum, causa & iustitia ejus, ipso Calvino teste, occulta & abscondita non fuisset, sic enim ait, *Sola vitiositas, quæ diffusa est per totum genus humanum, antequam emergat in actum, ad damnationem sufficit.* Unde sequitur, merito reiectum fuisse Esavum, quia naturaliter erat filius iræ: huic jam adde, I. quod Calvinus absolutam prædestinationem, id est, electionem & reprobationem à solo divinæ voluntatis beneplacito pendentem, non autem ab ullis bonis aut malis prævisis operibus, (Sic enim vocem, *absolutum*, Censor explicat,) etiam inter Angelos locum habere vult (hæc enim sunt ejus verba lib. 3. Instit. cap. 23. sect. 4. *Angelos, qui steterunt in integritate sua, Paulus electos vocat: Si eorum constantia in Dei beneplacito fundata fuit, aliorum defectio arguit fuisse derelictos. Cujus rei causa non potest alia adduci, quam reprobatio, quæ in arcano Dei consilio abscondita est:*) ubi vitiositas communis non habet locum. Atque hanc eandem sententiam etiam Censorem hunc tenere, quicquid in massa corrupta tantum stare videri velit, initio cap. hujus evidenter patuit. II. Quod Calvinus in citato cap. 21. lib. 3. *Instit.* lapsum Adami, ex quo vitiositas illa, quam damnationis causam facit, & quam ad damnationem sufficere ait, consilio & voluntate Dei factum adferit, & præscitum à Deo idcirco fuisse, quia Deus decreto suo sic ordinaverat, uti diserte videre est sect. 7. lib. 3. cap. 23. & clarius adhuc sect. 6. ubi Laurentii Vallæ opinionem sibi maxime probari ait, ob hanc rationem, *quoniam, inquit, & vita & mors divinæ magis voluntatis, quam præscientiæ sint actiones:* & addit; *Si hominum eventa prævideret Deus duntaxat, non etiam suo arbitrio disponderet ac ordinaret, tum non abs re ageretur questio, ecquid ad eorum necessitatem valeat ipsius prævidentia, sed quum non alia ratione, quæ futura sunt, prævideat, nisi quia ut fierent, decrevit, frustra de præscientia lis moveretur, ubi constat ordinatione & nutu potius omnia evenire.* Adde his sect. 7. ubi objectionem istam, *At disertis verbis negant hoc existare, decretum fuisse à Deo ut sua defectione periret Adam, hunc in modum solvit, Quasi vero idem ille Deus, quem Scriptura prædicat facere quacunque vult, ambiguo fine condiderit nobilissimam ex suis creaturis.* III. Quod ipsam illam vitiositatem ex lapsu Adami in posteros ejus omnes defluxisse vult, nullam aliam ob causam, quam quia Deo ita placuit, *occulto quidem & horrendo judicio, sed tamen justo.* Sect. 7. lib. 3. cap. 23. Quæ non obscure arguunt, Calvinum, cum videri vult massam corruptam Deo prædestinanti objicere, non nisi dicis causa id facere, ut colorem aliquem apud

apud imperitum lectorem det sententiæ suæ. Quid enim obsecro vitiositas illa in massa generis humani facit, ut prædestinatio aut damnatio eorum, in quibus illa locum habet, aut locum habere consideratur, iusta videatur, si causa illa, id est, peccatum Adami, unde vitiositas illa nata est, & ipsa vitiositas, ac vitiositatis diffusio, non nisi ex pura puta Dei ordinatione est, & non aliter, quam quia sic erat à Deo ordinata, præscita fuit? Quæ itaque Censor in contrarium allegat argumenta, ex verbis Calvini, ea apparet esse ficulnea. Neque difficile admodum est observare, Censorem hunc sensisse passim laborare argumenta sua, eam maxime ob causam, quod negare non possit, adeoque clarum sit; Calvinum asserere lapsum ipsum Adami Dei consilio & ordinatione accidisse, antequam præscitus à Deo esset. Hinc adeo sollicitè & scrupulose loquitur, cum de ordinatione hac agit, ut id fere unum videatur egisse, ne conscientiam suam læderet, & tamen ulcus sententiæ Calvini verbulo aliquo de suo inferto, veluti honesto aliquo operimento tegetet. Dum enim contendit, corruptam generis humani Massam objectum prædestinationis à Calvino constitui, & interim non dubitat, quin Calvinus adseruerit corruptionem illam, quæ in massa tota est, & lapsum Adami, ex quo corruptio ista fluxisse creditur, divino consilio & voluntate accidisse, quid facit? Ne Calvinus, & forte sibi ipsi contradicat, & interim, ut tum Calvini, tum sue sententiæ arcanum speciose velet, id unum operam dat, ut probe Calvinum dixisse, seque, suosque credere, Deum neminem, ac proinde nec ipsum Adamum, *Vi ordinationis ac voluntatis suæ potentissimæ ad peccatum committendum destinare*, pag. 75. Deum neminem ad peccatum, sive ad exitium, fataliter, seu violenter ordinare, pag. 72. Deum non tanquam Authorem aut causam primam Adamum destinasse ad malum culpæ, sive ad peccatum, pag. 75. Quasi vero quisquam sit, qui ordinationi seu consilio isti, quo Deum Adamum ad peccatum destinasse dicitur à Calvino, vim, seu violentiam, seu efficientiam positivam tribuat: voces istæ singulæ totidem latibula sunt ac *κρυπτελά*, in quæ se abdit Censor, ne videatur dicere, quod dictum tamen vult. Istæ artes jam dudum notæ sunt, & sordent apud eos, qui rerum momenta, non verborum inania ponderant. Constat enim id, quod ordinationem & consilium vocat hoc loco Calvinus, non raro ab illo, & aliis ei *ὁμοῦς*, permissionem leniore voce, sive remissionem divine voluntatis, ab aliis voluntatem permissivam simpliciter, ab aliis voluntatem permissivam efficacem, durior paulum vocabulo, à Censore

Elaboratas lo-
quendi modas,
quo Censor
usus est, dete-
gitur.

præcedente, permissionem, sive cessationem divinæ actionis conjunctam cum moderatione, & ab ea efficaciam suam sortiente appellari, eamque divinæ prædestinationi subordinari per modum causæ, non efficientis, sed deficientis, quæ posita, peccatum non fieri impossibile est: Quo ipso sane, etsi Deo non tribuatur in terminis proprie dicta efficientia, cuius vi peccatum fit, re ipsa tamen efficientia sive efficacia in ordine ad peccatum tribuitur; Deficiens enim causæ in necessariis, ad causam efficientem proprie dictam reducitur: Quamquam si quis ipsum Calvinum videat, manifestum est eum dicere, non solum permissione divina lapsum hunc accidisse, sic enim diserte loquitur Instit. lib. 3. cap. 23. sect. 8. *quamquam nec hoc ipsum quidem per se probabile est, sola Dei permissione, nulla ordinatione, hominem sibi accersivisse interitum. Quasi vero non constituerit Deus, quæ conditio præcipuam ex suis creaturis esse vellet: Non dubitabo igitur cum Augustino simpliciter, fateri, voluntatem Dei esse veram necessitatem, atque id necessario futurum esse, quod ille voluerit, quemadmodum ea vere futura sunt, quæ præviderit. Secundo, idem non obscure apparet ex iis, quæ de Præscientiæ Dei fundamento statuit Cenfor pag. 74. Postquam enim dixerat, Deum nihil ab æterno, tanquam certo futurum, prævidere potuisse, quod non voluntatis actu aliquando aut facere aut permutare decrevit, quod sane rectissime dicitur, statim subjungit hæc verba, quæ sane sensum longe alium, eumque pessimum continent; Unde ipsi quoque Scholastici fatentur, præscientiam Dei talem aliquem voluntatis actum in Deo præsupponere, qui ad certam rerum ipsarum (ut loquuntur) futuritionem, cum in mente Dei, tum in rebus ipsis fundandam (NB) sufficiat: Istitis enim verbis manifeste significat, fundamentum Præscientiæ divinæ, quod futuritioni rerum fundandæ sufficit, aliquando esse solam & nudam Dei permissionem, ita ut posita tantum divina permissione (quam alterum divinæ voluntatis actum vocat) non tantum certa futuritionis peccati scientia in mente Dei, sed peccati etiam necessaria futuritio in rebus ipsis statuatur (quod tamen ipsum diserte Calvinus verbis repugnare manifestum est.) Posito itaq; Deum tantum velle permittere Adamo ut peccet, si velit, Adamum peccare, seu velle peccare necesse est. Atq; hoc est arcanum impiæ hujus sententiæ, quod Cenfor hic in sinu fovet. Et hæc quidem res clarius adhuc multo liquebit, si videantur ea, quæ ad Remonstrantiū ἀποκτ, à Calvino aliisque Doctoribus Orthodoxis, quibus ea impingi per impudentem calumniā dicit, amovenda attulit, Nos primum tantum discutiemus, quia cætera, aut discussa jam sunt,*

sunt, aut hoc discussio, amplius hic discuti necesse non est. *Primum est* (inquiunt) *Remonstrantes*, quod *prædestinationem* creationi hominum præmittendo, *naturalem rerum ordinem* invertant: *At hoc* (inquit Censor) *fallum est, & à mente Calvini dissensaneum*. Ratio est; *Quia Calvinus atque distinguunt inter decretorum executionem, & decretum de fine*. In executione decretorum primum opus est creatio, secundum redemptio: *At in decreto de fine* prius est decretum de rerum harum aut illarum fine, quam de mediis ad finem earundem rerum destinatis. Bene habet, hoc est quod volunt Remonstrantes; Calvinum sc. cæterosq; Doctores orthodoxos, quos vocat, statuere, decretum absolutæ prædestinationis, quod est decretum de Fine, id est, vita aut morte hominum æterna, præcessisse non temporalem decreti illius executionem, id est creationem, uti inepte Censor Remonstrantium verba capit (quis enim adeo fuerit ineptus, ut id neget?) sed decretum creandi homines: Eo ipso enim everti dicunt naturalem rerum ordinem. Ratio manifesta est. Sic enim statuitur Deū prædestinasse ad æternam vitam & ad æternam mortem, non dico id quod nondum erat, sed id quod à Deo ipso, non poterat considerari ut ens: Quicquid enim consideratur ut ens, sive existens, id supponit necessario decretum creationis, quia solius creationis terminus ad quem, est entitas, & decreti creandi terminus est conceptio entitatis. Decretum itaque absolutum prædestinationis necesse est ut sequatur post decretum creationis, aut naturalis rerum ordo evertitur: Atque hinc patet, fieri non posse, ut à Censore Calvinus credatur massam generis humani corruptam, fecisse objectum divinæ prædestinationis, idcirco quod eum velit decretum creandi, ut medium, subiecisse decreto prædestinationis, quod est de fine. Sic enim necesse est ut fateatur Calvinus ne quidem genus humanum, quatenus massa simpliciter est, sive quatenus simpliciter est ens, objectum prædestinationis fecisse, si consequenter loqui velit. En ut suo proprio laqueo tum Calvinum, tum Doctores cæteros suos, seque adeo ipsum strangulet Censor: Ex hoc sequentia æstimentur, nam ex eo dependent. Quæ de lucta carnis & Spiritus, deque obediendi molestia, quæ in Adamo fuerit, Censor disputat, ea alibi, & suo loco expendentur.

Atque hæc quidem sufficiunt ad probandum Remonstrantes non sine magnis gravibusque rationibus Calvino tribuisse sententiam supralapsariam, ut vocant. Possent huic rei confirmandæ adduci testimonia complurium Doctorum Reformatorum, cum hujus, tum superioris ævi, qui eandem sententiam Calvino aperte tribuunt; sed

EXAMEN CENSURÆ

quid opus est testibus, ubi rerum argumenta adfunt & loquuntur? Stabo itaque hîc, & coronidis loco id tantum addam: mirum merito videri debere, quod Cenfor in fine hujus censuræ eo usque abripatur, ut scribere non dubitet, *Remonstrantes non minore injuria ceteros Theologos criminari, quos Calvinus affectas nominant*: Hoc enim indubitatum signum est, cum non judicio, sed affectu ferri, & quæ pro Calvinô dixit, pro cæteris omnibus etiam dicta voluisse, quos tamen tam clare constat sententiam supralapsariam tenuisse, adseruisse, propugnasse, quam constat bis duo esse quatuor. Quis enim vel leviter versatus in scriptis Zanchii, Piscatoris, Perkinsii, Gomari, Maccovii, aliorumque, id non palpat? Bezæ tantum unius, quem discipulum & Collegam Calvinus fuisse constat, testimonium, quod paulo ante citavimus, inspicatur, & si quis adhuc dubitat, næ eum fungum esse dicet, *cui nihil salit, lava sub parte mamillæ.*

EXAMEN CENSURÆ CAPITIS VI.

De Providentia Dei, seu rerum conservatione
& gubernatione.

An attributum
divinæ Provi-
dentia sit vis
arque actus
potentia, quo
Deus res à se
conditas con-
servat.

SEctione I. & II. censentur Remonstrantes, quod in definitione Providentiæ divinæ attributum illius omittunt, quod nempe sit *Vis atque actus potentia, quo Deus res omnes à se conditas conservat*: Hic incertum est quid Cenfor sibi velit. An velit attributum illud, *Vis atque actus potentia*, attributum esse, quod Providentiæ divinæ simpliciter, per se, ac semper competit, an vero velit esse attributum, quod tantum Providentiæ divinæ conservatrici, sive quatenus res conservat, competit. Istud si velit, tum sane perquam ineptus est, quia sequeretur, Deum providentia nulla uti, nisi cum vi & actu aliquo potentia utitur, quod absurdissimum esse Cenfor ipse non negabit, quia sic providentia divina circa mala non versaretur, aut si circa ea versatur, illam vi & actu aliquo potentia, circa ea versari credendum esset, quod Censorem ipsum sectione seq. negare constat, ubi Deum *mala, qua mala, vel peccata, qua peccata, nullo modo efficere, sed tantum permittere dicit, & gubernare*. Permissio autem, non est vis sive actus potentia, sed mera tantum actionis cessatio, sive negatio, uti Cenfor ipse fatetur, pag. 84.

Hoc

Hoc posterius si dicat, tum sane ridiculus est, quod attributum illud in definitione generalis Providentiæ poni velit, quod non nisi ad unā rei definitæ partem, id est, ad conservationis Providentiam pertinere vult: Tum, an actus ille, quo Deus res omnes conservat, sit vis sive actus potentiæ, inter Scholasticos hodieque controversitur: plerisque, imo fere omnibus, conservationem actum negativum habendum, non autem positivum contendentibus, non sine magna veri specie. Sed Remonstrantes istas otiosas disputationes tanti non faciunt, ut propter eas velint litigare. Sufficit ipsis, si dicant, Deum providentia sua conservare res à se creatas; An conservatio ista, sit vis sive actus potentiæ, an actus merus voluntatis negativus, quo vult res creatas non destruere aut annihilare, disputandum relinquunt iis, quibus id libet: Locus ad Hebr. 1. 3. inepte adducitur, præterquam enim quod non agat de universali Dei providentia, sed de Christi Mediatoris officio, incertum etiam est, an per *verbum* *potentiæ*, intelligatur conservatio rerum creatarum, & per *verbum* *potentiæ*, intelligatur vis & actus potentiæ, quo res conservat, imo haut obscurum est, ista oratione emphatica longe excellentiora Christo tribui, de quibus jam non est necesse differere. Quod in descriptionibus modorum specialis Providentiæ Dei, quoad homines ad obedientiam fidei adducendos, Remonstrantes intra Pelagianorum lineas ait consistere, quia nullam gratiæ Dei intus operantis mentionem faciunt, id quam sit falsum & ineptum, suis locis demonstrabitur, ubi ejus rei tractandæ sedes est.

Sectione III. taxatur Remonstrantium argumentum, quo collegerant, *Si Deus sciens & volens inobedientiam, sive peccata, tali permissione permittit, qua posita, non potest non sequi inobedientia, necessario ex permissione Dei, tanquam effectus ex sua causa sequeretur, jamque Deus omnium peccatorum autor esset, imo peccatum revera peccatum non esset, nedum æterna pœna dignum.* Ratio est, inquit Censor, quia Dei permissio, qua hominis inobedientiam, aut peccata non impedit, sed patriari ab homine & evenire sinit, non tantum mutabilitatem hominis, sed etiam ex ea, Dei respectu, certam atque infallibilem hominis ad peccandum inclinationem præsupponit. At hæc Censoris ratio, non modo non infringit, sed confirmat etiam argumentum Remonstrantium, & simul quid ipse Censor in sinu suo secreti gerat, pandit. Nam ex ea patet, Censorem ante permissionem divinam non statuere in homine nisi mutabilitatem, & quod bene notandum est, ex ea mutabilitate sc. respectu hominis, necessariam inclinationem hominis ad peccan-

Ostenditur ex
permissione,
qualem Cen-
sor statuit se-
qui, Deum ef-
se autorem
peccati.

peccandum, & respectu Dei, inclinationem certam atque infallibilem in actum exituram protinus, si modo accedat Dei permissio, id est, si Deus mutabilitatem istam, & quæ ex ea non impedita necessario sequitur, inclinationem ad peccandum actione aliqua sua non impediat aut reprimat: Permissio itaque juxta Censorem est virtutis vel actionis istius divinæ, sine qua inclinari hominem ex innata mutabilitate in malum necesse est, suspensio, vel non continuatio, sive, ut alii magis ingenue loquuntur, subtractio auxilii & gratiæ ad non peccandum necessariæ. At hoc est, ex quo Remonstrantes colligunt non minus necessaria quam evidenti consequentia, malum ex permissione ista divina non aliter, aut non minus sequi, quam effectus ex causa sequitur. Non quasi permissionem propterea esse velint causam proprie dictam efficientem mali sive peccati: sed quod velint, eam eodem loco ac gradu censi, quo causa efficiens censi solet: Causa enim deficiens in necessariis ad causam efficientem reducitur, uti jam ante diximus. Hanc collectionem adeo evidentem & certam esse concedit Piscator, ut disertis verbis fateatur in Respons. ad duplic. Vortii, parte I. pag. 10. 11. *Incredulitatem à Dei predestinatione pendere, tanquam effectum à causa.* Quare cum Censor inclinationem hominis ex mutabilitate ejus fluentem propriam ac proximam causam peccati esse dicit, permissionem autem antecedens peccati, non causam, ludit pueriliter in verbis, ac speciatim in voce *causa*, & in vocabulo, *proprie ac proxime*; eundem plane in modum, quo Sophista ille, qui cum lapidem fune suspensum abscidisset, sese causam proximam ac propriam casus lapidis istius in subjecta vasa negabat: Causam enim motionis istius propriam ac proximam fuisse pondus & gravitatem lapidis naturalem, non suam incisionem, quæ antecedens quidem aliquid motionis fuisset, sed non causa motionis aut casus: Dignus certe Sophista, qui ob tam egregiam subtilitatem fœnum ederet & quem mortui incurfarent boves. Censorem eodem plane sensu, quod de permissione divina dicit, intelligere ex iis, quæ immediate his subjicit, evidenter colligitur: *Sequeretur enim, inquit, Deum non tantum permittere, ut homo male agat, ac legem transgrediatur, sed etiam ut bene agat, ipsique obtemperet; At hoc, inquit, distinctioni efficientiæ & permissionis, quæ (NB) perpetuo observatur in doctrina de Providentia, aperte repugnat, secundum quam providentiam Deus bona non permittit, sed efficit, & operatur; mala autem, quæ mala, sive peccata nullo modo efficit, sed tantum permittit & gubernat.* Ex hisce enim verbis patet, phrasin hanc, *Deum permittere*

mittere peccatum, Cenfori nihil aliud significare quam Deum non operari, seu non efficere bonum in homine: Eo ipso itaque, quod Deus permittit Adamum peccare, concludendum est, Deum non voluisse operari, seu efficere bonum in Adamo, ac proinde Adamum non potuisse non peccare ex mutabilis naturæ conditione, quam actu mutari necesse erat ad malum, nisi divina virtute actualis mutatio sifteretur ac reprimeretur, sive, quæ bona operari non poterat, nisi Deus in ea bonum operaretur & efficeret, & malum non poterat non operari accedente tantum divina permissione, id est, non impeditione, uti verbum permittendi exponit, non sine emphasi, Cenfor lin. 1. pag. 82. Hoc velle Cenforem, ex sequentibus apparebit multo adhuc latius. Quare quæ post hæc de permissione disputat, ea non sunt nisi operosæ nugæ, ad involvendum tenebris, quod per se clara est. *Descriptio permissionis, quam Remonstrantes faciunt, inquit, cum ad eam requiri dicunt, ut non tantum potentia voluntatis in se, sed usus etiam potentia liber sit, atque ad opposita indifferens, sive ut ab omni interna simul & externa necessitate maneat immunis, absurda, imperfecta, & ambigua est. Absurda, inquit, quia hac definitione permissio statuitur ante usum liberæ potentia, quæ inest æque ad opposita hominis voluntati indifferens: Non enim hic agitur de permissione Dei, qua Peccator sibi, sed qua peccatum peccatori permittitur.* Scholaris distinctio sane, id est, Schola & Scoto digna. Quid enim differunt, Peccatorem sibi & peccatum Peccatori permitti? Cum Peccator sibi permittitur, an non peccatū Peccatori permittitur ex sententia Cenforis? Sane. Peccator enim non potest non peccare. Conjectura opus est, ut sensus intelligatur. An Peccator sibi relinquitur, cum permittitur homini nondum peccatori, sed qui peccator postea fit, ut possit bene aut male agere, id est, peccare aut non peccare, si velit; Et, an peccatum Peccatori permittitur, cum homini jam actu Peccatori, aut peccare volenti, permittitur ut peccet? hoc sane sensu videntur verba Cenforis intelligenda esse. At, ne phrasin jam examinē, cur obsecro de hac permissione Dei, non autem de illa hic agi dicit? Contrarium verum est, de illa agitur, non de hac, & patet res, quia Remonstrantes diserte affirmant, se per permissionem Dei intelligere non ejusmodi permissionem, qua posita non potest non sequi inobedientia sive peccatum (quod fit quando ex mente Cenforis peccatum Peccatori permittitur) sed qua posita, homo duntaxat inobediens esse potest, siquidem omnino ita velit, quod fit, quando ex mente Cenforis, Peccator sibi relinquitur. qui enim potest actu inobediens esse, posita permissione,

Demonstratur
distinctionem
Cenforis, in-
ter permissio-
nem, qua pec-
cator sibi, &
peccatum pec-
catori permit-
titur, ineptam
esse.

missione, is potest etiam, permissione eadem posita, obediens esse ac manere, si velit: Qui enim potest nolle, potest etiam velle, & qui non potest nolle, is etiam non potest velle. De permissione itaque agitur, quæ non circa actum usumque voluntatis liberæ, hoc vel illud malum appetentis, ac per organa sua efficientis, ut Cenfor loquitur, sed quæ circa potentiam liberam versatur: Adde, si de hac permissione hoc loco non ageretur, quomodo permissio hæc ad Adamum ipsum ejusque inobedientiam posset extendi? Adamus enim non erat peccator, cum permetteretur ei peccatum, imo erat libero arbitrio, id est, potentia voluntatis indifferente præditus, ad opposita nimirum, & ad bonum & ad malum morale, nec non ad alterutrum volendum aut non volendum; uti Cenfor ipse hac eadem pagina fatetur. Cæterum descriptionem permissionis ad Adamum & Evam extendi etiam debere Cenfor ait, quia idcirco dicit esse imperfectam descriptionem Remonstrantium, quod ad permissionem inobedientiæ Adami & Evæ adaptari tantum possit: At permissio, qua peccatum peccatori permittitur ad permissionem inobedientiæ Adami & Evæ adaptari non potest. Dicit fortasse aliquis, posse etiam id, quod ait Cenfor, de permissione, qua peccatum peccatori permittitur, adaptari ad permissionem istam, quia Deus videbat Adamum & Evam jam inclinare in peccatum, nihil autem restare, nisi permissionem suam ut peccarent actu. Sed hoc commentum absurdum est: Nam juxta Cenforem, Deus prævidere non poterat Adamum in peccatum actu inclinare, nisi præsupposita prius sua permissione. *Præscientia enim Dei semper, ut ait, præsupponit actum aliquem divina voluntatis, qui ad certam rerum ipsarum futuritionem, tum in mente Dei, tum in rebus ipsis fundandam sufficiat*: Iuxta Calvinum autem, non sola permissio Dei, sed etiam *ordinatio, nutus, voluntas Dei* accedere debet. Quare, si Cenfor velit, Deum prævidisse inclinationem illam in Adamo, necesse est ut fateatur, id factum vel præsupposita jam permissione hac, vel alia priore. Si hoc dicat, in infinitum ibit; si istud, evertet Thesin suam, & permissionem faciet, non antecedens istius prævisæ inclinationis, sed consequens, quod contra directam ejus confessionem est, quam paulo ante fecit. Pergamus.

Deinde, ait Cenfor, cum usus potentia, quæ inest hominis voluntati, sit actus liberam voluntatem ad unum determinans, inepte ipsi quoque usui libertas ad opposita indifferens attribuitur: hæc ratio sane speciem & colorem haberet, nisi constaret, quæ sit mens & sententia Remonstrantium, quando

quando dicunt, Permissionem veram requirere, ut non tantum potentia voluntatis in se, sed usus etiam potentiae liber sit. Tantum enim id volunt, non sufficere ad hoc ut quis dicatur vere posse non agere, sive potens esse aliter agere, quod possit aliter agere, si talis aut talis circumstantia adsit, aut absit, sed requiri, ut vel nulla ei adsit aut absit circumstantia, cum qua non possit consistere ipsum non agere, vel saltem, ut habeat in sua potestate omnem talem circumstantiam, prout libuerit, tollere. Ideoque non sufficit ad hoc, ut quis iure dicatur liber, & libertari suae permitti, quod voluntate praeditus sit, quae in se potentia libera est ad opposita, sed requiritur etiam, ut potentia ista non sit impedita ex. g. non sufficit ad hoc, ut quis in tenebris aut in tenebrosissimo carcere, adamantinis vinculis ligatus, confictusque sedens, dicatur posse videre, legere, currere, quia potentia videndi praeditus est, qua novit legere, & locomotivam facultatem habet bene constitutam. Potentia enim haec, etiam si physice loquendo, potentia sit ac maneat libera, moraliter tamen loquendo, non nisi nudum potentiae nomen est, quia usus potentiae istius impeditus est, ac plane frustraneus: Quare, ut permitti vera sit, necesse est, ut non modo potentia in se sit libera, sed etiam ut potentiae usus maneat non impeditus: Atque haec res non tantum in actionibus externis sive imperatis, sed etiam in actionibus internis & elicitis locum habet. Deinde, propositio ista, quod usus potentiae liberae sit actus voluntatem liberam determinans ad unum, quamquam communiter est recepta, tamen nisi benigno sensu intelligatur, non usque quaque vera est; usus enim potentiae liberae, non est nisi ipsissima libertas actualis, sive exercitium potentiae liberae, ut libera est. Quando itaque potentia libera se ipsam determinare dicitur ad unum per usum libertatis suae, sensus profecto non est eam determinare se ipsam per usum istum, tanquam per aliquid habens rationem actus primi, quo fiat, ut ipsa voluntas non maneat in actu primo indifferens; Nihil minus: sic enim usus aut actio ista voluntatis libera actio non esset; sed sensus est, eam determinare se per actum suum secundum, qui est ipsissima libertas actualis, sive exercitium potentiae liberae, ut libera est: Virtus itaque activa voluntatis completa manet virtus activa completa, in actu primo indifferens, etiam tum cum agit, quia nihil in ea est, quatenus virtus activa est, quod petat, ut loquantur, operationem magis quam ejus carentiam, aut quod necessario cum actione ista neccatur. Et hoc solo differt potentia libera à necessaria. Sed haec monuisse sufficiat.

Quo sensu intelligendum sit, Permissionem veram requirere, ut non tantum potentia voluntatis in se, sed usus etiam potentiae liberae sit.

Usus potentiae liberae non proprie nec recte dicitur actus determinans potentiam liberam ad unum.

EXAMEN CENSURÆ

Potentia obediendi supponitur semper in omnibus vocatis.

Alterum quod in descriptione permissionis Cenfor culpat, est, quod sit imperfecta, quia ad permissionem inobedientie Adami & Evæ adaptari quidem potest, non autem ad permissionem, quæ in corruptis ipsorum posteris conspiciatur: Nam in solis parentibus nostris ante lapsum potentia voluntatis in se libera fuit, &c. In posteris autem ipsorum, in statu corruptionis versantibus, nequaquam potentia voluntatis in se libera est atque indifferens ad opposita. Hæc censura idcirco vana est, quia Remonstrantes, cum in declaratione sua de permissione obediendi & non obediendi agunt, semper supponunt liberam obediendi, & non obediendi potentiam, tam in iis qui obediunt, quam qui non obediunt: non quasi eam Peccator in statu corruptionis ex se habeat, sed quia eam Deus omnibus, à quibus obedientiam exigit, quæ sine potentia nova præstari non potest, gratis, liberaliter, & de novo concedit, ita ut qui obediens est, idcirco obediens censeatur, quia, cum posset non obedire, obedit tamen; & contra inobediens idcirco, quia, cum posset obedire, tamen non vult obedire. De hac re ex professo agitur suo loco. Quare, quæ de hominibus in statu corruptionis naturaliter consideratis, & de elogiis, quæ Scriptura eis tribuit, Cenfor adfert, ea sunt vana & impertinentia, prout etiam omnia sequentia, quæ pertinent ad tertium membrum, quo ambiguitatem descriptionis permissionis conatur ostendere. Ratio est, quia Remonstrantes asserunt necessitatem sive servitutem istam peccati, cui homines per naturæ conditionem subiecti sunt, locum non habere sub statu gratiæ. Nam statuunt vocatis omnibus gratiam sufficientem à Deo concedi, ita ut possint à servitute illa liberari, & simul manere in iis voluntatis libertatem, ut possint eidem servituti manere subiecti, si velint, prout etiam suo loco demonstrabitur. Adde tantum his, quæ jam diximus, Quod descriptio permissionis, quam Cenfor facit, imperfectione illa ipsa laboret, quam Remonstrantium descriptioni tribuit; Nam neutiquam adaptari potest permissioni inobedientiæ Adami & Evæ. Est enim, uti ait, permissio, qua peccatum Peccatori permittitur: At huiusmodi permissio circa Adamum & Evam in statu integritatis locum habere non potuit. Sed quid mirum est hoc σφάλμα commissum hic esse à Cenfore? Usque adeo hæsitat in descriptione permissionis, ut alterum non minus leve pene eodem spiritu committat. Nam cum pag. 82. dixisset, permissionem esse antecedens peccati, non causam, pag. 84. dicit, permissionem Dei & inobedientiam Peccatoris esse simul tempore, ut subiectum & adjunctum. Item, Peccatoris inobedientiam non sequi proprie post

post Dei permissionem. Quod idem sane est, atque si dixisset, permissionem Dei non esse antecedens peccati. Atque hoc *σφάλμα* idcirco accuratius notandum est, quod rem totam majoribus mulro tenebris involvat. Quis enim mentem Censoris, cum hæc scripsit, penetret, vel si septem penulis involutus conceptiones fudet? Permissio Dei, quæ est actus divinæ voluntatis in Deo immanens, quo vult non operari in voluntate hominis bonum, quomodo intelligibiliter concipi potest esse adjunctum voluntatis peccatoris, tanquam subjecti, quo ille vult malum operari, & adjunctum quod cum illa voluntate peccatoris simul tempore est? Aliud est, actum illum divinæ voluntatis esse conjunctum cum actu voluntatis peccatoris, & sic simul tempore: Aliud illum actum esse adjunctum hujus, ut subjecti: Istud concipi potest: At hoc quis capiat, vel tota philosophia imbutus? Tum, quid hoc ad rem facit, quod permissio Dei & Peccatoris inobedientia simul tempore sint? Id non quæritur: Est tamen: Quærendum deinde restat, an simul natura sint? & si non, utrum prius, utrum posterius, & sub qua ratione? In hoc scrupulo vertitur rei cardo, id est, Quæritur, An permissio Dei sit cessatio divinæ voluntatis ab operatione, quæ necessaria est ad hoc ut homo possit non peccare, proinde qua cessatione posita impossibile est hominem non peccare: an vero sit cessatio ab operatione, qua hominem jam peccandi voluntate præditum, vel quem Deus voluntate peccandi præditum futurum prævidet, si eum non impediatur, impedire non vult, quominus peccet? Istud si dicatur, tum permissio natura prior est inobedientia, & ex ea inobedientia, veluti ex causa necessaria deficiente fluit: si hoc dicatur, tum permissio supponit liberam peccandi volitionem in homine, & eam sequitur naturæ ordine. Quæcunque aliter de hac re disputantur, sub terminis logicis, ea non sunt nisi Scholare fascinum, ad inficiendum oculos imperitiorum. Priore sensu permissionem à Censore intelligi, ex antecedentibus, & natura doctrinæ ejus liquet: Confirmatur vero hoc paragrapho, cum ait, *permissionem esse remissæ & ab operatione cessantis, non autem operantis voluntatis indicium*: Atqui sine operante Dei voluntate, aut potius, sine Dei operatione, impossibile erat Adamo velle bonum operari, ex Censoris hujus perpetua assertionem. Permissio itaque, qua Deus Adamum permisit peccare, antecedens fuit peccati causa, per modum causæ deficientis sive remissæ & ab operatione cessantis, quod ipsum illud est, quod Remonstrantes argumento suo conclusū atq; evictum volunt. Hac eadē sectione videtur Censor voluisse

EXAMEN CENSURÆ

luisse censere sententiam Remonstrantium de providentia Dei circa peccata, qua negant Deum ad actiones malas quemquam excitare aut impellere, sed revera nihil censuit; occasionem tantum captavit, ut invidiam sententiæ tam nefariæ à Theologis suis amoliretur. Atque hoc optime fieri posse credidit, si primum Clariss. viri p. m. Arminii verba ex disput. ejus de *Efficacitate & Iustitia Provid. Dei in malo*, huic Censuræ suæ infereret: *Nam in iis, inquit, nonnulla durius dicta inveniuntur, quam in plerisque nostrorum Theologorum Scriptis*: Deinde, si sententiam suam & Theologorum cæterorum enunciaret in hunc modum; *Tantummodo nobiscum docent, Deum nec directe, nec indirecte quempiam ad actiones malas incitare*. Sed vehementer fallitur, si credat ista ratione satisfecisse se peritis rerum æstimatoribus: Nam si posterius hoc cum Theologis suis docet, cur itaque non præterit periodum istam Remonstrantium inanimadversam, in qua idem prorsus dicitur, Deum videlicet neminem ad actiones malas incitare atque impellere? Sane hoc ipsum censere, & postea idem totidem, imo pluribus ac significantioribus vocibus dicere, suspectum merito videri debet. Deinde, quorsum quæritur, quid istis vocibus sibi velint Remonstrantes? Sunt enim voces planæ satis ac significantes: *Si*, inquit, *Remonstrantes hoc eodem modo ac sensu negant, qua antea negarunt Deum actiones malas, qua malas, proprie jubere atque imperare, negationem eorum approbamus. Sin intelligant, Deum sua providentia etiam sua judicia non exercere, aut exequi, &c.* At, quid hoc est, Deum judicia sua non exercere aut exequi? Quis adeo insanus est, ut verbis hisce, Deus neminem excitat aut impellit ad malas actiones, istum sensum contineri credat, Deum judicia sua non exercere aut exequi, aut ut simpliciter negare in animum inducat, Deum judicia sua exercere & exequi? Dolus hic latet, qui indicandus est, (nota autem diserte hæc verba distingui à verbis sequentibus Arminii, quæ deinde citat, ne quis hæc idem significare putet) Excitationem, impulsione[m] Dei ad peccata à Providentia Dei exclusam vult, quatenus excitatio & impulsio significant idem, quod proprie dicta jussio, imperium, approbatio, non vero quatenus excitatio & impulsio significant, vel arcanam Dei motionem, vel talem permissionem, quæ arcanæ Dei motioni & proprie dictæ excitationi atque impulsioni æquivalet. Id apparet ex eo, quod Theologos suos secum docere dicat, Deum nec directe, nec indirecte quemquam ad actiones malas incitare. Nihil enim certius est, quam plerosque eorum Theologos disertis verbis docere, *Deum homines ad actiones malas*

Fraus Censoris multiplex detegitur.

las incitare, velle & facere ut homines peccent; Deum causam esse peccati Adami; Deum operari tam in piis quam in impiis; Deum homines ad pravās actiones incitare, seducere, trahere, jubere, & quæ peccata sunt gravia efficere; Deum occulte ad peccata impellere, uti ex Beza, Zanchio, Martyre, Piscatore, &c. prolixè probarunt Remonstrantes variis Scriptis & nominatim in Syllabo Testimon. quibus contra-Remonstrantium sententia de Prædestinatione ad oculum exhibetur, pag. 11. & 12. ubi pronunciata varia recensent eorum, qui Deum non obscure vocant autorem peccati, imo, quod paulo ante negavit Censor, peccata pendere à Dei reprobatione, tanquam effectum à causa, quæ Censori huic ignota esset non potuerunt. Ex quo efficitur, Censorem hunc, quando non obstantibus his affirmare audet, Theologos suos docere Deum nec directè nec indirectè quemquam incitare ad peccatum, aut conscientia suæ vim fecisse, aut, quod credere malim, verbum incitandi juxta priorem distinctionem accipi velle, id est, concedere quidem Deum incitare homines ad peccandum, sed non incitare, ut eos proprie peccare jubeat, aut imperet. Actus enim omnipotentia divina distinguendos esse ab actibus legislatoriis; hisce prohibet semper peccata, istis secreto homines ad peccatum incitat, vel movendo voluntatem, linguas, & membra eorum ad peccatum, vel non movendo ad contrariam virtutem, unde fiat ut non possint non peccare. Quæ ex Claris. viri D. Arminii disputatione citat, ea non modo non sunt durius dicta, quam quæ à plerisque Theologis Calvinistis dicuntur (plerisque dicit, non enim ignorat esse non paucos, qui multo durius loquuntur, prout jam ante demonstravimus, inter quos etiam Censorum horum unus censendus est, qui sub Bellarmini nomine sententiam suam vaferrime aperuit in Synopsi purioris Theologiae Disp. 11. Thef. 27.) sed etiam per se verissima, & divina bonitate, clementia, ac sapientia neutiquam indigna, prout unus horum Censorum fatetur disertis verbis in eadem Synopsi purioris Theol. quam vocat, Disp. 11. Thef. 25. Quid enim obstat, quominus Deo liceat objicere homini occasiones, quæ per se bonæ sunt, & per accidens tamen aptæ natæ ad irritandum hominem ad peccatum, eodem modo quo opes dicuntur irritamenta malorum, si id nullo alio fine faciat, quam ut creaturam suam exploret, an bono constanter adherere, & à peccando abstinere velit, etiam irritamentis incitata; & creatura ita comparata sit, ut occasionebus istis possit non cedere, & irritamentis istis aurem non præbere? Nihil hic durum, nihil asperum, nihil crudum est: At incitare hominem, etiam infontem ad peccatum,

Doctor Arminius p. m. defenditur à calumnia.

peccatum, vel permittendo, id est, remittendo habenas, quæ ad inclinationem hominis naturalem à malo cohibendâ sunt necessariae (quæ phrasi Censor utitur in hoc ipso capite) vel arcano instinctu, aut secreta motione voluntatem hominis moderando, seu determinando ad malum; hoc vero cruditate ipsa crudius, & cum divinæ majestatis summo opprobrio conjunctum est.

Censura sectionis quartæ arena sine calce est. Cum Remonstrantes ajunt, inquit, *Deum actiones moraliter per se bonas magis diligere, quam nudas personas, oblique nostros Theologos, & duplici quidem nomine videntur reprehendere. I. Quod doceant Deum quasdam nudas personas ab æterno elegisse ad salutem, absque ullo earum fidei, aut bonorum operum, &c. intuitu. II. Quod statuam Deum personas nudas, id est, vera justitia & sanctitate destitutas gratis justificare: Vtrumque sane fatentur Remonstrantes scopum suum fuisse. I. Calvinianam Electionem taxare; Calvinianam dico, ne quis forte per Electionem ad salutem intelligat electionem ad gratiam, quæ ad salutem etiam spectat & tendit, sed tamen electio ad salutem proprie non dicitur. II. Taxare eos, qui asserunt Deum justificare impium, quatenus impius adhuc est, id est, antequam adhuc credit, aut fide præditus est, quæ sanctitatis & justitiæ mater est; sive quatenus homo nudus, fide, & sic justitia & sanctitate destitutus est.* Atqui, inquit Censor, *utraque assertio S. Scripturæ testimoniis nititur.* Contarium verum esse suis locis demonstrabitur, & ratio manifesta arguit. Nam Electionem quod attinet, Si Electio, de qua testimonia loquuntur, Electionem significat, qualè Calvini schola statuit, tum Christi satisfactio supervacanea statuatur necesse est: Electi enim isti reconciliari Deo necesse non habent: Deinde, falsum esse statuitur istud Apostoli, *sine fide impossibile est Deo placere*, aut Enochum placuisse Deo: Quod ad justificationem attinet, si justificat Deus impium, qua talem, tum aut fides justificationem sequatur necesse est, quod tamen negare se professus est Censor præcedens, aut fidelis, qua talis, impius est, aut cum fide impietas potest consistere. Cæterum, quæ hic citantur loca à Censore, ea jam non expendimus, quia Censor ipse fatetur ea aliis loci esse, & ea profecto talia sunt, ut contrarium ex iis solide adstruere haud sit difficile: duo tantum notanda breviter hoc in loco veniunt: Primum quod cum Remonstrantes de *Actionibus bonis* loquuntur, Censor ab iis opera bona tantum velit intelligi, quatenus ea à fide distinguuntur: At hoc plane præter mentem Remonstrantium est, qui Fidem in negotio justificationis, & quidem

quatenus

Electio Calvini tollit Christi meritum.

Deus non justificat impium qua talem.

quatenus fides viva est, etiam atque imprimis sub vocabulo *Actionum* comprehensam volunt. Fides enim, ut recte Confessio Augustana loquitur, in capite de bonis operibus, est *inter bona opera præcipuum*, & *summus Dei cultus, & virtus quæ alias multas virtutes de se parit*: Fidem autem gratiæ opponere, tantundem est, atque Apostolo in os contradicere, cum diserte pronunciet. Rom. 4. 16. *Idcirco esse per fidem, ut sit per gratiam*. Notandum deinde est, quod cum Remonstrantes dicant, actiones moraliter per se bonas magis Deo placere, quam nudas personas, Censor, placere istud exponat, per placere ad consequendum vitam æternam, sic enim concludit, *quapropter falsum est, tales personas utcumque Deo placere ad consequendum vitam æternam*. Hoc enim additamentum est Censoris, & quod plane à mente Remonstrantium alienum est: Nam Remonstrantes in genere loquuntur de beneplacito divino, quo persona aliqua Deo vere placet, id est, à Deo diligitur amore, ut loquuntur, amicitie, quo illis ut amicis suis, ut sibi similibus benefacere vult, quocumque tandem beneficii genere. Non enim uno modo persona Deo placet: Tū placere Deo, aliquo modo dici potest persona nuda fide & iustitia, imo peccatrix & cum Deo ipso inimicitiam gerens, quatenus Deus à parte sua ei benefacere vult, & eam beneficiis suis in amorem sui, quantum in se est, studet inducere; quo sensu Deus *mundum diligere* dicitur, & ex dilectione *Filium suum unigenitum mundo dedisse*, ut in eum crederet, & per fidem & obedientiam salvaretur, Ioa. 3. 16. imo *dilexisse homines, cum adhuc peccatores essent*. Rom. 5. 8. & *inimicitias cum Deo gerent*, vers. 10. quo eodem sensu nos jubet *diligere inimicos nostros*, Matth. 5. 44. At de hoc modo placendi non loquuntur Remonstrantes, qui enim sic placet, is diligitur amore, qui dicitur benevolentia, non autem amore amicitia, sive complacentia proprie dicta. Et hoc significatum voluerunt Remonstrantes per vocem diserte expressam in Confessione, *utcumque*. Fieri enim posse concedunt, ut persona utcumque Deo placeat, quæ tamen Deo proprie non placeat, imo Deo proprie displiceat. Tantum dicunt, quando persona aliqua proprie Deo placet, rationem dilectionis istius non esse, quasi Deus personam istam absolute, quatenus hæc aut illa persona est, nominatim gratam sibi habere velit, & quia eam gratam sibi habere vult, idcirco actiones etiam personæ istius gratas sibi velit habere, prout Calvini Schola asserit, sed rationem dilectionis personæ esse, quod probitas, fides, vel pietas, qua ex præscripto Dei & officio suo persona ista prædita est, Deo grata sit: propter quod autem unum

T

quodque

Placere Deo
multis modis
dici quis po-
test.

quodque tale est, illud magis est tale: In contrario res clara est. Quando Deus personam aliquam odio proprie dicto odit, ratio odii non est persona, qua talis, sed persona qua peccatrix aut rebellis est. *Atqui,* inquit Censor, *hae personae aut sunt, ex Remonstrantium hypothesis, infideles atque irrogenitae, aut fideles ac regenitae.* At hæc non est sufficiens collectio, nec immediata distributio ex Censoris propria sententia. Quæro enim, Electi qua tales antequam credunt, sunt ne regeniti aut irrogeniti? Si regeniti, ergo sine fide regeniti, & sine Fide Electorum actiones placent Deo ad consequendum vitam æternam: Si irrogeniti, ergo irrogeniti & irrogenitorum actiones placent Deo, & regeneratione opus non est, ut Deo placeas. Sed esto; distributio sit immediata & sufficiens, prout revera sufficiens est, si per irrogenitos & infideles intelligantur contradictorie non regeniti, non credentes Evangelio (quotquot enim sunt homines, ii aut credunt, aut non credunt Evangelio; Inter contradictoria medium non datur) non autem contrarie, homines Evangelio credere nolentes, sive rebellantes adversus divinam vocationem, quæ per Evangelium fit: Etenim inter huiusmodi fideles & infideles medii dantur, qui nec credere volunt, nec credere nolunt, sed credere non possunt, quia de Evangelio nihil audiverunt. *Quomodo enim credent, de quo non audiverunt?* Rom. 10. 14. Esto, inquam, hoc sensu distributio admittatur; quid tum? *At,* inquit Censor, *si de irrogenitis atque infidelibus loquuntur Remonstrantes, illorum actiones, tametsi quandoque sint moraliter per se bonæ, quoad operis materiam, non tamen bonæ sunt, sed malæ quoad formam & finem, ad quem collimant personæ: Non enim fiunt ex fide, nec secundum normam legis Dei ad ipsius gloriam diriguntur, unde & huiusmodi personæ & actiones earum omnino displicent Deo:* At hæc ratio nullius est momenti. Nam primo, unde constat hanc definitionem esse definitionem essentialem, ex qua universaliter & simpliciter omnis omnium actionum bonitas æstimanda sit? Solæ actiones præscriptæ lege vel Evangelio juxta illam definitionem recte censentur, & censendæ etiam sunt: At quid cogit actiones omnes moraliter bonas ad eam censere? ut actio moraliter bona sit, sufficit, si rectæ rationi conveniat, id est, si fiat ex animo, qui virtutis, honestatis & probitatis studio revera ducitur, etiamsi legis & Evangelii notitia careat, & à quo exclusum est, tum propositum faciendi quicquam contra divinæ voluntatis regulam, tum privatæ gloriæ studium: ut enim formaliter includatur, tum propositum faciendi tantum id, quod lex divina vel Evangelium jubet, tum studium divinæ gloriæ, tum fides in Christum

sum, actionis moraliter bonæ natura non postulat, uti ex rei natura fati liquet: multi enim fuerunt omni ævo, hodieque sunt, qui de lege & Evangelio ne fando quidem audiverunt, quos tamen moraliter bonos ac virtuosos esse aut fuisse nemo facile negaverit. Nec obstant loca quæ allegat Censor; *Quod sit impossibile placere Deo sine fide*, Heb. 11. 6. Nam isto in loco Scriptor ad Hebræos non agit de quolibet modo placendi Deo, sed de isto tantum modo, quo placuit Enoch, quem Deo in tantum placuisse testatur, ut Deus eum ad se transtulerit. Vnde & verba ista legunt quidam hunc in modum; *Impossibile est sine fide Deo placuisse*, Enochum sc. in græco enim est aoristus primus ἐναρεστήσαι, ita ut non sint verba generalia ostendentia, qua ratione Deo quisquam placere ullo modo possit: Sed specialia, declarantia qua ratione Enoch placuerit Deo, & quid necessario requiratur ad hoc, ut quis Deo placeat, sicut Enoch aliquando Deo placuit, id est, ad hoc, ut quis cum Enocho in cælum transferatur, & æternum cum Deo vivat: Deinde, nec obstat locus ex Epistola ad Rom. 14. 23. *Quicquid sit absque fide peccatum est*. Fides enim isto in loco non significat fidem, quam appellant justificantem, sed tantum certam animi persuasionem sive πειθοφροσίν, qua quis non dubitat apud se, an id, quod facit vel omittit, facere vel omittere licitum sit, sed de alterutro apud animum suum est persuasissimus; opponitur itaque non infidelitati, sed conscientiæ dubitanti vel hæsitanti de eo, quod agit; non an à Deo mandatum aut vetitum aliquid sit, sed an licitum aut permissum aliquid sit. Quæ conscientia dubia in Fidelibus, vere sic dictis, aliquando locum habere potest: Evincerem argumentis compluribus hujus explicationis veritatem, sed quia plerique Calvinistæ eam ipsi agnoscunt, & antecedentia omnia ad oculum eam demonstrant, superfedebam: & Coronidis loco id tantum dicam, mirum esse, quomodo hoc argumento Censor uti ausus fuerit, cum sciat se suosque fateri, personas Electorum omnium, quando adhuc infideles atque irregeneriti sunt, Deo placere in summo beneplaciti gradu. At si loca ista, quibus probare conatur sine fide, nec personas, nec actiones ullo modo Deo placere posse, serio allegavit, quomodo non plus quam evertere se videt istam Thesis suam? Sed nos jam alterum membrum videamus, *Sin vero*, inquit, *de fidelibus ac regeneritis ipsis sermo est, illos tanquam nudas personas considerare debere, inficias imus*. Quasi vero, cum nudas personas dicunt Remonstrantes, intelligant personas, quæ nude revera sunt, & non personas qua nudæ sunt, sive quæ nude considerantur. Crassa est hæc ignorantia.

rantia. Quæritur enim, cum de Fidelibus agitur, an fides in fidelibus personis, ratio sit, cur personæ istæ, de quibus prædicatur quod sint fideles, Deo placeant ad vitam æternam, an vero nuda personarum istarum Electio ad vitam ratio sit, cur fides personarum istarum Deo placeat? hoc negant Remonstrantes, istud vero affirmant, contrarium tenent Calvini Sectatores. Deinde Censor *insicias se ire dicit, quod Fideles tanquam nuda persona considerari debeant, quia per fidem iustitia Christi sunt induiti.* Quasi vero Remonstrantes adeo fatui sint, ut personas fide præditas, pro nudis personis habendas esse putent, aut fidem inter bonas actiones Evangelio præscriptas, & hominem quasi vestientes non censeant, aut denique bona fidelium opera gratiora esse asserant Deo quam personas, quatenus fide in Christum præditæ, & per fidem iustitia Christi indutæ sunt. Nihil alienius à scopo & mente Remonstrantium esse, inde clarissime apparet, quod sic Remonstrantes comparisonem non facerent inter personas nudas & actiones bonas personarum, sed inter personas fide præditas, & personas ex fide bona opera facientes, cum diserte comparisonem faciant inter personas nudas & earum actiones. At fortasse Censor fideles iustitia Christi indutos, sive remissione peccatorum donatos esse vult, antequam credunt, prout Theologos non paucos Calvinistas in terminis asserere demonstrabimus in capite de justificatione, & Censorem hunc, si consequenter loqui velit, asserere debere ex natura rei manifestum est: hoc si ita est, tum vero fatentur Remonstr. speciem quidem habiturum id quod dicit Censor: At tum probationem ejus requirunt. Nihil enim falsius, aut doctrinæ Christianæ magis contrariū esse credunt, quam istam assertionem; quia scriptura diserte adserit, Christū à Deo factum esse Fidelibus iustitiam, sanctificationem & redemptionem, nos Christi participes non esse, nisi credamus & in fide perseveremus: Christi iustitiam nobis non imputari, nisi credentibus & impietati renunciantibus, ac proinde Christi iustitiam nostram non esse, nisi quatenus operamur opus Dei, id est, in Christum ex mandato Dei credimus. Quare, quæ hac sectione disputat Censor, ea aut sunt à scopo & re, de qua agitur, aliena, aut, si recte proponantur, falsa & Scripturarum tenori aperte repugnantia: Numquam enim Scriptura quemquam Deo placuisse ad æternam vitam adserit, nisi per fidem, & quæ fidei conjuncta semper sunt, opera. Hinc per hujusmodi fidem operantem Abrahamum *Dei amicum* appellatum esse dicit Iacobus, cap. 2. Hinc Christus Apostolis suis dicit, Ioa. 15. 34. *Vos amici mei eritis, si feceritis*

Iustitiæ Christi
imputatio
non est prior,
sed posterior
Fide,

ritis quacunque mando vobis : & cap. 16. 27. *Ipse pater amat vos , quia vos me amastis , & credidistis me à Deo produisse* : Imo, hinc de ipso Christo dicitur , Heb. 1. 9. *Dilexisti iustitiam & odio habuisti iniquitatem , propterea unxit te Deus oleo latitiae supra consortes tuos* : & Christus de se ipso Ioan. 8. 29. *Non relinquit me solum pater , quia ego , quae placita sunt ei , facio semper*. Idem etiam evincunt loca Confessionis ad-marginem sectionis huius citata , quae frustra Censor conatur convellere : In loco Gen. 4. 7. Cum Deus Caino dicit , *Nonne , si bene feceris , eris acceptatio?* non tantum indicat Deus, externam Caini obedientiam, secundum quam aequae atque Abel sacrificium obtulerat , Deo gratam fore, si imposterum ex fide & integritate cordis munus suum obtulerit , sed etiam personam ipsam Caini non ante gratam & acceptam fore Deo, sive ut de Enocho dicitur, placitum Deo, quam bene ageret, & tum, si bene ageret , certo placitum esse. Quid enim ad rem fecisset , si Caino persuasum fuisset à Deo , obedientiam ejus externam gratam fore, quando ex fide & integritate munus suum offerret , si interim certum & persuasum etiam Caino voluisset, personam prius Deo placere debere, quam fide & integritate praedita esse possit , imo idcirco fide & integritate aliquem à Deo donari, quia personam ejus ab aeterno prius gratam habere vult, uti diserte Calvinistae affirmant rem se habere, & Abelis exemplo id confirmare solent : Et haec ratio in ceteris etiam locis militat , ac per se plana est ; sed quia de hoc argumento pluribus actum iri dicit Censor in censura capitis undecimi, pluribus etiam hic de eo agere non est necesse, uti neque de iis, quae de Davidis & Petri defectione , deque reprobis excaecatione & induratione hic censentur : De istis enim ex professo agitur in cap. 11. & 20. Confessionis Remonstrantium. Hic tantummodo respondimus verbulo ad id, quod quaerit Censor, ex occasione ejus, quod Remonstrantium declaratio asserit, Deum vere pios ex infirmitate labentes majore patientia & tolerantia ferre solere, quam reliquos; quid respondere possint Remonstrantes *sciscitantibus, cur Deus Spiritum suum S. à Davide viro Dei, & Petro Christi Discipulo ex infirmitate lapsis quam primum abstulerit, adeo ut unico lapsu ex fide ac Dei gratia exciderint?* Quod Remonstrantes falsum esse affirmant, Davidem ex infirmitate adulterium, atque imprimis homicidium istud commisisse, & de Petro, an ex infirmitate lapsus sit, jure meritoque dubitari posse statuunt. Videantur rationes quas in contrarium adduxit Richardus Thomsonus diatriba sua de Amissione & intercisione gratiae & ju-

Locum Gen.
4. 7. recte ci-
tatum esse o-
stenditur.

ftificationis. Deinde, quod falsum fit, eos asserere Deum Davidi & Petro Spiritum S. quamprimum abstulisse, nisi per Spiritum S. intelligant Spiritum S. testificantem, persuadentem, adeoque obfignantem cordibus illorum, quod Filii Dei essent, & gratia ac favore Dei æterno neutiquam propter peccata illa sua excidissent: hunc enim Spiritum ab illis abstulisse Deum fatentur, quem in iis mansisse Contra-Remonstrantes dicunt, aut saltem ut dicant necesse est, quia fidem, *cujus forma essentialis est fiducia specialis misericordiæ*, in iis mansisse volunt: At Deum propterea Spiritum S. suum, id est, gratiam Spiritus illam omnem, qua denuo excitari & erigi poterant, ac debebant ad resipiscentiam, ab iis abstulisse, nuspiam dicunt, nec ratio ulla, ut id dicant, cogit, etiamsi nihil dubitent asserere, Spiritum Dei S. hisce peccatis eorum vehementer contristatum fuisse, ac proinde non ea promptitudine ac liberalitate circa eos fuisse versatum, quo antea solebat ad eos ab ulterioribus lapsibus retinendos, aut porro in officio continendos, nisi specialem, extraordinariam & nulli uspiam promissam gratiam Deus iis facere voluisset, prout in sequentibus plenius demonstrabitur: Quare, quod hic sciscitatur Censor, id plane alienum est ab hoc loco, ubi non nisi de Providentia Dei circa pios ex infirmitate labentes agitur, eaque ordinaria, & in verbo Dei aperte expressa.

An & quomodo Deus Davidi & Petro peccantibus Spir. S. abstulerit.

An Providentia Dei tollat arbitrii humani libertatem.

Zacharias Vrsinus.

Censores ipsi in Synopsi sua negant per Providentiam Dei tolli arbitrii libertatem.

Sectione VI. Censor dicit, *Remonstrantes πελαγισαίεν, cum docent Dei Providentiam non tollere arbitrii humani libertatem olim in creatione semel datam*. At hoc cum Remonstrantibus dicunt omnes pene Theologi: omnes igitur *πελαγισαίεν*, exceptis his quatuor illuminatis novitiis Censoribus: Sed & Censorem ipsum id dicere, aut dicere necessario debere, si consequenter loqui velit, in sequentibus clarum faciemus. Quod ad cæteros Theologos attinet, Testimonia multa non adducam. Vide tantum verba Zachariæ Vrsini, quæ Censor ipse non multo post citat pag. 95. *Providentia Dei non tollit, sed conservat potius ordinem & modum agendi* (loquitur autem de contingentia & libertate voluntatis) *in causis secundis à Deo institutum*. Sed, quod instar multorum esse potest, vide imprimis Disput. II. quam in Synopsi purioris, quam vocant, Theologiæ suæ Censores hi ipsi exstare voluerunt, Thesi I. ubi hæc verba leguntur; *Tantum igitur abest, ut operatio divina Providentia destruat libertatem voluntatis create, ut hæc absque illa proprius consistere nequeat, &c. Divina enim Providentia non corrumpit naturam, sed perficit; non tollit, sed tuetur. Et omnia, quæ creavit, sic administrat, ut ipsa*

ut ipsa suos etiam exercere & agere proprios motus sinat, August. de Civit. Dei lib. 7. cap. 30. Et Thesi 12. Ad hanc Dei gubernationem pertinet in διακονίᾳ, permanſio, quæ etiam opus est divina οὐρανίου & οὐράνιων, quæ omnes res creatas conservat ut supersint & persistant, & (NB) in sua natura & proprietatum naturalium statu permaneant: & Thesi. 13. Quas creaturas Deus conservat in natura & proprietatibus suis, easdem etiam pro ratione nature uniuscuiusque ad agendum movet & applicat, &c. Quid? an aliud quid habet hæc Remonstrantium periodus? Lac lacti non adeo simile est, quam hæc periodus Remonstrantium istis Vrsini & Censorum horum propriis & puris, uti ajunt, declarationibus similis est: Quare, id quod ex hac hypothesi necessario colligi affirmat, istis Theologis suis puris non minus imputet, quam Remonstrantibus. Sed nos consequentiam etiam, si placet, expendamus breviter. Ex hac hypothesi sequitur, inquit, necessario, hominis voluntatem in statu corruptionis quoque, pariter liberam esse & indifferentem ad contraria opposita, bonum sc. & malum. Sequelam hanc ne Censor quidem ipse potest admittere, si consentaneæ sibi ipsi colligere velit, tantum abest ut necessaria sit. Ratio manifesta est: quia hominem libertatem voluntatis suæ ad bonum, non merito-rie tantum, sed & actu ipso veluti vestem à se abjecisse, atque ea seipsum denudasse statuit: Quis autem supposito quod id verum sit, recte colligi dicat, Deus Providentia sua non tollit nec destruit libertatem creatam, ergo homo ipse libertatem istam sua sponte à se non abjecit, seque ipsum ea non privavit? Sed quia fundamentum hujus responsionis, quod Censor ponit, falsum est, non hærebo in ea; dico itaq; secundo, Consequentiam hanc laborare ambiguitate: Si enim per libertatem & indifferentiam ad contraria opposita intelligatur innata sive naturalis & essentialis voluntatis proprietas, qua voluntas, positis omnibus ad agendum requisitis, potest velle aut non velle, vel hoc aut illud velle, haud inviti concedent Remonstrantes, eam etiam in statu corruptionis superstitem mansisse. Est enim hæc libertas voluntatis proprietas, quæ sine voluntatis destructione destrui non potest. Si vero per libertatem & indifferentiam intelligatur libertas ad volendum bonum, tam supernaturale, quam naturale, & ad contrarium malum nolendum, sive non volendum, tum falsa est consequentia, quia innata sive naturalis arbitrii libertas, juxta Theologos fere omnes, saltem plerosque Scholasticos, non sufficit ad actus supernaturales eliciendos, sed alia superaddita forma, habitu, & principio supernaturali opus habet, quo elevetur & potius reddatur ad actus supernaturales

Consequentia
Censoris ex-
penditur.

Naturalia corrupta quidem, sed supernaturalia perdit adferunt Theologi unanimiter.

rales eliciendos. Hanc itaque libertatem innatam, sive essentialem illam voluntatis libertatem esse negant, & hanc dicunt in statu corruptionis idcirco non mansisse reliquam, quia Deus supernaturali ista gratia, sive libertate hominem propter peccatum suum privavit. Hinc illa communis sententia: *Naturalia corrupta quidem esse sed supernaturalia perdit.* Et hæc res una sufficit ad diluendum notam Pelagianismi, imo sine hac re impossibile est ut diluatur, prout prolixè & solide probat *Agidius de Coninck* in Tractatibus suis Theologicis. Et ratio manifesta est. Quia, nisi hoc adferatur, alterutrum statuatur necesse est, aut voluntatem hominis per peccatum prorsus extinctam esse, quia sublati rerum proprietatibus res ipsas tolli necesse est, aut si voluntas ipsa extincta non est, tum voluntatem hominis sine essentiali sua & propria quarto modo proprietate vel proprietatis parte, id est, essentiali sua libertate, superstitem post peccatum mansisse, quod utrumque absurditate ipsa absurdius est: Istud, quia quid absurdius, quam per actionem potentie liberæ, potentiam ipsam liberam destrui? Hoc, quia quid absurdius, quam essentialiam sine essentiali sua proprietate existere? Pergamus.

Exempli Angelorum bonorum, & que ei superstruuntur consequentia examinaur.

Præterea dixerant Remonstrantes, *Dei Providentiam cum hominis voluntate sic concurrere, ut tamen bene, nedum male agendi necessitatem ipsi non imponat.* Hæc assertio Remonstrantium, inquit Censor, niitur duabus falsis hypothesebus. Prima est, *Necessitatem bene aut male agendi tollere naturalem sive essentialem voluntatis libertatem.* Altera est, si quis necessario, quoad specificationem contrarietatis, aut bene, aut male agat, huiusmodi necessitatem à Providentia Dei ipsi imponi. Hæc postrema hypothesis non est Remonstrantium, & simpliciter ita prolata, inepta simul atque absurda est. Sed esto. Procedat sensu sano. Viriusque, inquit, falsitas bonorum ac malorum Angelorum exemplis demonstrari potest. In bonis enim Angelis bene agendi necessitas, quod ad specificationem, concurrat cum naturali atque innata ipsis voluntatis libertate, ex peculiari Dei gratia eos in primo integritatis statu sic conservantis, ut in eo nunc constanter atque immutabiliter permaneant, &c. Hæc argumentatio multis vitiis laborat, Primum, quia id, quod non usque quaque certum est, pro certo supponit. Nam Angelos bonos nunc necessario bene agere, sive per gratiam sic esse confirmatos, ut non possint non bene agere, nullo solido argumento aut testimonio probari potest. Et variant hac de re Theologorum judicia: Non differunt id quidem Remonstrantes: Absit: Quin imo haud inviti subscribunt illorum sententiæ, qui credunt Angelos bonos jam frui beata

beata illa Dei visione, qua fit, ut non possint non amare Deum, & vel-
 le quod ipsi gratum est, non ex vi absolutæ electionis, ut Censor cum
 suis credit, sed in præmium obedientiæ ipsorum, quam cæteri Angeli
 mali præstare Deo suo recusarunt, qui idcirco à Deo reprobati, & ca-
 tenis caliginis æternæ adstricti fuerunt. Sed huic suæ sententiæ vel o-
 pinioni, tanquam certo & indubitato axiomati, fidere se, & proba-
 tiones superstrui posse negant. Deinde contradictionem in adjecto
 habet; Nam necessitatem bene agendi in Angelis naturalem seu essen-
 tialem voluntatis libertatem non tollere probat, & tamen indifferen-
 tiam voluntatis Angelorum ad utrumque oppositum, quæ naturalis
 & essentialis Angelorum voluntatis libertas fuit, per necessitatem gra-
 tiæ supervenientis sublatam esse concedit. Deniq; laborat ignora-
 tione elenchi. Nam probat necessitatem, quæ opponitur libertati contra-
 dictionis, non tollere libertatem quoad specificationem sive liberta-
 tem contrarietatis: At hoc non erat probandum: Quis enim de ea
 re vel dubitet? Tantum quæritur, an necessitas bene & male agendi
 possit consistere cum libertate bene aut male agendi, id est, ut thein ad
 hypothesin deducam, quæritur, an, quando Deus concurrit cum vo-
 luntate hominis, cui præscribit & mandat bonum velle & malum vi-
 tare, tali actu providentiæ suæ cum ea concurrat, quo fiat ut homo
 non possit non velle bonum, & malum vitare ac nolle, id est, an sic
 cum voluntate concurrat actione sua, ut in ea operetur, vel ei imponat
 necessitatem, quæ opponitur libertati contradictionis. Hoc negant
 Remonstrantes: Hæc enim sunt per se *ἀόριστα*, & cum sapientia di-
 vina conciliari nequitiam possunt. Nec refert quod dicit Censor, in-
 differentia ablationem non esse libertatis voluntatis destructionem,
 sed perfectionem: Nam nec hoc quæritur; sed tantum quæritur, an
 illa ipsa voluntatis, ut ita dicam, perfectioratio non sit destructio liber-
 tatis istius, quæ necessaria est in eo, cui Deus legem dat sub promisso
 præmii & comminatione supplicii? Hoc affirmant Remonstr. Mul-
 to minus refert, quod dicit Censor, *manere nihilominus libertatem quo-
 ad specificationem*. Nam cum Deus homini legem dat, tum sane ei non
 modo jubet, ut ita dicam, recte uti libertate, quæ contrarietatis dicitur,
 sed & jubet recte uti libertate, quæ contradictionis dicitur, id est, non
 tantum ei jubet hoc aut illud bonum velle, sed & simpliciter mandat
 bonum velle, malum fugere, si præmium consequi & poenā vult effu-
 gere. Quare, ubi talis agendi ratio locum habet, ibi supponitur liber-
 tas contradictionis in eo, circa quem adhibetur ista agendi ratio: Eam
 autem

Contradictio
Censoris.

autem libertatem tollit, quisquis homini isti bene aut male agendi necessitatem imponit, etiamsi eidem relinquat libertatem contrarietatis, id est, libertatem agendi hoc aut illud bonum, vel hoc aut illud malum, prout ratio manifesta arguit.

Censura sectionis VII. nil nisi molestus coccyfimus est, unde jam aures tinnunt

Et cytharadus

Ridetur chorda, qui semper oberrat eadem.

Theologi nostri, inquit, longe alio sensu vocant decretum efficax & absolutum, quam Remonstrantes. His enim attribuitis nostri Theologi docent, Dei voluntatem esse omni causa superiorem, nec ab ulla causa antecedente pendere, eamque ita esse efficacem, ut quicquid Deus ab aeterno aut efficere aut permittere decrevit, illud quoque in tempore revera efficiat, aut ab aliis fieri permittat.

Quid sit, voluntatem Dei esse omni causa superiorem.

At hoc ipsum est obscurum per æque obscurum exponere, imo in re clara obscuritatem affectare, ut non intelligaris: Quid enim est voluntatem Dei esse omni causa superiorem, nec ab ulla causa antecedente pendere? An est, voluntatem Dei esse superiorem causam omni alia causa ita ut prima & suprema causa sit eorū omnium, quæ à causis inferioribus fiunt? An est voluntatem Dei superiorem esse, id est, excellentiorem & digniorem, quæ ab alia causa antecedente non dependet, uti cæteræ omnes causæ ab ea in efficiendo dependent? Si hoc, quid id ad rem facit, de qua hic agitur? Si istud, quid apertius tum, quam voluntatem Dei non modo esse causam, sed etiam primam causam esse, à qua actiones omnium hominum malæ simul ac bonæ dependent, veluti à causa independente ab omni alia causa antecedente? hoc posterius velle Censorem, colligi haud difficulter potest ex eo quod sequitur, cum ait, *Eamque Dei voluntatem ita esse efficacem, ut quicquid Deus ab aeterno aut efficere aut permittere decrevit, illud quoque in tempore revera efficiat, aut ab aliis fieri permittat.* Nam, ut jam de eo, quod dicit, *Deum decrevisse ab aeterno efficere*, nil dicamus, (qua ratione enim sic Dei voluntas efficax dicatur à Theologis istis facile capi potest, quamquam, cum id explicant, ita sæpe etiam loquuntur, ut, quid sibi velint, intelligi non possit) Istud quod dicit, *Deum decrevisse permittere peccata ab aliis fieri*, alterutrum significet necessesse est: Aut Deum decrevisse permittere ea ab aliis fieri, supposita primum voluntate faciendi in iis, quibus ea permittere decrevit, aut nondum supposita ista voluntate, quippe quæ in se est & manet libera & indifferens. Decretum hoc permittendi factum non dicet Censor, supposita primum voluntate faciendi in iis, quibus permitti à Deo

pecca-

Quo sensu intelligendum sit quod Censor dicit, Deum decrevisse, ut peccata ab aliis fiant.

peccatum dicitur, quia sic decretum hoc divinum non esset absolutum decretum, id est, non esset prius, nec superius, nec independens ab omni alia causa, quia dependeret saltem ab ista voluntate ut præscita & prævisa. Secundum itaque dicat necesse est. At quomodo tum est efficax voluntas? Nam si decretum permittendi non supponit voluntatem, sed eam prorsus liberam & indifferentem relinquit, nulla ratio efficaciarum in decreto isto permittendi apparet. Quare, ut permissio sit & dicatur efficax, necesse est ut sit vel virtutis & efficaciarum proprie dictarum influxio sive impressio in voluntatem eorum, quibus peccare permittitur, vel virtutis istius, sine qua fieri non potest contrarium ejus, quod permittitur, sive remissio, sive subtractio: Vtrum horum dixerit Censor, perinde est. Semper enim eo redibit res, ut decretum Dei sit & dicatur efficax per modum causæ vel efficientis vel deficientis. Atque hoc sensu Remonstrantes dicunt, à Theologis istis decretum Dei vocari absolutum & efficax. Quocirca, cum Censor eos Theologorum suorum dogma de absoluto & efficace Dei decreto, in sensum à mente eorum prorsus alienum data opera detorquere dicit, injuriam eis facit atrocissimam: Nimis nota, nimis clara est Theologorum istorum sententia, quam ut eam calumniari, vel detorquere aut possint aut velint, quicquid eam nuperi hi Doctores locutionibus affectatis veluti tenebris involvere, & tanquam sanam doctrinam Imperitioribus obtrudere conentur. Dicta eorum id probant, *Peccata hominum pendere à Dei voluntate antecedente absoluta, & irresistibiliter efficace; Deum ad peccata, quæ palam prohibet, occulta ratione homines impellere; Decreti divini vi effici, quicquid sit à Creaturis; omnia peccata necessario fieri vi divini decreti; voluntatem Dei efficaciter in omnibus operari, disponere atque efficere omnia. Adamum non potuisse nolle peccare, ex vi decreti divini: Quicumque peccant vel bene agunt, eos, respectu decreti divini, non posse non peccare aut bene agere: omnia quæcumque fiunt, ac proinde atrocissima quoque scelera, fieri ex decreto Dei: Peccata à Dei prædestinatione pendere, tanquam effecta à causa: Deum procurare quoque sacrilegâ nominis sui blasphemiam, aliâque horrenda. Quæ ex Ursino citat, ea, etiamsi nude sic prolata admitti possint, tamen, si ad hypothesein sententiæ ejus propius paulum accommodentur, eodem prorsus recidere comperientur; quamquam, cum dicit, ea, quæ providentia divina fiunt, necessario quidem fieri, sed necessitate tantum ea, quæ ex hypothesi est, sive consequentiæ, non autem simplici sive absoluta, dicit id, quod non modo directe repugnat locutionibus Theologorum cæterorum, qui omnia à Providentia Dei,*

Vide Syllabi
Testimonio-
rum subjun-
ctum declara-
tioni senten-
tiæ Remonst.
circa I. de
Prædestina-
tione Articu-
lam.

EXAMEN CENSURÆ

sive à voluntate Dei antecedente absoluta, & irresistibiliter efficace (verba eorum propria sunt) pendere, *Reprobos necessitate peccandi eo-que & pereundi ex Dei ordinatione constringi, atque ita constringi, ut nequeant non peccare & perire, &c.* & sic necessitate, non consequentiæ tantum, sed consequentis, etiam necessario omnia peccata fieri pronunciant, sed etiam, quod aperte falsum esse crediderit necesse est, si consequenter principiis eorum loqui voluisset, quibuscum se sentire profitebatur. Nec satis est, quod de suo adjungit Censor, *homines ad res efficiendas secundum facultatem sibi à Deo insitam moveri, Deumque eorum voluntatem non cogere, neque contra ejus naturam per eam aut cum ea quicquam operari*: Quid enim hoc ad rem facit, quod Deus hominem ad peccatum non cogat, si sic interim in illo, aut circa illum agat & operetur, ut homo non possit non peccare, etiamsi operatio illa non fiat nisi secundum facultatem hominis à Deo ipsi inditam? Nam hoc ipsum, videlicet, non posse non peccare, quod ex vel ad operationem istam divinam necessario sequitur, Deum authorem & causam operis sive peccati istius facit, & hominem à culpa & reatu peccati absolvit. Sic, si Deus voluntatem hominis necessitat aut determinat mediante intellectus judicio practico, uti quidam (& nuper *Iohannes Camero*) voluntatem nostram à Deo determinari volunt, sane secundum facultatem à Deo homini insitam, Deus voluntatem hominis moveret, & tamen volitionis istius causa esset solus Deus, quia judicium istud practicum voluntatem necessario post se trahens sive determinans non habere in potestate hominis non fuisset, imo non habuisset istud homo nisi à solo Deo suggerente: Quare, cum dicit Censor, *Actum providentiæ divinæ cum voluntate hominum concurrentis esse internum & occultum*, nihil dicit. Sive enim sit internus, sive externus, sive occultus, sive manifestus actus, quid hoc ad rem facit? Necessitas sola peccandi, ex actu illo divino, vel ad actum illum divinum sequens in voluntate hominis sufficit ad conclusionem hanc faciendam; Eos, qui necessitatem ejusmodi statuunt, asserere, Omnia quæ ab hominibus fiunt in tempore, seu bona, seu mala, fataliter seu incontinententer evenire, Deumque providentia sua præcisam atque absolutam necessitatem peccandi hominibus imponere: Necessitas enim est necessitas, sive causa ejus sit externa, sive interna, sive occulta, sive manifesta. Et quid refert an quis externa vi, an interna operatione, vel cessatione ab operando peccet ac pereat, si peccare cum ac perire necesse est? Adde, quod necessitatio hæc, quanto est occultior & secretior, tanto

Diluitur Censoris frivola exceptio, quod Deus non cogat voluntatem, neque contra naturam ejus in ea aut per eam operetur.

Diluitur altera exceptio, Actum Providentiæ divinæ esse internum & occultum.

tanto sit peior, turpior, & Deo opt. max. indignior.

Sectionis VIII. & ultimæ censura futilis est; *Falso*, inquit, *Remonstrantes Stoicis, Manichæis, ac Prædestinatis unam eandemque sententiam de fatali necessitate attribuunt.* At falso Cenfor Remonstrantibus tribuit, quod istis omnibus unam eandemque sententiam tribuant de fatali necessitate. Fatalem ac ferream necessitatem per sententias eorum pariter statui atque adstrui dicunt, at sententias eorum de necessitate, necessitatisque illius causis prorsus convenire idcirco non dicunt: Nimis crassa ista foret ignorantia. Interim de Stoicis quæ dixerunt, ea non nisi ex communi & passiva sententia dicta volunt: Sunt enim qui *Stoicis* longe aliam sententiam tribuunt non sine magna probabilitatis specie: Certe si scripta *Seneca* & *Epicteti*, quos Stoicos fuisse constat, videantur, longe aliter de Stoicis statuendum esse videtur, quam recepta hæc sententia fert. Sed Remonstrantes communem opinionem secuti sunt. De *Manichæis* certum est, eos statuisse fato omnia, id est, necessario evenire: Sed necessitatis illius causas à duobus diversis principiis derivasse. *Prædestinatos* quod attinet, an ii in rerum natura unquam fuerint non contendere volunt cum quoquam mortalium. Res tanti non est: quamquam causa nulla satis gravis est, cur de eo dubitetur. Nam, præter Sigebertum, non tantum Prosper, Tyro Aquitanus inter Patres eorum meminerunt in Chronico à Pythæo edito, quod pro suspecto habet Cenfor; Sed & Arnobius, vel quisquis alius Author fuit eorum commentariorum in Psalmos, qui Arnobio tribuuntur, Psal. 146. & Faustus lib. 2. de lib. Arbit. cap. 14. & 16. & Remigius Lugd. in libro contra tres Epistolas trium Episcoporum Galliæ, & Hincmarus Rhemenfis in libro manuscripto adversus Prædestinatos. Hos omnes voluisse sub conficto nomine *Prædestinatorum* fugillare sententiam Augustini de Prædestinatione, dicit quidem se credere Cenfor, sed sine ulla probatione. Tam facile id rejici potest, quam dicitur. Sane, si nomen istud confinxerunt, tum valde verisimile est, eos, id faciendo non fugillare voluisse sententiam Augustini, sed eam genuinis suis coloribus exprimere ac depingere. Nec enim ignotum esse potest, istis ipsis consequentiis Augustini sententiam olim pæne ob omnibus ejus adversariis gravatam fuisse, uti satis clare id videre est in Epistola Prosperi ad Augustinum, cum ait, *Hæc sententia & lapsis curam resurgendi adimit, & sanctis occasionem corporis adfert, eo quod in utramque partem superfluus labor sit, si neque rejectus ulla industria possit intrare, neque electus ulla negligentia possit excidere.*

An sententia
Stoicorum,
Manichæorum
& Prædestina-
torum una ea-
demque fuisse
dicatur à Re-
monstrantibus.

De Prædesti-
natis aut Præ-
destinatis,
qui vocantur

Vide Episto-
lam Prosperi
ad Augustinū.

EXAMEN CENSURÆ

excidere: Quoquo enim modo se egerint, non posse aliud erga eos quam Deus definivit accidere, & sub incerta spe cursum non posse esse constantem, cum si aliud habeat prædestinantis electio, cassa sit annitens intentio. Removeri itaque omnem industriam, tollique virtutes, si Dei constitutio humanas præveniat voluntates, & sub hoc Prædestinationis nomine fatalem quandam induci necessitatem, aut diversarum naturarum dici Dominum Conductorem, si nemo possit aliud esse quam factus est. Ovum ovo non est tam simile, quam hæc sententia Augustini sententiæ Prædestinatorum, siue eos in rerum natura fuisse, siue nomen eorum confictum tantum fuisse credatur. Nee movere quemquam debet quod Censor hic declarat, se, suosque doctrinam istam, quæ Prædestinatis adscribitur, toto pectore execrari, eosque habere pro impudentissimis calumniatoribus ac Sycophantibus, qui vel hæreses istius blasphemias, vel Stoicorum & Manicheorum portentosa deliria iis pari impudentia affingere non verecundantur. Nam certum est eos,

Hypocritis
Censoris detegitur, cum sententiam Prædestinatorum se toto pectore execrari dicit.

quando ita loquuntur, non execrari doctrinam istam Prædestinatorum, sed verba tantum, quibus doctrinam istam expressit Sigebertus, quibus sensum, quem hæreticum esse dicent, adstringere etiam salva principali sententia Prædestinatorum, iis haud est difficile. Possunt enim verba ista hunc sensum habere, ac si ii, qui ad mortem sunt prædestinati vel reprobati absoluta voluntate Dei, nihilominus pie possint vivere, & qui ad vitam sunt prædestinati eadem absoluta voluntate, possint improbe vivere. Istum autem sensum rejicere & execrari videri volunt, quamquam Calvinus alique fatentur, & experientia non raro testatum facit, eos, quos vocant, Reprobos, eorumque aliquando à Deo illustrari & excitari ad bene agendum, ut inter eos & electos, quod ad vitam eorum attinet, discrimen nullum appareat, ipsique adeo sibi persuadeant se electos esse. At nemo tam iniquus rerum æstimator reperietur, qui, si verba ista Sigeberti de Prædestinatis videat, non crediturus sit ea hunc sensum habere posse, adeoque revera habere: Fieri nullo modo posse, ut, qui ad mortem prædestinati sunt, evadant mortem & damnationem, etiam si contingeret eos pie vivere, & bonis operibus operam dare; Et contra, fieri non posse, ut, qui ad vitam sunt prædestinati, in damnationem incendant, etiam si contingeret eos impie vivere: Ita ut sensus sit hypotheticus, licet verba categorice prolata sint. Quod si sensum hunc nihilominus execrari se dicit Censor, tum sane necesse est ut execretur Augustini Marlorati expositionem Ecclesiasticam, quæ vocatur in Ioh. 15. cap. v. 11. Vbi hic ipse sensus, ut sensus Ecclesiasticus & firmiter tenendus,

Augustinus
Marloratus in
expositione
Ecclesiastica
sua sententiā

tenendus, totidem pene verbis legitur hunc in modum; *Stat igitur firma sententia. Quęcunque Deus ante conditum orbem elegerit, eum non posse perire, quem vero rejecerit, eum non posse salvari, etiamsi omnia Sanctorum opera fecerit, usque adeo irrevocabilis est sententia.*

Prædestinato-
rum sententi-
am Ecclesię
esse & firmi-
ter tenendam
adferit.

EXAMEN CENSURÆ CAPITIS VII.

De peccato & miseria hominis.

SEctione I. hujus capitis censentur Remonstrantes quod dicant, *Opus Providentię, de quo superiori capite egerant, sequutum est opus gratię & misericordię, cui occasionem dedit peccatum; cum tamen Sect. 4. capitis superioris jam distinxerint in opere Providentię curam Dei circa pios & impios, longanimitatem & tolerantiam Dei erga eos, in quibus profundius est radicatus habitus peccati, item gratię auxilia, Spiritus S. dona, &c. Quomodo, inquit, opus Providentię secutum est opus gratię, cum providentię ista descriptio supponat peccatum, & cum opus gratię sit præcipuum salutis medium. salutis autem media sint opera Providentię? Potius debuissent (inquit) dicere, illud opus divini bonitatis, scilicet, Providentię includere omnia opera gratię & misericordię, illud præcipue, quod nobis exhibuit in Christo. Atqui hoc dicunt, mi Censor, totidem verbis. Vbi es? Pudet profecto tam ingentis oscitantię, quam in limine hujus capitis statim prod-
dis: Videatur tantum initium capitis præcedentis, & res patebit. Creationem, inquit Declaratio, excipit immediate actualis Dei providentię, quę (NB) interim se extendit etiam ad opus Redemptionis, ad omniaque tum secula, tum opera, & res quę in mundo sunt aut fiunt. Qui hoc dicunt, an non aperte dicunt Providentię includere omnia opera gratię & misericordię, illud præcipue, quod nobis Deus exhibuit in Christo? Vox, Redemptionis id arguit, & voces, omnia secula, omnia opera, & res, quę in mundo fiunt: Opus tamen gratię secutum cum dicunt opus Providentię, nihil aliud voluerunt, quam Providentię immediate adhęsisse Creationi rerum & circa res creatas versatam esse variis actibus, antequam opus gratię, id est, opus redemptionis, quę nova quædam creatio in Scripturis dicitur, & ad Providentię proprie non spectat, perageretur, etiamsi deinde, opere isto peracto, ad illud etiam extensa fuerit. Vix credo Censorem hunc præcensendi aviditate*

Magna Censoris
ositantia
ostenditur.

EXAMEN CENSURÆ

aviditate recordatum fuisse ejus, quod præcedente capite declaraverant Remonstrantes. Tantum potest inconsideratus Zelus, & malevoli animi impetus.

Quæ sectione II. continetur Censura, ea adeo frigida est, ut tussim Lectori cieat: *Dicunt, inquit, Remonstrantes, Deum dedisse primo homini legem de non comedendo fructu arboris scientia boni & mali: at non explicant, an præter illam legem, non alia eorum mentibus insculpta fuerit lex naturalis, cujus adhuc rudera in corruptis posteris remaneant.* Immane crimen profecto! At nec Scriptura id explicat eo in loco, ubi ejus rei sedes est, & unde hanc declarationem suam mutuati sunt Remonstrantes. Quid? an hoc explicari necesse erat? Cur itaque non explicatum id fuit eo in loco, ubi de creatione hominis & legislatione diserte historia descripta est? Deinde, An uspiam legem talem mentibus primorum Parentum insculptam fuisse negant Remonstrantes? an diffitentur uspiam ejus rudera remansisse in posteris eorum? Qui possunt? Nimis omnibus nota est hæc veritas, quam ut eam negent. Sed &, quomodo id ab iis in dubium trahi, suspicari potuit Censor? Nam Remonstrantes pro Pelagianis habet, quos statuere passim affirmat, omnia, quæ in primo statu homini à Deo fuerunt concessa, reliqua in eo mansisse: Reliqua autem mansisse dicunt pene omnia, quæ per gratiam restitui docent Theologi. *At Socinus utrumque negat, inquit. Esto, Ergo idem negant Remonstrantes. Quæ ratio? Sed & falsissimum est, id negare Socinum, & qui cum eo sentiunt.* Vbi frons tua, o Censor? Vin id probem? Socinum inter Pelagianos etiam censet: Socinus rectam rationem naturæ homini inesse affirmat, eidemque recti praviq; notitiam passim innatam, & non corruptam per peccatum originis contendit: Smalcus etiam contra Francium leges morales, naturæ, & civiles, ad legem Christi temperandas aperte docet, pag. 393. Naturæ legem itaque agnoscit.

Alterum quod censet, est: *Remonstrantes præposere locutos esse, cum dixerunt, legem primo homini datam fuisse sub pœna mortis æternæ & variarum miseriarum: Nam varia ista miseria, vel sunt æternæ, vel temporales. Si æternæ, mortis æternæ nomine continentur. Esto, Si temporales, debuerunt eas mortis æternæ præponere. Quis non tussiat ad tam frigidam censuram? Catarrhum sentio mihi fluere, & piget respondere. Eodem jure censebitur quis, si dicat Peccatum mereri mortem æternam & temporalem: Nam temporalis mors præcedit mortem æternam. Vah! quam pueriliter. Sed abeamus hinc, ne frigida*

Quæ Lex primo homini à Deo fuerit data.

Ridicula Censura.

gida hæc censura nos suffocet. Quæ sequitur majoris momenti est.

Asunt, inquit, *legem de non comedendo fructu vetito Adamum esse transgressum, non spontanea tantum, sed prorsus libera voluntate: Id negari non debet, sed de libertate voluntatis in quo consistat, questio est.* Ita est. Hic rei cardo vertitur, operæ pretium est expendere, quæ ad hanc rem pertinent. Si voluntatem liberam, inquit, intelligant eam, quæ agit ex *πρὸς αὐτὸς*, ex deliberatione, & post judicium rationis practicæ, nos etiam dicimus, non tantum spontanea sed & libera voluntate peccasse Adamum & Evam, & habuisse utrumque indifferentiam judicii, &c. quæ ad liberum arbitrium sufficit. Libertas itaque voluntatis, juxta Censorem hunc, in eo formaliter consistit, quod voluntas possit eligere aut sequi id omne, quod ratio consultatione conducibilis iudicatura est, id est, voluntas idcirco libera est, quia eam judicii indifferentia præcedit, & tum libere agit, quando sequitur judicium rationis practicæ, quomodocumque tandem agat. Quid hic dicemus? De definitione libertatis quæritur. Si cuique pro arbitrio suo rem definire licet, nunquam finis erit. Censor hic definit libertatē voluntatis sine ulla probatione aut ratione, quod id ita fieri necesse sit. Quæ res idcirco videri debet indignior, quod definitionem hanc faciat contra communem & passivam pæne omnium tum Philosophorum, tum vetustissimorum & recentium Theologorum definitionem, secutus cum Iohanne Camerone nuperos quosdam eosque paucos admodum Theologos, inter quos Bellarminus principem locum tenet, qui voluntatem à judicio rationis practico determinari affirmant. Quod tamen non ita volumus accipi, quasi vitio ipsi verti debeat, quod non sequatur communem & receptam sententiam. Nihil minus: Sed quod, cum Censorem agere velit, censuræ suæ rationem non addat ea in re, in qua controversiæ totius cardo vertitur, & in qua se dissentire scit à plerisque tum Philosophis tum Theologis. Censor dictator non est; rationes allegandæ fuerant, unde censuræ ipsius iustitia & æquitas patere poterat. Sed quicquid hac de re sit, nos definitionem hanc Censoris sine præjudicio paulo propius expendamus. Si indifferentia judicii ad liberum arbitrium sufficit, tum libertas voluntatis non est nisi extrinseca quædam denominatio, quæ voluntati ab indifferentia ista judicii tribuitur, quatenus scilicet voluntas indifferenter se habet ad hoc aut illud judicium rationis sequendum, eundem plane ad modum, quo appetitus indifferens est & indifferenter se habet, ad sequendum hoc vel illud objectum, quod à sensibus offertur: quo oculus indifferens est ad hunc vel illum

colorem recipiendum, quo locomotiva indifferens est ad movendum se prorsum, retrorsum, sursum, deorsum, dextrorsum, sinistrorsum, ad præscriptum & imperium voluntatis. Consequentia per se manifesta est, Intellectus enim, in quo iudicium est, est voluntati extrinsecus: Indifferentia itaque iudicii etiam extrinseca est voluntati: voluntas itaque, si ab ista indifferentia iudicii indifferens sive libera est, non nisi per denominationem ab extrinsecæ facultatis proprietate desumptam, indifferens est. At hoc absurdum esse Britanni Theologi optime adnotarunt in explicatione articuli quarti de operatione gratiæ, quam actis suis Synodalibus inferuerunt Contra-Remonstr. & rationes multæ evincunt, Nam I. Sic libertas seu indifferentia non erit proprietas voluntati à Deo impressa; Nam denominatio extrinseca proprietatis dici non potest. At libertatem proprietatem voluntati peculiarem esse concedit Censor. II. Etiam si omnino libertatem proprietatem esse concederetur, tamen libertas & indifferentia ista voluntatis non esset nisi indifferentia passiva, qualis est intellectus ipsius in ordine ad hæc vel illa objecta. Nam, sicut intellectus pati aut recipere potest indifferenter huius aut illius objecti propositionem, ad propositionem a. illam, & de proposito objecto iudicium non nisi pure p. passivè se habet (nam alioquin libertas affectio intellectus foret) ita voluntas etiam isto sensu libera dicta, indifferenter posse affici dicetur & moveri ab hoc aut illo iudicio rationis: at vero in ordine ad iudicium rationis practicum, non nisi pure p. passivè ab eo afficietur & movebitur: Vnde consequitur III. ratio: Sic libera volitio in ordine ad iudicium rationis plane necessaria erit, saltem non minus necessaria quam appetitus sensitivus necessarius est in ordine ad sensum dictamen, quod non potest non sequi. Hoc a. quam sit non modo falsum, sed & periculosum, ex his rationibus liquet. I. Sic voluntati non magis potest ferri Lex pænæ comminatione sancita, quàm appetitui sensitivo. Nec enim ratio verisimilis dari potest, cur par utrobique ratio non militet: ubi par necessitas, ibi par ratio est. II. Sic, si quod esse poterit peccatum, illud prius, imo tantum erit in intellectu, seu in iudicio, non a. in voluntate. III. Sic nullum peccatum contra conscientiam dari poterit. IV. Sic nulla in voluntatem hominis operatio immediata necessaria erit, quando Deus conversionem hominis operatur: Iudicii reformatio sufficiet, quia istam necessario sequetur voluntas. V. Sic nulla corruptio immediate in voluntate facta dici poterit, saltem ut facta dicatur necesse non erit. VI. Sic voluntatem in omni

Abfunda complura & palpabilia, quæ ex ista opinione fluunt.

omni statu, eodem modo & pari libertatis gradu, liberam esse & manere dicatur oportet, quod tamen Censorem non admissurum certum est. Rationis hujus tertiæ consequentiam & momentum videtur sensisse hic Censor, atq; idcirco præoccupatione aliqua vim ejus enervare studuisse. *Excludit, a. inquit, talis libertas absoluta necessitatem & naturalem, non a. omnem omnino necessitatem, saltem ex hypothesi.* At frustra fuit, quin imo vim ejus hac præoccupatione sua adstruxit. Fatetur enim electionem voluntatis, quam liberam esse dicit, necessariam etiam esse, idque necessitate antecedente, quam ex hypothesi vocat. Hoc satis est, necessitas enim antecedens non habet gradus, in indivisibili consistit. Quicquid antecederet necessarium est, id uno tantum modo necessarium est, hoc est, id nec esse aliter potest; Quod vero necessitatem illam negat esse necessitatem absolutam & naturalem, id non nisi *ὁ δὲ πάρεξον* est. Sensus enim est, voluntatem absolute, & in natura sua consideratam, indifferenter se habere ad sequendum hoc vel illud judicium rationis; Imo voluntatem necessario & ex natura sua manere indifferentem, quamdiu manet ista indifferentia judicii. At ex hypothesi judicii rationis sive consultationis eam necessario necessitate consequentis judicium istud sequi, id est, ita affici à judicio isto, ut non magis possit non velle quod illud dicat, quam appetitus sensitivus potest non velle, quod sensus dicant. At hoc est illud ipsū, quod tertia nostra ratio ex hac sententia Censores sequi docet, & quod magnas & multiplices istas, aliasque plures multo absurditates post se trahit. Quarto si indifferentia judicii sufficit ad liberum arbitriū, tum voluntas non poterit. I. Ex duobus æqualibus bonis unū eligere: quia judicium de æquali est indifferens. II. Quando judicium rationis unū alteri prætulerit, non poterit minus bonum eligere: Non enim est indifferens, nisi posita judicii indifferentia; At ea tū cessat, quando unū bonū alteri prælatū, aut altero melius judicatū est. Hæc omnia ac singula profecto talia sunt, quæ merito hominē non omnino refractariū nec pertinacē movere debent, ut credat, longe aliud quid requiri ad perfectā definitionem libertatis istius, quæ ad religionem exercendam & obedientiam Deo præstandam requiritur, quam judicii indifferentiam. Vbiunque necessitas dominatur, ibi Religioni locus non est. Nā *Concluditur ad libertatem arbitrii non sufficere indifferentiam judicii.* summa Religionis continetur obedientiæ præceptis, præmiorum promissis, & poenarum minis. At præceptioni locus non est, ubi judicii indifferentia tantum in mente, & in voluntate necessitas regnat. Nec obedientiæ laudem nec inobedientiæ labem habet, quicquid aliter fieri

EXAMEN CENSURÆ

non potest; ubi obedientiæ & inobedientiæ locus non est, ibi præmia & poenæ frustra sunt. Qui non potest non obedire, indignus est præmio. Qui non potest obedire, indignus est supplicio.

*Haud est nocens quicumque non est sponte nocens,
Fati ista culpa est.*

Aut religio
non datur, aut
libertas volu-
taris aliter est
definienda.

Breviter. Aut Religio non datur, aut libertas aliter definienda est. Quæ porro in hac sectione censentur, ea responsione sunt indigna. Duo tantum notanda veniunt. I. Censorem manifeste prævaricari, cum ex periodo illa Remonstrantium, qua dicunt *Adamum ad peccandum non fuisse adaptum per secretam & occultam aliquam determinationem, aut necessitationem (sive à Deo sive à diabolo profectam)* concludit, Remonstr. statuere diabolum posse determinare hominis voluntatem, eamque immediate movere: Verba enim ista *sive à Deo sive à diabolo profectam*, præcise non postulant istum sensum, sed alium etiam admittunt, qui ab eo abest quam longissime, hunc vid. Sive quis velit à Deo sive à diabolo eam determinationem proficisci, quasi dicatur, id Remonstrantibus perinde est; non quod Remonstr. velint idcirco fieri posse, ut diabolus determinet voluntatem hominis, nedum ut eam immediate moveat, sed ut significant, se ejus rei, à qua dici posset determinationem istam occulte proficisci, sive causæ determinantis, quæcunque tandem à quoquam, seu vere seu falso adsignari possit (potuissent enim addere sive à cælo, sive à temperamento, sive ab intellectu) rationem non habere, sed tantum ipsius necessitationis sive determinationis, quippe quæ cum vera libertate consistere nullo modo possit. Interim quantum & quousque diabolus in voluntatem impiorum, Deo ita permittente, agere possit, quis facile dixerit? Nemo novit quæ sit actio Spiritus in Spiritum. Diabolus etiam dicitur *ἐν ἐργείῳ* in filiis contumaciæ, Eph. 2. 2. Antichristi adventus dicitur futurus κατ' ἐνέργειαν τῆς σατανᾶς ἐν πάσῃ δυνάμει. 2. Thess. 2. 9. & Deus per Satanam immissurus *ἐν ἐργείῳ* πᾶντες, *εἰς τὸ πειθεύσαι αὐτοῖς τὸ ψεύδος*: Magna hæc sine dubio efficacia est, eam tamen esse efficaciam determinantem, nedum immediate moventem voluntatem hominis, nunquam affirmarunt Remonstr. quin imo contrariū se credere non raro sunt protestati; imprimis, si Deum impios ob ea ipsa, quæ, diabolo ita operante, faciunt, gravioribus poenis ac suppliciis afficere velle credatur.

Alterum quod notandum venit, est, Quod cum Censor videri vult asserere cum Remonstrantibus Adamum in peccatum non incidisse per ullius divinæ virtutis aut actionis ad evitandum peccatum necessariæ

cessariæ seu subtractionem, seu negationem; ejusmodi phrasibus & loquendi modis utatur, quibus non obscure significat, se contrarium ejus, quod asserit, credere, aut saltem id, quod credit, tegere voluisse. Nam nos asserimus, inquit, *Deum Adamo, dum in peccatum lapsus est, nihil subtraxisse donorum, quæ ipsi in statu innocentia concessa fuerant, quibus peccatum, si voluisset, vitare potuisset*: Item, *Nihil etiam negasse ad vitandum peccatum necessarium, si voluisset*: At I. Cur donorum tantum mentionem facit, & non virtutis vel actionis divinæ, de qua proprie quæritur? II. Quid hoc est, *si voluisset Adam*? In verbis istis dolus est. Aut omittenda ea fuerant, aut dicendum, ut posset vel le vitare peccatum, vel ut posset volitionem non peccandi habere: Volitio enim ipsa peccandi in Adamo, juxta Censorem & ei ἐπιφύφης, est peccatum; At hac locutione, si Adam voluisset, peccatum, id est, peccandi actus externus, puta esus ex arbore vetita, à volitione ipsa, & potentia actum istum externum vitandi, à potentia volendi vitare actum istum, distingui callide potest: ita ut sensus & mens Censoris hæc sit: Deus non subtraxit Adamo dona illa, quæ necessaria erant ut posset non edere ex fructu vetito. An posset velle non edere id dissimulat: imo, cum dicit, *si voluisset*, adeo speciose tegit, ut etiam id dissimulare videatur. Quod si tandem etiam dicat, Adamum potuisse velle vitare peccatum, novo fuce fraudem teget: Nimirum potuisse Adamum intelliget physice, quia voluntas est potentia natura sua indifferens: Non autem potuisse moraliter, aut, ut ita loquar, potentia proprie dicta, sive in sensu composito, id est, Adamum potuisse dicet, uti posse videre dicitur qui in tenebris sedet, & posse incedere qui catenis constrictus est. Vafritiem & imposturam hanc Ioannes Camero. nuper detexit Ioannes Camero in responsione sua ad Epistolam Doctori viri: & quis eam non palpat pene utraque manu, qui filum & connexionem sententiæ Censorum horum vel leviter tantum introspicit? Permissio ipsis est virtutis vel actionis istius negatio, sine qua homo nunquam non peccat, ita ut dici jure & Ethice possit, sine qua hominem non peccare impossibile est, etiamsi in voluntate potentia naturalis non peccandi semper maneat, quia est potentia natura sua indifferens ad non peccandum necessario, si Deus efficaciter eam velit movere, & ad peccandum necessario, si Deus eam non velit efficaciter movere, id est, si eam velit sibi permittere. Deinde voluntatem dicit Censor determinari ad volendum necessario à judicio rationis practico: Hoc si ita est, utique eo posito, non est in potestate voluntatis

vitare istud, quod ratio iudicat, & cum non sit in potestate voluntatis non habere istud iudicium rationis practicum, quomodo consequenter concipi potest Adamum proprie potuisse velle vitare peccatum, & sub pœna mortis utriusque tum temporalis tum æternæ debuisse velle vitare peccatum? Hæc sunt ἀνάλογια.

Sectio tertia nullam habet novam Censuram. *Remonstr.* inquit Censor, *semper cavent sibi ab exprimenda morte temporali*, Quid tum? Nec Scriptura uspiam mortem temporalem vocat. Tum ratio cur inde sibi caveant *Remonstr.* manifesta est; Mors enim ambigue dicitur temporalis, vel quia in tempore homini accidit & ad tempus tantum durat: Vel quia in tempore quidem accidit homini, sed tamen ita durat, ut nunquam sit finienda: ista, non autem hæc mors, proprie solet vocari temporalis. Eam autem Deum comminatum fuisse Adamo & posteris ejus, si legem transgrederetur, nusquam legitur. Et, si Deus eam comminatus fuisset Adamo, ejusque posteris, necesse fuisset Adamum ejusque posteros ex morte ista iterum resurgere, & postea in æternos cruciatus præcipitari, de quo sane scriptura ne γένηται quidem meminit. De iis qui Evangelium & apertam vitæ æternæ promissionem respuunt ac rejiciunt, ita loquitur Scriptura; at de Adamo ejusque posteris nec volam habet, nec vestigium: Quin contra, post recitatas miseras Adamo ejusque posteris eventuras, tandem comminatio definit in hæc verba, *Pulvis es & in pulverem reverteris*, Genes. 3. 14. Non quasi mors ista significet extinctionem aut annihilationem corporis & animæ, hoc enim mortis ratio non postulat, quæ nihil aliud quam dissolutionem animæ aut corporis, sive compositi totius destructionem vi sua importat; partium autem imprimis animæ sive Spiritus annihilationem nunquam significat, aut significare in Scripturis dicitur: Sed quod ea in perpetuum duratura, animæ autem hominis æternam mortem, id est pœnam damni, sive æternam separationem à beata & gloriosa Dei visione secum tractura esset: Per mortem itaque æternam, quam Deus Adamo ejusque posteris comminatus est, *Remonstr.* non modo non exclusam volunt eam, quæ temporalis secundo modo, quo diximus, appellatur, sed comprehensam etiam volunt, eamque æternam appellant quia nunquam finienda erat, & conjunctam sibi habitura erat æternam pœnam damni. Quocirca, mors hæc non terminus miserationum, sed pœna etiam à Remonstrantibus habetur. Neque tamen inde sequitur mortem homini primo naturalem non fuisse, sed tantum mortem quæ naturalis homini futura fuisset, non eventuram homini

Mors temporalis qua ratione pœna sit peccati primi Adami.

homini fuisse divino beneficio, nisi peccaret & Legem Dei transgrederetur; quod verissimum esse ex natura rei per se liquet. Quare cum Cenfor Sect. 4. dicit se *supponere Remonstr. per eternam mortem Adamo ejusque posteris denunciatam aternos cruciatus & inextinguibilem ignem intellexisse*, vehementer falsus fuit. Mirum a. merito videri debet, cum sub morte æterna etiam inextinguibilem ignem proprie dictum intelligi voluisse, cum ne quidem collega ipsius in disp. ult. *de vita ac morte æterna* id pro certo affirmare ausus fuerit, etiam respectu eorum, qui Evangelio rebelles sunt, & vitæ æternæ Evangelio clare expressæ promissionem contumaciter rejiciunt: Non obscure enim æternum ignem ad cruciatus, quos iræ divinæ sensus ingenerabit, refert Thef. 50 & 51. Sed Cenfores hi supra & extra omnem censuram sunt, & purior Theologia est, quicquid ab illis creditur, dummodo cum Remonstrantibus non sentiant.

Sectione IV. conqueritur Cenfor, quod Remonstrantes sententiam suam de peccato Originali ambigue explicant: *Nam cum dicunt, per unicum peccatum Adam, posteros ejus omnes privatos fuisse primæva illa felicitate & vera justitia, &c. non intelligunt. 1. posteris Adam imputatum fuisse peccatum ipsius ita ut in Adamo in culpa fuerint, &c.* Audacter. Nuppiam dicunt Remonstrantes se id non intelligere. Nec quæ ex Arminio & Corvino citantur ad id probandum aut Remonstrantibus omnibus adscribendum sufficiunt. Sed, nec Scriptura, nec ratio ulla, ut id dicant, cogit. Fatentur peccatum Adam a Deo imputatum dici posse posteris ejus, quatenus Deus posteros Adam ei-
dem malo, cui Adamus per peccatum obnoxium se reddidit, obnoxios nasci voluit, sive quatenus Deus malum, quod in pœnam Adamo inflictum fuerat, in posteros ejus dimanare & transire permisit. At nihil cogit eos dicere peccatum Adam posteris ejus sic fuisse à Deo imputatum, quasi Deus posteros Adami revera censuisset, ejusdem cum Adamo peccati & culpæ, quam Adamus commiserat, reos. Imo nec Scriptura, nec veracitas, nec sapientia, nec bonitas divina, nec peccati natura, nec ratio justitiæ atque æquitatis permittunt, ut sic Adami posteris peccatum Adam imputatum fuisse dicant. Scriptura testatur, Deum Adamo soli pœnam comminatum fuisse, & eam Adamo soli inflixisse: Divina bonitas, veracitas & sapientia non sinunt ut alienum peccatum alteri proprie imputet: Contra naturam peccati est, ut censetur peccatum, aut ut proprie in peccatum imputetur, quod propria voluntate commissum non est: Contra justitiam

Qua ratione
peccatum A-
dami posteris
ejus imputa-
tum dici pos-
sit.

tiam & æquitatem est, ut quis reus agatur propter peccatum non suum, ut vere nocens judicetur, qui quoad propriam suam voluntatem innocens est, sive potius non nocens. Et hæc injustitia tanto major est, quanto pœna, quæ ex imputatione ista sequitur, gravior est. Summa itaque injustitia est, si pœna, quæ imputatur, sit æterni sensus pœna.

Simile est Secundum quod dicit Censor, *Neque, inquit, per privationem vera justitiæ intelligunt relictum esse in unoquoque Adami filio ante proprium suum actum aliquod veri nominis peccatum.* Ita est. Quis enim sani cerebri capiat per privationem justitiæ originalis ob peccatum, relictum esse peccatum aliud distinctum tum ab illa privatione, quæ ipsa peccatum esse creditur, tum ab illo peccato, propter quod privatio illa facta est? Infaniendum est ei, qui hanc privationem capere vult. *At id nihil aliud est, inquit, quam peccatum originale prorsus negare, & solum peccati pœnam agnoscere, quæ in posteris suis etiam quod perpetraverat, luit Adam, non quod in illis sit aliquid odio dignum.* Neutrum agnosci necesse est, nec agnoscitur à Remonstrantibus. Nec quod aliquid odio Dei (proprie dicto sc.) dignum ex peccato Adami in posteris ejus sit, nec quod illud, quod in posteros Adami ex Adamo peccatore dimanavit, in ipsis peccati pœna proprie dicta sit. Peccatum itaque originale nec habent pro peccato proprie dicto, quod posteros Adami odio Dei dignos faciat: nec pro malo, quod per modum proprie dictæ pœnæ ab Adamo in posteros dimanet, sed pro malo, infirmitate, vitio, aut quocumque tandem alio nomine vocetur, quod ab Adamo justitia originali privato in posteros ejus propagatur: unde fit, ut posteri omnes Adami eadem justitia destituti, prorsus inepti & inidonei sint ad vitam æternam consequendum, aut in gratiam cum Deo redeundum, aut ad viam inveniendum, quæ ad vitam, aut in gratiam cum Deo redeant, nisi Deus nova gratia sua eos præveniat, & vires novas iis restituat ac sufficiat, quibus ad eam possint pervenire. Atque hoc significatum à Deo credunt ejectione Adami ex paradiso, typo cæli, & obsidione viæ, quæ ad illum patebat aditus: Hæc enim calamitas non tantum evenit Adamo, sed posteris omnibus Adami fuit cum eo communis. Peccatum autem Originis non esse malum aliud, id est, aut malum culpæ aut malum pœnæ proprie dictæ, quod vocant, ratio manifesta arguit: Malum culpæ non est, quia nasci plane involuntarium est, ergo & nasci cum hac aut illa labe, infirmitate, vitio, vel malo. Si malum culpæ non est, nec potest esse malum pœnæ quia

Quid Remonstrantibus sit Peccatum Originis,

quia culpa & pœna sunt relata : Culpa autem in posteris Adami alia esse non poterat, quam hæc; alia enim prior concipi non potest, quia alioquin non esset culpa seu peccatum Originis. Multo minus itaque fieri potest ut sit culpa simul & pœna. Præterquam enim quod nihil indignius Deo tribui possit, quam quod peccatorem peccato, quo de novo reus fit pœnæ, puniat; adeo diversa sunt culpa & pœna, ut prorsus sint incompatibilia. Pœna enim est actus Dei & actus iustitiæ; Culpa, actus hominis & *admixta*. Pœna est involuntaria : Culpa nisi sit voluntaria, culpa esse non potest. Et, cum Deus puniendo, hominem in ordinem cogere intendat, ista punitione novam inordinationem voluntati hominis injiceret, & sua punitione sibi ipsi novæ pœnæ occasionem daret, atque ita rationem iustitiæ & ordinem omnem pœnæ turbaret in infinitum usque. Malum itaque cum sit, necesse est, ut sit illud malum, quod Remonstrantes statuunt, & quod *κατὰ γενεάν* vocatur peccatum Originis. Atq; hæc fuit ipsissima Zuinglii sententia saltem quam primo asseruit ac defendit : An eam retractaverit non usque adeo certum est. Quicquid sit istam primam sententiâ Zuinglii sequuntur Remonstr. ut optimam & rationi maxime consentaneam. Qui plura volet hac de re, is videat quæ prolixè & doctè de ea disseruit Corvinus noster, quem imperitissime hic taxat Censor, quod dixerit, *hominem iustitiam non amisisse abjiciendo, & sese actu ea distinuendo, sed meritorie. Quin actu & meritorie*, inquit Censor. Insulse sane : Si enim actu, quomodo aut quorsum meritorie? Quis enim dicat eum qui sibi actu oculos effodit, meritorie oculos amisisse? Eum qui vestem suam abjicit, actu simul & meritorie vestem perdidisse? Potest quis rectè dici mereri mala & incommoda, quæ effossionem oculorum voluntariam aut vestimentorum petulantem abjectionem consequuntur : at, ut quis meritorie dicatur oculos perdere, qui eos sibi ipsi sponte sua effodit, ineptissimum est. Vidisse hoc videtur Censor, atque idcirco dixisse, *eum, qui seipsum denudat, actu vestes amittere, & mereri ne ipsi restituantur ab eo cuius munus contempsit*. Amittere enim & non restitui, duo sunt valde diversa. Qui actu vestes abjicit, mereri rectè dicitur ne vestes restituantur, at inepte dicitur mereri ut vestes amittat, vel ut eas abjiciat. Ne quidem nisi per *κατὰ γενεάν* quis dici potest meritorie veneno extingui, qui veneno dedita opera seipsum extinguit. Quod si nihilominus ita censet Censor, tum statuat necesse est hominem peccando seipsum punivisse, & à Deo non tantum privatum non fuisse donis istis, quæ ipsi concessa erant, sed, ne quidem iis privari potuisse,

Y

potuisse, aut ut iis privaretur, opus non fuisse. Quid enim denudari ab alio opus est eum, qui seipsum denudat? Si peccatum esset veneni instar, ita ut, sicut venenum qualitate contraria sua nativum hominis calorem extinguit: Sic peccatum etiam qualitate sua contraria justitiam extingueret, speciem aliquam haberet quod dicit Censor: At tantum abest, ut peccatum, instar veneni, qualitate aliqua contraria justitiam extinguat, ut actio sit, quæ à voluntate non minus libere producit, quam actio justa: & ut contraria tantum dicatur justitiæ sive justæ actioni, quia quando ea fit, alteram fieri impossibile est, imo alteram cessare necesse est, non quia extincta est, sed quia cum altera simul exerceri non potest. Non potest enim homo simul in eodem instanti velle & nolle. Quare, cum Censor ait; *Ratio ista, quod homo actus & meritorie simul justitiam amiserit, fortius militat in eo facto, de quo questio est, quia per actum injustitiæ, ipsa justitia desinit esse, non a. vestis per denudationem. Cum enim justitia sit accidens, cum abjicitur & in subiecto amplius non est, prorsus cessat.* Cum, inquam, hoc ait Censor, imperitiam suam ostendit. Nam I. etiam si per justitiam hoc loco non intelligeretur nisi actio justa, quæ injustitiæ sive actui injusto contraria est, tamen inepte diceretur is, qui injustam actionem facit, justitiam, id est, justam actionem abjiciendo amittere, & multo ineptius adhuc mereri amissionem justæ actionis. Cessat enim ac desinit justa actio, quando fit injusta, quia utramque simul fieri impossibile est, non quia ea, quæ ante facta est, extinguitur, abjicitur, aut amittitur. Quid enim vanius? Sed II. de justitia ista, quæ actionem justam significat, & actioni injustæ opponitur, hæc jam non agi Censor fateatur necesse est. Nam justitiam originalem vult esse, non actionem, sed qualitatem, donum vel habitum infusum à Deo, & de illo quæritur, an uno peccandi actu meritorie simul & actu amissa sit. Certe, ne quidem de habitibus acquisitis dici potest quod uno peccandi actu excutiantur, quanto minus de infusis istis? quin imo, ratio recta non finit ut id dicatur. Nam alterutrum Censor dicat necesse est, si id certe ac vere dici posse credit. Aut factum id fuisse vel evenisse ex vi peccati, quatenus peccatum erat; Aut ex speciali aliqua Dei ordinatione. Si ex speciali Dei ordinatione id factum vult, tum sane istam ordinationem Dei allegare debuisset, & non rationem istam quod justitia, quia est accidens, prorsus esse desinit, cum injustitiæ actus patrat. Imo, quid speciali Dei ordinatione opus est tum, cum natura rei talis est, ut aliter se habere non possit, sive ordinatio Dei adsit, sive

Justitia sive
consideretur
ut actio justa,
sive ut habi-
tus, inepte di-
citur actu &
meritorie ab-
jici.

Rationibus
manifestis id
evincitur,

sive abfit? Si ex natura peccati id factum vult, quia per actum iniustitiæ, iustitia definit esse, tum necesse est ut dicat, I. à contrario, ex natura iustæ actionis peccatum omne abjici, & iniustitiam etiam perire ac desinere esse, si non meritorie, saltem actu. Eadem enim ex utraque parte est ratio, si natura tantum & vis actionis utriusque consideretur.

II. Omnem eum, qui peccat, non meritorie tantum, sed actu etiam, sive eo ipso quod peccat, iustitiam omnem, sive acquisita sit, sive infusa, amittere atque abjicere, veluti vestem: Proinde regenitos, quando peccant, imo, quando unum tantum actum peccati committunt, actu ipso exuere omnem iustitiam, & quando vicissim unum iustitiæ actum exercent, abjicere totam vestem peccati & iniustitiæ, quæ sane totidem sunt absurda. His jam adde; Quod si dicatur Adam iustitiam Originalem, non meritorie tantum, sed actu ipso perdidisse, aut vestis instar abjecisse cum peccaret, non solum quæ comminationis divinæ, sed etiam atque imprimis, quæ sententiæ divinæ vis sit, post admissum peccatum, non apparet. Nam, quid comminatus diceretur Deus homini, si peccaret, & quid homini postquam peccasset per sententiam istam, quæ extat, Genes. 3. denunciavit atque inflixit, si homo non meritorie tantum, sed actu ipso jam abjecerat omnem istam iustitiam originalem, & dona omnia, quæ ipsi à Deo concessa erant? Sed & libet quærere ex Censore, cum statuatur voluntatem esse potentiam natura sua indifferentem quidem ad sequendum hoc vel illud iudicium rationis, & necessario tamen sequentem ultimum iudicium rationis, quod vocat, quomodo concipere possit, voluntatem hominis primi peccando perdidisse aut abjecisse iustitiam aliter, quam quia cessante iudicio rationis ultimo, quo ante movebatur (cessare a. non poterat per culpam hominis, quia sic iudicium rationis à voluntate dependisset, quod contra esse fatetur Censor) homo iustitiam facere non poterat? Imo quomodo concipere possit aliter primum hominem perdidisse iustitiam quā nunc quilibet iustitiam perdit, cum peccat? Voluntas enim, juxta Censorem, nunquam abjicit proprie iustitiam, nedum vult abjicere, sed cessante rationis iudicio tantum cessat recte vel, non quia directe vult cessare, sed quia non potest non cessare ab actu isto volendi, ad quem à iudicio non movetur.

Atqui inquit Censor: Deum tanquam iustum iudicem destituere (nempe actu) hominem iustitia ob peccatum ab eo commissum, non video quomodo dici possit, nisi ab eo, qui statuatur, ex sensu Remonstrantium, simul Deum autorem esse omnium peccatorum, quæ destitutionem illam necessario sequuntur.

Actus, quos
homo gratia
divina priva-
tus & destitu-
tus non potest
non facere, nō
sunt formali-
ter peccata,
per quæ ad
novam pœnā
obligatur.

Mirum fane quod Cenfor non videat rem per se clarissimam. Nam Remonstrantes negant actus illos, qui sequuntur destitutionem sive privationem illam divinam, esse formaliter peccata, id est, illos valide obligare ad pœnam eos, qui actus istos patrant. Non negant quidem actus illos materialiter peccata dici posse, quatenus actus sunt difformes voluntati divinæ; at negant eos formaliter esse peccata, quæ sc. ad pœnam obligent eos, à quibus fiunt. Nemo enim obligari jure potest ad impossibilia, quæ quidem ex actione ejus, cui obligatus est, prorsus sunt impossibilia, nedum ut obligetur ad pœnam, eamque majorem, imo omnium gravissimam, nisi impossibilia ista faciat. Cru- delitatis & tyrannidis apex foret ejusmodi obligatio: Aut necessaria ad præstandum quod jubetur, relinquenda sunt, aut, si semel ablata fue- rint per modum justæ punitionis, restituenda sunt, ut obligatio sit justa ac valida. Quare, quæcunque ab homine, postquam justitia origina- li à Deo privatus est, committuntur peccata, per quæ reus pœnæ fit, ad ea evitanda dicunt homini relictas esse necessarias vires, aut de novo ei à Deo restitutas. Nisi ita esset, Deus revera autor foret omnium i- storum peccatorum, quæ sine ablata gratia evitare non possunt; quin & metere vellet, ubi non modo non sevit, sed ubi sementem, & semen- tis spem omnem radicitus sustulit, atque extirpavit.

Posthæc taxat Cenfor id, quod Remonstrantes declarant, scilicet *Deum benignissimum generali isti malo, quod ad nos ab Adamo deriva- rum est, gratuitum in filio suo dilecto remedium omnibus præparasse. Si, inquit, id ita intelligatur, ut Deus voluerit remedium istius actui omnes fieri par- ticipes, eventus manifeste hunc sensum redarguit. Imo vero eventus sen- sum istum non redarguit. Eventus docet omnes remedium istius non fieri actu participes, at non docet Deum à parte sua serio non voluif- se aut eo fine & intentione remedium non præparasse, ut omnes ejus actu fierent participes. Ex eventu de voluntate Dei semper non est ju- dicandum. Scriptura diserte dicit Deum usque adeo dilexisse mundum, ut dederit filium suum, Ioan. 3. 16. Deum in Christo mundum sibi recon- ciliasse 2. Cor. 5. 19. Deum velle omnes homines servari, nolle ut quis- quam pereat. 1. Timoth. 2. 4. 2. Petr. 3. 9. &c. Et tamen pau- cos admodum servatum iri, eadem Scriptura testatur. Sed hac de re alibi. Si vero, inquit Cenfor, id saltem de omnibus, qui sine actuali suo peccato moriuntur, intelligant, non videmus quomodo Pelagii societatem eju- rare possint. Mirum! Pelagius enim contendebat, uti Augustinus refert Epist. C V I. Adamum sive peccaret, sive non peccaret, moriu- rum*

um fuisse, & quod peccatum ejus ipsum solum laeserit, non genus humanum, & quod neque per mortem, neque per prevaricationem Adæ omne genus humanum moriatur; Id est, uti exponunt Remonstrantes ex peccato Adami malum nullum, id est, neque mortem neque vitium, infirmitatem aut debilitatem ullam ad posteros dimanasse, quod ipsum in Pelagio etiam damnare videtur *Concilium Arausicanum*, can. 2. & 28. At quicquid sit de Pelagio, id perinde est Remonstrantibus. Nam pro certo statuunt, quicquid in contrarium Augustinus, alique judicaverint, Deum nullos infantes, sine actualibus & propriis peccatis morientes, æternis cruciatibus destinare velle, aut jure destinare posse, ob peccatum, quod vocatur Originis, quod nulla propria culpa contrahi ab infantibus dicitur, idque ex peccato alieno, & quod ipsorum esse creditur, non aliam ob causam, quam quia Deus id ipsis imputare vult. Aliena hæc est à divina bonitate & ratione recta opinio, imo incertum, utrum in ea major absurditas, an crudelitas præponderet. Innocentium & tenellarum animarum sanguinem nimis vilem & cruciatuum æternorum supplicia nimis levia censeant necesse est, qui tam horridæ sententiæ subscribunt, aut in gratiam ullorum hominum, siue Patrum, siue conciliorum, ei fidem adjungunt. At, inquit Censor, *remedium ut ælū morbum tollat, actu etiam contrarium habitum operatur*. Inepte. Remedium enim quod per mortem Christi præparatum est, ne quidem Censori ipsi remedium est, quod actu habitum aliquem operatur: Satisfactio enim I. Christi non operatur quicquam in hominibus, sed pro hominibus apud Deum tantum operatur gratiam siue reconciliationem, quæ in remissione peccatorum & justitiæ imputatione consistere, & non tantum habitum omnem sanctitatis, sed fidem etiam ipsam præcedere creditur. Spiritus sanctificans operatur habitum justitiæ siue sanctitatis, non mors Christi: Mors Christi meretur, non autem renovat. At vero, quod Deus in omnibus iis, ad quos remedium istud pertinet, justitiam originalem in Adamo amissam per Sp. S. operari iterum velit, id de infantibus falsum esse credunt Remonstr. Vellet enim Deus operari habitum in subiecto habitus incapace, quod sapientiam Dei nullo modo decet. Sufficit itaque si infantes sine peccato actuali moriantur, ne à parte sua exclusi credantur à remedio per Christum præparato. Nec refert, an infantes isti sint fidelium, an Ethnicorum liberi. Infantium enim, qua infantium, innocentia est prorsus eadem: Nec Fæderis gratuiti natura destruitur, quando hac in re fidelium & infidelium infantes æquantur

Discrimen inter Pelagii & Remonstrantium sententia ostenditur.

Deus nullos infantes æternis cruciatibus destinare jure potest ob alienum peccatum.

Satisfactio Christi remedium est pro hominibus apud Deum, non remedium Dei per quod in hominibus operatur.

EXAMEN CENSURÆ

uti Cenfor in fine hujus paragraphi argumentatur. Nam promissio quæ Israelitis, *patribus & liberis eorum omnibusque, qui longe erant, quoscunque advocaturus erat Dominus*, facta legitur in Scripturis, Actor. 2. 39.

Locum Actor.
11. 39. perpe-
ram à Cenfo-
re allegatum
esse ostendi-
tur.

ad liberos Iudæorum, quatenus infantes adhuc erant, diserte non re-
fertur, nec referri credit ipse Cenfor: quia remedium à Christo præ-
paratum ad fœderatos fidelium liberos non certo, aut ex fide, sed ex
charitatis iudicio pertinere paulo ante affirmavit. Si enim ex promissio-
ne fœdere comprehensa, pertinere credit, quomodo non certo & ex
fide pertinet? Fidei enim, de qua hic agitur, objectum vel ratio forma-
lis est divina promissio. Per eos vero, *qui longe sunt*, intelligi posteros,
quatenus infantes sunt quo verisimili argumento confirmabitur? Imo
fœderis ratio & verbum *advocandi*, quo ex ratione fœderis advocatio
cum effectu vel eventu potius conjuncta intelligi necessario debet,
contrarium prorsus evincunt. Promissio enim fœdere comprehensa,
non pertinebat ad fœderatos, quatenus simpliciter fœderati nasceban-
tur, alioquin ad Iudæos rebelles etiam, qua rebelles Christo erant, pro-
missio pertinuisset; sed quatenus ad fœderis formulam se compone-
bant: Vnde per eos, quos Deus advocaturus dicitur, intelligendi non
sunt alii quam Iudæi, nati quidem, sed qui Deo vocanti erant parituri;
nisi quis gentiles isto commate designari velit, qua expositione respon-
sio hæc nostra magis adhuc confirmabitur. Interim notandum hoc lo-
co venit, verissimum esse id quod hactenus, & nominatim quidem in
Antidoto suo monuerunt Remonstr. adversarios ipsorum credere ab-
solutam Reprobationem ad infantes non tantum gentilium, sed etiam
fœderatorum & fidelium extendendam esse, & quicquid aliter videri
velint sentire, tamen id non nisi de iudicio charitatis, non a fidei, ac-
cipiendum esse. Nam hoc diserte hic fatetur Cenfor, & totidem ver-
bis, ut dubitare amplius nefas sit. Crudelis animus sit necesse est, qui
tam crudelem benignissimo & φιλανθρωπῶ Deo affigit voluntatem.
Sic enim Infantium longe pejor & deterior foret conditio, quam dia-
bolorum, quos non nisi propria & vincibili, ut vocant, culpa sua, &
singulos quidem damnatos esse & adjudicatos æterno ignis supplicio
ex Scriptura constat.

Ex Censura
hac patet, Cē-
fores credere
Reprobationē
absolutam ad
infantes fide-
lium etiam
extendendam
esse.

Ambigui-
tas Vocabuli
Absolute,

Posthæc censentur Remonstr. quod dicant *Canones Synodi Dor-
dracene fundare decretum absoluta Reprobationis in peccato originali, hoc
enim est tribuere iis, quod oppositum in appositio statuunt, &c.* Lusus hic
est in voce *Absolute*, qui detegendus est, quia mirum quomodo voca-
bulis his, veluti fascinis, imperitorum aut incautiorum oculos præ-
stringant,

stringant, ne arcanum sententiæ eorum videant. Vox *Absoluta* aliqua Censores quando comparationem excludit, aliquando omnem simpliciter respectum. Hic excludit comparationem tantum: Nam Contra-Re-monstr. dicunt, Reprobationem considerari vel comparate vel non comparate. Comparata Reprobatio est, inquiunt, quæ consideratur cum relatione hujus personæ ad illam. Hanc negant fundari in peccato Originali. Ratio enim cur Deus hunc, non a. illum reprobat, non est peccatum Originale, quia hic non minus quam ille peccato Originali tenetur. Non comparata reprobatio est, quæ simpliciter hunc in individuo, ut hunc reprobat. Hæc non fit, inquiunt, sine respectu omni ad peccatum Originis: Vide *Amesum*, aliosque. Hoc sensu vocant Remonstr. decretum absolutæ Reprobationis. Atque hæc quidē, etsi revera sunt futilia, & pæne dixerim puerilia, tamen indicanda sunt: Quid enim facias? Istis Scholaribus ineptiis & conceptionibus famelicis pugnant Magistri nostri veluti justis armis, & subtiles sibi videntur ac tantum non Seraphici, cum tamen non nisi in re seria difficiles nugas & ex fæno ac stipulis casam fabricent.

Sectione V. fallere ac falli dicit Remonstr. si loca illa Genes. 6. 5. & 8. 21. *Omne figmentum & cogitationem cordis tantum malam esse omni tempore, Vela pueritia ipsius, de actualibus peccatis ita intelligant, ut corruptionem naturalem non includant, &c.* At dicere sine probatione, quod fallunt & falluntur, Pontificiorum Cenforum est, non Refor-matorum, Contra: Si loca illa sic sunt intelligenda ut corruptionem naturalem, id est, peccatum Originis includant, tum sane includere dicenda sunt aut ex vi & proprietate ipsarum vocum & phrasium, quas continent, aut ex alia certa hypothesi & fundamento: Si hoc agi. dicatur, tum peccatum Originis non ex hoc loco est desumendum, sed locus hic ex articulo de peccato Originis interpretandus est. Si dicatur istud, tum sane non erat dicendum loca hæc includere peccatum Originale, sed diserte exprimere, quod contra esse ex phrasium istarum usu in Scripturis, & in vita communi manifestum est; Vide Ezech. 16. 22. & vers. 43. & 60. Ezech. 23. 8. Esai. 47. 12. 15. Jerem. 3. 25. Jerem. 32. 30. Psalm. 58. 4. Psalm. 71. 5, 6. Esa. 48. 8. Iob 31. 18. &c. Sed idem satis manifeste evincunt voces, *Figmentum omne, & cogitationes cordis*, item, *corrumpere viam suam*. Eas enim referre velle ad peccatum Originis nimis insulsum est. Sic enim de Noacho etiam dictum hoc verum fuisset, quod figmentum ejus omne & cogitationes cordis ejus prævæ erant, quia

quia peccato Originali non minus quam ceteri laborabat, cum tamen expresse de eo dicatur, Genes. 8. quod Deus *eum invenerit iustum coram se, in generatione ista*: Deinde, hoc ipsum, quod figmentum omne cordis hominis malum esset, pro causa immissi diluvii à Deo recensetur. Peccato a. Originali ut causæ diluvium adscribere stultum est. Contrarium potius quis collegerit, cum dicitur, *Omnis caro corruperat viam suam*; corruptio n. integritatem supponit. Nec refert quod additum legatur à *Pueritia*, Ista n. phrasi, aliisque similibus, *ab utero, à Vulva matris, ab incunabulis, à natura, lacte matris*, non denotari semper ætatem primam hominis, sed longam & quasi radicatam corruptionem, fidem facit præter ista, quæ adduximus aliaque multa Scripturæ loca, & communem loquendi usum, hic ipse locus, qui mentionem non facit nisi figmentorum & cogitationum malarum actualium, quarum prima ætas hominis capax non est. Mirum vero merito videri debet, quod duo hæc loca jungat Censor, & in utroque loco ad idem peccatum Originale respici velit: Nam, quam quæso veri speciem habet, quod in uno loco peccatum Originale causa Deum ad immittendum diluvium impellens statuatur, in altero vero idem peccatum statuatur causa vel ratio, quæ Deum impulerit, quo minus imposterum diluvium vellet immittere? hæc non cohærent.

De Pravitate
sive corruptio-
ne, quæ in vo-
luntate esse
potest.

Addit Censor, *Remonstrantes dicere quidem voluntatem peccandi ad-
suetudine magis magisque depravari. Sed id non convenire cum doctri-
na eorum, quia negant voluntatem unquam corruptam esse in se, sed
tantum impeditam per tenebras mentis, & affectuum inordinationem.* Cen-
suram hanc in seipsum dixit Censor: Falsum enim est, Remonstran-
tes simpliciter negare voluntatem in se corruptam unquam esse. Ne-
gant quidem habitus infusos aliosve per quos ad unum determinetur,
in ea locum habere, quippe quæ natura sua libera & indifferens est ac
semper manet, sed non negant habitus in ea ullos esse posse, quibus
præsentibus nihilominus maneat indeterminata & indifferens: Sal-
tem hæc mens eorum est quando contra habitus infusos in volunta-
tem disputant. Deinde tantum abest ut ex eorum sententia sequatur
corruptionem nullam in voluntate hominis locum habere posse, ut
contrarium ex ea sequi manifestum sit, quia voluntatem à se ipsa de-
terminari affirmant, ac proinde eam frequenter seipsam determinan-
do in unam partem habitum acquirere posse, qui difficulter mobilis
est & in voluntate etiam nihil agente hæret. At à Censore ipso, si con-
sequenter loqui velit, id negari luce clarius est. Tota enim pravitas
& cor-

& corruptio, quæ in voluntate statui potest à Censore, ea non est intrinseca quædam vitiositas seu habitualis forma aut qualitas prava, quæ in voluntate etiam nihil agente inhæret, & à qua voluntas denominatur prava, sed revera nil nisi naturalis voluntatis motio, cui accidit corruptam esse, id est, inordinatam ob lucis bene dirigentis defectum, statim atque è vestigio desitura, si accedat tantum illuminatio mentis. Et ratio est manifesta; Voluntas enim, juxta Censorem, sequitur necessario judicium rationis practicum. Hoc itaque posito tantum vel sublato, volitio in voluntate necessario bona est aut mala, per consequens voluntas hominis non magis prava fit, si judicium rationis falsum sequatur per annorum aliquot centurias, quam si sequatur illud pene ad unicum, ita dixerim, momentum. Breviter, voluntas hominis mali prava est juxta Censorem, sicut hominis cæci locomotiva alioquin sana, prava sive inordinata est; non quia ei pravitas habitualis inhæret, sed quia luce dirigente destituta actu tantum in movendo se aberrat, aut in incertum vagatur, ordinate statim se motura, si modo lux oculis restituatur. Censura de distinctione peccatorum in *peccata carnis & Spiritus*, quam ex Scripturis fecerunt Remonstrantes, vix digna est examine. Nam Censor ipse certum sensum assignat, quo admitti illam posse fatetur: Et sensus iste Scripturæ & Remonstrantium sensus est, nec alius esse posse viderur; Peccata carnis sunt ista peccata, quæ in carne & per carnem potius, quam in Spiritu & per Spiritum peraguntur, sive quæ crassam & sensibilem delectationem aut commotionem in se habent, ut ebrietas, scortatio, ira. Peccata Spiritus quæ in Spiritu & per Spiritum potius peraguntur quam in aut per carnem, ut odium, invidia, superbia, ambitio &c. Nota tamen rationem, qua Censor utitur, ut probet hanc distinctionem peccatorum admittendam non esse extra hunc sensum, *quia quicquid natum est ex carne, caro est*, frivolam esse. Isto enim in loco non agitur de peccato, neque homo quia, aut qua peccator est, isthic appellatur *caro*. Nihil minus, uti ex scopo loci manifestum est; sed ibi tantum agitur de generatione hominis ex homine, quatenus generatio est actio naturalis, humana, sensibilis, & palpabilis, citra ullam peccati, cum quo illa generatio sit conjuncta, rationem. Sensus enim est: Non loquor de carnali generatione, qua homo carneus hominem carneum generat, qualem Nicodemus sibi imaginabatur, sed de spiritali, qua spiritus Dei hominem regenerat. Ista crassa, carnea, & palpabilis est generatio, & vilis proinde ac nullius momenti. Hæc spiritalis est &

De Peccato-
rū distinctio-
ne in peccata
carnis & Spi-
ritus.

Sensus loci
Ioan. 3. 6. præ-
ter scopum à
Censore alle-
gati.

excellenter atque alterius plane generis. Caro itaque non opponitur Spiritui hoc in loco ut impurum puro, aut ut peccatum sanctitati: sed ut diversum diverso; Nisi id dicatur, tum necesse est ut in opposito membro eadem sit ratio quæ in priore: *Quicquid ex spiritu est, spiritus est*, ut sensus sit, spiritualis renovatio hominis sic reformat totum hominem, ut nihil carnis reliquum maneat, quem sensum non facile admittet Censor.

De lapsibus
levioribus
sententia Re-
monstrantiū.

Quæ porro de levioribus lapsibus declarata sunt à Remonstrantibus, ea per se plana sunt, at Censoris unguem non potuerunt effugere. Leviores lapsus, qui ex vera infirmitate, ignorantia, inadvertentia, subita aliqua & levi passione aut occasione fiunt, & evestigio desinunt, dicunt Remonstrantes à Deo non cenferi inter ea peccata, propter quæ homines excludere vult ex regno cælorum; aut à quibus omnino liberos atque exsolutos esse necesse est eos, qui salvari volunt, aut spem salutis æternæ certam concipere: Dicunt itaque contingere posse, ut I. quis ab istis infirmitatibus & lapsibus non omnino se exolvat, etiamsi quantum potest operam det, ut iis in hac vita se exolvat. II. ut pænitentiam de iis ex professo non agat, non quia eam agere non vult, sed quia contingit aut accidit quod eam non agat, & tamen juxta fæderis gratiosi formulam æternum salvetur. Iuxta fæderis gratiosi formulam, inquam: Neque enim credunt Remonstr. lapsus illos ejusmodi esse, ut natura sua sint veniales, quasi Deus propter eos non posset hominem excludere ex regno cælorum, si ex rigore cum eo veller agere: Absit: Sed credunt Deum ex pura gratia & misericordia propter eos neminem excludere velle, quam diu lapsus sunt, qui ex vera infirmitate proveniunt; cujus rei signum certissimum est, quando ab hominis voluntate abest propositum & studium ab iis se non exolvendi, aut de iis pænitentiam non agendi, etiamsi actualis exsolutio & pænitentia non adsint. Peccatorum cæterorum alia est ratio: Propositum exolvendi ab iis & pænitentiam agendi de iis non sufficit ut salutis spes certa concipiatur, sed actualis exsolutio, aut expressa de iis pænitentia plane necessaria sunt. Cui adde, quod de lapsibus istis pænitentia semper & facile fieri possit: De his sæpe difficulter admodum possit fieri pænitentia, & an semper possit fieri à multis Theologis dubitetur, quanquam Remonstr. eam semper fieri posse haud inviti concedunt.

De habitu pec-
candi plenior
declaratio.

Quod a. Remonstr. actum peccati ab habitu peccandi accurate distinguendum esse declarant, eo non significant, fieri non posse ut actus
unus,

unus, etiam juxta fæderis gratiosi formulam, hominem excludat à regno cælorum, aut habitum sive peccandi consuetudinem solam esse id, quod hominem damnationi reddit obnoxium. Nihil minus. Fieri enim posse credunt ut actus unus tam sit enormis, id est, tam enormiter male patretur, ut non modo consuetudini æquetur, sed & longe præponderet, quatenus consuetudo sive permanentia in peccatis aut peccato dari potest, quæ sine directa aut deliberata voluntate in peccato permanendi sit: actus vero unus enormiter malus dedita opera & deliberata voluntate contra dictamen naturalis rationis, aut supernaturalis revelationis expressum & præsens fieri potest; qui vid. cum aperta divini mandati læsione & proximi injuria est conjunctus. Hujusmodi a. actum consuetudini isti præponderare recta ratio docet. Hujusmodi etiam actum non unum tantum & alterum, ut Censor ait, sed unum tantum sufficere credunt ut homo damnationi obnoxius censeatur. Nec gratiosi Fæderis formulam huic sententiæ suæ credunt repugnare, quin imo, haud obscure eam stabiliri posse credunt ex Matth. cap. 12. 36. ubi de Blasphemia in Sp. S. & de quolibet otioso verbo (non uti Censor ait de otiosis verbis) agitur. Per otiosum enim verbum sive *ῥήμα ἀργὸν* isto in loco blasphemiam tantum in Spiritum intelligendam esse, rationibus variis evinci potest.

Sectione VII. quamquam Remonst. non dixerant pro quantitate & qualitate peccatorum assignatam esse pœnam vel damni vel sensus, prout verba eorum perperam refert Censor, tamen diffiteri nolunt, istam esse sententiam suam, Deum non omnibus peccatis, id est peccatoribus (Peccatum enim non punitur) assignasse æternam pœnam sensus & damni, qualem Censor peccatis debere vult. Nec locus iste quem ex Epist. ad Rom. 6. 23. citat ad contrarium probandum facit; imo non obscure de isto peccandi genere ac modo agit, qualem paulo ante tribuerat Apostolus Romanis nondum conversis, cujus finem etiam dixerat esse mortem, v. 21. Et oppositio doni vitæ æternæ istum sensum non leviter confirmat. Donum enim istud non significat actum unum obedientiæ fidei, quæ ex gratiosa Dei donatione, vitæ æternæ promissionem habet, sed Christianam obedientiam totam, eamque continuam, cui peccatum sive *ἀμαρτία* ista opponitur. Quod interim Censor peccati pœnam in se esse dicit æternam mortem, quæ cum damno privationis bonorum, etiam habet sensum gravissimorum malorum, corporalem & spirituales mortem simul, id ad rem hic nō facit. Non enim dicunt Remonst. quod pœna peccati variet quantitatē & quali-

An peccatis omnibus, etiam levissimis, à Deo assignata sit æterna pœna sensus & damni.

EXAMEN CENSURÆ

& qualitate, quatenus peccatum in se consideratur : Iſtam litem Scholaribus Magiſtris & qui ſeria ſaſtidiunt, relictam volunt ; Sed tantum dicunt à Deo adſignatam eſſe peccatis pœnam variam pro quantitate & qualitate peccatorum , ſive iſta adſignatio facta ſit ex conſideratione peccatorum in ſe , ſive ex *emendatæ* , id eſt juris ſtricti & ſummi moderatione. Quid enim hoc ad rem facit ? Mirum vero merito alicui videatur, quod Cenſor, cum quæ ſit pœna peccati in ſe declaret, & pœnam illam dicat eſſe mortem æternam : Mortem a. æternam nullam ſe poſſe agnoſcere dicat, quæ cum damno privationis bonorum non habeat etiam ſenſum graviffimorum malorum, nihilominus tamen diſtinctionem graduum in pœna iſta locum habere, imo cum diſtinctione iſta pœnam peccati in ſe ſemper intelligi velit. Nam I. unde id habet? quæ ratio peccati, quatenus peccatum in ſe conſideratur, cogit, ut gradus iſti diſtinguantur in pœna, vel ut peccatum quodlibet non niſi certum punitionis æternæ gradum mereri dicatur ? II. Cum mortem æternam ſimpliciter velit eſſe ſtipendium peccati in ſe conſiderati, quid cogit eum, ut ſub morte iſta æterna ſenſum graviffimorum malorum ſemper comprehenſum eſſe velit, & tamen ſimul gradus malorum diſtinguat ? Graviffima enim iſta mala ſenſus quomodo intendet & remitter? Tum an ratio dicat æternam ſenſus mali durationem eſſe formalem peccati pœnam, & non malum ipſum ſenſus ſimul ac damni intenſiſſimum ? Per quam regulam ? Si dicat in Scripturis diſtinctionem illam graduum fieri, tum in ſophiſticatione illam incidet, quam tribuit Remonſtrantibus. Sic enim peccatum in ſubjecto confundet cum peccato in ſe, nec ex eo concludere poterit quod ſit meritum peccati in ſe ; ſed quomodo Deus cum peccatoribus agere velit pro ſua libera voluntate. Nec effugiet, ſi dicat ſe per peccata in ſubjecto non intelligere niſi peccata quæ committunt electi, qui vocantur : Nam ſic alteram ſophiſticationem prodet, & ſimul arcanum profanæ ſententiæ ſuæ, quod peccata non qualitatibus ſed ſubjectis diſtinguat, id eſt, quod credat Deum quæcunque ab electis iſtis & albæ galliæ filiis committuntur, etiamſi ſint atrociffima ſcelera & flagitia, pro peccatis non cenſere, aut pœna ulla afficere velle, cæteros vero omnes, nulla ſua propria culpa reprobatoſ, mortibus omnibus, id eſt damni, ſenſus, ſpirituâli, corporali, temporali, æterna excarnificare velle, etiamſi leviffimum tantum peccatum unum committant, imo etiamſi in utero materno ſine actuali ullo peccato aut peccandi potetia moriantur, aut ſimulatq; nati ſunt iterum obeant. Vah Crudeles homines & vere barbaros, quin & irrationabiliter miſericordes.

Quæ-

Quæcunque sectione VIII. & IX. à Remonstrantibus declarata sunt, ea non possunt improbari, inquit Censor. Id tantum animadvertimus, ait, quod Remonstr. diligenter sibi cavent ne fidei in Christum expressam mentionem faciant sub V. T. sed tantum fidei in Deum & generale solum gratia ac favoris Dei promissum agnoscant. Hæc animadversio admodum est inconcinna, ambigua, & prorsus inutilis. Inconcinna; quia à Remonstrantibus expressam mentionem fieri vult fidei in I. Christum, quæ sub V. T. locum habuerit, cum fidei istius sub V. T. nec in toto Veteri, nec in toto N. Testamento aperta mentio uspiam facta legatur, nec ratio ulla necessaria assignetur, propter quam credendum sit ejus rei apertam mentionem à Remonstrantibus fieri debuisse. Ambigua est; Quia per Fidem in Christum intelligi potest aut fides historica illa, qua creditur Messiam aliquando venturum; aut fides justificans, qua in Messia moriturum, & morte sua redemptionem populo suo impetraturum, imo ex morte in vitam suscitandum creditur, Istius Fidei mentionem expressam sub V. T. ut facerent Remonstr. non erat necesse. Nec enim ista fides est fides illa, qua salus & remissio peccatorum obtinetur. Et nemo est. qui dubitare audeat. Fidem illam sub V. T. inter Iudæos locum habuisse, cum ex historia V. T. id nimis manifeste liqueat, ubi expresse legitur fuisse illam communem Iudæorum fidem, & imprimis sanctorum multorum, qui redemptionem Israel expectasse dicuntur Luc. 1. &c. Samaritana etiam mulier id diserte satis testatur, Ioan. 6. 52. Scio Messiam venturum qui dicitur Christus, cum venerit, ille nobis annuntiaturus est omnia. Hujus a. Fidei, qua in Christum moriturum creditur, mentionem expressam sub V. T. ut facerent Remonstrantes, sine ulla justa ratione ab ipsis petitur, cum certum sit locum nullum esse, unde appareat Fidem istam sub V. T. præceptam fuisse, aut viguisse: imo cum ex N. T. certum sit, communem Iudæorum, ipsorumque adeo Apostolorum jam in Christum credentium, etiam post apertam de morte Messie mentionem. opinionem fuisse hanc, fore, ut Messias non moreretur, aut morte sua redemptionem fidelibus impetraret. Hæc tamen cum dicunt Remonstr. non idcirco negant verum esse, Fidem in Iesum Christum sub V. T. locum habuisse. Etsi enim credunt Fidem in Iesum Christum moriturum directe atque aperte sub V. T. præscriptam atque exercitam non fuisse, nihilominus tamen statuunt, Fidem illam, quæ sub V. T. fuit, indirecte Fidem in Iesum Christum dici posse, quatenus sub V. T. gratia & salus per Christum parta sub generalis gratiæ & favoris divini promisso abscondita & sub

Questionem de Fide in Iesum Christum, an & quomodo ea sub V. Testamento locum habuerit, inconcinnam, ambiguam & inutilem esse ostenditur.

typis & umbris, quarum corpus erat Christus, velata, & rudi veluti Minerva adumbrata fuit, *Lex enim umbram habuit rerum futurarum, non ipsam expressam imaginem.* Heb. 10. 1. Col. 2. 17. & *Lex fuit pædagogus in Christum,* Gal. 3. 14. unde & *Fides venisse* dicitur sub N. T. ibidem vers. 2. aliaque in eandem sententiam. Quod si quis hoc sufficere non credat, is videat quomodo ex V. aut N. T. probare possit aperta atq; expressam rerum istarum, quæ Fidei expressæ in Christum objecta sunt, mentionem factam esse sub V. T. Remonstr. fatentur se id deprehendere hæcenus non potuisse. Fidem interim illam, quæ in promissionem Dei generalem, quæque in typos atque umbras ferebatur, credunt à Deo censitam fuisse, ac censi recte posse pro Fide in Christum, eadem plane ratione, qua Isaac, qui erat semen illud Abrahamo promissum, Christus appellatur, & promissio de semine isto, promissio de Christo Gall. 3. 16. & 19. : imprimis si umbras & typos istos intellexerent esse umbras & typos venturi Christi, quamquam id paucos ad modum intellexisse verisimile est. Atque hoc quidem sensu interpretantur dicta veterum Patrum non pauca, quibus sine Christi notitia & fide salvari potuisse & salvatos esse asseritur complures ante natum & revelatum Christum. Sic Chrysostomus in Math. hom. 38. *Aliquis dicet. Quid ergo? Illisne facta est injuria, qui ante Christi adventum vixerunt? Nequaquam. Tunc enim sine Confessione Christi poterat aliquis servari, quippe hoc ab illis non exigebatur. Mox. Solum Deum nosse ad salutem tunc temporis satis: Nunc id non sufficit: quin hoc amplius, notitia Christi est necessaria: Non multo post: Fruentur, inquit, omnibus vitæ æternæ bonis etiam illi, qui Christum ante ipsius incarnationem non norunt, sed ab Idololatria abstinnerunt, Deum unum adorarunt, & vitam quam fieri poterat optimam vixerunt; Gemina his habent Clemens Alexandrinus, Iustinus, alique, quæ prolixè satis recensuit Isa. Casaub. Exercit. I. ad Apparatum Animalium Baronii, & hac eadem ratione interpretenda esse fideliter monuit. Vide quæ in fine libri sui supplementi loco citat ex tomo sexto Saviliano, & δ'ε γὰρ ἀπὸ τοῦ τοῦ εἰς τὸν χριστὸν πίστεως τῆς τῆς χριστοῦ παρρησίας: Id est, *Ante Christi adventum non exigebatur à Iudæis fides in Christum.* Verum enimvero dato, sed non concesso, quod nec hoc quidem dicant Remonstr. nihilominus tamen prorsus Inutilis foret hæc animadversio. Nam si hoc verum si falsum crederent Remonstr. nec saluti eorum, qui sub V. T. mortui sunt, nec Christianorum qui sub N. T. vivunt, officio id vel hilum officeret: Sufficit Christianis iisque qui sub N. T. vivunt, ut fidem in I. Christum necessariam esse ad salutem intel-*

Veterum Patrum non pauci statuerunt, sine notitia & fide in Iesum Christum salvatos fuisse complures ante natum Christum,

intelligent, & an iis qui sub V.T. vixerunt & mortui sunt necessaria fuerit, Deo relinquant. Neque enim iis ut hoc pro certo credant in N.T. uspiam præcipitur, seu directe, seu indirecte. Loca quæ ex 2. Cor. 1.20. & Act. 10.43. citat, ad rem non faciunt, de qua agitur. Per promissiones enim Dei de quibus agitur. 2. Cor. 1.20. non intelliguntur proprie promissiones olim Patribus factæ de Messia venturo (quam quam etiam certum de iis est quod in Christo sint etiam, atque Amen) nihil minus: Sed tantum promissiones Dei in genere, quasque Deus facit. Eas enim omnes per Christum nunquam immutatum iri dicit Apostolus, sed constanter permanuras & invariabiliter exequendas esse docet. Inde enim concludit promissa ista omnia, quæ in Evangelio nomine Dei docuerunt Apostoli, rata futura suo tempore, uti ex versu præcedente manifestius est, quam ut probari oporteat. Locus vero, Act. 10.43. non agit de Prophetarum testimonio, quo testati fuerunt eos, qui sub V.T. vivebant, remissionem peccatorum non accepturos, nisi in Christum crederent: Sed tantum de testimonio, quo testati fuerunt Messiam aliquando venturum, & quicumque in illum, cum venisset, essent credituri, remissionem peccatorum accepturos per nomen ejus, uti ex verbis ipsis liquet, & diserte à Petro ipso exponitur, 1. Epist. cap. 1.11.12. cum ait, *Prophetis revelatum fuisse, eos non sibi, sed nobis administrare ea, quæ prænuuncius, qui in ipsis erat Spiritus Christi, ipsis declaraverat, de iis, quæ Christo eventura erant, passionibus, & gloria passionis consecutura.*

Ostenditur
loca 2. ad
Corinth. 1.20.
& Act. 10. 43.
perperam esse
à Censore ad-
ducta.

1. Pet. 1.11.12.

Quod in recitatione testimonii Genes. 8.21. cum *figmenti hominis* tantummodo mentionem fecerunt Remonstr. cordis vocem emphaticam de industria ab iis omissam suspicatur Censor, id nimis anile est & putidum. Siue enim Cordis sive hominis voce utantur, quid hoc ad rem facit? Cor enim & homo unum idemque significant; nisi forte cum hominis voce usi sunt Remonstr. excordes homines eos intellexisse velit: *Ex corde n. oriuntur cogitationes male*, ut diserte dicitur Math. 15.18. & *illa sunt quæ pollunt hominem*. Cor vero isto in loco Genes. accipiendum esse de naturali corruptione qua vel specie dicitur? Voluntariam tantum corruptionem eo designari vox *Figmenti* satis arguit: Figmentum enim perperam tribuitur cordi, quatenus naturalem corruptionem significat: Voluntati soli liberæ vox illa recte tribuitur, ut ex natura rei constet, & non obscure Salomon indicat, Proverb. 4.23. *præ omni custodia serva Cor tuum, quia ex ipso sunt egressus vita.*

Cordis vox
de industria
omissa non
fuit à Remon-
str. in citatio-
ne loci Genes.
8.21.

EXA-

EXAMEN CENSURÆ CAPITIS VIII.

De opere Redemptionis, deque persona
& officiis Iesu Christi.

IN hoc Capite duo fatetur Censor, quæ in limine hoc notari operæ
pretium est. I. Quæ Remonstrantes de persona Christi tradide-
runt sect. III. & IV. ea sic esse concepta ut nihil habeant contra
Fidei analogiam. II. Quæ de triplici officio Christi agunt, ea pleraq;
omnia talia esse ut in justam reprehensionem non incurrant. Quare
quæ hoc Capite de persona & officio Christi Censores censuerunt, ea
non nisi inanes suspiciones & conjecturas contra apertam Remonstrā-
tium confessionem esse, concludendum est.

Præscientiam
divinam ita
considerari
vult Censor,
ut necessario
concludi de-
beat, eam esse
peccatorum
omnium cau-
sam.

Sectio prima nihil habet singulare animadversione dignum, aut ad
rem, de qua hoc capite agitur, pertinens. In primo membro cum Cen-
sor generaliter colligit ex allegatorum in Declaratione locorum 1.
Pet. 1. 20. Eph. 1. 9. 10. & 3. 9. in quibus non nisi de speciali præ-
scientia mediatoris Christi agitur, collatione patere, *præscientiam Dei*
non esse nudam, sed cum æterno proposito conjunctam non obscure innuit
præscientiam peccatorum aut peccati etiam primi Adami nudam Deo
tribui non posse, sed eam quæ cum proposito sive præordinatione Dei
æterna conjuncta est; quod quorsum spectet nemo non videt. Soli-
citæ istæ & importunæ animadversiones arguunt, quæ sententia in a-
nimo lateat, quam omni vi propugnatam volunt & non suo loco, sed
per occasionem tantum, quia fæda & turpis est, inculcatam. Certum
enim est, per eam Deo præscientiam veram adimi; imo Deo, prohi-
dori peccata & scelera omnia tanquam auctori & causæ transcribi, uti
jam ante manifestum fecimus pluribus in locis.

Quæ secundo & tertio hujus ejusdem Sectionis membro censentur,
ea non sunt nisi meræ *λογισμαίαι*, & huc non pertinent.

Sectione III. & IV. quamquam omnia ita concepta esse fate-
tur Censor, ut nihil habeant contra fidei analogiam, tamen hoc ei sa-
tis non est. Suspicio ubique rimas quærit & invenit: Ad quamlibet
periodum hæret, hæsitatque ut

Non misera cutem nisi plena cruoris hirudo.

Videntur, inquit, sedulo cavisse autores ne ita se exprimerent, ut
subter-

subterfugium omne tolleretur Vorstio, qui unionem duarum in Christo naturarum constituebat in influxu quodam divinæ virtutis in naturam Christi humanam, vel in aliqua divinitatis operatione, &c. Apolog. Exeg. pag. 89. Quæ Hæresis in Nestorio à veteri Ecclesia olim damnata fuit. Videntur, inquit, ex quo indicio? Nempe, quia in terminis non refutarunt Nestorium. At sic tandem videbuntur eodem jure cavisse sedulo ne subterfugium adimerent Eutycheri, Sabellio, Macedonio, & si qui alij olim fuerunt hæresium patroni, quia nihil ex professo contra eos dixerunt. Ex orco itaque revocandæ & nominatim damnandæ fuerunt sepultæ jamdudum atque exoletæ omnes hæreses, ut Confessio Censoribus his placeret. Sed quid mirum suspicacibus his mortalibus aliter satisfieri non posse? Lutherus & Calvinus hujus ejusdem suspicionis aculeum effugere non potuerunt, quod videlicet Nestorio faverent, quamquam contra eum diserte multa scripserunt; Vide Bellar. Cap. 4. lib. 3. de incarnat. Sed his missis, quomodo tandem videri potuerunt Remonstr. sedulo cavisse ne ita se exprimerent, ut Doctori Vorstio subterfugium omne tolleretur, cum certum sit, D. Vorstium non constituisse cum Nestorio unionem duarum naturarum in Christo in divinæ virtutis influxu, nedum in solo divinæ virtutis influxu. Locus qui ex Apologetica ejus exegefi à Censore citatus est, id aded clare probat, ut verbum addere opus non sit. Istic enim id tantum agit, ut probet, non statim laboraturam personalem duarum naturarum in Christo unionem, si divinæ Christi naturæ non tribuatur omnimoda ista de qua ibi disputat, immensitas; Ratio est, inquit. Quia forma specifica personalis unionis non consistit, nec statui potest, in sola substantiali naturæ divinæ & humanæ indistantia sive conjunctione. Alioquin enim non modo tota Trinitas (quippe essentialiter ubique præsens) verè incarnata esset, sed etiam quilibet homo, immò quælibet bestia, aut planta, denique quælibet creatura, licet abjectissima, unionis hypostaticæ revera particeps esset: Aliud itaque quid necessarium esse dicit, præter istam indistantiam in quo forma specifica unionis istius sita est: Quid autem illud sit, non definit: Sive enim certo nomine exprimatur & vocetur vel influxus, vel illapsus arcanus personalitatis *ἡ λόγῃ* vel alia aliqua singularis Deitatis operatio, per quam humana Christi natura ad hypostasim *ἡ λόγῃ* quasi intimè attracta sit, vel extraordinaria quædam Dei dispensatio, ut Tertullianus loquitur, sive dicatur certo nomine exprimi non posse, ut Scholastici plerique volunt, id ei perinde est. Unde, quam longè à

A a

Nestorio

EXAMEN CENSURÆ

Nestorio abfit, haud obscure videre est. *Sed nec satis explicitè excludunt, inquit, Socinianorum commenta contra Deitatem Christi*: Imò verò nulla Confessio magis explicitè commenta eorum excludit: Sed non satis explicitè fit, quod non fit ex formula, quam hic dictator præscribit. Nempe, aut hæc formula sequenda, aut Confessionis Belgicæ verba retinenda fuerant, ut Censori huic Academico satisfaceret. At tanti non erat Remonstrantibus Confessio Belgica, ut ad formulam ejus scriberent, idque in gratiam persecutorum suorum, à quibus dirissima quæque patiebantur, inter cæteras eam etiam ob causam, quod Formulæ isti, & similibus auctoritatem istam deferre gravabantur, ut ad eam loquendum & scribendum sit ne *impedire* videaris. Tyrannidem istam abominabantur Remonstrantes sulque habentes an persecutoribus suis ista ratione satisfaceret, nec ne. Sufficiebat ipsis, si Dec, si animo suo, si bonis & æquis arbitris aut Lectoribus probarent Cōfessionem suam. Cæteris enim nunquam satisfit. Ager animus semper querulus est. Hinc est illud quod sequitur, *Omitti non debuerat in orthodoxa hac Confessione, duas naturas in Christo ita esse unitas, ut utraq, suas proprietates retinuerit: Deinde Anabaptistarum errori ansa fuerat præcindenda, qui, etsi fateantur Christum ex Maria Virgine natum, non tamen fatentur ex Virginis substantia conceptum*. Primum quod attinet, hæresin illud Eutychetis spectat. Eam autē revocare in memoriam nec consultum putarunt, nec operæ pretium. Non consultum; quia jamdudum exolevit, aded ut vix quemquam esse credant Remonstrantiū cui ea sapiat. Nec operæ pretiū, quia nihil improbabilius, quam naturas uniri proprietatibus extinctis. Secundum quod attinet: Error iste Anabaptistarū, ne speciem quidem habet probabilitatis, nec credunt quemquam Remonstrantiū esse, qui de eo amplectendo vel somniavit. Neque tamen errorem istum tanti faciendū esse putant, ut propter eum quis in fundamento errare censi possit aut debeat, dummodo fateatur Christum hominem natum esse. Modus nascendi humanitatem non constituit; Id docet exemplū Adami, qui ex terra formatus fuit, & verus tamē homo fuit eademq; qua cæteri homines, humanitate præditus. Aliud est negare Christum hominem esse, aliud negare Christum ex substantia matris suæ natum esse. Istud sine periculo salutis fieri non potest; Hoc potest, & tum maximè, cum creditur nullos homines, quicumque tandem sint, ex substantia matris suæ nasci, prout Anabaptistæ non pauci credunt. Sic enim quæstio tota, physica fit disputatio; quam quis decidat sine erroris periculo? Et erubescit casta mens, quæ in disputationes

Men

Hæresin Eutychetis cur ex professo non damnaverit Declaratio Remonstrantium,

Anabaptistarū error de origine carnis Christi cur ibidem non sit damnatus.

Mennonis aliorumque impudicas sane & impudentes incidit.

Sectione IX. Cum nihil habeat quod censeat, imò cum fateatur Remonstrantes verbis saltem fateri, quod verum est, reperit tamen suspicax Doctor, quod sugillet & admordéat, sed subtilitatis tam acutæ dente, ut morsus non appareat, *Partiuntur*, inquit, *salutem nostram inter meritum & efficaciam, & inter præconium & exemplum, &c. si nempe rationem formalem, cur Christus sit servator noster, spectemus.* Atqui Remonstrantes non partiuntur inter modos istos, sed eos coniungunt, & simul Christo tribuendos esse contra Socinum affirmant. In quo autem modorum istorum, ratio formalis cur Christus sit Servator noster, consistat, non definiunt. An hoc necesse erat? Quis non fastidat *λεπτολογίας* istas Academicas? Deinde dic Censor, cur ratio formalis, sive vis formalis, sive vis constitutiva officij Salvatoris, ut Academicè loqueris, non consistit in omnibus istis simul sumtis, sed in uno isto, quem tu adsignas, actu? Quæ vel regula, vel ratio cogit, ut in uno indivisibili illo actu constituatur specifica forma salvationis, sive officij potius Salvatoris? Cur salvandi officium, aut salvationis actus latitudinem non habet? An indignum quippiam Christo aut Christi Salvatoris officio tribuitur, si dicatur pluribus modis, & non uno tantum, id est, si dicatur præconio, exemplo & martyrio suo etiam salutem nostram procurasse? Atqui, inquit, sic servatores nostri essent omnes, saltem ex parte, qui præconio, miraculis, & exemplo salutis viam confirmant. Esto. Quid tum? Eo ipso quia ex parte Servatores essent, ab eo, qui perfectissimè Servator est, multum differrent. Certum est eos, qui id faciunt, idcirco Servatores tum sui, tum aliorum diserte appellari in Sacris. De Timotheo expresse dicitur, sic te ipsum servabis, & eos qui te audierint, 1. Tim. 15. 16. & de eo, qui avertit peccatorem ab errore viæ suæ, dicitur, quod servet animam à morte, Iacob 5. 20. ut alia similia loca plura jam non allegem. Contrarium itaque potius colligendum erat, idcirco etiam Christum merito, imò majori jure vocari Servatorem, quia omnia ista primus excellentissima ratione præstitit. Atqui, inquit, hac acceptione semel probatâ, facile erit Sociniani eludere, quæ ad propriam salutis rationem pertinent. Nempe ergo, negandum etiam est id, quod verissimum est, ut Socino contradicas, & affirmandum id, quod falsissimum est, ut à Socino longissimè recedas. Putidi Theologi! Hoc est prostituere veritatem, & adversariis justam causam in errore permanendi dare, dum negatur id, quod verissimum est, ut asseratur & adstruatur id, de quo controver-

Christus Servator noster est, non uno tantum modo sed pluribus & quidem in gradu excellentissimo.

EXAMEN CENSURÆ

Offenditur
falso tribui
Remonstranti-
bus, Christum
nihil nobis
morte sua me-
ritum esse,

Quid Remon-
strantibus sit,
Christum me-
ruisse ut Deus
ingrariam
cum peccato-
ribus redire
voluerit,

titur, & quod adversarij fallum esse sibi persuadent. Dum vitant stulti-
vitia, in contraria currunt. Deinde, inquit, *verbis quidem fatentur Chri-
stum esse Servatorem merito & efficacia, sed intellectis eo sensu, qui meritum
& efficaciam redemptionis destruit. Ratio est, quia Remonstrantes statuunt
Christum nihil nobis morte sua meritum fuisse, sed tantum Patri suo jus ac-
quisivisse, quo posset misereri eorum quibus proponeret conditionem salutis. De-
torso hæc est, quæ retorqueri facile potest, si tollatur æquivocatio, sub
qua luditur. Cum dicit Censor Remonstrantes asserere: Christum nihil
meritum esse nobis sua morte, pronomen illud *nobis*, æquivocum est. Si
enim significet paucos quosdam nominatim, irrevocabili decreto, ad vi-
tam æternam designatos & electos, tum certum est Remonstrantes affir-
mare Christum istis nihil meritum esse morte sua. Ratio est, quia electos
tales dari nō agnoscunt, aut si omnino darentur, ut Christus istis aliquid
mereretur, nec necesse erat, nec possibile, ut postea demonstrabitur. Gra-
tiam enim Dei quomodo istis mereri Christus potuisset, qui jam in
flagrante gratia Dei erant per electionis prægressæ beneficium? Si pro-
nomen *Nobis*, genus humanum significet, sub morte & condemnatione
positum, tum falsum est Christum isti generi humano nihil meritum esse
à Remonstrantibus asseri. Eo ipso enim quod Christus, innocentissimus
cum esset, mortem tamen violentam subivit, & pretiosum suum sangui-
nem fudit, ex mandato Patris sui, id effecit & obtinuit à Patre suo, ut
Pater isto sanguine, veluti sacrificio propitiatorio ex manu Christi ac-
cepto, cū genere humano actu redire voluerit, id est, redierit in gratiam,
sic ut iustitiæ ejus, sive amoris, quo iustitiam amat, & odio habet pecca-
tum, abunde satisfactum fuerit, & impofterum cum genere humano pro-
pitius, per eundem Filium suum, agere decreverit. Hoc itaque faciendo,
magnum profectò beneficium, magnam gratiam generi humano meri-
tus est Christus. Atqui cum hoc dicunt Remonstrantes nihil dicunt,
inquit Censor, Nam Christi merito non potest attribui id, quod necessario
meritum illud & decretum de mittendo Christo, & morti tradendo debuit præ-
cedere. At intentio prævia reconciliandi sibi peccatores, & cum iis in gra-
tiam redeundi, debuit precedere decretum de mittendo Christo, & præcessit
decretum illud. Ergo. Quasi verò, cum Remonstrantes dicunt Chri-
stum meruisse, ut Deus in gratiam cum peccatoribus redire voluerit,
per tō voluerit intellexerint meram intentionem, sive nudum affectum,
& voluntatem Dei incompletam, quæ voluntas sive affectus benevo-
lentia tantum est. Nugæ. Intentio hæc, quæ misericordiæ soboles est,
præce-*

præcessit completam voluntatem reconciliandi, sive actuale & efficacem reconciliationem, & præcedere eam necessario debuit: At cum voluisse Deum redire in gratiam dicunt Remonstrantes voluntatem completam intelligunt, quæ actualis reconciliatio est ex parte Dei, quatenus scilicet sacrificio isto interveniente, Deus, à parte sua, per justitiam suam, quâ odit peccatum, non amplius impeditur, quo minus misericorditer deinceps cum peccatoribus agere velit. Hæc Censorem non distinxisse mirum est. Volitio, quæ nil nisi intentio est reconciliandi sibi genus humanum, aut cum genere humano in gratiam redeundi, non supponit animum sive voluntatem jam efficaciter reconciliatam, sed tantum animum à reconciliando non alienum, si modo interveniat id, quod intervenire æquum est: Ut hujusmodi intentionem Pater haberet, Christus sanè meritis non est; ut vero haberet voluntatem cum peccatoribus in gratiam redeundi completam, sive efficacem, quam vocant, mereri eum necesse erat, quia, ut aliud quid mereretur, impossibile erat. Cæterum voluntatem Dei in gratiam redeundi cum peccatoribus distinguendam putant Remonstrantes ab actuali ejusmodi reconciliatio, qua fit, ut peccatores omnes actu jam Deo placeant, qualem Contra-Remonstrantes per electionem suam intelligi volunt. Et hinc est, quod dixerint Christum meritum esse sua obedientia ut Deus voluerit in gratiam redire cum peccatoribus, sublato scilicet impedimento isto, quod obstabat, quo minus ut Deus in gratiam cum iis veller redire æquum erat, justitiæ scilicet illius, qua odio habet peccatum, & ex qua peccatori comminatus erat mortem. Nisi enim hoc statuatur, impossibile est ut intelligatur, quomodo Deus, satisfactione Christi posita, conditionem pœnitentiæ & fidei à peccatoribus exigere potuerit, ut per eam in gratiam cum ipso redirent, & remissionem peccatorum ab ipso consequerentur. *At, inquit Censor, si hoc tantum meritis est Christus, tum Christus nobis non est meritis fidem nec regenerationem.* Sanè ita est. Nihil ineptius, nihil vanius est quam hoc Christi merito tribuere. Si enim Christus nobis meritis dicitur fidem & regenerationem, tum fides conditio esse non poterat, quam à peccatoribus Deus sub comminatione mortis æternæ exigeret; imò tum Pater, ex vi meriti istius, obligatus fuisse dicatur necesse est, ad conferendum nobis fidem, & efficiendum in nobis omnia, quæ nobis, sub comminatione mortis, præscribit: quo nihil absurdius cogitari potest. *Atqui, inquit Censor, quomodo itaque benedixit nobis Deus omni benedictione spirituali in Cælestibus in Christo Ephes. j. 2.?* Si pronomen

Ineptè dicitur
à Censore:
Christum me-
ritum nobis
esse fidem &
regeneratio-
nem.

EXAMEN CENSURÆ

Ostenditur Io.
cum ad Ephes.
1. 2. perperam
à Censore al-
legatum esse,

Nobis, isto in loco credentes significat, tum ineptè id quæritur. Si verò significet peccatores, quia tales, tum sanè benedixit iis Deus in Christo, quando per & propter Christum iis gratiam ad credendum, & per fidem æternam peccatorum remissionem, & perpetuam cum Deo reconcilia- tionem consequendum necessariam & sufficientem contulit. Quid? An hanc benedictionem negabit Censor esse benedictionem spirituales? Non opinor. Nam cuius ergo benedictionis contemptæ aut neglectæ rei possunt agi, qui benedictionem istam divinam aspernantur? At, inquit fortasse: Apostolus loquitur de omni benedictione. Ita est, At particu- lam universalem *omnis*, qua hic utitur Apostolus, istam fidei datio- nem, siue meritum potius fidei includere, unde evincet? Contrarium non obscurè id unum arguit, quod alioquin dicendum necessario sit, Apostolum cum ad Ephesios scribebat hæc verba, censuisse, Deum Ephe- siis omnibus etiam ista benedictione benedixisse, seu benedicere vo- luisse, quod tamen Apostolum scivisse, imò scire potuisse incertum est; aut, si velit Censor Apostolum ex iudicio charitatis tantum ita censuisse, fundamentum præcipuum adeoque unicum, quo omnes Epistolæ istius hortationes nituntur, incertum esse; quod tantumdem est, atque Episto- lam totam illusoriam facere, & plane enervare. Adde, quod benedi- ctio intelligi non possit, quæ vim præceptionis divinæ funditus ever- tit. At benedictio, quæ significat collationem fidei, ex ipsa meriti Christi vi fluentem, evertit funditus præceptionem divinam, qua fi- dem præscribit peccatoribus, sub promisso vitæ & comminatione mor- tis; uti ex natura rei liquet. Quare, cum Censor subjicit, Remonstran- tes revera dicere non posse Christum esse Servatorem nostrum effica- cia, nisi simul dicant Christum ex vi meriti sui efficaciter in nobis fidem operari, vanissimum est. Ejusmodi efficaciam merito Christi tribuere est Evangelicæ totius Doctrinæ, quæ præceptis & promissis constat, naturam, & fidei atque obedientiæ universæ proprietatem planè nega- re. Si Christus tali efficacia Servator noster est, non potest noster esse Legislatores, & fides atque obedientia nostra non est actus officij nostri, sed effectus meriti Christi, siue applicationis efficacis virtutis ejus in nobis. Tum Christus mortuus pro aliis non fuisset, quàm pro istis, quos Deus fide ista donaturus esset, & sic alii nulli in Christum cre- dere tenerentur, aut contemptæ mortis Iesu Christi rei possent jure ullo agi; quod contra Scripturæ apertissima testimonia, & rationem rectam esse, manifestum est. At sic, inquit Censor, efficacia meriti Christi tota

tota penes nos stabit, qui vocationem alioquin inefficacem, efficacem reddimus. Sanè, si efficacia meriti Christi eventum noter, id est, obediendi actum, qui nobis à Deo præscribitur, & quo præstito, beneficia morte Christi parta, actu consequimur. Ubi præceptio locum habet, ibi efficacia hujusmodi sola locum habeat necesse est. Fieri aliter non potest: Nam alioquin à contrario nos ipsi non possemus meritoria causa esse nostræ damnationis, & per nostram culpam stare non posset, quo minus meriti Christi efficacia inefficax in nobis redderetur. Dices, Sic tandem nos ipsi Salvatores nostri erimus. At hoc Scripturæ obijciatur, quæ sic de nobis loquitur non uno in loco. An cum Scriptura loqui crimen est? Benignè tamen interpretanda est hæc locutio, fateor. Effectus enim uniuscujusque denominatio, primæ & principali causæ tribuenda est: In negotio autem salutis æternæ, id ante omnia fieri æquum est. Conditio enim, cujus præstatio medium sive causa salutis aliquo modo dici potest, non modo est gratiosa per se; sed & gratia ad eam præstandam perpetim necessaria est, & præmium præstanti promissum extra & supra omnem comparisonem est. Ad eum itaque, unde omnia ista proficiuntur, tota & sola efficientia salutis jure omni referenda est, etiam si efficacia, id est eventus gratiosarum omnium operationum ejus, sive obedientia ipsa penes nos stet, eundem planè ad modum quo liberalitati alicujus veluti primæ & principali causæ adscribendum est, si pauperem, mendicum, nudum, famelicum, ægrum & bonis omnibus vitæ hujus destitutum, veste, cibo, medico, & necessariis omnibus donet, etiam si penes pauperem istum stet, dona ista omnia accipere, aut respuere. Quis adeò à ratione averfus reperietur, qui pauperi, mendico, nudo, egeno & ægro isti præcipuè tribuendum putet, quod cibum, potum, vestes, opes, ipsamque adeo sanitatem habeat, idcirco tantum quia per ipsum solum stare potuit, ut ea non haberet? Loca, quæ pro se & sua sententia hic allegat Censor, ne speciem quidem ullam habent, ad concludendum id, quod concludendum ipsi est. Quis enim ex eo quod Petrus dicit, *Deum nos regnasse in spem vivam per resurrectionem Jesu Christi ex mortuis*: Nos virtute Dei custodiri per fidem ad salutem, & quod Paulus scribit, *Deum nos vocasse vocatione sancta, ex suo proposito & gratia quæ data nobis est in Jesu Christo ante tempora secularia*; quis, inquam, ex istis inferat hanc conclusionem? Ergo meriti Christi efficacia consistit in eo, quod fides nobis efficaciter communicetur, ex vi meriti istius. Ne per decimam quidem consequentiam quis elicerit ex istis locis

Tota salutis
nostræ ratio
tribuenda est
divinæ gratiæ
ut primæ &
principali ejus
causæ.

con-

EXAMEN CENSURÆ

conclusionem illam, uti fusius ostensuri sumus, cum loca ista examinabimus, ubi eorum tractandorum sedes erit.

Vindicatur
Argumentum
Remonstrant.
quod posita
Absoluta Ele-
ctione & Re-
probatione, re-
conciliatio per
Christum fa-
cta penitus
evectatur, tam
respectu Ele-
ctorum quam
reprobatorum.

Distinctionis,
qua Censores
Verbum Eli-
gendi ut am-
biguum di-
stinguunt, va-
nitas ostendi-
tur.

In Censura Sectionis X. membrum primum de voce *Absoluta*, qua Calvinus, aliique utuntur in articulo de electione & reprobatione, ejusque sensu vero & genuino, jam ante excussum est. Nos actum non agimus, neque operæ pretium est. Res notior est, quam ut dissimulari debeat, aut distinctione frivola possit tegi. In secundo membro sectionis examinatur argumentum Remonstrantium, quo in Declaratione usi sunt, contra absolutam istam Calvini, Bezae, & Synodi Dordracenæ tum electionem tum reprobationem. Argumentum hoc fuit: Si pro nostro considerandi modo Deus suos elegit ad vitam, prius quam Iesus à Patre ipsis destinatus sit Mediator, non necesse fuit, imò nec possibile quidem fuit pro illis veram peccatorum reconciliationem per Christi *advocat* fieri, quia eo ipso quod præcise ad salutem electi sunt, in flagranti Dei gratia sunt, jamque à Deo amore summo & immutabili, qualis filiorum Dei & hæredum proprius est, necessario diliguntur. *Palmarium*, inquit, est hoc Argumentum, Ideò diligentius incumbendum ut ambiguitates tollantur, &c. Nempe ambiguitas in re plana quæritur, & nodus in scirpo. Distinctio Academica universale pharmacum est, & panacæa, qua se curant subtiles Doctores, cum in solvendo argumento laborant. *Verbum* elegit, *ambiguum* est, inquit, Si enim intelligunt per *verbum* elegit decretum de eligendo, vel intentionem illam finis in mente divina, affectum etiam illum aut voluntatem miserendi, & salvandi generalem, eamque efficacem; concedimus non requiri destinationem præviam Mediatoris ad talem intentionem, quia Deus aliquibus intendit efficaciter talem finem, &c. Si v. per phrasin hanc, elegit ad vitam, intelligant rationem & modum voluntatis executive à Deo ab æterno institutum, negamus Deum elegisse suos ad vitam & gloriam illis donandam ordine prius quam ipsis Christus destinatus sit Mediator. Distinctio hæc merus fucus est, quem hac ratione diluo. Intentio illa, quæ verbo eligendi primo loco significari dicitur, non est nudus affectus, sive mera tantum propensio in salutem creaturæ peccatricis, quæ ex misericordia divina oritur, sed voluntas sive decretum miserendi & salvandi efficax, uti Censor ipse loquitur, quo Deus efficaciter, & nominatim quidem aliquibus, puta, Petro, Paulo, Ioanni peccatoribus, salutem vult, & destinat. *Hæc intentio, hæc voluntas miserendi & salvandi efficax præcedit*, inquit Censor, *destinationem Mediatoris*; Hoc est quod Remonst. volunt. Inde sic infero; Ergo Deus nō tantū potuit velle efficaciter salutem

salutem peccatoris, sine præviâ, saltem intenta Mediatoris satisfactione (quod tamen Censores hi Remonstrantibus tanquam infamem hæresin tribuunt) sed & actu & efficaciter eam voluit: Satisfactio itaque Mediatoris pro peccatoribus nec necessaria fuit, nec possibilis. Ratio: Quia jam efficaciter volentem salvare, movere ad volendum salvare nec necesse, nec possibile esse ex terminis patet: At satisfactio Christi nulli alii fini servit, quam ad movendum Deum ut peccatoribus bene velit, id est, ut peccatoribus reconciliari & cum iis in gratiam redire velit. At, inquit Censor, hoc pertinet ad secundam significationem verbi eligendi, prout eligere significat rationem & modum voluntatis executivæ à Deo ab æterno institutum. Ineptè. Nam ratio & modus istius voluntatis executivæ in Deo, secundum quem Deus prius Mediatorem destinat, quam suos ad vitam eligit, directè evertit primam electionem, id est, efficacem illam intentionem & voluntatem miserendi & servandi. Ratio: Quia secundum illum statuitur, Deum velle Mediatorem destinare, cujus meriti vi & efficacia moveatur ad volendum efficaciter servare peccatorem. Atque eo ipso destruitur prior illa intentio & voluntas efficax. Quis enim moveatur ad volendum id, quod jam efficaciter vult antequam movetur? Intentio salvandi efficax, sive irrevocabilis & peremptoria voluntas, qua Deus nominatim Petrum & Paulum salvare vult, cum voluntate executiva, qua iis deinde reconciliari, aut qua Mediatorem iis dare vult, per quem ipsis reconcilietur, conjungi non potest; Velle efficaciter salutem peccatorum ut finem, & velle deinde reconciliationem & meritum ut medium, quo movearis ad volendum salutem peccatorum, sunt *diversæ*, imò contradictoria. Velles enim simul & nolles. Ut res pateat, quæro: Electio ad vitam, secundo sensu accepta, prout eligere significat rationem & modum voluntatis executivæ, quid superaddit electioni primo modo acceptæ, prout significat intentionem & voluntatem miserendi & salvandi efficacem? Christus satisfaciendo Patri, sive Iustitiæ divinæ, quid mereretur aliud, quam ut Pater velit efficaciter servare quos ante obstante iustitia efficaciter servare velle non poterat ex ipsorum Censorum Theologia? Assignet Censor formalem effectum meriti Iesu Christi, ubi talis efficax voluntas servandi præsupponitur. Dicere effectum meriti Iesu Christi esse actuale restitutionem peccatoris in gratiam Dei, est nugari. Restituere enim actu aliquem in gratiam alicujus, aliud nihil est, quam efficere ut actu & efficaciter quis alicui bene velit; At hæc efficax voluntas, hic amor, hæc gratia, hic

Nullus formalis effectus meriti Christi dari potest, posita efficace aut peremptoria voluntate salvandi.

B b

paternus

EXAMEN CENSURÆ

Calvinus à
Censore cita-
tus, Censoris
distinctionem
manifeste re-
darguit.

Similitudo à
Censore pro
distinctione
ipsius allata
refellitur.

Meritū Chri-
sti non est tan-
tum medium
salutem jam

paternus animus in Deo jam præcessit ex Censoris sententia : Nulla itaque vis , nullus effectus formalis meriti Christi assignari potest à Censoribus. Ex quo patet etiam distinctionem hanc rei totius naturam evertere , & quælitam tantum esse ad tegendum manifestam absurditatem. Nam secundum primam verbi eligendi significationem & receptam Censorum sententiam , quam ex Calvino citat & laudat Censor , ubi sic loquitur : *Sic Deus sua dilectione praverteret & anteverteret nostram in Christo reconciliationem , imo quia prius diligit , postea sibi reconciliat ;* Deus idcirco Christum dat Electis , quia Electos amat , & ex amore paterno eos jam ante gratos sibi habere vult : Hoc enim ipsis est rō eligere. At secundum alteram significationem , ideo Deus amat electos , quia Christus merito suo efficit non tantū ut amentur actu , sed ut amari possint : Non poterant enim amari efficaciter sine interveniente satisfactione , uti Censores ubique afferunt : Et hinc est , quod Christum semper constituent non ut causam efficientem Dei gratiam sive voluntatem salvandi peccatores , sed tantum ut medium gratiam jam efficaciter decretam à Deo & irrevocabili sententia destinatam , vel potius salutem ex gratia ordinatam , dans sive conferens. Nec satisfacit Censor , cum dicit , *Deum salutem peccatorum & gloriam suam prius intendisse ut finem , perinde uti Medicus prius sanitatem ægri vult , quam pharmacum , & ut studiosus prius doctrinam vult , quam studium & diligentiam , etiamsi pharmacum deinde & studium prius velint ac velle debeant quam sanitatem & doctrinam consequi possint.* Nam diversa longè hic est ratio , quia medicum sanitatem ægri ut finem velle , & pharmacum deinde velle porrigere ad procurandum intentam sanitatem , non repugnant sibi invicem. At Deum velle efficaciter salvare peccatorem & velle deinde Mediatorem destinare , cuius merito efficiatur ut velit servare peccatorem , ea sunt incompatibilia. Si medicus vellet sanitatem ægri & pharmacum deinde vellet quo moveretur ad volendum sanitatem ægri , tum par aut similis esset ratio. At pharmacum est medium tantummodo faciens ad sanitatem ægri procurandum , non autem ad efficiendum ut medicus sanitatem ægri velit : Meritum autem Christi , eo ipso quia meritum est , ut medium statuitur , quo procuratur non tantum salus peccatoris , sed ipsa divina gratia , id est , quo Deus movetur ut velit salutem peccatoris , quam alioquin velle non poterat , ex Censorum mente. Quare , cum Deus statuitur jam ante destinatum meritum Christi , voluntatem illam salvandi efficacem habere , fieri non potest ut meritum Christi tanquam medium

dium subordinetur isti voluntati. Et hoc est perpetuum Censoris *οφθαλμα*, quod Christum ejusque meritum in voluntate executiva præcedere velit salutem nostram, sive dationem salutis, vel, uti aliquando loquitur, voluntatem dandi salutem, cum de eo non quærat, sed de ipsa voluntate sive voluntate Dei efficace, qua salutem peccatoribus vult efficere. Hanc enim Deo tribuere sine intercedente Christi merito, est meriti Christi tum vim tum necessitatem plane tollere: Effectus enim meriti Christi est reconciliatio Dei cum peccatoribus. Reconciliatio autem activa aliud nihil est, quam efficientia voluntatis salvandi, loco voluntatis perdendi. Itaque aut voluntas salvandi efficax non præcessit, aut, si præcessit, Christus peccatoribus reconciliationem cum Deo non promeruit. Ex his facile intelligitur omnia ea, quæcunque ad hanc rem distinctionis hujus suæ fuco operose incrustandam adducit Cenfor, si propius videantur, nihil habere in recessu, quod veri speciem præ se fert.

Deinde, addiderant Remonstrantes & solide demonstraverant in Declaratione sua, meriti Christi necessitatem simul ac vim omnem tolli in ordine ad Reprobos qui vocantur. *Horum*, inquit Cenfor, *alia est ratio: Etsi enim non negemus expiationem à Christo factam verè sufficientem fuisse pro hominum omnium salute, fatemur tamen eos sua culpa ita exculdi ab expiatione per Christum facta, ut eis non sit revera cum electis communis.* At, non quærent Remonstrantes quid Cenfor dicat se negare aut fateri; Norunt elaboratas istas confessiones, quas tegendæ absurditati comminiscuntur Cenfores: Sed quid ex natura doctrinæ de reprobatione, qualem statuit Calvinus cum suis, necessario sequatur: An videlicet ex ea non sequatur, Christi meriti universam vim atque efficacitatem funditus tolli in ordine ad reprobos, ita ut ad eos eo ipso, quia ante à Deo reprobati sunt, non magis pertineat vis meriti Christi, quam si meritum Christi vim nullam in se haberet, aut meritum Christi prorsus nullum esset. Hoc affirmant, & natura rei id adeo evidenter docet, ut palpari possit consequentia. *Sufficiens*, inquit, *est expiatio Christi pro hominum omnium salute.* At hoc ipso confirmatur ratio Remonstrantium, qua probant Calvinistas vim omnem meriti Christi enervare, quia videlicet statuunt, Deum expiationem Christi, quæ in se vim sufficientem expiandi habet, communem esse nolle reprobis, nullam aliam ob causam, quam quia eos absoluta voluntate reprobavit ad æternum exitium. Voluntas itaque divina sola causa est, qua fit ut vis meriti Christi, per se & in se alioquin sufficiens, non pertingat ad eos, nulla propria aut

ante efficaciter destinatum procurans, sed & gratia divina peccatoribus impenitens.

Meriti Christi vim in ordine ad Reprobos, qui vocantur, per absolutam electionem & reprobationem funditus everti, contra Cenforis exceptionis destruitur.

Confirmatur ex eo ipso, quod Cenfor meritum Christi sufficiens fuisse asserat pro omnium hominum salute,

EXAMEN CENSURÆ

Exceptio de
culpa Repro-
batorum pro-
pria diluitur.

vincibili eorum culpa. Quod enim Censor addit, *Eos sua culpa excludi ab expiatione facta per Jesum Christum*, id futile est. Quæ enim culpa eorum esse potest, qui impotentes nati sunt ad expiationem illam amplectendum, præsertim cum impotentia illa per modum pœnæ ipsis sit inflicta, idque propter peccatum primi parentis ipsorum, ante aliquot annorum millia commissum? Deinde quæ culpa eorum esse potest in eo, quod expiationem illam, non dico tantum non possint, sed non velint credere pro se factam esse, cum eam Deus pro ipsis fieri noluerit? Mirabilis culpa, quæ ex pœnali impotentia oritur, & tolli non potest nisi per mendacem apprehensionem sive fidem rei falsæ, imò quæ culpa est propterea tantum, quod reprobis non apprehendat aut non credat id, quod falsum est, & culpa non foret si apprehenderet, id est, persuaderet sibi verum esse quod falsum est. Hæc res, cum sit tam manifestæ & palpabilis falsitatis, non dubitavit tamen effrons Censor asserere, certum esse eos qui contrarium affirmant, *non solum cælum terræ, sed etiam cælum inferis miscere*. Quid facias tam protervis dictatoribus? Cælum augmentum nimis sibi futurum metuunt, & inferos sibi nimis vicinos, nisi reprobi omnes in totum cælo exclusi, infernalibus tantum flammis destinati servantur: Deum justo clementiorem futurum sibi persuadent, si spem ullam cæli reprobis faceret. Nec satis est eos nulla propria aut vincibili culpa sua cælo excludi, & propter peccatum primi parentis sui in cruciatus tartari æternos præcipitari; etiam crudeliter illudendi adhuc sunt: Iubendi sunt credere, cælum sibi sanguine Christi reformatum patere, & se à cruciatibus inferni immunes factos, quod falsissimum est; & culpæ eorum deputatur, si id aut non credant aut credere nolint, cum id credere nec possint nec debeant: quin & damnationi eorum aggravandæ id facit. Quid est, non dico cælum terræ, sed cælum inferis, & divinas justissimas actiones tyrannicis ac diabolicis miscere, si hoc non est? Locum pro hac tam detestabili sua opinione citat Censor ex Ioan. 11. 52. *ubi mortuus (vel moriturus potius) dicitur Christus ut filios Dei dispersos colligeret in unum*. Sed citat tantum, & quidem truncatum, proque Censoria sua autoritate addit; *ubi per filios Dei soli Electi significantur, qui & O vii nomine intelliguntur, &c.* At hoc est *ἡ ἐκλεκτοσύνη*. An videlicet per filios Dei ibi intelligantur electi, qui ex mente Censorum vocantur electi, oppositè, ad absolutè reprobos: Hoc probandum erat Censori. Id ne tentavit quidem, & si tentasset, sensisset sibi hærrere aquam. Est enim manifestè falsum: quod observare potuisset, si modo

Locum ex
cap. 11. 25.
Ioannis à Cen-
sore perperam
citatum esse
ostenditur.

modo textum non truncatum, sed integrum citasset. Sic enim habet: *Hoc autem ex semetipso non dixit (Cajaphas) sed qui esset Pontifex maximus anni illius, prophetavit fore, ut Iesus pro gente moreretur: Nec pro gente solum, sed ut etiam filios Dei dispersos cogeret in unum.* Manifestum enim est verba ista respicere ad verba Cajaphæ, quibus dixerat cōducere Iudæis, ut unus homo moriatur pro populo *ὁ πᾶς ἡ λαὸς*, quem populum deinde Evangelista appellat *τὸ ἔθνος*, & tota gens non pereat, *καὶ ὅλον τὸ ἔθνος*, quam gentem deinde appellat *τὰ τέσσα ἡ βῆσ τὰ διασκορπισμένα*, sive eo significantur Iudæi in varias oras dispersi, ad quos post mortem Christi, Evangelium regni promiscuè propagatum est; Sive significantur Gentiles, quos omnes antea ex numero filiorum regni, id est, populi Dei iure ac cognominatione segregatos, Deus per & post mortem Christi pro filiis suis, id est, pro populo suo, non minus quam Iudæos, censiturus erat: Sive intelligantur pii & probi, tam inter Iudæos dispersos, quam gentes longè lateque diffusas, quibus solis mors Christi annuntiata, profutura erat: Hujusmodi enim, *Ovium* nomine, & eorum *qui ex Deo sunt, qui bona faciunt, qui ad vitam æternam περὶ γμένοι sunt*, designari suo loco probabimus. Quicquid sit, manifestum est, *filios Dei* dispersos ibi contradistinctui à gente ista tota, id est, à toto populo Iudaico, & dici Christum non minus pro tota ista gente moriturum, quam eo fine, ut filios Dei dispersos cogeret in unum. Pro gente autem significare isthic pro electis ex gente ista, non autem pro cæteris, quos antea à Deo reprobatos volunt, qua vel specie admitti potest?

EXAMEN CENSURÆ IN CAPUT IX.

De Cognitione voluntatis divinæ in
Fœdere Novo patefactæ.

IN hac Censurâ, nihil singulare occurrit accuratâ animadversione dignum. Pleraque omnia sunt impertinentia, & suis singula propriis locis, videlicet Capp. xvij. & xvij. examinanda venient: Nos strictim, & levi brachio, quæ hic censentur, percurramus.

Sectione I. carpit Censor, *Quod in Declaratione non sufficienter declaratur primum illud caput divina Voluntatis, per ea quæ Deus à parte*

Bb 3

sua per

EXAMEN CENSURÆ

sua illud per Iesum Christum Filium suum in nobis aut circa nos facere decrevit, ut salutis aeterna per ipsum oblata participes efficiamur: Omittit enim, inquit, talis declaratio, non solum decretum de Christo mittendo & capite omnium eligendorum constituendo, quod certe decretum in Evangelio etiam nobis declaratur, sed etiam decretum de salute aeterna, in intentione divina & suo tempore offerenda: Inepte. Verba declarationis videantur, & res patebit: Sic enim habet declaratio: Porro, Voluntas Dei fœdere gratuito comprehensa, quam nobis in Evangelio suo summus propheta noster, unigenitus Dei Filius clare ac plene revelavit, duo præcipua capita complectitur. Christus itaque non mittendus, sed jam missus hic præsupponitur: Decretum ergo de mittendo Christum, & de salute per Christum comparanda & comparata, præsupponi etiam, necesse est. Et qui possit aliter? De eo, capite præcedente octavo toto actum fuerat: Hoc itaque capite, ut idem ageretur, inepte petitur. Res ipsa loquitur. Ordinis ratio postulabat, ut hic non ageretur de salute per Christum parta, de qua jam actum fuerat, sed de modo quo Deus homines peccatores, partem per Christum salutis participes facere voluit, juxta Fœderis Novi formulam. Primum enim decretum est, de redimendo & reconciliando mundo per Christum: Deinde sequitur decretum prædestinationis de quo hic agitur.

Inepta Censura & quam ipsa declarationis verba manifeste redarguunt.

Alterum quod hac sectione carpit, est, quod cum Remonstrantes dicunt, Fœdus Novum comprehendere ea, quæ à nobis mediante sua gratia Deus omnino fieri vult, si salutem aeternam reipsa consequi velimus; non videantur distinguere inter credere & facere. De hoc jam ante aliquoties actum est, & agitur plenissime in cap. de fide & justificatione per fidem: Videtur itaque, hic tantum solvitur per non videtur.

Accedit, inquit, quod non tantum Fœdere illo in Christo, proponuntur conditionaliter ea, quæ Deus à nobis mediante sua gratia fieri vult, si nempe velimus, & : Sed cum expressa conditionis exhibitione & præstatione, à Deo ipso in nobis & per nos efficaciter perficienda, non à nostro ipsorum arbitrio suspendenda: Hoc falsum est, uti suo loco demonstrabitur, si per verba exhibere, præstare, & efficaciter in nobis & per nos efficere conditionem Fœdere præscriptam, intelligatur, ut intelligi à Censore certum est, modus ille exhibendi, præstandi & efficaciter perficiendi, qualem Censores statuunt, id est, modus qui irresistibilis, vel potius inevitabilis est. Præscriptio conditionis & modus talis, quo conditio ipsa efficitur in iis, quibus præscribitur, sunt

Ostenditur falsum esse quod Censor adserit, in Fœdere Novo non tantum præscribi conditionem, sed etiam irresistibilem.

sunt incompatibilia. Conditio non est conditio, quæ ab eo, qui eam præscribit, in eo, cui præscribitur, efficitur. Merus effectus præscribentis non potest esse conditio præscripta, nedum præstata. Qui conditionem præscribit alteri, is vult ut conditio ab altero præstetur. Si in eo efficitur, conditio esse definit: & qui eam ipse efficit, is eo ipso conditionem amplius esse non vult, quia eam fieri non vult ab illo, sed in illo vult efficere. Ratio recta hoc dicat. Nec contrarium evincitur ex locis Ierem. 31. 31. Heb. 8. 10. & seqq. uti in examine locorum illorum fuse demonstrarunt Remonstrantes, in Actis & Scriptis suis Synodali- bus, & nos suo loco etiam clarissime demonstrabimus. Atqui, inquit Cenfor, manifeste loquuntur loca de Fœdere, quod Fœderati non faciunt ir- ritum, & quod à primo illo differt, quia ipsi non perstiterunt in illo. Recte. Sed phrasibus istis significari, simpliciter fieri non posse, aut simpliciter non futurum, ut qui ad Fœdus illud pertinent, Fœdus illud irritum faciant, hoc vero est quod quæritur. Contrarium, (ut jam alia non alle- gem, quia suo loco hæc de re plene agetur) ex variis testimoniis luce clarius liquet, ubi multi consilium Dei irritum fecisse, Deum repulisse, seip- sos indignos iudicasse vita æterna, filium Dei sibi iterum crucifigere, filium Dei conculcare, sanguinem fœderis, quo fuerant sanctificati, profanum ducere, Spiritum gratia contumelia afficere, (id est, uti ex textu liquet, irritum posse facere Fœdus Novum: Opponitur enim, aut potius comparatur. Fœdus hoc, Fœderi veteri sive legi Mosis, quam qui irritam fecerit, ἀθε- τήσας enim est in textu, ἀθῆ, misericordia ex duorum aut trium testimonio jubetur occidi) aliaq; ejus generis plura tum posse facere, tum actu fecisse leguntur. Et, si nihil aliud, certe ipsa fœderis formula, monere Censo- rem debuisset, ac nisi vellet θεῖον, suὸ διαφύλαξέναι movere eum potuisset, ut crederet verba præcise accipienda & in sensum istum quem vult, tra- henda non esse. Nam formula fœderis diserte habet, quod Deus post dies istos pacisci, sive pangere Novum fœdus vellet, & quidem idcirco, quia po- pulus non perstiterat in fœdere Veteri, quod cum Patribus eorum pepigerat. Quare, si per verba ista: Ego indam leges meas menti eorum, & cordi eorum inscribam, velit intelligi efficaciam, sive irresistibilem istam conditionis præscriptæ in Novo fœdere effectiorem, ut ita dicam, tum necesse est, ut fateatur, ante illos dies effectiorem illam locum non habuisse. Nam, si habuit locū ante dies illos, quid itaq; promittet Deus se post istos dies effecturum? An uberiorem gratiā? At sic non promitteretur ipsa effectio conditionis, sed effectiōnis (ut ita dicam) quantitas, quod contra textus verba

liter à Deo
præscribente
effici.

Quid sit apud
Ieremiā cap.
31. 31. Fœdus
Dei non fuerit
irritum &
in eo perstare.

Lucæ 7. 30.
Acto. 13. 46.
Hebr. 6. 6.
Hebr. 10. 29.

Deum Leges
suas indere
menti & cor-
di inscribere
quid sit.

EXAMEN CENSURÆ

verba est : Tum, gratia uberior nulla esse potest, quam qua efficaciter conditio ipsa præstanda efficitur : Efficacitas huiusmodi gradum non habet; in indivisibili consistit; uti ex natura rei liquet. Quæro itaque: Promissio hæc, si istud quod vult Censor continet, ad quos pertinet, aut in quibus sortitur effectum? An in electis? Atqui illi jam ante dies illos non minus permanferant in fœdere Dei, quam qui post illos dies futuri erant. An in reprobis? Atqui ii nec in V. nec in Novo fœdere perstabunt, nec perstare possunt. Aliud itaque promittere Deum verbis istis concludere poterat & debebat Censor. Quid autem illud sit, suo loco dicemus, & jam sæpius à Remonstrantibus dictum est.

Quo sensu Remonstrantes decreta Dei de fidelibus eligendis & incredulis reprobandis, decreta ad salutem nostram vocent.

Sectione II. taxat Censor, quod Remonstrantes decreta ista duo de credentibus eligendis, & incredulis à salute reprobandis, decreta vocent, quæ ad salutem nostram facta sunt. Ergo, inquit, quosdam decrevit Deus reprobare & damnare ad salutem aliorum; quod si ita est, non voluit ab æterno omnium salutem. Mira subtilitas, dicam, an futilitas? Phrasis ad salutem nostram, qua usi sunt Remonstrantes, nihil aliud significat, quam eo fine, ut Deus nos consideratione duorum ejusmodi decretorum, ad salutis nostræ studiū potenter exstimularet: Nam sic demum statuitur necessitas simul atque utilitas officii sive fidei & obedientiæ nostræ, si decreta ista duo conjungantur. Utilitas, quia per fidem & obedientiam ad salutem & vitam æternam nos perventuros, ex primi decreti formula intelligitur. Necessitas, quia sine ea nos ad salutem non perventuros, imò à salute æterna reprobaturum iri, ex secundi decreti formula cognoscitur. Aliud nihil ista phrasi significatum voluisse Remonstrantes, ex sectione declarationis tertia in terminis liquet. Qui id culpatur, ei sana mens non est.

Electio ad salutem peremptoriā distinguenda est ab ea quæ non est peremptoria sed interdicta.

Geminum huic est, quod subjicit; Remonstrantes cum dicunt, Deum decrevisse solos credentes, & in fide atque obedientia usque ad mortem perseverantes, per Christum ad salutem æternam eligere sibi in Filios, & quæ sequuntur; eo ipso evertere dogma suum, quo statuit, iustificatum excidere posse à iustitia sua & perire. Hæc enim nil nisi mera λογολαχία est. Nam, cum de electione ad salutem & vitam loquuntur Remonstrantes, non loquuntur nisi de electione ad vitam peremptoriā, quæ dicitur: Hæc autem supponit fidem & perseverantiam in fide ad finem usque, ac proinde adoptionem, justificationem, & obsequiationem Spiritus S. durantem, sive ad finem usque vitæ continuatam, aut saltem in fine ipso permanentem, quæ Petro est, electio confirmata 2. Pet. 1. 10. Huic Remonstrantium sententiæ, non repugnat illa, quæ

quia statuunt fieri posse ut is, qui semel justificatus est, iustitia tamen & salute sua ante finem vitæ suæ, propriâ sua culpâ, excidat. Iustificatio enim ista, & quæ eam consequitur electio ad gloriam, non est peremptoria iustificatio, quia non est continuata sive firma, sed intercisâ iustificatio, quæ coram Deo nulla fit, quia, uti disertè Propheta Ezechiel habet cap. 18. *Si iustus à iustitia sua deficiat, &c. omnium ejus iustitiarum Deus non recordatur amplius.* Neque tamen idcirco iustificatio ista, non est vera iustificatio. Veritas enim non proprie opponitur ei, quod non semper durat, sed proprie opponitur ei, quod fallum est, sive duret semper, sive non duret. Sic peccator ante conversionem verè peccator est, & reus divinæ iræ, etiamsi conversus peccator esse desinat, & divini favoris & gratiæ particeps fiat.

Vera iustificatio esse potest etiamsi non sit peremptoria.

Deinde, inquit, secundum decretum de conferenda omnibus gratia efficaci, &c. malè ponitur ordine secundum, quia in primo decreto supponuntur aliqui actus jam credidisse, & usque ad finem vitæ perseverasse in fide & obedientia, quod sine decreto ad fidem vocandi & gratia donandi, fieri non potuit: Perperam. Nam decretum prius nudè conceptum, non est decretum de personis certis, nominatim vitæ æternæ destinandis, sed tantum decretum de conditione, qua Deus personas, id est, homines omnes saluti vult destinare, cui consequenter includitur istarum personarum, quæ credituræ sunt, destinatio ad salutē, ex vi scilicet decreti istius generalis, solâ interveniente divina scientia. Hoc autem decretum exprimitur ordinariè hac phrasi, Volo credentes salvare, id est, non alia conditione homines saluti destinare, quam si credant, oppositè ad operarios & alios quoscunque.

Post hæc dicit: *Utrumque illud decretum Dei tam de salvandis fidelibus, &c. quam de danda efficaci gratia omnibus vocatis, non posse, ex Remonstrantium sensu, dici factum ad honorem Iesu Christi, Filij ipsius dilecti: Utrumque enim, inquit, potius ad honorem hominum, si sint aliqui qui credunt & servantur, factum esse ex eorum placitis constat, quia post decretum de mittendo filio, & omnibus quæ ad salutem hominum acquirendam faciunt peragendis, fieri potest ut nullus sit electus, nullus fidelis ad mortem usque perseverans.* Mirabilis collectio, & digna Academicis Sophistis. Quasi verò honoris, dignitatis, majestatis, gloriæ & excellentiæ I. C. Regiæ ratio à voluntate hominum pendeat: Ne quidem in hominibus id verum est: Honor Regis in eo situs est; quod iusta in subditos potestate sit præditus, & quod per ipsum non stet, quo minus subditi omnes bene habeant, sive subditi pareant ei, sive secus. Sub-

Majestatem Regiam non facit subditorum voluntas, sed iusta & legitima potestas.

C c

ditorum

EXAMEN CENSURÆ

ditorum voluntas, non facit regiam Majestatem, sed subditorum officium. Honor, gloria, majestas, & excellentia regia in potestate est, qua potestas justa est, si subditi obediant, si obedire nolint. Alioquin Rex non esset Rex, nisi ex subditorum arbitrio, licet injustissimo. Quod si falsum est, uti sine dubio falsissimum est, necessario consequitur, fieri posse, ut Rex perfectissimo honore, majestate, & gloria regia sit præditus, etiam si nullus subditorum sit, qui ei parere, aut debitum Regi honorem deferre velit. Eadem ratio est in regia hac majestate, si honore Iesu Christi, ad quem regia potestas salvandi & dammandi Christo à Patre data est: honor iste regius Christo domino integer constaret, etiam si nullus esset, qui ei parere vellet. Nec merito Christi glorioso quicquā decederet, etiam si nemo esset (quod tamē futurū nunquam est) qui meriti ejus particeps esse cuperet. Obedientia aut inobediētia nostra, nec augent, nec diminuunt honorem potestatis, aut meriti Christi ulla ex parte. Quare putidum est, quod ait Censor, *Honorem hunc non futurum Christi honorem, sed hominum, saltem hominum primo, precipue & immediate, si statim fieri posse, ut nullus Christum apprehendat, imo fieri posse, ut sanguinem & meritum ejus omnes conculcent pedibus, &c.* Hoc enim etiam si fieret non tamen idcirco isti Christum privarent honore suo nedum omni honore, ut Censor ait: Sed tantum ipsi seipsos privarent honore beneficiorum Iesu Christi, si fructu meriti Iesu Christi, salvo manente suo honore Iesu Christo, qui non definitur voluntate nostra, sed potestate suprema ac justa, quam ipsi concessit Pater. Et honoris siue potestatis illius signum manifestum in eo pateret, quod rebelles istos omnes, pro potestate sua suprema, male perderet, meritoque supplicio afficeret. Et sane, totus Christi honor in eo situs est, quod salvare possit ac velit omnes sibi obtemperantes, perdere vero ac damnare omnes immorigeros ac parere nolentes: usus hujus potestatis Christo honori est, in quamcunque partem vergat: Fructus & damnum ad nos pertinent. Nec Christo honor detrahatur etiam si nemo ei pareat. Nec homini honor additur, si Christo pareat.

Est præterea, inquit, oppositum in opposito, cum dicunt Deum efficacem gratiam conferre omnibus vocatis, qua re ipsa credant & obediant, &c. nisi nova contumacia & rebellionem gratiam Dei oblatam rejiciant: Non enim est efficax gratia, nisi qua contumaciam veterem tollit & novam prævertit. Hæc censura est vocis non rei. Efficax gratia Remonstrantibus est, quæ non tantum prævenit voluntatem, & potentiam volendi.

lendi confert vocatis, sed quæ comitatur & adjuvat voluntatem hominis, sic, ut voluntas, quando actu vult, id est, credit & obedit Deo mandanti, isti ipsi gratiæ tanquam mortici causæ principali tribuere debeat quod velit, id est, quod credat & quod obediat, etiam si motioni ejus reluctari & rebellare suo proptio proprio motu protuerit: Efficaciæ enim sive efficientiæ denominatio, sumenda est à causa prima & principali: quod adeo verum est, ut videamus in Scripturis passim, peccata quæ homines liberrima voluntate faciunt, sive quæ poterant non facere, diaboli ipsius opera appellari, & qui ea committunt ex diabolo natos & filios diaboli vocari, Ioan. 8. 44. 1. Ioan. 3. 8. &c. Et receptus tritusque in omnium pene mortalium ore sermo, adeo luculenter probat, denominationes huiusmodi tribui iis, qui aliis consilia tantum dant aut suadent aliquid, quamquam hi consilia ista aspernari possunt, ut impræsentiarum probatione alia nulla opus sit. Efficax itaque gratia Remonstrantibus hæc est, quæ non solum apta nata est rebellionem tollere, quamquam rebellio ei opponi possit, sed cui ipse eventus sublatæ rebellionis adscribi primario debet, etiam si fieri potuerit ut rebellio non tolleretur.

Quid Remonstrantibus sit Efficax gratia.

Efficaciæ denominationis à causa prima & principali desumenda est.

Sectione III. conqueritur Censor, quod Remonstrantes cum decretum primum, decretum Prædestinationis ad salutem &c. esse dicunt, ambiguitatibus suis & equivocationibus omnia perturbent. Sic enim loquuntur de decreto isto, quo dicunt Deum decrevisse saluare credentes, ac si tales quidam reipsa essent ante decretum, & tamen idem istud decretum tale decretum hic esse dicunt, quo posito stare potest, nullos esse ad salutem prædestinatos. Coccyssimus hic est: Decretum primum vocant Remonstrantes decretum Prædestinationis ad salutem, quia eo decernitur qua ratione & conditione Deus peccatores saluti destinet. Enunciatur autem hoc decretum Dei hac formula; Deus decrevit saluare credentes, non quasi credentes quidam reipsa jam sint, qui obijciantur Deo saluare volenti, sive prædestinanti; Nihil minus; sed, ut quid in iis, circa quos Deus prædestinans versatur, requiratur, ista enunciatione clare significetur: Tandem enim valet atque si diceret, Deus decrevit homines saluare sub conditione fidei, non operum aut aliâ ullâ via: Huiusmodi decreto posito, stare posse, nullos esse ad salutem prædestinatos, natura ipsa rei loquitur. Cur autem decretum hoc non possit vocari prædestinatio ad salutem, non video. Prædestinatio enim non necessario est prædestinatio certarum personarum ad salutem, quæ nominatim fiat. Tum, etiam si huiusmodi prædestinatio non sit prædestinatio certarum personarum,

Quid Remonstrantes intelligant per decretum quo Deus constituit saluare credentes.

EXAMEN CENSURÆ

rum, est tamen omnium hominum prædestinatio, si modo credant, & in virtute prædestinatio certarum personarum quæ & quando credunt. Ex vi enim prædestinationis ejusmodi generalis, prædestinati ab æterno censi possunt, quicunque in tempore credunt. Sed hæc lis de voce tantum est & Logica sive Grammatica potius quam Theologica. *Fatetur tandem ipse Censor, decretum hujusmodi quale Remonstrantes vocant decretum Prædestinationis ad salutem, per Evangelium nobis proponi & in se verissimum esse. Hoc satis est. Sed negant, inquit, nullum esse aliud decretum Prædestinationis ad salutem & gloriam, & volunt hoc esse solum & totum decretum Prædestinationis ad vitam. Ergo, concludo ego, decretum istud etiam esse & vocari recte, saltem ex parte, decretum Prædestinationis ad salutem: unde deinde porro infero: Si aliud insuper decretum prædestinationis est, quo personæ, qua tales, prædestinatæ sunt ad salutem, tum decretum istud conditionale funditus everti, sive dicatur præcedere, sive subsequi. Conditio omnis stulte & ridicule proponitur iis, qui nominatim ac præcise jam ante destinati sunt salutem, aut sic post sunt destinandi. Quocirca ratio, qua Censor utitur, ut probet decretum Prædestinationis Remonstrantium non esse totum Prædestinationis decretum, quia nullos homines designat, qui certo salvandi sunt, sed tantum est de mediis & modis, quibus Deus homines vult ad salutem perducere, ratio, inquam hæc, contra ipsum militat. Idcirco enim, quia pro certo & pro verissimo habet cum Remonstrantibus, quod decretum istud conditionale de mediis & modis homines ad salutem perducendi, quod Remonstrantes Prædestinationis decretum vocant, in Evangelio propositum sit, uti jam ante confessus est, fateri necessario debet, decretum istud absolutum, quo nominatim & præcise, sive inevitabiliter, aut de facto, ut vocant, certas personas salutem à Deo destinatas esse vult, sive præordinetur isti Remonstrantium decreto, sive subordinetur, locum habere non posse. Alterum enim per alterum manifeste destruitur. Conditionale decretum & absolutum circa unam eandemque personam simul stare non possunt. Etsi vero decretum istud Remonstrantium de facto nullas certas personas prædestinet, segreget, vel libro vitæ inscribat (hoc enim fieri non potest nisi intercedat divina scientia) tamen decreti ipsius natura talis est, ut ex vi ejus, quia generale est, inscripti & prædestinati censi debeant, quotquot in tempore conditionem præstant, adeo ut, etiamsi nulla intercederet divina præscientia, recte & jure dici posset, ab æterno prædestinatos esse in vi generalis istius decreti divini,*

Decretum Prædestinationis, de salvandis credentibus non potest consistere cum decreto absoluto hunc aut illum nominatim salvandi, sive præcedat sive subsequatur,

divini, quo Deus credentes salvare constituit, quotquot in tempore credunt. Interim, quando Remonstrantes decretum Prædestinationis ad salutem quo Deus salvare statuit credentes, decretum Prædestinationis totum ac solum vocant, non id volunt, quasi decretum, quo Deus præscit eos qui credunt & præscitos eos nominatim destinat salutem, eo tum non pertineat; Absit: Coniunctim tum ista decreta sumunt pro uno: Sed tantum id volunt, præter hoc decretum non esse aliud absolutum aliquod; ac proinde conditionale decretum, quod hoc Syllogismo toto comprehenditur: Deus decrevit credentes salvare; Petrus, Paulus, Iohannes credunt: Ergo: esse solum ac totum Prædestinationis decretum ad salutem.

Atqui, inquit Censor, *Prædestinationis decretum habet certas quasdam personas destinatas, Deo notas, & ab aliis ipso prædestinationis decreto segregatas.* Hoc vero est quod Remonstrantes passim negant, si per personas certas intelligantur personæ nudæ, & quæ nominatim, ut ita dicam, designatæ ac destinatæ sint: Et per Prædestinationis decretum intelligatur peremptorium decretum Prædestinationis ad gloriam. Decreti enim Prædestinationis ad gratiam, quod etiam decretum Prædestinationis ad gloriam aliquo modo est, alia ratio est: Nec quæ à Censore citantur loca, in contrarium faciunt, Math. 20. 26. ubi *multi vocati, pauci electi* dicuntur, de electione non agitur. Vox enim *εκλεκτος* nomen est, non participium: & si omnino de electione ageretur, voxque *εκλεκτος* idem esset quod participium *εκλεκτός*, tamen de electione ista, quæ Censori probanda est, idcirco non ageretur; imo ex textu manifestum est, tum de electione ista verba interpretanda fore, quæ versatur non circa personas nudas, sed circa personas officium facientes, qua tales. Electi enim hi pauci, in protasi dicuntur esse isti ultimi, qui hora undecima vocati fuerant in vineam, & per illud tempus quo potuerant, graviter in vinea laboraverant, quibus paterfamilias speciali quadam dignatione (quæ electio merito vocatur) parem retribuerat cum cæteris mercedem. Locus Rom. 11. vers. 5. *Reservatio secundum electionem facta est*, agit manifeste de electione fidelium Iudæorum quos Deus eo ipso, quia eos caros sibi habebat, reservare ex communi populi Iudaici perditione, uti quidam interpretantur, vel, uti alij, ab æterna perditione, immunes præstare & sibi servare volebat. Evincitur hic sensus manifeste ex textu: Redditio enim est ejus, quod ante factum fuisse in exemplo Eliæ indicatum fuerat, uti patet ex particula similitudinis *εἰς τὸ αὐτό*. At ibi reservatio facta fuerat eorum, qui non flexerant genua sua

Ostenditur locum Math. 20. 26. de Electione quale Censor urget, non agere.

Similiter nec locum ad Romanos 11. 5.

EXAMEN CENSURÆ

Nec locum 2.
ad Tim. 2. 19.

Quo sensu
Christus dica-
tur prædesti-
natus & con-
stitutus Rex
& caput ele-
ctorum.

fua coram Baal: Ita etiam hoc tempore, inquit Apostolus, facta est reser-
vatio fidelium quia eos gratiose elegit in populum suum, & populi sui
titulum retinere vult, etiam si cæteri omnes deleantur & extinguantur.
Locus qui ex II. Timoth. 2. 19. desumitur, *Novit Dominus qui sint sui;*
nihil habet quod vel in speciem probet id, quod probandum est. Con-
trarium potius ex eo evincitur, uti etiam ex locis sequentibus Luc. 10.
20. & Joan. 10. 3. Certum enim est, de Notitia istic agi approbativa,
qua Dominus ita novit suos, ut eos aliquando ex morte in vitam susci-
taturus sit, ut sensus sit, hoc fundamentum Dei solidum, stat (quasi
dicat immortum) se; Resurrectionem aliquando certo futuram, & sigil-
lum hoc ei appensum semper ante oculos nostros versari debet, Dominus
non relinquet suos (qui vid. ipsum diligunt & in fide ejus moriuntur)
in morte, sed caros eos habet atque intime eos diligit, quod dici nullo
modo posset, si eos post mortem ipsorum in immortalem vitam non es-
set suscitaturus. Per *suos* itaque, hic intelliguntur pii, fideles, sancti, in
fide & sanctimonia morientes, nisi forte quis hic intelligi velit, fideles
& constantes Dei ministros, oppositæ ad Hymenæum & Philetum, de
quo contendere nolo. Ut ut enim sit, semper manebit eadem, quæ jam
alata est solutio; Non agi hic de personis nudis, sed de personis quali-
tate aliqua bona præditis, & ut sic, divinæ vel notitiæ vel prædestina-
tioni objectis. Argumentum vero quod desumit ex fundamento isto,
quod *Christus Filius Dei prædestinatus & constitutus est ab æterno Rex
& caput electorum*, quod fieri non potuit, inquit, si totum Prædestinationis
decretum tale sit, quo nulla infallibiliter assignentur Christo membra, nul-
lius prorsus est momenti. Nam cum Christus prædestinatus sive con-
stitutus & datus à Deo dicitur in Regem & caput electorum, eo non
significatur, Christum sic prædestinatum & constitutum fuisse Regem
& caput, quia vel jam ante aliqui electi erant à Deo ut membra Christi
fierent, vel quod aliquos subditos & membra Christi fieri necessarium
esset, ne Christus non esset Rex aut caput: Nihil minus: Sed eo tantum
significatur, Christum à Deo constitutum & destinatum fuisse, ut Rex
& Princeps esset eorum omnium, quicumque libera voluntate se illi sub-
missuri erant, id est, Euang. ejus, quo subditos sibi facere constituerat pa-
rituri, uti diserte videre est Heb. 5. 9. *Et consecratus, factus est autor salu-
tis omnibus obtemperantibus ipsi*, & non obscure confirmatur ex eo, quod
Christus Luc. 19. 14. & 27. innuit, se Regum designatum fuisse etiam
eorum, qui ipsum repudiaverunt, & super se regnare voluerunt, Adde, nisi
ita

Ita esset, nec subditi Christo veri, id est vere Christo obedientes essent, nec ceteri Christo subditi esse tenerentur, quia designatus non esset in Regem eorum, nec vocari, moneri aut extimulari jure possent, ut subditi Christo fierent, nec, si omnino fierent subditi, veri subditi essent, quippe qui Christo subditi essent, non voluntate sua, sed necessitate, sicque Christus verus & spiritualis voluntarij populi Rex non esset. Si Christus non nisi voluntarij & liberi populi Rex est, utique Rex esse potest & Regiam majestatem habet, siue populus ei pareat siue non pareat. Prædestinatus itaque in Regem & caput, Rex & caput manet, etiamsi nec subditos nec membra habeat quæ ei obedire velint. Istos enim, ut rebelles, qui se subicere regno & voluntati ejus non voluerunt, cum ex officio tamen id facere tenerentur, judicabit & puniet, quod Regiæ potestatis in eos signum est. Atqui, inquit Censor, Christus ipse Ioh. 6. 39. agnoscit tales subditos, & talia membra se accepisse à Patre: *Hæc est voluntas ejus, qui misit me Patris, ut quicquid mihi dederit, non perdam ex eo, sed suscitem illud ultimo die.* Imo vero inquam, isto in loco non agitur nisi de subditis fidelibus Christi, Evangelio fidem habentibus & libera voluntate ei obtemperantibus, deque datione Patris, qua tales Christo dat servandos, siue suscitandos ex morte in vitam æternam, non autem de datione quâ dat eos Christo, ut fiant membra & subditi ejus. Similiter se res habet in loco Ioan. 10. vers. 29. *Pater meus, qui eas dedit mihi major omnibus est: neque quisquam potest eas rapere ex manu Patris mei.* Manifestum enim est, hic etiam agi de datione Patris, qua Christo oves suas fideles, & vocem ejus audientes, dat custodiendas à morte, & à vi ac violentia ejus, qui mortis habet imperium, non autem de datione, qua Christo oves dat, ut fiant Christi membra, nedum de datione qua Christo dari dicuntur à quibusdam, custodiendi & conservandi, ut nunquam à fide & obedientia mandatorum ejus possint deficere. Quod si quis tamen hæc loca etiam de datione illa Patris accipi velit, qua Pater aliquando dicitur probos & Dei timentes filio suo Christo dare instituendos & per Evangelium ac Spiritum suum salutaris veritatis cognitione imbuendos, non reclamabo admodum: Datio enim hæc præsupponit etiam non personas nudas, sed probitate & Dei timore præditas, & sic idoneas magis ad Evangelicam veritatem discendum & percipiendum, quod satis est ad ostendendum, loca hæc Censori non servire, ad probandum id quod probari oportuit. Sed quia disputationem hujus rei pleniorē Censor rejicit in cap. 18. ad 20. usque:

Sensus loci
Ioannis cap.
6. 39.

Et loci Ioan.
nis 10. 29.

EXAMEN CENSURÆ

xx. usque inclusive, nos etiam hic supersedebimus. Quod interim con-
queritur, *Remonstrantes, in declaratione sua parum fideliter sententiam ipso-
rum proposuisse, nec secutos verba Synodi Dordracena, quam in margine ci-
tant*, nimis manifesta calumnia est. Notior est sententia eorum quam ut
eam quis malâ fide proponere audeat, Fabri sutoresque id animadverte-
rent. Et aded fœda est, si modò nudè proponatur, ut ab ea toto animo ab-
horreat, quisquis eam nudè proponi tantum aut videt aut audit. Quæsi-
tis verbis aut phrasibus opus non est, ut horrida videatur. Sed verba
Censor eadem vult, quibus *Synodus Dordracena* usa est, nempe picta,
quibus horrida sententia veluti speciosa veste induta fuit, ne fœditas
ejus pateret. Ista Synodi Dordracenæ artes norant & jam detexerant
Remonstrantes. Sciebant eam verbis ejusmodi usam, quæ vel cothurno
similia sunt, vel aded affabrè elaborata, ut sententia ipsa, quæ iis contine-
tur, vix animadvertatur: vel aded molliter sonant, ut cum sensu isto du-
ro atque horrido, qui subest, vix commune aliquid habere videantur.
Istâ arte impositum fuit populo, & horrida sententia obtrusa incautiiori-
bus, uti venena sub auro solent. Hinc suis verbis sententiam Synodi ex-
primere voluerunt, certi, se nihil nisi ipsissimam ejus sententiam expref-
suros.

*Post hæc negat Censor, tale decretum Prædestinationis quale ab ipsis dog-
matice statuitur, incommodis istis laborare, quæ adsignat declaratio: Per cal-
umniam ea ab adversariis adfingi suis dicit.* Satis confidenter & pro more
suo: Nos paucis videamus, quomodo istis se suosque expediat, & calum-
niam esse ostendat. *Manet enim inquit, Necessitas & conditio fidei & obe-
dientia tanquam medij sive modi, quo omnes electi ad vitam perducuntur.* Ver-
ba hæc sunt: Decretum absolutum non potest conditionale decretum, ut
medium sive modum habere sibi subordinatum. Destinatio irrevocabi-
lis ad vitam, & promissio vitæ sub conditione, non nisi stultè conjungun-
tur: Qui eligit irrevocabiliter & nominatim aliquem ad vitam, ejusque
rei certiore facit eum quem eligit, is ridiculum se facit, si eundem non
nisi sub certa conditione salvare, aut ad vitam perducere velit, & se sic
eum perducere velle declarat. Quisquis etiam credit se irrevocabiliter
& nominatim salutem destinatum esse, is, si sapit, non nisi dicis causâ con-
ditionem sibi præscribi, & sub conditione vitam sibi promitti intelligit.
Si dicas rem hanc ita se habituram esse, nisi Deus conditionem ipse ef-
ficeret in iis, à quibus eam exigit, tantò magis ridendum te propi-
nas, & sententiam te ridiculam habere ostendis. Conditionem enim
quis

Diluitur Cen-
foris calum-
nia, quod Re-
monstrantes
parum fidei-
ter sententiam
eorum pro-
posuerint.

Diluitur prima
Censoris ex-
ceptio, quod,
posito absoluto
decreto, nihil
ominus ma-
neat necessitas
& conditio
Fidei & obe-
dientiae, tan-
quam medij
& modi, quo
electi ad vi-
tam perdu-
cuntur.

CAPITIS NONI.

105

quis sapienter aut serid præscribet alteri, sub promisso præmij, & pœnæ gravissimæ comminatione, qui eam in eo, cui præscribit, efficere vult? Hæc actio ludicra tota & vix scenâ digna est. Pergamus: *Manet rectus ordo*, inquit, *quo Deus ex intentione suos salvandi, modum executionis recto & sapienti ordine præordinavit*. Verba hæc iterum sunt, & mera principii petitio. Rectus ordo, & qui sapientem seriumq; legillatorem decet, pervertitur, quando absolutæ intentioni subjungitur intentio cum conditione: Nullus sapiens istum ordinem aut inibit aut rectum putabit. Legillator serius, totam suam Legillationē ludibrior exponit, cum conditionem præscribit iis, quos irrevocabiler præmio afficere, & in quibus, quam præscribit conditionem, ipse efficere vult, seq; efficere velle non tantum significat iis, quibus eam conditionē præscribit, sed ab iis firmiter etiam id credi vult: Quot verba, tot pœnē insipientiæ sunt signa. *Manet*, inquit, *Christi meritum, sine quo nemini salus confertur, nec alicui etiam decreta est ab æterno, ut absq; merito Christi, ejus fieret particeps*. Atqui eo ipso tollitur meritum Christi, quod sine eo nemini dicatur salus conferri, nec alicui sic decreta esse, ut ejus absque merito Christi fiat particeps: Sic enim meritum Christi non est nisi meritum salutis, ejus participes aliquando fient fideles. At meritum Christi, non est salutis tantum illius meritū, sed meritū gratiæ sive reconciliationis; proinde quodd immediate circa voluntatem Patris versatur: Christus enim merito suo effecit, ut Pater homini reconciliatus fuerit & cum eo in gratiam redierit, adeoq; redire voluerit: Hujus meriti vis atq; efficacia tollitur funditus, per decretum istud præcedens, quo Deus antea dicitur peremptoriē ad vitam elegisse & paterno amore dilexisse eos, ad quos meritum istud pertinere dicitur. Si enim hæc electio, hic amor, jam ante in voluntate Patris erat, quomodo Christus eos Patri suo reconciliavit, quomodo fecit ut Pater suus eos amare voluerit, aut ut cū illis in gratiā redierit? Id sanē concipi non potest: Post decretum istud, fieri posse ut Christus salutem & vitam cōferat electis istis, nō est ἀκατάληπτον, & hoc est quod Censor hic veluti Coccysmum occinit nobis, sed hoc ipsum est meriti Christi proprietatem & vim omnem è medio tollere: *Ex eodē decreto ministerij efficacia*, inquit, *promanat*. Inepte: Ministerium enim fit per verbum Evangelij: Verbum autem Evangelij, habet promissa, minas, orationes, obsecrationes, obtestationes, querelas, accusationes, increpationes, &c. quas subordinare aut coordinare velle decreto ejusmodi præcīso salvandi, tantundē est atque

Si quisquam jungat vulpes & mulgeat hircum.

D d

Denique

Diluitur secunda exceptio, de recto & sapienti ordine quem manere Censor ait, posito etiam tali absoluto decreto.

Diluitur tertia exceptio, quod per decretum istud non ever-tatur meritum Christi.

Diluitur quarta exceptio, quod ex decreto isto absoluto Ministerij efficacia pro-manet.

EXAMEN CENSURÆ

Diluitur ul-
ma exceptio,
Quod à decre-
to isto Religio-
nis veræ tota
vis pendeat.

Censoris au-
dacia quod per
ea verba De-
clarationis,
quæ ipsissima
Scripturæ ver-
ba sunt, Reli-
gionem totam
à Remonstran-
tibus destrui
asserat.

Denique Religionis vera tota vis pendet à decreto isto, inquit, in iis qui norunt, se salutis suæ proram & puppim in solo Deo habere, qui ejusdem sit author, promotor, & confirmator: At cum Religio aliud nihil sit, quam officium hominis, quo obligatur ad parendum divinæ voluntati lege vel Evangelio enuntiata, & promissis ac minis sancita, Religionis vis per decretum istud tollatur necesse est. Decreti enim istius natura postulat, ut Deus in iis quos decreto isto irrevocabiliter vitæ destinavit, omnia ipse efficiat quæ inesse iis debent, ut ad salutem perveniant: At sic perimitur planè totum hominis officium. Ut enim is, qui ex vi decreti istius omnia ipse efficere tum debet, tum vult, præscribat homini officium lege aliqua sancita comminatione, ridiculum est, Nec sapienter nec seriò id unquam faciet; Ut verò is, in quo Deus solus omnia ista efficit, dicatur officium suum facere, & præmio dignus esse, multo magis ridiculum videri debet. Religio itaque tota, tum Dei præscribentis, tum nostri ratione, planè evertitur per decretum istud. Retorsio, quam Censor facit qua Remonstrantium doctrinâ Religionem omnem tolli asserit, indigna est examine; ut enim jam non executionem frivolum istam rationem, quod sibi Remonstrantes divinos honores arrogent, notetur tantum quod pro ratione adjungit: *Statuunt, inquit, hominum esse, Dei electionem firmam vel irritam facere.* Sunt enim hæc ipsissima Scripturæ verba, per quæ Censor Religionem ipsam totam destrui vult. Sic enim Petrus disertè ait 2. Pet. 1. 10. *Studete fratres vocationem & electionem vestram firmam facere, & cetera.* Hæc enim si feceritis, nunquam impingetis: Possunt itaque homines electionem suam firmam facere 2. ad Corinth. 6. 1. dicit Apostolus: *Horiamur vos, ne frustra gratiam Dei receperitis.* Possunt itaque homines electionem suam irritam sive frustraneam reddere, Luc. 7. 30. disertè dicuntur Pharisei irritum fecisse consilium Dei contra seipsos. Possunt itaque homines consilium Dei irritum reddere. Quis majorem cæcitatem & absurditatem quæ cæcitatem fere comitatur, ab homine expectet, quam quod Religionem totam everti dicere audeat, per id, quod Scriptura ipsa ita se habere in terminis affirmat? Impudens os & supercilium, quod contra ipsum Dei verbum se elevat, & Religionis fontem irreligiositatis condemnat. Quo non abit Academicus tumor & Sophistarum typhus?

Sectione IV. non tam continetur Censura, quàm quæstio, eaque valdè impertinens dicam, an incita? *Ponunt, inquit, Remonstrantes præviā.*

præviæ ordinationem fidelium & obedientium ad salutem, deinde ordinationem vocationis ad fidem, & electionis ad gratiam; Sic faciendo, ponunt decretum primum de fine, secundum de mediis, &c. Si vero inde non sequatur Deum decrevisse glorificare perseverantes in fide absolute, priusquam aliquos eligeret ad fidei gratiam, cur adeo importune repetunt, inde sequi, Deum velle aliquos glorificare sine satisfactione Christi & sine fide & obedientia, quia dicimus Deum proposuisse sibi ab æterno, & apud se intendisse, quosdam peccatores salvare, priusquam ordine nostro consultandi, eosdem tanquam reipsa credentes consideraret &c. Valde inquam impertinens & inscita est hæc quaestio. Remonstrantes enim non taxant adversarios suos eo nomine, quod adferant Deum decretum primum facere de fine, inde de mediis; quis enim sanus id taxet? Sed quod decretum primum, quod de fine vocant, ejusmodi decretum faciant, cui decretum alterum, quod de mediis vocant, subordinari non potest, ac proinde per quod decretum secundum penitus evertitur: Puta, Decretum peremptorium primum faciunt de salvando Petro, Paulo, Ioanne peccatoribus; Decretum secundum de mittendo Christo ut peccatores Deo reconciliet, id est, ut Deum moveat ad volendum peccatores salvare. Hæc duo decreta se invicem perimunt. At Remonstrantes Decretum primum suum non faciunt decretum peremptorium de salvandis peccatoribus credentibus, sed Decretum de reconciliandis peccatoribus per Christi sacrificium: Et de hoc propterea præcedente capite egerunt. Huic decreto subordinant Decretum Prædestinationis de salvandis peccatoribus credentibus in Christum Mediatorem generis humani. Atque hoc pacto evitant absurditatem manifestam, in quam incidere adversarios necesse est. Quæ porro de phrasi *Electionis ad gratiam* Censor adfert, ea tam sunt frigida & frivola, ut refellere pigeat hoc loco: Suo enim loco id fiet oportunius: Hic sufficit, si dicatur, Electionem ad gratiam non dici electionem ad gratiam respectu eorum, quibus pariter aut simul gratia ista communicatur, sed respectu aliorum, qui vel ante istud tempus, gratiæ istius beneficio adfecti non fuerunt, vel ad quos illo ipso tempore gratia ista non pervenit. Sic enim quibus ista gratia tum fit, electi à Deo dicuntur ad gratiam istam participandam, oppositè vel contradistincte ad cæteros istos, beneficio eodem carentes. Quare, quod de electione hominum ad gratiam, & electione gratiæ ab hominibus facta nugatur, impertinens est.

Ostenditur:
Quæstionem
quam Cen-
sor facit ad-
modum esse
impertinentem
& alienam.

Denique, ultimo loco vocat in quæstionem an verum sit id, quod

D d 2

dixerunt

EXAMEN CENSURÆ

dixerunt Remonstrantes in sua declaratione, *Prius constare nobis debere de voluntate ipsâ Dei, deque officio nostro, quam de gratia ad voluntatem illam præstandam necessaria.* Quid est naturam rerum evertere, si hoc non est? Videlicet, quod certi esse debeamus Deum peremptoria voluntate nos nominatim salutem destinasse, prius quam certi simus de officio nostro, quod Deus à nobis requirit & sine quo à nobis præstito salutem nobis conferre non vult. Nec dubitat tamen addere Censor: *Certè id aliter naturâ comparatum est in omni obedientia, cujus primum objectum cognosci debet suis circumstantiis vestitum.* Qui enim aliquem tanquam Patrem suum nondum novit, &c. De omni obedientiâ probare debuerat Censor, & filialem tantum allegat. In qualibet aliâ obedientiâ apparet manifeste contrarium verum esse: Sed & in filiali obedientiâ res longe aliter se habet. Filius enim etsi naturæ privilegio Patris sui hæres sit, & se hæredem Patris sui esse sciat, tamen sic absolutè hæres non est quin à Patre exheredari legitime possit, si ea committat, quæ justam exheredandi causam Patri præbere possunt: Unde consequenter efficitur, falsum esse, Filio prius constare debere de peremptoriâ Patris sui voluntate, quàm eum hæredem immutabiliter scribit & instituit, quam ei constet de officio suo quo Patri suo obligatus est: adeoque contrarium esse certissimum, Filio prius de officio suo constare debere quin & officium suum faciendum esse, quam certus esse possit se Patris sui hæredem certo esse futurum. Sed præterea ostendenda est sua Censori imperitia. Non agitur in declaratione Remonstr. de obedientia proprie dictâ, quæ à fide contradistingui solet in Scholis, uti Censor credit, sed de obedientiâ totâ, quæ fidem simul atque opera, id est, obedientiam ex fide propriè dictam complectitur: Id poterat ac debuerat didicisse ex cap. statim sequente, ubi tota voluntas divina sub uno præcepto *Fidei* comprehenditur: Quid? an etiam necessarium dicit Censor, ut certi ac persuasi simus de Dei erga nos beniginitate & prona voluntate, deque hæreditate quæ ex paternis Dei bonis speratur, priusquam nobis constet de voluntate Dei, quæ credere nos jubet, id est, quæ juxta Censoris mentem, jubet nos persuasos esse de paterna, & peremptoriâ suâ erga nos voluntate? Nimis crassa hæc est imperitia Censoris, cujus eum merito debet pudere.

AD CEN-

AD CENSURAM CAPITIS X.

De præceptis Iesu Christi in genere, deque fide
& pœnitentiâ seu Conversione ad Deum,
& cap. xj. de fide in I. Christum.

Quæcunque capite hoc toto Decimo & magnâ parte capitis undecimi censentur, ea spectant dogma de *Fide & Iustificatione*, quod *fundamentalem Reformationis articulum* Censores vocant. Operæpretium est ut id accurate ventiletur, & quam fieri potest clarissime exponatur; ut id fiat, non expendemus sectiones singulas: Multa enim morose, inepte & inutiliter forent repetenda, sed rem totam uno tenore pertractabimus, & oculis lectoris subjiciemus, ut quid de re totâ statuant Remonstrantes, tanto melius perspiciatur, & quam sit inanis ac frivola, quæ in eorum Confessionem scripta est hac de re Censura, manifestum fiat.

Ac primo quidem, merito suspectum videri debet, quod Censores, etiam si pag. cxlj. dicant, Remonstrantes in hujus articuli declaratione *aperitum bellum indixisse universæ Ecclesiæ Reformatæ*, in fine tamen Censuræ suæ, ad Remonstrantium conclusionem, ubi accusationem hanc tanquam *princeps Censuræ suæ caput* repetere, & in memoriam lectori, ut tanto hæreret altius, revocare voluerunt, istud aperte profiteri non audeant, ubique enim suum istud *Videtur* ingeminant, & conclusio tandem est; *Eos propiores Socino, quam Ecclesiæ Reformatæ videri posse*; quæ locutio, quam sit circumspecta ac sollicita, quis non videt? Neque hoc tantum, sed addunt insuper: *Verum quidem esse, quod Remonstrantes quædam Socini interpolent & incrustent, verborumque ambiguo & tegmine sese involvant, sed ita, ut, cum ab eo videri volunt decedere, in eundem denuo recidant, adeoque in pejus proficiant.* Qua oratione satis testantur, Remonstrantium de hoc Articulo sententiam, si verba spectes, orthodoxam, & à Socino diversam videri, vel saltem contrarium ex verbis eorum non liquere: Imò cum iis non tantum *verborum ambigua & tegmina* atque *involuta* tribuunt, sed etiam quod Socini *quædam* interpolent atque incrustent, eo ipso fatentur, verba Remonstrantium, si nude spectentur, & per suspensiones non detorqueantur, Socino neutiquam favere, adeoque orthodoxam.

Ostenditur:
Censores hæ-
sitare, & diver-
simodè loqui,
in assignanda
Remonstran-
tium sententia
in capitibus de
Fidei & justi-
ficatione.

EXAMEN CENSURÆ

thodoxa censenda esse. Enimvero dubitandum nullo modo est, quin, si modo indicassent Censores, quænam sint illa *quædam*, quæ interpolata & incrustata sunt, & quomodo ista à Remonstrantibus interpolata atque incrustata credant, manifeste satis patuisset, ea esse illa ipsa, quæ Socini propria sunt: reliqua vero, in quibus eos se Socini socios præstare dicunt, esse illa ipsa, in quibus Socinus cum Orthodoxis in hoc articulo conspirat. Deinde suspicionem auget, quod definitionem Fidei Iustificantis, quam vocant, vel salvificæ quam fecerunt Remonstrantes, *Socinianam* ἐκ παλαιότητος faciant & tamen statim deinde subjungant, *Si singula ejus membra seorsim considerentur, agnoscimus nihil in ea haberi quod (N B) recte intellectum verum non sit, & verbis Scripturæ consentaneum, pleraque etiam ad fidem & veram in Christum fiduciam spectantia, non male explicari.* Hæc aperta confessio manifesto indicio est, Censuram eorum inanibus suspicionibus potius, quam justis rationibus niti, & quicquid desiderant Censores in descriptione Fidei à Remonstrantibus facta, id eos non desiderare idcirco, quod in ea vel falsum aliquid, vel sensui Ecclesiarum reformatarum contrarium statui, vel in ea essentiale aliquod membrum deesse credant, sed quia suspicioni indulgere, & credere volunt deesse vel subesse aliquid in animo Remonstrantium; quod indicat eorum, *Recte intellectum.* Sed nos rem testem demus.

In summa rei,
Socinum cum
Orthodoxis
conspirare in
capite de ju-
stificatione
demonstratur.

Quod ad summam rei attinet, certum est, Socinum & qui cum eo sentiunt omnes in universum, credere ac profiteri: Iustificationem non esse nisi actum judiciale; proinde non esse actum, quo Deus infundit Iustitiam peccatori, sed quo peccatorem credentem absolvit, eumque non aliter, quam si justus esset, habere ac tractare vult. Et hac in re nemini dubium esse potest, quin Socinus cum Orthodoxis conspiraret contra Pontificios. Et hac una ex re, pleraque ad hoc caput pertinentia, æstimari possunt ac debent.

Similiter in
capite de Fide.

Sed quia Iustificatio ut est actus Dei Iudicialis, versari tantum creditur ab omnibus Orthodoxis, circa hominem quatenus fidelis est, tota aut præcipua in hoc capite difficultas est de Fidei istius, quæ ad justificationem obtinendam necessaria est, specifica forma. Fidē non esse tantum notitiam, sed assensum etiam ac fiduciam, contra Pontificios cum Orthodoxis fatetur Socinus. Quæ eorum omnium causa efficiens sit, ad Prædestinationis caput spectat, de quo hic non quæritur. Hactenus ergo, saltē in genere, Socinus Orthodoxus est, & cū Censoribus cōsentit, ut ipsi non dissentiant. De ob-
jecto fiduciæ, an sit specialis Dei misericordia, primalis nascitur, & in eo, ut

eo, ut loquuntur Censores pag. clviij. *totius controversia, quam nunc omnibus Ecclesiis Reformatis Remonstrantes movent, cardo vertitur.* Sed, cum lis ista intercefferit Ecclesiis Reformatis multò ante Socinum, cum Pontificiis aliisque, quid est cur litem istam vocent Socinianam? Sed nos, hac re missa, videamus, quo jure idcirco Ecclesiis Reformatis omnibus bellum indici à Remonstrantibus affirmant Censores, quod fiduciæ objectum cum Socino aliisque negent esse *specialem misericordiam*. Id ut fiat, constare debet, quid *specialis misericordia* vocibus intelligant Censores: Nam per specialem misericordiam intelligunt, aut istam misericordiam, ex qua credunt Deum speciatim, vel potius nominatim, hunc & illum, qua tales, elegerit ad æternam vitam, cæteris plerisque absolute voluntate præteritis ac repudiatis, aut misericordiam istam, quæ specialis, purus putus indebitusque favor est, & opponitur dignitati Contritionis aut aliorum operum seu præcedentium seu sequentium, ut *Augustana Confessio* habet, quæque non ad paucos aliquos, sed ad omnes indiscriminatim extenditur. Si isto modo specialem misericordiam objectum fiduciæ à Reformatis omnibus Ecclesiis statui dicunt Censores, tum necesse est, ut affirmant, Ecclesias omnes Reformatas ejusmodi specialem Electionem & Reprobationem agnoscere, ut evincant, Remonstrantibus *controversiam* de objecto fidei esse *cum omnibus Ecclesiis Reformatis*. At, cum certum sit, Ecclesias plures Reformatas, saltem omnes omnino Lutheranas, quæ inter Reformatas primæ fuerunt, & cæteris omnibus hodieque numero & splendore longè antestant, istiusmodi specialem misericordiam & Electionem non tantum non admittere, sed planè ut fictitiam respuere ac refellere, quomodo fieri potest ut Ecclesiis Reformatis omnibus tribuatur, quod misericordiam istam specialem, Fiduciæ salvificæ objectum faciant? Rectius multo contra eos liceat concludere; Quia Calvinistæ omnes, interque eos Censores hi, misericordiam specialem, sive electionem ex ejusmodi speciali misericordia profectam, objectum fiduciæ faciunt, idcirco eos censendos esse bellum movere Reformatis Ecclesiis, si non omnibus, plerisque saltem ac præcipuis. Consequentia hæc est manifesta: Cui adde, quod *Augustana ipsa Confessio*, quæ inter Reformatas Confessiones prima omnium ac præcipua est, & in quam Calvinistas etiam ipsos in Germania, qui Doctoratus insignia ambiunt, jurare necesse est, specialem istam prædestinationis misericordiã non obscurè ad objectum fidei non pertinere adserat, in capite de fide: Fidei enim objectum facit promissionem misericordiæ, quæ

Prima controversia est de objecto Fidei, in qua, Censor Remonstrantes Ecclesiis omnibus Reformatis litem movere adserit.

Ostenditur contrarium, per examen objecti, quod Censor specialem Misericordiam facit.

Ecclesias Reformatas omnes per Specialem Misericordiam non intelligere misericordiam istam quam Censor objectum Fidei facit ostenditur.

Augustana Confessio specialē electionem non facit objectum Fidei.

EXAMEN CENSURÆ

dei, sed promissionem universalem.

quæ nobis propter Christum liberatorem contingit. At promissio misericordiae hujus, non potest esse misericordia ista specialis. Nam disertè dicit, promissionem istam esse universalem. *Sicut universalis est poenitentia predicatio, ita & promissio gratiae est universalis, & omnes credere jubet & accipere beneficium Christi.* Imo, ut specialem istam electionis misericordiam à se non intelligi ostenderet, addidit: *Non est hic opus disputationibus de Praedestinatione, aut similibus, Nam promissio est universalis.* Tum, si promissio universalis misericordiae ejus, quæ propter Christum nobis contingit, objectum fidei est, fieri non potest ut specialis ista Calvini misericordia ejus objectum statuatur. Specialis enim ista misericordia, nec promitti potest, nec est misericordia, quæ nobis propter Christum contingit: Promitti non potest, quia multo ante quam promittitur, electorum est ex absoluti decreti divini vi. Deinde, Misericordia ista non propter Christum contingit electis istis, sed propter eam Christus electis contingit. Christus enim, juxta Censuram horum Theologiam, subordinatur isti speciali misericordiae, quia misericordis decreti illius executor est. En ut lapis, quem in Remonstrantes conjectum voluerunt Censores, in ipsorum capita recidat. Sed nos rem ipsam propius paulum, & quidem recta ratione expendamus. Fieri non potest ut intelligatur, aut ut intelligibiliter explicetur, quid sibi per fiduciam istius specialis misericordiae velint Censores, quia specialis ista misericordia, & quæ ex misericordia ista est electio ad gloriam, est actus divinae voluntatis in Deo immanens. II. Quia electi per actum istum electionis re ipsa & irrevocabiler habent apud Deum id omne, quod per fiduciam istam consequi dicuntur, ipsique promittitur; denique quia ipsa illa misericordia fons est, ex quo promissio specialis misericordiae quæ dicitur, fluit, & ad eos dimanat. *Per Fiduciam*, inquiunt, *fit applicatio, & sic quoad efficaciam remittuntur ac delentur peccata.* At explicent, si possint, intelligibiliter, quomodo praesupposita ejusmodi peremptoria electione & satisfactione, & per consequens quæ electioni isti necessario adhæret, peccatorum remissione, applicatio illa fieri possit, aut cur, ut fiat, necesse sit? Fieri non posse ratio ipsa evincit. Nam remissio peccatorum est purus putus actus divinae mentis aut voluntatis, & in Deo immanens. Est enim actus Iudicialis sive forensis, qui extra Deum non transit in subjectum aliud & actus in se ipso perfectus integer ac completus. Applicari autem à nobis actum Dei in Deo perfectè immanentem, quis capiat? Deinde, posito actum istum applicationis possibilem esse,

Censores intelligibiliter declarare non posse, quid per Fiduciam specialis suae misericordiae sibi velint, evincitur.

Quomodo per Fiduciam applicatio fiat specialis misericordiae, impossibile est, ut Censores intelligibiliter explicent.

Applicatio ista ut fiat immanens possibile est

esse, quid necesse est, ut actus iste fiat? Nam actus ille applicationis, si necessarius est, aut necessarius erit tanquam causa efficiens, cuius vi misericordia ista specialis, nostri saltem respectu, existere incipiet; aut tanquam causa sine qua non, id est, tanquam conditio prærequisita, ut specialis ista misericordia existat: aut per modum coexistentiæ, quia cum speciali ista misericordia ita necessario coniungitur, ut ad actum istum applicationis, vel potius actu illo posito, in eodem simul instanti specialem misericordiam poni necesse sit, non aliter, quam posita linea puncta poni necesse est. Uno horum trium modorum ut fiat necesse est. Si primo modo applicationem hanc necessariam esse dicant Censores, tum misericordia specialis erit non objectum applicationis sed effectus: ut enim in eodem instanti sit effectus simul atque objectum applicationis, impossibile est. Esset enim in eodem instanti simul prior & posterior actu applicationis. Et eadem ratio locum habet, si secundo modo eam velint esse necessariam. Sic enim specialis misericordia nullo modo esset objectum applicationis, quin imo sic recideret tandem sententia Censuræ in sententiam Remonstrantium, quam damnant. Si tertio modo eam necessariam faciant, tum nulla erit connexio applicationis huius & specialis misericordiæ, nec constabit, an specialis misericordia sit applicationis objectum, an effectus: Tantum enim ponetur duarum istarum rerum, videlicet applicationis & specialis misericordiæ coexistentia, & nihil aliud. At nisi specialis misericordia ponatur objectum applicationis, tum Reformatis Ecclesiis bellum indici ajunt Censores. Verum enimvero, dato, sed non concesso, rem ita se habere, nihilominus redibunt hæc dubia. I. Quomodo tum applicatio specialis misericordiæ à Deo præscribatur hominibus, sub promisso specialis misericordiæ, siue remissionis peccatorum, & æternæ immisericordiæ seu mortis comminatione. II. Quomodo fiducia tum sit actus applicationis aut apprehensionis. Applicatio enim aut apprehensio, non potest habere locum, ubi talis nuda rerum duarum coexistentia sine ordine aut dependentia unius ad alteram, locum habet. Applicatio ad minimum necesse est, ut sit alicujus rei applicatio. Non enim res per applicationem fit, sed res quæ jam est, applicatur: Quod applicatur, id esse supponitur, sicut etiam id quod apprehenditur, &c. Explicent se ex labyrinthis his, intelligibiliter, non Sophistarum in morem, Doctores Academici, & Reformatarum Ecclesiarum gloriam, quam sibi soli superbe vendicant, solido aliquo responso adferant. Non tam facile

Saltem ut fiat,
præsupposita
antea electio-
ne speciali, ne-
cesse non esse
ostenditur

E c

id fa

EXAMEN CENSURÆ

Inepa Censorum exceptio diluuntur.

Intricata, inexplicabilis & simul absurda Censorum oratio de Fidei actus fidei est, quod non respiciat remissionem peccatorum, nec in præterito nec in futuro, sed in præterito. Censores Catechesi suæ aperte contradicere. Dominica 7. Quæst. 20.

Remissio peccatorum in præterito, sive ut antea facta jam est objectum Fidei à Censoribus ut statuatur necesse est.

id facient, quam vulpes pyrum comest. Tentent & videbunt. *Non dicimus, inquit, fiduciam illam remissionis peccatorum esse remissionis peccatorum jam perceptam, vel objectum illius fiduciae, esse remissionem peccatorum antea perceptam.* Sed quid hoc ad rem facit? Nemo id iis impingit. Et quis tam fatuus? Sufficit eos dicere, remissionem peccatorum antea esse factam. Nam si facta antea est remissio, quid opus est perceptione remissionis? Non enim perceptio remissionis vel percepta remissio, objectum est fiduciae (Perceptio enim est ipsa fiducia sive Applicatio) sed remissio ipsa sive specialis misericordia, quæ in peccatorum remissione consistit: Aut si opus est perceptione remissionis, postquam remissio facta est, quid est ista perceptio? Non est sensus tantum remissionis antea factæ: Sic enim promitteretur credenti, non remissio peccatorum, sed remissionis sensus, quod diserte Censores hic negant locum habere. *Dicimus, inquit, fiduciam illam, qua credimus, quisque nobis remitti peccata in presenti, non proprie in præterito, nec in futuro, etsi etiam utrumque ad fidem justificantem pertineat, sed non ad justificandi actum, ut ita dicamus, formalem.* At I. Hæc non sunt nisi inania verba & Academicæ nugæ. Capiat qui potest. II. Hæc non modo non conveniunt cum formula loquendi, quæ in Catechesi eorum exstant, sed directe ei repugnant. Fides enim in Catechesi definitur expresse, *fiducia, qua in Deo acquiesco, certo statuens non solum aliis, verum etiam mihi (in præterito) remissa esse peccata mea.* III. Hac ratione respondendi tota vis electionis & satisfactionis prorsus eliditur; De electionis vi patet. Nam secundum Censores, Electio ad gloriam ordine præcedit justificationem. Unde sic colligo: Electio ista non est actus gratiæ indeterminatus: Nam actus indeterminatus determinatorum actuum fons & origo esse non potest. Talis fons est Electionis actus, juxta Censores, Ergo est determinatus actus gratiæ: Si determinatus, Ergo determinate gratiosum aliquem actum Dei distinctum à justificatione ponit. Actus ille non potest alius esse, quam actus remittendi & salvandi: Misericordia itaque specialis sive remissio peccatorum determinate, imo formaliter ei includatur necesse est: Eo ipso itaque quod Deus elegit ad vitam peccatorem, determinata est voluntas divina ad remittendum peccatori peccata sua, quando eum eligit ad gloriam, imo prius ad remittendum determinata voluntas sit necesse est, quam elegit ad gloriam, juxta doctrinam Censorum. Deum enim peccatori determinata voluntate velle vitam æternam citra peccatorum remissionem, id in Schola eorum est *α' Fedoyov, & Deo.*

Deo, ut loquuntur, simpliciter impossibile, quin imò, ut cum Censoribus emphatice loquar, Socinianum. Specialis itaque misericordia, si fidei objectum statuitur, necesse est ut statuatur objectum in præterito. De satisfactione Christi res similiter plana est. Tota vis ejus per resolutionem istam tollitur. Nam si remissio peccatorum in præsentem tantum, non propriè in præterito nec in futuro objectum est fiduciæ, tum necesse est ut remissio peccatorum omnium, per satisfactionem Christi pro electis verè ac plene impetrata antea non sit. Nam si verè ac plenè impetrata est pro omnibus electorum peccatis, utique fidem eorum præcedat necesse est, ut jam antea plenissimè impetrata. Et si pro ipsis vel loco eorum facta est satisfactio; Ergo remissio eam necessariò consequens ad eos jam tum pertinebat: Ut facta itaque, objectum est fiduciæ. Si non; doceant ergo Censores, quæ vis, quis effectus fuerit satisfactionis Jesu Christi pro electis peccatoribus, antequam ad fidem vocantur aut vocati credunt: Non poterunt. Electionem istam actualis & plena reconciliatio ac remissio consequatur necesse est. Et hæc sine dubio causa est, quæ non paucos, sive accuratiores sive sinceriores Doctores Calvinistas movit, ut consequentiam hanc, quam ex natura doctrinæ suæ, veluti rivum ex fonte, necessariò fluere videbant, apertè professi sint. Videbant enim se alioquin consequenter loqui ac dicere non posse, & in circulum cogi ab adversariis, in quo circumagi se sentiebant veluti in molendino & piltrino absurditatum. Vid. Piscat. in Resp. ad duplicat. cap. 7. pag. 102. 103. *Homines reipsa sunt reconciliati Deo, antequam credant.* Bernhard. Textor disput. de Iustific. Thesi. 4. pag. 130. *Remissio illa peccatorum seu justificatio* (quæ eodem sensu dicitur Rom. 5. 6. 7. 8.) *in mente Dei, fidem nostram,* (quæ est nostra cum Christo conjunctio) *præcedit.* Quapropter dicimus, electos fideles certò statuere, à Deo patre sibi imputatam esse satisfactionem Christi in remissionem peccatorum, hoc est, Deum Patrem eis omnia peccata remisisse, antequam crederent. Idem ibidem Thesi 57. pag. 131. *Satisfactionis (Christi) imputatio prius existit, quam Spiritus S. & Fides conferantur in electos.* Idem ibidem Thesi 60. pag. 132. *Hoc sensu, Orthodoxa NB. Ecclesia ea* (scilicet particula Solâ) *utitur, ut significetur, quod solâ fide, nulla verò re alia per Spiritus S. operationem cognoscamus, & in conscientia nostra convincamur, Deum, etiam antequam crederemus, omnia debita nobis remisisse.* Smoutius in suo *Pater noster*, quem inscripsit Synodo Nationali pag. 5. *Doctrinam de æterna electione & remissione peccatorum, tutamur contra eos, qui isti* (Notate Censores)

Ostenditur ex
variis locis
Calvinistas cō-
plures adlere,
re, Remissio-
nem peccato-
rum ut factam
sive in præte-
rito esse Fidei
objectum.
Piscator.

Bernhardus
Textor.

Smoutius.

EXAMEN CENSURÆ

contradicunt, & statuunt, peccatum demum nobis remitti (en directa verba contra Censores) & regi cum jam credimus, & suo tempore per fidem justificamur, idque eo magis, quia peccata nostra regi & remitti oportet, antequam NB. credere possimus, &c. Idem in sua Scripturali assertione pag. 47. Actualis reconciliatio & peccatorum remissio, fidem nostram sine conditione præcedit, eamque efficit. Idem ibidem pag. 46. Remissio & non impræstatio peccatorum Dei cognitionem, fidem, conversionem, regenerationem & cordis renovationem antecedunt, & efficiunt, quando adhuc mundani sumus, in peccatis jacemus, & sanctum Dei nomen profanamus. Et pag. 45. Deus delet peccata, cum adhuc ei peccando multum negotii facessimus, id est, cum nondum adhuc credimus, nec vitam emendamus. Hactenus de primo.

De Secundo
Membro: An
Remonit. Fidei
justificantis
formam essen-
tialiam faciant,
& quidem o-
perum Lega-
lium atque in-
primis Evan-
gelicorum?

Secundum hujus capituli de Iustificatione membrum, in quo Remonstrantes ab Ecclesiis Reformatis omnibus discedere & cum Socino sentire, Censores ajunt, est: Quod Fidei, ut vocant, justificantis formam essentialiam faciant obedientiam, & quidem operum legalium atque imprimis Evangelicorum pag. 11. Hæc jam manifesta calumnia est: Nuppiam id à Remonstrantibus in Confessione eorum factum probabitur. Contrarium patet in terminis. Nam obedientiam novam, sive obedientiam propriè dictam, quæ in Scholis ita vocatur, semper & ubique distinguunt à fide ut effectum à causa sua, ut proprietatem à forma essentiali sua, à qua emanat, ut rivum à fonte, ut filiam à matre, contra quam Socinus faciendum esse sentit. Sic enim diserte loquitur in Notis suis ad dialogum de Iustificat. pag. 58. Fides obedientiam præceptorum Dei non quidem ut effectum suum, sed ut suam substantiam & formam continet atque complectitur: Reformatas autem Ecclesias omnes eodem planè modo obedientiam operum, quo Remonstrantes, à fide distinguere, certissimum est. Confessio ipsa Belgica, opera dicit à radice fidei emanare: Cæteræ omnes, obedientiam à fide, ut fructum ab arbore distinguunt, & ut filiam à fecunda matre; quibus verbis Remonstrantes etiam idcirco uti voluerunt; & hi Censores ipsi, obedientiam, proprium effectum fidei tanquam proxime causæ suæ faciunt, pag. 91. & fructum fidei, pag. 11. Imò Fidem secum tanquam individuum comitem obedientiam, & NB. omnia vera pietatis opera habere non tam fateri se dicunt, quam contendere: Christiani denique omnes, Fidem vivam, non mortuam, ad justificationem requiri statuunt: Quæ omnia sanè in unum idemque re-
cidunt.

Deinde, obedientiam operum, si phrasis rigide sumatur, prout operari

operari contradistinguitur à credere, Rom. 4.3. tantum abest ut cum Socino formam fidei statuunt Remonstrantes, ut ne quidem Socinus ipse id faciat. Diserte enim obedientiam istam dicit diversam esse ab obedientia fidei, in Fragmentis de Justificatione pag. 10. Neque verò est quod hic Censores dicant, Remonstrantes affirmare, se per fidem sive obedientiam fidei, in negotio Iustificationis, intelligere ipsam *Fidem*, quæ & quatenus opus nostrum est, sive quatenus actus est obedientia nobis à Deo præscriptus, & auxilio gratiæ divinæ à nobis præstitus: Nam ista obedientia non vocatur à Remonstrantibus forma fidei, neque est obedientia, quæ à fide, ut proprietas à forma, distinguitur; sed est genus fidei, & causa, seu fecunda mater obedientiæ istius Evangelicæ, de qua hic agimus, quæ obedientia fidei idcirco vocatur quia ex fide præstatur Deo eam iubenti & præscribenti, uti legitur diserte Tit. 3.8. aliisque locis quam plurimis. Neque verò causa aut ratio ulla est, quæ Censores movere potest, cur hanc Remonstrantium sententiam de fide, seu Fidei obedientia, quod videlicet in negotio iustificationis consideranda veniat ut opus sive actus noster, censuerint Socinianam aut Sociniano-Pontificiam, aut talem quæ à communi Ecclesiarum Reformatarum consensu sit diversa. Pontificia censi nullo jure potest. Nam Pontificii diserte negant fidem qua justificamur esse actum, nedum actum nostrum: Habitum esse volunt & quidem infusum à Deo, quod diserte à Remonstrantibus negari, fatentur ipsi Censores. Sociniana verò multò minori jure censi debet, quia Socinus obedientiam illam, quæ fluit ex actu illo quem Remonstrantes fidem vocant, formam fidei esse dicit, uti jam ostendimus. Sed nec Sociniano-Pontificia dici meretur quia nihil ab utraque simul participat. Quin autem ipsissima Reformatarum Ecclesiarum sententia videri debeat, causa nulla est. Nam certum est Augustanam Confessionem, quæ inter Ecclesias Reformatas Confessionum potissima est, diserte & in terminis fidem in negotio iustificationis ut virtutem & ut opus nostrum considerare. Verba ejus sunt Articuli de bonis operibus: *Inter bona opera præcipuum est & summus cultus Dei, Fides ipsa, & parit multas alias virtutes quæ existere non possunt nisi prius corda fidem conceperint. Et paulo post ibid. Adversarii videri volunt magnificè ornare doctrinam bonorum operum, Et tamen de his Spiritualibus operibus, de Fide, de exercitiis Fidei in invocatione, in omnibus vita negotiis, consiliis, & periculis, nihil dicunt, &c.*

In artic. de Fide: *Cum igitur dicimus Fide justificamur, non hoc intelligimus*

Obedientia quatenus opus nostrum est, non est forma neque effectus Fidei, sed genus & causa obedientiæ propriè dictæ.

Obedientiam fidei quatenus fides actus noster est, in negotio iustificationis considerare, nec Socinianum nec Sociniano-Pontificium est.

Augustanæ Confessionis sententia de Fide.

EXAMEN CENSURÆ

religimus, quod iusti simus propter ipsius VIRTUTIS dignitatem, sed hæc est sententia, consequi nos remissionem peccatorum & imputationem iustitiæ per misericordiam propter Christum. Verum hæc misericordia non potest accipi, nisi fide. Nota, fidem hanc vocat virtutem, cultum, opus, opus præcipuum inter bona opera & summum Dei cultum, cum Censores contra Fidem in negotio justificationis operibus omnibus obedientia & pietatis, imò ipsi fidei, quæ opus est, opponi disertè profiteri non erubescant Censuræ suæ cap. 10. Cui adde manifestissimam rationem, (Multas enim hic non allego) Quod, nisi hæc dicatur esse Reformatarum Ecclesiarum sententia, fieri non possit ut intelligibiliter explicetur à Censoribus, quid per fidem vel per *to Credere* Ecclesiæ Reformatæ intelligant. Nam certum est, fidem præscribi sive mandari à Deo sub promissione remissionis peccatorum, sive præmij æterni, & contrariæ poenæ æternæ comminatione, prout disertè patet 1. Ioha. 3. 23. *Hoc est igitur ejus (Dei) mandatum, ut credamus nomini Filii ejus unigeniti, & diligamus alii alios, sicut mandavit nobis: cui alia infinita poenæ loca consonant.* At si fides non concipiat ut opus, ut actus noster, quomodo fieri potest ut concipiat ut intelligibiliter ut à Deo nobis præscripta & mandata? Nam sub præceptum propriè dictum, quod nobis fertur, nihil potest cadere nisi actus noster. Hæc res aded plana est, ut Scriptura ipsa Fidem idcirco vocet *opus Dei*, quod videlicet Deus ipse id à nobis fieri postulat. Ioan. 6. 29. Hoc enim sensu Fidem *opus Dei* isto in loco vocari, antecedentia omnia clarissimè evincunt. Dicunt Censores, *Fidem concipi posse ac debere ut instrumentum apprehendens Iustitiam Christi*: Atqui hoc ipso, aut idem fere dicunt quod Remonstrantes, aut quid dicant, non intelligunt. Nam si fidem concipiunt ut instrumentum apprehendens, id est, quatenus est apprehendens, necesse est ut eam concipiant, quatenus est opus sive actus noster. Instrumentum enim quatenus est apprehendens, aliud nihil est quam instrumentum quatenus agit, sive apprehensionem, quæ instrumenti actio est, exercet. At hoc est illud ipsum fere quod Remonstrantes volunt. Si hoc se velle Censores negent, tum sanè quid dicant non intelligunt. Nam instrumentum qua tale, non cadit sub præceptum, sed instrumentalis actio. Actio verò necesse est ut nostra sit actio, quando nobis præscribitur, aut à nobis ex præscripto aut mandato Dei præstatur. Si non, quid ergo præscribitur & mandatur à Deo, quando nobis mandatur ut credamus, & quid à nobis fit, quando credimus? Qui potest capere, capiat subtilitatem istam Theologicam. Dicunt

Fidem ut est actus noster, auxilio gratiæ à nobis præstitus, in negotio justificationis considerandam esse.

Quomodo intelligendum sit, Fidem esse instrumentum apprehendens iustitiam Christi.

Dicunt quidem, *Fidem quatenus instrumentum est, opponi non tantum operibus omnibus obedientia & pietatis, sed etiam ipsi fidei, qua opus est.* At quis hæc intelligit? Meri λόγος sunt. Nam fides, si rem recte expendamus, presse ac proprie instrumentum justificationis dici non potest, nec credere actio instrumentalis, nedum quatenus instrumentum opponi fidei, qua opus est. Quid enim instrumentale in se habent notitia, adensus, & fiducia? Fiducia nihil aliud est, quam firma ac certa animi persuasio sive spes, ut loquuntur, roborata. Persuasionem autem animi quis nisi *καταχρησικῶς* instrumentum vocaverit? Et quis concipere potest, quomodo firma persuasio, ut est actio sive mentis, sive voluntatis nostræ, opponatur eidem persuasioni, ut est instrumentum justificationis? Quod si tamen fidem instrumentum esse velimus, fieri non potest ut concipiatur alio modo instrumentum esse, quam quatenus opus est ex præscripto & per gratiam Dei à nobis præstitum. Conditio enim, quatenus præstita est, aliquomodo medium sive instrumentum fieri dici potest, quo consequimur rem, quæ sub conditione promittitur. Sic fides instrumentum dici potest, quo consequimur remissionem peccatorum, non quasi fides præstita proprie instrumentum fiat aut instrumentalis sit actio, qua sicut manu apprehendimus aut attrahimus remissionem: Nugæ: sed quia ea præstita, non aliter consequimur peccatorum remissionem ex promisso Dei, quam si fides veluti instrumentum à Deo data esset ad consequendum & obtinendum peccatorum remissionem. Nisi hoc modo Fides dicatur esse instrumentum justificationis, fieri non potest ut intelligibiliter explicetur quomodo instrumentum sit, & , quatenus instrumentum, opponatur Fidei, quo opus est: *Opponitur*, inquit, *ratione effectus illius, qui est ex fide tantum, non ex operibus.* At quid hoc est? Effectus enim fidei, id est, justificatio (ut cum illis loquamur) quomodo est effectus fidei quatenus est instrumentum, & non quatenus est opus ex præscripto Dei præstitum? Tantum abest ut justificatio fidei, quatenus instrumentum est, effectus proprie sit, ut ne quidem effectus nisi *καταχρησικῶς* dici possit, etiam quatenus fides opus est ex mandato Dei præstitum. Justificatio enim est actio Dei, quam Deus pure pute in sua ipsius mente efficit, quia nihil aliud est, quam volitio aut decretum, quo peccata remittere, & iustitiam imputare aliquando vult iis, qui credunt, id est, quo vult poenas peccatis eorū promeritas, iis non infligere, eosque tanquam iustos tractare & præmio afficere. Hæc itaque Dei actio, quomodo effectus proprie dici potest fidei, & quidem fidei quatenus

An Fides quatenus instrumentum est, opponatur non tantum operibus obedientia, sed etiam Fidei quatenus opus est?

Expenditur Centorum ratio, Fidem quatenus instrumentum est, opponi Fidei ratione effectus illius, qui est ex Fide tantum, non ex operibus.

EXAMEN CENSURÆ

quatenus instrumentum est? Certe nos credendo actionem istam Dei efficeremus; quo quid absurdius? Tum, si justificatio, id est remissio peccatorum objectum fidei est, uti Censores dicunt, quomodo effectus illius est, quatenus instrumentum est? Denique si promittitur credenti justificatio, quomodo justificatio est effectus fidei, quatenus instrumentum est? Nam si est instrumentum apprehendens justificationem, ut objectum suum proprium, & apprehensionis istius effectus est justificatio, quid illud est quod promittitur credenti, sive apprehensionem illam habenti? ἀναδ' ἀληθινόν est. Promitteretur sane id quod apprehendens, qua apprehendens, jam haberet, & promitteretur sub ratione præmii id, quod officium suum faciens, qua officium faciens, haberet. Imo ipse actus officii nostri non esset tantum præmii perceptio, quod per se satis absurdum est, sed præmiatio, ut ita dicam, esset non Dei, sed noster actus. Confusa hæc, & sub nescio quibus Scholarium terminorum filiquis abscondita mysteria, explicent nobis Doctores, ut intelligi possit, quid sibi velint cum Ecclesiis Reformatis ea tribuunt. Verum quidem est, Confessiones nonnullas Reformatas ita loqui de fide, ut per eam apprehendi dicant misericordiam, justitiam & remissionem peccatorum: sed nisi istas earum locutiones benigne interpreteris, fieri non potest, ut eas à manifesta absurditate vindices atque absolvas. Nam constans omnium Ecclesiarum Reformatarum sententia atque locutio est, Misericordiam Dei esse causam impulsivā *παρακαταρτιώ*; Iustitiam meritum & satisfactionem Christi esse causam impulsivā *παρακαταρτιώ*, propter quam Deus credenti vult remittere peccata. Ita passim loquitur Confessio Augustana, ita cæteræ pene omnes, & diserte Catechesis Palatina in definitione fidei. Hæc itaque quisquis statuit, is à Reformatarum Ecclesiarum sententia non discedit, etiam cum fidem ut conditionem requisitam, ac proinde ut actionem nostram ad justificationem dicit concurrere, si modo ab actione seu virtute fidei ut loquitur Augustana Confessio, *dignitatem proprie dictam, meritum aut instam justificandi vim* excludat. Sic enim Misericordiæ Dei & merito Christi plenissime suos honos constat. Hoc autem à Remonstrantibus in declaratione eorum factum abunde esse, Sole clarius est. Atque hinc obiter etiam patet, cur Remonstrantes phrasin illam *Christi justitiam nobis imputari*, in declaratione sua non usurpaverint, non quod eam benigna interpretatione in commodum sensum flecti non posse credant, sed quod, si rigide accipiatur, consistere non possit cum illa

Sensus Confessionum Reformatarum, cum Fide apprehendi dicunt misericordiam, justitiam & remissionem peccatorum.

Cur Remonstrantes non sint usi in Declaratione sua Phrasin ista justitiam Christi imputari nobis.

illa, quæ propria & genuina est Ecclesiarum Reformatarum sententia, qua iustitia nobis imputari dicitur propter Christi meritum & obedientiam. Nam si utramque in rigore velimus veram esse, necesse est ut dicamus iustitiam Christi nobis imputari propter iustitiam Christi, quæ locutio nō modo ἀνευλογιστὴν, sed manifestam etiam in sese habet absurditatem, quam merito iure evitarunt Remonstrantes.

Restat itaque ultimum membrum, in quo Censores volunt Remonstrantes diversos ire ab Ecclesiis Reformatis in hoc articulo de justificatione, quando vid. statuunt, Quod per fidem in negotio justificationis intelligendus sit actus fidei, quatenus includit in se totam obedientiam hominis Christiani, lege fidei, id est, Evangelio præscriptam. Hæc sane controversia, si rectè perpendatur, nil nisi Logica aut Grammatica lis est. Quotquot enim sunt Ecclesiarum Reformatarum Confessiones, ex omnes consentientibus calculis agnoscunt, Fidem vivam non mortuam, Fidem quæ conjuncta sibi habet bona opera imò quæ sine bonis operibus nec est, nec esse potest, esse Fidem illam veram justificantem, ut vocant, quæ ista proprietate ab historica & temporaria ac miraculorum fide, ut ajunt, distinguitur: Paucas tantum Lutheranorum, quos duos seu rigidos vocant, Ecclesias excipe, quæ etiam propositionem istam, Quæ bona opera necessaria dicuntur, saltem necessitate præsentia (non dico tantum ad justificationem, sed etiam ad salutem) tanquam falsam & noxiam damnare non dubitant; quibus omnes pœnè Ecclesiæ Reformatæ reclamant, ipsique adeò Censores pag. Censuræ suæ 11. ubi discretè obedientiam operum necessariam esse asserunt ad justificationem, non quidem necessitate efficientia, sed necessitate præsentia. Iam mihi vide, Annon mera logica pugna sit, si disputetur, An fides quæ est viva, an fides quæ est viva, requiratur ad justificationem? Certè: utrimque enim in describenda Fidei natura est consensio: utrimque bonorum operum præsentia necessaria esse statuitur: De respectu tantum quem Fides viva ad justificationem habet, quæstio manet. At de respectu statuere nō est nostrum, sed iudicis: Deinde, quid habet respectus ille merus, quod justam magnæ liti causam dare possit? Imò, quid non habet, quod occasionem omnem liti debeat præcidere apud eos, qui pietatis & bonorū operum sunt studiosi? Sanè, si dicatur fidem requiri ad justificationem, quatenus vel quæ est viva Fides, necessitas bonorum operum & pietatis Christianæ fortius adstruitur, quam si dicatur Fidem requiri ad justificationem quæ viva est: Natura rei id evincit. Neque verò est quod Censores di-

De ultimo membro. An per Fidem in negotio justificationis intelligendus sit actus Fidei quatenus includit in se obedientiam operum Evangelicorum.

An Fides, quæ viva est, an quæ viva est, requiratur ad justificationem, Logicam tantum litem esse ostenditur.

EXAMEN CENSURÆ

Per fidem ex-
cludi meritum,
extra contro-
versiam est.

cant particulam illam *Quatenus*, efficientiam aliquam imò meritoriam efficientiam tribuere Fidei, ad consequendum remissionem peccatorum: Nec enim ratio ulla est, unde id evinci possit. Sed, posito etiam Fidei efficientiam aliquam (de meritoria propriè dicta non loquor; Eam enim disertè damnant Remonstrantes, & ratio recta) tribui in ordine ad justificationem; quid, obsecro, reale aut magni momenti ista efficientia adderet ad voces necessariæ præsentiae? Certe si rem exactè ponderes, nihil aut valdè parum addere comperietur, saltem non addet tantum, ut propterea pia anima funem contentionis trahere aut velit, aut debeat. Dicunt quidem Censores *hinc consecuturum tandem, quod homo non ex fide tantum, sed ex operibus etiam justificetur*. Sed hoc, præterquam quod consequentiæ nullam prorsus speciem habeat, idcirco etiam vanum videri bebet, quod disertè istud non tantum absurdum non esse, sed verissimum etiam esse totidem verbis pronunciet Apostolus Iacobus, cum ait cap. 2. 24. *Videtur igitur quod ex operibus justificetur homo, & non ex fide tantum*. Nec evadunt hunc ictum Censores, quando locum hunc Jacobi, pro more suo, de declaratione justificationis intelligendum esse dicunt, ne directè Paulo videatur contradicere. Nam id nec speciem veri habet, nec Theologia ipsorum permittit: Speciem veri non habere indicant, præter multa alia, quæ nunc non allego, ipsa verba, quibus negatur hominem *ex fide tantum justificari*. Quis enim adeò vācors fuerit isto sæculo, qui cum Apostolo contendere voluerit, an homo justificetur, id est, declaretur justus ex fide tantum: Fides enim, quatenus fiducia est, & distincta ab operibus pietatis, non est nisi in corde hominis. Theologia eorum etiam non permittit, ut istam explicationem veram esse credere possint. Nam, ne de operibus quidem ipsis constare potest, an bona opera sint. Non enim possunt esse bona, nisi ex fide fiant: Ex fide autem fieri, non modò non potest declarari alteri, sed ne illi ipsi quidem id constare potest, qui ea facit; quia fieri posse credunt Censores, ut reprobis opera eadem omnia faciat, quæ electus, & sibi persuadeat se electum esse tali persuasionem, quam à persuasionem, quæ electorum propria est, ut ajunt, nullo certo signo, nullo characteristico indicio possunt distinguere. Vide Calvinum Instit. lib. 3. cap. 2. nu. 2: Quomodo itaque verum erit juxta eorum Theologiam Apostoli dictum *Hominem ex operibus justum declarari*? Si quis forte dicat, hanc sententiam, Quod Fides, quatenus viva est, justificet, esse ipsissimam Socini sententiam, is, dato quod id verum sit, necesse

est ut

Locum Jacobi
cap. 2. 24. Per-
peram de de-
claratione ju-
stificationis
à Censoribus
exponi evin-
citur.

est ut fateatur tandem Socinum hac in parte conspirare cum Reformatis Ecclesiis, quoad substantiam ipsam. Et sane, si quis ea, quæ à Socino dicuntur in hac materia, sine gratia, sine odio expendat, is velit nolit, confiteri tandem cogetur, eum in substantia rei cum Reformatis consentire, manente hoc solum discrimine (causam semper *παρακαταστήσει* excipe, Hæc enim ad hanc materiam non pertinet.) quod obedientiam fidei formam vocet, cum Reformatæ Ecclesiæ eam vocent effectum, fructum, foetum, sine quo fides esse non potest. Quantulum hoc est? Quis vel cicum interdum? Quod si quis nihilominus magnum hic hiatus esse velit, is doceat intelligibiliter, quid illud reale aut formale sit, quod ista duo tam magno intervallo à se separat ac distare facit? Comperietur, post longos labores & operosas ambages, recidere in pædagogicam subtilitatem, & imaginariam distinctionem, qua fides in priore momento naturæ consideratur ut apprehendens Christum, quam producens opera, etsi cum operibus tempore, saltem quoad propositum simul sit. Breviter, redibit res ad particulam istam, *Quatenus*, & ad illud pacis ac concordie naufragium fiet. Videantur disputationes quatuor horum Theologorum, quas Synopsis purioris Theologiæ vocant; In labyrintho fictionum & terminorum pædagogicorum te deprehendes, & cum ad rem sive apicem controversiæ veniunt, in tenui & pœne inimaginabili distinctionis bivio sæpe aut trivio hærebis, ut quid sibi velint aut quo tendant, intelligere non possis. Et quid obsecro aliud est istud Censorum quo dicunt, *operibus omnibus obedientiæ & pietatis, imo ipsi fidei, qua opus est, opponi fidem qua instrumentum est justificationis nostræ, id est, ratione effectus illius qui est ex fide tantum & non ex operibus?* Crucem excarnificandis ingeniis figi credit, quisquis istas Scholares subtilitates audit. Infanias prius, quam intelligas; Et in hoc cardine vertitur puritas Fidei Calvinisticæ, unde & illud, *Fides facta bonis operibus justificat ante partum*. Acumen hoc se non posse penetrare, haud illubenter fatentur Remonstrantes. Simpliciter amant & subtilitatibus istis quæ nil nisi *ὀρθόδοξα μαθητήριος* sunt, longe præferunt. Si idcirco Reformationis titulo excidere eos necesse est apud Censores, valere eos jubent, & sibi sapere. Remonstrantes uno verbo sic statuunt: Litem pœne totam quam in hoc capite movent Censores, de respectibus Metaphysicis esse, quos Fides vera & viva habet ad justificationem; de quibus statuere, iudicis & domini est, non subditorum: Enimvero quis sine gemitu, sine suspiriis, sine lachrymis cogitet, quod nos homines

EXAMEN CENSURÆ

ciones miselli, tardi & negligentes in iis quæ officii nostri sunt accurate examinandis & fideliter præstandis, tantum oculi & audaciæ nobis sumamus, ut involemus in partes domini, & iudicis nostri, & quo respectu hi aut illi actus nostri ab illo sint iudicandi in extremo iudicio, audeamus definire, & nisi alii conservi istas definitiones nostras, præter officium & vocationem nostram à nobis factas, admittant populum Christianum, peculium Dei & Domini nostri in partes scindere, conservos cædere, flagellare, ejicere, anathematismis & omni genere immisericordiæ in eos lavire non vereamur?

Ex his jam patere credimus, quam iniqua sit Censura horum Theologorum, cum Remonstrantibus tribuunt quod in hoc de justificatione articulo Ecclesiis omnibus Reformatis bellum moverint. Restat jam ut quæ præter hæc in caput xj. Censuerunt, expendamus.

Consequentiam quam Remonstrantes sectione III. fecerunt, frustra impugnat Censor. Est enim per se manifesta. Si fides est adfusus serio à Deo imperatus sub promisso præmii & comminatione pœnæ æternæ, & ab homine ex officio præstitus: Ergo, Fides non est quippiam in nobis sine nobis effectû, quod Synodus Dordracena disertis verbis affirmat. Atqui, inquit Censor, Remonstrantes potuerunt ibidem videre explicationē phrasæ istius, In nobis sine nobis, quæ se. non intelligitur talis operatio divina, quæ homo regeneratus ita agatur, ut etiam actus à Deo non agat; sed talis præveniens & operans gratia constituitur, quæ voluntas jam renovata non tantum agitur & movetur à Deo, sed à Deo acta agit & ipsa. Quamobrem etiam homo ipse per gratiam istam acceptam credere & respicere recte dicitur. Imo vero hæc explicatio est prorsus inepta; & etiam si omnino apta esse statueretur, ad consequentiam tamen infringendam nihil facit. Incepta est, quia de voluntate renovata loquitur, cum agatur de ipsa voluntatis renovatione. Quæritur enim an renovatio voluntatis nostræ fiat in nobis sine nobis; non an voluntas nostra renovata etiam agat. Renovationē Voluntatis nostræ, quæ in nobis sit sine nobis, sive quæ à Deo in voluntate nostra operatione irresistibili efficitur, appellare actionem aut volitionem nostram, à ratione est alienissimum. Voluntas enim nostra est actionis istius divini subjectum, & volitio sive actio Voluntatis ita producta sive effecta in voluntate, non nisi nostra est volitio sive actio nostra est; Non enim est actio elicita à voluntate nostra, sed mera passio, actionis sive volitionis tantum voce enunciata, & Voluntas est subjectum merum volitionis sive actionis istius, ut ita dicam, non causa. Sed dato, at

Diluitur exceptio Censoris, quod etiam si fides in nobis sine nobis producat, fides tamen nihilominus nostræ voluntatis renovationis actus sit.

non

non concessio, verbis Synodi istam explicationem convenire, nihilominus constat consequentia. Non enim quælibet actio voluntatis, à qua voluntas aliquomodo volens vel agens denominatur, sufficit ad constituendum actionem quæ recte & merito dici queat actio seu volitio nostra, ex officio præscripto à nobis præstita. Huiusmodi enim actio necesse est ut cadat sub præceptum promissione præmii & comminatione poenæ sancitum. Quod autem sub præceptum tale cadit, id tantum abest, ut is, qui id sic præcipit, possit velle efficere in nobis sine nobis, ut contra non possit id, velle fieri nisi à nobis, destructurus totam præceptionis istius suæ vim ac proprietatem, si aliter vellet. Natura rei id evincit. Præcipere est alteri actionem injungere, si præmio potiri & poenam efugere velit. Qui efficit in alio sine ipso actionem, is eo ipso, quod eam in eo efficit, eidem eam injungere nec vult, nec sapienter velle potest; ut vero actionem istam remuneratione, laude, aut præmio dignam iudicet, absurdissimum est. Atqui inquit Censor sic absurdum existiment necesse est Remonstrantes, cum Pelagio, Deum dona sua coronare in nobis: Dictum hoc Augustini nisi cum grano salis accipiatur, admittendum neutiquam est: Deum enim dona sua, isto, quo vult Censor, modo, in nobis sine nobis producta coronare, tanquam actus nostros ex officio præscripto à nobis præstitos, ac proinde promisso præmio sive corona ac laude dignos, sine manifesta absurditate adeoque falsitate Deo tribui non potest. At si talis, gratiæ efficacitas, inquit Censor, tollit omnem laudem & præmium, arguatur hoc adversariorum elencho Deus ipse erroris, exerens excellentem illam magnitudinem potentia suæ in nobis qui credimus, pro efficacitate fortis roboris ipsius. Ephes. 1. 19. Imo non Deus, sed Censor hic erroris & crassæ ignorantia arguendus tum est: Non enim dicitur in textu citato, Deus exerens (hoc participium de suo addidit Censor, in quo tamen tota vis argumenti est) in nobis qui credimus, excellentem illam magnitudinem potentia suæ: sed tantum excellens magnitudo potentia tribuitur Deo, quam exeruisse dicitur in Christo, quum suscitavit eum ex mortuis, & collocavit ad dextram suam in cælis, & per consequens quam aliquando etiam similiter exeret in nobis, qui jam per fidem Christo capiti nostro uniti & sic cari atque accepti Deo illi sumus, qui excellenti illa magnitudine potentia præditus est: Exerturus itaque rectius dixisset Censor, quam exerens. Sed esto; legatur etiam in textu, Deus exerens, nihilominus tamen erroris manifesti arguendus est Censor. Nam textus diserte loquitur de nobis, qui jam credimus, proinde de

Examinatur
locus ad Eph.
1. 19.

EXAMEN CENSURÆ

magnitudine potentiae, non qua Deus in nobis operatur ut credamus, sed qua Deus operatur circa nos, qui jam credimus. Et sane quis vel verilimile esse credat, Apostolum operationem illam, qua Deus fidem efficit, attribuisse, non dico potentiae divinae, sed ἡ ὑπερβαλλόντι μεγέθει τῆς δυνάμεως αὐτοῦ, quin & τῇ ἐνεργείᾳ ἣν κρατεῖ τῆς ἰσχύος αὐτοῦ? Tum quis credat Apostolum affirmasse, potentiam istam & excellentem illam magnitudinem potentiae, qua Deus Iesum excitavit ex mortuis, & collocavit ad dextram suam in caelis, esse eandem illam potentiam, qua fidem efficit in nobis? δυνάμιν itaq; & ὑπερβαλλόν μέγεθος δυνάμεως, & κράτος & ἰσχύς, requiruntur, ut fides efficiatur in homine. Et cum Apostolus orare se dicit, adeoque indefinenter orare, ut Ephesii intelligant, quae sit magnitudo illa potentiae divinae in credentibus, orasse dicendus erit, ut Ephesii intelligerent quanta vi fides in ipsis effecta esset. Quid vanius? quid futile? Sensus loci per se patet, Det vobis Deus cognoscere quam sit excellens illa magnitudo potentiae, qua Deus usus aliquando est circa credentes, cum eos ex mortuis suscitabit, atque immortales & gloriosos in caelis ipsis altissimis constituet. Quanta autem sit potentiae huius magnitudo, id quidem nunc nobis non apparet; sed tamen id aestimari potest & aestimandum est, κατὰ τὴν ἐνέργειαν, id est, ex, vel juxta illam potentiae magnitudinem (in qua quia sibi non satisfacit Apostolus, idcirco utitur tot Synonymis vocibus κατὰ τὴν ἐνέργειαν τῆς κρατεῖς τῆς ἰσχύος αὐτοῦ) quae nobis à Deo illustri ratione ob oculos posita, & quasi spectanda data est, quando Iesum Christum Dominum ac caput credentium omnium, non tantum suscitavit ex mortuis, sed etiam in ipsis caelis sublimibus collocavit ad dextram suam, gloriae & potentiae supra omne imperium, potestatem, potentiam, ac dominationem instruxit, adeo ut ejus pedibus omnia subjecerit, eumque constituerit caput, ut eadem potentia Ecclesiam sibi subiectam, id est, nos fideles ex morte suscitaret, & in caelis eodem immortalitatis & gloriae beneficio afficeret. Eiusdem farinae est, quod ex 2. ad Thes. 1. 11. allegatur. Istic enim de modo, quo fides in nobis efficitur, verbum nullum est. Agitur enim manifeste de iis, qui jam credebant, & de quorum fide ac tolerantia gloriatur Apostolus apud Ecclesias ceteras, ut ex vers. 4. liquet. Nec describitur isthic Deus, uti Censor locum citat, ut complens opus fidei potenter, sed rogatur, ut opus fidei complere velit. Phrasin vero istam, Deum complere omnem suae bonitatis gratuitam benevolentiam & opus fidei potenter, significare modum, quo fides gignitur & conservatur in no-

Sensus loci
paraphrasticè
propositus.

Expenditur
locus ex ij. ad
Thessa. 1. vers.
11. adductus.

in nobis, id est, operationem omnipotentem sive irresistibilem in vobis sine nobis, nihil vel in speciem cogit. Nam posito quod de primo fidei actu istuc ageretur, non tamen phrasim ἐν δυνάμει potentiam statim istam irresistibilem, quam vult Censor, indicare arguit. Non enim omnis δυνάμει est δυνάμει talis. Nec verbum complendi significat necessarium modum istum agendi, qui ἐν δυνάμει est, in principio regenerationis Thessalonicensium etiam usurpatum esse. Nam compleri aliquid potest ἐν δυνάμει, quod sine δυνάμει effectum est, & compleri potest in credentibus id, quod in credentibus, qua talibus, capturn est effici. Sed quid multis opus est? Manifestum est ex loci antecedentibus & consequentibus, fidei opus significare per Metonymiam, vel id, quod fidei objectum est, sive quod credentibus, & opus tolerantiae ex fide facientibus, à Deo promissum est, & quod Deus circa eos, qua tales, à parte sua facere vult, & facturum se promissit, vel saltem facere paratus est; si pro eo serid oretrur; eodem plane modo quo κλήσις sive vocatio, hoc in loco, interprete ipso Beza, significat non ipsam vocandi actionem, sed id, ad quod Thessalonicenses vocati erant, nempe caelestis regni gloriam, vel, quod malim, tolerantiam in qua ex fide jam exercebantur Thessalonicenses. Evincitur hoc ipsum ex eo, quod Apostolus dicat, se orare pro iis, pro quibus jam ante Deo gratias se agere dixerat, quod fides eorum vehementer augesceret, ὑπεραυξάνη, & caritas eorum mutua περισσέη, id est redundaret: quasi dicat, Idcirco quia vos credidistis & fidem vestram caritatis & tolerantiae operibus luculenter testati estis, Deum supplices pro vobis oramus, ut caelestis praemii istius, ad quod vocati estis, praestantiam ac certitudinem altius semper cordibus vestris dignetur imprimere, & quicquid ex singulari amore suo, quo fideles suos complectitur, proficisci potest, id adhibere velit circa vos, ut quod credidistis, potenter hæreat in animis vestris, contra omnia mala quae toleratis, vel ut tolerantia vestra, solidiore spe caelestis istius hereditatis, quam per fidem semel concepistis, veluti firmo ac potente aliquo fulcro ac subsidio sustentata, manere possit, id est, ne quicquam à parte sua deesse vobis patiat quod ad animandos & corroborandos vos facere possit. Quicquid sit, certum est hoc in loco non agi nisi de credentibus, & ex fide persecutiones varias tolerantibus, qua talibus; circa quos Deum aliis longè actionibus occupari, quam circa eos, quos primitus ad fidem vocat, certum est. Huic jam adde, quod Apostolus statim deinde Thessalonicenses hos obnixè roget & obtestetur, ne cito à mente sua

Quid Apostolo sit complere opus fidei in, δυνάμει.

Opus Fidei quid sit Apostolo.

Paraphrasis superioris loci.

EXAMEN CENSURÆ

Refellitur ex-
positio loci ex
2. Petri. 1. 3. a
Censore ad-
dita.

fua dimovetur, vers. 1. cap. 2. Quorsum istud, si jam ante eodem poene spiritu eos persuasos esse voluerat de eo, quod Deus, uti in ipsis sine ipsis fidem effecerat, ita in ipsis sine ipsis per potentiam irresistibilem fidem conservare vellet? Nam fide ista posita fieri non poterat, ut à mente ista dimoverentur nedum ut citò dimoverentur. Neque magis locus Petri, ex 2. Epist. 1. cap. vers. 3. desumptus, facit ad persuadendum, Remonstrantium elencho Deum erroris argui. Nam Petrus isto in loco virtutis quidem sive *δυνάμεις θείας* mentionē facit, sed per virtutem sive *δυνάμιν* istam *θεῖαν* non intelligit vim sive potentiam illam, qua Censor fidem in nobis sine nobis effici vult, sed tantum Deum ipsum omnipotentem; periphrasi usitata, qua nunc bonitas Dei, nunc sapientia Dei, nunc iustitia Dei, nil nisi Deum ipsum notant; quanquam ratio aliqua potentiae etiam hic habita dici potest, quia admirabiles & complures actiones divinae potentiae intervenerunt, ut certa resurrectionis & aeternae vitae spes nobis fieret, & ut de voluntate Dei fieremus quam persuasissimi. Rationis complures sunt: Nam primo, si intelligeretur ista quam Censor vult *δυνάμιν* hoc in loco, non dixisset Apostolus, Deū nobis dedisse *πάντα τὰ ὅτι ἐσώθημεν*: unica tantum hac potentia opus erat; una haec sufficiebat. II. Inepte dixisset, Deum dedisse nobis *τὰ ὅτι ἐσώθημεν*. Nam *ἐσώθημεν* postulat à nobis sub praemij promisso & poenae comminatione. Postulare autem à nobis *ὁσέμεν*, & efficere in nobis sine nobis *ὁσέμεν*, per *δυνάμιν θεῖαν*, sunt *ἀσώματα*. Ista operatio repugnat è diametro, non divinae tantum, sed humanae sapientiae: Stultè praecipit, qui id, quod praecipit, in eo, cui praecipit, sine ipso efficere vult & actu ipso efficit. III. Petrus dicit divinam virtutem nobis omnia donasse, quae ad vitam & pietatem pertinent, per agnitionem ejus, qui vocavit nos. Agnitionem itaque sive cognitionem supponit, ut non profectam ex ista virtute. Quod si id nolimus, sed Apostolum velimus indicare id, quod nobis dedit Deus vel divina vis, tum cognitio ista significabit, vel actualem ipsam cognitionem, sive ea sit mera tantum cognitio Dei & Christi, sive etiam cognitio & fides in illum; Vel Evangelium, per quod cognitio plena Dei & Christi haberi poterat, quo sensu dicimus dari cognitionem alicui, cui ratio, via ac modus certus revelatur, quo ad cognitionem rei alicujus pervenire potest, sive fiat ut ad actualem rei istius cognitionē perveniat, sive non. Utrocumq; modo acceperis, manifestum semper erit, per potentiam divinā hic non intelligi ab Apostolo id, quod vult Censor. Nam si cognitio

priorē

priore sensu intelligatur, tum necesse est ut dicatur. Petrum de omnibus dispersis fidelibus, ad quos scribebat non tantum pro se credidisse, vel saltem ex iudicio caritatis sensisse, quod divina virtus in illis cognitionem sive agnitionem & fidem istam operari voluerit, & actu jam operata erat; sed etiam id eum omnibus persuasissimum esse voluisse. Nisi enim id Petrum voluisse dicat Censor, enervat atque elidit fundamentum exhortationum & admonitionum ejus omnium. Hoc non dicet Censor, si sapit. Quod si vero cognitio posteriore sensu intelligatur, tum nihil ex verbis istis pro causa sua concludere poterit Censor. Sed quid opus est in re clara diutius morari? Versus sequens modum exponit: quo divina virtus omnia nobis dat, quæ ad vitam & pietatem pertinent, per agnitionem ejus qui vocavit nos, quia vid. Deus *maxima illa & pretiosa promissa nobis donavit* (nota idem verbū *δεδωκεν*) *ut per ea efficiamur divina consortes nature*. Hac in re cumulus divinæ bonitatis, sapientiæ, & potentiæ est. Qui ista habet Christianus, is omnia habet, quæ ad vitam & pietatem pertinent. Promissa enim ista continent omnia ista auxilia, quibus homo in hac vita opus habet, ut divinæ voluntati obedire possit, ut actu obediat in mediis tentationibus, & ut ad finem usque vitæ in obedientia perseveret, atque ita evadat eam, quæ in mundo est corruptionem ex cupiditatum veneno ac contagio. Ignoscant jam vicissim Censores Academici, & subtiles Doctores (suis enim eos jam verbis compellere libet) ruditati Remonstrantium, si ipsis non licet esse tam acutis ut percipere possint hæc tria. I. Magnitudine *ὑπερβαλλούσης δυνάμεως κρείττους, ισχύος*, opus esse ad fidem in homine efficiendam. II. Magnitudinem istam potentiæ concurrere posse cum serio præscripto ac mandato Fidei, promissione præmii & comminatione pænæ sancito. III. Fidem, quæ per istam magnam potentiam in homini, sine ipso efficitur, obedientiæ nomine venire, & præmio ac laude dignam censerī posse. Hæc conjungere & componere non possunt Remonstrantes, adeo sunt rudes & bardi: Id si possint Censores, nā ingens eorum acumē est, & *ὑπερβαλλόν μέγεθος τῆς ἀρχινδίας*. Mirum nī discipuli eorum applaudāt tam ingenti industriæ, & euge accinant magistris suis, plusquam Angelicis & Sera- phicis.

Quæ ad sectionem IV. censentur, ea sunt parvi ponderis. Primum enim quod censetur est, *Quod Remonstrantes ad eliciendum ad sensum Fidei, à parte Dei tantum requirant argumenta talia, quibus verisimiliter nihil opponi potest, cur credibilia non sint, & fidem non me-*

G g

reantur

EXAMEN CENSURÆ

Quo sensu De-
claratio ad e-
liciendum Fi-
dei ad sensum
non requirit
à parte Dei ni-
si argumenta
fide digna.

Dogmata Fi-
dei talibus ar-
gumentis non
tantum possunt
se. l. & debent
probari, qui-
bus verisimi-
liter nihil po-
test opponi
cur credibilia
non sint.

reantur ea, quæ credenda nobis proponuntur. Sic enim inquit facillimum est Remonstrantibus cum Pelagio transigere. Quantum crimen medius Fidius, si omnino hoc verum foret! At nihil minus quam hoc, habet veri speciem. Manet adhuc inter eos & Pelagium hiatus maximus. Nam quando nihil aliud requirunt Remonstrantes à parte Dei, quam argumenta talia, non excludunt præcedancam dationem potentia supernaturalis, qua fiat ut homo ad sensum possit præbere argumentis istis (Illam semper præsupponunt & prærequirunt uti jam ante sæpius ostensum est, & in Actis & Scriptis eorum Synodalibus sæpius in terminis ab ipsis declaratum esse constat: Hanc vero negabat Pelagius, quia ad ad sensum fidei præstandum naturæ vires sufficere per se profitebatur, uti notum est) sed tantum excludunt istum operationis modum, quo Calvinus cum suis somniat Deum pectoribus paucorum quorundam, nominatim ad id electorum, ad sensum istum indere atque imprimere. Addit Censor; *Argumenta ista non sufficere à parte Dei, ex eo manifestum est, quod dogmata Fidei, quæ evidentiam non habent, talibus argumentis non possint probari, quibus verisimiliter nihil opponi possit.* De evidentia nihil dixerunt Remonstrantes. Aliud est evidentia, aliud credibilitas. Argumenta, quæ credenda proponuntur, credibilia sint necesse est; Evidentia ut sint, non requiritur. Et hoc vult declaratio, cum dicit requiri argumenta, non quibus simpliciter aut in speciem nihil verisimiliter opponi potest; Absit, sed quibus nihil verisimiliter opponi potest (Nota) cur credibilia non sint & fidem non mereantur ea quæ credenda proponuntur. Tantum autem abest, ut dogmata fidei, quæ credenda sunt, & credenda proponuntur Christianis omnibus, sub periculo æternæ condemnationis, in summo gradu credibilia non sint, ut nisi talia sint, eo ipso pro dogmatibus fidei habenda non sint. Et sane, nisi res ita se haberet, frustra ac stulte laborassent olim, hodieque laborarent Christiani ut Atheos, Gentiles, Iudæos ad Religionem Christi adducant, iisque dogmata Religionis Christianæ persuadeant. Quare non simpliciter probandum videtur id, quod ait Lactantius, *divinam veritatem idcirco doctis esse contemnui, quia idoneis assertionibus eget, nisi comme do sensu intelligatur.* Nulla veritas in suo genere magis idoneis assertionibus nititur, quam veritas Religionis Christianæ. Injuriam Christo & divinæ Christi Religioni facit gravissimam, quisquis aliter statuit. Quare admiratione non levi dignum est, cum quærit Censor: *Quomodo fiduciam in Iesum Nazarenum collocaremus, virum in ligno suspensum, adeoq; sententia Dei maledictum, si nihil credibile censeremus, nisi firmatum argumentis quibus nihil opponi posset.*

Imò.

Imò verò, idcirco fiduciam in Jesum Nazarenum virum in ligno crucifixum collocamus, quia eum à Deo ipso approbatum, & in signum approbationis, ex mortuis suscitatum & ad dextram divinæ Majestatis in cælo collocatum esse, istiusmodi, & tot argumentis confirmatum est, ut nihil pluribus aut solidioribus ad fidem rei factæ faciendam, confirmari possit, aded ut dicere audeamus, Aut credendum est hoc verum esse, aut nihil in rerum natura credibile censendum est. Atque hoc ipsum manifestè arguit locus Apostoli iste, quem hic Cenfor planè in contrarium sensum citat, 2. Corin. 10. 4. 5. *Arma militiæ nostræ non sunt carnalia, sed divinitus valida ad subversionem munitionum; Ratiocinationes evertendo omnemque sublimitatem quæ sese extollit adversus cognitionem Dei, & in captivitatem redigendo omnem cogitationem ad obediendum Christo.* Dicit enim istis verbis Apostolus, *Arma sua*, id est argumenta & rationes suas, quibus pugnabat pro Christi doctrina, contra erronea dogmata & opiniones falsas Philosophorum, aliorumque mundanorum hominum, quamquam subtilissimæ videbantur, aded solidas, efficaces & nervosas fuisse, ut evertendis istis plusquam sufficerent, imò ut sufficerent captivando omni licet subtilissimo acumini & industriæ, & cogitationibus ipsis, id est ingeniosissimis conceptionibus retundendis, & sic hominibus persuadendis ut erroribus valedicerent, & Religionem Jesu Christi amplecterentur: Hoc autem dicere non potuisset Apostolus, nisi ejusmodi argumentis contra eos instructus fuisset, ad probandum Religionis Christianæ dogmata, quibus verisimiliter nihil opponi ab iis poterat, cur, non dico evidentia aut prorsus & omni modo clara, sed credibilia non essent. Nec dubium est, quin hæc gloria soli Religioni Jesu Christi propria tum fuerit, & etiamnum foret, nisi divinis insit; Religioni argumentis, seu imprudenter, seu impudenter, fragilia & elumbia miscuisset humana industria. Inde natæ hypotheses, axiomata & placita à ratione omni & specie veri aliena, quæ in Religionem Christi paulatim transiverunt, aut irrepperunt, & quia idoneis assertionibus egebant, humana autoritate stabilita & sancita sunt. Hinc Christi Religio imbellis facta est, & tantum non probrum ac ludibrium Judæis, Turcis, variisque; alioquin nec indoctis nec malignis mortalibus, quibus nescio quid citius persuaseris, quam Religionem Christi istis hypothesibus subnixam. Sed hoc flere potius licet, quam corrigere.

Alterum, quod hic censetur, est, *Quod Remonstrantes ex parte hominum requirunt piam docilitatem & animi probitatem in eo, à quo fides*

G g 2

ista

Sensus loci 2^o
ad Cor. 10. 4.
5. perperam à
Censore allegati.

EXAMEN CENSURÆ

ista postulatur &c. hac inquit Cenfor, ex Theologia Socini aperte desumpta sunt. Imò vero hæc desumpta non esse nisi ex Theologia Christi, satis manifestè quæ in sectione hac allegantur loca, arguunt. Tota enim sectio pene nil nisi Scripturæ verba habet. Sed esto, ex Socino hæc desumpta sint, quid tum? Cum Socino itaque sentiunt hac in parte Remonstrantes. Benè habet. Socinus ergo hac in re benè sensit scripsitque. Qui id ægrè fert, is rationes adferat, alioquin exhibilari dignus est. Id tantum notandum est obiter: A Remonstrantibus hic affirmari ad fidem vel ad sensum fidei obtinendum, requiri ex parte hominum docilitatem & probitatem; non quasi fieri nullo modo possit, ut alii ad fidem etiam adducantur, aut dociles & probi reddantur: Nihil minus, sed quod sine docilitate & probitate animi ad sensum fidei commodè, Nota benè vocem hanc commodè, elici non possit. Magnis molestisque ambagibus alioquin opus est.

Quo sensu declaratio requiritur? Nam docilitatem aut animi probitatem, ad fidem eliciendum.

At ex eo sequitur, inquit Cenfor, homines omnes natura sua non esse indociles atq; improbos. Nihil minus quàm hoc sequitur, Tantum sequitur inter eos, qui vocantur ad Religionem Christi, alios aliquando esse dociles, alios indociles. Discrimen istud ex natura esse nec dicitur, nec ex dictis rectè concluditur. Ex aliis causis id provenire quid verat? Nemo, qui ad Christum vocatur, talis est, qualem eum natura finxit. Educatio, conversatio, institutio, aliaque discriminant mortales maximam partem, eosque variis adfectionibus imbuunt. Rectè Flaccus, licet alioquin vitæ non admodum castigatæ,

Nemo qui ad Christum vocatur talis est, qualem eum natura finxit.

*Atqui si vitis me diocribus ac mea paucis
Mendosa est natura alioquin recta; velut si
Egregio inspersos reprehendas corpore nevos.
Sic neque avaritiam, neque sordes, ac mala lustra
Objiciet verè quisquam mihi: purus & insons.
(Ut me collaudem) si & vivo carus amicis.
Causa fuit Pater his.
Ipse mihi custos incorruptissimus omnes
Circum Doctores aderat, quid multa pudicum
(Qui primus virtutis honos) servavit ab omni
Non solum factis, verum opprobrio quoque turpi:
ob hoc nunc*

Laus illi debetur & à me gratia major.

Neque verò negandū omnino videtur, conditionem temperamenti cuiusque hominis vim magnam habere ad mores animi, ad virtutes & vitia,

tia. Pro ratione ejus aptior vel ineptior quisque est ad docilitatē & probitatem animi consequendum, Præcipuam tamen vim habent educatio & institutio. Atq; inde ferè discrimen petendum est. Non videtur hoc negare Censor, ideoq; per cautelam addit, *nbi de vera docilitate & de vera probitate, que ad res divinas requiruntur, questio agitur.* Atqui docilitas, quæ nos aptos reddit ad virtutes, sive ad honestatem morumq; castitatem, quomodo non reddat nos aptos ad res divinas? Docilis probusq; animus quas res citius libentiùsq; admittat, quam virtutes divinas, utpote æquitati & rationi rectæ maximè consentaneas, & ejusmodi argumentis adstructas, quibus & qualibus cæteræ disciplinæ omnes carent? Atqui inquit Censor, *hoc diserte Scriptura repugnat, quæ nullum discrimen naturale vel docilitatis, vel probitatis, nbi de rebus divinis agitur, inter homines ante regenerationem agnoscit.* Falsum hoc esse ex locis in sectione Confessionis, de qua agitur, citatis, manifestissimum est, si modo vocem *naturale*, omittas, de eo enim jam non agitur. Discrimen esse constat & quidem ante regenerationem, an naturale illud sit, alterius loci est disquirere, hic ad rem non facit: Locus ex Epist. ad Ephes. 2. 3. contra nihil facit. Nam Apostolus isto in loco non agit de naturali & communi omnium omnino hominum conditione & statu, sed tantum de conditione gentilium ante auditū Evangelii, quamquam & inter eos discrimen aliquod faciendum esse non obscure colligitur ex 1. Corinth. cap. 6. vers. 11. cum ait: *Et vos nives iſtæ. Et hujusmodi quidā vestrum erāt,* quod inepte Beza vertit, Et hæc eratis unusquisque. Sed posito etiam Apostolum communiter aut universaliter hæc de omnibus gentilibus affirmasse, Non repugnant filium iræ esse, & docilem ac probitate animi præditum esse. Docilitas probitate animi cum peccati habitu & peccandi consuetudine potest consistere: Aliud enim est docilem ac probum animum habere, aliud jam didicisse quæ sit vera pietas, & qua in re vera obedientia divinæ voluntatis posita sit. Quin imò aliud est hoc scire, aliud facere. Multos videas dociles, bonæque & honestæ indolis, qui inter profanos ætatem degunt, in meliorem frugem evasuri si monitoribus non carerent, aut inciderent in bonos viræ magistros, vel socios. Docet id Christus, cum *meretrices & publicanos dicit præcessuros Scribas & Phariseos in regnum calorū.* Math. 21. 31. Et videas non paucos luculenta veritatis cognitione præditos & alioquin minimè malos, à vero tamen pietatis studio valdè alienos. Ex quo patet loca illa, quæ Censor in eandem sententiam citat, ex 1. Cor. 6. 9. 10. 11. Rom. 8. 7. 1. Cor. 2. 14. Tit. 3. 3. & seqq. ad rem non facere.

Docilitas quæ nos aptos reddit ad virtutes morales, eadem aptos nos reddit ad virtutes divinas amplectendū.

Sensus loci ad Ephes. 2. 3.

Filius iræ esse potest, qui docilis & probitate animi præditus est.

EXAMEN CENSURÆ

cere. Aliud enim est docilitate ac probitate animi præditum esse, aliud virtuosum & pium esse: Non statim virtuosus est, qui docilis est, nec pius qui probitate animi præditus est. Meliore disciplina, Spiritu, & gratia opus est ad peccatorum habitum excutiendum. A solo Christo tantum bonum haberi potest: Sola ejus Religio, solus ejus Spiritus potis est in nobis excitare verum peccati odium, & sincerum pietatis ac sanctimoniae studium. Absque illa omnes peccatorum habitu plus minusve impliciti hæreant necesse est. Quisque vitio uni aut alteri, & imprimis suo, blandietur, & in eo consenescet.

Ostenditur falsum esse quod experientiam ætati dicar. Censor, minus probos minusque dociles aptiores esse ad fidem & facilius credere, quam dociles & probos.

Subjicit Censor, *Nolumus negare inter homines non regenitos esse nonnullos alius magis dociles imò etiam aliqua probitate & honestate morum præ aliis conspicuos; sed, an talis probitas vel docilitas eos magis ad fidem disponat, ut facilius credant, quam qui vel minus probi sunt, vel minus dociles, videndum est. Contrarium sæpe testata est & etiamnum testatur experientia.* Nihil falsius, si docilitatem & probitatem animi conjungas. Docilitas sine probitate animi facile dilabitur in profanitatem. Probitas sine docilitate facile deflectit ad superstitionem. Tum si ii, qui eos ad fidem vocant, tales sint, ut doctrinam fidei non reddant inefficacem prorsus & inutilem: Nam quid docilitas probitasque animi in discipulo juvant, si doctrinam suam Doctor ipse vel docendo enervat, vel vivendo infamat? Nihil vanius etiam atque incertius, quam quod ab experientia defumitur argumentum. Nam nos sæpè dociles judicamus eos, qui nihil minus sunt quam dociles: Cerae instar duci se sinunt à nobis in omnem partem, cætero quin duriores filice. Nobis credunt, non rationibus nostris ducti, sed suis affectibus. Sic, probitate animi præditi nonnulli nobis videntur, qui indolis planè sunt perversæ; Ingenium vultu tegunt, & virtutem verba putant, ut lucum ligna; Docilis statim non est, qui est ingeniosus, nec probus, qui superstitiosè religiosus. Ingeniosissimi sæpe sunt obstinatissimi, & summè indociles. Ingenio suo lenocinantur ac fidunt: Alios respuunt & despiciunt tanquam infra se positos, & ingenio suo impares. Zelotæ maximi sæpè pessimis affectibus laborant, & qui supra alios videntur pollere studio veritatis, ii non rarè intus & in cute veritatis hostes sunt acerrimi. Zelus eos abripit extra modestiæ & docilitatis metam, fiuntque indociliores promiscua plebe & proletaria quavis turba. In Pharisæis & Scribis id apparuisse testatur Servator ipse. Nam quamquam studio virtutis & pietatis cæteris omnibus præstare videbantur, publicanos tamen & meretrices multò iis dociliores fuisse asserit. *Atqui, inquit*

Inquit Cenfor, docilitas illa naturalis saepe abstrahit homines à fidei documentis, quia versatur circa ea, quae rationi humanae magis conveniunt, quibus praeveniuntur animi dociles, & ita praecipuantur, ut altior & à sensibus remotior doctrina in ipsis locum non inveniat. Atqui contrarium potius verum est. Idcirco docilitas naturalis, nisi affectibus & praediciis praeroccupata sit, magis aptos eos reddit ad fidem & fidei documenta facilius & libentius admittendum, quia documenta fidei rationi rectae non disconveniunt, etiam si à sensibus remota sint. Ratio enim recta non semper pendet à sensibus, nec sensibilibus utitur argumentis, imo fidem à sensu & sensibilibus argumentis suspendi vetat. Quae sentiuntur, ea non creduntur. Beati qui non vident & credunt tamen, quia ratio nullae cur non credant. Sed, hic Christianos multos error tenet, ut fidei documenta non à sensibus tantum submota, sed à ratione recta etiam aliena esse credant, atque idcirco rationem omnem humanam, in fidei rebus, valere atque ab iis exesse jubeant. Periculosus hic & vere poenitendus error est, unde multa mala in Christianum orbem profluxerunt. Quae ex Augustino & Lactantio citantur, ea tanti non sunt, ut propterea laborandum sit: Ex antedictis patet solutio. Nec defuerunt ex Patribus antiquis, & ex Reformatis Doctoribus aliisque permulti, qui contrarium senserunt, imo qui eos etiam gentiles & Philosophos, qui rationis rectae ductu Virtutem sunt sectati, & voluptatibus omnibus saeculi hujus pro virili renunciarunt, in salvandorum ordine collocare non dubitarunt, de quorum sententia nos judicium nostrum non interponimus, rati caritatis magis affectu, quam certo judicio eos adductos ita sensisse. Deus justissimus iudex sententiam suo tempore feret exceptione omni majorem. Nos jam videamus porro quid Cenfor ad loca ista, quae Remonstrantes in Confessione sua citant, pro sua opinione excipiat & respon-

Docilitas non abstrahit homines à fidei documentis, nec causa est, cur abstrahat.

Vindicatur locus ex 2. ad Thessal. 3. 2. in declaratione citatus, ab exceptionibus Cenforis.

Ad locum ex 2. Thess. 3. 2. *Fides non est omnium*, connexionis probationem se expectare dicit: At ea est manifesta ex scopo & sensu loci, qui est, ostendere, mirum videri non debere Ecclesiis, si qui sint inter ipsos, qui Christi Religionem profitentur, & tamen veri Christiani non sunt, aut ad fidem & Religionem Iesu Christi intus in cor suum admittendam adduci se non sinunt, adeo ut perpetuo cum illis, tanquam cum refractariis & molestis adversariis, luctandum & laborandum sit. Ad fidem enim & Religionem Christi suscipiendum & medullitus imbibendum praerquiri ut non sis ἀπίστος καὶ πονηρός sive δύσμελος. Qui enim sic animatus est, ei nunquam facile persuaseris ut pius fiat, & serio atque

EXAMEN CENSURÆ

atque ex animo Christi Religionem sectetur. Absurdissima licet teneat & maxime ἀτοπία, non credet tamen, quin & molestiam tibi faceret sine fine ac modo; hoc enim est πονηρὰ εἶναι: hinc orari Deum vult Apostolus, ut ab istiusmodi hominibus libera esse possit sancta ipsius Ecclesia. (Nisi forte quis hæc accipere malit de iis, qui Christiani nondum erant, & cum Christianis perpetuo digladiabantur, ut Religionis Christianæ cursum sisterent atque impedirent. Eodem tamen redibit res) Hunc sensum loci hujus esse per se manifestum est; Et confirmatur valide ex eo, quod sensus iste, quem Cenfor ei inesse vult, speciem nullam verisimilitudinis habeat: Nam, si sensus verborum istorum, *Non enim omnium est Fides*; hic est, Deus omnibus fidem dare non vult; quæ ratio dari poterit quod Apostolus Thessalonicenses monuerit orare Deum ut liberari possent ab istis ἀτοπίαις & πονηροῖς, idcirco quia fides non est omnium? Alterutrū dicatur necesse est; Aut quod Apostolus sciverit hos ἀπίστες καὶ πονηροὺς ex numero reprobatorum fuisse atque idcirco, de iis ad fide adducendis laborandum non esse; quod quis credat? Vel si credat, quomodo probaverit? Aut quod homines hos ex reprobatorum numero ac proinde fidei incapaces esse collegerit ex hoc signo, quod ἀτοπιοὶ καὶ πονηροὶ essent. At hoc signum Apostolo esse non poterat nec debebat; ἀτοπία enim καὶ πονηρία ante fidē semper est in omnibus hominibus, ex sententia Cenforis hoc ipso in loco. Contrarium itaque colligere potius debuisset Apostolus, jussissetq; orare Thessalonicenses pro ipsis, ut ab ἀτοπία & πονηρία ista liberari possent, & sic ad fidem adduci: Eadem enim ratio est illorum, quæ omnium, aut plerorumque. Alii enim aliis ægrius, tardius, molestius, difficilius ad fidem adducuntur. Huic jam adde, quod Apostolus causam nullā habuisset hominibus istis exprobrandi quasi per convitium, ἀτοπίαν καὶ πονηρίαν ipsorum, si causa ejus rei erat, quod Deus fidem iis dare non vellet, quia videlicet Deus eos ab æterno reprobaverat, & ad incredulitatē atq; ad ἀτοπίαν καὶ πονηρίαν illam destinaverat. Hoc autem cum Apostolum hic non sensibile certum sit, dubitari vix potest, quin sensus verborum istorum, aut potius rationis istius, *Nam fides non est omnium*, alius non sit quam is, quem indicat Confessio Remonstrantium, & nos hic plenius expressimus.

Atqui, inquit Cenfor, nondum apparet connexio, Nam ex suppositionibus Remonstr. fides est in omnium potestate, & nemo est, qui, faciendo quod in se est ex viribus natura, ad fidem non possit pervenire. Imo vero idcirco connexi est evidens: Nam cum Apostolus dicit, Fides non

non est omnium, eo non significat, non omnes posse credere, sed non omnes velle credere, imò esse quosdam adeo ἀτόνους καὶ πᾶντες, ut prorsus inepti sint ad credendum, adeoque ut velint non credere habitu scilicet & cōsuetudine incredulitatis obfessi. Quare cum Remonstrantes dicunt, *Fidem esse in omnium potestate*, non id volunt, quasi omnibus & singulis omni tempore facile ac proclive sit credere, & ex fide obedire Deo, quando tantum volunt: Absit; Sed hoc tantum volunt, Per Deum ac divinam bonitatem & clementiam non stare, quò minus ii qui primitus ad fidem vocantur, possint Deo vocanti credere ac parere. Potentiam etiam ad credendum homini nunquam prorsus negari nec penitus adimi à Deo; sed quæcunque homini accidit impotentia, eam à voluntate hominis sola provenire, eamque non tam physicam quàm moralem esse impotentiam, quæ ex diuturna obstinatione & consuetudine tergiversandi nascitur, unde homo adeò ineptus ad credendum, adeoque alienus à credendo redditur, ut impotenti similis fiat. Nisi hoc dicatur, nec præceptionis divinæ, qua Deus tales obedire ac credere præcipit, nec punitionis divinæ, qua tales non credentes gravius multò punit, ratio constare potest.

Quid sibi velint Remonstrantes, cum dicunt Fidem esse in omnium potestate.

Ad loca duo ex Joha. 7. 17. & ex Joa. 3. 19. 20. nihil excipit Censor nisi hoc, *Si de fide absolute intelligant, sequetur id absurdum, homines facere veritatem sine cognitione veritatis, & in luce, aut ut lucis filios ambulare qui ad lucem nondum venerunt, aut lux in Domino non sunt.* Quasi verò nesciat Censor, de qua fide Remonstrantes hic loquantur. Titulum tantum capitis vide, & de fide in Iesum Christum eos hic agere manifestum erit. *Facere itaque veritatem*, non est facere id, quod Evangelium aut Christus in Evangelio fieri jubet, sed, phrasi hebræa, facere id, quod bonum & rectum est, sive quod ratio recta vel lege naturæ, vel lege Moysis, vel alia aliqua seu traditione seu doctrina informata, verum, id est, honestum esse dicat: opponitur enim ἡ mala facere. Alibi Scriptura id vocat *Quærere Deum aut Dominum*, Act. 17. 27. *Fecit (Deus) ex uno sanguine totam gentem hominum, ut habitaret super universa superficie terra, definitis statim temporibus, & positis terminis habitationis eorum, ut quærerent Dominum, si forte palpando eum invenirent.* Alibi vocat id, *facere iustitiam, & Deum timere*, Act. 10. 35. *In quavis gente acceptus est Deo quisvis, qui eum timet, & operatur iustitiam*, Alibi vocat id *ἡ ἀρετὴ εἶναι*, alibi aliter. Videtur hæc agnoscere etiam Censor, ac propterea statuere fidem aliquam in iis præsupponi, de quibus affirmatur, quod faci-

Quid sit facere veritatem, in locis Ioan. 8. 17. & Joa. 3. 19. 20.

H h

ant

EXAMEN CENSORÆ

ant voluntatem Dei, sed per fidem istam intelligi non vult nisi fidem & cognitionem illam ipsam, quæ per Evangelium habetur: Ejus enim augmentum tantum dari vult iis, qui fide ista antea præditi sunt idque indicari locis citatis. At hoc est necessitatem & vim Evangelicæ doctrinæ funditus tollere, & loca citata à proprio & genuino ipsorum sensu violenter detorquere, uti ex eo manifestum est, quod in locis istis probitas animi, timor Dei, &c. tribuantur iis, qui vera & Evangelica fide in Christum præditi non erant; utpote qui Christum pro peccatis mundi morituum nesciebant, imò qui Christum non nisi regem terrenum futurum credebant, & sic per eum expectabant redemptionem Israelis: uti ex cantico Simeonis, Mariæ, & Zachariæ haud obscure liquet: De Cornelio patet disertè dici, Petrum missum fuisse ad eum, *ut audiret ex ipso verba, in quibus servaretur ipse & domus ejus.* Act. 11. 14. Ad loca Joan. 8. 47. quærit Censor; *An igitur aliquis potest esse ex Deo, vel ovis Christi, natura corruptus, necdum regenerationis Spiritu donatus?* At hoc est quærere, non solvere. Mirum autem id quæri à Censore, cum fateatur ipse cum suis, electos omnes, propter solum beneficium electionis, cum natura adhuc corrupti sunt, necdum Spiritu regenerationis donati, esse ex Deo, & oves Christi, ut disertè legere est in Synopsi purioris Theologiæ Calvinisticæ, disputat. 24. Theol. 27. 28. Imò, cum hoc ipso in loco statim immediatè post hanc, quam hic movet quæstionem, asserat, *Illos ex Deo esse & oves Christi, quos Deus sibi assumserat & Christo servandos tradiderat, non quia sermonem Dei servaverant* (annon hoc est cum adhuc natura corrupti neque adhuc Spiritu regenerationis donati essent?) *sed ut crederent, & sermonem Dei servarent;* Sed nos respondeamus. Qui natura corruptus est, is potest ex Deo esse, & ovis, id est, bonæ & probæ sequacisque indolis, antequam Spiritu regenerationis, quem Deus dat iis, qui per Evangelium vocantur, & divinæ vocationi credunt, præditus sit, imò ut ante quam Spiritu isto donetur, fiat ovis, & ex Deo sit, necesse est. Locus Ioan. 17. 6. *Tui erant, & mihi eos dedisti, & sermonem tuum servarunt,* non modò non repugnat huic sententiæ, sed eam potius confirmat. Manifeste enim patet ex eo, fieri posse ut quis Dei sit, antequam est Christi, id est, in Christum credat. Nam si velit Censor verba ista *Tui erant*, significare, Tibi jam per fidem veram insiti erant, sibi ipsi contradicet. Nam id expresse hic ipse negat. Et quid? An Matthæum publicanum, ac Iudam Iscariotem dicet Deo aut Christo insitos fuisse, etiam antequam Christi vocem audierant?

Sensus loci
Ioan. 17. 6.

diverant? Si Phrasin istam id non vult significare, sed eam de æterna electione interpretandam esse dicat, tum principiū petit, & nihil concludit ex loco isto, quin imo quæstionem ipse suam ridiculam facit. Sic enim tum vicissim quæram? An itaque aliquis potest esse ex Deo, vel ovis Christi qui natura corruptus necdum regenerationis Spiritu donatus est; Sed quicquid sit hac de re, sensus loci huius longe alius nobis esse vedetur: Tui erant, & Pater, id est, tu eos solus regebas & curabas sine me; A te solo & immediate pendebant; Tui ex asse erant, & in solidum. At nunc tibi aliter visum est. Meæ fidei, meæ curæ eos commisisti, Me eorum curam habere voluisti, ut per me tibi fideliter adhærerent: Et ego, quantum in me fuit, operam dedi, ut tibi indivulse adhærerent. Sermone tuum iis servandum dedi, Istum solum iis inculcare non destiti, & quod tu mecum impense voluisti obtinui ab ipsis, & eum hæcenus servarunt. Sed jam ab illis abeo, suscipe eorum curam iterum sine me, & Pater, usque dum ad illos redeo, &c. Reliqua loca Act. 2. 41. Act. 13. 47. 2. Cor. 3. 5. non expendemus hoc loco, quia alibi id proluxe fieri necesse est.

Posthæc contrahit Censor paucis, quæ antea fuse dixerat. Reperio autem in verbis istis rationem novam, qua antea usus non fuerat; Ea hæc est: *Nulla docilitatis aut probitatis species, quæcunque in hominibus, antequam ad fidem vocantur, reperiri potest, ad fidem veram vel pertinet vel disponit, quia peccatum est, quicquid sit sine fide & vera Dei cognitione.* Ratio hæc plane falsa est, ut mirum merito videri debeat quomodo eam sine ulla probatione aut testimonio adducere Censor ausus fuerit. Virtus est virtus à quocunque ea exerceatur, Et quicquid cum recta ratione congruit, id virtutis nomine dignum est. Vera Dei cognitio non facit ut opus rectæ rationi congruens virtus sit, sed ut opus rectæ rationi congruens Deo sic placeat, ut id remuneratione dignum censere velit. Nihil enim, etiamsi optimum sit, Deo sic placet, ut id remuneratione dignum censeat, nisi quod ex obedientia divinæ voluntatis, sive ex deliberato Deo obediendi animo proficiscitur. Is sine vera divinæ voluntatis cognitione esse non potest: Quod ad fidem attinet, sine qua probitatem etiam istam peccatum esse vult Censor, respexit forte ad locum Rom. 14. 23. *Quicquid non sit ex fide, peccatum est*: Sed admodum perperâ. Nam fides ibi non significat cognitionem Dei veram, nedū eam, quæ ex Evangelio Iesu Christi tantum concipitur, sed ut jam ante dictum est, certam tantum animi persuasionem aut *πληροφορίαν*, qua

Expenditur
ratio Censoris
ex dicto Pauli
desumpta, Quic-
quid sit sine
fide peccatum
est.

EXAMEN CENSURÆ

fit, ut non dubitem quin id quod facio: rectū sit & bonum. Contrarium itaque potius collegerit quis ex isto loco. Videl. eos, qui ex ista firma certa que animi persuasione aliquid faciunt, non peccare. Et cum persuasio illa esse possit etiam in iis, qui vera Dei cognitione carent, ut in Iudæis & gentilibus multis, efficietur itaque fieri posse, ut quis non peccet, imprimis cum id, quod ratio recta bonum esse dicat, facit, etiam si cognitione Dei vera careat. Sed quia locum hunc Cenfor non adduxit, nos eum jam prolixius hic non expendemus.

Vindicantur
à contradic-
tione Remon-
strantes, cum
dicunt, libe-
ram esse obe-
dientiam five
opera bona, &
obedientiam
tamen ex fide
necessario se-
qui.

Ad sectionem V. notandum esse dicit Cenfor, *Remonstrantes videri pugnantia suis dogmatibus dicere, & liberum suum arbitrium destruere. Cur? Cum enim, inquit, alias ab omni necessitate liberum esse contendunt, nec opus aliquod laudabile existiment quod necessario fiat, hic tamen dicunt, Observationem mandatorum & bona opera, fidem necessario secum trahere. Quasi vero hæc aut sit, aut videatur contradictio. Nam obedientiam liberam esse posita firma ac deliberata fide, id est, fieri posse, ut quis nolit pie vivere, si jam persuasissimum habeat apud animum suum, fieri non posse, ut salutem æternam consequatur, imo certo certius futurum ut æternum à gloriosa & beata vita seclusus, sempiternis cruciatibus mancipetur, si non obediat & pie vivat, Remonstrantes nunquam dixerunt, nec dicit unquam quisquam cui vel mica falis in pectore est. Nam fieri posse ut quis dedita opera nolit esse beatus, adeoque æternum velit esse miserimus, moraliter impossibile est. Obedientiam interim, quæ ex tali fide proficiscitur, vocant opus laudabile, non per se, sed in causa, quia fides unde illa emanat, semper manet libera. Qui enim id jam credit, is inducere in animum suum semper iterum potest, non quidem quod falsum sit aut non credibile id quod credit, sed quod credibile licet sit, tale tamen non sit, quod sentiri, videri aut palpari potest, proinde quod non ita certum ac clarum est, quin clarius aliquid adhuc desiderari ac postulari possit: Atque hanc ob causam, quia videlicet tota obedientia ex ista fide dependet, ita ut sine ea esse aut durare vix ad momētum possit, obedientia etiā esse dicitur opus laudabile. Posse autem aliquid censerī liberum in causa, quod tamen per se liberum non est, constans est Philosophorum sententia. In homicida ebrio res patet; homicidium, quod ebrius committit, libera voluntate committi creditur & ut tale puniri solet, etiam si per se libera voluntate non committatur, quia ebrietas fuit ex *degeneratio*, quæ proxima homicidii causa est. Sed hoc leve est. Alterum quod sequitur gravius est. *Quamvis credamus sincere, inquit, si-*
*dem.**

dem vere producere in fidelibus novam obedientiam & opera bona, id tamen alia ratione fieri contendimus, quam ea, quæ à Remonstrantibus & Socinianis proponitur: Illi enim non docent fideles, ex sensu bonitatis divinæ & gratiæ sibi in Christo collatæ, ad cultum & obedientiam filialem ferri, cum se esse filios Dei sentiant, & proinde debere patri tam benigno se morigeros præbere agnoscant. Hic stemus paululum. Sensus horum verborum est, Remonstrantes non docent, fidem, quæ specialem Dei misericordiam, sive absolutam aut inconditionatam sui electionem pro objecto habet, producere novam obedientiam, sed fidem longe aliam. Ita est. Nam electionem talem pro figmento habent, quod fidei & obedientiæ, quæ à Deo mandatur, necessitatem, veritatem ac vim omnem funditus evertit. Quod priusquam demonstro, evolvenda hic sunt quædam, ut res pateat. Fatentur Remonstrantes bonitatem divinam & præparationem gratiæ salutariis in Christo, quæ ex divina bonitate & misericordia ortū habet, fidem præcedere: deinde, bonitatem istam & gratiam in Christo præparatam, quasi sentiendam hominibus omnibus sine discrimine dari, cum ipsis revelatur: Tertio, fieri vix posse, quin ea vehementer afficiat homines, quando eam offerri sibi liberaliter audiunt, & animum advertunt: Denique sensum istum divinæ bonitatis sive perceptionem istius gratiæ, quæ ipsis revelatur, excitare in ipsis *oguas*, sive mōtiones ad fidentium & parendum tam benigno Deo ac Patri misericordiarum prorsus improritarum. Hæc omnia, ut per se plana, fatentur Remonstrantes. Sed quod pro figmento habent Remonstrantes, illud est, Quod bonitas ista divina, & quæ ex bonitate est præparatio salutariis gratiæ in Christo, ad paucos quosdam, nominatim ad id electos, pertineat. Deinde, quod bonitatis istius, & gratiæ præparatæ perceptio, vel sensus, fides illa sit, quam Deus, sub promisso præmii, & comminatione poenæ, requirit, & quæ vi sua obedientiam novam producit in eo, in quo ille sensus locum habet. Quod sic demonstro paucis (jam enim antea sæpius id demonstratum pluribus est) Bonitas ista divina peculiaris supponit beneficia omnia, quæ Deus non nisi credentibus promittit, ad istos nominatim electos revera pertinere antequam credunt: Nihil itaque illis credentibus promitti dici potest, quia talibus, nec credentes beneficio fidei quicquam consequi dici possunt, quod antea ipsis, antequam crederent, non pleno jure competiit: Uana itaque promissio est, & inutilis fides. Dices fortasse, eos sensum bonitatis & beneficiorum istorum consequi per fidem: Frustra & inepte. Fides enim nihil aliud est, quam

Qua ratione
bonitas & mi-
sericordia di-
vina fidem
præcedat ex
sententia Re-
monstrantium.

Qua ratione
promissio di-
vinæ miseri-
cordiæ, & quæ
promissioni
isti responder
Fides, inutiles
reddantur per
electionem per
absolutam
Censuram.

EXAMEN CENSURÆ

bonitatis illius peculiaris sensus. sive sensatio. Itaque si promitti dicatur credentibus sensus istius bonitatis, utique jam sentientibus bonitatem divinam, sensus divinæ bonitatis promitti diceretur, aut si fideles per fidem consequi dicantur sensum istius bonitatis, per sensum bonitatis divinæ eos consequi sensum bonitatis divinæ dicendum foret; quo quid absurdius? Quod si sensus ille bonitatis Dei paternæ fides non est, ex mente Censoris, prout supra non obscure professus est Collega ejus, quid itaque est fides, quæ sensum istum præcedit? Certe aliud esse non potest, quam sensus iste, quia est peculiaris istius bonitatis apprehensio, sive appropriatio, quæ aliud nihil est, quam sensatio, sive sensibilis, aut intellectualis potius, ut ita dicam, ejus sensatio seu perceptio, quæ idcirco mentis seu voluntatis *adsensus* à Theologis fere vocatur. Quod in corpore est sensus, id in mente est adsensus, qui sensus quidam mentis est. Si quid aliud sit, id ego fateor me capere non posse, neque intelligibiliter unquam Censor id cuiquam percipiendum dabit. Sed esto, fides à sensu isto divinæ bonitatis distinguatur subtili & phantastica aliqua distinctione, tum totum id, quod credentibus Deus promittit, & quod credentes consequuntur, est sensus istius bonitatis, & sensus iste bonitatis obedientiam novam præcedit & de se parit: Sentiant itaque fideles divinam hanc bonitatem, & se filios Dei esse sibi per veram fidem persuadent, antequam aut Deo obediunt, aut Deo obediendi propositum habent, id est, quatenus & quando adhuc impii sunt & inobedientes. Secundo, Tum, in rigore loquendo, Fides & sensus filiationis æternæ locum habere potest in iis, qui in sceleribus ac flagitiis vivunt. Tertio; Tum obedientia ipsa nova præcise necessaria non est ad hoc, ut quis persuasus sit, se Dei filium esse, & communionem cum eo habere. Quæ tria, etsi fere in idem recidant, ingentia sane sunt absurda: Nam scriptura diserte affirmat, *Nos per hoc scire quod ipsum novimus, si mandata ejus observemus, 1. Ioan. 2. 3. nos scire nos translatos esse de morte in vitam, quia diligimus fratres. 1. Ioan. 3. 14. nos per hoc cognoscere nos in eo habitare, & ipsum nobis, quod de Spiritu suo dedit nobis, 1. Ioan. 4. 13. & 3. 24.* Hinc idem Ioannes ait; *Si dixerimus nos communionem habere cum eo & in tenebris incedimus, mentimur & veritatem non facimus, 1. Ioan. 1. 6.* aliaque similia. At, inquit Censor, qui nesciunt se esse filios Dei, nec id certa fiducia statuere possunt, quomodo sibi proponunt imitandum Patrem cælestem, aut quomodo se gerent tanquam obediētes filios? Imo contra, inquam ego, qui sciunt, se esse filios Dei, & certæ jam fiducia statuere possunt, ac debent, se per

se per solum divinæ electionis beneficium Filios Dei esse, & æternum filios Dei mansuros esse, absque ullo ad obedientiam, aut opera sua respectu, quid causæ habent illi ut de imitando Deo, aut de obediendo ipsi ad consequendum aut retinendum filiationem divinam solliciti sint, imprimis, si per hoc ipsum, quod se filios Dei esse sciant, simul etiam persuasissimum habeant, futurum, ut quicquid porro Deus ab ipsis exigit, id in ipsis sine ipsis per Spiritum suum efficiat, vel, si id nō efficiat in ipsis, id ipsis in peccatum imputare nolit? Gratitude ratio hic locum habere non potest, nam si hoc ipsum quod grati sint, in ipsis efficeret sola Dei actione, idque effici in se sola Dei actione credunt, quæ gratitudo illa esse potest? Gratitude actio hominis est, non Dei in homine. Deinde, quæ necessitas est istius gratitude? Æquum quidem esse ut pro tanto beneficio grati sint, in quibus illud fit, colligi potest, at necessitas ejus nulla est si filii Dei sunt sine ullo ad gratitudinem illam respectu, atque æternum mansuros se esse, jam ante certa fiducia persuasi sunt, & persuasi esse debent. Dices, fieri non posse quin tam ingentis boni apprehensio gratitude fructus in hominibus istis, in quibus ea est, proferat. At, inquam ego, id verisimiliter quidem dicitur, sed nec consequenter sententiæ Censorum, nec verè. Verisimiliter id dicitur, quia diffiteri non possumus, quin sola apprehensio futuræ filiationis per se sufficiat ad nos movendū, ut quidlibet, quod Deo placet, præstare libenter velle debeamus & velimus, quando id Deus à nobis requirit, proinde quin apprehensio factæ jam filiationis per se etiam videatur sufficere: sed consequenter tamen id à Censoribus non dicitur, quia præter istam apprehensionem sive fiduciam filiationis specialem, qua remissio peccatorum & justitia obtinetur, aliam adhuc Spiritus S. actionem necessariam esse statuunt, per quam gratitude fructus in Fidelibus efficiantur. Nec verè etiam id ab ipsis dicitur. I. quia fatentur multos Fideles, in quibus fidem & persuasionem illam locum habere statuunt in gravia & atrocia peccata contra conscientiam non rarè incidere, inq; iis ad longum tempus perseverare; unde unum horum trium consequetur, Aut fidem istam pro isto tempore in Fidelibus istis esse desinere; aut peccata ejusmodi esse etiam fructus gratitude, qui ex fide ista proveniunt; aut fidem sive fiduciam per peccata ista ad tempus tantum obnubilari, & quasi obrui. Primum & secundum non admittet Censor: Tertium ut admittat, ratio non finit: Nam si fieri non potest quin fiducia ista, quæ semper manere dicit in iis, quibus semel obtigit, proferat fructus.

Gratitude ratio & necessitas plane evertitur per Censorum sententiam.

EXAMEN CENSURÆ

fructus gratitudinis ut disertè loquitur Catechesis Palatina Dominica 24. Quæst. 64. fieri etiam non potest, quin impediat peccata ista, quæ fructus sunt ingratitudinis: ut enim fiducia obnubiletur per ea ipsa, quæ dissipat & impedit quominus fiant, impossibile est. II. Quia falsum est apprehensionem sive persuasionem illam, qua certa fiducia statuo me, per solum electionis beneficium, filium Dei esse, & æternum mansurum absque ullo, ad opera mea, respectu, ejus esse, indolis atque efficaciam, ut fieri non possit, quin, quando ea in me est, bona opera proferat: Apprehensio filiationis futuræ, si bona opera faciam, ejus est indolis, at non apprehensio filiationis jam factæ & irrevocabiliter mansuræ. Imò hæc apprehensio sive persuasio, contrariæ indolis est, quia obediendi & bona opera faciendi, si non æquitatem, saltem necessitatem præcisè excludit: Necessitate autem sublata in re ipsa, necessitas consequentiæ etiam veræ tollatur necesse est. Dicere necessitatem obediendi esse ex alio fundamento, præcepto sc. divino, nihil est dicere. Nam I. de necessitate quæ ex fiducia sive persuasione illa fluit, hoc loco agitur. II. præceptum divinum obediendi necessitatem non ponit, suppositâ istâ priore electione & fiducia de ejusdem irrevocabilitate. Præceptum enim simplex, nisi sanciat promisso & comminatione, necessitatem obligationis validam non inducit: & ubi talis præcessit electio, ibi ut præceptum sanciat promisso & comminatione, ineptum & ridiculum est, quod si verò etiam sic sanciat, necessarium obligationem tamen non potest inducere apud eum, qui jam firma fide credit, & credere ex præcepto priore tenetur, futurum nunquam esse, aut fieri non posse, ut, etiam si subinde peccet, & fructus gratitudinis non proferat, in poenam, quam comminatio præfert, incidat. His jam adde, si fieri non potest, ut Deum Patrem sibi proponant imitandum, aut ut Deo morigeri sint, qui nesciunt se esse filios Dei, uti Censor ait, quomodo ad imitandum Deum, aut ad Deo obediendum ritè obligari possunt ii quos Deus id nescire vult, imò quos vult scire se non esse filios Dei, nec futurum unquam ut filii Dei sint, aut fiant? At hi multò maximam mundi partem faciunt. Ex his patere credimus rationis hujus infirmitatem simul & vanitatem, quæ non parum augetur ex eo, quod Censor Remonstrantes eo nomine taxet, *quod fidem* (specialiter sic dictam, de Generali enim fide hic non quæritur) *nolint esse firmam persuasionem de adoptione credentis in Christum*: Nam hac ipsa definitione sua non obscurè testatur, nescire se quomodo propriè fides specialis definienda sit. Nam quid est

Distinguitur inter apprehensionem sive fiduciam Filiationis, ut Futuræ & ut jam factæ irrevocabiliter sine ullo ad obedientiam respectu. An necessitas obediendi ex præcepto divino derivari rectè possit salva hypothese si Censuræ de absoluta electione.

Expenditur Censoris definitio qua fidem definit per firmam persuasionem de adoptione credentis in Christum.

est obsecro illud *credentis in Christum*? an firmam persuasionem habentis de adoptione credentis in Christum? Fides itaque juxta Censorem, erit firma persuasio de adoptione firmam persuasionem habentis de Christo? Itane? Quid ergo est firma persuasio de adoptione, quæ distincta est à firma persuasione cui adoptio tribuitur? In infinitum eundem est, aut in circulum. Quæ porro contra definitionem Remonstrantium in hac sectione adfert Censor, ea nullius momenti sunt, præterquam quod definitionem eorum non satis rectè proponit: *Fides eorum, inquit, non apprehendit magis misericordiam quam justitiam aut salutem quam damnationem*: Non sanè: Fides non minus respicit comminationes divinas quam promissa: utrisque credi pariter vult Deus, quia utrisque præcepta sua sancit. Nisi ita esset, quorsum ergo forent comminationes divinæ? Imò si fides pro objecto habet misericordiam specialem, jam ante irrevocabiliter & nominatim destinatam, quorsum sunt promissa? *At, inquit, fides vera pellit timorem. Quem inquam, timorem? Dei, id est, divinarum comminationum?* Contradictio in adjecto est, fidem timorem istum pellere. Fides enim, quæ comminationes divinas respicit timorem mali istius, quod comminatio continet, ut possibilis saltem, in conceptu suo involvit. Imò timor istius mali, ut ratio movens ad Deo obediendum, excussio omni mortis, quæ ab hominibus inferri potest, timore, ab ipso Deo credentibus mandatur Matth. 10. 28. *Ne timeatis eos, qui trucidant corpus, animam autem non possunt trucidare: sed timeatis potius eum, qui potest & animam & corpus perdere in gehennam.* 1. Pet. 1. 17. *Si patrem cognominatis eum, qui citra personarum respectum judicat secundum cuiusq; opus, cum timore versamini toto commorationis vestrae tempore.* Ad Phil. 2. 12. *operamini salutem vestram cum timore ac tremore*: Locus quem in contrarium allegat Censor, ex Luc. 1. vers. 74. & 75. non agit de timore Dei, aut divinarum comminationem, sed de timore aut metu hominum, uti ex vers. 71. manifestum est, totumque adeò Zachariæ canticum clarè arguit: Zachariam jam tum agnovisse Messiam pro Rege spirituali, neutiquam verisimile est. Verba non permittunt ut id credamus. Phrasis etiam ista, *Deum colere ἀφδῶς*, ut de alio metu quam hominum intelligatur, non sinunt ista loca omnia, quæ metum Dei, aut divinarum comminationum mandant, quæ divini timoris absentiam sive ἀφδῶς Dei causam esse dicunt omnis impietatis, & alioquin etiam semper in vitio ponunt agere aliquid ἀφδῶς, in ordine ad Deum. Dicit quidem Joannes 1. Epist. 4. 18. *Metum non esse in caritate: perfectā carita-*

Fides non minus respicit comminationes quam promissa.

Quomodo fides pellat timorem.

Exponitur lo-
cus Ioannis
1. Epist. 4. 18.

EXAMEN CENSURÆ

tem pellere timorem, &c. sed timorem isthic hominum seu periculorum, quæ fidelibus in hac vita occasione dilectionis divinæ, id est, ed quod Deum, vel propter Deum fratres suos diligant, accidere possunt, aut solent occurrere, intelligi à Ioanne, non autem timorem divinarum comminationum, quid vetat? Rationes jam allatæ penè cogunt ut de hac re non dubitetur. Quod si tamen timorem etiam hunc intelligi ab eo velimus, tum per timorem intelligi dicendum est metum condemnationis cum diligimus, & ed quod diligamus; non autem metum condemnationis, si non pergamus diligere, aut non diligamus fratres. Iste metus cessat, posita dilectione, id est, quando, & quamdiu durat dilectio. Hic metus semper durat, & causa etiam est ut dilectio sit ac duret in nobis; uti enim metuere iratum Deum opus non est, cum officium facimus, ita Deum iratum metuere semper debemus ut & nisi officium faciamus. Hinc istud Apostoli Rom. 11. 20. 21. 22. *Ne effertor animo, sed time. Nam si Deus, &c.* Item, Hebr. 4. 1. *Metuamus igitur ne quando derelicta promissione introeundi in requiem ejus, videatur aliquis ex vobis fuisse frustratus. Propter hoc enim venit ira Dei in homines, Colof. 3. 6.*

Quæ post hæc ex discursu Socini *de causa Fidei* allegavit Censor, ea tanti non sunt, ut propterea Remonstrantes litigare velint: Omnia quæ in discursu isto dicit Socinus, non probant Remonstrantes, nec ut ea probent necesse est. Pleraque tamen optimè dicta sunt. Si cum istis conveniunt quæ Confessio Remonstrantium habet, benè quidem; sin minus, manum non verterint. Quid per argumenta ex parte Dei talia, quibus nihil verisimiliter opponi potest cur credibilia non sint, quid per piam docilitatem, &c. intelligant ex Confessione eorum Sole clarius videre est, & nos jam, si quid obscuritatis per hanc censuram iis allatum est aut accessit, plenius supra elucidavimus.

In fine sectionis hujus videtur Censor taxare velle Confessionem, quod statuat nec indecorum nec illicitum esse ut fideles spe præmii cælestis & metu poenæ æternæ moveantur ad obediendum Deo. Videtur, inquam, id velle. Nam apertè id non proficitur, sed ita loquitur, ut ed tendere videatur. Fatetur negandum non esse promissionibus præmiorum æternorum in renatis excitari studium benè operandi; Renatos non tam deterveri à peccato formidine poenæ, quàm virtutis & pietatis amore: Falsam tamen esse, ait, promissionem vitæ æternæ esse primam illius studij causam aut originem, nedum ut sola sit & unica. Quasi verò quisquam sit qui id ita crudè affirmet, ita ut gratiam illam

lam qua credendi potentiam Deus ante omnia confert exclusam velit, Absit, uti jam sæpe diximus. Quando vero subicit aliis opus esse reparandis, quibus detineamur ne in malum ruamus, aliis stimulis, quibus ad veram & filialem obedientiam provocemur, haud obscure innuit, obedientiam illam, quæ per promissa & minas excitatur, veram, id est, filialem obedientiam non esse, sed servilem & mercenariam. Hæc si Cenforis mens ac sententia fuit, eam sane Remonstrantes ut commentum humanum & Sadducæum respuunt ac repudiant. Obedientiam omnem, quæ Evangelio præstatur, veram ac filialem obedientiam esse statuunt, siue ea causam sui habeat promissionem vitæ æternæ, siue comminationem mortis æternæ, siue utraque simul. Spe præmii cælestis, metu pænæ æternæ moveri filiorum obsequentium esse purant, non servorum. Mercenarii sunt, qui præsentem & temporalem mercedem respiciunt. Æternæ hæreditatis intuitus filios decet, quibus obedientia præcipitur sub promisso æternæ hæreditatis. Rationes sunt manifestæ & complures: I. Filiorum est credere, At qui ad Deum accedit enim oportet credere Deum esse & premia largiri querentibus ipsum & Fides est hypostasis eorum, quæ sperantur, & elenchus eorum quæ non videntur, Heb. 11. 1. & 6. 11. Filios decet isto argumento moveri, quo eos movet Pater: At pater promissis & minis æternis movet credentes ad sui obsequium: vide cap. 5. Matth. totum 1. Cor. 9. 24. Iac. 5. 8. III. Deus ipse vitam æternam daturus est iis, qui, per patientiam boni operis, honorem, & immortalitatem (NB) querunt, Rom. 2. 7. qui persequuntur præmium superne vocationis, veluti qui ad scopum contendunt, Philip. 3. 14. qui currunt ut comprehendant præmium, qui certant, non ut perituram, sed ut incorruptam & nunquam perituram coronam accipiant. 1. Cor. 9. 24. 25. IV. De Fidelibus expresse dicitur, quod cum respectu ad præmium Deo obediuerint. Hebr. 11. per totum: de Mose dicitur diserte vers. 26. Intuebatur enim in præmii retributionem: de aliis, quod distendi se permiserint instar tympanorum (NB. finem) ut meliorem resurrectionem consequerentur, vers. 35. Atque hæc exempla idcirco efficacia sunt quia Cenfor hos non minus Filios, quam illos, qui sub N. T. vixerunt, fuisse credit. Quod si vero quis id non admittat, tum addo, V. de Apostolis, aliisque Fidelibus passim in S. Scriptura affirmari, quod præmii cælestis consequendi, ac proinde mortis æternæ evadendæ spe, omnia pene fecerint ac passi sint, 2. Cor. 4. 18. Dum non spectamus, inquit Paulus, ad ea quæ cernuntur, sed ad ea quæ non cernuntur, &c. vide etiam cap. 5. usque ad vers. 12. 1. Cor. 15. per totum, & cap.

An spe præmij cælestis a Deo promissi moveri ad obedientiam servile & mercenarium sit.

Negativa sententia rationibus aliquot adstruitur.

EXAMEN CENSURÆ

& cap. 9. 17. Phil. 3. per totum, Coloss. 3. 23. 24. 1. 4. 5. Deniq; de ipso Domino Iesu dicitur ad Heb. 12. vers. 2. quod, pro sibi proposito gaudio, pertulerit crucem, ignominia contempta, & ad dextram throni Dei confederit. Unde ibidem ἀρχηγός & τελειωτής ἡμῶν πίστεως appellatur, & ad eum respicere ejusque vestigiis insistere jubemur. His adde quod Servator ipse nos metuere mandat eum, qui corpus & animam potest perdere in gehenna. Matth. 10. 28. & quod Paulus dicit 2. Corinth. 5. 11. Nos scientes hunc terrorem Domini, adducimus homines ad fidem. Denique, quod ubique fere moneat fideles, ut non abjiciant liberam professionem, qua magnam habet pramii retributionem, aliaque similia. Hæ rationes graviores sunt, quam ut iis quidquam possit opponi, quod vel speciem veri habeat: Quæ à Scholasticis quibuldam, aliisque, quos libertinos hodie vocant, in contrarium adferuntur, ea leviora sunt, quam ut expendi mereantur, & imaginariam ac Metaphysicam subtilitatem atque extaticam quandam pietatis affectationem potius redolent, quam simplicem ac solidam Christianæ religionis scientiam. Nos, quia Censor hic nihil adduxit quod examinari meretur, plura hic jam non adferemus.

De tribus Renatorum gradibus quos assignavit Declaratio.

Ad ea quæ sectione VI. Remonstrantes de tribus gradibus renatorum, videlicet incipientium, proficientium, adultorum, sive aliquatenus perfectiorum dixerant, fatetur Censor, negari non debere inter regeneratos gradus regenerationis esse. Sed in assignandis illis, ait, non omnes pari passu incedimus. Esto, de eo non laborant Remonstrantes, pari an impari passu cum Censoribus incedant: Tres tantum gradus faciunt Remonstrantes, inquit, at si verum fateri volumus multo plures erunt assignandi, nam & graduum erunt subdividendi gradus. Nec de eo laborant Remonstrantes: hæc enim mera tantum carpendi libido est. Assignentur plures, quid hoc ad rem? Sed & plures assignare necesse non est. Nam incipientes semper incipientes sunt, sive magis sive minus bene incipiant: similiter & proficientes. Gradus isti non consistunt in indivisibili. Sphæra latitudinis dari in iis potest, perinde ut in gradibus, positivo, comparativo, & superlativo, & tamen tres tantum gradus faciunt Grammatici: Doctus, doctior, doctissimus, non dicunt formam specificam, neque punctum indivisibile, sed gradus, qui singuli latitudinem aliquam habere possunt. Hæc lis futilis est. Pergamus. In descriptione eorum, quos incipientes appellant, inquit, probare non possumus, quod dicunt, illos, etsi Evangelio assentiantur vere, tamen propter consuetudinem peccandi inveteratam, & habitum quandam inolitum, cum magno labore & molestia, carnis subinde adbuo.

*adhuc ebullientis, & contra Spiritum (seu mentem Spiritu Dei per Euangelium illustratam) recalcitrantis impetus ac motus domare ac subigere. Cur? Nam, inquit, cum ex locis in margine citatis id referant ad eos, quos Iohannes 1. Epist. 2. vers. 12. Filios appellat, quibus dicit remissa esse peccata, & Paulus 1. Cor. 3. 1. Infantes in Christo, non existimamus tales fuisse inter credentes moribus magis depravatos, sed adhuc in fide debiles. Miratio. Nam I. quid hoc est (si congruenter Censor loqui velit) debiles in fide? an debiles in firma persuasione, sive certitudine fiducia de adoptione credentis in Christum? At hoc manifestam habet contradictionem in adjecto; Firmitas enim sive certitudo est de essentia fidei Calvinistica, imo est ipsa fidei forma. Debilitatem autem in firmitate vel certitudine quis concipiat? Certe, debilitas, & infirmitas fidei nil nisi inanes voces sunt, quæ dicis tantum causa usurpantur à Calvinistis, si consentaneè & prudenter loqui velint. Tum II. Esto, debiles in fide intelligantur, debilitas illa unde est? An ex debilitate actionis divinæ firmiorem fidem humanæ voluntati non infundentis, vel fidei firmitatem, quam semel dedit, imminuentis? Non dicet id opinor noster Censor. An ex voluntate Dei deliberata, qua firmiorem fidem infundere non vult? Hoc ut dicat Censor necesse est. At cum Deus firmam fidem ab iis postulet, quomodo tum, si debilem fidem in iis efficit, in iis operatur quod postulat? An debilitas est, ex subjecti dispositione, quia vel firmioris fidei capax nondum est, vel quia ei se attemperat Deus? Hoc credo dicet Censor: Esto, Subjecti dispositio hæc nascitur ex carne, quæ corrupta & contrariis desideriis ac cupiditatibus oblecta est, & sic virtutem fidei debilitat, quo minus sese possit exerere: Habitus itaque peccati in carne reliquus manere dicatur necesse est. Ita est, inquit Censor, *At habitus ille non est acquisitus, inquit, sed naturalis, aut aliquid per modum habitus, quod concupiscentia vocatur, quæ fons peccatorum & ipsa etiam peccatum est. Esto, inquam ego, habitus saltem est, & habitus vitiosus, qui peccatum est, & peccatorum omnium fons ac fomes: Sane, inquit Censor pag. 179. At Remonstrantes dicunt, inquit, habitum vitiorum acquisitum in iis, qui primum regenerari incipiunt, non plene statim exui, atque inde laborem & molestiam obediendi in principio ortum habere. Esto inquam, quid in eo est quod merito jure à Censore culpari potest? An repugnat naturæ regenerationis, habitum vitiorum acquisitum non plene statim exui in principio regenerationis, & non repugnat naturæ regenerationis habitum naturalem vitiosum nunquam plene in regnitis, etiam adultis, &**

Quid per debiles in Fide intelligat Censor.

De habitu peccati acquisito, & quomodo non statim in principio plene excutitur.

EXAMEN CENSURÆ

perfectis exui? An ratio habitus peccandi, qua habitus acquisitus est, repugnat regenerationi, sive habitui sanctitatis, an qua simpliciter habitus peccandi est? Sane *Id acquisitum esse*, nihil dicit repugnans regenerationi, sed habitus peccati, qua talis, sive acquisitus sit, sive non acquisitus. Peccatum enim, qua tale, repugnat sanctitati. Quare si habitus peccati naturalis reliquus manere potest sine regenerationis læsione, cur acquisitus reliquus manere dici non potest, si Censor consentaneè loqui velit? Sed nec ea est mens Remonstrantium, quasi habitus sive consuetudo peccandi vetus reliqua adhuc omnino maneat in iis, qui regenerari incipiunt: Absit: hoc est calumniari verba Remonstrantium, quæ si bene videas, contrarium non obscure important: Nec ratio ulla finit ut Remonstrantes id credere videri possint: sic enim statuerent, eundem hominem plerumque peccare, hoc enim est habitu peccandi laborare, & simul tamen incipere à plerumque peccando abstinere. Absit hoc à mente eorum. Tantum id volunt; habitum peccandi, qui longa consuetudine contractus & firmatus est, non sic statim in iis, qui ad Christianam religionem convertuntur, deleri atque extinguere, ut molestia in contrariis habitui isti actionibus exercendis ab iis non sentiat, aut tanquam si è vestigio, vel in instanti contrarius habitus succederet in ejus locum, sed eum ab iis reprimi, subigi, domari cum majore aut minore molestia & difficultate, pro ut habitus magis minusve radicans fuit. *Habitum itaque non omnino excuti statim in principio*, idem ipsis est, quod non sic radicitus evelli, ut fibræ & reliquæ ejus nullæ amplius supersint, quæ voluntati & spiritui hominis molestiam & negotiū aliquando faceffant: Non vero, uti vult Censor, quasi habitus ille, per modum habitus, adhuc in iis hæreat, & in iis vim eandem habeat, quam ante conversionē habebat, unde videlicet fiat ut crebro, libenter & facile, aut peccatis variis adhuc se polluant, aut saltem in unius peccati consuetudine hæreant. Ista enim vis habitus est, efficere ut plerumque & facile pecces: Verba contrarium satis evincunt. *Nam incipientes hoc dicunt domare ac subigere imperius ac motus carnis sue*; Domare autem ac subigere peccata carnis ii dici non possunt, in quibus habitus peccandi per modum habitus adhuc hæret, id est, qui adhuc plerumque saltem peccant: habitus itaque manere cum dicitur, fractus ac debilitatus habitus, qui habitus proprie non est, intelligatur necesse est, nempe quando reliquæ carnis per modum habitus, majores minoresve adhuc supersunt, quæ molestiam pariunt, & laborem in subigendo ac domando & quidem talem qui vix per-

Quo sensu Declaratione Remonstr. asserunt, regenos propter consuetudine peccandi inveterata & habitum inolitum cum molestia carnis moriones subigere.

Natura & vis habitus quæ sit

permittit, ut pristinam vivendi rationem sic ut oportet, nedum in totum prorsus intermittant. Quare loca quæ ex Epist. ad Rom. 6. 14. & 7. 5. (quamquam hic locus posterior ad hanc, de qua agitur, rem non pertinet) citat, huic Remonstrantium sententiæ infirmandæ non faciunt, imò non obscurè eam confirmant, quia continent serias hortationes de peccatorum habitu magis magisque excutiendo, quod frustra esset, si excussus jam omnino esset. Atque hoc ipsum illustratur clarissimè ex 1. Joh. 2. 1. *Filioli mei, hæc scribo vobis, ut ne peccetis: Quod si quis peccet, advocatum habemus, &c.* Peccet inquit, id est, à peccatis sic nondum se exsolverit, uti par est, sed à reliquiis pristinæ consuetudinis in peccato vincendo aliquando adhuc infirmetur: ut enim hic legatur, *Si quis peccaverit*, ratio non finit. Quis enim ita dubitanter loquatur, qui pro certo statuit neminem esse sub Sole, qui non peccaverit? Certè Johannes jam ante dixerat, *Si dixerimus nos peccatum non habere* vers. 8. cap. præcedentis, seu *non peccasse* vers. 10. *nos fallimus nos ipsos, & Deum facimus mendacem.* An verisimile est Ioannem eodem penè spiritu deinde dixisse; *Si quis peccaverit*? Similia loca plura sunt. Sed quid opus est multis in re plana? Nemo repente fit optimus, nemo repente fit pessimus: Habitus longa consuetudine roborati non ita facile eximuntur. Paulatim cedunt & exinaniuntur contrariis actibus, succeditque contraria consuetudine habitus alius. Lucta & molestia magna in principio id indicat: *At ea*, inquit Cenfor, *non procedit ex talibus habitibus acquisitis, sed ex reliquiis innata concupiscentia, qua nondum actu ablata est.* At unde id constat? Quin à concupiscentia cuiusque sua ea oriatur dubium non est, Iacobus id disertè affirmat cap. 1. 14. At falsum est, ex ea sola luctam istam ingentem & variam oriri: Ex acquisitis istis habitibus eam potissimum oriri, Scriptura & ratio testantur. Scriptura; Nam fideles passim in Scripturis jubentur affectiones peccatorum, cupiditates in quibus incedunt gentes, &c. *subigere, mortificare, exuere, &c.* Ratio; Nam innata concupiscentia in omnibus una eademque esse creditur: unde itaque tanta varietas? tam ingens diversitas? Lucta enim alia major, alia minor: Alia in principio, alia in cursu. Dicere cum Cenfore eam oriri *ex diversitate graduum regenerationis*, est ad ineptam fatalis prædestinationis anchoram confugere, & Deo transcribere quod hic pluribus, iste paucioribus, hic maioribus, iste minoribus peccatorum affectionibus laboret, quia hunc plus, illum minus regenerat à concupiscentiæ innatæ motibus etiam cum jam acquisitos peccati habitus ex iis omnibus in totum sustu-

Sensus loci
1. Ioa. 2. 1.

Lucta in re-
genitis inci-
pientibus non
oritur à solis
reliquiis in-
natæ concu-
piscenciæ, sed
etiam ex ac-
quisitis habi-
tibus.

Luctam deri-
vare ex diver-
sitate graduum
regeneratio-
nis, est Deo
transcribere
peccata omnia,
& peccatorum
varietatem,

EXAMEN CENSURÆ

subtulit : Quicquid itaque cupiditatum ac desideriorum malorum in hominibus est, quicquid scelerum ac flagitiorum ab illis sit, id ex eo est, quod Deus concupiscentiam, quæ eorum fons ac fomes est, magis minulve frænet in singulis hominibus; unde pro ratione istius divinæ actionis, vel cessationis, eos magis minulve peccare & peccatores manere necesse est. En dogma in Deum injurium. Et quamquam Censor tam impio dogmati patrocinator, tamen videri vult pietatis doctrinæ operam hic dare, dum Remonstrantes taxat, quod in iis, qui primum convertuntur ad religionem Christi, peccatorum consuetorum habitum non prorsus & statim ab ipsis exui dicunt, non quia Deus nolit ut eos exuant, sed quia fieri vix potest, ut eos totos, quia consuetudine roborati sunt, aliter quam paulatim exuant & excutiant. Sed hic loliginis succus est. Pergamus.

Sed præcipua controversia, inquit Censor, erit circa eos quos Remonstrantes adultos vocant & aliquatenus perfectos. Nō quod ab istis nominibus abhorreamus, sed hoc est, inquit, quod volumus, illos, qui adulti & perfecti vocantur, non debuisse distinguere à proficientibus, quasi ad metam pervenissent, nec ipsis opus esset, singulis diebus adhuc ad perfectionem tendere. Quasi verò Confessio Remonstrantium affirmet, quemquam ad metam jam pervenisse, nec opus habere ut ad perfectionem tendat. Certè cum dicunt aliquos esse, qui absq; omni lucta & cum summa lætitia officium faciunt, non utique affirmare voluisse credendi sunt, fieri non posse, ut quis perfectius adhuc in officio faciendo stabiliatur & confirmetur, aut lætitiā illā sic esse summā, ut major aut intensior esse non possit. Absit. Semper enim volunt, omnes debere ad perfectionem tendere, id est, hoc agere, ut carni, in infidiis semper positæ, & ad rebellionem natura sua pronæ, aditus omnes obstruant, ne ad reluctandum incitetur, quod sine perpetua & sollicita cura fieri non potest. Atqui, inquit Censor, lucta semper & necessario est in regentis. Hoc verò est illud quod probandum est : ubi caro, inquit, concupiscit adversus Spiritum, ibi necessario est lucta : At in regentis semper concupiscit caro adversus Spiritum. Hoc verò est το κατὰ φύσιν. Quod si id de actuali reluctance, seu concupiscentia concupiscente, ut ita dicam, intelligatur, falsum est. Natura habitus id manifestè redarguit : Habitus enim proprium est efficere, ut voluntas actiones, quæ antea ei molestæ & graves erāt, faciliè & libenter velit faciatq;. Nec locus ad Gal. 5. 17. affirmat id, quod Censor tenet. Non enim dicit Apostolus carnem actu semper concupiscere in regentis, & concupiscendo oblectari spiritui, sed tantum

An lucta semper & necessario sit in omnibus regentis.

Locus ad Gal. cap. 5. 17 exponitur.

rum carnis eam esse naturam, ut quando concupiscit, adversus Spiritum concupiscat, id est, non concupiscat, nisi id quod Spiritui, id est, divinæ voluntati, aut menti per Spiritum de voluntate Dei instructæ, contrarium est; contra verò Spiritus, id est, mentis per Spiritum illuminatæ eam esse naturam, ut non concupiscat, nisi quod carni contrarium est. Imò si quis accuratè rem videat, contrarium affirmat locus. Caro enim in Scripturis, cum de hominibus quatenus peccatores sunt enunciat, carnales affectiones in iis dominantes, ferè semper significat; adeò ut, quando in iis carnis simpliciter (nam quando Spiritui opponitur, aut cum sanguine coniungitur aliquando, aliud quid significat) mentio fit, carnalium habituum sive affectionum ratio semper habeatur, quatenus dominantur & regnant, uti per loca omnia currenti manifestum est. Hinc ad Rom. 8. 6. dicitur, *Quod sapit caro, mors est*, id est, tota prudentia, tota affectio, tota vita carnalis, causa mortis est: & *est inimicitia adversus Deum*, id est, contraria est divinæ isti vivendi consuetudini, quæ Deo grata est, & hominem Dei amicum facit. Hoc sensu homo vocatur *caro*, id est, carnalis totus: & *carnis cupiditates dicuntur militare adversus animam* 1. Pet. 2. 2. Et hoc sensu dicuntur *fideles carnem crucifixisse cum concupiscentiis, in carne non esse, secundum carnem non ambulare, in spiritu esse, &c.* Hoc eodem sensu hic Apostolus dixit, *carnem concupiscere adversus spiritum*, id est, totam carnalis hominis concupiscentiam contrariam esse spirituali vivendi rationi, quam Spiritus in Evangelio dicat, atque in regenitis efficit, & contra: Hinc enim concludit Apostolus, Galatas, qui jam per Evangelium ex carnalibus hominibus spirituales facti erant, id operam dare debere, ut ne unquam pristinis, quæ in ignorantia vigerant, carnalibus cupiditatibus, tanquam hostibus suis infensissimis aurem præbeant, sed novis adeoque contrariis plane cupiditatibus semper sese exercent: Hunc enim esse scopum Dei regenerantis, hanc naturam spiritualis regenerationis, ut ii, in quibus ea est, non faciant quæ carnales faciunt, & quæ ipsi alioquin facere velent, si carnalibus cupiditatibus aurem præbeant aut animum advertant. Sic enim exponendum videtur id, quod dicit Apostolus, *ἀντὶ τῆς ἐλευθερίας*, quæ (alioquin sc.) velletis, non autem quæ actu ipso vultis, quod ex eo evincitur, quia alioquin dicendum foret, Deum in regenitis non efficere ipsum velle, sed perficere tantum, cum disertè contrarium asserat Apostolus Phil. 2. 13. & cap. 7. vers. 15. & 19. ad Rom. quod de Regenitis agere vult Censor, contrarium asseri Censor contendat. *At Apostolus,*
K k
inquit

EXAMEN CENSURÆ

inquit Cenfor, *isthic non in idea de carne & spiritu agit, sed respectu subiecti in quo habebant: Agebat autem indefinite de Galatis, ut renatis, in quibus caro & spiritus simul inveniuntur.* Esto, quid hoc, inquam ego, ad rem facit? Expositio nostra constat nihilominus. Deinde posito, quod id verum sit, tum Galatæ hoc loco non considerabuntur, ut jam adulti & perfecti in regeneratione, de quibus tamen hic quæritur, sed ut incipientes aut proficientes, in quibus habitus peccatorum cum luctâ & molestia adhuc subigebatur & domabatur, & confirmabitur id quod antea de incipientibus & proficientibus diximus. Nec verba ista, *nam caro concupiscit adversus spiritum, &c.* generalia erunt, aut ad omnes omnino regenos extendentur, sed particularia, quæ ad Galatas tantum pertinebant, ac si legeretur; Nam caro concupiscit (*in vobis*) adversus Spiritum, &c. Nulla itaque erit argumenti, quod Cenfor ex hoc loco desumit, consequentia, quia ignoracionem elenchi in se habebit. Locus ad Rom. 7. 7. multò minus huc facit, quia in eo Apostolus de regenis per Spiritum Christi non agit, quod ut prolixè probem necesse non est; videantur quæ de eo doctissimè & nervosissimè ab Arminio, Tolero, Socino, aliisque scripta sunt & in lucem edita, quibus verbum addi opus non est. Quod Cenfor interpretationem capitis istius, quam faciunt Arminius, Socinus, &c. *pugnare dicit cum purioris antiquitatis consensu*, id falsum simul ac vanum est. Falsum esse demonstravit integro capite Arminius in cap. illius examine, aliique complures etiam Pontificii & Scholastici, idque aded clarum ac manifestum est, ut frontem perfricuisse Cenfor videri debeat, cum id negat. Est enim sententia ferè omnium antiquorum Theologorum, tum Græcorum, tum Latinorum: Solus penè Augustinus contrariæ sententiæ Princeps est, quamquam & ipse antea secutus fuerat hanc eandem. Vanum etiam est, quia purior & impurior antiquitas, inanes voces sunt. Puritatem & impuritatem quisque pro arbitrio suo, & pro ut usu venit, æstimat. Solus penè Augustinus hic puram antiquitatem faciet. Consensio etiam, quâ regula, quo numero censeatur, aut censeri debeat, quis dixerit? Quicquid sit, Reformatos istud argumentum non decet. Sed & contra communem Orthodoxorum sensum est, inquit, quia ex ea sequitur hominem irregentum velle bonum, odisse malum, consentire legi, quod bona sit, &c. Et hoc argumentum leve est. Tum, quod sensus ille, Orthodoxorum communis sensus sit, falsum est. Nam certū est, non Erasmus tantum & Castellionem, sed Bucerum & Musculum etiam sententiam hanc Arminii & nostram tenuisse; & posito

Expositio Arminii super cap. 7. ad Romanos. non pugnat cum purioris Antiquitatis consensu.

Nec contra communem Orthodoxorum sensum est.

ita

ita esse, tum nihilominus Orthodoxorum sensus hac de re falsus est, & merito damnandus, si enuncieter prout enuntiandus est, non prout hic Cenfor eum enunciat: Non enim Apostolus dixit simpliciter eum, de quo cap. 7. agit, velle bonum, odisse malum, consentire legi quod bona sit, prout hic loquitur Cenfor; hoc enim simpliciter sic enunciatur pene Angelicam & divinum quid est: sed, eum bonum, quod vult, non facere, sed malum, quod non vult, hoc facere, malum quod odit, hoc agere, eo ipso quod malum faciat, quod non vult, consentire legi quod bona sit, peccatum in eo habitare, imo eum carnalem esse & venundatum sub peccatum, delectari eum quidem lege Dei, quo ad interiorem hominem, sed videre aut sentire eum aliam legem in membris suis repugnantem legi mentis sue, & captivum eum reddentem legi peccati, &c. Hæc enim sic conjuncta ut regenito per Spiritum Iesu Christi tribuantur, Scriptura non finit. Nam Scriptura afficit Deum in regenitis efficere non tantum velle bonum, sed & perficere, Philip. 2. 13. *Legem Spiritus vita in Christo Iesu eos liberasse à lege peccati & mortis*, Rom. 8. 2. *Eos carnem crucifixisse cum passionibus & concupiscentiis ejus*, Gal. 5. 24. *Eos veterem hominem & corpus peccati crucifixum*, Rom. 6. 4. 5. 6. 7. 8. *eos mortuos esse peccato, adeoque sepultos & suscitatos in novam vitam*, ibid. *vincere mundum, non peccare, conservare seipsos, non posse peccare, spiritu mortificare carnis actiones*, &c. Cæterum, fieri posse, ac non raro fieri, ut ii, qui per Spiritum Christi regeniti nondum sunt, imo qui peccatores sunt & vocantur, bonum etiam velint, malum oderint, mente serviant legi Dei, delectentur lege Dei, quoad interiorem hominem, aliaque similia, multa scripturæ loca docent; vide caput 2. ad Rom. vers. 17. 18. 19. 20. 21. Math. 13. 20. Phil. 3. 6. Hinc illud, *Oderunt peccare mali formidine pœne*. Sed quia hanc rem, ut prolixioris discussionis, altius Cenfor non repetit, nos hic etiam superfedebimus. Cæterum, loca quæ allegat, non probant luctam semper in regenitis omnibus etiam adultis & perfectis reliquam manere, sed tantum eos tales non esse, quin rei peccatorum sint, & remissione peccatorum ac gratia divina opus habeant, quod nemo negat.

Post hæc Cenfor examinat Phrasin, qua usa est confessio in descriptione illorum regenitorum, quos adultos vocant, quod *Iustitiam ac veritatem toto corde, tota anima, & omnibus suis viribus diligant*. Phrasin hanc Spiritus S. phrasin esse, & eam quibusdam in Scripturis tribui, quod vid. *Deum secuti fuerint toto corde, tota anima, & tota virtute sua*, non potest negare Cenfor. Sed phrasios illius sensum

Quo sensu
Regenitis tri-
buatur, quod
Iustitiam toto
corde, tota ani-
ma & omnibus
suis viribus di-
ligant.

EXAMEN CENSURÆ

esse negat hunc, quod per eam exprimat talis perfectio Iustitiæ, quæ coram exacto Deo iudicio stare possit. At nec Confessio Remonstrantium hunc phrasios istius, cum hominibus tribuitur, sensum esse dicit, nec eo sensu phrasim istam in v. 7. usurpatam esse asserit. Absit: Deum enim toto corde, &c. diligere, ibi fere non videtur significare aliud, quam solum Deum, & non idola colere, sive sedulū & studiosum esse in mandatorum illorum observatione, quæ Deum proprie spectant. Nec isto sensu phrasin hanc usurpavit, si per exactum Dei iudicium, rigidissimum iudicium intelligatur, & non iudicium, quod ad gratiosi Fœderis regulam accurate exactum est, quodque juxta eam Deus exigere ac ferre vult. Tum enim alia ratio est; hoc enim iudicium proprie exactum iudicium non est. Sed phrasi ista usa est Confessio, tum propter significantissimam emphasim, quam in se habet, tum quia Scriptura diserte etiam sub V. T. eam quibusdam tribuit, quando eorum integritatem & perfectionem singularem in colendo solo Deo, & idolorum cultu vitando atque eradicando, describere voluit: quo ipso significatum voluerunt Remonstrantes, mirum videri nemini debere, quod eam etiam regentis adultis sub N. T. tribuant: Sensum vero phrasios quod attinet, is profecto ad Mathematicam aut Arithmeticam libellam scrupulose exigendus non est, quasi vid. per eam significetur perfectio numeris & gradibus omnibus absoluta, quæ nō vos, imperfectiones, imbecillitates omnes præcise excludat. Nunquid. Familiariter seu moraliter accipienda est, prout exprimens istam perfectionem, quam habitus virtutis confirmatus dare potest ac solet. Habitus autem confirmati perfectio, non in eo tantum aut potissimum sita est, quod cor eorum, in quibus habitus iste confirmatus est, sincerum sit & ἀνυπόκριτον, ita ut omne id, quod recte faciunt, ex affectu sincero, ac non simulato faciant, uti Censor se credere significat: Nihil minus. Perfectio ista incipientibus & proficientibus non minus est communis, quam adultis & perfectis in pietate, imo sinceritas sive perfectio ista ἀνυπόκριτος locum habere potest in iis etiam, qui plerumque adhuc peccant, sicut in incontinentibus manifestum est. Plus ad eam requiritur: videlicet cor, quod cum sinceritate integrum est, id est, cujus obsequium nec per peccata intercurrentia (nisi forte rarissime) dividitur, nec per cupiditates contrarias hinc inde oblucentes in partes distrahitur, sive cujus obsequium est liberale, promptum, pronum, ac pene continuum. Hæc habitus confirmati perfectio est, quæ phrasi ista toto corde, tota anima, & omnibus viribus Deum diligere, emphatice contineri, imo expressa.

expressa esse dici potest. Hæc perfectio non tollitur statim, si quis forte fortuna in peccatum aliquod incidat: Non enim est perfectio Arithmetica sive Legalis, sed Ethica sive moralis, aut potius Evangelica, quæ ex æquo & bono æstimatur. Absit tamen, ut tolli non credatur per peccata, in quæ crebro & facile quis incidit. Isto enim casu sinceritas sive sincera fides cordis non sufficit. Quod si Censor id credit, næ parum digne nobilem hanc phrasin æstimavit. Certum quidem est phrasin istam *ex toto corde*, aliquando idem significare, quod ex animo; at I. id tum fit, cum id, cui conjungitur, alium sensum ferre non potest, uti in locis 1. Par. 12. 33. & Act. 8. 37. videre est. II. Phrasis illa, *ex toto corde, ex tota anima, ex omnibus viribus, &c.* prægnantior paulū videtur & plenior, quamquā Hebræis synonymæ multæ phrasæ, ad unam eandemque rem exprimendam, familiarissimæ sunt. III. Si phrasin tamen illam aliud nihil significare velimus, tum notandum est, eam semper supponere obedientiam & observationem mandatorum Dei: Modum enim addit, quo obedientia illa præstatur. Quare diligenter cavendū est, ne credamus recte de aliquo dici posse, quod toto corde obediat Deo, qui cor sincera fide & ἀνταρξαῖτις obediendi proposito imbutum habet, quamquam in peccata sæpe incidit, & in peccatorum, vel peccati unius consuetudine adhuc hæret. At hoc enim, ut obedias, & quidem ex toto corde, non sufficit, ut habeas obediendi sincerum & non simulatum animum, sed obedientiæ actus, aut nunquam, aut non nisi rarissime interrupti adsint necesse est; Eadem est ratio phraseos, qua Iohannes utitur 1. Epist. 3. vers. 4. 5. & 18. cum dicit, *eos, qui ex Deo nati sunt, non peccare, & non posse peccare*. Et si enim de omnibus omnino regenitis, tam incipientibus & proficientibus, quam perfectis & adultis, aliquo modo recte dici possit, quod non peccent, & non possint peccare, quatenus scilicet peccare significat peccandi habitu & consuetudine laborare, aut plerumque in peccatum vel peccata incidere, tamen, si vis phraseos propria videatur, de iis potissimū dici & accipi debet, qui jam in pietate confirmati ac stabiliti sunt, adeo ut animum habeant à peccando alienissimū, & peccatum vel *Peccatores*, ut ait Propheta David, *perfecto odio odio habeant*, contra vero iustitiæ ac pietatis studio & actibus usque adeo delectentur, ut ægre ferant bene aliquid agendi occasionem sibi non dari, id est, ut *esuriant & sitiant iustitiam*, cibumque & potum suum pene ducant voluntatem Dei facere: de his propriissime dicitur, quod non possint peccare, id est, quod à peccando.

EXAMEN CENSURÆ

Perperam
non Non
peccare,
qua phrasi Io-
annes utitur,
exponitur à
Censore de
non peccando
ad mortem.

cando adeo sint alieni animo, ut pene non posse peccare dici possint. An Iohannes in Epistola sua ad hos respexerit, non est necesse ut prolixè ventilemus: Quin ad eos potissimum verba Ioannes pertineant, non est quod dubitetur, nec Censores ipsi diffitentur. At hoc tantum dicit Confessio. Solummodo hic notandū venit, antequam desino, suspectum esse quod Censor hic addit, per *non peccare*, intelligi hoc in loco, *peccare ad mortem*, tanquam si Ioannes dixisset, renatos non posse peccare peccato ad mortem, per quod vid. in mortem incidant, vel propter quod morte puniendi sint. Sic enim non obscure significat, fieri quidem posse, ut renati gravia & enormia peccata patrent, sed ea ipsa peccata efficere non posse, ut renati esse desinant, aut mortis non dico reatum, sed periculum incurrant, proinde eos etiam cum sic peccant, & in peccato hærent, Deum nihilominus ex toto corde diligere, & non peccare recte dici posse; ex quo patet, quo sensu & cur phrasin istam ex toto corde, de sinceritate tantum dilectionis intelligendam esse urserit. Cæterum, per *non peccare*, *peccatum ad mortem* hic intelligi, vanissimum est, uti prolixè id à nostris, pluribus in locis, demonstratum est, & suo loco etiam à nobis demonstrabitur. Scopus Apostoli id solidissime confutat, qui est dehortari regenitos hos à peccando. Quis vero adeo fatuus erit, ut, dum serio aliquos à peccando dehortari vult, iis, quos dehortatur, persuasum esse velit, fieri non posse ut peccent? Nam, si per *peccare*, utrobique intelligatur *peccare ad mortem*, absurditas hiat pleno rictu; videte ne peccetis ad mortem, filioli, nam non potestis ad mortem peccare: Si vero per *non peccare*, quod in adhortatione est, intelligatur aliud peccati genus, quam peccati ad mortem, in ratione vero addita intelligatur peccatum ad mortem, tum simul etiam vanitas aperta est. Nam quæ ratio illa erit, videte ne peccetis peccata non ad mortem, nam ad mortem non potestis peccare? Nulla hic ratio est. Per modum prolepsios aut anticipationis id ab Apostolo dictum credi posset: At, pro ratione ut dictum putetur, absurdissimum est. Præterquam enim quod ratio non sit, etiam adhortationis ipsius vim omnem enervat atque evertit. Nam quæ vis dehortationis à peccando, si *non peccare* sine periculo mortis esse affirmetur? Frustra est. Sed hac de re pluribus & proprie in censura cap. 18.

Quæ porro ad hanc sectionem dicuntur, eo spectant, ut doceat Censor non simpliciter verum esse renatos non laborare consuetudine peccandi, *Concedimus* (inquit) *non gravate habitus peccati acquisitiones & speciales, quibus certa & definita peccati species hominibus quibusdam*

dam fit familiaris, præsertim quibus homines ad scelera prorumpunt, & ea, quæ Apostolus vocat opera carnis, in verè renatis locum non amplius habere, & consuetudinem peccandi (N B) sic sumtam, in eis esse abolitam. Hic consensus est. Addit: Proinde si aliquando in talia peccata incidant, perrarè id accidere, & per errorem vel obreptionem, &c. aut aliam aliquam infirmitatem obtingere: Quod in Davide accidit, & aliis nonnullis Dei vivis verè regeneratis. Hic consensus videtur, sed non est: Et si enim hæc penè ipsissima Remonstrantium verba sint, tamen non nisi mutila & imperfecta sunt. Fatentur ii quidem regenitos aliquando in peccatum aliquod incidere posse, & quando fit, fit autem perrarè, id tantum per errorem, vel obreptionem, vel aliquam mentis obnubilationem fieri, sed addunt per parenthesin, *quamvis quidem ipsi sunt & permanent verè regeniti*: Eo ipso enim significatum voluerunt, fieri posse ut in grandia multa & enormia peccata incidant, quæ non per errorem, obreptionem aut infirmitatem ab ipsis committantur, sed ex proposito deliberato & contra dictamen propriæ conscientiæ: Et isto casu eos nec esse, nec permanere verè regenitos. Exemplum Davidis instar multorum esse potest, quem mirum est, quæ fronte Censor hic scripserit peccasse ex infirmitate in facto Uriæ, imprimis cum eum deliberato animo & consilio curavit interfici: Hoc enorme scelus ex infirmitate factum dicere, est eorum, qui nigrum in candida vertunt, & sceleri vix sine scelere patrocinantur: Deus ipse peccatum istud tanti fecit, ut Davidem, quem alioquin non declinasse ait ab omni eo, quod ei præceperat, cunctis diebus vitæ suæ, in hoc uno facto Uriæ Hithas peccasse, id est, enormiter peccasse affirmaverit, 1. Reg. 15. 5. Quod & horrenda poena, Davidi propterea inflicta, testamentum fecit, 2. Sam. 12. Quin & ipse David se propter adulterium cum exore Uriæ commissum, & Uriæ cædem gravissimæ poenæ per Nathanem indicatæ reum fatetur: *Peccavi, inquit, Domino* 2. Sam. 12. 13. quasi dicat, peccando reum mortis me feci, & sine dubio mortis plagam singulis momentis expectasset, nisi Nathan ei dixisset, *Deus transtulit peccatum tuum, non morieris*. Sed hac de re alibi latius. Deinde, quando consuetudinem peccandi sic sumtam in regenitis abolitam esse concedit, non obscure indicat, consuetudinem peccandi sic non sumtam in iis adhuc locum habere, quod & disertè postea explicat, cum ait, *quamvis enim possint esse* (Nota benè, possint esse, inquit) *sine sceleribus aut criminibus, non sunt, tamen sine peccato eoque frequenti iusti*, id est, vel non sine sceleribus aut criminibus, vel si sine iis sunt, non sine aliis frequentibus peccatis, quamquam

Regeniti ex infirmitate peccantes, regeniti manent, at non quando ex proposito & contra conscientiam peccant. Davidis adulterium & homicidium ex infirmitate commissa fuisse falso adferit Censor.

Regenitos non esse sine sceleribus & criminibus falsissimum est.

EXAMEN CENSURÆ

Locus Proverbiorum 24. 15. vindicatur à prava Censoris interpretatione.

Similiter locus adductus ex Psal. 19. 13.

Similiter locus Proverb. 20. 6.

quam non sunt scelera aut crimina. Dura oratio, & quæ impietatis pulvinar est. Loca quæ ad eam confirmandam allegantur, planè sunt impertinentia. Locus Proverb. 24. 16. hilum non habet de peccandi consuetudine, uti nec de peccato: *Cadere* enim isthic non est cadere in peccatum, sed in afflictiones & calamitates, uti ex scopo loci, ex opposito membro, *impii autem corrumpunt in malum*, & versu seq. 17. *si ceciderit inimicus tuus*, &c. manifestum est; imò toto libro Proverbiorum, *cadere* nunquam significat peccare, sed semper in afflictiones aut pœnas incidere, vide caput 11. 5. 8. 13. 17. 27. 20. 28. 18. ubi Salomon ait, *Qui ambulat integrè salvus erit; perversus autem viis cadet semel*. Similis huic locus est Job 5. 19. *In sex angustiis eruet te & in septima non tanget te malum*. Deinde in textu non est *Beïom in die*, quod mirum est hunc Cenforem aut non vidisse, cum jam id alii sæpius monuerint, aut videre noluisse. Supinæ certe hujus socordix & negligentix in Scripturarum citatione, doctorem hunc merito hic pudere debet. Denique, Nec sensus verborum horum Salomonis est, quasi fieri non possit, aut non fiat quin iusti omnes ac singuli in calamitates varias cadant. Nihil minus: Contrarium enim experientia docuit, imprimis sub v. lege, sed tantum, quando fit ut iustus incidat, & frequenter quidem (septies enim hic idem est quod frequenter) in varias calamitates, ejus aliam longè esse conditionem, quam est injustorum. Ille semper divina providentia ex iis liberatur, & toties, quoties incidit in eas: At iniusti & impii in iis tandem pereunt atque intereunt, uti ex vers. 20. aliisque infinitis manifestum est: vide imprimis Ecclesiastæ cap. 8. 11. 12. 13. Locus ex Psal. 19. 13. citatus, arguit fieri facilè, ut quis imprudenter laboraret quibusdam vitiis, aut ut quædam minus rectè fecerit ad quæ animus non advertit: at non arguit neminem esse qui vitiis istis non laboraret. *Ab occultis itaque munda me*, non necessario significat, ab iis, quæ certum est in me esse, etiam si in specie aut individuo ea mihi occulta sint, sed significare potest, ab iis, quæ in me fortè sunt, quamquam ego ea ignorem. Quis enim errores, in quos incidere potest, aut in quos aliquando imprudenter incidit, intelligat aut comprehendat? Locus Proverb. 20. 6. *Quis potest dicere, mundavi cor meum, mundatus sum à peccato meo?* non habet istum sensum, quasi nemo mundus corde esse possit, aut dicere se mundo corde esse: Contrarium docet iste ipse, quem huic statim subjungit Censor, locus ex 1. Cor. 4. 4. ubi Apostolus dicit, *Nullius rei mihi conscius sum*, quod quid aliud est, quam dicere mundavi cor meum? Job

Job dicit cap. 31. vers. 4. *Nonne Deus videt vias meas, & omnes gressus meos dinumerat? appendat me in statera iustitiae & agnoscat perfectionem meam: Si declinavit gressus meus à via, &c.* Sed hunc videtur habere sensum, vel, Non satis esse ad hoc, ut quis à peccato suo (N B) quod commisit, mundatus sit, si dicat mundavi cor meum, & interim duplici pondere & duplici mensura, uti pergit, &c. vel, paucos admodum tum fuisset, qui corde à peccatis mundati erant: Quem libet penè in eo, cui deditus erat peccato (id enim vocat *peccatum meum*) hæsisse, aded ut quæri merito jure tum potuerit, quis hodie est, qui se mundet à peccato suo? Sic enim quæsierat antea ipse Salomon vers. 6. *Multitudo hominum prædicat uniuscujusque misericordiam: virum autem veracem, id est, uti vers. sequenti exponit, ambulantem in perfectione sua iustum, quis inveniet?* Tales querelæ plures sunt & variis in locis. Locus ex 1. Cor. 4. 4. citatus, *Nullius mihi conscius sum: sed non in hoc sum justificatus: Deus est qui me iudicat* (si eum de tota vita hominis Christiani accipere velimus, ac non, uti accipiendus tamen videtur, de ministerio, quod Paulo, ut Apostolo concreditum fuerat) arguit manifeste, fidelem eò usque pervenire posse, ut nullius peccati, aut culpæ (nequitia vocem inferuit Censor de suo, sine ulla autoritate aut ratione) conscius sibi sit, quæ sanè ingens, si non summa perfectio est in hac vita. Quando autem dicit Apostolus se *in eo*, vel idcirco *non esse justificatum*, eo non significat se peccatis & vitiis tamen multis laborare, quæ remitti à Deo necesse sit, ut coram eo iustus sit, sed tantum sibi supremum & peremptorium de se iudicium non competere; sed Deo iudici & agonothetæ, qui cum certissima scientia, & sine gratia, sine odio iudicabit suo tempore: fieri quippe posse, ut quamquā conscientia propria sua ei non dicat, quod in aliqua re officio suo defuerit, secus tamen quædam, quam oportet, fecerit. Unde contrarium elici manifestum est. Nam cum Apostolus significat fieri posse ut id verum sit, non obscure etiam significat, fieri posse, ut verū non sit; imò id non significat tantum, sed clarè satis exprimit, cum ait, *Tunc laus erit unicuique, à Deo.* q. d. cum Deus idem pronuntiabit, quod nunc mihi dicat mea conscientia, tum demum vera laude ac gloria ornabor & coronabor.

Sectionis VII. censura examen non meretur. Tota magistralis & pædagogica potius est censura, quam rationalis. Prolixè in ea exponitur quæ sit sententia Remonstrantium de quinto, quem vocant, Articulo, id est de perseverantia Fidelium, sive eorum, qui semel crediderunt: Isti deinde Remonstrantium sententiæ, suam suorumque

L I

opponit

Similiter locus
ad Corinthios
4. 4.

EXAMEN CENSURÆ

Sententia Cen-
forum de per-
severantia fi-
delium totali
& finali,

Sententia ista
Censurum de
perseverantia,
repugnat plu-
ribus Refor-
matis Confes-
sionibus,

opponit Censor. Neutrum sanè necesse erat, nedum tam operose fieri:
Res nota est. Lippi & tonfores eam jam tenent. Summa huc redit, uti
in conclusione Censor ipse indicat; Nulla peccata (solum peccatum in
Spiritu S. excipe) quantumvis gravia, quantumvis multa, quantum-
vis diuturna *effectivè, etsi demeritoriè*, tollere electorum adoptionem &
justificantem gratiam. Juxta hanc summam sic procedit. In omnibus
electis dicit esse I. Innatam concupiscentiam, quæ fomes & fons pec-
cati & ipsa peccatum est. II. Per eam fieri ut in omni bono opere sem-
per aliquid omittant, quod peccatum omissionis est. III. Ut leviora pec-
cata sæpè committant. IV. ut aliquando incidant in atrocia peccata, Deo
sic permittente, id est, uti ex antecedentibus liquet, Deo ad tempus gra-
tiam suam, quæ concupiscentiam eorum antea frænnavit, iis subducente
sine qua eos in peccata ista incidere necesse est. V. Quando id fit, semper
in electis istis manere internum principium, sive justificantem fidem,
& in Deo specialem amorem erga eos, quo fit, ut morti nunquam
tradendi, sed per actum poenitentiae in viam reducendi, quando id Deo
ita videbitur. Hæc summa est eorum, quæ sectionis hujus membro pri-
mo prolixè differit, quæ jam pueri norunt, tanquam unguis digitosq;
suos. Rationem nullam pro iis adducit, sed omnia ista colligere se dicit
ex locis Scripturæ, quæ in cumulum coacervavit, tam indistinctè &
confusè, ut vel numerare poeniteat: Sed quia de iis agendum esse dicit
in Censura cap. 18. ad sect. 5. 6. & 7. nos eo etiam lectorem remitti-
mus. Tantum hic nota Censoris confidentiam, cum veluti Orthodoxam
sententiam inculcat; *Electos nunquam ex gratia Dei excidere nec totaliter
nec finaliter*. Nam hæc assertio directè repugnat non tantum Scriptu-
ris, & rationi rectæ, uti suo loco videbimus, sed Reformatis pluribus
confessionibus, Augustanæ, cui Calvinus volens ac lubens, ut ipse testa-
tur, subscripsit Artic. 2. *Damnamus Anabaptistas qui negant semel justifi-
catos iterum posse amittere Sp. Sanctum; & alibi, Qui vero obtemperant pra-
vis cupiditatibus & agunt contra conscientiam, nec justitiam bonorum operum
retinent.* Saxonicae Art. 9. 10. 16. 18. Bohemicae Art. 7. 8. & Anglicanae
Art. 16, quæ disertè *Anabaptistas damnat, & post acceptum Spiritum S.
posse homines recedere à gratia data & mortaliter peccare*, docet, prout eam
citatur Richardus Thomsonus in diatriba sua de intercisione Iusti. cap. 27.
Post hæc colligit ex eo, quod Remonstrantium declaratio sta-
ruit fieri posse, ut fideles, per atrocia peccata, totaliter, tandemque etiam
finaliter, nisi serio in tempore respiciant, divina gratia excidant, Remon-
strantes.

strantes agnoscere saltem per consequentiam, fideles qui in atrocia peccata aliquando labuntur si in tempore resipiscant, antequam resipuerint, à gratia divina non modo non finaliter, sed nec totaliter excidere. Imperitè admodum, & perperam: Nam Remonstrantium Confessio non refert verba illa, *Nisi serio in tempore resipiscant*, ad vocem totaliter, sed ad vocem finaliter tantum. Dicit enim fideles illos, qui ita peccant, totaliter excidere divina gratia, & nisi serid atque in tempore resipiscant finaliter etiam tandem excidere. Et qui possent aliter verba ista accipi? Cum enim resipiscentiæ locus esse possit, etiam sub finem vitæ hujus ex sententia Remonstrantium, dicendum utique foret Remonstrantes credere fideles non excidere totaliter, nisi cum finaliter etiam excidunt, id est, cum sine resipiscentia moriuntur aut resipiscentiæ spes nulla amplius est. Quod deinde Cenfor subjungit *incongruè* locutos esse Remonstrantes cum addiderunt. Neque *interim* negamus, dicendum enim fuisse. Neque enim *absolutè* negamus, id leve ac futile est: Remonstrantes idcirco voce ista *interim* uti voluerunt, quia sciebant istam orationem veluti coccyfimum semper occinere à contra-Remonstrantibus, Reprobatos salvari posse, si credant in Iesum Christum; fideles perire posse, si peccent in Spiritum S.; quamquam negant fieri posse ut reprobi credant, aut fideles in Spiritum S. peccent. Ne quis autem similiter locutos crederet Remonstrantes, idcirco usi sunt voce *interim*. Non enim bona est juxta Cenforem consequentia: Si Fideles finaliter Dei gratia excidant nisi resipiscant, ergo possunt ea excidere; Aut si infideles reprobi salvabuntur, si resipiscant, ergo possunt resipiscere. Sed hoc satis est obiter terigisse.

Acceptio vocis *posse*, cum quæritur, *an ii, qui verè semel crediderunt fidei justificante, possint relabi ad pristinam vitæ profanitatē & Spiritum S. amittere*, valde est inepta, quam hic assignat Cenfor: Nam cum quæritur an fideles possint relabi ad pristinam profanitatē, tum non quæritur, an fideles, qua homines sunt infirmi, per infirmitatem suam possint labi, sed an fideles, qua ad vitam electi, & justificante gratia semel donati sunt, ista infirmitate laborare permittantur à Deo, ut relabi possint ad pristinam vitam, sive potius, an infirmitati isti humanæ, quæ in fidelibus est, Deus tale ponat remedium, ut in actum non possit exire, aut ut in actum nunquam exeat: ubi id fieri dicitur, ibi dicunt Remonstrantes ineptè asseri fideles *posse adhuc relabi*: Infirmitas enim infirmitas non est, quæ aliunde sic roboratur & stabilitur, ut is in quo ea est succumbere nequeat.

Quid sibi velit verba declarationis: *Nisi serio in tempore resipiscant*, quæ mala fide detorquet Cenfor.

Quid voce *Interim* Declarationi inserta significetur.

Quid verbum *posse* significet, cum quæritur an Fideles possint relabi ad pristinam vitæ profanitatē.

EXAMEN CENSURÆ

Quid requiratur ad hoc ut quis dicatur vere posse agere aut non agere.

queat. Tum ut aliquis dicatur vere posse agere aut non agere, non sufficit, quod possit aliter agere si talis aut talis circumstantia, ad sit aut absit, sed requiritur, vel, ut nulla ei ad sit aut absit circumstantia, cum qua non possit consistere ipsum non agere: vel ut habeat in potestate sua omnem talem circumstantiam, prout libuerit, tollere: Sic ut quis dicatur posse currere aut cadere, non sufficit ut locomotiva facultate præditus, aut ut gravis sit: Quis enim facultatis illius usus est, imo quæ facultas seu potestas illa est, si pedes ferreis & adamantinis vinculis ligatos constrictosque habet? Et quid est gravitas ista, quæ impeditur summa efficacitate ne causa sit lapsus? Adde, quod inepte etiam dicat Censor, fideles relabi posse ad pristinam vitæ profanitatem, quantum in ipsis est, sive per infirmitatem suam. Nam sic juxta ipsum, fideles non tantum possunt aliquando relabi, sed necessario & semper ad eam relabuntur, non aliter quam molare saxum pondere suo ex alto ruere necesse est.

Serio & intelligibiliter à Censore adferri non potest, Fideles per peccata Spiritum S. amittere, ut ad tempus nullo iis usui aut effectui sint.

Quod deinde addit Censor, *Fideles Spiritum S. fidem & caritatem aliquando etiam amittere, ut ad tempus nullo iis usui aut effectui sint*, id dicis tantum causa additum ab eo videri debet, & ut ut sit, nunquam facile explicabit, ut intelligi possit: Dicis causa inquam, id ab eo additur, quia si congruenter loqui velit, fideles non amittunt Spiritum S. per peccata, sed ante peccata sive antequam peccant: Nam subtrahitur iis Spiritus S. nulla culpa eorum, tantummodo quia liberrimo Deo sic consultum videtur, ut isto experimento discant, ut Censor ait, *soli Deo in Iesu Christo totam salutis sue laudem tribuere*: Exinde peccata sequuntur, & peccare eos necesse est. Hæc subtractio à Censoribus molliore vocabulo vocatur *permissio*, quæ auxilii ad non peccandum necessarii subductio est, uti jam sæpius inculcatum est: Inepte itaque etiam judicat Censor *per peccata fieri ut fidelibus Spiritus S. & fides nullo usui aut effectui sint*: Nam contrarium affirmandum illi est, tum & idcirco fideles peccare, quando & quia Spiritus S. ipsis nullo usui aut effectui est: Prius enim definit Spiritus S. in iis agere, quam ipsi peccent. Permissio enim divina prior, saltem natura, est volitione peccandi in fidelibus. Deinde nunquam facile explicabit Censor, quomodo fideles Spiritum S. fidem, & caritatem sic amittant, ut ad tempus nullo iis usui aut effectui sint. Nam quid est fides, quæ sine usu est? usus fidei est fides ipsa, sicut usus virtutis est ipsa virtus, & usus actionis ipsa actio est: fides est fiducia firma juxta Censorem: quæ fides ergo est, quæ fiducia caret, vel sine usu fiduciæ est? usum autem fiduciæ effectus fiduciæ sequitur,

sequitur, id est, lætitia & pax animi. Dicere, peccata eodem modo se habere ad fidem, quo pellicula interjecta ad oculum, quæ oculum actu videndi tantum privat, non autem virtute aut facultate, est dissimilia inter se comparare. Fides enim non cum oculo, sed cum visione ipsa comparari debet: fides enim est ipsa fiducia, non id in quo fiducia est, nec distinctum aliquid à fiducia, per modum potentiæ, instrumenti, aut subiecti, ut oculus est distinctum quid ab ipsa visione, quæ in & ab oculo est. Nemo aded fatuus est, ut dicat virtutem manere in eo, qui actiones virtuti contrarias facit, aut actiones virtuti contrarias, veluti pelliculā interjectam, impedire quidem virtutis usum, sed non tollere virtutem ipsam. Tum meminisse debebat Censor ejus quod pag. 107. dixerat, justitiæ eam esse rationem, ut per actum injustitiæ desinat esse, quia accidens est: Cur non eadem est ratio fidei & caritatis? Nisi fortè hæc accidentia esse neget, quod nimis stultum foret.

Addunt, inquit, raro fieri solere, & difficulter posse, ut divina gratia beneficio renoveatur & ad frugem redeant, qui semel verè crediderunt, & ad pristinam vitam profanitatem relabuntur. Id si intelligant de verè justificatis, falsum est. Id enim non fit raro, sed semper & quotidie, nec in uno aliquo, sed in omnibus & singulis. Audax assertio, quam nec ratione nec experimento ullo muniri à Censore mirum est. Sed id impossibile ei fuit. Tantum dicit, Hoc planè necessarium est, ut propositum Dei, quod est secundum ipsius electionem, id est, non ex operibus, sed ex vocante, firmum maneat, Rom. 9. 11. Et verum sit, Quod bonus pastor Ioan. 10. vers. 28. asseruit, Ego vitam æternam do eis, nec peribunt in æternum, neque rapiet eas quisquam de manu mea. Miserrimæ sanè rationes tam ingenti Colosso fulciendo. Nam in primo loco ad Rom. 9. per propositum, quod est secundum electionem (pronomen enim ipsius, quod Censor hic, ad exemplum Bezae, inseruit, non est in textu) intelligi propositum, quo Deus nominatim & peremptoriè hunc aut illum salutem æternam destinat, probandum fuerat. Hoc enim assumere tanquam confessum non debuerat, cum id apertè negari à variis interpretibus, & nominatim ab iis, contra quos disputat, non ignoraret: Sed & falsum esse suo loco probabimus. In secundo verò loco non affirmatur à Christo, qui bonus Pastor est, fieri non posse ut oves sponte sua oves esse desinant, aut in lupos, porcos, aliasve bestias degenerent, sed tantum fieri non posse, ut oves, quæ tales, pereant, id est, ut fideles, qui Jesu Christo per veram fidem constanter adherent, potentiæ & manui Iesu Christi per vim eripiantur, quo

Similitudo
quæ peccata ad
fidem se habere
re dicit, ut
pellicula in-
terjecta ad o-
culum, refelli-
tur.

Defenditur
sententia Re-
monstr. qua
dicunt raro
fieri solere &
difficulter pos-
se fieri, ut fi-
deles relapsi
ad pristinam
vitæ profani-
tatem, ad fru-
gem redeant.

EXAMEN CENSURÆ

minus salventur. At de isto quæritur, non de hoc. Aliud est seduci, aut voluntate propria exire, deficere, deferere Pastorem, aliud Pastori omnipotenti fideliter adhærentes per vim Pastori eripi aut à Pastore abduci: hoc impossibile est; Istud fieri posse docet, ut alia jam non allegem, diserte Apostolus Petrus 2. Epist. cap. 2. vers. 18. cum dicit *esse qui per lascivas carnis cupiditates inescant eos qui* (NB) *VERE effugerant eos, qui in errore versantur, adeo ut implicentur, & superentur ab iis, &* (NB) *regrediantur à sancto mandato sibi tradito, accidatque iis, quod pro verbo dici solet, canis reversus est ad suum vomitum, & sus loca ad volutabrum cani.*

Si vero adversarii, inquit, agram illam & difficilem lapsorum restaurationem referant ad eos, qui ad tempus crediderunt, &c. non solum dicimus id raro fieri solere, et difficulter admodum, sed, cum Apostolo, fieri non posse ut renouentur per poenitentiam. Cui certe ex diametro se opponunt, qui quod fieri non posse dicit, fieri posse docent, etsi raro aut difficulter. Speciosa oratio, sed

Refellitur Censoris expositio, qua locum ad Hebr. 6. exponit de iis qui non nisi fide temporaria præditi fuerunt.

prorsus ab omni vero inanis. Nam per eos, quos isthic describit Apostolus, intelligi eos, qui non fuerunt præditi nisi fide temporaria, ut vocant, quæ specie à fide vera justificante sit distincta, alienissimum est à textu: quod præter alia indicia non pauca, nec levia, duo hæc argumenta docent. I. Quia de illis diserte dicitur quod impossibile sit, ut renouentur non per poenitentiam, ut Censor legit, sed ad resipiscentiam sive eis *μετάνοιαν*: Illa itaque *μετάνοιαν* præditi fuerint necesse est, ad quam eos renovari impossibile esse dicit Apostolus: Vera autem ac salutaris illa *μετάνοια* fuerit necesse est: Nam alioquin I. Cur ad eam renovari non possent quæ impiis & profanis aut hypocritis. etiam communis esse creditur? II. Quid in eo positum magni momenti foret, si Scriptor dicatur affirmasse eos non posse ad istam resipiscentiam renovari, ad quam, etiamsi renovarentur, tamen æternum damnandi non minus forent, quam si ad eam non renovarentur? II. Argumentum est, quia Scriptor de iis diserte affirmat, quod sibi iterum crucifigant Filium Dei, & ignominie exponant, vel *παράδειγμα ᾧ πάντες*: Itaque intelliguntur, pro quibus Christus semel crucifixus est, quales Censor electos tantum esse vult. Iterum enim sibi crucifigere Filium Dei non possunt, nisi semel pro ipsis, id est, bono ipsorum, crucifixus fuerit, & fuisse agnoscat: Alioquin, quod malum in crucifixione ista, aut quod ex ea damnum ad eos redit, quod antea ad eos non rediisset, etiamsi prolapsi non fuissent, aut Filium Dei sibi iterum non crucifixissent? Damnandi fuissent perinde uti nunc damnandi sunt. Dices, posito, hoc loco per eos,

eos, quos hic Scriptor describit, intelligi eos, qui verè crediderunt, nihilominus manet certum, sententiam hanc Remonstrantium è diametro repugnare Scriptoris verbis, *Quia fieri posse dicit, quod Scriptor fieri posse negat.* R. Nempe, si verba præcisè urgeas: at vox ἀδύνατον, qua Scriptor utitur, non semper præcisè urgenda est. Non rarè enim in ^{Quo sensu u-} communi sermone idem significat, quod admodum grave ac difficile est, ^{surper author} & Matth. 19. 26. disertè sic accipitur, aliisque locis compluribus: Hoc ^{ad Heb. vocem} ἀδύνατον. verò loco etiam sic accipi vocem hanc ratio manifesta arguit. Quia aliòquin Censor, nunquam facilè explicaturus est, vim hujus orationis Apostolicæ. Nam si sensu proprio eam accipiat, quomodo quæso impossibile esse ut prolapsi ejusmodi renoventur ad resipiscentiam, affirmari dicet ab autore Epistolæ hujus? Dei respectu id affirmari non concedet: Ut respectu prolapsorum qua prolapsorum, id impossibile esse affirmari dicat, vanissimum est: Nam non magis impossibile est prolapsos qua prolapsos renovari, quam impossibile est irregentos resipiscere antequam prolabantur iterum, imò non magis impossibile est tales renovari ad resipiscentiam, quam impossibile est regentos renovari ad resipiscentiam, quum in gravia & atrocia peccata incidunt. Nulla ratio impossibilitatis major dari potest in prolapsione, qua prolapsio est, ut ita dicam. Quando enim resipiscentiæ & resipiscentiæ renovatio tota à solo Deo, & divina speciali gratia pendere creditur, tota ratio impossibilitatis, ut vel resipiscamus, vel ad resipiscentiam renovemur, ab eadem ut pendere dicatur necesse est. Dicere, impossibile esse ut ad vel per resipiscentiam renoventur prolapsi, quia Deus tales iterum renovare non vult ad vel per resipiscentiam, nihil est. Nam I. sic vox *impossibile* à propria significatione sua detorquetur & eadem, quæ jam indicavimus absurda, hic militat. II. Quæ ratio istius divinæ voluntatis dabitur, si isti, qui sic prolabantur, non prolabantur, nisi quia Deus gratiam istam, sine qua eos non prolabi impossibile est, non continuat, prout Censor credit? Certè sic in istis ita prolabantibus nulla culpa, nedum gravior culpa locum habebit, quam in regentis, quando in peccata atrocia incidunt: proinde non magis respectu illorum impossibile erit ut renoventur ad resipiscentiam, quam respectu horum. Sed desino hic. Cætera loca nanci non sunt: Nam per Satyram potius objiciuntur, quam cum ratione & judicio. Ex his jam satis, ut arbitror, manifestum est, quam parum solida, imò quam vana sit operosa & proluxa hujus totius

II. capitis censura, Tu lector judica.

AD

EXAMEN CENSURÆ

AD CENSURAM CAPITIS XII.

De Bonis operibus in specie deque
Decalogi expositione.

Rectè dictum
esse in declara-
tione, totis
capitibus 5. 6.
& 7. Matth.
describi bona
opera Christi-
anis omnibus
communis,

Capitis hujus censura Ixionis nubes est: Nihil in ea est nisi suspi-
cionis vapor, & ægri animi fuligo. Primo loco censetur, quod Re-
monstrantes, ea quæ à Christo dicta sunt in monte, Matth. 5. 6. & 7. totis, ita
referant ad bona opera Christianis omnibus communia, ut in doctrina trium
illorum capitum nullum opus à Christo commendatum agnoscere NB. videan-
tur ex illis, quæ certarum vocationum propria esse dicunt. In eo hallucinantur,
inquit. Quantum crimen, Cenfor, si hoc omnino verum est? At unde hoc
colligis? Vide Lector quam acutum cernat, acutius sanè quam aut A-
quila, aut serpens Epidaurius. Ad marginem Confessionis suæ notave-
runt Remonstrantes capita Matth. 5. 6. & 7. quibus totis de bonis operi-
bus, quæ Christianorum omnium sunt communia, agi innuerant. Ex hoc
tam exili ovo nata est hæc ingens Censura, Crocodili instar. Nempe hæc
hæresis est; Totis capitibus 5. 6. & 7. Matth. dicunt Remonstrantes describi
bona opera Christianis omnibus communia. At quis aded seu ignarus seu
iniquus rerum æstimator est, qui vel nesciat, vel neget sæpissimè dici,
totis Epistolis aut capitibus aliquid tractari, quod præcipuè & maxima
parte in iis tractatur? Decalogus ipse totus, Lex esse moralis, & non ni-
si moralia præcepta continere dicitur; cum tamen certum sit quantum
ejus præceptum de præcisa septimi diei sanctificatione purè putè cære-
moniale esse. Epistolæ totæ ad Romanos & ad Galatas de justificatione
hominis agere dicuntur, cum tamen alia nec pauca nec levia in iis etiam
tractari certum sit. A præcipua & potissima parte semper fit denomi-
natio. Jam autem Cenfor hic fatetur, pleraque omnia, quæ in sermone
illo tribus Matth. capitibus recensito dicta sunt, ad omnium Christia-
norum vitam informandam facere. Potuerunt itaque jure optimo Re-
monstrantes etiam dicere, totis istis tribus capitibus Matthæi describi
opera, quæ Christianis omnibus sunt communia: Non enim idcirco ne-
gant, aliqua in iis esse quæ specialiter ad Apostolos pertinent, & quæ
certarum vocationum sunt propria. Hæc enim, quia pauca sunt, in cen-
sum non veniunt, & pro nihilo habentur. Et fungi sane ac fuci ha-
bendi

bendi essent ij, qui quæ in istis capitibus *de divorcio & libello repudii* dicuntur, referre vellent ad ea, quæ Christianis omnibus tam cælibibus quam conjugatis communia sunt. Nec aded ineptus ipse Socinus videri debet, ut crediderit versiculum, qui de libello repudii agit, ad Christianos omnes etiam non conjugatos pertinere. *Attamen*, inquit Cenfor, *Socinus unus hodie exortus est qui magno conatu evincere voluit, Christi sermonem totum ad omnes, qui discipuli Christi, id est, Christiani esse velint, pertinere.* Esto: quid tum? An hoc Censura dignum est? Qui sermonem istum Christi ad Christianos omnes pertinere vult, is eum vult etiam ad Apostolos, etsi non quæ Apostolos, pertinere. Non contra. An periculum aliquod in eo est? Sanè aliud nullum periculum inde metui potest, quam quod hac explicatione Socini, via ad vitam arctior multò reddatur Christianis omnibus, quam si dicatur sermo Christi ad solos Apostolos pertinere, eosque ad præcepta, quæ in eo continentur, tantum obligare: Hoc periculum si non metuitur, quid censura dignum habet hæc Socini explicatio? Sed quicquid de Socino sit, Remonstrantes sententiam suam hac de re in Confessione hac sua non dixerunt. Id nunc profiteri non dubitant, eos, qui sermonem hunc totum ad solos Apostolos referendum censent, pessimè sentire, & solidè à Socino confutatos esse. Quod Cenfor hic subjicit, *Socinum falso id suis impingere, & sententia ejus nullum potuisse autorem proferre*, id profecto ingentem Cenforis inscitiam arguit. Socino non cum Calvinistis, sed cum Palæologo & qui cum Palæologo sentiunt, lis fuit. Illorum ista fuit, & etiamnum est sententia, uti ex disput. Socini contra Palæologum liquet. Et argumenta, quæ refert Socinus & confutat (accuratiora profectò & speciosiora, quam quæ hic Cenfor allegat, quæ profectò vix argumenta vocari merentur) non obscurè indicant, autores istius sententiæ esse homines non indoctos, quos nisi cum Socino confutes generali contradictione, id est, quod sermo Christi totus non ad solos Apostolos, sed ad omnes Christianos pertineat, in eas angustias te conjicias necesse est, ut, quid ad solos Apostolos pertineat, quid ad omnes Christianos, præcisè distinguendum tibi sit, quod uti laboris, ita periculi plenū est, non dico in istis versibus, ubi Christus ait, *vos estis Lux, vos estis sal mundi*, &c. hoc enim leve est; sed in istis, ubi præcepta continentur quibus promissio vitæ, aut regni cælorum, & contrariæ exclusionis à regno cælorum comminatio annexa est. Hæc sola consideratio facit, ut Remonstrantes, quamquam in Confessione sua sententiam suam non interposuerunt, hic

Sine periculo credi ac dici potest, sermonem Christi Matth. 5. ad omnes Christianos pertinere.

Contra quos id asseruerit Socinus.

Sententia Remonstrantium de scopo istorum trium capitum.

M m

jam

EXAMEN CENSURÆ

jam affirmare non dubitent, sententiam istam, quæ præcepta Christi omnia hisce capitibus comprehensa, ad Christianos omnes nonnulla autem ad Apostolos quæ Apostolos præcipiunt, sed non solos pertinere statuit, tutiorem, & paucioribus difficultatibus obnoxiam esse. Nec argumenta vident ulla (quæ enim à Censore hic adferuntur, ea sunt aut prorsus futilia, aut saltem valde exigui usus) quæ contrarium suadere possint.

Secundo loco censetur, quod *Remonstrantes* subdividant opera bona Christianis omnibus ex æquo & sine discrimine præscripta in tria capita. I. In dilectionem Dei & proximi. II. In directionem sive abnegationem nostri ipsorum. III. In assiduam ad Deum precationem, & pro acceptis beneficiis gratiarum actionem. Nam duo posteriora divisionis membra sub primo continentur, inquit Censor. Quasi verò certum non sit dilectionem Dei & proximi, imò dilectionem Dei, simpliciter sic dictam, aliquando strictius, aliquando latius accipi in Sacris, & docēdi gratia aliquando accipi posse. Strictè cum sumitur, significat observationem mandatorum illorum, quæ vel Deum vel proximum præcisè, vel cum vox dilectionis soli voci Dei jungitur, quæ Deum immediatè aut tantum spectant. Latè, cum mandata Dei omnia comprehendit, quæ Deum, nos & proximum nostrum spectant. Primo sensu phrasin dilectionis Dei & proximi acceperunt Remonstrantes, in primo subdivisionis suæ membro, & sic contradistingui eam à directione sive abnegatione nostri, manifestum est ex terminis. Nec obscure hanc distinctionem fecit Deus ipse & Christus, cum nos diligere jubent proximum nostrum sicut nos ipsos. Hac enim locutione nos à proximo distinguimur. Ad dilectionem autem Dei ut id applicetur, absurdum est: quia Deum diligere nobis Lex jubet supra omnia, proinde & supra nos ipsos: An verò hæc directio sive abnegatio nostri, itemque precatio & gratiarum actio comprehensa dici non possint sub præceptis Legis, si quis ejus verba, aut potius Legislatoris mentem, quo usque extendi potest, extendere velit, inquirendum relinquunt iis quibus id libet ac licet. Operæ pretium id non putant Remonstrantes: Nihil tamen dubitant, quin sub iis comprehendi possint: Sed id non vetat quo minus illa, docēdi gratia, distinguere possit qui vult. Simile est id quod subjicitur: *Suspectum meritò esse, quod, ubi Remonstrantes de primo illo capite, dilectione Dei & proximi agunt, non dicunt absolute illud contineri Legge Morali, sed hac addita cautione, quatenus à Christo exposita est.* Hic explicari sibi petit Censor, quomodo Remonstrantes expositionem illam à Christo fa-

Dilectio Dei aliquando strictius aliquando latius accipitur in Scriptura Sacra.

isto factam velint, an per novorum & Lege non comprehensorum præceptorum additionem, an per interpretationem eorum sensuum, qui verbis Legis continentur. Remonstrantes necessariam non putant, ut hoc explicant. Fruatur quisque iudicio suo. Nam quicquid dixeris, semper tamen eo tandem redibit res, observationem Legis Moralis, quatenus à Christo exposita est, nec aliter, Christianis hoc tempore necessariam esse, quomodocunque tandem expositio illa à Christo Iesu facta dicatur. Hoc satis est: Eoimvero dato, sed non concessio, Remonstrantes credere expositionem hanc à Christo factam per additionem novorum præceptorum (non quæ præcepta perfectionis aut Consilij à Pontificiis vocantur: Talia enim Remonstrantes non agnoscere certum est; sed quæ perfectiora sunt in genere morum ut loquuntur, quam sunt præcepta Legis Moisaicæ, prout jacent.) quid inde efficietur? Sic Remonstrantes, inquit Censor, transibunt in Socini castra: Papæ! quantum crimen! Imo vero, sic cum antiquitate pene tota sentient. Est enim constans & communis veterum pene omnium sententia, Christum Iesum nova quædam & perfectiora præcepta Legis Moisaicæ præceptis addidisse. Docent id *Tertull.* lib. 4. cap. 27. *Tertull.* libro de Patientia. *Clemens Alexand.* lib. 6. *Stromation.* *Hilarinus* cap. 4. in Matth. *Epiphanius* ad Prolomaitas Hæresi 33. *Basil.* Homil. in Psal. 14. *Chrysost.* Homil. 16. in Matth. *Autor imperf.* Homil. 11. *Ambros.* serm. 5. in Psal. 118. *Hierony.* in Epist. ad Gerontiam de Monogamia, *Chromatius*, *Theophylactus*, & *Euthymius* in Comment. ad Matth. cap. 5. Et signum hujus rei manifestum est, quod interpretes non pauci Evangelici, qui vocantur, autores veteres non leviter taxent, & culpent eo nomine, quod sententiæ isti, de præceptorum novorum additione per Christum facta, patrocinati fuerint. J nunc & Socinorum sententiæ hujus autorem facito, pro qua tota pene Antiquitas stetit. Promissionem vitæ æternæ à Deo sub V. Fœdere factam, aut lege Moisi comprehensam fuisse non solus nec primus Socinus, sed eadem multis retro ante sæculis negavit Antiquitas: utrumque hoc prolixè varii probarunt iique antiquitatum peritissimi scrutatores: Neutrum affirmant Remonstrantes neque ut affirmant, necessarium putant, uti jam ante vidimus.

Sectione III. censetur, quod Remonstrantes in explicatione primi mandati dicunt, primum præceptum jubere, ne pro arbitrio nostro commiscamur, aut per traditionem aliorum, citra expressum Dei mandatum, admittamus quippiam, sive verum, sive fictum, &c. cui vel natu-

M m 2

ram

An. Expositio à Christo facta sit per novorum præceptorum additionem, an per interpretationem eorum sensuum qui verbis Legis continentur, necessarium non est ut curiose explicetur.

Constans & communis veterum pene omnium sententia est, Christum novam & perfectiora præcepta Legis Moisaicæ præceptis addidisse.

EXAMEN CENSURÆ

Cur Remon-
strantes Decla-
rationi suæ
in explicatio-
ne primi præ-
cepti Decalogi
inferuerint
hæc verba,
Citra ex-
pressum
Dei man-
datum.

Sensus loci 2.
ad Tim. 2.13.

Sensus loci
Esaia 42.8.

ram ac vim divinam, vel proprietates, vel actiones, vel auctoritatem & im-
perium in nos divinum directe aut indirecte tribuamus. Istis enim ver-
bis videntur innuere, posse Deum expresso aliquo mandato jubere, ut admit-
tamus tale quippiam, creaturam aliquam nempe, cui naturam divinam, &c.
tribuamus. Qua exceptione videntur cum Socino statuere, filio Dei Iesu
Christo, ut homini, divinam potentiam, & divinos honores tribui posse. Ita
est; Propter Iesum Christum inferuerunt verba ista, citra expressum Dei
mandatum; Nam Christo Iesu, ut Mediatori, ac proinde ut homini, à
Deo honorem adorationis datum esse statuunt, quia Scriptura id diserte
non uno in loco affirmat: Ioan. 5. Phil. 2. Hebr. 1. &c. Huic adsertioni
divinæ frustra opponuntur duo loca, ex 2. Timoth. 2.13. ubi dicitur *Deus*
seipsum non potest abnegare, & ex Esaia 42.8. ubi Deus dicit, *Gloriam meam*
alteri non dabo. Nam I. cum ex Scriptura certum ac manifestum sit,
Deum honorem & gloriam adorationis dedisse, adeoque gratificatum
esse Filio suo, propterea quod Patri suo obediens fuerat ad mortem, imo
ad mortem crucis usque, ratio postulat, ut loca, quæ hic ex Paulo & Esaia
citantur, dicantur non continere sensum, qui directe isti divinæ adfir-
mationi repugnat, imprimis, cum loca ista sensum longe alium contine-
re possint. Sed & II. perperam loca ista allegantur, & à sensu suo genui-
no in alium detorquentur, aut saltem longius, quam par est, trahuntur.
Nam quod attinet locum, qui ex 2. Timoth. 2.13. citatur, cum de Deo
dicitur, quod *seipsum non possit abnegare*, certum est ejus sensum alium
nullum esse, quam quod Deus, à parte sua semper fidelis & constans
manet in servandis promissis suis. Sed posito etiam, quod sensus verbo-
rum istorum eo usque quo vult Censor, possit extendi; nihil tamen inde
effecerit. Nam Deus seipsum non abnegat, cum Filio suo Iesu Christo,
ut homini honorem adorationis concedit. Honor enim iste non est ho-
nor, quo Christus, qua Mediator adoratur supra ipsum Deum, aut ut
summus ac supremus Deus, cui ex se honor ille debetur. Absit: hunc ho-
norem, hanc gloriam sibi soli integram semper servat Deus, ex quo per
quem & in quem sunt omnia, prout Apostolus ad Philippenses diserte in-
dicat cap. 2. 10. 11. ut ad nomen Iesu stentur omne genus &c. omnisque lin-
gua confiteatur Dominum esse Iesum Christum, ad gloriam Dei Patris. Sed
est honor, quo Christum infra se, & ut Mediatorem inter se & inter ho-
mines, adorari jubet, salvo semper supereminentiæ suæ titulo ac jure.
Quod ad alterum locum Esa. 42.8. attinet, manifestum est, eum non
agere nisi de Idolis aut sculptilibus, & Deum affirmare in eo,
se non

se non permitturum unquam, ut cultus sibi debitus Idolis istis deferatur, *impune scilicet*, sed se populum suum, ad Idololatriam istam se dantem, severiter puniaturum. Id indicant verba posteriora quæ priorum exegesis continent; *Nec gloriam* (aut laudem) *meam sculptilibus*: prout disertè jam olim locum hunc exposuit Justinus Martyr, in dialogo suo cum Tryphone Iudæo, expresse addens, *Deum cum gloriam suam Filio dedit, quem pralucere gentibus voluit, alteri gloriam suam non dedisse*. Verbum itaque dandi, quo propheta hic utitur, pro permissione usurpatum est, eodem prorsus sensu quo Psal. 16. 10. id usurpatum fuisse legimus (ut jam alia loca non allegemus) *Non dabis sanctum tuum videre corruptionem*, Enimverò, ut dicatur Deum hic dixisse, se sponte sua aut ultro non daturum mutis & brutis idolis honorem istum; cui inquam sano homini fiet verisimile? Quare, per vocem *Alterum* vel *alteri*, non intellexit Deus simpliciter quamlibet seu creaturam, seu personam, quæ Deus summus non est, sed tantum istam, seu creaturam, seu personam, cui citra vel contra Dei expressum mandatum adoratio vel cultus divinus defertur. Talis persona non est Christus, quia Christus non tantum *unum* est cum *Patre*, non tantum *quæ Patri placita sunt facit*, non tantum is est, *in quo Patri complacitum est*, sed etiam is, cui Pater ipse honorem dignitatem ac maiestatem dedit, cum expresso mandato, quando vid. eum in orbem terrarum introducebat, *Adorent eum omnes Angeli*, Heb. 1. 6. Denique quomodo quæso possibile est, ut locus iste ad Christum etiam referatur, cum Christus ipse petiisse legatur à Patre suo, *ut glorificaret ipsum ea gloria, quam habuerat apud ipsum, priusquam hic mundus esset*, Ioan. 17. 5. Quod jam Censor hic interjicit, *Hac ratione Remonstrantes gratificari voluisse Socino*, id sanè ridiculum est. Non voluerunt gratificari Socino, sed apertæ Scripturæ & veritati Sole clariori cedere. Qui id facere nolunt, aut Thefin suam malunt *διαφύλαττειν*, quam vel hilum concedere veritati, ij Socino impensè gratificantur. Nihil enim prius potiusve accidere ejus sectatoribus potest, quam quod adversarios suos videant ea negare, quæ apertissimæ veritatis sunt & palpari penè possunt. Sic enim fit, ut animum inducere nec velint, nec possint, thefin suam, cui tam aperta veritas adhæret, fallam aut erroneam esse: Atque hic pertinaciæ istius nostræ fructus est.

In sectione IV. nihil habet Censor quod *ἐπεδοξίως* arceat: At non debuerunt Remonstrantes, inquit, *omittere, quæ in Carechismo Ecclesiarum Belgicarum recte fuerunt ex mandato Legis secundo deducta, &*

M m 3.

alibi

Justinus Martyris testimonium.

EXAMEN CENSURÆ

Offenditur
vanitas Censu-
ræ, quæ dicitur
Remonstrare,
non debuisse
omittere
Deum nulla
ratione effin-
gi debere nec
posse.

*alibi in Scriptura confirmata; quale illud est; Deum nulla ratione effingi debe-
re, nec posse. Nempe, hoc arcanum Theologiæ ex Catechismo Palatino
addiscendum erat, & hauriendum. Mirum quod Censor non velit ex eo-
dem secundo mandato deduci debuisse, Artem omnem sculptoriam &
pictoriam illicitam esse quia dicitur in eo, Non facies tibi ullam imagi-
nem aut similitudinem eorum, quæ in celo, & terra, &c. prout Tertullianum,
aliique veteres Patres credidisse certum est. Sed, cur quæso Remon-
strantes id non debuerunt omittere? Nisi forte, inquit, existiment cum
Vorstio suo, Deo etiam corpus adscribi posse. Quasi vero concedi non posset
Deum effingi posse, nisi etiam concedatur Deum corporeum esse; Pon-
tificii certe istud contendunt fieri posse, imo Deum sub variis speciebus
effingunt, quos tamen manifestum est constanter adseverare, Deum esse
incorporeum: Tum, quasi satis esset ad hoc, ut Deus effingi possit, quod
credatur corporeus esse: Hoc sane credi potest, & interim negari, Deum
effingi posse. Qui enim corporeum dicit Deum, non statim concedit for-
mam vel speciem corporis divini notam esse, ut pingi possit. Sed Re-
monstrantes Catechismum & catechisticam hanc consequentiam Docto-
ribus his Catecheticis relinquunt, certi abunde à se præceptum secun-
dum explicatum esse cum dixerunt, Nihil neque verum, neque fictum ne-
que creatum neque fabrefactum, neque vivum neque mortuum neque rationa-
le neque brutum admittendum esse, cui divinus honor deferatur. An simplici-
ter ac præcise vetitum sit secundo præcepto, Deum sub forma ulla, vel
qua ipse sese in visione repræsentavit, vel qua in Scripturis aliquando
per divinitatem describitur, vel qua designari Deus creditur, repræ-
sentare aut pingere, si absit cultus intentio aut periculum, id disceptari
vident in Scholis. Ac licet Remonstr. in partem negantem maxime incli-
nent, tamen, ut id in Confessione sua deciderent causam satis gravem se
habere in animum suum inducere non potuerunt. Et sane, si præcise ve-
ritum id credunt Censores, mirum quod non in domibus tantum suis, sed
in Ecclesiis templisque nonnullis (in quibusdam enim id non fieri observa-
re licet) imagines Dei ulla pictas adhuc tolerent: Praxis ista eorum do-
cet, eos vel Catechismo suo quotidie adhuc opus habere, ut infantes, vel
Catechismum suum susque deque habere, ut cibum quem adulti respuunt.*

De juramento
per Sanctos
aut alias crea-
turas,

In Sectione V. in qua de juramento agitur (quo consilio nescimus in-
quit) omittunt quæ in Catechismo habentur, de juramentis per sanctos aut
alias creaturas. Nempe, Catechismi Palatini instar per omnia se-
quendum fuerat. Quasi vero nisi ex Catechismo Palatino istud hau-
sissent

issent Remonstrantes, aliunde id habere non potuissent, aut quasi, quia de eo dubitabant, ideo ejus mentionem nullam fecissent? Nimis hoc vernile est; Mirum verò meritò alicui hic videatur, cur hic disputationes Episcopii non consuluerint, quas archetypas hujus Confessionis penè ubique faciunt. In istis enim disertè hæc verba leguntur, quæ hic omissa esse dicit Censor: Disput. 17. Thef. 3. *Qui itaque per sanctos, per Evangelia, aliave similia jurant, gravissime peccare nobis videntur*; Sed hic audio cæcutiit Censor. Verum enimverò, tantum abest ut hoc loco Remonstrantes studio istud de juramentis per sanctos, aut alias creaturas omiserint, ut id tanquam vanissimum, & apud Reformatos jam exoletum neglexerint. Patet id ex eo, quod nullius nisi unius ac solius Dei reverentem mentionem in juramento, quod licitum sit, aut quod Deus probet, faciendam esse, apertè satis declaraverint. Et qui possent sanctorum aut aliarum creaturarum mentionem in juramento admittere cum ex una parte certum apertumque sit Servatorem Matth. 5. juramenta omnia, quæ per calum, terram, aliasve creaturas meras fiunt, prohibere: ex altera verò parte, non minus certum sit sanctos mortuos testes vindicesque invocari non posse, eo ipso, quia mortui sunt, & non ignari tantum rerum istarum, quæ sub Sole geruntur, sed etiam viribus omnibus ad vindicandum perjurium destituti: Quare ut mentionem eorum facerent operæ pretium non putarunt. *Sed his etiam videntur*, inquit, *non habuisse in Magistrum suum Socinum ferre sententiam, cum non ignorarent, inter alia ejus dogmata, hoc haberi, sanctitatem & religionem, quæ in juramento sit, non necesse esse ut proficiscatur ab aliqua re sancta & religiosa, quæ in ipsa affirmatione, seu cum ipsa nominetur, sed satis esse ut talis affirmatio fuerit, quæ quis multò magis, quam si simplex ea esset, profiteatur, se non mentiri, nominando in ea aliquid, cujus ipse merito summam rationem habere debeat, &c.* O cæce, dicam, an perverse Doctor! Socini sententiam aut non intelligis, aut manifestariam vim ei facis: Nam Socinus cum istud, quod citat, affirmat, non significat eo ipso, quod juramenta ista, in quibus res aliqua nobis cara & nullo modo nobis spernenda aut vilipendenda, nominatur, etiamsi res sancta & religiosa non sit, sint juramenta Christianis licita, aut quæ Deus approbat. Nihil minus! Contrarium à Socino significatur in terminis pag. 127. cum ait: *Apud Hebræos quidem, quod attinet (N B) ad id, quod Deus approbaret, neque usus erat, neque legitur quod alius aliudve nominaretur in jurejurando, præter ipsum Deum, aut aliquid, quod tantumdem valeret. Quid ergo, inquires, vult Socinus? Tantum significat, istam speciem*

Mala Fidei
Censoris.

EXAMEN CENSURÆ

speciem & modum jurandi, quo quis multò magis quam simpliciter affirmat, se non mentiri, nominando non rem sanctam & religiosam, sed aliquid, cujus ipse merito summam rationem habere debeat, etiam ad juramentum in genere consideratum, (Nam is scopus Socini est, ut ex pag. 126. liquet) quod religiosa affirmatio dicitur, referendum esse, si usum & consuetudinem, non licitam, aut à Deo approbatam; sed receptam tantum inter varias gentes consideremus, uti ex pagina 127. manifestè patet, cum ait; *Apud alias gentes jusjurandum tunc esse censetur, cum nomen aliquod nominabatur, & usus etiam obtinuit, ut non nomen aliquod, sed quippiam aliud nominetur, ad quod Christus respexit, cum verat Iuramentum per caput nostrum, quod cum sit, tum certe nec nomen ullum nominatur, neque id quod tantundem valere nullo modo dici queat.* Hac Socini assertionem, quid verius certiusque esse potest? Mirum ni hic expallecat calumnia, & exanguis fiat.

Sectio octava inquit Censor, in eo tantum nobis suspecta est, quod non dicant sub parentum nomine comprehendi omnes qui tales sunt, puta Dominos, heros, Magistratus, Tutores, Curatores, &c. sed tantum posse ac solere comprehendi: Hoc enim satis non est ad ingenerandum erga tales personas, ex vi præcepti hujus, reverentiam. Quis non miretur tam subtilem & Seraphicam censuram? Cum enim Remonst. affirmant non posse tantum, sed solere etiam sub voce parentum comprehendi, Dominos, heros, Tutores, Magistratus, &c. non significant eo, quasi, id fieri possit si quis velit, & non possit si quis nolit; aut quasi, id ab interpretibus tantum fieri soleat; sed quod id jure aut rectè fieri possit & in Sacris Scripturis atque à Sacris Scriptoribus fieri soleat: Atque his vocibus uti maluerunt Remonstrantes quam phrasi ista, qua Catechismus Palatinus utitur, quod id Deus nobis præcepto isto injungat. Nam nullo invicto argumento evincet unquam Censor, Deum intentionem illam, cum præceptum istud daret, habuisse, aut ex vi præcepti istius, quoad intentionem divinam, istud necessario colligi. Neque enim unquam, cum de honore & reverentia Magistratibus, Dominis, aliisque exhibenda in Scripturis agitur, præceptum istud divinum adduci legimus veluti fundamentum, cui hortatio ad reverentiam iis exhibendam innitatur. Sufficit autem si ratio recta & analogia justa adferatur, quæ doceat præceptum istud ad istos tales etiam extendi posse: Si verò etiam addatur, id non rarè ita fieri solere, quid restat quod ad reverentiam erga personas istas ingenerandam facere possit?

Non

Sub parentum nomine Remonstrantes comprehensos etiam voluisse Dominos, Heros, Magistratus, Tutores, Curatores, &c. ostenditur.

Non satis etiam se explicant, inquit Censor, in pœnarum, quas Magistratus fontibus irrogare possunt aut debent declaratione, præsertim in capitali pœna & sanguinis effusione. Atqui tamen disertè affirmant Magistratum posse ac debere subditos suos fideles defendere ac tueri, etiam gladio, adversus omnem injustam vim: At hoc non sufficit, inquit Censor, ad Socinianum dogma præcavendum. Sanè inquam, si quis nuda voce gladii pugnare velit. Nam vox gladii quemlibet defensionis modum, etiam qui sine sanguine fit, significare potest, & solet aliquando in Sacris, sed non, si quis naturam rei velit perspicacius observare. Nam defensio contra injustam vim, quæ sine potestate effundendi sanguinem est, non est defensio, sed defensionis larva terrendis pueris. Actum est de autoritate publica, de salute subditorum, ubi jus necis eripitur Magistratibus; Pauci securæ evertendæ toti humanæ societati sufficerent. Atque hoc, etsi sic se habere credant Remonstrantes, maluerunt tamen generali voce gladii, quam suppliciorum capitalium, uti; quia, si qui aded tene-ræ, aut sic à teneris imbutæ conscientiæ sint, ut credant Christiano nulli, nā quidem Magistratum gerenti, licere sanguinem effundere, aut capitalibus suppliciis infantes animadvertere, eos libenter tolerare parati sunt, dummodò secus sentientes non damnent ut intolerabiles, & manifestè appareat eos, nulla alia causa adductos, ita sentire, quam quia ab animo suo contrarium impetrare non possunt, parati interim rationes vicissim dare & audire, sine caritatis ruptura aut fraternitatis renuntiatione. Quod interim sententiam talem Socinianam vocat Censor, id sanè perridiculum est: Nam certum est, complures multò ante natum Socinum fuisse, qui sententiam istam publicitus professi sunt, homines sane cæteroquin probos piosque, inter quos Waldenses & Albigenes, primos principesq; Reformatorum, adeoque ipsum etiam Lutherum fuisse in principio nonnulli adserunt; & incertum est an Socinus istam ipsam sententiā tenuerit. Sane si quis legat verba ejus quæ extant in Epistola Socini, quam ad Martinum Berzeviciū per Transylvaniam Cancellarium scripsit, causam dubitandi non levem se habere compertiet. Exstat autem Epistola ista in libro Epistolarum F. Socini pag. 683. 684. &c. verba hæc sunt: *Non ante in hominum conspectum me dare constitui, exq; his quasi lætebris, quas mea sponte jam dudum subii, prodire, quā certosciam maximum Stephanum Regem, quem mihi, post Deum meumq; Principem ac Dominum Franciscum magnum Etruriæ ducem, summa perpetuāq; veneratione colendum delegi, pro incredibili bonitate sapientiæque suæ, eam opinio-*

De capitali pœna & sanguinis effusione.

Vox gladii quo sensu à Remonstrantibus usurpata sit.

Dissentientes in hoc capite tolerandos putant Remonstrantes.

Sententia Socini de Magistratu desumpta ex Epistola ejus ad Martinum Berzeviciū Transylvaniæ Cancellarium.

N n

pinionem

EXAMEN CENSURÆ

pinionem deposuisse, quam per malevolorum, aut certè errantium hominum calumniam de me, ut audio, suscepit, quod librum scripserim, qui ad Magistratus auctoritatem convellendam ac labefactandam pertineat, quo nihil est, nec esse potest à veritate magis alienum. In eo siquidem libro (hunc enim isti sine dubio intelligunt) quo Iacobo Palaologo pro Racoviensibus respondetur, cujus me scriptorem fuisse nemini unquam negavi, nec de Magistratus auctoritate revera agitur, sed de Christianorum hominum privatorum officio, & tamen ea dicuntur, quæ ad eam quam maximè confirmandam pertinere possunt. Nec sanè quemquam esse hodie existimo, qui Magistratui plus tribuat, quam vel ego tribuo, vel in eo libro à me tributum fuit. Id mihi compertissimum est me plus illi, ex Sacrarum Literarum (ni fallor) sensu, deferre, quam vel iure gentium aut civili, vel etiam communi Theologorum sententia deferendum sit. Sed parum refert quid hac de re sit. Quod de Clariss. viro M. Episcopo subicit id vanissimum est. Tractatus ejus quem inscripsit, *An Christiano homini Magistratum gerere liceat*, in quo prolixè disputat Christiano Magistratum gerenti licere etiam capitalibus suppliciis uti, satis ipsum tuetur contra hanc criminationem, quam sola genuit suspicandi libido, & cavillatio nullo fundamento nixa fovit aluitque.

M. Episcopii
Tractatus,
An Christiano homini liceat gerere Magistratum.

IN CENSURAM CAPITIS XIII.

De directione & abnegatione nostri
ipforum, deque tolerantia
crucis Christi.

IN hoc Capite 13. nihil in specie censetur, sed generatim tantum hoc unum, Quod, cum Remonstrantes antecedenti Cap. explicarint omnes virtutes, quas ad Decalogum referendas judicant, Censor nescire se dicat, Quid sibi velint, quod hoc capite alia virtutum Christianarum genera proponant, quæ præter hæc (ut loquuntur) præcepta, Decalogo nimirum comprehensa requiri adferunt. Nisi fortè, inquit, ut cum Anabaptistis & Socinianis ostendant, se sentire legem Decalogi non esse perfectam vitæ Christianæ normam, sed Christum sub Evangelio perfectiorem vivendi regulam discipulis suis tradidisse. At I. Censura hæc non tam in Remonstr. eorumq; Conf. quàm in plerosq; Refor-

Ostenditur
Censurâ hanc
non in Remonstr.

Reformatos, ac nominatim in Calvinum ipsum, directa videri debet. Nam & hic in libris Institutionis suæ, postquam Decalogum & virtutes omnes Decalogo comprehensas explicaverat, prolixè nihilominus quinque integris capitibus lib. 3. à cap. 6. ad cap. usque 12. de vita hominis Christiani agit, ac speciatim de his ipsis Virtutibus, puta, de abnegatione nostri, de crucis tolerantia, de futura vitæ meditatione, de usu bonorum vitæ hujus, de quibus hoc capite etiam agunt Remonstrantes. In capite verò 7. ubi de abnegatione nostri agit, simili penè præfatione, qua hic Remonstrantes, utitur, cum ait, *Etsi optimam & aptissimè dispositam constituenda vitæ methodum habet Lex Domini, visum tamen est celesti magistro, accuratiorē etiamnum ratione ad ipsam, quam in Lege præscripserat, regulam suos formare.* Eat nunc Cenlor, & Calvinum suum cum Anabaptistis, & Socinianis sentire dicat, Legem Decalogi non esse perfectam vitæ Christianæ normam, sed Christum sub Evangelio perfectiorem vivendi regulam discipulis suis tradidisse. Dices fortasse, Calvinum, cum ista tractat, agnoscere interim *Legem Dei habere optimam & aptissimè dispositam constituenda vitæ methodum.* At nec istud in Confessione sua negant Remonstrantes. Et quis id neget, si ad præcepta legis referre velit, quicquid ad eam, sive per analogiam, sive per prolixam consequentiam referri aliquo modo potest? Deinde, cum hoc crediderit Calvinus, nihilominus tamen affirmat *celestem magistrum accuratiorē ratione suos formare ad regulam, quam in Lege præscripserat,* idque per horum, quæ hic tractantur à Remonstrantibus, præceptorum traditionem.

II. Censura hæc non inutilis tantum, sed admodum etiam est inepta. *Inutilis est,* quia, quid ad rem facit, sive Christianus credat Legem Decalogi perfectam vitæ Christianæ normam continere, sive id neget, & contra credat, Christum sub Evangelio perfectiorem vivendi regulam discipulis suis tradidisse? Nam, sive hoc, sive istud credat, secundum istam regulam ipsi vivendum est, quam Christus tradidit, sive ea sit perfectior vivendi regula, quam Lex tradit, sive non sit. *Inepta etiam est,* quia Lege Decalogi apertè tradi aliud quippiam, quam quod Deum & proximum spectat, manifestè falsum est: de nostri directione aut abnegatione, de crucis tolerantia, de bonorum ad vitam hanc usu, ne *per* quidem in ea est, nisi quatenus directio nostri refertur ad observationem præceptorum quatuor, quæ ad Deum, & sex, quæ ad proximum pertinent. *Atqui,* inquit Cenlor, *Dilectio Dei super omnia in ea traditur ac jubetur: Qui autem Deum supra omnia diligere tenetur, etiam se ipsum, ut*

strantes tantū,
sed in ipsa
Calvinum qua-
drare.

Ostenditur
Censurā hanc
inutilem simul
atque ineptam
esse.

EXAMEN CENSURÆ

Sub præcepto diligendi Dei supra omnia non necessario continetur, præceptum de directione nostri ipsorum quæ hoc capite describitur.

Redarguitur Censoris in-
clementia &
confidentia in
damnando.

Deo obediat, virtute hujus dilectionis tenetur abnegare, & qui Deum ejusque obedientiam supra omnia diligit, etiam ad non diligendum mundum ejusque cupiditates satis obstringitur. Mira sanè & prolixa collectio. Sic quidlibet ex quolibet quis deduxerit, per consequentiarum infinitas & pro arbitrio concatenatas trochleas. Dilectio Dei, quæ Lege Decalogi jubetur, non est nisi observatio mandatorum istorum, quæ Lege ista expressa sunt, & Deum solum spectant. Ista itaque præcepta supra alia omnia ex animo præstare aut observare, est Deum supra alia omnia diligere. Id Deus ipse & Servator noster non obscure indicant, cum dilectioni istius, qua Deus diligi jubetur ex toto corde, tota anima, &c. conjungunt dilectionem proximi, quem nos diligere jubent ut nos ipsos, proinde infra Deum. Quare si quis ex eo, quod Lex Deum diligere jubet supra omnia, per Logicam & Scholarem quandam rationationem colligere velit, ergo Lex etiam, ex vi istius præceptionis, jubet ut mundum ejusque cupiditates non diligamus, ut crucem toleremus, is profectò ineptissimè fecerit. Nam præceptionis istius vis & summa continetur præceptis istis, quæ Deum solum spectant. Alioquin enim cur adderetur, & diliges proximum tuum, sicut te ipsum? Nam & hoc ex vi ejusdem præceptionis concludi posset. Unde efficitur, sub ista præceptione, qua Deus diligi jubetur supra omnia in Lege Decalogi, non necessario contineri præcepta, quæ vel nos, vel proximum nostrum spectant. Proinde videndum esse quid præcepta ista, quæ Deum spectant, in se contineant, & quousque per evidentem consequentiam extendi possint, alioquin in infinitum ibitur, & nusquam consistetur. Quid ergo? inquit Censor, Lex nobis non vetuerit, mundum diligere & cupiditates ejus? non prohibuerit nobis avaritiam, immunditiam & carnis concupiscentiam? non præscripserit nobis crucis tolerantiam? Qui ita censet, nescio utrum inter Christianos sit habendus. Prompta spongia est. Quasi verò res Græciæ in eo sitæ sint, si Christianus id neget, & interim à Christo severissimè verita esse credat, ea omnia quæ Lege vetari dicuntur. An propter istam opinionem ex albo Christianorum expungendus statim est? Tum, quid si quis id credat, & simul credat vitia ista aliis, quamquam quæ Decalogo continentur, præceptis vetita olim fuisse? An hoc tantum crimen foret, & non nisi lustralibus aquis piandum? promptos excommunicatores! Remonstrantes quod attinet, ii nihil dubitant, quin vitia illa omnia, quæ ferè cum læsione proximi aliqua sunt conjuncta, qualia sunt avaritia, ambitio, concupiscentia carnis, Lege vetita censeri debeant: Ea autem, quæ

quæ sine ulla proximi læsione aut mandatorum istorum, quæ Deum spectant, transgressione esse possunt in nobis, qualia fere sunt ea, quæ nostri amorem & crucis declinationem spectant, Lege Decalogi, qua dilectio Dei & proximi summatim continetur, verita non esse: Eadem tamen aliis legibus, quæ sub V. fœdere viguerunt, verita esse nihil prohibet. Sed id hic jam non agunt Remonstr. Hoc tantum asserunt, perperam colligi à Cenfore, idcirco censendum esse, quod Lex vetuerit ista omnia, quia Deum diligere jubet supra omnia. Qui sic colligit, nescio utrum inter sanos sit habendus. Cætera jam antea sæpius sunt ventilata. Actum non agemus. Interim hoc notandum sedulo hic venit, quod Cenfor admodum solícite, tum hic, tum alibi sæpius, id cautum velit, ne Christus Dominus noster credatur Legislator, aut Evangelium ejus credatur Lex esse, quæ opera ulla sancta, instar Legis alicujus, præscribat ac jubeat. Quid sibi velit, haud difficile est conjicere, quamquam sententiam suam adeo solícite tegit, ut vix appareat, quo tendat. Nempe, Evangelium non vult, ex intentione divina ultima, Legis instar, quicquam præscribere, sed tantum indicare ac promittere, quid Deus velit efficere in iis, qui nominatim electi sunt ad vitam æternam, & quid in cæteris efficere nolit. Præcepta itaque omnia, quæ in Evangelio extant, per modum præceptorum quidem tradita esse, sed tamen præcepta proprie dicta non esse respectu eorum, qui electi sunt, sed mera promissa. Fidem enim, quæ Evangelii præceptum primum est, promitti potius, quam præcipi. Cætera vero opera in fidelibus per Spiritum Dei sic effici, ut nec plus nec minus operari possint, quam Deus in ipsis efficit, & quidem ea vi, cui resisti ab iis non potest. Huc redit hæc solícita Cenforis cautio, quam non dissimulant alii, cum diserte ajunt, *Nullum præceptum Evangelio proprie tradi, Legis esse præcipere, Sola promissa ad Evangelium, qua tale, pertinere.* Quæ sententia, uti ex absolutæ Prædestinationis maligna opinione ortum habet, & necessario consequitur, ita valde periculosa est & noxia. Vix credo periculosiorem aliquam concipi posse. Quid enim est universam vim præceptionum Evangelicarum simul ac semel eversum ire, & præcepta in promissa, totumque adeo hominis officium, in puras putas Dei actiones transformare, si hoc non est? Quis sensus erit enunciationum istarum, *Si credideris, dabo tibi vitam æternam: Si remiseritis alii aliis offensas, remittet quoque vobis Pater vester omnia peccata vestra*, si fides, si caritas inter illas actiones referuntur, quas Deus promittit & quas ipse solus in nobis sine nobis efficit? Ridi-

Pestilens doctrina Cenforum, quam ubique in hac Censura inculcatam voluerunt.

Christum no-
væ Legisla-
torem esse & ju-
re sic vocari
ostenditur.

EXAMEN CENSURÆ

cula sane hæc Theologia est, & quæ non potest sapere, nisi quibus mens læva est. Quid vero etiam est, quod clarius, disertiusque in Euangelio traditur, quam Christum Legislatorem nostrum esse? An non ipse passim dicit; *Hoc est mandatum meum: Mandatum novum do vobis: Vos discipuli mei eritis, si feceritis quaecunque ego mandavi vobis: Audistis dictum fuisse Veteribus: Ego vero dico vobis?* An non ipse mandata sua sancit promissionibus præmiorum & poenarum comminationibus? Et quid aliud quæso est Legislatorem esse? Adde: An non iudicium peragendum dicitur *secundum ejus Evangelium?* an non ipse iudex erit & iudicem se futurum affirmat eorum, qui vel Euangelio obediverunt, vel ei obedire detrectaverunt? Certe hoc plus est quam Legislatorem esse. Quod si quis velit huc adducere omnia ea loca, quibus Dominus Iesus cum Euangelio suo confertur Moysi, imo ei longe præfertur in legislationis dignitate, ut Act. 7. Hebr. 2. 1. 2. 3. & 3. c. v. 5. 6. aliaque similia plura, is facile intellegit, nihil insulsius unquam excogitari posse, quam quod Censor adeo solícite negandum putat, Christum, videlicet, N. Fœderis, seu Novæ Legislatorem esse. Sed ex Prædestinatione fatali, veluti ex Lerna quadam, omnia hæc perversa placita oriuntur, atque oriri necesse est: ubique indicia non obscura videre est, unde patet ex isto fonte Censuras plerasque & acerrimas imprimis manare.

IN CENSURAM CAPITIS XIV.

De Precatione & Gratiarum actione, & speciatim de oratione Dominica.

Quæ hoc Capite censentur, ea pauca sunt, & quæ maximam partem dependent à quæstione de Prædestinatione, quæ per totam hanc Censuram pene utramque paginam facit. Nos ea libabimus. Non enim tam censet Censor, quam quærit, ut habeat quod censere possit. *Necesse est, inquit, ut Remonstrantes in iis se clarius explicent, si pro orthodoxis haberi velint.* Audiamus ergo quæsitorem. *Querimus, inquit, quid sibi velint, cum dicunt, ideo precationem fidelibus esse necessariam, quia ipsa hominum fidelium vita, & præsertim ipsa fidei obedientia, &c. non paucis necessitatibus obnoxia est; cur fidem ipsam*

sam omittunt, & solam fidei obedientiam his necessitatibus & assultibus expo-
fitam referunt? Bone Deus, quam imperite! Fidei obedientia hic non
 modo non significat obedientiam, quatenus à fide distincta est, sed præ-
 cipue ipsam fidem, quæ obedientia fidei dicitur, quia præstatur Legi
 fidei, Rom. 3. 27, & obedientiam, quatenus ex fide fit & sine fide fieri
 non potest: quod ex ipsis verbis Remonstrantium colligere Censor de-
 buerat, ac potuerat. Nam universam hominum fidelium vitam & præ-
 sertim ipsam fidei obedientiam, dicunt expositam & obnoxiam esse variis
 periculis, tentationibus & assultibus. Mirum autem cur id non aliunde
 etiam collegerit. Nam Remonstrantibus antea attribuit, quod solam
 fidem liberam faciant, obedientiam autem plane necessariam. Hoc si ita
 est, an ergo obedientiam periculis expositam esse & assultibus obnoxiam
 dixissent, non autem fidem? Contra dicere debuissent. Et ita est. Fides
 ipsa præcipue & ante omnia impetitur à Satana. Ita arce salva, omnia
 constant. Fidei quassata, cætera facile nutant ac vacillant: Fidei vis magna
 est, nec tam facile est credere, ut quidam somniant. Magno conamine
 opus est, ut Deo & Christo firma fide adhæreas, ut credas quod non vi-
 des, imo ut videre nolis, sed credere: Levi momento impellitur animus,
 in hoc carnis paradiso, & sensuum diverforio. Hinc vigili cura & assidua
 precatatione opus est, ut in credendo perseveret. Atque hæc Remonstran-
 tium mens etiam est in secundo membro, cum dicunt, *se unius Dei auxi-*
lio & gratuito beneficio præstare posse, imo re ipsa præstare, quæcunque ad obti-
nendum felicitatem, factu aut præstitum sunt necessaria. Inter ea enim, quæ
 factu aut præstitum necessaria sunt, fides principè locum tenet. Hæc enim
 primo & ante alia omnia, nedum minus quam alia omnia, mandatur no-
 bis. Quod autem nobis mandatur, id præstare ac facere nostrum est.
 Hinc fides dicitur *opus Dei*, Joan. 6. 29. & credere, *operari opera Dei*,
 ibid. *Operari non cibum qui perit, sed qui permanet*, vers. 27.
 Sed quomodo, queso, inquit, Remonstrantes hic adserunt, se per im-
 plicationem divini auxilii agnoscere, quod Deo tanquam summo & pri-
 mo auctori universam felicitatem suam debeant, qui eam magna ex parte
 libero suo arbitrio deberi volunt, &c. ? Quasi vero libero suo arbitrio
 quicquam deberi, nedum maximam partem deberi possit credere,
 qui Deo, ut summo & primo auctori, universa quæ habet, accepta
 referre debet. Id sane tantundem est, atque si quis de mendico om-
 nium rerum egeno dicat, eum Regi ac Principi, à quo ditatus & lo-
 cupletatus est, non debere universam felicitatem istam suam, sed
 magna

Redarguitur
 Censoris inad-
 vertentia, quod
 Fidei obedien-
 tiam contra-
 distincte ab
 ipsa Fide in
 declaratione
 positam credi-
 derit.

Fides præci-
 pue variis Sa-
 tanæ assulti-
 bus exposita
 est.

Liberum arbi-
 trium non im-
 pediat, quo mi-
 nus Deus, pri-
 mus & solus
 auctor sit, uni-
 versæ nostræ
 felicitatis.

EXAMEN CENSURÆ

magna ex parte sibi ipsi, quia libero arbitrio divitias illas è manu Regis accepit, cum eas potuisset adspernari ac respuere. Apagesis tam manifestas ineptias, quæ idcirco in hac materia videri debent majores, quia Deus felicitatis omnis, quæ in homine est, autor, ipsi homini serid & cum promissione ac comminatione præcipit, ut felicitate ista se non præstet indignum, & quæ offeruntur dona non respuat. Deinde, cum hic de imploratione divini auxilii agitur, non agitur utique de imploratione primi istius auxilii, quo fides primum in homine efficitur, sed de imploratione auxilii, quo is, qui jam credit, opus habet, in periculis imprimis & gravibus tentationibus. Quare, quæ de sententia Remonstrantium, quod attinet primam fidei ingenerationem, hic prolixè disseruntur, ea sunt extra oleas, & suis locis examinabuntur. Id tantum hic libet annotare, Nihil inanius adferri posse ad probandum, quod homo Deo, ut summo & primo authori, universam felicitatem suam non debeat, si libero arbitrio dona Dei dicatur recipere aut respuere, *quia alioquin se ipsum discriminaret*; quod tamen argumentum penè Herculeum creditur, & ubique in Scriptis Calvinianorum proram penè & puppim facit. Nam quid in eo positum est, quod homo dicatur *discriminare* se ipsum? Nihil verius. Qui Deo præcipienti fidem habet, is discriminat se ab eo, qui Deo præcipienti fidem habere non vult, & contra. Fieri aliter non potest. Et Deus ipse id indicat, cum *laudem & gloriam* istis tribuit, his verò *ignominiam & infamiam aeternam* vult inurere: cum istos *gloriationem in seipsis habere* asserit, hos verò *se indignos judicare vitam aeternam, & consilium Dei contra se aspernari*. Discriminatio tamen hæc non est causa, nedum adæquata felicitatis causa nisi ex hypothesi. I. Divinæ gratiosæ voluntatis, qua decrevit ut peccatores seipsos ita discriminantes à peccatis ad sanctimoniam, felicitatis participes fiant. II. Ex Hypothesi divinæ operationis, tum prævenientis, tum adjuvantis, citra quam discriminare seipsum peccator nullo modo posset. Quæ duo sufficiunt ad hoc, ut homo discriminationem istam suam Deo, ut summo & primo, etsi non unico & solitario authori, acceptam ferre debeat. Locus, qui ex 1. Cor. 4. 7. contra hanc sententiam adferri solet, *Quis enim te discernit?* alienissimus est ab eo, de quo hic agitur: In eo enim de gratis gratis datis, ut loquuntur, agi, clarius est quam ut probari oporteat. Non enim comparat ibi Apostolus fideles cum infidelibus, sed fideles inter se, quia unus adversus alium inflabatur, ut potioribus donis instructus, sive intelligentiæ Scripturarum, sive Prophetiæ, sive linguarum

Refellitur ob-
jectio à Cento-
re mota, quod
homo discrimi-
naret seip-
sum, si libero
arbitrio dona
Dei acciperet
aut respueret.

Ostenditur
locum ex 1.
Cor. 4. 7. per-
peram tollere
allegari à va-
riis.

guarum, siue discretionis Spirituum, &c. siue quod unus esset melioris Apostoli & Magistri discipulus, quam alius, &c. Et ratio manifesta est, quia Apostolus hic non permittit homini gloriationem, cum alibi diserte eam permittat, ubi de discretionem, quæ per bona opera fit, agitur: Gal. 6.4. Deinde, posito etiam in loco isto agi de gratiis gratum facientibus, siue de discretionem inter credentem & non credentem, nihil aliud inde sequeretur, quam credentem, cum credit & libero quidem arbitrio suo, cum potuisset velle non credere, non propterea tamen seipsum discernere à non credente, ita ut gloriari contra non credentem jure possit, eo quod non propriis suis viribus, nec proprio suo instinctu credit, sed indebito prorsus favore & gratia divina præventus, quod etiam libenter agnoscunt Remonstrantes. Sed non hærebo in hujus loci examine, quia eum Cenfor hic non citavit, quod facere sanè, aut saltem alium locum adducere debuisset, ut consequentiæ suæ vim adstrueret.

Falsum etiam est, inquit, quod dicunt se unius Dei auxilio non modo posse præstare (hoc transeat) sed etiam reipsa præstare, quacunque ad felicitatem præstitum sunt necessaria; nam nullam actionem gratiæ in voluntate agnoscunt, quæ ipsam ad bonum spirituale præstandum determinet. Quasi verò auxilium Dei, quo fit ut regeniti reipsa præstent bonum spirituale, dari non possit, nisi sit determinans. Tantum abest, ut id verum sit, ut ne quidem auxilium sit, quod vi sua determinat voluntatem. Auxilium determinans voluntatem, oppositum dicit in opposito. Determinatio voluntatis, est libertatis ejus destructio. Auxilium morale, verum est auxilium & quod solum voluntati liberæ, ut auxilium, dari potest. Quare, qui præter potentiam credendi, auxilium insuper morale (quo-

Quæcunque ad sollicitatem præstitum sunt necessaria, ea divino auxilio accepta referenda esse docent Remonstrantes.

Auxilium divinum quod à Deo Fideles petunt, non est, notum tantum est, potentia & propensio libera ad agendum,

O o

potest,

EXAMEN CENSURÆ

Cam fideles
precantur, San-
ctificetur no-
men tuum, non
orant pro auxi-
lio determi-
nante,

Perperam
allegatum esse
locum ex Psal.
119. 36. à Cen-
sore ostendi-
tur,

potest, ut causas habeat gravissimas, cur in actu fidei, quo jam imbuta est, perseverare velit, contra omnia blandimenta & delinamenta mundi ac carnis. An Deus aliquando non subministret piis, in magna tentatione positis & obnixè precationi instantibus, auxilium majus aliquod, & (voce auxilii improprie sumtâ) determinans voluntatem eorum, nec asserere nec negare audent Remonstrantes. Ordinariè quidem id fieri negant: Extraordinaria secreta sunt Deo nostro. At hic quærit Censor, *quum rogamus sanctificetur nomē tuum, adveniat regnum tuum, fiat voluntas tua, &c.* an non rogamus ut Deus voluntatem nostram ad hac ipsa promovenda aut præstanda determinet, quæ sub his precationibus continentur? At hoc non est disputare, sed quærere. Probandum hoc erat. Tum mirum merito alicui videatur, quomodo id quærere audeat Censor. Nam contrarium non obscurè ratio ipsi sua dictare debebat. Etenim, si cum oratur Deus ista ratione, tum orari eum credit pro auxilio determinante, statuendum ei necessariò est, Christum Dominum jussisse fidelibus omnibus orare Patrem, ut voluntatem non modò nostram, sed omnium omninò hominum determinet ad sanctificandum nomen ejus & ad faciendum voluntatem ejus, non minus promtè & alacriter, quam Angeli eam faciunt in calo. Verba sunt Catecheseos Quæst. 124. sive Dominica 49. *Da ut nos, & omnes homines, &c.* Hoc autem Christum jussisse, quomodo credere potest Censor, cum credat Christum optimè scivisse consilium Dei, quæle ipse cum suis statuit, de reprobanda maxima generis humani parte ab omni gloriæ & gratiæ salutaris spe? Deinde, quomodo credere potest fideles, quos idem illud de reprobatione credere & pro vero habere statuit, Deum seridè rogare debere, imò quotidie rogare ut isto auxilio determinante dignari velit omnes homines? Sciunt Deum hoc nolle facere, ac proinde se nunquam exauditum iri, cum sic orant. Profectò, nec Dei sapientiam decet præcipere, nec fideles decet concipere tam insulsum orationem. Simili incommodo laborat exemplum Davidis, quod adfert Censor, cum David orat Psal. 119. 36. *Flecte animum meum ad statuta tua.* Nam si dicat Censor, Davidem ista oratione petiisse à Deo auxilium, ut vocat, determinans, tum necesse est, ut dicat, eundem Davidem petiisse eadem illa oratione, ne Deus determinaret voluntatem ejus ad malum, puta, ad avaritiam. Sic enim habet integer textus, quem callidè Censor truncatum attulit, *Inclina cor meum ad testimonia tua, & non ad avaritiam.* Hoc si nolit Censor Davidem petiisse, ne Deum faciat autorè peccati eodem modo, quo author est boni, penè cogitur

gitur fateri hanc Davidis orationem contrario sensu interpretandam esse. Eadem est ratio loci ex 1. Reg. 8. 57. desumpti. Nam in eo non tam continetur precatio, quam votum, quod Salomon post absolutam precationem facit pro populo: aut, si precationem eo contineri velimus, non tamen dicitur id, quod Censor Salomonem dicentem facit. Non enim dicitur in textu, *Sit Iehova Deus noster nobiscum, &c. inclinando animum nostrum ad se*, prout verba citat Censor, sed *ad faciendum inclinare animum nostrum*, quod significare potest finem non effectum divinæ beneficentiæ, uti Vatablus, Pagninus, alique textum hunc exponunt. Imo etiam si in textu legeretur, uti verba textus citat Censor, nihil tamen inde pro sententia sua efficeret, quia inclinationis modus, de quo hic proprie agitur, non exponitur à Rege Salomone. Non enim statim determinando voluntatem inclinat, quisquis voluntatem inclinat. Imo modus iste determinandi voluntatem, non obscure redarguitur à Salomone ipso in præcedente, quam pro populo fecit, oratione, cum dicit vers. 46. 47. &c. *Si peccaverint tibi, & iratus fueris contra eos, tradiderisque eos coram inimicis, iique captivos duxerint eos in terram inimici longinquam vel propinquā: &c. Et reversi fuerint ad cor suum in terra, in quam captivi ducti fuerint, &c.* Nam eo significat fieri posse, ut populus averfus à Deo & captivus ductus ob peccata sua, captivitatis tædio ac dolore inclinetur à Deo ad resipiscentiam. Quod si vero etiam addatur vers. 39. apparebit Salomonem indicare, fieri posse, ut illa ipsa re, sive occasione, qua movetur hic ad resipiscendum, sive qua huius cor inclinatur ad timendum Deum, alius non moveatur, atque ita Deus moveatur ad dandum unicuique secundum vias suas. Quod non obscurum indicium est, modum inclinationis, de quo Salomon agit, non esse determinationem voluntatis, qualem Censor hic urget. Sensus autem horum verborum Salomonis per se clarus est hic; Deus benefaciat populo huic, sicut benefecit Patribus nostris, ut ab istis beneficiis causam habeat, cur Deo suo indivulso adhærere & præcepta ac statuta ejus perpetuo ob oculo habere & custodire ultro ac libenter velit. Beneficiis enim adjunguntur animi, & corda inclinantur ad spontaneum obsequium. *At nemo fidelium*, inquit Censor, *hac mente unquam vota apud Deum concepit.* Audax assertio, & quæ Censoribus his perquam familiaris est. Fideles omnes ex suo ingenio atque animo æstimant. Alioquin unde id Censoribus constat, quod nemo fidelium unquam hac mente vota apud Deum concepit? De sua mente certi esse possunt; at de mente Fidelis ullius, nedum

Idem ostenditur in citatione loci 1. Reg. 8. 57.

EXAMEN CENSURÆ

Fidelium omnium, ut certi aliquid statuunt, impossibile est. Quare, temeritas hæc videri debet castigatione potius digna, quam refutatione. Alterutrum ex ea sequitur, aut falsum esse quod hic dicit Censor, aut eos omnes, quotquot vota concipiunt ista mente, fideles non esse, adeoque, uti statim subjicit, sacrilegos. Atque hic temeritatis hujus apex & terminus est.

Quomodo distinguantur
Secundum voluntatem Dei
precari, & recte dispositum
esse ad precandum vel in
precando.

In secunda sectione censetur, quod Remonstrantes præter conditionem hanc, ut preces fiant secundum Dei voluntatem, etiam volunt ut accedat debita precantium dispositio, ac si nimirum debita precantium dispositio sub precatione secundum Dei voluntatem non comprehendatur. Perperam. Ad locum 1. Joh. 5. respicitur in confessione. Aliud autem ibi est, secundum voluntatem Dei precari, aliud recte dispositum esse eum, qui precatur. Ratio manifesta est. Nam Iohannes de iis, qui jam credunt & recte dispositi sunt, cum precantur, affirmat, quod impetraturi sint omne id, quod à Deo secundum voluntatem ejus petunt: quasi dicat, præter istam debitam dispositionem necesse est ut accedat hoc etiam, ut, quod petitur, sit secundum Voluntatem Dei. Et sane, ut quis certo exaudiatur, non est satis, ut, cum orat, debite in orando dispositus sit, sed requiritur insuper, ut voluntas Dei non obstet, quominus exaudiatur, sive ut id, quod petit, non repugnet Dei Voluntati, id est, non sit tale quid, quod Deus, vel jam ante constituit aut decrevit non dare, vel quod consultum non judicat tum dare, cum petitur, propter causas, quas ipse solus novit, aut quæ precantibus ignotæ sunt. Sic precari quis potest scientiam rerum quarundam spiritualium pro se, aut pro aliis, & tamen, etiamsi rectissime sit dispositus, non exaudiri à Deo, quia Deo visum non est, vel quia Deus non vult eam dare, sive quia peccata quorundam visitare decrevit, sive quia precantes ipsos probare & explorare vult, sive aliis de causis. Si quis tamen velit sub precatione quæ secundum Dei Voluntatem est debitam precantis dispositionem comprehendere posse, is fruatur judicio suo. Remonstrantes aliter censent, & natura rei, ut id non fiat, omnino postulat. Sed majus est, inquit Censor, quod dispositiones suas ex libero arbitrio profectas respiciunt, & cum Phariseo Luc. 16.9. propriam iustitiam, non solius Christi per fidem apprehensi, hic coram Deo adferendam sentiant. Hæc acris, sed inanis est calumnia, quæ se ipsam redarguit. Eo ipso enim, quod dispositiones in precante necessarias esse statuit Censor, & inter illas ipsas dispositiones fidem etiam requirit, qua Christus apprehenditur, quæ sine dubio actio hominis est, quæ ab homine libera.

libera voluntate, Deo mandanti & præcipienti præstatur, amplius ali-
quid quam iustitiam Christi coram Deo adferendam esse à precantibus,
concedat, necesse est. Et cum fiduciam firmam, de gratia Dei per Chri-
stum parta, inter dispositiones ipsas quoque referant Remonstrantes, quid
est cur Censor ab iis negari dicat iustitiam solius Christi per fidem ap-
prehensi coram Deo adferendam esse? *At hoc ambiguum est*, inquit
Censor, *quum gratia Dei per Christum parta à Socino intelligatur de pote-
state sola, quam Christus accepit, ut ipsum debuit invocantes ei que obediētes
exaudiat.* Quid hoc ad Remonstrantes? Ne mica quidem hujus opi-
nionis in tota confessione est, imò ex cap. de Persona & Officio Christi
manifestum est, Remonstrantes de gratia Dei per Christum parta, lon-
gè aliter quam Socinum sentire ac loqui. Sed hoc non est, quod Censo-
rem malè habet. Aliud est. Gratiam Dei per Christum partam non vo-
lunt Remonstrantes pertinere ad paucos quosdam, nominatim & abso-
lutè ad vitam æternam electos, exclusis cæteris aliis omnibus; sed ad
omnes indiscriminatim: Hoc eum malè habet, & tamen ex eo ipso
constat, quanto rectius saniusque de merito Christi Remonstrantes sen-
tiant, quam hic Censor cum suis Calvinistis. Quod autem *meritum Chri-
sti fide apprehensum*, siue fiduciam illam, qua iustitia ac meritum Christi
apprehenditur, idcirco in precantibus prærequirit, quia persona nostra per fidem
in Christum Deo placere debent, priusquam eum rectè possimus invocare,
id uti non negant Remonstrantes, ita non vident quomodo consentaneè
à Censore dici possit. Nam personas à Deo electas Deo placere ante-
quam Christus gratiam iis meruerit, pro certissimo habet. Christum
etiam satisfecisse & satisfactionem Christi à Patre acceptatam esse loco
earum, priusquam crederent, adeoque credere possent, firma fide sta-
tuit. Quid itaque est fides illa, per quam personas istas Deo placere cre-
dit? & quid facit fides illa in personis istis, ut Deo placeant, quæ jam
primò per electionis beneficium in summo gradu placent Deo, & deinde
per meritum Christi in gratiam cum Deo reductæ esse creduntur? Si
consequenter loqui velit, certè fides illa non facit ut personæ tales Deo
placeant, sed ad summum, ut personæ istæ se Deo placere intelligant ac
sentiant. Quomodo verò hæc fides, imprimis cum eam Censor à Deo
solo in homine sine homine effici velit, ita ut, cum fides in nobis effi-
tur, patiamur potius, quam agamus propriè, uti pag. 285. disertè dici-
tur, inter condiciones, quas Deus ab homine requirit, ut ab eo rectè in-
vocetur, referri possit, sano cuilibet considerandum relinquimus. Non

A precantibus
amplius ali-
quid quam ju-
stitia Christi
coram Deo
adferenda est.

Consentaneè
suis principiis
non loquitur
Censor, cum
dicit meritum
Christi, fide
apprehensum
idcirco in pre-
cantibus re-
quiri, quia
persona no-
stra per fidem
in Christum
Deo placere
debet, prius-
quàm eum rectè
possimus invo-
care.

EXAMEN CENSURÆ

monstruosa tantum, sed & fatua pene hujusmodi placita videri debent. Et hæc omnia soboles sunt impuræ istius Calvinianæ Prædestinationis, quam Censores hi ubique velis remisque propugnant.

Defenduntur
verba Decla-
rationis, qui-
bus asseritur,
Deum in ipsis
dumtaxat alti-
ssimis cælis
glorioso habi-
tare.

Sectione quarta verba Orationis Dominicæ, *Qui es in cælis*, exposue-
runt Remonstrantes per hæc, *Qui in ipsis dumtaxat altissimis cælis gloriose
habitat. His verbis*, inquit Censor, *palliatur procul dubio hæresis Vorstiana,
&c.* Itane? & quidem procul dubio? ò impudentiam! Christum ipsum, si
auderet, procul omni dubio ejusdem hæreseos, ut vocat, Vorstianæ infu-
mularet Censor, quod dixerit, *Pater noster qui es in cælis*. An ergo hære-
sis est dicere Deum gloriose in cælis dumtaxat altissimis habitare? Hære-
tici ergo sunt quotquot unquam fuerunt Theologi, verumque erit,
Deum non habitare tantum, sed gloriose etiam habitare, non modo in
cælis altissimis, sed etiam in inferno, idolis, diabolis & cloacis. Cælum
itaque tandem in inferno erit, & infernus in cælo. *At vox gloriose hic
inserta est*, inquit, *ut velum aliquod obducatur blasphemia, qua negatur Deum
extra cælum sua essentia ubique præsentem esse.* Profecto gnaviter impuden-
tem esse oportet eum, qui semel pudoris limitem transiit. Veritas ita-
que manifesta, velum erit non erroris tantum, sed & blasphemiae. Si mi-
cam aliquam pudoris habuisset Censor, contrarium potius conclusisset,
idcirco verbo *habitandi* & voce *gloriose* usos fuisse Remonstrantes, ne oc-
casionem cuiquam darent suspicandi, quasi errori aut blasphemiae isti, ut
vocat, adsentirentur, & ut verba Christi, quæ sine dubio sensum istum,
quem adsignat Confessio, habent, ex mente omnium, quotquot sunt, in-
terpretum, clare exponerent. Hoc sane æquissimum fuerat. Sed æquum
an iniquum aliquid sit, susque deque habet Censor, dummodo Remon-
strantes suspicionis alicujus stigmate inurat.

In precatone
Sanctificetur
nomen tuum,
an vox Tuam,
ad personam
Patris solam
restringatur.

Simile est quod subjicit Censor, quod videlicet Remonstrantes pa-
ragrapho sexto ad explicationem primæ petitionis, *Sanctificetur nomen
tuum, vocem Tuam, ad personam solam Patris restringant.* Quomodo
enim aliter potuissent, nisi precatationis Dominicæ verba violenter
detorquere, & ad hypothesin suam inflectere voluissent? Filius ip-
se Dei ad Patrem suum & nostrum dirigere nos jubet orationem
nostram: Idem faciunt Remonstrantes: An vox Patris essentialiter
hic accipiat, an personaliter, non inquirunt: Quæstionem illam
inter difficiles & nimis abstrusas disquisitiones ponunt, quæ auda-
cius à multis deciduntur, quam aut tuto asseruntur aut solide pro-
bantur. Ad simplicitatem redeundum est, aut in difficilibus conse-
nescendum,

nescendum. Nunquam finis erit, nec modestia contentionis. Et tua illa, Cenfor, non dico Cōfessio, quæ hujus rei ne *γὲρ* quidem habet, sed quam toties crepas, Catechesis, ostende ubi, quibus verbis istam vocem *Patriæ* ad Filium & Spiritum S. extendat.

Paragrapho septimo inquit, *Adventum regni Dei exponunt de vera ac plena Christiana Religione notitia, &c. omissa Spiritus S. in hoc toto negotio, operatione, quam Catechesis nostra ex Dei verbo ei adjungit, &c.* Quasi vero necesse sit semper Spiritus S. mentionem facere, cum de Christianæ Religionis plena ac vera notitia agitur, aut dubitare quisquam possit, an cum Spiritus S. mentio non fit, operatio Spiritus S. ad notitiam istam consequendam necessaria non esse credatur. Nemo tam parum versatus est in religione Christi, qui de ea re dubitet, nedum qui eam neget. De modo operationis Spiritus S. inter eos controvertitur quidem, at de operatione ejus consensus universalis est. Remonstrantes quod attinet, ii diserte vocationem effici & perfici dicunt *per predicationem Evangelii, & ei adjunctam virtutem Spiritus S. cap. 17. parag. 2.* Sed apparet Cenforem hunc rudem esse rerum nostrarum, & Catecheticæ sive infantilis suæ doctrinæ retinentissimum Doctorem. In iis, quæ censet, bonus vir, Catechesis Palatina Lydius lapis est, ad quem probat sectiones & paragraphos pene omnes. Nempe Catechesis Palatina Doctori Academico Apellis pictura est: ex omni parte absoluta & perfecta est: Pueri, qui eam tenent, Theologi sunt, quibus nihil deest. Quare, aut cum ea loquendum fuerat Remonstrantibus, aut silendum. Id risu ubique dignum est.

Inepta Censura.
12.

Quæ paragrapho decimo, inquit, annotant Remonstrantes ad precationem quintam, *Remitte nobis debita nostra, ea à Catechesi quoque nostra (en jecur Cenforis) non parum recedunt.* Mire non tantum amat, sed deperit Catechesin suam Cenfor hic, quam puer forte didicit. Fruatur pupa sua, an pupula dicam, per nos id quidem ei licet. Sed & non possunt non esse suspecta pio Lectori, inquit. Cur? Nam cum Catechesis sanguinem Christi, propter quem peccata non imputentur, exprimat, illi gratiose in Christo ea condonari volunt. Eheu! an non crimen læsæ Majestatis est istud Catecheticum omisisse? Pudet dicam, an poenitet? An itaque falsum est quod dicunt Remonstrantes? imò, an non eundem sensum, non dico, habere possunt, sed reipsa habent etiam hæc verba Remonstrantium? Sane, inquit Cenfor, veruntamen etsi orthodoxum sensum habere possunt, nihilominus quantum Socinianis faveant, quilibet facile videt. Itane? Orthodoxus

Inepta Censura
& ridicula.

EXAMEN CENSURÆ

doxus ergo sensus Socinianis favere potest? Mirum: *Verba*, inquit, *favere possunt*. At quid sunt verba sine sensu? *At verba sensum alium possunt habere*. Imò, inquam ego, & orthodoxum sensum habent, fatente Censore. Quomodo itaque quilibet videre potest, quod Socinianis faveant? Nam sic favere possunt non minus Orthodoxis, quam Socinianis. *At favent*, inquit Socinianis, *si cum aliis Hypothesibus Remonstrantium comparantur*. Quænam illæ sunt, mi Censor? Da unam, & viceris, ac Catechesin tuam velut tropæum erige, lubentibus, volentibus Remonstrantibus. Ridenda sanè hæc sunt, non serid confutanda. Meritum enim sanguinis & mortis Christi à Remonstrantibus adseri, tam clarum est quam Lux Solis. Sed Censori huic non obtigisse videtur illa Confessionis portio, in qua istud adseritur Ignoscendum est. Spartam suam, quam nactus est, ornare voluit, sed eam ornavit valde infelicitè.

An in precatione, qua oratur, Remitte nobis debita nostra, sub voce debitorum intelligantur peccata inhærentia five originalis pravitas.

Similis quoque ratio est, inquit, *omissionis ejus, qua non tantum præteritorum, sed etiam adhuc inhærentium peccatorum remissionem hic orari Catechesis docet, pro quibus illi substitunt peccata nunquam commissa*. Quid? an inhærentia itaque peccata, quæ Censor vocat, sunt peccata, quæ nunquam commissa sunt? Sanè si unquam commissa sunt, cur sub istis non censentur? Deinde, Catechesis non docet orare remissionem peccatorum adhuc inhærentium. Hæc Censoris audacia est. *Pravitatem illam* (quæ in Catechesi Belgica pessimo vocabulo *boosheyt* vocatur) *qua nobis etiamnum adheret*, remitti orat. Aliud autem sunt peccata inhærentia, aliud pravitas inhærens. Walæus vocat pravitatem istam, reliquias peccati originalis, in Dedicatione Censuræ Belgicæ, non minus ineptè, quam in propriè. Nam quomodo in nobis manent reliquiae peccati originalis, ac non potius ipsum peccatum originale? Tum, reliquiae istæ, aut sunt peccata actualia, aut non sunt: Si actualia, jam inter ea, quæ unquam commissa vocant Remonstrantes, censi debent: Si non sunt actualia, originalis igitur pravitas hic etiam remitti petitur. Itane? Aliter ergo tum huic, tum illi loquendum fuerat. Originale enim peccatum quis vocaverit peccata inhærentia? Sed & Remonstrantes originalis pravitatis rationem hic habitam à Christo esse, cum nos orare jussit, *Remitte nobis debita nostra*, non possunt in animum suum inducere: Cum appareat Christum jussisse, ut quisque fidelis debitorum suorum propriorum remissionem petat; Pronomen *nostra* id indicat & subjuncta ratio, *sicut & nos remittimus debitoribus nostris*, non obscurè id confirmat; nisi fortè sub *debitis* hisce etiam comprehensam velimus istam

istam pravitatem, quæ nobis etiamnum adhæret, qua malè erga nos affecti sunt debitores nostri, sive, ut Catechesis habet, qua sunt *propensi naturâ ad odium non Dei tantum sed & proximi*, proinde etiam nostri: Ita ut sensus sit, remitte nobis præter actualia peccata, originalem etiam pravitatem, quæ facit, ut natura propensi simus ad odium non tantum tuum, sed & proximi: sicut & nos remittimus debitoribus nostris non tantum injurias actuales, quas nobis fecerunt, sed etiam pravitatem originalem illam. Qui ita censent, ii viderint quomodo sententiam suam probent: Quod ad actualia peccata attinet, Remonstrantes uti non affirmant quemquam sub Sole vivere, qui sine omni peccato actuali sit, ita negare etiam nolunt, quin imò cum Augustino affirmare non dubitant lib. 2. de peccator. mer. & remis. cap. 3. & cap. 6. & cap. 43. & 69. & alibi variis in locis, quod id fieri possit divinæ gratiæ auxilio. Saltem sententia, quæ hoc statuit, tutior aut minus periculosa ipsis videtur, quam quæ id negat: Illa utrique tum desperationi, tum securitati obicem ponit: Hæc dum desperationi obviam ire vult, latissimam portam securitati aperit, quæ frustra distinctionibus quibusdam aliisque quæsitis exceptionibus deinde obturatur atque obstruitur.

Ultimo loco dicit Censor, *Remonstrantes sibi non constare, quum initio paragraphi 13. asseruerunt, pios Dei cultores de exauditione precum suarum, quas juxta Dei voluntatem fundunt, certò persuasos esse, quum tamen alibi asserant verè fideles de sua in fide & pietate perseverantia certò persuasos esse non posse*: Mirum est, si Censores hic Augustinum suum, quem tantum non adorant in hoc de Prædestinatione articulo, à se peti non sentiant. Nam eum utrumque istud credidisse tam est certum, quam quod certissimum. Historia Pelagii & Disquisitio, An Pelagiana sint Remonstrantium dogmata, fidem faciunt satis luculentam: Alios jam non cito. Sed hic jam Augustinus Censoribus his Orthodoxus esse desinet. Ita nummi instar est, valet quantum ipsi eum valere volunt: *Hæc tamen*, inquit Censor, *non constant, nisi dicatur vel perseverantiam in fide & pietate à nobis in precibus non peti, vel non secundum Dei voluntatem peti*: Perseverantiam in fide & pietate petere ambiguum est: Perseverantiam in fide petere dici potest, qui auxilia ad perseverandum non necessaria tantum, sed commoda atque utilia à Deo petit; Et Perseverantiam in fide & pietate petere dici potest, qui petit effici in se, sine se, actum ipsum perseverandi ea efficacitate, qua fiat, ut non possit non perseverare ad

P p

finem

Cum Augusti-
no credunt Re-
monstrantes,
pios de exau-
ditione pre-
cum suarum
certos esse, &
tamen de fina-
li sua perseve-
rantia incertos
esse.

Quid sit perse-
verantiam in
fide & pietate
orare à Deo.

EXAMEN CENSURÆ

finem usque. Isto sensu rectè petitur perseverantia: Sed inde non consequitur eos, qui id petunt, de perseveratione sua persuasissimos esse: Sed bene de eorum, quæ ad perseverandum necessaria & utilia sunt auxiliorum impetratione, pro isto tempore quo petunt & indigent auxiliis istis. Hoc sensu quisquis perseverantiam à Deo petit, is non petit secundum voluntatem Dei, quia Deus mandat & præcipit homini ipsi quam potest maximè serid, ut perseveret in fide & pietate, ut à propria stabilitate sua non excidat, ut electionem & vocationem suam firmam faciat, ut videat ne cadat, &c. Non patitur autem Dei sapientia, ut velit mandare homini, ut studeat in fide perseverare & simul in eodem homine velit operari irresistibili efficacitate perseverationis actum & persuasionem firmam de futuro perseverationis actu. Nec video quomodo Censor continuè possit à Deo petere, ut istam perseverantiam Deus in ipso efficiat, & simul persuasus esse de eo, quod perseveraturus sit, sive quod Deus istam perseverantiam in ipso effecturus sit. Nam si persuasus est de eo, quod Deus istam perseverantiam in ipso effecturus sit, quorsum eam continuè petet? ut persuasum eum dicas sub conditione, si petere pergat, ineptum est, quia sic persuasus non esset, nisi de ipsa conditione persuasus esset: At si hoc dicas, tum eadem quæstio redit, an de ipsa conditione persuasus sit sub conditione alia, an sub nulla. Si sub alia, in infinitum ibis. Si sub nulla, precari itaque non est actus officii hominis, sed merus divinæ operationis effectus: Et quid tum est hoc precari Deum? quorsum precari aut de precando sollicitum esse, si Deus sine ulla conditione precationum pro perseverantia, perseverantiam & persuasionem de perseverantia efficit in suis, cum Deum primo orare incipiunt? Capiat hæc qui potest.

Ostenditur
locum Lucæ
22. 32. perpe-
ram à Censore
allegatum esse
contra præce-
dentem sen-
tentiam Re-
monstrantium.

At hæc res, maximam divinæ voluntatis ignorantiam arguit, ait Censor, quum Christus ipse pro Petro rogaverit ne deficeret fides ejus, Luc. 22. 32. Atqui pone hoc de Petro verum esse, quæ consequentiæ ratio, Christus pro Petro rogavit, ergo pro omnibus fidelibus similiter ac semper rogat? Deinde, non dicitur in textu objectum precationis Christi pro Petro, fuisse hoc ipsum, ut Petri fides non deficeret, nedum ut ea nunquam deficeret, quod tamen est illud, quod probandū erat. Ipsa phrasis arguit, istum fuisse finem precationis vel precantis Christi, non autem ejus objectum. Dicitur enim, *ὥστε* *μὴ ἐκλείπῃ*: non autem, *ὥστε*. Et si verò negare nolim *ὥστε* aliquando pro *ὥστε* accipi, tamen rarissime id fit, & etiam si crebrò fieret, tamen idem hoc in loco factum esse, probandum nihilominus foret. Nihil autem.

autem est, quo id probetur. Sensus autem verborum manifestus est, Ego pro te Patrem meum oravi, Petre, ut in tam præsentis periculo succurrere tibi veller, & auxilium quod alioquin forte tibi non dedisset, & non dare jure merito potuisset, tibi subministraret, idque eo fine, ne fides tua, quæ jam consternata erat, omnino deficeret, tuque ad ministerium meum ineptus plane non fieres. Quo ipso non significatur fieri non potuisse, ut præbito isto auxilio fides Petri non deficeret, sed tantum factum fuisse, ut causæ ad defectionem impellentes, aut omnino cessarent, aut non ita vehementer Petrum impellerent, ne plane succumberet: atque ita Petrus luculentam occasionem haberet evadendi periculum, in quo erat. Confirmatur hæc res non parum ex eo, quod Censor, ipse, ex vi electionis Petri ab æterno factæ, statuat fieri non potuisse, ut Petri fides deficeret. Hoc enim si verum est, quomodo statuere potest objectum precationis Christi fuisse ut Petri fides non deficeret? Nam si orasset Christus, si non orasset, fides tamen Petri deficere non potuisset, ob decretum Electionis immutabile, quo Deus Petrum ad vitam æternam elegerat, nulla habita ratione orationis I. Christi: Decretum enim istud præcesserat non modo actualem Christi orationem, sed decretum ipsum de Christo Mediatore aut intercessore pro Petro aliisque mittendo. Dicere hic, decretum divinum de Petro eligendo habere aut habuisse sibi conjunctum decretum de Petro sustentando, ne deficeret fides ipsius, nihil est. Nam decreto divino, quo jam constituerat Petrum peremptorie & irrevocabiler salvare, non poterat subordinari Decretum de Christo mittendo ut oraret Patrem ne deficeret fides Petri. Orando enim Christus tum impetrare à Patre non poterat, ut non vellet finire deficere fidem Petri, quasi antea id non voluisset, aut, non nisi posita oratione Christi, id voluisset Pater. At, inquires, quia Pater voluerat non deficere fidem Petri, voluerat etiam ut Christus pro Petro intercederet: At, inquam ego, eo ipso, quia id antea voluerat, non poterat deinde velle ut Christus intercederet pro Petro, ut non deficeret fides Petri, siue ut orando id à Patre impetraret. Eadem hæc ratio militat in loco, qui huic subicitur ex Epist. ad Philip. 1.6. *Persuasum habens fore, ut qui cœpit in vobis bonum opus, perficiat usque ad diem Jesu Christi*: Nam persuasionem illam Apostolus expresse fundamentum esse dicit, quod preces suas cum gaudio pro Philippensibus faceret: At preces ipsæ quorsum erant, aut quam vim habebant, ad impetrandum à Deo pro Philippensibus perseverantiam, si jam certum ac persuasissimum Paulo erat,

P p 2

fieri

Ostenditur
eandem esse
rationem loci
à Censore ci-
tari ex Epist.
ad Philip. cap.
1.6.

EXAMEN CENSURÆ

fieri non posse, ut Philippenses non perseverarent? Sive enim pro Philippensibus orasset Paulus, sive non orasset, decretum illud irrevocabile tamen effectum suum habuisset. Quare ex eo ipso, quod Paulus pro Philippensibus oravit, ut perseverarent in fide, concludendum omnino est, decretum de perseverantiæ actu in Philippensibus, sic ut vult Censor, efficiendo, non præcessisse, ac proinde persuasionis illius, de qua loquitur Paulus, sensum alium plane statuendum esse, eumque hunc; Persuasum habens Deum, qui ex indebita gratia vos ad tam grande bonum vocavit, à parte sua facturum id omne, quod ad vos in fide ista ad finem usque stabiliendos facere possit. Nunquam ille, imprimis rogatus à dilectis suis servis, deerit iis, quos ad participationem æternæ hæreditatis suæ vocare semel dignatus est, & qui vocationi ejus aures & animos suos præbuerunt. Quæ præter hæc duo loca ex Psalmis citantur, ea tam sunt frigida & aliena, ut qua consequentia ex iis eliciat Censor, quod intendit, ne conjectura quidem adsequi quisquam possit. Nam versu octavo in Psal. cxix. dicitur, *statuta tua observabo*, non uti Censor legit, *ne derelinquas me*: Sed, *ne derelinquas me diutius*, id est, ne affligi & opprimi me finas diutius. Quis inde efficiat Davidem petiisse perseverantiam actualem in fide? vers. 40. dicitur, *Ecce desidero mandata tua, in justitia tua vivifica me*, i. e. secundum promissa tua (quæ justitia sæpe vocantur in V. Testamento) libera me, qui Legis tuæ studiosus sum, ab iis qui me ad mortem sine causa persequuntur, & vitæ meæ insidias struunt: Vers. 133. dicitur, *Pedes meos dirige in verbo tuo, & ne dominetur nihil ulla iniquitas*, id est, non uti vult Censor, ne peccatum mihi dominetur (id enim ex Censoris mente fieri non poterat, proinde ut id peteretur necesse non erat) sed ne iniqui oppressores & hostes mei prævaleant mihi, sive uti statim subjicit versu sequente, *Redime me ab oppressione hominum*. Quis ex hisce versibus extuderit, Davidem id petiisse, quod vult Censor? Certe maxima hæc est Scripturæ aut ignoratio, aut detorsio, quæ ferri vix debet in eo, qui iis, contra quos disputat, maximam divinæ voluntatis ignorantiam adeo leviter audet improperare, aut potius exprobrare.

Ostenditur
verba Ps. cxix.
perperam à
Censore cita-
ta esse contra
sententiam Re-
monstrantium.

IN

IN CENSURAM CAPITIS XV.

De specialibus Vocationibus, deque præceptis ac traditionibus humanis.

Censura Capituli hujus crambe est non bis sed sæpius recocta. Quilibet Censor eam reponit. Quot Censores, tot iterata Censura, sine causa sæpe ulla aut occasione: Id hic liquet. Dixerant Remonstrantes transeuntes ad novi Capituli tractationem: *Et hæc quidē summa est illorum mandatorum, quæ à Iesu Christo communiter nobis præcepta seu Christianus omnibus ex æquo ad æternam salutem consequendam necessaria sunt.* Ex his verbis novus hic Censor, quasi ignarus quid censitum fuerit præcedente Capite, aut quod Censura hujus rei ad præcedens caput pertineat, cum tamen id ex transitione ipsa non obscure pateat, prolixam censuram & quidem eandem, quæ ante sæpius facta fuerat, venatus aut aucupatus est. *Ambigüe & periculose in eo loquuntur Remonstrantes, inquit, quia omnino videntur cum Socinianis statuere, principalem adventus Christi finem fuisse, ut nobis hæc præcepta, Legalibus etiam perfectiora, proponeret, ut per eorum observationem æternam salutem consequeremur, atque ita Christum in novum Moysen seu Legislatorum transformant.* Obsecro te Lector, quis ex innoxiiis, simplicibusq; istis Remonstrantium verbis, etiamsi ea in mortario contundat compilletque, elicerit quippiam horum, nedum ista omnia, quæ hic Censor elicit? ne jota quidem est in istis Remonstrantium verbis de fine adventus Christi, nedum de principali fine: Non enim dicunt Remonstrantes finem adventus Christi fuisse, ut ista mandata nobis ferret, nosque per eorundem observationem salvatum iri doceret, sed tantum Christum, qui venit in mundum, mandata illa nobis dedisse, eaque ad obtinendum æternam salutem observatu necessaria esse. Nemo Christianus id, uti arbitror, negaverit, aut merito sugillaverit: Deinde, in his verbis nulla fit comparatio inter præcepta Legis & Evangelii, an hæc illis sint perfectiora: ne quid quidem ejus in verbis istis est: Denique, non dicitur à Remonstrantibus, nos per plenam, rigidam & præcisam, ut Censor loquitur, præceptorum Legis observationem salutem consequi: Ne syllaba quidem horum Epithetorum in verbis est. Quod si vero Censor hæc omnia ex istis Remonstrantium verbis recte colligi putet,

Ostenditur:
Censoris præ-
varicatio in
derogandis
Remonstran-
tium verbis,
non uno
modo.

EXAMEN CENSURÆ

tum velim mihi probet hanc consequentiam suam; Qui dicunt Christianis omnibus communiter & ex æquo præcepta ista, quorum summacap. præced. exposita est, à Iesu Christo tradita esse, eaque præcepta sic à Christo exposita sive proposita, omnibus ex æquo ad æternam salutem consequendam observatu necessaria esse, illi omnino videntur statuere principalem adventus Christi finem fuisse, ut nobis hæc præcepta, Legalibus etiam perfectiora proponeret, ut per eorum plenam, rigidam & præcisam observationem salutem æternam consequeremur. Citius ex pumice aquam elicuerit, quam hanc consequentiam ex istis verbis. Interim, quod attinet ad rem totam: Remonstrantes quæstionem, An Christus mandata dederit, Legalibus perfectiora, Christianis non necessariam, adeoque inutilem statuunt. Mandata Christi præstari à Christianis plane necessarium est: Nisi enim ea præstent, non possunt ingredi regnum cælorum, Matth. 5. 20. At scientia, An mandata Christi, sive N. Testamenti, perfectiora sint Mandatis Legis, seu V. Testamenti, necessaria non est; &, quia quæstio hæc magnis animis inter Christianos agitur, periculosa etiam & noxia videri debet. Non enim tenentur Christiani mandata ista præstare sub ea ratione, quod perfectiora sint, nec scientia ista, quod perfectiora sint, necessaria est ut mandata melius aut libentius à Christianis præstentur. Qui enim obedire paratus est præcipienti, obedire paratus est quomodocunque præcipiat: obligatio ex præcepto est, non ex præcepti perfectiore aut imperfectiore conditione seu indole. Persuasio obligationis ad parendum ex præcipientis autoritate dependet, non ex qualitate præceptionis perfectiore aut imperfectiore. Quod interim Cenfor hic affirmat, *præcepta hæc eadem non minus perfecte in V. Testamento jam ante Christi adventum proposita fuisse*, id sane nescio qua fronte aut mente affirmet. Nam si per vocabulum *perfecte* intelligit idem quod *clare*, nihil falsius est: Certum enim est præceptum fidei in I. Christum nusquam in V. Testamento clare traditum extare, uti neque in terminis promissio vitæ æternæ in eo extat. Si v. per *perfecte*, intelligit idem quod æque late aut extense, ita ut velit ista omnia, quæ nunc in N. Testamento à Christo clare proposita sunt, in V. Test. etiam sive sub lege, licet obscure, proposita fuisse, aut potius sententia Legis contineri, id sane (ut jam non ventilem hanc controversiam, quæ magnis utrimque autoribus & argumentis se tuetur, per singulorum præceptorum, prout à Christo sunt proposita, collationem cum præceptis prout Lege tradita fuerunt) falsissimum etiam ex alia parte censer

cenferi debet. Nam primò certum est, præceptum Legis quartum de præcisa diei septimi sanctificatione, nunc sub N. Test. per Christum five Apostolos ejus clarè abrogatum esse. Secundò certum est præceptum septimum, *non machaberis*, sub lege non adedè latè se extendisse, ut I. Polygamiam etiam vetitam esse ea lege cenferi deberet: II. ut divortium ob aliam nullam causam, quam ob adulterium comprehenderet: At hoc pacto nunc præceptum istud accipiendum esse non obscure fatentur penè omnes Christiani. Denique certum est, multa olim permissa fuisse sub V. Test. quæ tum sine peccato aut violatione Legis divinæ fieri poterant, quæ nunc vetita sunt, & sine certo salutis æternæ periculo fieri non possunt: Quod attinet quæstionem, An finis adventus Jesu Christi inter alios etiam fuerit, ut hæc præcepta nobis proponeret, incertum est quid Cenfor quærat, & quid ipse de ea statuatur. Nam aliquando videtur id negare simpliciter, aliquando concedere quidem, sed ita, ut finis ille non fuerit principalis, sic enim concludit, *Finis ergo principalis adventus Christi hic non fuit*. Remonstrantes quod attinet, illi non dubitant, quin finis Jesu Christi adventus inter alios etiam hic fuerit: an principalis fuerit, & quid vox principalis significet, scrupulose inquiri operæ-premium non putant. Scilicet is Christianis labor est, ea cura pios sollicitat. Habeant sibi hæc & alia Vitiligatores Academici, quibus libet ex mustaceo isto laureolam petere, & in enucleandis ejusmodi quæstionum arcanis, ingenium simul ac tempus suum dilapidare. Denique; An Christus mandata hæc dederit eum in finem, ut per eorum plenam ac præcisam observationem salutem æternam consequamur non ineptè tantum quæritur, sed & falso additur id à Remonstrantibus affirmari. Nunquam id, ne per transennam quidem à Remonstrantibus indicatum aut affirmatū est: quin imò ubique sic statuunt: Præcepta ista omnia pariter observatu necessaria esse, si quis salutis per Christum particeps esse velit: At præcepta ista omnia observare non esse ea adedè plenè, rigide ac præcisè observare, ut nunquam in ullum eorum impingas, five per inadvertentiam, five per subitam aliquam passionem, five per aliam aliquam improvisam *ôgultu*; imò credunt hoc fieri posse, & si modò accedat pœnitentia, Deum talem censere eodem loco, ac si præcepta omnia, prout oportet, plenè ac rigide observasset. Et hac in re observatio præceptorum Evangelica differt à Legali, quod hæc plena, rigida & præcisa esse debeat, & si unum modò interveniat peccatum, nec remissioni nec pœnitentiæ locus sit; illa verò, ut plena, præcisa.

Plenam ac præcisam mandatorum omnium Legis observationem necessariam esse ad salutem, falso tribuitur Remonstrantibus,

EXAMEN CENSURÆ

præcisa & rigida sit observatio, non requirat, dummodo adsit voluntas nihil unquam faciendi quicquam contra ullum Legis seu præceptum, seu interdictum & in melius semper proficiendi: Si enim fiat, ut is in quo voluntas ista est, incidat in grave aliquod peccatum, interveniente poenitentia, peccatum istud non imputatur à Deo, & præcedens mandatorum divinatorum observatio propter Jesum Christum habetur pro observatione, quæ Deo accepta & grata est.

Quæ subjicitur censura, nescio an ab inscitia, an ab impudentia notari mereatur: *Quum*, inquit Censor, *Remonstrantes illas vocationes referant, quæ unicuique fidelium peculiare sunt, nempe Magistratum, Subditorum, Parentum, Liberorum, &c. non immerito quisquam admiretur, quare Ecclesiasticas vocationes inter eas non recenseant.* Itane? merito magis jure quisquam miretur, cur Censor, aut non videat, aut videre nolit, vocationes istas Ecclesiasticas, non tantum comprehendi posse sub signo & cetera, expressè à Remonstrantibus addito, sed etiam revera comprehensas ab iis fuisse sub voce *parentum*, cum disertè post signum, &c. addiderint hæc verba, *de quibus jam ante in Expositione Decalogi aliqua ex parte actum fuit.* Nam cap. 12. in explicatione præcepti quinti Decalogi, aperte satis declaraverunt, sub voce *parentum*, *Pastores & Seniores* etiam comprehendi posse ac solere: atque idcirco se eos etiam sub ista voce comprehensos velle. Cui adde, quod, ut Censor ipse fatetur, Remonstrantes Cap. 21. toto suæ Confessionis declaraverunt functiones five Vocationes illas Ecclesiasticas à Deo vel Christo per Apostolos ordinatas fuisse in Ecclesiis. Supina autem five inscitia, five impudentia censenda est, cum Censor, ut hoc argumentum per se clarum ac solidum enervet, subjicit: *Nisi fortassis aut hanc designationem Apostolicam non esse veram ac divinitus institutam vocationem sentiant, aut saltem in Ecclesia Christi non semper necessariam.* Nam disertè addunt Remonstrantes Sectione I V. Apostolos non tantum ordinasse vocationes istas, ne cætus per ipsos semel collecti iterum disfluerent ac dilaberentur, atque ita doctrina hæc divina & salutaris paulatim evanesceret, sed etiam eos, ut idem semper & ubique in cætibz omnibus fieret, expressè monuisse: & concludunt deinde sect. V. his verbis, *unde nata est totius ministerii Ecclesiastici perpetua necessitas & multiplex utilitas.* Poterat-ne quippiam clarius à Remonstrantibus dici ad reprimendam aut diluendam tam insulsam exceptionem aut quæsitam calumniam? αὐτὸ τὸ πρᾶγμα βόη.

Sub voce Parentum, declaratione etiam comprehensos voluisse Pastores & Seniores ostenditur.

IN

IN CENSURAM CAPITIS XVI.

De cultu & veneratione Iesu Christi,
unici Mediatoris, deque invo-
catione Sanctorum.

In hoc Capite non censetur nisi hoc unum, Quod Remonstrantes eos rectè facere statuunt, qui Iesum Christum, quatenus Mediator noster apud Deum est, sanctè ac religiose colunt, id est, adorant, invocant, spem & fiduciam suam in eo collocant, eique suppliciter gratias agunt ac benedicunt. Fatetur Censor Christum nobis agnoscendum & colendum esse, non tantum ut unigenitum Dei Patris Filium & verum Deum, sed etiam ut Θεωλογον ac Mediatorem inter Deum & homines. Atqui nihil aliud dicunt Remonstrantes in Confessione sua. At, inquit, cultum hunc constituunt Christo Mediatori proprium, ex ratione solius officii ipsi à Patre impositi, aut gloria ipsi à Patre concessa. Sanè: Qui possunt aliter, si est cultus, qui Christo, ut Mediatori, contradistinctè ut est unigenitus Dei Patris Filius, gratiosè à Patre collatus est, quod ipse Censor agnoscit? At hoc Socinianis manifestè favet, inquit: favet ergo, inquam ego, Censor ipse Socinianis, dum id, quod diximus, iis concedit: Et ubi veritas hæretico favet, hæreticus ea parte hæreticus non est. At, inquit Censor, hoc viam aperit Socinianis ad omnia argumenta orthodoxorum eludenda, quæ pro vera & æterna Deitate Christi, ex huius divini cultus communicatione, ab Ecclesia veteri & recente, semper invictè sunt petita. Eheu! quantum periculum! Alterutrum ergo dicendum est; Aut falsum esse, Christo, ut Mediatori, cultum & honorem hunc à Deo attributum & gratiosè communicatum esse, aut si hoc falsum non est, uti Censor hoc falsum non esse concedit, æquissimum omnino esse, ut argumento isto plumbeo non amplius pugnemus. Ferendum utique non est, ut res certissima præsidio nitatur frigida probationis. In argumenta jurandum non est: Candoris & ingenuitatis est illis non uti, si Adversarii occasionem inde arripiant in errore permanenti: Et, quod periculum est, etiam si argumentum istud concidat, salva veritate principali? Atqui, inquit Censor, eodem modo argumenta illa, quæ à nominibus, proprietatibus & operationibus divinis, pro divinitate Filii petuntur,

*Dilutuntur fri-
volæ aliquot
exceptiones
contra id, quod
Remonstrantes
statuunt, Chri-
sto, quatenus
Mediator est,
cultum adora-
tionis religio-
sum compete-
re.*

Q 9

tur,

EXAMEN CENSURÆ

tur, per eandem gratiosam communicationem poterunt enervari. Nihil minus, nisi ex Scripturis eodem modo probetur, nomina, proprietates & actiones istas gratiosè Christo Mediatori communicatas esse. Si enim id non probetur eodem modo, quo probatur ex Scripturæ locis compluribus, Christo honorem cultus gratiosè communicatum esse, quomodo obsecro probabitur? Quum vero etiam ex Scripturis manifestum sit, Christum quoque naturâ, sive per naturalem & veram atque ineffabilem generationem Dei Filium esse, constat aliam esse rationem hujus rei, quam illius. Tota enim vis argumenti in eo posita est, quod Deus Pater Christo ut Mediatori gratiosè, adeoque ex promisso, honorem & dignitatem hujus cultus communicaverit. Hoc fatetur Censor, & quidem respectu naturæ tantum humanæ. At, inquit, eam gloriam negamus esse absolutè divinam, etsi tanta sit, quanta ulla Creatura est capax. At hoc non quaeritur, an absolute divina gloria sit; sed, an non sit vera adorationis gloria. Si non, quæ itaque ista gloria est, qua omnes honorant Filium sicut honorant & Patrem, qua Christo nomen tale datum est, ut ad illud flecti debeat omne genus terrestrium, caelestium & subterraneorum, &c.? Non est, inquit, nisi adjunctum proprium illius personæ, in qua fiducia nobis locanda est. Imo vero est ratio, propter quam Scriptura passim Christum ut Mediatorem colendum esse dicat, uti ex Epist. ad Philipp. 2. 9. clarissime liquet; διὸ καὶ ὁ θεὸς αὐτὸν ὑπερύψωσεν, καὶ ἔθηκεν αὐτῷ ὄνομα τὸ ὑπὲρ πάντων ὀνομάτων, ἵνα ἐν τῷ ὀνόματι ἡσυχῇ πάντες γόνοι κάμψῃ ἐκπαγλιῶν καὶ ἐμπροσθέν καὶ κατὰ χροῖαν. Joan. 5. 26. Sicut Pater vitam habet in seipso, sic dedit & Filio vitam habere in seipso: Et auctoritatem ei dedit judicium faciendi, quatenus, vel quia Filius hominis est. Deinde, quid hoc est honorem istum adjunctum proprium esse personæ illius, in qua fiducia nobis locanda est? An in persona ista, in qua fiducia locanda est, gloriam istam requiri ut proprium adjunctum in subiecto, ita ut sine ista gloria persona ista adorari non debeat, aut adorari non possit? Hoc non dicet Censor: An gloriam istam Christo Mediatori jam competere, ut adjunctum proprium, quod ab ea separabile, aut separandum non est, absque ullâ relatione ad cultum, qui ei propterea debeat? Hoc vero diserte repugnat Scripturis, quas jam citavimus, aliisque compluribus. Quæ porro hic prolixè differit Censor, de objecto formali adorationis, & objecto considerationis, ea sunt plane extra rem. Quæritur enim, an honor adorationis, qui Christo gratiosè communicatus est, ut Mediatori, non sit verus honor adorationis? Si enim verus est, & Christo communicatus ratione naturæ

Gloria adorationis quæ Christo Mediatori competit, vera adorationis gloria est, etsi non absolute divinâ.

turæ humanæ, ut vult Cenfor, tum sanè natura humana non venit tantum ut objectum considerationis, cum Christus Mediator colitur & adoratur. Si non est verus honor adorationis, tum quis honor iste sit explicandum fuerat, alioquin àer cæditur, & frustra disputatur. Remonstrantes cum Scripturis loqui amant, & quælibet argumenta, quæ humanis & Metaphysicis quibuldam conceptibus ex aëre haustis, & Scripturæ tantum non è diametro repugnantibus nituntur, negligere adeoque respuere malunt, quam propter ea manifestis Scripturis vim facere. Christo Mediatori honorem adorationis à Deo Patre gratiosè communicatum esse Scriptura disertè, & non uno in loco, adfirmat: Quo respectu, aut quomodo communicatio illa facta sit, inter arcana divinæ sapientiæ ponere malunt, quam curiosè inquirere, aut contentiosè ventilare: Hoc enim ut definiatur aut intelligatur, necessarium non est: Istud sine periculo negari aut ignorari non potest. Neque verò Socinianum hoc videri debet, cum certum sit Lutheranos, multò ante Socinum, idem non credidisse tantum, sed publicis scriptis ac colloquiis adfervisse ac propugnasse, prout testatur Wolfgangus Frantzius in disputationibus, quas contra Pontificios, Calvinianos, & Antitrinitarios edidit, Disput. 3. de Persona Christi, sect. ultima. Thes. 195. verba hæc sunt; *Christi carni non in abstracto per se, in se, secundum naturam suam principium simpliciter, sed in concreto in unione, per unionem, & propter unionem hypostaticam, & propter NB. communicatam omnem divinam potestatem, maiestatem & gloriam etiam cessit, debetur & tribuitur cultus adorationis divine.* Gemina dicit Iacobus Andreas in Colloquio Mompelgartenfi habito Anno 1586. aliique penè omnes Lutherani: Verba Concilii Ephesini, quæ Cenfor citat, talia sunt, ut Patres idem definivisse videri possint, quia dicunt, *se non agnoscere duas naturas in Christo, unam adorandam, alteram non adorandam: Sed unam naturam divini verbi incarnatam, quæ simul cum sua carne una adoratione adoratur.* Etenim natura divini verbi incarnata, nihil aliud est quam persona Iesu Christi, quatenus mediator est: Eam autem una adoratione adorare, & quidem simul cum carne sua ut adoranda, quid aliud est quam Christum, etiam quatenus homo est, objectum formale adorationis statuere? ut enim dicas verba sensum hunc habere, naturam Christi divinam, quæ simul cum carne sua est, una adoratione adorandam esse, ratio non finit. Sic enim naturam unam in Christo adorandam, alteram non adorandam, licet naturæ istæ conjunctam & unitam, statui à Concilio dicendum foret, cum disertè

Wolfgangus
Frantzius.

EXAMEN CENSURÆ

contrarium à Concilio statuatur. Sed nos hoc argumento pugnare nolumus. Neque enim nobis tanti est quæstionis istius cognitio, ut propterea magnopere laborandum putemus, cum de re ipsa ex Scripturis constet, prout hic constare manifestum est.

AD CENSURAM CAPITIS XVII.

De beneficiis & promissis divinis, ac primo
de Electione ad gratiam, seu voca-
tione ad fidem.

Controversia
quinque Arti-
culorum ven-
tilatur in hoc
capite ex pro-
fesso.

IN hoc capite & sequente XVIII. controversia quinque Articulorum, qui vocantur, ex professo ventilatur. Hæc jam propria arena nostro est, in qua pes propius figendus est. Hoc itaq; nunc agamus, cū bono Deo. Primo paragrapho duo, ut ait Censor, *effata Remonstrantium censentur*: Prius est: *Quod Remonstrantes gratiam universalem peccatori à Deo concedi statuunt, per quam aptus & idoneus sit ad omnia præstanda, quæ Evangelio postulantur, sub quo etiam Decalogi præcepta comprehenderunt, cap. 12.* Posterius est, *quod eam aptitudinem ad omnes omnino homines extendant.* Quod ad prius effatum attinet, in eo videntur, inquit, veterem Pelagianorum cramben reponere, qui statuebant, hominem per gratiam, quam Deus ei præstat, præcepta omnia divina complere posse. Quo sensu Remonstrantes dixerint peccatorem per gratiam divinam præcepta omnia Evangelii præstare posse, ex antecedentibus liquet: Quam longè eorum sententia à Pelagii sententia distet, ibidem non semel indicatum & demonstratum est. Sed quia hujus rei tractandæ sedes hic propriè est & Censor hic de novo controversiam hanc movet, agè videamus quid de re tota sit: Timidè, & pro more suo, ingeminat hic Censor suam voculam, *videntur*, non obscurè inuens, se non audere apertè impingere Remonstrantibus Pelagii hæresin: Atque hoc fortasse pro responsione hic sufficere posset Remonstrantibus: sed tantum abest ut Remonstrantes pro sui defensione aliud nihil habeant, ut contra probandum sibi sumant Censorem causam non habuisse, cur Remonstrantibus tribuerit, quod ista eorum sententia veterum Pelagianorum cramben, ut ait, *videatur reponere.* Atque hoc quidem ut demonstramus, sic procedimus. Falsum est sen-

Hominem auxi-
lio gratiæ di-
vinæ præstare
posse mandata
Iesu Christi,
non esse Pela-
gianum demon-
stratur.

est sententiam istam, quæ statuit hominem peccatorem (nam de eo loquimur, uti Censor ipse fatetur: Questiones enim cætera, quæ Catholicis cum Pelagio erant: An homo virtute naturæ implere possit legem, sic ut à prima nativitate nullum in omni vita peccatum admittat: An per gratiam possit transigere vitam omnem sine peccato, &c. huc non pertinent: de peccatore enim agimus) per gratiam Dei præcepta omnia divina præstare aut complere posse, Pelagii cramben aut hæresin esse; nedum hæresin damnatam in Concilio Carthagenensi aut Milevitano. Prius membrum sic evincimus. Certum est Augustinum, quem Pelagii acerrimum hostem fuisse Censor ubique inculcat, & cum eo complures Episcopos Africanos sententiam istam diserte tenuisse, & cum Pelagio ea in re consensisse, ut prolixè satis id probat Clariss. vir *Gerardus Vossius* in historia sua Pelagiana lib. 5. par. 1. Thes. 5. & diserte legere est apud August. lib. de Gr. & lib. Arbit. cap. 6. & 7. *Aliud est querere, An lex possit observari in hac vita in ea parte quæ est sub præcepto: Aliud an de facto illo à quoquam observetur integre & sine ulla unquam pravariatione. Primum asserimus; aliud negamus.* Quo pertinet quod Augustinus non dubitat fateri, Deum possibilia mandasse, & quidem isto sensu, quod & singula & omnia singuli & omnes fideles per gratiam Dei implere valeant, usque adeo ut in sermone cxcj. de tempore dicat, *se execrari blasphemiam eorum, qui dicunt, Impossibile aliquid homini præceptum esse à Deo, & mandata Dei non à singulis, sed ab omnibus in commune posse servari.* Necdubium est quin Patres priores in eadem omnes fuerint sententia. Basiliius impium ait esse asserere præcepta Spiritus S. impossibilia esse observatu: Chrysostomus affirmat, non possibilia tantum, sed & *σφοδρὰ ἐνκόλα* valde facilia esse si modo vigilemus: Vide eundem Vossium ibid. Antithes. 6. Quare, cum Censor Pelagianos in voce Potentie argutos esse, idemque hic fortasse Remonstrantes facturos dicit, convitium videri debet, quod Augustino cæterisque Patribus omnibus potius impingitur, quam Pelagio vel Remonstrantibus. Quod vero etiam, non obstante eo, sententiam istam nihilominus condemnatam esse adserit in Synodo Carthagenensi & Milevitana, id (quod secundo loco probandum sumus) falsissimum est: In Synodo Carthagenensi III. sive universali Africæ Synodo, quæ vulgo Milevitana vocatur, nihil aliud damnatum fuit in Pelagio, hanc rem quod attinet, quam quod Pelagius statueret, *hominem posse in hac vita præceptis Dei cognitis ad tantam perfectionem justitiæ, sine adiutorio gratiæ Salvatoris, per solum liberum voluntatis ar-*

Augustinus
Pelagii hostis
credidit ho-
minem per
gratiam divi-
nam præcep-
ta Christi im-
plere posse.

Idem credide-
runt Patres
priores, Basi-
lius, Chrysosto-
mus &c.

Sententiam
istam in Con-
cilio Milevita-
no damnatam
non esse evin-
ciunt.

EXAMEN CENSURÆ

Canones Con-
cilii Milevita-
ni.

Canones citā-
tur quibus sen-
tentia Remon-
strantium a-
perite additu-
ram esse o-
stenditur.

Locum Iobi
cap. 9. 2. per-
peram citatum
esse à Censo-
re, ostenditur.

bitrium pervenire, ut ei jam non sit necessarium dicere, dimitte nobis debita nostra, ut ex Epistola quam Patres Concilii Carthaginensis & Milevita-
ni ad Innocentium scripserunt, manifestissimum est. Canones autem
Concilii istius, qui circa hanc rem fuerunt, ii omnes, non de posse,
sed de esse loquuntur: Fuerunt autem ii tres; I. *Numquamq̃, debere di-
cere, dimitte nobis debita nostra.* II. *Neque id pro aliis solum, sed etiam pro se.*
III. *Neque id ex humilitate dumtaxat, sed etiam verè.* Tantum verò ab-
est, ut Patres decreverint expresso aliquo Canone, Legem Dei per gra-
tiam Christi impleri non posse, ut contra diserte contrarium decreve-
rint, *Quod gratia Dei præstet, ut Lex impleatur, non sicut ait Pelagius, fa-
cile, quasi sine gratia Dei difficilius possit impleri. Quod per gratiam Dei*
sciamus quid facere debeamus & diligere ut faciamus. Idem in Synodo
Arausicana decretum fuisse hic Canon indicat: *Omnes baptizati Christo*
auxiliante & cooperante, possunt & debent quæ ad salutem pertinent (si fide-
liter laborare voluerint) adimplere. Quare, cum hæc tam crude effutiit Cen-
sor, temeritatem sane suam cum *aversione* conjunctam non leviter pro-
didit. Quod vero addit sententiam istam à Scriptura etiam non obscure
damnari, quippe quæ non tantum utatur vocibus, quæ significant neminem ita
justum esse, ut non peccet, ac proinde & divina præcepta non transgre-
diatur, sed etiam, quæ indicent ne esse quidem hic posse, propter carnis adhuc
inhærentis reliquias; id sane arguit justam ei probationem ex Scriptura
deesse. Et si probationis modus videatur, nec antecedens nec consequen-
tiam probat uti oportebat. Antecedens ut probarer, allegandæ utiq; fue-
rant voces & modi loquendi Scripturæ familiares, qui indicarent, ne-
minē in hac vita mandata Dei præstare posse. At hic Censor non allegat
nisi unum locum ex lib. Iobi, eumq; obscurum & controversum; & alte-
rum ex Epist. ad Rom. cap. 7. In re tanti momenti clariore & prolixiore
locorum citatione opus fuerat: Locum enim Jobi quod attinet, certū est
Iobum isthic non loqui nisi de perfectione ejusmodi, qua homo cum Deo
confertur & comparatur, tanquam Deo & divina perfectione longe in-
ferior: quod ex eo liquet, uti supra ostendimus, quia Iobus ipse diserte,
cum amicis suis contendit, se, quanquam divina perfectione longe infe-
riorem, proinde non expertem vitiorum & imperfectionum variarum,
quæ mortalitatis nostræ conditio est, nullius tamen culpæ aut criminis
contra mandata Dei commissi, propter quod tam graviter affligi me-
ruerit, reum esse. *Appendat me Deus in statera justitiæ, inquit cap. 31.*
vers. 6, & agnoscat perfectionem meam. II. Certum est, Iobum de actu non
de po-

de potentia loqui. III. Certum est, Enunciationes ejusmodi imprimis hyperbolicas communiter, non autem universaliter, accipiendas esse, nisi infinitas alias quæ in Scriptura occurrunt, damnare ut falsissimas velimus. Sed esto, Antecedens transeat; Quæ ratio consequentiæ est? Sinè si consequentiam illam valere Censor vult, similem & contrariam consequentiam concedat necesse est: Hanc vid. Quod Scriptura non tantum utatur vocibus quæ significant mandata Dei præstari posse à nobis, sed etiam quæ disertè affirmant (quod sanè majus quid est quam indicant) ea præstitū *facilia* esse, 1. Joh. 5.5. neque hoc tantum, sed ea à variis sub V. & sub N. Test. & quidem *omnia*, & quidem *cunctis* diebus *vita* eorum, & quidem *ex tota anima*, *ex toto corde* & *ex omnibus viribus*, & quidem *in conspectu Dei*, præstita actu esse, sicut de quibusdam dicatur quod *quæsierint Dominum in toto corde & tota anima sua*, ut de Aza Rege & populo toto dicitur. 2. Paral. 15.12. de Aza, quod *cor ejus perfectum fuerit coram Deo*, 1. Reg. 15.14. De Davide, quod *custodierit precepta Dei*, 1. Reg. 11. 34. quod *secutus Deum fuerit ex toto corde*, *faciens quod placitum erat in conspectu ejus*, 1. Reg. 14.8. Quod *non declinaverit ab omnibus quæ præceperat ei Deus*, excepto sermone (i. facto) *Uria Hittæi*, 1. Reg. 15.12. de Josia, quod *non declinaverit ad dexteram aut sinistram*, 2. Reg. 21. 2. quod *reversus fuerit ad Deum in omni corde suo*, & *in tota anima sua*, & *in universa virtute sua juxta* NB. *omnem Legem Moysi*, 2. Reg. 23.35. de Zacharia & Elizabeth, quod *incedebant in omnibus mandatis & constitutionibus Domini inculpate*, & *justi erant ambo coram Deo*, Luc. 1.2. de cæteris regenitis & fidelibus, quod *mortui sint peccato*, quod *consepulti cum Christo*, quod *carnem crucifixerint cum concupiscentiis suis*, quod *purificent seipsos*, sicut *Deus purus est*, quod *malus ille non tangat eos*, quod *oderint tunicam quæ à carne maculata est*, denique quod *non peccent*, & *non possint peccare*, aliaque in eandem sententiam plura, Quæ sanè talia sunt, ut, si phrasin istam Scripturæ respicias atque urgere velis, multò justius concludere liceat, Scripturam, Sententiam istam. Quod per gratiam Dei possimus mandata omnia divina præstare, utroque, quod dicitur, pollice approbare. Et sanè, ut jam alias rationes non allegemus, nihil est quod sententiam contrariam apertius damnat, quam locus iste Scripturæ, quem citavimus ex 1. Joh. 5. 5. ubi dicitur; *Hæc est caritas Dei ut mandata ejus servemus*, & *mandata ejus gratia non sunt*. Si enim graviora non sunt, ergo multò minus impossibilia. Facile enim multo plus dicit quam possibile. Imo si graviora non sunt, ex eo penè

Scripturæ
Phrases arguunt, mandata Dei per gratiam divinam posse præstari.

Rom. 6. 2. 3. 4.
Col. 2. 11. 12.
13.
Gal. 5. 24.
1. Joh. 2. 3.
1. Joh. 5. 18.
Iude 23.
1. Joh. 3. 9.
1. Joh. 5. 18.

EXAMEN CENSURÆ

penè necessariū concluditur, multò minus mirum fore, si essent qui ea actu præstarent, quam qui non præstarent. Multò enim magis admiratione dignum est, facilia non fieri, quam fieri. Locum qui à Cenfore ex cap. 7. Epist. ad Rom. citatur, mirum est in contrarium allegari. Certum enim est eum saltem controversum esse; An vid. in eo de homine regenito, an irrogenito agatur; ut jam nihil dicamus de eo, an rectè hic allegetur. Quod enim Cenfor eum rectè & meritò allegatum esse à se probari existimat, nuda citatione loci ad Gal. 5. 17. id quam futile sit, ex antecedentibus, ubi locum illum excussimus, patere potest, & per se cuivis manifestum est. Ut ut sit, certum etiam est hunc ad Gal. locum, non minus quam alterum illum, controversum esse. Hoc nunc satis est. Concludo itaque Sententiam istam Remonstrantium, Pelagianam & Conciliis ac Scripturis contrariam immeritò censeri. Summa enim ejus hæc est, Divinæ gratiæ auxilio fieri posse, ut quis vivat sine omni peccato, neminem tamen ut Augustinus ait, in quantacunque justitia, sine qualibuscunque peccatis in hoc corruptibili corpore vivere. Gratiæ id tribuunt quod sufficiat, non tantum ad peccatorem plenè instruendum de eo quod facere debet, sed etiam ad eundem roborandum, ut faciat id omne quod debet. Veruntamen, Deum miseratorem generis humani aded præcisè cum peccatoribus agere nolle, ut damnare eos velit, si vel in minimum delictum aliquod incidant, vel non in summo perfectionis gradu Deum ament: Deum pro paterna sua bonitate & indulgentia omnia infirmitatis delicta condonare velle, & crimina etiam gravia, si modo seria pœnitentia & propositum studiumque ea vitandi, non leve, non desultorium, non inaccuratum, sed quale Deo ipsi probatur interveniat. Quo circa eos gravissimè errare credunt, qui statuunt, fieri non posse ut quisquā in hac vita sic vivat, ut non ut plurimum peccet: II. Ut licet sanctissimus sit non habeat tamē nisi exigua tantū initia ejus obedientiæ, quam Deus à nobis postulat. Utrumque hoc ipsius diaboli aut diabolicæ securitatis pulvinar est.

Dub. securitatis
carnalis
pulvinaria.

Alteram effatium, inquit Cenfor, non minus Pelagianum est, in quantacunque partem se vertant Remonstrantes, ac proinde & à Scriptura atque experientia alienum, Deum sc. statuisse ejusmodi conferre gratiam peccatoribus, per quam idonei & apti redduntur, ad præstandum id omne quod ab illis in Evangelio postulatur. Censura hæc I. meram habet elenchi ignorance. Nam Remonstrantes planè non agunt hoc in loco de eo, quod Deus gratiam sufficientem conferat peccatoribus omnibus & singulis, quocunque tandem tempore vixerint, aut victuri sint.

Man. f. elenchi
ignoratio
in Cenfore re-
darguitur.

Nihil

Nihil minus. Imò contra, non agunt hic nisi de gratia, quæ datur & confertur iis, qui per Euangelium vocantur, prout luce clarius patet ex ipsis verbis eorum, quæ hic Cenfor citat. Dicunt enim peccatoribus à Deo gratiam conferri, *per quam idonei & apti redduntur ad præstandum id omne, quod* (NB) *ab iis in Euangelio postulatur.* De iis itaque agunt ad quos *Euangelii postulata* pertinent: Et clarius adhuc idem patet ex verbis sequentibus, ad finem usque; deinde, ex parag. 2. quo duorum membrorum, præcedenti paragrapho propositorum, prius exposituri, dicunt, *Deum gratiam sufficientem largiri peccatoribus, cum eos* (NB) *ad se per Euangelium vocat, ipsique sub promisso vitæ æternæ & contraria mortis æternæ comminatione fidem & obedientiam serio præscribit.* Vana itaque & prorsus aliena est parenthesis Cenforis, quam post vocem peccatoribus inferuit (*Nempe omnibus & singulis, hoc enim est de quo hoc loco controversatur & quod passim in scriptis suis statuunt Remonstrantes*) Sed esto: Demus etiam hanc esse verborum istorum sententiam (quamquam certum est eam verborum istorum sententiam hic non esse, Neque enim vel Verbulo hic de gratiæ universalitate agunt Remonstrantes, ut ex antedictis liquet.) Esto inquam, demus hanc esse sententiam huius paragraphi, eam tamen Pelagianam esse tam notoriè falsum est, ut necesse non habeant Remonstrantes in omnes partes se vertere, prout Cenfor ridiculè loquitur, ad hoc demonstrandum. Demonstrarunt id satis prolixè Gerard. Vossius Historiæ suæ Pelagianæ lib. 7. part. 1. Thes. 3. & 4. Marcus Anto. de Dominis lib. 7. de Repub. Eccles. cap. 11. aliique complures, ut verbum addere tantundem esset, atque Soli lucem fœnerari: Nempe innumeris Sole clarioribus testimoniis evincunt, sententiam istam Patres primorum sæculorum omnes in universum tenuisse, ipsumque aded Augustinum variis in locis eam tenere videri voluisse. Prosperum verò eandem non tantum tenuisse, sed & Augustino cæterisque omnibus Catholicis Episcopis attribuisse. Ad objectiones etiam istas ipsas, quas hic Cenfor movet, ex Scriptura & experientia, quid respondeant iidem Patres, ex professo ibidem recitant. Vide pag. 693. Hist. Pelag. &c. ut ad eas responderi hic à nobis jam non sit necesse. Tantum expendemus exceptionem quam Cenfor ipse hic fieri posse ait, quia ex responsione ad illam tota huius litis decisiō pendet. Si dicatis, inquit, ut dicere soletis, *Deum tamen eos non reliquisse sine testimonio, sed dedisse legem naturæ, nos id libenter concedimus.* Nempe, magnum est beneficium hæc tam liberalis & ultronea concessio. Sed quod additis, *Si ea rectè usi fuissent, Deum illis gratiam Euangelicam*

Sententia Remonstrantium de gratia sufficiente & universalis communis veterum Patrum omnium sententia est.

EXAMEN CENSURÆ

gelicam fuisse revelaturum, tum vos necessario statuitis Legem naturæ esse partem Evangelii. Quis adeo Lynceus, qui hanc Academicam consequentiam videat? Contrarium potius sequitur. Ergo Lex naturæ non est gratia Evangelica: Nam quomodo aut quorsum gratiæ Evangelicæ revelatio succederet, si Lex ipsa naturæ gratia Evangelica esset? Tantum sequitur, Ergo usus Legis naturæ rectus prærequiritur ut gratiæ Evangelicæ revelatio à Deo obtineatur. Deinde ait, *Sic necessario statuitis gratiam Evangelicam dari secundum merita, vel bonos motus voluntatis humanæ, quod in Pelagio olim damnavit Ecclesia vetus.* Nec hoc sequitur; Nam rectus Legis naturæ usus, non idcirco dicitur fieri naturæ viribus, quia prærequiritur ad obtinendum gratiam Evangelicam. Imò contra, quotquot unquam fuerunt Patres, qui statuerunt (penè autem omnes in eo consenserunt) Deum iis, qui Lege naturæ rectè utuntur, gratiam Evangelicam revelaturum, ii statuerunt rectum illum legis naturæ usum, non fieri auxilio virium naturalium, sed beneficio communis & generalis gratiæ, quam virtutem supernaturalem & gratuitam vocant, per quam naturales vires, per se alioquin ineptæ & inidoneæ ad Legem naturæ præstandum, aptæ & idoneæ redduntur ad eam præstandum, sive, ut Scholastici loquuntur, in actu primo sufficientes ad benè operandum. Sic enim statuunt, hominem non posse seipsum disponere viribus naturæ, sive per actus liberi arbitrii sui ad gratiam regenerationis, ita ut faciendo viribus naturæ, quod in se est, supernaturalem gratiam mereatur, id est, ut Patres voce meriti utuntur, pro mercede consequatur, si non ex condigno, saltem ex congruo gratiam supernaturalem, sed opus habere ut præveniat à gratia sive virtute aliqua supernaturali & gratuita, qua potens reddatur ad viribus naturæ rectè utendum, & vocationi divinæ, quomodocunque illa fiat, non repugnandum. Ex hoc autem sequitur immediatè, ipsum salutis initium tribui debere divinæ gratiæ: proinde gratiam non dari secundum merita nostra, sed, ut Concilium Palæstinum loquitur, *ab ea originem ducere merita nostra.* Atque hac ratione vertebatur funditus sententia Pelagii, Cælestii & Juliani, qui in eo consentiebant, quod nos promereamur gratiam supernaturalem, qua adjuvamus in operibus bonis, per opera solidius naturæ viribus præstita, saltem per desiderium & imperfectam cupiditatem boni, prout prolixè & variis in locis Historiæ suæ Pelagianæ probat Clariss. vir Gerardus Vossius, & nominatim lib. 3. part. 2. Thef. 11. Ex his quam sit inanis hæc Censoris consequentia constare satis potest.

Qua ratione funditus evertebatur sententia Pelagii, Cælestii & Juliani.

test: Sed Remonstrantes, uti dictum est, litem hanc consulto hic & per totam declarationem suam subterfugerunt, rati abunde sufficere, si intra vocatos starent, & assererent atque evincerent, gratiam sufficientem conferri omnibus, qui per Euangelium vocantur, ut divinæ vocationi parere & ex præscripto voluntatis ejus obedire possint; relinquentes Deo & divino arbitrio dispensationem gratiarum suarum circa cæteros homines, qui per Euangelium non vocantur, & malentes interim cum tota Antiquitate credere: I. Gratiam communem & generalem omnibus istis à Deo collatam esse & conferri, per quam idonei facti fuerunt & fiunt, ut Deo vocanti in suo statu pareant. II. Eos qui beneficio gratiæ istius Legi naturæ obsequuntur, Deo gratos esse, & vel salute æterna per extraordinariam gratiam donari, vel beneficiis majoribus gradatim à Deo affici, ut ad salutem æternam pervenire possint. III. Deum semper jus istud sibi reservare, ut indignos etiam, & qui gratia ista communi non recte utuntur, gratia Evangelii sui donare possit, ubi, quando & quos vult. Hæc inquam malentes credere, quam cum Prædestinatoribus confidenter adserere, Deum nullis eorum, nisi nominatim ad id electis, gratiam ullam, aut fecisse, aut facere, per quam idonei facti sint; aut fiant ad Legem naturæ præstandum & ulteriorem gratiam divinam consequendum.

Sententia Remonstrantium de generali & communi gratia.

Paragrapho II. ait Censor, *speciatim de vocatione quæ per Euangelium fit, agitur*. Inepte; non agitur speciatim hic de ea, quasi paragrapho I. de alia aut generali actum fuisset. Nihil minus: Sed tantum prius membrum paragrapho I. propositum, ex ordine tractatur ac deducitur. Quare, quod de vocatione, quæ per Legem fit, Censor hic addit, impertinens & futile est. Quod subjicit æque impertinens atque ineptum est: *Eam vocationem in Scripturis interdum appellari electionem ad gratiam inquit, nos recte intellectum non negamus; Sed quod ad hanc vocationem referunt loca, 1. Cor. 1. 26. 2. Tim. 1. 9. & 1. Pet. 2. 9. per quam gratia sive externa sola, sive interna offertur tantum, id perperam faciunt Remonstrantes*. Inepte, inquam; Nam quomodo hæc vocatio, sive electio fiat, an ita ut offeratur tantum gratia, an vero ut etiam conferatur, an sit vocatio cum effectu, an sine effectu, hic non definiunt Remonstrantes, imo diserte in fine paragraphi negant se ejus rei rationem habere, cum de electione ad gratiam, sive de vocatione hic agunt: Tantum dicunt, electionem, sive Vocationem hanc, significare in citatis locis electionem, quæ electio ad gratiam dicitur sive ea cum effectu sit, sive sine effectu, non

Inepta allegatio loci ex 1. Cor. 1. 26. redarguitur.

EXAMEN CENSURÆ

vero eam, quæ contradistincte ab ea vocatur electio ad gloriam. Quare, cum Cenfor multis probare conatur in priore loco ad Corinth. non de alia quam de efficace vocatione agi, extra lineam abit. Tantum vero etiam abest, ut Remonstrantes de alia vocatione isthic agi statuunt, ut contra non nisi de ea agi persuasissimum habeant. Sed, per vocationem efficacem intelligi vocationem, cui illi, qui sic vocantur, *ex vi vocationis non possunt non respondere*; id vero (quamquam ad rem hic non facit) plane falsum est. Nec vel speciem probationis habet, quod pro se hic adducit Cenfor. Nam quæ ratio consequentiæ est, Tam sapientes potentes & nobiles secundum carnem, quam ignobiles & infirmi externa vocatione vocantur, quum Apostolus tamen dicat, pauperes præ divitibus à Deo vocatos & electos esse. Ergo vocatio & electio, de qua hoc loco agitur, est vocatio ejusmodi efficax, ex cujus vi vocati vocationi respondent. Quis arenas has connectat? Sequitur quidem ex eo vocationem hic intelligi quæ cum effectu est, sed vocationem intelligi, quæ effectum isto modo, quo Cenfor vult, producat, ne verisimiliter quidem sequitur. Locus Iacobi, qui ad confirmationem adducitur à Censore, nec agit de electione ad fidem, quæ cum effectu est, sed de electione ad gloriam, quæ vocationem cum effectu sequitur, quatenus electio significat (uti cap. seq. dicitur parag. 2. ubi etiam hic locus Iacobi adducitur) peculiari acceptione purum putum actum divinæ voluntatis, quo pauperes, eo ipso quod credant divinæ vocationi, gratos & acceptos habere vult, & eodem loco censere, quo peculia & κειμήλια, sive electa bona sua homines censere solent, ut opponatur electio Dei contemptui illi & contumeliæ, qua pauperes à quibusdam afficiebantur, cum iis divites & locupletes, licet alioquin parum Christianos, præferrent, & quasi ex reliquo cætu seligerent, uti ex textu manifestum est. Nec bona fide citatur à Censore, cum inserit verba ista, *ut sint divites in fide: ut sint enim*, in textu non est, & non nisi absurde infarcitur textui, quamquam de eo acriter contendere hic nolumus; ut enim sit, semper eodem redibit res, An electio intelligatur ejusmodi, cujus vi fiat, ut, qui eliguntur, electioni sive segregationi, quam Deus à parte sua facere vult, non possint non obtemperare, quamquam nec hujus etiam rei ratio hic à Remonstrantibus habita fuit uti jam ante diximus. Quare, cum distinctionem Electionis ad gratiam ab ea, quæ electio dicitur ad gloriam, quam Remonstrantes hic fecerunt, Cenfor carpit, aliena agere videri voluisse, aut egisse saltem, dicendusest.

Posthæc

Perperā citatio loci ex Epistola Iacobi cap. 2. §. 2. darguitur.

Posthæc sequitur cavillus ad id, quod Remonstrantium declaratio al-
 ferit, *vocationem effici & perfici per prædicationem Evangelii, & ei adjunctam*
virtutem Spiritus, quem nos ut indignum responsione, quippe ex mera
 suspicandi libidine natum, hic præteribimus. Constat enim Remon-
 strantes in publicis scriptis suis communi nomine editis, nominatim in
 Actis & Scriptis suis Synodalibus, (quod enim hic aut ille statuat statue-
 ritve ad rem hanc non facit) credendi potentiam in iis, qui vocantur, à
 Deo immediate productam semper præsupponere. Negare autem po-
 tentiam omnem irresistibilem, seu immediate & distinctè à verbo actum
 fidei in voluntate efficientem, sive (quod tamen inimaginabile & inex-
 plicabile est) verbo ipsi adspiratam, & cum verbo simul (aut, ut ineptis-
 simè hic Cenfor loquitur *distinctè*) eam producentem: Per eam enim,
 quomodocunque concipiatur, verbi totius, quatenus præcipit fidem sub
 promisso præmii & pœnæ comminatione, naturam, proprietatem, & vim
 atque efficaciam tolli necesse est. Fidem enim serio præcipere, & simul
 cum præcepto isto irresistibiliter aut immediatè in eo, cui fides præcipi-
 tur, fidem producere, sunt planè *diversa*. Moralis & physica vel meta-
 aut-hyperphysica fidei productio ut conjungantur plane absurdum &
 Deo injurium est.

Cavillatio Cen-
 foris de Spiritu
 S. operatione à verbo
 distincta, cum
 verbo tamen
 conjuncta, re-
 jicitur, & ve-
 ra sententia
 Remonstran-
 tium indica-
 tur.

Post cavillum hunc sequitur, non Censura, sed quæstio: *Querimus,*
inquit, An hanc virtutem & quidem perfectam ex gratiosa & seria intentio-
ne salvandi, eoque ad fidem adducendi eos omnes, qui vocantur, semper verbo
externo conjunctam esse statuatis, & sine ullo hominum, qui vocantur, discrimi-
mine? Hoc ex vestra hypothese statuere cogimini, & verba sequentia, eos om-
nes qui vocantur, hoc postulant. Ita est, quamquam certum est Remonst.
 verba ista, *Omnes qui vocantur*, non nisi ad eos, qui primitus ad fidem vo-
 cantur, hoc loco restricta voluisse. Agunt enim diserte de vocatione, quæ
 ad ingenerandum fidem facit, uti ex verbis ipsis liquet: Quæstio enim
 illa, An Deus cum iis, quos diu gratiosa sua vocatione, dignatus est, &
 qui longa ac pene invincibili contumacia vocationi isti divinæ resti-
 terunt, eodem modo agat, expendetur in sequentibus, ubi tamen etiam
 exposuerunt satis aperte sententiam suam Remonstrantes, non quod
 damnent secus sentientes, sed quod cum iis non sentiant, nolentes cum
 iis acriter idcirco contendere. Alia enim ratio videri potest contuma-
 cium & præfractæ longoque tempore divinæ vocationi oblectantiū, seq;
 ipsos indignos divinæ vocationis beneficio propria & diuturna sua culpa
 reddentium, quam eorum, qui primitus ad fidem vocantur, Esto itaq; ge-

Spiritus S. vir-
 tus an semper
 verbo externo
 conjuncta sta-
 tuatur à Re-
 monst. sine ullo
 hominum qui
 per Evange-
 lium vocantur,
 discrimine.

EXAMEN CENSURÆ

Quorum ad-
dita sint à Re-
monstranti-
bus verba,
quibus ver-
bum ordina-
rie prædica-
tur.

Quorum ad-
dita sint in
declaratione
verba hæc,
Aut confert
gratiam aut
conferre pa-
ratus est.

neralis hæc sit sententia Remonstrantium hoc in loco, uti revera eorum est sententia. *Quid est ergo, inquit Cenfor, quod paragrapho 8. ubi hæc re-
petuntur, quadam adjungitis, quæ hanc universa itatem evidenter restringunt,
quando dicitur, Spir. S. omnibus & singulis sufficientem gratiam conferre, qui-
bus verbum fidei ordinariè prædicatur? Quid enim significat illud, Ordina-
riè, nisi statuatur à vobis aliqua exempla extraordinaria, in quibus Spir. S.
hanc virtutem non adjungat? Nulla hic restrictio est. verba illa, Quibus
verbum fidei ordinariè prædicatur, addita sunt à Remonstrantibus, non eo,
quo Cenfor conjicit sine, sed planè contrariò, ut significarent se extraor-
dinaras Dei vocationes in computum hunc recensere nolle, in quibus
fieri potest ut Deus excellentiore & nobiliore aliqua virtute quosdam
vocatos dignetur, imprimis eos, quorum opera ad aliorum hominum
conversionem uti vult. Extraordinarias ejusmodi actiones Deo liberas
semper manere indicatum voluerunt, ex iisque de ordinaria Dei voca-
tione judicium faciendum non esse. Supremus enim & nulli juratus
Dominus ac Legislator, non ponit sibi ipsi legem, sed semper jus sibi
suum integrum reservat extra ordinem agendi, prout libet. Deinde, ad-
dit Cenfor, Quid etiam significat illud, aut confert gratiam, aut saltem con-
ferre paratus est? Nam qui semper & in omnibus virtutem suam verbo adjun-
git, ille non tantum paratus est ad gratiam illam sufficientem, ut hic vocatis,
conferendam, sed revera confert? Idcirco hoc posterius additum est, quia
fieri potest, ut, quibus hæc gratia sufficit pro hoc tempore, pro alio tem-
pore, puta, in gravibus aut diuturnis tentationibus, non sufficiat. Vir-
tutem itaque hanc dicunt à Deo non statim aut quolibet momento con-
ferri, sed Deum paratum esse ad eam conferendam, id est, ad virtutem
intendendam aut augendam, ut pro virium ac temporum ratione suffi-
ciens sit. Quare, quod hic Pelagianismi venam latere posse dicit Cen-
for, vana conjectura, & mera suspicandi ærugo est. Nec minus impe-
rita hariolatio est, quæ sequitur; Video, inquit, ubi vobis aqua hic hæ-
serit, Manifesta quedam exempla S. Scriptura, quorum vim hoc modo de-
clinare voluistis, in quibus perspicuè adferuntur, Deum aliquando, ad judicia
sua exercenda, mittere præcones, & ad homines ingratitude & contuma-
cie sue convincendos. Quin Deus aliquando præcones mittat, ad judi-
cia sua exercenda, & ad convincendos homines ingratitude & con-
tumaciæ, nihil dubitant Remonstrantes. Loca allegata id non ob-
scure arguunt: Veruntamen, tantum abesse arbitrantur Remonstrantes
ut Deus judicia sua exercere & homines ingratitude & contuma-
ciæ*

cia per præcones suos, quos ad eos mittit convincere, aut velit, aut jure possit, si ex seria & gratiosa intentione salvandi eosque à rebellione & contumacia aut impediendi, aut revocandi, præcones istos non mittat, ut contra indubiè statuant, idcirco homines ingratitude & contumacia à Deo convinci, aut judicia contra eos, ut ingratos & contumaces, exerceri non posse, quia cum seria intentione homines istos salvandi, eosque à rebellione aut contumacia liberandi præcones istos suos non mittit. Quæ enim ingratis locum habere potest contra eum, qui beneficium facere non vult, sed facere tantum videri vult? Quæ contumacia contra eum, qui non vocat cum intentione salvandi, aut beneficiendi? Contra hypocritam crudelem nemo ingratus esse potest. Contra immisericordem illusorem nemo contumax. Atqui crudelis hypocritis & immisericors illusor est, ingratitude aut contumacia convincere videri velle eos, quos Deus jam ante ob nullam propriam eorum culpam, æternum perditos & à spe salutarium omnium beneficiorum seclusos voluit. Dicit fortasse Censor, Se loqui de ingratitude & contumacia, respectu præcedentium Dei beneficiorum, quæ homines isti contemserunt. At frustra, Socinus & qui cum eo sentiunt ita statuunt, Deum circa eos, qui longa & diuturna contumacia sua indignos reddiderunt propria sua culpa quovis Dei supplicio, ejusmodi admirandis judiciis occupari, ut eos nonnunquam incitet, impellat, imò cogat ad peccandum & rebellandum, sicque ingratitude & contumaciam eorum publicè quasi traducat, uti variis ejus scriptorum locis videre est: & hæc sententia speciem sanè aliquam juris ac veri habere videtur, saltem tolerabilior est. Sed, ut idem Censor dicat, non sinunt ejus dogmata. Nullum salutare beneficium, quod Deus vocatis istis fecerit aut facere voluerit, præmittit ingratitude & contumacia eorum: Deus, juxta Censorem, nunquam eos salvare seriò intendit, imò intendit eos ab æterno non salvare, sed perdere, & ab omni salutis spe & salutarium beneficiorum communione relinquere seclusos: Vocat eos, non quia salvare eos vult, aut quia salvatos eos cupit, sed ut, cum perditos eos cupiat, salvare tamen velle videatur. Ingratitudo itaque & contumacia eorum alia nulla est, quam quod, cum non possint nulla sua propria culpa grati esse, grati non sint, & cum non possint non contumaces minere, contumaces ut ita dicam, sint; aded ut in primo vocationis momento, non minus contumaces sint, quàm si per annorū aliquot myriadas vocarentur, & variis vocationibus à Deo afficerentur. Ingratitudo & con-

Deus neminem
ingratitude
aut contumacia
arguere
jure potest,
quem serio
propositum si-
bi non habuit
à contumacia
& ingrati-
tudine immunè
præstare.

EXAMEN CENSURÆ

& contumacia eorum nuda nomina sunt. Peccatum Adami, & quod ex eo, nulla sua propria culpa contraxerunt, peccatum Originis, eos adamantinis vinculis tenet constrictos, ut non possint non, tam in principio quam in medio & fine, Deo vocanti oblectari. Atque hæc eorum ingratitudo contumacia vocatur, eodem, credo, jure, quo rupes aut scopulus contumax vocatur, qui respuit aquas, à quibus alluitur. Pudet hæc tam turpia, tam fœda, tam insana multis refellere.

Consilium & eventus distinguuntur.

Locus Ioannis 16. vers. 8. adferitur à prava Censoris interpretatione.

Loca quæ citat Cenfor perperam citantur. Non enim agunt de fine, quem Deus propositum sibi habet, cum præcones suos ad ejusmodi homines mittit, etiam si verba ita sonare videantur; sed de eventu, qui præter intentionem & contra, ut cum Scripturis loquar spem atque expectationem Dei, Esaïæ 5. ex libera ac non prorsus invincibili contumacia, & sic verè propria culpa eorum existit, proinde qui potuerat ac debuerat non existere, & qui ut non existeret, Deus à parte sua, quantum in se erat, ex animo adlaboraverat, pro ut ex loco Ioan. 16. vers. 8. quem hic Cenfor citat, clarè liquet: *Spiritus Sanctus, inquit textus, arguet vel convincet mundum de peccato, eò quod non credunt in me.* Non credunt enim hic aliud nihil significare potest, quam non volunt credere, cum debeant & possint in me credere, & ego omni ope adnixus fuerim ut in me vellent credere. Agitur enim de peccato omnium maximo, quodque gravissimo supplicio Deus vult afficere, id est, de infidelitate, quæ Spiritus Sancti distributionem secutura erat, & peccatum in Spiritu Sanctum vocatur, quo nisi statuatur eos carere potuisse, quæ ratio tam grandis punitionis? Quod si velimus de infidelitate in genere, aut de peccandi consuetudine ex infidelitate nata hic agi, nihilominus *non credunt* exponendum est, per, Non volunt credere, cum possint ac debeant credere. Id enim disertè patet ex cap. 5. 34. *Hæc dico ut servemini*, Sed vers. 40. *vos non vultis venire ad me, ut vitam habeatis. Non veni, ait Servator cap. 12. 47. ut condemnem mundum, sed ut servem mundum. Qui rejicit me, nec recipit* (id est recipere non vult, cum debeat ac possit recipere) *verba mea, habet qui condemnet ipsum. Sermo quem locutus sum illi, damnabit eum ultimo die.* Sermo enim iste Christi damnare eum non posset ingratitudinis & contumaciæ, nisi supponatur eum potuisse recipere sermonem istum, & tamen noluisse. Cæcus enim nulla sua propria culpa, (quid dico aliena?) cæcus natus, non potest ingratitudinis & contumaciæ damnari nedum convinci, quod Solem in meridie lucentem, non adspiciat, aut colores à luce

à luce illustratos non contempletur. Hinc patet quam sit frivolum quod sequitur. *Neque verò, inquit Cenfor, quicquam ad rem facit hæc exceptio, quod Deus quidem antea paratus fuerit gratiam eam conferre, & efficaciam Spiritus ad eos convertendos idoneam verbo suo conjungere voluntate antecedente, sed contumacia & ingratitude hominum eorum esse factum, ut Deus alium sibi finem proposuerit voluntate consequente; quia, qui hoc dicit, fateatur nihilominus aperte Deum non semper in eum finem verbum suum proponere, ut homines per illud convertantur, sed nonnunquam in alium finem, nempe, ut sua contumacia magis ac magis convincantur, &c.* Nequaquam sane. Non enim fateatur idcirco, nedum ut fateatur aperte, convincere istud, esse finem propriè quem Deus intendit, sed fateatur tantum eventum esse, qui consequitur ex eo, quod Deus, cujus finis propriè est homini isti benefacere, eumque ad gratitudinem excitare, id quod intendit non assequatur. Deinde, esto, fateatur id (ne logica hæc ac scholaris lis fiat) non tamen fateatur id alio sensu, quam quia supponit à parte Dei non stetisse, quo minus iste homo ingratus & contumax esse delineret, id est, quia extra dubium ponit, Deum isti homini sufficientem gratiam dedisse, ut ingratus & contumax non esset. Alioquin finem istum habere, id est, convincere eum ingratitude & contumaciæ non posset. Deinde, inquit, qui hoc dicit, is necessario fateatur Deum esse mutabilem, & cum antea intentionem haberet eos convertendi, Deum, sine illo frustratum, alium finem sibi præstituræ, idque sæpè & vicissim, prout hominum contumacia, vel augeatur, vel minuitur. Inepta sanè consequentia. Mutabilitatis hic ne species quidem est, Non enim mutat Deus intentionem salvandi, quia non habuit intentionem nisi hypotheticam, si vid. homo ipse sponte sua rebellis & ingratus esse aut manere nolit: Eadem illa hypothetica intentio manet: hypothesi autem non existente manet constans Dei voluntas & jam ante deliberata intentio puniendi ingratum & rebellem. Nisi ita esset, tum demum vere mutaretur Dei voluntas. Hæc res tam clara est ut palpari possit vel à Tyrone, mirum ni ab Academico Doctore. Si aliter credit Cenfor, explicet itaq; nobis quomodo cū Sapiētia Dei cōsistere possit, quod conqueratur toties in Sacris de eo, quod *Consiliū suum aspernentur homines, quod frustra laboret, quod ad puniendū homines penè adigatur, quod cum eos punit, alienū opus faciat, aliaq; in eandem sententiam plura.* Nam si Deus unicum tantum finem sibi propositum habet, quo frustrari nec vult, nec potest, quemque adsequitur semper, siue homines convertantur, siue non convertantur, siue obediant, siue rebellent, quis querelæ,

Sic

quis

Non sequitur
Deum mutabi-
lem esse, si fi-
nem sub con-
ditione inten-
tum, non ad-
sequatur.

EXAMEN CENSURÆ

quis lachrimis, quis obtestationi locus est? Sanè, sic ex Deo histrio, & pantomimus fit, qui personam & larvam in theatro sumit & deponit, id est, qui, quod non est, videri vult. Hoc est Deum fingere non tantum mutabilem, sed hypocritam & simulatorem crudelissimum: hoc ipsum enim quod fingit, eo sine fingit, ut majorem damnandi, & gravius puniendi occasionem nanciscatur.

Paragrapho III. expenditur distinctio vocationis in sufficientem & efficacem. Cenfor admittit distinctionem rectè intellectam. Ac primum sufficientem gratiam quod attinet: *Concedimus*, inquit, *omnes illos, qui per Evangelium vocantur, sufficienter vocari, id est, Deum ex sua justitia non obligari ad eos aliter vocandos, quam revera vocat, & per illam vocationem eos coram Dei judicio, omni excusationis prætextu sufficienter privari, si non convertantur, quia culpa, cur non convertantur, in ipsis solis hæret, &c.* Mira sufficientis gratiæ definitio. Eodem jure insufficientem eam vocaveris. Quid enim hoc ad rem facit, an Deus ex justitia sua obligetur, ad eos aliter vocandos, an non? & si non obligetur, an non sufficienter per illam vocationem vocati priventur omni excusationis prætextu, ed quod non obligetur Deus ad eos aliter vocandos? Sufficiens enim gratia non dicitur in ordine ad Deum, sed in ordine ad hominem, cui gratia fit: Alioquin nullam prorsus gratiam facere, aut saltem multò minorem, imò gratiæ guttulam minimam dare, idem esset quod gratiam sufficientem dare. Ratio est, Quia Deus ex justitia sua non obligatur, juxta Cenforem, ad ullam, aut saltem ad majorem gratiam conferendam, & per vocationem istam, cum minima licet gratia conjunctam, vocati coram Dei judicio omni excusationis prætextu sufficienter privari dicentur, si nō convertantur, eodem jure, quia culpa, cur non convertantur, in ipsis peccatoribus hæret. Et sanè, eadem prorsus ratio hic militat. Quævis enim etiam minima gratia tantūdem valet atq; hæc, quam sufficientem hic vocat Cenfor. Quid est vocabulis ludere, si hoc non est? Sed nil mirum: Revera enim sufficiens gratia nudum nomen est Calvinistis, & titulus sine re. Nulla sufficiens gratia est, quæ nō ex forma sua efficax est, ut Cenfor loquitur. Omnis gratia, quæ in actu secundo efficax nō est, ea insufficientis ipsis est. Et sanè, quis sanus dixerit homini ob crimen suum proprium adamantinis catenis constricto sufficientem gratiam dari exeundi ex carcere, cui carcer aperitur, & qui cum lachrimis, querelis, precibus, rogatur etiam atque etiam, ut ex carcere exeat, manentibus pedicis ac numellis, quibus alligatus est? Atque hæc gratia, si sufficiens vocari non meretur,

Ridicula sufficientis gratiæ definitio quam Cenfor facit, redarguitur.

retur, ubi culpa ejus, cui ea fit, propria vinculorum ejus causa est; quomodo jure sufficiens vocabitur, si eadem fiat homini, qui nulla sua propria voluntate, sed prorsus aliena miser est? Sed esto; demus etiam hoc pacto sufficientem gratiam intelligi posse, falsum tamen est utrumque, videlicet Deum non obligari ex justitia ad tales aliter vocandos; & tales ita vocatos, coram Dei judicio, sufficienter privari omni excusationis prætextu. Alterum ex altero sequitur. Deum obligari ex justitia sua ad eos aliter vocandos, aut vera sufficiente gratia donandos, inde patet; quia eos vocat sub promisso excellentioris præmii, si pareant vocationi, & comminatione gravioris poenæ, si ei non pareant. Repugnat autem justitiæ divinæ è diametro, per vocationem reum aliquem facere majoris poenæ, cui gratiam vere sufficientem non dedit, ad evadendum poenam istam, & contrarium promissum præmium consequendum. Nec refert quod is, qui ita vocatur, (per culpam suam an alienam, hic ad rem non facit) impotens redditus sit ad poenam istam evadendum, aut vocationi divinæ obtemperandum: Hoc ipsum enim, quod per culpam suam impotens factus sit, sufficere non potest ad hoc, ut jure Deus actum istum, qui in eo non potest non locum habere ob impotentiam istam, quæ in eo est, ex.g. non receptionem verbi, rejectionem Evangelii, pro actu ingratitude aut contumaciæ censere, hominemque propter actum istum, ut talem actum, reum possit facere gravioris, nedum gravissimæ poenæ. Justitia humana non permittit, nedum divina, ut quis eum, qui sibi ipsi contra legem oculos effodit, vocet ad legendum aliquid, & quia non legit, eum idcirco præfactum ac rebellem nuncupet, & propter rebellionem, tanquam novam & justam punitionis causam, graviore poena afficiat: Atque hæc res si certa est, quæ ratio justitiæ divinæ dabitur, cum istos ita, ut Censor ait, vocat, quos nulla sua culpa proprie impotentes reddidit, aut si Adami culpam, propriam etiam eorum culpam voces, quos Deus ipse, ob culpam istam, per justam, ut vocant, punitionem, viribus omnibus supernaturalibus orbavit, atque ita impotentes ipse reddidit? Qui hic justitiæ divinæ locum esse posse, & hisce talibus omnem excusationis prætextum coram Deo ademptum esse ait, næ ego ei optem sanius judicium, & si ex numero reproborum istorum esset, æquiores judicem. Se ipsum reprobi alicujus loco ponat, & jurare ausim quod ilico mutaturus sit sententiam, & excusationis justissimum prætextum se habere palam sit exclamaturus. Nulla enim justior excusatio, quam quæ ab impotentia desumitur, imprimis quæ

EXAMEN CENSURÆ

Efficax gratia
quot modis
dicatur.
Præcisè,

Ex parte mo-
di.

Ex parte effe-
ctus quem ha-
bet, quando
voluntas ei
cooperatur.

ex inflictâ poena est. Sed de efficace gratia videamus. An vid. efficace gratia vocetur efficace à forma sua, ut Censor ineptè loquitur, sive, ut Scholastici, ex se an à solo eventu. Hoc à Remonstrantibus, istud à se suisque asseri dicit. Res indiget explicatione, ne erretur. *Efficax gratia* tripliciter spectari potest, ut Scholastici notant. I. *Præcisè* secundum naturam, aut, ut Censor loquitur, secundum formam suam, quatenus vid. gratia actualis quædam motio est, voluntati à Deo immissa, quæ talis est naturæ, ut non solum habeat vim & efficacitatem formaliter excitandi in voluntate consensum, sed etiam affectivè concurrendi cum voluntate ad consensum, per modum causæ partialis. Hoc modo gratia sufficiens & efficace non distinguuntur. Nam hoc ipso quod gratia dicitur sufficiens, intelligitur habere sufficientem vim alliciendi voluntatem, & cum illa effectivè producendi consensum. Hæc autem vis sufficiens nihil aliud est, quam quædam efficacia, saltem in actu primo. II. Spectari potest efficace gratia *ex parte modi, quo Deus eam confert*, quatenus vid. eam accommodat personis, temporibus & circumstantiis, quibus positis prævidet futurum, ut ea effectum sortiatur, atque ita efficace fiat. Atque hæc gratia hoc modo administrata congrua gratia solet vocari & distinguì à non congrua. Hæc gratia efficace est, non à forma sua, sive ex se, sed ex modo procedendi, quo Deus utitur, qui fundatur in prænotione Dei, qua præcitat infallibiliter, gratiam, si isto tempore, tali loco, cum talibus circumstantiis offeratur, certo certius effectum sortituram, quem alio tempore, alio loco, &c. administrata sortitura non esset. III. Spectari potest efficace gratia *ex parte effectus* quem habet, quando voluntas ei cooperatur. Sic enim efficace vocatur, non ex se aut forma sua, nec ex modo procedendi, quo Deus utitur sine respectu ad liberam hominis cooperationem, sed ex eventu, sive ex libera cooperatione hominis. Quod tamen potest dupliciter accipi, ut rectè nonnulli notant. Primum sic, ut gratia statuatur ex se nullam habere vim sive efficaciam ad producendum consensum in voluntate, sed tota efficacia ejus sit ex parte voluntatis humanæ. Secundò sic, ut statuatur gratia habere ex se sufficientem vim, ad producendum consensum in voluntate, sed, quia vis illa partialis est, non posse exire in actum sive effectum sortiri sine cooperatione liberæ voluntatis humanæ, ac proinde, ut effectum habeat, id est, ut in actu secundo sit efficace, pendere à libera voluntate. Primum sensum ut falsum & alienum à mente sua & sanorum omnium Theologorum rejiciunt Remonstr. Alterum suum esse volunt,

volunt, idque non obscure indicant, cum gratiam dicunt vocari efficacem ab eventu potius, quam à sola intentione Dei sic dicta, quæ sc. effectum suum salutarem re ipsa sortitur. His ita præmissis videamus quid Censor afferat.

Nos ergo contra vos, inquit, asserimus cum Ecclesia Orthodoxa adversus Pelagianos, aut eorum reliquias Massilienses, gratiam Dei efficacem non tantum hoc efficere, ut possimus converti, ita ut ipsa deinde conversio relinquantur in nostra libertate, sed ut revera & certo convertamur, in Christum credamus, & ejus mandatis obediamus. Assertio hæc ut contradicat assertioni Remonstrantium elucidanda est. Est enim obscura, & tumida simul ac timida. Subscribere ei possit Remonstr. prout jacet sine ullo scrupulo: Quis enim dubitet affirmare gratiam efficacem esse eam, quæ efficit ut revera & certo convertamur? Nemo nisi amens de eo dubitaverit. At de eo non quæritur. Aliud agitur, & pressius disputandum est in re tanti momenti. Sensus ad assertionem hujus hic statuatur necesse est; Gratiam efficacem esse motionem divinam, seu actionem Dei Physicam, quæ ex se determinet voluntatem ad consensum; ita ut voluntas non modo consentiat revera ac certo, sed ut non possit non consentire divinæ vocationi. Hic cardo vertitur. Nec dubium est, quin hæc sit Censoris mens, & eorum, qui cum eo sentiunt, quicquid eam aperte profiteri non audeant. Dicit quidē Censor paulo post, gratiam, qua Deus utitur in iis qui convertuntur, esse gratiam quæ administratur tum per sapientiam, tum per potentiam; sed aut in vocibus sapientiæ & potentiæ ludit, cum ita loquitur, aut quid dicat non intelligit. Gratia enim, quæ administrari dicitur per sapientiam, proprie est gratia congrua, quam penitus respuit Censor, utpote liberi arbitrii hostis acerrimus. Gratia vero quæ per potentiam administrari dicitur, est determinans physica gratia. Utramque enim illam concurrentem facere in opere conversionis, stultissimum est. Postrema itaque gratia hic necessaria intelligenda est. Enimvero hujus gratiæ assertio contradicit assertioni Remonstrantium directè. Probat eam Censor duobus modis. I. Ex Scripturæ locis. II. Ex consensu Veteris Ecclesiæ contra Pelagianos & Massilienses.

Primum. Scriptura testatur id multis in locis, inquit, & loca aliquot citat nuda, & sine ulla probatione. At hoc non est ex locis disputare, sed loca numerare. Quasi vero non eadem aut totidem coacervare possint pro se Remonstrantes. Turpe sane est & indignum Doctoribus Academicis, tam perfunctorie agere causam, quam

Quid gratia
efficax Censori sit,

EXAMEN CENSURÆ

tanti momenti esse existimat. Sed nos nihilominus eavideamus. Primus locus desumptus est ex Esa. 42. 16. *Et ambulare faciam cecos per viam, quam non noverant, & per semitas, quas non cognoverant, incedere faciam eos, ponam tenebras coram eis in lucem, & obliqua in rectum. Hæc faciam eis, & non derelinquam eos.* Quis, etiamsi locum hunc in mortarium conijciat, extuderit ex eo sensum pro determinante gratia? Per cecos enim hic intelligi inconverfos, per *facere, ambulare per viam quam non noverunt*, intelligi conversionem, quæ determinat voluntatem, qua vel specie probabitur? Vatablus sane per cecos hic intelligit Romanos, quasi dicat Prophetæ, inquit, *Quum educam Romanos è suo regno, nescient quo ituri sint.* Verisimillimum est respici ad præcedentem versum, ubi dixerat Deus, *Ponam flumina in insulas, & stagna siccabo.* Cui subjunguntur hæc verba; *Et ambulare faciam cecos*, id est, populum meum, qui cæci instar non vidit viam istam, nec credere unquam potuit isthuc viam esse, per quam ambulari possit, puta, per flumina & stagna. *Ponam etiam tenebras in lucem coram eis*, inquit Deus, id est, faciam ut quæ veluti tenebrosissima & inaccessa loca erant, plana fiant ac lucis instar patentia ante oculos eorum. Breviter, & in summa, cumulabo eos inopinatis & pene incredibilibus beneficiis, cum eorum miserebor, qui, etiamsi indigni sint quorum miserear, tamen idcirco à me beneficiis afficientur, quod, rejecto sculptili, mei unius cultu se oblectant. Quicquid sit, certum est tam controversum, & allegoriis plenum locum in fronte locorum Sacræ Scripturæ collocare, esse malæ ac tantum non desperatæ causæ signum. Posito enim quod hic verius agat, sub metaphorica locutione, de spiritualibus beneficiis, quibus populum suum adfecturum se promittebat Deus; an inde inferetur talis prædeterminantis gratiæ promissio? Contrarium potius inde inferri non posse tantum, sed etiam debere (ut jam alia non allegemus imprimis vers. 20. 24. & 25. hujus ipsius cap.) hæc unica ratio evincit; Quod Deus hic promittit se aliquando, temporibus vid. Messia, uti interpretes volunt, gratiā & beneficium istud populo præstiturum. At gratiæ determinantis beneficium semper locum habet, juxta Censorem, ubi conversio locum habet. Itaque aut nulli tum conversi erant in populo, cum hæc promittebat Deus, aut si erant, jam tum ambulare faciebat cecos per viam, quam non noverant, nec minus id faciebat tum, quam olim fecerat, & porro semper facturum erat. Quomodo itaque hic promittitur gratiæ determinantis beneficium? Sed abeamus ex tam obscuro allegorico & male allegato loco

Locum Esaiæ
cap. 42. 16.
à Censore in-
epte adductum
esse ostenditur.

loco. Is quem deinde ex Esaia citat Cenfor capite isto non exstat, nec facile conijcere est quem designet. Ad locum Ezech. 36. 26. transeamus, qui speciosior apparet. Hic ita sonat: *Dabo vobis cor novum, & Spiritum novum dabo in medio vestri, & auferam cor lapideum e carne vestra, daboque vobis cor carneum, & Spiritum meum dabo in medio vestri, efficiamque ut in praeceptis meis ambuletis, & iudicia mea custodiatis & faciatis illa.* Hoc in loco contineri singularis alicujus beneficii promissionem, certum est utrimque. At beneficium istud esse gratiae efficacis, id est, gratiae voluntatem ad Deo obediendum determinantis beneficium, probandum fuerat Cenfori. Nos contrarium potius ex textu concludi posse ac debere evincimus ex eo, quod promissio haec toti populo Israelitico hic fiat, & quidem talis promissio, quae non nisi post multos dies implenda erat. Ratio consequentiae per se plana est. Promissio determinantis gratiae non pertinet nisi ad paucos, uti Cenfor cum suis statuit, nominatim ad id electos, & ea non minus jam tum isto tempore, quo haec promissio fiebat, implebatur, quam post istos dies implenda erat. Semper enim & ubique eodem modo locum habet, atque impletur. Semper enim eodem modo electi convertuntur. Minor patet ex verbis Ieremiae, ubi quin eadem promissio contineatur dubium non est, cap. 31. 31. ex ratione Foederis & natura rei. Verba textus apud Ieremiam sunt, quae etiam Scriptor ad Heb. citat cap. 8. 8. 10. *Ecce dies veniunt, & pangam cum domo Israel, & cum domo Iuda Foedus novum; item, Istud est Foedus, quod feriam cum domo Israel, post dies istos, &c.* Per domum autem Israel & domum Iehuda, hic intelligi electos ab aeterno ex utraque domo ista, nulla prorsus ratione nititur, & per se absurdum est, quia per utramque domum istam disertè notantur ii, in quibus cor & Spiritus verus erat, in quibus cor non carneum, sed lapideum erat: per quos, si velit Cenfor hic denotari electos in populo, tum fateri cogitur, nullum fuisse in populo isto conversum, aut qui cor novum & carneum haberet, quo tempore haec promissio fiebat. Præter electos enim non fuerunt in populo nisi reprobi. At nec reprobi habuerunt cor carneum, nec electi, quia alioquin id dari iis opus non fuisset: Ergo nulli: & cum promissio haec effectum fortitura dicatur post dies multos, adeoque non nisi temporibus Messiae, uti Scriptor ad Heb. non obscurè indicat, & interpretes penè omnes agnoscunt; fateri cogitur usque ad tempora ista neminem conversum futurum fuisse. Quid absimilius vero? Foederis ratio idè evincit, quia Foedus dicitur *Novum*, quod in V. Foederis locum successurum.

Locus Ezechielis 36. 26. à pravo Cenforis sensu vindicatur,

Expenditur eadem operâ locus Ierem. 31. 31.

EXAMEN CENSURÆ

Quo sensu Fœ-
dus Novum
dixerit Iere-
mias,

Argumentum
ex natura rei.

cessurum erat. Fœdus autem Vetus cum toto populo initum fuerat: Er-
go & Novum. Dupliciter autem crediderim Fœdus hoc Novum vo-
catum fuisse à Deo. I. Respectu novi istius beneficii, quod Deus populo,
in captivitate Babylonica tantum non perduto, facturum erat, cum eum
ex eo liberaturus esset, & sic de novo sibi adserturus & obligaturus, ei-
que deinde veluti populo noviter nato & creato, novas quasi leges, quæ
in captivitate ista ferè obliteratæ & antiquatæ fuerant, laturus erat.
II. Respectu beneficii omnium maximi, quodque Deus præcedente isto
veluti typo adumbratum voluit, videlicet, quod temporibus Messia
facere in animo habebat; quo sensu existimaverim istud ad tempora
Euangelii referri ab autore ad Hebr. Iam autem ex utroque Fœdere pa-
tet, promissionem hanc ad totum populum directam fuisse, quia om-
nes, qui Fœderi isti typico primum, & Fœderi deinde Novo, propriè
sic dicto, sese non subjecerunt, ii eo nomine reprehenduntur & accu-
santur, quod benefactorem suum post tergum suum rejecerint, quod duri
cervice & incircumcisi corde manserint, quod frontem suam adamantis instar
induraverint, quod gratiam divinam, Fœdere isto comprehensam, respuerint,
quod diem salutis non acceptaverint, quod Spiritui S. restiterint, quod
sanguinem Fœderis, per quem fuerant sanctificati, profanum duxerint, &
spiritum gratia contumeliâ affecerint, &c. Quæ omnia & plura alia dici
non potuissent, nisi Deus Fœdus hoc novum ad istos etiam, ac proinde
ad populum totum pertinere voluisset. *Natura rei* confirmat idem evi-
denter; quia si promissio hæc, juxta Dei intentionem, non pertinet ad to-
tum populum, sed peculiariter tantum ad eos, quos nominatim electos
Censor vocat, jam dicat necesse est, Deum promittere futurum demum
post dies istos, aut, si ita velit, diebus Messia, id, quod antea semper fa-
ctum fuerat, quod eo ipso, quo hæc Deus promittebat, tempore, fiebat,
& quod futurum semper erat ad consummationem usque sæculi, id est,
Deum promittere hic se efficaci, id est, physicè determinante gratia usu-
rum, cum electos suos converteret, quâ tamen gratia semper à principio
ipso mundi usus fuerat, quâ tum eo ipso tempore utebatur ad conver-
tendum electos suos, & qua porro semper usus erat ad finem usque
mundi, eodem semper modo ac mensura. Fidem enim eodem modo, eâ-
dem efficacia in mentibus electorum effici Censor statuit: Determinans
enim gratia in indivisibili consistit. Hæc jam absurda esse palpabilia, an
non sentis Censor? Adde, Quod si dicatur Deum hoc loco promittere, se
istâ efficacia usurum demum post dies illos, & tempus illud, quod post
dies

dies illos erit, intelligas de tempore Messiae, tum necesse est ut dicas, omnes eos, qui tum vivebant, & inter tempora ista morituri erant, non tantum fuisse reprobos, sed scivisse etiam, aut scire saltem ex huius promissionis sensu, quem Censor ei tribuit, potuisse, se æternum omnes & singulos reprobos fuisse atque à privilegio istius gratiæ decreto peremptorio seclusos. Quos enim Deus speciali ista gratia determinante dignari non vult, quæ cor eorum lapideum auferat, &c. eos reprobavit ad æternam mortem, sine ulla misericordiæ spe. Hæc an non sint, non dico, inepta, sed horrenda, lector, cogita. Quod si non obstantibus hisce tam claris rationibus, nihilominus verba textus urgere velit Censor (uti eum facere conjiciendum est; Non enim argumentatur ex textu, sed textus verba nudè tantum citat) tum dicimus, ex istis etiam nihil elici posse, quod solidam probandi vim habeat: I. Quia verba ista activa, dare, creare, efficere, illuminare, facere ambulare, mundare, sanare, convertere, trahere, &c. Deus aliquando tribuit sibi ipsi, aut Scriptura tribuit Deo, quando Deus ea facit, quæ ad effectum, quem verba ista notant, producendum singularem & peculiarem aliquam vim habent; etiam si effectum ipsum ex se non producant, vel etiam si ad ea effectus non sequatur, propter intervenientem liberam & insperatam eorum, circa quos ista fiunt, & in quibus effectum sortiri debebant, malitiam & obstinationem. Expressa loca vide Ezech. 24. 13. *In immunditia tua* (id est, in scelere adhuc, sc. es) *eo quod* (NB) *mundavi te & non es mundata* Tahartich velotahart. Ose. 7. 1. *Quum sanarem Israel, discoperuit se iniquitas Ephraim, & malitia Someron*, quod cap. 11. vers. 3. clarius enunciatur, dicitur enim isthic Deus dilexisse Israel, & ex Egypto vocasse Filium suum; illum autem sacrificasse Baalim. vers. 2. Sanasse Ephraim, & tamen Ephraim non agnovisse quod sanasset eum, vers. 3. funibus hominum traxisse eos, funibus caritatis, vers. 4. & tamen noluisse converti, vers. 5. quoniam, inquit textus, noluerunt converti. Ita Jerem. 15. 9. dicitur, *Curavimus Babylonem, & non est sanata*. Eodem sensu passim in Scripturis legitur, quod falsi Doctores faciunt averti populum, quando faciunt quantum in se est ut populus avertatur, Jere. 23. 22. Ita falsi Prophetæ dicuntur facere confidere mendacio, Jer. 29. 31. Et Cananæi advocaverunt filios Israelitarum post se, Deut. 7. 4. Similia loca plura sunt. Non quod facta eorum semper eventum sortiantur, nedum quod fieri non possit ut non sortiantur eventum, sed quia facta ista eum in finem fiunt, & ad effectum istum producendum comparata sunt. Eodē sensu dicitur Christus,

Evincitur rationibus aliorum quod verba textus pro Censoris sententia non facere, ut inde inferatur determinantis gratiæ necessitas.

T t

lux mun-

EXAMEN CENSURÆ

*lux mundi, illuminans omnem hominem venientem (vel veniens) in mundum, Ioha. 1. 9. Deus Servator omnium hominum, 1. Tim. 4. 10. reconciliare sibi mundum in Christo, 2. Cor. 5. 19. agere ad resipiscentiam etiam eos, qui ἀπε-
 τανδύοντο cor habent. Rom. 2. 4. aliaque. Idem de verbis hisce, quibus hæc
 promissio continetur, statuendum esse, hæc argumenta demonstrant.*
 I. Quia apud hunc ipsum Prophetam cap. 11. 17. ubi eadem hæc promissio
 facta legitur, verba ista, *dabo vobis cor carneum, &c.* allegantur tanquam
 ratio, qua futurum dicitur, ut amoverent omnia detestabilia terræ isti-
 us, omnesque abominationes ejus ex ea, & tamen statim immediate post
 ista verba subjicitur, *Et quorum cor ambulat* (nihilominus scilicet) *ad cor
 contaminationum eorum, viam eorum dabo in caput eorum, vers. 21.* Quod
 sane ridicule admodum subiceretur præcedentibus, si quidem ibi effi-
 cacia talis promissa statuatur, quæ voluntatem eorum ad amovendum
 abominationes, &c. determinatura erat. II. Quia Deus expresse nobis
 etiam mandat & serio quidem, *ut faciamus nobis cor novum & Spiritum
 novum, Ezech. 18. 31. ut nos converti faciamus ab iniquitatibus nostris, ibid.
 vers. 30. 32. ut vias nostras bonas faciamus, Iere. 7. 3. & cap. 18. 2. & cap.
 26. 13.* Hoc mandatum quomodo obsecro decet sapientissimum Deum,
 si ipse promittit se ad conversionem nostri uti velle ea efficacia, quam
 non potest non sequi conversionis effectus? III. Quia Deus conquestus
 apud populum, adeoque populo exprobrasse aliquando legitur, quod ei
 non dedisset cor ad intelligendum. Deut. 29. 4. cum videlicet ea omnia fe-
 cisset, quæ ad cor intelligens in ipsis efficiendum longe erant aptissima,
 quod fieri non potuisset, si datio cordis ejusmodi significaret dationem,
 quæ non potest non sortiri effectum, nisi velimus Deum de se ipso con-
 queri, quod absurdum est. IV. Quia non obstante hac promissione contra-
 rium tamen accidisse post expletos dies istos legimus; quod indubita-
 tum signum videri debet, hanc promissionem de determinantis gratiæ
 permissione intelligendam non esse. Sive enim dies restituti populi ex
 captivitate, sive dies ipsius Messiæ videas, non rediit tamen iste populus
 (paucos semper bonos excipe, ii enim omni sæculo fuerunt) ad frugem,
 non desuit habere cor lapideum & cervicem duram, uti ex infinitis
 locis V. & N. Testamenti liquet, verba Stephani sunt clara Acto.
 7. 51. *Duri cervice & incircumcisi corde & auribus, vos semper resisti-
 tis Spiritui illi Sancto, quales vestri Patres fuerunt, tales & vos estis.*
 Dicere hanc promissionem effectum suum habuisse in paucis istis
 electis, quos tum Deus speciali sua efficacia honorabat, est effugium
 admo-

admodum vanum. Nam & sic effectum suum habebat divina gratia, cum inculabat dies illos, quibus tamen dicitur populus cor carneum non habuisse, sed lapideum, & non fuisse in priore fœdere. Itaq; dicendum, Novum Fœdus, quod promittitur post dies illos futurum, jam tum eo ipso tempore, quo promittebatur, locum habuisse, atque ita fuisse cum non esset, quo quid absurdius? Ex his colligitur non obscure, promissionem hanc non posse intelligi de promissione gratiæ, uti vocant, determinantis siue efficacis talis, quam effectus non potest non sequi, sed intelligendam esse de tali operationis modo, qui singularem & admirabilem vim habiturus erat, ad corda populi totius, licet alioquin valdè à divinorum præceptorum observatione alienata, amore Dei & legum divinarum de novo accendendum & inflammandum, adeoque in officio & fide semper retinendum, sic tamen ut res, quamquam non verisimiliter, tamen adhuc aliter cadere posset, id est, ut vel non inflammaretur amore isto, vel inflammatus semel iterum refrigesceret, & ad ingenium rediret. Hoc sensu phrasis hæc è medio hominum usu petita dicitur, uti Erasmus & alii observarunt; Sic enim dicere solent, Ego alium virum ex te faciam: Ego eximam tibi istum superbum Spiritum, & faciam ut humilior sis ac me reverearis, &c. Quo ipso tamen non indicatur, Deum non plus in conversione nostri facere, quam homo facit in homine sed tantum ostenditur, Phrasin hanc non sufficere, ut ex ea formetur argumentum pro talis operationis modo, qui efficaciam dicit physice determinantem & quam non potest non sequi effectus. *ἐπεὶ ἰδὲ δεῖξαι.*

Ex hujus loci explicatione colligi facile potest, quid ad cetera loca Censoris, in quibus verbū *Dandi* usurpatū legitur, responderi possit ac debeat. *Dare* enim dicitur Deus sæpenumero, quādo aliqua aut procurat, aut permittit ab aliis fieri, doceri, agi quæ occasio esse possunt homini ad faciendū quod Deus vult, id est, quæ Deus à parte sua, quantū in se est, facit; sicut è contrario apparet, cum dicitur Deus *dare quibusdam Spiritum* soporis, oculos ut non videant, aures ut non audiant, Rom. 11. 8. ut enim dicatur Deus cum ista dare dicitur, efficacia determinante hominum voluntatem uti, quis nisi vœcors dixerit? Hoc sensu dicitur, Act. 5. 31. *Deum exaltasse Iesum Christum in principem ac Servatorem, ut daret resipiscentiam* Israeli & remissionem peccatorum; quia vid. occasionem luculentissimam Iudaico populo daturus erat ad resipiscendum à peccatis suis, & remissionem peccatorum æternam consequendum. Et Act. 11. 48. Dicitur Deus *gentibus dedisse resipiscentiā ad vitam*, quia videlicet divino consilio

Solvitur argumentum quod ex verbo, *Dare* Censor defumit.

EXAMEN CENSURÆ

factum fuerat, ut gentibus etiam prædicaretur Evangelium contra quam Iudæi existimabant fieri debere, & Apostoli etiam, usque ad istud tempus, crediderant. Ratio manifesta est, quia hic Israel & gentes in genere nominantur, ut indicetur toti vel utrique isti populo gratiam istam à Deo factam esse. Non enim certarum personarum ratio hic habetur, quibus beneficium istud factum dicitur, sed populi totius sive communitatis utriusque in genere, ad quam divina hæc gratia pervenisse dicitur. Fieri tamen potest ut *Dationis* vox in postremo loco Act. 11. 18. posita fuerit, pro datione quæ cum eventu conjuncta fuit, non quidem, qui ex modo operationis alicujus determinantis existit, sed qui existit ex cooperatione gentium liberrima. Dare enim, ut Iureconsulti ipsi affirmant, dicitur is, qui accipientem invenit, non qui facit ut quis id quod datur aut offertur actu accipiat. Hoc enim *Dationis* vox non importat, uti cuilibet vel leviter consideranti manifestum est. Unde & Jureconsulti distinguunt inter Dare cum eventu seu Tradere, & inter dare sine eventu vel effectu, quando quis donum sponte sua respuit, aut oblatum accipere non vult. Locus Joëlis valde perperam allegatur: Nam in eo non agitur de datione sive effusione Spiritus, quo fides efficitur, sed de datione donorum istorum miraculorum Spiritus, quæ Deus in servos & ministros suos effusus erat, ut idonei & apti redderentur ad prædicationem Evangelii intrepidè faciendum & sic confirmandum, ut inde occasionem luculentam haberent omnes eidem adfertiendi & parendi, prout disertè patet ex citatione hujus loci, quam Petrus facit Act. 2. ubi impletum esse dicit in festo Pentecostes id, quod per Joëlem Deus prædixerat & promiserat de effusione miraculorum donorum variorum Spiritus S. per Messiam, futura temporibus ultimis: Apparet autem ex historia, Dona ista Spiritus data non fuisse nisi jam credentibus & adfertiendis Evangelio, uti Act. 5. 32. disertè affirmatur. *Et nos sumus testes eorum quæ dicimus, atque etiam Spiritus S. quem dedit Deus iis, qui dicto sunt audientes ipsi:* Ad Philipp. cap. 1. 19. dicitur, *vobis datum est pro Christo, non solum in ipsum credere, sed etiam pro ipso pati.* At quomodo inde efficietur quod datio hæc significet efficientiam physicam determinantem? Contrarium inde satis liquet, quod Apostolus disertè Philippenses moneat, ut lubenti ac forti animo afflictiones omnes tolerant, & propter illas ab instituto suo dimoveri se nullo modo patiantur. Monere autem seriò aliquem, ut in tolerando perseveret, & eidem indicare, quod Deus per determinantem efficaciam
in eo

in eo operetur ut perseveret in tolerando, sapientem monitorem non decet. Quæ enim foret illa monitio : Agite, tolerate forti ac lubenti animo omnia, Deus enim efficit in vobis, ut non possitis non forti ac lubenti animo omnia tolerare? Sensus autem loci per se planus est : Ne afflictiones quæ vobis obveniunt, vos ab instituto vestro deterreant, quasi indignum aut iniquum sit vos, cum bonitatis & sanctimonix æmulatores sitis, adversa & mala, tanquam maleficos, subire ac tolerare, quin potius ab iis ipsis argumentum sumite, cur in bene agendo constanter perseveretis, quia inde colligere potestis vos Deo esse carissimos, qui, quos omnium maxime amat, eos honore isto dignatur, ut pro Christo suo patiantur, & gloriam nominis ejus illustrandi occasionem habeant. Magna Dei dignatio est, quod Deus creaturam suam facere velit vas illustrandæ gloriæ Filii sui, prout Petrus ait 1. Epist. cap. 2. 20. 21. & Apostoli fatebantur Act. 5. 41. cum virgis cæsi gaudentes irent à conspectu Concilii Hierosolymitani, quod digni habiti essent, qui pro Iesu Christo contumeliam paterentur, quod sanè non de constantia in ferenda contumelia, sed de ipsa contumeliæ, ut ita dicam, subitione intelligendum esse planissimum est. Ex hoc efficitur, verbum *Dandi* non tantum servire non posse Cenfori, ad probandum id, quod probare debuerat, sed contra ad probandum id, quod impugnat. Locus qui ex cap. 2. ejusdem Epistolæ vers. 13. allegatur, *Deus enim efficit in vobis & velle & perficere pro beneplacito*, non probat etiam quod probandum est. Nam I. in eo non agitur de efficacia illa, quâ Deus fidem operatur in mente aut voluntate nostra, sed de efficacia, quâ Deus utitur in nobis, qui jam credimus; dicitur enim *ὁ ἐνεργῶν*, non autem *ὁ ἐνεργήσας*, oppositè ad efficaciam, qua Deus hujus sæculi dicitur *ἐνεργεῖν ἐν τοῖς υἱοῖς τοῦ ἀποθέας*, Eph. 2. 2. II. Quia non dicitur in textu, si verb. præcise urgere velimus, Deus efficit in vobis ut bene ac recte velitis ac perficiatis, sed tantum, Deus efficit in vobis velle & perficere, id quod longè alium sensum habere potest. Supponit enim Apostolus in Philippenfis jam esse bonam voluntatem, quia jam fideles erant, sed dicit Deum, ne illa bonae eorum voluntas langueat & quasi jaceat, excitare, accendere, inflammare illam à parte sua, ut eam, quantum in se est, in perpetuo vigore retineat, quod multis modis fieri posse manifestum est. III. Quod si verò omnino velimus hæc verba accipere de ipsa illa operatione Dei, qua bonas etiam volitiones operatur in fidelibus, imo etiam de operatione ista divina, qua primitus in nobis fidem efficit, nihil tamen

T t 3.

efficie.

Expenditur
locus ex Epist.
ad Philip. cap.
2. 13.

EXAMEN CENSURÆ

efficietur, quia in textu non dicitur, quomodo Deus ista in nobis operetur, sed tantum, quod Deus ista in nobis operetur. At hic non queritur de re, an videlicet, Deus ista operetur, sed de modo rei, quomodo vid. ista operetur. Adde insuper, modum istum operationis, qui efficaciam notat quam non potest non sequi effectus, ex ista phrasi colligi non posse. Nam sane homo etiam, qui homini aliquid suadet, eumque suadendo permovet, ut velit aut faciat aliquid, seu bonum, seu malum, in familiari sermone efficere dicitur in homine isto velle & perficere, neque tamen efficaciam ullam determinantem adhibuisse propterea dici potest. Et Apostoli dicuntur, eos, quibus Euangelium annunciant, *gignere, regenerare, aperire oculos eorum, convertere eos à tenebris ad lucem, à potestate satanae ad Deum, imo cogere intrare*: Et diabolus ipse dicitur *εὐαγγέλιον* in filiis contumaciæ, Eph. 2. 2. Et ipsum Euangelium dicitur *εὐαγγέλιον* in fide libus 1. Thes. 2. 13. Deinde, contrarium non obscure colligitur ex textu, Apostolum vid. phrasi ista modum istum operationis non voluisse significare. Nam I. Si modum istum operandi intelligi voluisset, tum mandati sive hortationis suæ, immediate ante hæc verba positæ, proprietatem ac vim funditus evertisset, quod sapientiam Apostoli, imo boni Monitoris non decet. Quid enim aut ineptius, aut inefficacius, quam monere, Operamini salutem vestram cum timore, & statim rationem hanc subicere, Quia Deus in vobis ut operemini salutem vestram cum timore ac tremore efficit ea efficacia, qua fieri non potest, quin operemini salutem vestram cum timore ac tremore? II. Scopus Apostoli id non permittit, Nam Apostolus hortatur Philippeneses ad humilitatem & modestiam, ut ne quicquam faciant per contentionem, aut inanem gloriam, sed ut, ex humilitate animi vera, alius alium præstantiorem se existimet, idque non tantum cum ipse præsens apud eos esset, sed multo magis cum absens esset; hoc argumento; Æquum est ut salutem vestram operemini, id est, ut faciatis quod ego moneo opus esse ut à vobis fiat, si salvari vultis, non tantum quando & quamdiu ego præsens sum, sed multo magis cum à vobis absum. Tum enim quasi immediate coram ipso Deo versamini, coram quo cum timore ac tremore, id est, humillime & sollicitissime semper in officio vestro versari vos æquum est; sic enim phrasis hæc usurpatur, Eph. 6. 5. Quia Deus est, qui, sive ego præsens sive absens sim, primus author est omnis boni, quod in vobis est, quia ille primus effecit & efficit adhuc quotidie, quantum in se est, ut velitis & perficiatis, prout ipsi placet glorificare nomen suum per vos, sive ut beneplacitum suum

frum ad effectum perducatur; id enim videtur significare Præpositio *ὑπὲρ*.
 Hunc scopum, quomodo potuisset Apostolus propositum sibi habere, si
 persuasum voluisset Philippenfibus per rationem istam subjunctam, *Deus*
enim efficit, &c. Deum in ipsis, per prædeterminantem gratiam, efficere
 istam ipsam sollicitudinem & curam operandi salutem, ad quam eos
 hortabatur? Superfedisset haud dubiè potius, qua erat prudentia Aposto-
 lus, aut à labore isto hortandi, aut ab allegando rationem istam, per
 quam animis Philippenfium fortius eximi poterat cura & studium,
 quam per hortationem poterat inferi. III. Fallum videri potuisset dixisse
 Apostolus, imo revera falsum dixisset: quia hortatio ejus de operando
 salutem directa est ad omnes Philippenfes: Atqui, si ratio subjuncta,
Deus enim efficit, &c. significaret efficaciam istam operandi, quam vult
 Cenfor intelligi, dixisset Apostolus Philippenfes omnes efficacia ista
 donatos à Deo fuisse, cum contrarium manifestum sit ex cap. 3. 18. &
 ex hoc ipso cap. ubi non obscure indicatur ab Apostolo, fuisse inter Phi-
 lippenfes, qui per contentionem & inanem gloriam multa agebant, quæ
 sanè cum velle & perficere isto, quod Deus in ipsis, juxta Cenforis
 mentem, efficiebat, nullo modo possunt consistere. Nec juvat, si dicatur
 hæc de electis & jam regenitis tantum esse intelligenda. Hoc enim si
 admittatur, tum necesse est, ut ex altera parte affirmetur, hortationem
 præcedentem, quatenus subjuncta ratione niritur, ad cæteros Philippen-
 fes non pertinere, quo quid absimilius vero? & cum Paulus nesciret,
 quinam essent isti, in quibus Deus isto modo operabatur, nescivisse
 etiam eum quos hortaretur, aut quos neglectæ vel contemptæ hortatio-
 nis suæ isto argumento nixæ posset arguere. Locus ultimus est ex 2. ad
 Tim. 2. 24. 25. 26. *Servum autem Domini non oportet pugnare, sed placi-*
dum esse, &c. si quando, vel, si fortè det iis Deus resipiscentiam ad agnitio-
nem veritatis. Beza inseruit textui verbum, *experturum*, sine necessitate,
 & dubio, si non admodum pravo sensu, quasi de consilio dandi hic locu-
 tus fuisset Apostolus: *Μήποτε* exponit per *Num quādo*, rectius facturus, si
 exposuisset per *εἰδὴποτε* vel *ἔποτε*; quo sensu usurpatū legitur Luc. 3. 15.
 At quam oblectro vim ad probandum habet hic locus? Tota vis in verbo
Dandi posita est. Ad ea vis, uti jam vidimus, plane nulla est. Sive enim
Dandi verbum de consilio dandi accipiat, sive de actuali datione, quæ
 cum effectu est, eodem res redit. Semper enim redibit quæstio de dan-
 di modo, præterquam quod datio, qua datio, cum determinatrice ef-
 ficacia nihil prorsus habet commune, imo semper liberum aliquam,
 acci-

Expenditur
 locus ex 2. ad
 Tim. 2. 24. 25.
 26. de prom-
 tus.

EXAMEN CENSURÆ

accipientem requirat. Nemo enim nolenti aut invito propriè aliquid dat, nedum qui, quod dare vult, mandat cum pœnæ comminatione, ut accipiatur. Textus verò haud obscure arguit istum dandi modum non intelligi ab Apostolo, quem Censor ab eo intellectum esse vult. Ratio est: Quia ejusmodi Dationis modus, non modò nihil commune habet cum eo, quod Apostolus in ministris requirit ad hoc, ut apti sint ad docendum & ad permovendum ad resipiscentiam contrario animo affectus, sed planè id inutile reddit & evertit: Nam quid ad rem istam facit ut ministri erudiant contradicentes, & ad resipiscentiam eos adducant, quod, ut Apostolus vult, *alieni sint à pugnis & contentionibus, quod placidi sint, quod mansueri, cum lenitate erudiant dissentientes*, si datio resipiscentiæ à Deo ipso solo & à Dei immediatâ ac determinante actione pendeat? Sive enim Ministri istis qualitatibus sint præditi, sive non sint, datio ista divina non minus procedere potest, ac processura certò est, utpote ab illis qualitatibus independens. Adde, Quomodo non elumbis atque enervis erit oratio hæc tota Apostoli? Vos servi Jesu Christi sitis placidi, apti ad docendum omnes, lenes, mites, tolerantes, neque cessate à docendo, si forte Deus reperiens aliquem inter eos, quos docetis, Electum, occultâ & determinante gratia eum donare velit, & ad resipiscentiam sua propria irresistibili actione adducere? Quis ista tam dissoluta & dissita connectat? Cui non suboritur statim hæc cogitatio, Si Deus ista ratione agit, cum homines ad fidem adducit, quid necesse est Ministros qualitatibus istis, in ordine ad finem sive effectum istum producendum, esse præditos? Sive enim iis præditi sint, sive non sint, effectus ille non potest non existere, posita ista Dei actione, & quando iis præditi sunt, hilum non faciunt ad effectum istum producendum. Legit quidem Beza textum hunc in modum, *Experturum num aliquando daturus sit Deus*. sed autoritate sua, & valdè ineptè. Quis enim Minister experiatur, an Deus alicui actione determinante resipiscentiam dare velit, vel daturus sit? Et in textu non est *daturus sit*, sed *det*, vid. per vos, vestramque istam lenem & accomodatam docendirationem. Sic enim clarè liquet sententia textus hujus; Servos Domini oportet omnibus istis qualitatibus præditos esse, & studiosè adlaborare ut qualitatibus ejusmodi præditi sint, quo idonei sint ad persuadendum & permovendum homines ad resipiscentiam, si fortè ista agendi ratione homines ad resipiscentiam actu permoveant, atque ita Deus, qui eorum ministerio ad homines ad resipiscentiam addu-

Refellitur Be-
za lectio.

adducendos uti, & sic per eos hominibus resipiscenciam dare ex animo vult, actu & re ipsa iis resipiscenciam det, id est, ab illis obtineat ut resipiscant: dare enim cum effectu dici Deus non potest, nisi sint qui accipiant: Atque hinc patet vis orationis Apostolicæ, & qualitatum istarum, quas in Servis Jesu requirit, necessitas simul atque utilitas.

Atque hæc sunt ea loca quæ hic pro gratiæ suæ determinantis necessitate citavit Censor, tam nudè & crudè, ut dicis potius causa & pro auctoritate ea citasse, quam ut iusta argumenta attulisse videatur. Nos ea prolixius excutere volumus, ut quod iis insit pondus appareret. Huic fundamento subjungit alterum, *Consensum*, ut ait, *veteris Ecclesiæ*, sed pari negligentia, nisi quod verba Synodorum hic expresse citavit, Pontificiorum in morem, quasi auctoritate Synodorum in hac causa pugnare tutius certiusque sit, quam Sacræ Scripturæ: Sed quam fordidè atque infelicitè id fecerit, ex iis, quæ dicturi sumus, constabit.

Refellitur argumentum Censoris de consensu veteris Ecclesiæ.

Primo citat Canonem II. Synodi Diospolitane, quæ Synodus tantum fuit Provincialis & 14. tantum Episcoporum, quam *Miserabilem Synodum* vocat Hieronymus Epist. 79. cui ipse Pelagius subscripsit, & in qua ipse Catholicus fuit pronunciatus, uti Augustinus ipse fatetur lib. 2. Retract. cap. 47. Esto, inquit, Pelagiana tamen sententia in ea fuit damnata. Fateor. At quænam illa fuit sententia? An hæc, de qua hic controvertitur? Nunquam id probabit Censor. Nec nota est in Synodo ista, quod sententiam istam, Pelagii sententiam fuisse, & ut Pelagianam damnatam esse arguit. Quid mirum? Pelagiani non eo erant Pelagiani, quod absolutum decretum aut gratiam præviā negarent, multò minus quod gratiam illam negarent esse gratiam prædeterminantem, sed tantum, quod gratiæ necessitatem negarent: dicebant enim hominē viribus naturalibus arbitrii sui sese posse ad Deum convertere, justificari, perseverare, & vitam tandem æternam consequi: Eum quidem ad iudicium à gratia facilius id posse, sed tamen posse etiam sine gratia. Atque hoc tantum in Pelagio, quod hanc causam attinet, ut Pelagianum & hæreticum damnavit Antiquitas, quia per illud necessitas gratiæ prævenientis funditus tollebatur; De modo operationis gratiæ, Synodus nulla contra Pelagium unquam quicquam statuit, uti prolixè id probat jam aliquoties citatus Clariss. D. M. Gerardus Vossius, per totam historiam suam Pelagianam, & quotquot cum eo accuratius Antiquitatem sunt scrutati. Nec Synodi Diospolitane

De Synodo Diospolitana.

EXAMEN CENSURÆ

Canon Synodi
Diospolitanae.

Gratiæ effica-
ciam à decreto
aliquo absolu-
to pendere
negavit tota
fere Antiqui-
tas, uno forte
Augustino ex-
cepto.

Testimonium
Petri Molinæi.

Massilienses in
nulla Synodo
damnati fue-
runt, idcirco,
quod absolu-
tum decretum
negarent, aut
gratiam ab e-
ventu effici
esse affirma-
rent. Sed tan-
tum, quod gra-
tiam præviā
non agnosce-
rent.

Canon, quem Censor citat, vel minimum quidpiam de modo isto, ne-
dum de modi istius necessitate statuit, imò disertè satis id, quod dixi-
mus confirmat. *Victoria nostra*, inquit, *non est ex libero arbitrio nostro, sed*
ex Dei adiutorio. At quid ista verba aliud sonant, quam gratiæ adjuto-
rium necessarium esse, ut vincamus mundum, quod negabat Pelagius?
De modo hoc operationis gratiæ tum ne lis quidem Patribus istis erat
cum Pelagio. Quin imò, tantum abest ut Synodus illa, vel alia ulla,
sive Carthaginensis præcedens, sive alia ulla subsequens in Oriente aut
Occidente, damnaverit sententiam eorum, qui necessitatem gratiæ
prævenientis agnoscentes, eam, gratiam determinantem & ex decre-
to aliquo absoluto semper efficacem esse negarent, ut contra omnes om-
nino tam Græci quam Latini Patres (uno fortè Augustino excepto, de
cujus tamen sententia lis adhuc sub iudice est) gratiæ efficaciam à de-
creto aliquo absoluto pendere, ac proinde ex vi illius decreti semper ef-
ficacem esse negaverint, prout fatetur disertis verbis Philippus Me-
lanthion in cap. 9. ad Rom. cum ait, *Scriptores veteres omnes, præter*
unum Augustinum, putant aliquam causam electionis in nobis esse. Nempe,
statuebant eos esse prædestinatos ad vitam quos Deus piè recteque libe-
ro arbitrio, à gratia præveniente & subsequente adjuto, usuros prævi-
dit, sive, ut alii loquuntur, quos prævidit credituros & in bono perseve-
ratos; uti prolixè id probat idem Vossius historiæ suæ Pelag. lib. 7.
Thes. 8. & passim alibi. Unicum Petri Molinæi testimonium hic citare
libet, quod nuperrimè adhuc dedit *en sa nouveauté du Papisme* cap. 48.
pag. 129. in 4. *Les Peres generalement devant Augustin, mesme au com-
mencement ont creu, que Dieu avoit predestiné les hommes à salut selon sa pra-
science que tels & tels feroient les bonnes œuvres, & auroient la foy. A ce con-
sentement s'oppose hardiment le Jesuite Pererius, &c.* Massilienses verò sive
Semi-Pelagianos, quos Pelagianorum reliquias Prosper Augustini de-
fensor vocat, quod attinet, ii non fuerunt in ulla Synodo, non dico hæ-
reseos ut Pelagiani, sed ne quidem erroris damnati, idcirco quod vel
absolutum decretum improbarent, vel gratiam non ex se, aut vi decre-
ti alicujus absoluti, sed ex eventu, sive cooperatione liberi arbitrii effi-
caciā esse affirmarent: Nihil minus; sed tantum quod gratiam præviā
non agnoscerent. Tantum verò abest, ut hos idcirco Pelagianis accensue-
rint, aut sententiam horum hæreseos damnaverint, ut eam non nisi erro-
ris damnaverint, ejusque Patrones pro Catholicis, pro fratribus, pro E-
piscopis & compresbyteris dilectis habuerint, uti ex temporum istorum
historia

historia clare demonstrat idem Vossius in historia sua Pelagiana, lib. 6. Thef. 18. cum Pelagianos Ecclesiastica communione non dignarentur, & sacerdotio depellerent, adeoque urbibus ipsis extruderent. Atque hinc patet quomodo Canones Concilii Arausici II. quod hic citat Cenfor, intelligendi sint, quod potissimum sibi propositum habuit Fausti siue Massiliensium non hæresin, sed errorem condemnare. Augustinum quod attinet, quem ultimo loco citat Cenfor, an ille gratiam efficacem prædeterminantem ex se, an ex modo operandi, qui libero arbitrio congruit, quæ gratia congrua vocatur, adseruerit, inter eruditos disputatur. Certissimum autem est, nec sententiam ejus de absoluto decreto, nec alteram, quæ ex priore fluit, de gratia prædeterminante siue physica siue congrua, vel superstitio illo, vel proximo, post ejus obitum, sæculo, siue Romanæ siue orientalis ullius Ecclesiæ decreto approbatam unquam fuisse, imo constat utramque, etiam si à nonnullis Occidentalis Ecclesiæ Antistitibus defenderetur, à multis, si non à plerisque, in Galliis imprimis, rejectam & reprobam fuisse; ab omnibus vero Catholicis inter istas quæstiones relata ac censitam, de quibus salva caritate ac pace in utramque partem, sine salutis periculo, disceptari poterat: Concilium tamen Arelatense & Lugdunense, quorum utrumque circa annum Christi CCCXC. celebratum fuit, non immerito videtur doctioribus sententiam Augustini damnaße, tantum abest ut ea in canonem relata dici debeat.

Everfo itaque utroque hoc Cenforis fundamento, videamus jam porro quæ post hæc Cenfor carpit. *Primo*, inquit, *negant hanc vocationem efficacem esse ex præcisa intentione servandi*. Ita est. *Vocem præcise non moramur*, inquit. Esto. Vox tamen est emphatica, in familiari sermone apud ipsos Belgas, exoticis sæpe vocabulis ad majorem emphasin utentes, recepta, & ad distinguendum Remonstrantium & Contra-Remonstr. siue Prædestinatariorum sententiam apprimè idonea: utrimque enim servandi intentio statuitur, sed apud istos conditionata, quæ fieri potest ut effectum non fortiaur, apud hos præcisa, siue inconditionata, quæ nunquam non effectum fortitur. *Dicimus esse*, inquit, *& quidem efficacem ex certa intentione Dei, hominem per hæc media servandi*. At quid si hic regerant Remonstrantes, vocem certo nos non moramur? Majori jure id ab iis fieri posset. Sed nolumus de vocibus digladiari. Res notior est, quam ut per vocabula obscurari possit. *Hoc nobiscum asserit Apostolus*, inquit, *Rom. 8. vers. 28. Omnia cooperantur in bonum iis, qui secundum propositum vo-*

Massiliensium
sententia nun-
quam hærese-
os fuit damna-
ta.

Augustini sen-
tentia de effi-
cacia gratiæ.

Vox,
præcise,
injuria carpi-
tur.

EXAMEN CENSURÆ

Ventilatur lo-
cus ad Rom.
8.28. à Cen-
fore citatus.

Quid propo-
siti vox in su-
pradicto loco
significet.

cati sunt. At cur textum non integrum sed mutilatum citat Cenfor? Textus integer ita habet, *Novimus autem, iis, qui diligunt Deum, omnia coope-
rari in bonum, iis, qui secundum propositum vocati sunt.* Causam sine du-
bio habuit Cenfor, cur textum hunc integrum non citaverit: Nempe sic integre prolatum contra se facere non obscure potuit videre, si ullo modo animum advertit, uti ex iis, quæ ante hac à nobis ad locum istum observata sunt, constat, & ex iis, quæ hic deinceps dicemus, plenius constabit: *Quod Remonstrantes hic excipere solent, inquit, per vocem propositi non intelligi propositum salvandi, sed propositum Dei, cui vocati tenentur obedire ineptum est, & alienum:* Quid & quomodo ad hunc locum contra Cenforis explicationem Remonstrantes excipiant, ex Actis & Scriptis eorum Synodalibus liquet, in quibus prolixè hic locus ventilatus ab iis est. Breviter hic nunc dicimus, I. nullam causam esse, aut dari à Cenfore posse, cur *propositum*, de quo hic agitur, de proposito salvandi intelligendum sit, cur enim intelligi non possit, adeoque non debeat de proposito, quo Deus apud se constituit credentes in Christum & Deum diligentes, per crucem vocare ad gloriam? Certe antecedentia & consequentia id non modo permittunt, sed plane postulant. II. Sed posito etiam, per *propositum hoc* intelligi propositum salvandi, quid inde efficietur? Ergo de ejusmodi proposito salvandi agitur, quale Cenfor cum suis statuit? Nihil minus. Nec enim sequitur: Agitur de proposito salvandi, ergo agitur de proposito salvandi hos aut illos nominatim; Propositum enim salvandi Credentes, est propositum salvandi, & qui secundum illud propositum vocantur, ii vocantur secundum propositum salvandi: sed non idcirco statim vocantur secundum propositum salvandi, quo nominatim hos aut illos salvare Deus constituerit. III. Posito etiam de proposito isto agi, quo Deus nominatim hos aut illos, sive populos, sive personas, his aut illis temporibus, ac locis, proposuerit servare, præteritis aliis, nondum tamen sequeretur propositum hoc salvandi esse ejusmodi intentionem servandi certam, ut loquitur Cenfor, sive præcisam, ut nos loquimur: Hujusmodi enim propositum agnoscunt Sociniani, & qui cum iis sentiunt, quos tamen certum est propositum istud, sive intentionem istam præcisam Calvinianam respuere atque averfari. Adde his IV. Non modo causam non esse satis gravè ullam, cur propositum hoc de tali proposito intelligi debeat; sed causas & rationes gravissimas esse, cur de proposito tali intelligi non debeat. I. Quia vox propositi nunquam in eam sententiam accipitur ab Apostolo, ut certam sive præcisam, quæque

quæque nominatim facta sit, servandi intentionem significet. Quid autem phrasis κατὰ πρόθεσιν significet, ex parallelis locis duobus constare potest. 2. Tim. 1. 9. Qui servavit nos, & vocavit vocatione sancta, non secundum opera nostra, sed κατ' ἰδίαν πρόθεσιν καὶ χάριν. Eph. 1. 9. Patefacto nobis mysterio voluntatis suæ, κατὰ τὴν ἐνδοκίαν αὐτοῦ, τὴν πρόθεσιν ἐν αὐτῷ, & v. 11. προορισθέντες κατὰ πρόθεσιν τῶν πάντων ἐνεργειῶν, κατὰ τὴν βουλὴν τῆς θελήματός αὐτοῦ, ubi per propositū sive πρόθεσιν τῆς θεᾶς nihil aliud intelligitur quā decretū Dei gratiosum, quod Deus, nulla alia re extra se motus, intra & apud se, ex puro puto propriæ suæ voluntatis instinctu, fecit, quodque firmum ac stabile esse vult, oppositè ad aliud omne propositum, quod vel Iudæi pro arbitrio suo apud se conceperant, Rom. 10. 2. vel à Deo ipso antea factum videri poterat, cum populo legem Moysis daret; decretum, inquam, huiusmodi gratiosum, quo credentes in filium suum, licet antea gravissimi fuerint Peccatores, justificare & salvare, & ad credendum ac resipiscendum sufficiente gratia donare decrevit. II. Quia alioquin tota hæc Apostoli divina enunciatio enervatur. Alterutrum enim necesse est ut fateatur Censor; Aut verba enunciationis Apostolicæ, τοῖς κατὰ πρόθεσιν κλητοῖς ὄντιν, distinctionis ergo addita esse præcedentibus, vid. τοῖς ἀγαπῶσι τὸν θεόν, aut expositionis gratia, ut videlicet fons & origo, vel potius causa indicaretur, qua factum fuit, ut illi diligant Deum. Utrum dixerit, ulcus tetigerit. Si distinctionis causa verba ista addita esse velit, tum necesse est ut dicat, Apostolum duos distinctos ordines eorum, qui diligunt Deum, facere; unum eorum, qui vocantur secundum propositum Dei, ad diligendum Deum; alterum eorum, qui vocantur quidem etiam ad diligendum Deum, sed non vocantur secundum propositum Dei. Apostolum autem velle verba sua intelligi, non de his, sed de illis, qui in ordine primo collocantur. At quis non videt hac distinctione nervum incidi huic enunciationi Apostolicæ? Nam si vera est distinctio ista, tum nulli eorum, ad quos scribebat Apostolus, applicare sibi poterant istam Apostolicam sententiam, *Diligentibus Deum omnia cooperantur in bonum*: quia certi esse non poterant, an, cum diligenter Deum, ex ordine eorum diligentium essent, qui secundum propositum Dei vocati erant ad diligendum. Etenim nec à priori scire poterant, quod dilectio illa, qua Deum diligebant, esset dilectio, quæ à vocatione secundum propositum Dei profecta erat, nisi hoc iis speciali revelatione à Deo patefieret. Quis enim propositum Dei cognoscat à priori, sine revelatione Dei? At hoc non re-

V. v 3.

velat

Censoris interpretatione refellitur.

EXAMEN CENSURÆ

velat Deus omnibus, imo nullis hoc ordinarie revelat, ut fatentur ii, qui cum Censore hac in parte eandem tenent sententiam. Nec poterant scire à posteriori: Nam sic ex ipsa dilectione scire id potuissent ac debuissent, quod absurdum est, si dilectio aliqua est, quæ non oritur ex vocatione secundum propositum Dei. Si posterius dicat Censor, vid. verba hæc expositionis gratia addita esse ab Apostolo, ut indicaret causam, unde fides & dilectio Dei oriatur, tum non minus enervabitur orationis hujus Apostolicæ & totius Evangelicæ vocationis vis & efficacia. Nam sic supponetur, aliquos vocari à Deo ad salutem, quos ipse salvare, aut sufficiente ad salutem consequendum gratia donare sibi propositum non habet, imo, quos propositum sibi habet non salvare, nec gratia sufficiente donare, quod repugnat non tantum multis & evidentibus SS. Literarum testimoniis, quibus Deus expresse dicitur *velle omnes homines salvare, & ad agnitionem veritatis pervenire*, 1. Tim. 2. 4. *Non velle ut quisquam (eorum quos vocat sc.) pereat, sed velle ut omnes ad resipiscentiam tendant*, 2. Pet. 3. 9. & quibus adleritur, eos, qui Deo vocati parere nolunt, *consilium Dei contra se adspernari*, Luc. 7. 30. *indignos se judicare vita æterna*, Act. 13. 46. *non velle congregari, cum Deus velit*, Matth. 23. 37. *resistere Spiritui S. Act. 7. 51.* sed & sapientiæ, bonitati, & æquitati isti divinæ, quæ in omnibus Dei operibus elucet, & de qua Deus ipse gloriatur & contestatur apud populum suum. Quomodo enim sapienter, ac non potius ridicule? quomodo clementer, ac non potius crudeliter? quomodo serio, ac non potius Hypocritice & veteratorie agere dicetur Deus, si creaturas suas non modo miseras esse velit, absque propria earum culpa, sed & miseris illudere velit, vocando eas ad salutem & promissis, minis, querelis, precibus, obtestationibus, lachrymis eas sollicitando, quasi salutem earum cupiat, & à parte sua faciat quod ad eam procurandam requiritur, cum nihil minus propositum habeat quam eas salvare, aut gratiæ ulla necessaria donare, imo cum propositum habeat eas æternis ignibus addicere, & in altum quasi tollere, ut tanto gravius puniantur, & in destinatum exitium & æternos cruciatus ruant? Ex his colligimus causas gravissimas esse, cur propositum hoc Dei de proposito illo, quod Censor intelligit, accipi non possit, ac proinde accipi necessario debere de proposito illo divino, quo constituit credentes in Filium suum salvare per viam crucis, eosque ut credere & crucem tolerare possint, gratia sufficiente donare; ut opponatur proposito, quod veteri Fœdere & lege Mosaica continetur, & à Iudæis,

dæis, tanquam verum atque unicum Dei propositum, juxta quod sal-
vare Deus vult, urgebatur. Sensus ergo loci erit; Per diligentes Deum
intelligi eos, qui vocationi divinæ obsequuntur, quæ per Evangelium
fit, quo propositum Dei gratiosum continetur, juxta quod salutis &
mortis æternæ sententia ferenda est, non autem quæ per legem, sive
ex operibus legis fit, uti volebant Iudæi: *Lex enim per Moysen data est,*
gratia & veritas per Iesum Christum, Joha. i. 17. Quare, quod de vo-
catis hic monet Censor, ad rem non facit, imò falsum etiam videri de-
bet. *Hic aperte agitur,* inquit, *de certo vocationis genere.* Nam posito,
quod hic agatur de certo vocationis genere, vid. de eo, quod secun-
dum propositum Dei est, de quo jam diximus; quid hoc ad rem facit?
Sed & verum non est de certo vocationis genere hic agi, non modo in
sensu isto, quo Censor vocem *Certi* loco vocis *præcisi* hic usurpat, sed nè
quidem in sensu isto, quo communiter vox *certi* usurpari solet. Vox
enim *vocati* hic non participialiter pro *κεκλημένοις*, sed nominaliter ac-
cipitur, prout passim in Scriptura accipi solet, ita ut non significet vo-
catos propriè ab actione aliqua Dei vocantis, sed eos, qui vocanti Deo
parent, id est, vocatos cum eventu, quomodocunque vocatio illa facta
sit, id est, sine ullo respectu ad modum, quo vocatio ista facta sit, ut sen-
sus sit, Per diligentes Deum intelligi non quosvis Deum diligentes, id
est, non quosvis quælibet mandata Dei præstantes, puta eos, qui legis
Mosaicæ mandata tantum facere volunt, sed eos duntaxat, qui Deo, gra-
tiosè jam per Evangelium homines vocanti, obtemperant, & ex præ-
scripto Novi Fœderis, quo propositum totum Dei continetur, vitam
suam componunt, ac proinde per crucem ad gloriam & æternam vitam
adspirare parati sunt. Hujusmodi diligentibus Deū, omnia, id est, adver-
sitates & afflictiones omnes, cooperari in bonum dicit Apostolus. *Denique*
inquit, scala illa salutis nostræ quam vers. 29. subjicit Apostolus, evidenter con-
trarium docet. At hoc tam facilè negatur, quam adseritur. Da Probatio-
nem Censor. Nec satis est quod addit, *Locum hunc adversus Remonstran-*
tium ineptas explicationes alibi vindicatum esse: Hoc enim à quibus, & ubi
factum sit ignorant Remonstrantes. Rationes hic adferendæ fuissent: Si
ad Walæi scriptum Censor respicit, id est, ad suum proprium, næ lemas
in oculis suis habuit, aut vehementer sibi ipsi placuit: Brevi fortasse vi-
debit veluti in speculo limpidissimo, ineptias suas, & supercilium de-
mitteret: Hic nunc dicunt Remonstrantes; Tantum abesse ut scala hæc
evidenter probet, quod vult Censor, ut contrarium Sole evidentius sit.

Nam.

Quid significet
vox vocati in
hoc loco Apo-
stoli, cum dicit
vocatis secun-
dum propo-
situm.

Refellitur Censoris inter-
pretatio.

Scala salutis
quam Censor
facit redargui-
tur rationibus
aliquot.

EXAMEN CENSURÆ

Nam hic agitur de scala illa actionum divinarum, quibus Deus versatur circa diligentes Deum, & quæ demonstrant diligentibus Deum, sive iis, qui Evangelicæ vocationi parent, omnia etiam adversissima cooperari in bonum, prout ex rationali perticula $\sigma\pi$, præcedenti versui subjunctâ, manifestum est. At si scalam hic intelligamus eam, quam Censor cum suis facit, cujus primus & supremus gradus est decretum Dei absolutum, quo hos & illos nominatim constituit salvare, fide donare, justificare, & glorificare, tum nulla ratio apparet, quomodo scalam hanc faciat Apostolus, ut probet diligentibus Deum, sive vocatis secundum propositum, ut diximus, omnia adversa in bonum cedere. Nam quæ ratio? Quos prædestinavit ab æterno, eos vocat in tempore, eos justificat, eos glorificat tandem: ergo diligentibus Deum adversa omnia cooperantur in bonum; omnes enim istæ actiones divinæ locum habere possunt, ut tamen nulla appareat ratio, cur afflictiones diligentibus Deum in bonum cooperentur: Pari jure dicere possem, Peccata etiam & scelera omnia diligentibus Deum, id est, secundum absolutum illud, ut Censori placet, propositum Dei vocatis, cooperari in bonum. Ratio, quia etiam si peccata illa à vocatis istis fiant, manet tamen firma scala illa prædestinationis. Quid absurdius? Sic enim tandem efficitur, diligentibus Deum etiam in bonum cooperari hoc ipsum quod aliquando non diligant Deum, id est, quod peccent & mandata Dei transgrediantur; Imò, si rem propius videamus, per istam Censoris interpretationem necessitas omnis diligendi Deum, & patiendi adversa, prorsus tollitur, ac proinde adhortationes omnes ad diligendum Deum, & adversa æquanimiter ferendum, quæ isti fundamento superstruuntur, quod diligentibus Deum omnia in bonum cooperantur, ut corruant necesse est. Nam si scala illa prædestinationis, quam Censor facit, hic ab Apostolo constituta creditur, cujus primus gradus est electio Dei absoluta, alios omnes actus divinos antecedens, tum certum est fieri non posse ut ad amorem divinum, seu consequendum, seu retinendum necessaria credatur dilectio nostra, ac proinde ut argumento isto, quod diligentibus Deum omnia cooperantur in bonum, prudenter aut serio moveamur ad diligendum Deum, & adversa patienter ferendum. Ratio est, quia ex vi hypotheseos istius scimus & persuasi sumus, adeoque persuasi esse debemus, nos amari posse, imò æterno amore amatos esse à Deo, antequam eum diligebamus, aut ut diligentes eum considerabamur. Ex quo consequenter efficitur, expositionem istam Censoris non

non modò huic loco non quadrare, sed per se falsam esse: Ac proinde, ut jam alia plura non allegemus, verbum *vocandi*, quo hic utitur Apostolus, de vocatione ad fidem seu efficace seu inefficace intelligendum non esse, sed de vocatione ad conformitatem illam cum Christo, id est, ad crucem & afflictiones tolerandum aut subeundum, quo significato verbum *vocandi* usurpavit Apostolus Petrus, 1. Pet. 2. 21. *Si quum benefacitis tamē adflicti toleratis, hoc cedit vobis gratia apud Deum, eis tēto magis indulgete, quoniam & Christus passus est pro vobis, relinquens vobis exemplar, ut insequeremini vestigia ejus, cui loco parallelus est qui legitur 1. Thes. 3. 3. Nemo commoveatur ob afflictiones istas: ipsi enim nostis nos ad id constitutos sive positos esse: Et ratio manifesta est. Nam alioquin sequeretur eos tantum vocari ad fidem, qui ab æterno electi sunt à Deo, & prædestinati ad vitam æternam, sive ad conformitatem filiationis cum Christo, ut Censor, cum suis, phrasin istam accipit. Nec juvat si dicas, per *vocationem* hoc loco non intelligi nisi vocationem ex intentione divina, & certò efficacem. Nam, præterquam quod impossibile sit ut id probetur (unde enim id liquet) nullo etiam modo potest consistere, cum tali antegressa prædestinatione & electione certà sive inconditionata ad æternam vitam & fidem. Vocatio enim ista, externè saltem, per verbum fit, quod fidem præcipit sub promisso vitæ & comminatione mortis æternæ: At quomodo istis sic electis sapienter præcipi fides potest cum comminatione mortis æternæ? Eo ipso enim quod sic electi sunt à Deo, Deus peremptorio decreto constituit illos non punire morte æterna, sed contra æternā vitam donare, fidem infundere, neque unquam permittere ut vel propter peccata ulla, quæ facient, damnentur, vel ut increduli maneant, vel, ubi semel crediderūt, increduli iterum fiant, quomodocunque se gerant: Certè, hæc cum sapientia humana, nedum divina, consistere nullo modo possunt, imò vocationem totam divinam ridiculam & histrionicam faciunt. Plura hic jam non addemus, quia rationem nullam adfert Censor, quæ examinari possit. Et hinc patet etiam ineptum esse quod Censor ex cap. 9. vers. 23. ad Rom. adducit, ubi idem adseri ab Apostolo, ait, & aperte doceri, Deum vasa misericordie ad gloriam preparata, ex Judeis & gentibus, efficaciter vocasse, cum certa servandi intentione, & ut eos populum suum & filios Altissimi hac vocatione redderet, quemadmodum, ait, ex Prophetis postea probat. Nam, etsi libenter concedamus (quamquam necessitas nulla nos premit) per *vocationem* hoc in loco efficacem vocationem, id est, vocationem quæ cum ef-*

Expenditur
quod ex cap.
9. vers. 23. ad
Rom. adducit
Censor.

X x

fectu

EXAMEN CENSURÆ

fectu est intelligi, tamen nihil est quod vel verisimiliter probet, vocationem eo modo, quo Censor vult, efficacem, hic intelligendam esse. Ratio jam ante à nobis adducta satis probat ejusmodi vocationem hic intelligendam non esse. Tum ejusmodi vocatio non modo Deo digna non est, sed nec in hominem sapientem quidem cadit. Qui enim vocat per verbum, quo præcipit serid, sive quo declarat se serid velle fieri aliquid à nobis; idem ille non potest, si ullo modo sapienter agere velit, vi sua velle solus id efficere. Nam alioquin, vellet aliquid fieri à nobis, & simul vellet non fieri, quia vellet ipse facere. Deinde qui in eo, quem vocat, efficit obedientiam, ille non potest sapienter eum, ut sibi obedientem, promisso bono remunerare. Non enim ille officium suum fecit, sed Deus ipse in eo efficit id, quod voluit. Excipit quidem Censor in fine hujus cap. aliquid ad hanc rationem, sed quam frivolum illud sit, isthic videbimus. Sensus autem citati loci per se clarus est.

Paraphrasis supradicti loci,

Dixerat Apostolus, Deum pro jure suo supremo, rebelles Judæos, post omnia frustra tentata remedia, rejicere posse, & aliorum seu Iudæorum seu Gentilium misereri (licet ii peccatores sint gravissimi, & propter propria peccata sua iræ divinæ rei) si modo in Christum credant, & voluntati divinæ, quæ per eum cæterosque Apostolos tunc annunciabatur, nullâ habitâ ratione legis Mosaicæ, se subicerent, imò id Deum voluisse, ut ea ratione, veluti in proscenio, spectandam daret bonitatis suæ & gratiæ redundantiam, quod homines, nihil tale opinantes, indignos, adeoque iram Dei, propter antecedentia sua peccata, promeritos, ex pura puta liberalitate, loco aliorum credere nolentium, ad gloriosæ immortalitatis hæreditatem præparare, & quantum in se erat, idoneos reddere, solaque interveniente vera ac viva fide in Jesum Christum, re ipsa tandem gloriæ æternæ participes vellet facere: His subjicit: Et hæc quidem vasa misericordiæ sumus nos, qui Deo nos ex gratia vocanti per Euangelium credidimus atque obtemperavimus, quosque Deus jam populum suum vocare dignatur, cæteris omnibus incredulis, qui penè totum Iudaicum populum constituunt, reiectis & præteritis; Nos, inquam, non solum qui ex Judæis nati sumus, id est, ex illo populo, cui promissio olim diserte facta est, & quem Deus populum suum appellare dignatus est (etiā si jam eo nomine se indignum reddiderit) sed etiam qui oriundi sumus ex Gentilibus, qui hætenus Dei populus non fuerunt, exortes fœderum seu dispositionum promissionis, sine spe, sine Deo in mundo. Et horum jam accommodantur loca illa, quæ ex Prophetis citat Apostolus.

Apostolus. Addit Censor, *Quibus plane consonat locus Rom. II. vers. 4. & seq. Reservavi mihi septem millia virorum, qui non flexerunt genua imagini Baal; ita igitur & hoc tempore reservatio secundum electionem gratia facta est. Quid hic est electio gratia, nisi gratuitum servandi propositum? quemadmodum statim explicatur vers. 7. Electi adsecuti sunt, reliqui noluerunt: Quid autem hic est reservatio, quam efficax vocatio, & in eadem vocatione contra mundi seductiones preservatio? quemadmodum totus Apostoli scopus ostendit. Non poterat Censor locum clariorem contra sententiam suam citare quam hunc. Per electionem enim, cujus hic mentionem facit Apostolus, intelligi electionem, non personarum, qua talium, sed fidelium qua talium, ex loco illo, quem Apostolus citat, evidenter patet. Nam Apostolus dicit idem hoc tempore fieri à Deo, quod factum fuerat tempore Eliæ, id est, eodem modo nunc *λεῖμμα* fieri à Deo, quo illud factum fuerat tempore Eliæ, dicit enim *ἐτας ἐν καὶ* &c. At isto tempore reservaverat Deus septem millia eorum, qui non flexerant genua sua coram Baal; Ergo de electione eorum agitur, qui simili aliqua re, aut actione Deo se probaverunt, id est, qui, uti illi, qui tempore Eliæ, genua sua non flectendo coram idolo Baal, Deo soli obtemperaverant & adhæserant, ita nunc Deo per Evangelium vocanti crediderunt, & non ex lege Moysis iustitiam sunt sectati. Reservatio itaque, de qua hic agitur, non est efficax vocatio & contra mundi seductiones preservatio, ut Censor ait, sed vocatorum, & credentium, & à mundi seductione sese præservantium, reservatio in populum Dei, quem Deus sibi gratum habere vult spretis reliquis operariis, qui populus Dei esse & haberi soli volebant. Reservatio autem hæc secundum electionem facta dicitur à Deo; quia tales, licet paucos, adeoque indignos quos Deus pro populo suo censeret, si rigide cum illis agere voluisset, ex toto reliquo populo, tanquam peculium suum sibi eligere voluit, ea tantum de causa, quod crediderint in Christum, & valedictis peccatis, vocationi divinæ obtemperaverint. Et hos tales vocat postea vers. 7. *ἐκλογὴν* sive electos, non ratione absolutæ alicujus electionis, qua nominatim ad salutem destinati fuerunt, sed ratione electionis istius, qua Deus eos, pro divina sua bonitate & gratia, eximebat & sequestrabat ex communi perditione, & statu perditorum, qui credere nolebant, eosque sibi in peculium suum, sive in populum suum dilectum adsumebat, cum alioquin eos, antequam crederent in Christum, cum reliquis perdere & damnare potuisset. Apparet id manifeste ex his I. Quod electio hæc, sive electi hi opponantur Israeli,*

Locum ex cap.
II. vers. 4. &c.
ad Rom. con-
tra ipsum Cen-
sorem directe
facere osten-
ditur.

Quid sit
reservatio
καὶ ἐκλογὴ
γὰρ

EXAMEN CENSURÆ

non quatenus Israel accipitur pro personis quibusdam nominatim à Deo, absque ullo infidelitatis respectu, præteritis aut reprobatis, sed quatenus per opera legis, contra divinæ voluntatis propositum, justificare & salvari volebat, uti ex verbis ipsis patet, *Quod Israel querit, id non est adsecutus.* Quod autem quærebat Israel id cap. 9. v. 31. diserte indicatum fuerat, *Israel qui sectabatur legem justitia, ad legem justitia non pervenit, quare? quia non ex fide, sed velut ex operibus legis* (eam sc. sectabatur) *offenderunt enim ad lapidem offendiculi* (nolentes sc. credere in Jesum Christum, uti ex vers. seq. apparet) II. Quia hæc verba continent conclusionem respondentem ei, quod vers. 4. 5. de *electione gratia* tempore Eliæ facta, dixerat Apostolus. Atqui ibi ut jam ante ostendimus, secundum electionem gratiæ dixerat factam esse reservationem eorum, qui genua non flexerant idolo Baalis. Itaque cum electionem jam eodem modo factam esse dicat, per *Electionem* fideles Electos, oppositè ad infideles rejectos, intellexerit necesse est. III. Quia id, quod electionem sive electos obtinuisse dicitur, est justitia & salus. Quod enim quærebat Israel, id electio est adsecuta: Atqui Israel quærebat Iustitiam & salutem, idque ex operibus legis: Ergo. Atque hinc clarum fit per electionem non posse hoc loco intelligi electos, qui nominatim electi fuerunt, quæ personæ erant singulares, sed quæ credentes. Non enim electis, quæ personæ sunt, sed quæ sunt credentes, obtingit justitia, uti fatentur etiam ii, qui absolute electioni patrocinantur. Evincit etiam hoc ipsum quod sequitur: *οἱ δὲ λαοὶ ἐπαρώησαν.* Per hos enim intelligi iustitiosos Iudæos, & qui ex operibus legis Mosaicæ servari cupiebant, ac proinde Religionem Iesu Christi amplecti volebant, clarius est quam ut probari oporteat, sive dicatur verbum *ἐπαρώησαν* exponendum esse de induratione, qua ipsi sese ipsos indurabant, uti exponitur Act. ultimo vers. 24. 25. 26. 27. & passim alibi, sive de induratione, qua Deus eos ob contumaciam & præfactam rebellionem eorum magis magisque indurari permittebat. Hæc itaque loca, tantum abest ut nude, prout à Censore factum est, prolata Remonstrantium sententiæ evertendæ sufficiant, ut contra, si propius expendantur, prout jam à nobis (quamquam sine necessitate) factum est, ei confirmandæ & stabiliendæ quam maxime sint idonea.

Quid sit.

Alterum, inquit Censor, quod in hac efficaci vocatione rejiciendum sibi sumserunt, est quod nolint eam per singularem & arcanam Dei quandam sapientiam sic administrari, ut fructuose congruat voluntati ejus, qui vocatur, neque etiam quod in ea efficacior per potentiam irresistibilem,

amr

aut vim quandam omnipotentem, quæ nec creatione nec suscitatione è mortuis minor sit, voluntas ejus, qui vocatur ad credendum, ita determinetur, ut non possit non credere atque obedire. Utrosque ergo aequaliter hic rejiciunt, inquit, &c. Alterum hoc idem prorsus cum præcedente est. Efficax enim vocatio, quæ vocatur ab iis, qui absolutum Prædestinationis decretum tuentur, dicitur efficax, vel quia determinantē efficacitatem in se habere creditur, vel quia, etiamsi illam ex se non habeat, creditur tamen sic administrari, sive per sapientiam, ut quia congruit ejus, qui vocatur, dispositioni, efficax fiat, alioquin inefficax futura, sive per potentiam, ut ei conjungatur occulta & singularis quædā divina operatio, qua fiat ut efficaciam, vel effectum potius sortiatur: utramque hanc efficacem gratiam rejiciunt Remonstrantes ab ordinaria Dei vocatione. An à posteriore illa, quæ per sapientiam administrata congrua vocari solet, aliquando non abhorruerint Remonstrantes, quod Censor hic non sine sarcasmo, qui ei familiaris est, auctor affirmit, nolumus contendere. Ex collatione Hagienſi, quam citat, sane id non modo non liquet, sed contrarium potius concludendum est. Et ratio manifesta contrarium satis docet. Nam ista vocatio, non minus quam altera, supponit absolutam & præcisam quorundam vocatorum Prædestinationem, à qua ex professo se abhorre in collatione ista ubique protestantur. Nec aliter unquam de collatione ista sensisse Doctissimum D. Corvinum certissimum est. De quanto Articulo, fatemur eos non æque adseveranter tum locutos esse, quamquam non obscure significabant, se in sententiam illam, quam nunc Remonstrantes tenent, maxime propensos esse. Nec id desultoriæ cuidem temeritati, sed prudentiæ & docilitati eorum adscribendum fuerat. Sed ea Censoris hujus protervia est, ut, quæcumque à Remonstrantibus acta sunt, quæ in calumniam trahi possunt, sequius semper interpretari, & in transversum rapere malit, quam in meliorem partem accipere. Nempe, dubitandum nunquam est: Pertinaciam pro causa induere, & habere Pelidæ stomachum, cedere nescii, hoc demum constantia in religione est novitio huic Doctori. Esto, Qualis vir, talis ejus est oratio. Remonstrantes fatentur nunc, se pleno ore defendere, Fideles à fide totaliter ac finaliter deficere posse. Nec causa ulla est, cur idcirco odioſe eos traducat Censor, quod cum *Apostata Bertio* sentiant. Ista totius Antiquitatis, ipsiusque adeo Augustini & prosperi unanimis sententia est; uti prolixè id probat Clariss. D. Vossius historiæ suæ Pelagianæ lib. 6. *Ex regeneratis in Christo Jesu*, ait Prosper in respons.

Sententiam de congrua gratia Remonstrantes nunquam approbarent.

Sarcasmus Censoris redarguitur.

EXAMEN CENSURÆ

in respons. ad object. 7. quosdam relicta fide & piis moribus, apostat-
tare à Deo, & impiam vitam in sua aversione finire, multis (quod dolen-
dum est) probatur exemplis. Cum hac Antiquitate sentire malunt, quam
cum nuperis hifce Doctoribus dogma contrarium, $\chi\theta\epsilon\varsigma$ & $\pi\rho\omega\gamma\eta\nu$ natum,
amplexari, & ab Antiquitate tota, ut cum Prospero loquar, apostat-
tare.

Sed ad rem, inquit Cenfor, Deus ergo nullam singularem gratiam, sive
administratam per sapientiam, sive per potentiam, sive per utramque, quod
nos statuimus, iis, qui convertuntur, præstat, quam illis hominibus, qui per com-
munem vocationem non convertuntur? Duo ad quæstionem hanc notanda
veniunt. I. Quod Cenfor affirmet iis, qui convertuntur, singularem præ-
stari gratiam, quæ non præstatur aliis, qui communi vocatione vocantur,
eamque administratam per sapientiam simul ac potentiam. II. Quod Remon-
strantes affirmare significet, Deum nullam singularem gratiam præ-
stare iis, qui convertuntur quam iis qui non convertuntur per commu-
nem vocationem. Prius quod attinet: Nihil sane aut indoctius, aut absur-
dus affirmari poterat contra thesin istam Remonstrantium. Nam impos-
sibile est ut gratia administrata per sapientiam eo sensu, de quo in con-
fessione agitur, cui suum hunc opponit Cenfor, concurrat cum gratia ad-
ministrata per potentiam. Per utramque itaque simul vocatio efficax ut
fieri dicatur, absurdum est. Non posse simul concurrere inde patet, quod
gratia quæ per sapientiam administratur supponat liberum arbitrium:
Sapientia enim facit, ut gratia congrua sit dispositioni ejus cui fit, & sic è
libera hominis voluntate eliciens consensum, actu secundo fiat efficax.
At gratia administrata per potentiam, non supponit liberum arbitrium,
sed supponit liberum arbitrium non esse, ac proinde gratiam nullam vo-
cato congruam esse posse. Nec immerito, Semper enim æque inidoneus,
æque ineptus, æque impotens esse supponitur vocatus, qui prædetermi-
nante gratia, quæ per potentiam administratur, opus habere dicitur, im-
primis, si prædeterminante illa gratia, opus habere dicatur, non modo
ad credendi potentiam consequendum, sed ad ipsum fidei actum eli-
ciendum, prout Cenforem hunc cum suis statuere exploratum est. Alte-
rum quod attinet. Quid de eo affirmet Remonstrantes ex paragrapho
hujus cap. ultimo evidenter intelligitur. Deum nullam singularem
gratiam, sive administratam per sapientiam, sive per potentiam, iis, qui
convertuntur, præstare, valde ambigue dicitur. Si sensus ejus est, uti
sane esse debet, Deum in ordinaria hominum vocatione (de ea enim a-
gere

Gratia admi-
nistrari nō po-
test simul per
Sapientiam &
per potentiam
determinan-
tem,

gere Remonstr. ex paragrapho ultimo liquet) communiter omnibus facere sufficientem gratiam, tam iis, qui per eam actu non convertuntur quam iis qui actu convertuntur, ita ut, etiam si disparitas aliquando aliqua gratiæ sit, defectus tamen ex parte gratiæ nullus in ea locum habeat, tum verò agnoscunt Remonstr. ante istud à se affirmari. *Nempe ergo* (inquit) *Petro major gratia facta non est quam Iudæ perditionis filio, & Christus non aliam gratiam fecit Paulo quam Pilato, &c. Deus Jacobum non amplius dilexit quam Esauum &c.* Responderi potest multipliciter.

I. Non sequitur, Deus ordinariè donat sufficiente gratia vocatos, ergo extraordinariè aliquando non donavit aut donat aliquos majore gratia, imprimis Apostolos suos Petrum & Paulum, de quibus hic agitur. II. Si vox comparativa *Major*, dicat gratiam specie non gradu distinctam, quid incommodi, si negetur sic Petro majorem gratiam quam Iudæ factam esse, &c. si vox *Major* dicat gratiam gradu solo, non autem specie distinctam, tum non sequitur, Deus non fecit Petro gratiam irresistibiliter aut congruè efficacem, ergo ei majorem gratiam non fecit quam Iudæ, &c. *Maxima*, inquiunt Remonstrantes, *gratia disparitas est, pro liberissima voluntatis divina dispensatione, etiam si in genere omnibus ac singulis ordinariè detur gratia sufficiens.* III. Posito etiam Deum Petro majorem gradu gratiam non fecisse quam Iudæ, quid inde? Cyrillus Alexandrinus non dubitat id aperte affirmare lib. 2. in Ioa. cap. 21. *Æquales ille facit in gratia præveniente Iudam & cæteros Apostolos, neque ullum absurdum esse putavit asserere, nihil plus Apostolos quam Iudam Christo debuisse. Sic enim de Iuda inquit: Non enim divino inexpugnabiliq; iudicio in diaboli laqueum proditorem incidisse credendum: Nam, si sic esset, nullo modo culparetur, cum iudicio Dei nemo resistere queat. Nulla enim necessitate, sed proprio iudicio fecit, quod fecit, quare merito perditionis Filius nuncupatur, qui perditionem elegit. Et postea: Quod si proditor equaliter aliis discipulis Salvatoris auxilium non habuisset, frustra hæc à nobis dicerentur. Sin autem, non minus quam cæteri, divina gratia regebatur, sed suo ipsius iudicio in profundum perditionis delapsus sit, quomodo etiam non servavit eum Christus, qui sum patrociniū ei præstitit, qui quantum ad ferendam opem illi attinuerit, servasset hominem, nisi ultro ille in perditionem insilisset? Gratia igitur in aliis effulsit, servavitque omnes, qui cooperantem ei voluntatem tradiderunt. Sic enim salutis nostræ modus dispositus est. Eadem ergo, secundum Cyrillum, ratio est Pauli collati cum Cajapha, aut Pilato, & Iacobi cum Esauo. Nec meritō diversitas hic attenditur, sed sola*

Diluitur exceptio Censoris. Ergo Petro, Paulo major gratia facta non est quam Iudæ, Pilato &c.

Cyrillus.

divinæ

EXAMEN CENSURÆ

Ostenditur lo-
cum ad Gal. 1.
13. 14. 15. 16.
non favere
proposito Cen-
soris.

divinæ voluntatis gratiosa & simul æquissima dispositio. Hinc, quid ad illud, quod inquit Censor, *Cur ergo Apostolus Paulus gratiam Dei singularem, tam sæpe erga se deprædicat? imprimis Gal. 1. 15. & 16.* responderi possit, manifestum est. Fieri enim potest, ut prædicaverit extraordinariam gratiam sibi factam, & sic salva manet sententia Confessionis, quæ non nisi deordinaria agit. Fieri etiam potest ut non prædicaverit nisi gratiam cæteris, ut Cyrillus ait, æqualem & communem, quæ tamen singularis fuerit respectu Pauli ipsius, qui, persequendo Ecclesiam Christi, & blasphemando sanctum Jesu nomen, indignissimum se reddiderat gratia, uti ipse fatetur 1. Tim. 1. 13. 14. unde ibidem *superabundasse gratiam Domini Jesu erga se*, dicit, & quidem aliis in exemplum, uti vers. 16. habet. Idem etiam fatetur in eo, quem Censor citat, loco, Gal. 1. 13. 14. 15. 16. Perinde autem est Remonstrantibus, siue is exponatur de gratia extraordinaria siue de ordinaria: utroque enim modo exponi potest. De extraordinaria, si, *Retegere Filium in me*, accipiat pro clara & plena Filii sui cognitione illustrare ac perfundere, uti fere accipi solet ab interpretibus. De ordinaria; si, *Retegere filium suum in me*, exponatur per retegere *δι' ἐμῆς*. Id enim patitur præpositio *ἐν*, quæ pro *διὰ* sæpe posita reperitur. II. Ratio aliquomodo videtur id postulare, quia Apostolus, dixerat vers. præced. in aoristo primo *κατέστας*, id est, qui me jam ante vocaverat per gratiam suam, & cognitione filii sui imbuerat. Ei enim ineptè subiceretur deinde, *placuit Deo retegere Filium suum in me*, si phrasis *in me* propriè accipiat. Id enim sub vocationis per gratiam phrasi, jam ante comprehenderat Apostolus. Quod verò dicit se separatū fuisse ab utero matris suæ, id aliud nihil significare videtur, quam se, absque ullis meritis suis, sola Dei gratia, Apostolatui destinatum fuisse à Deo, neque se quicquam amplius ad id, ut vid. Apostolus fieret, contulisse, quam qui recens ex utero matris suæ nascitur, ut *ἡμεῖς* statui possit particulæ *ὡς*, quæ Scriptoribus sacris familiaris est, quasi legeretur; qui separavit me veluti ex matris utero, id est, non aliter, sine ullo meo merito aut ope, quam si me cum adhuc in matris meæ utero essem, Apostolum designasset. Nec tamen inficias eunt Remonstr. verba hæc etiam simpliciter accipi posse, ita ut Paulus dicere voluerit, se destinatum Apostolatui fuisse à Deo antequam adhuc natus esset: sed tantum dicunt id non omnino necessario ex vi phraseos concludi. Quare, in explicatione hujus loci fruatur quisque judicio suo. Pergit, *Cur testatur Deus Rom. 9. Nondum natis pueris, & quum necdum boni aut mali quid fecissent,* dictum

dictum esse, major serviet minori, & Iacob dilexi, Esau odio habui? At bone Deus! quam multa hic probanda sunt. I. Probandum est hic agi de gratia singulari, quæ personæ Iacobi facta sit. At unde quæso id probabitur? Certè de toto populo Israelitico & Edomæo agi, ex textibus, qui citantur ex Genesi & Malachia, clarissimum est. II. Posito quod de singulari gratia, quæ personæ Iacobi facta fuerit, agi dicatur; gratiam istam, de spiritali gratia, quæ ad conversionem necessaria est, intelligendam esse, quo argumento probabitur? De alia longè gratia agi ex iisdem locis patet. III. Posito etiam quod de gratia illa spiritali agi dicatur, per illam intelligendam esse ejusmodi gratiæ istius operationem, qualem Censor vult, qua specie probabitur? *Atqui*, inquit, *Esau* ^{Nec locū nobilem ad Rom.} odio habui, *mitius saltem explicari non potest quam Minus dilexi*. Esto; quid inde? Ergo dilectio Iacobi significat gratiam singularem quæ prædeterminans gratia est? Quem non pœniteat tam miseræ consequentiæ? Et hic tam ineptus disputator subinde superciliosum suum illud, *Non moramur*, audet ingeminare: *Novas glossas Arminii, quæ manifestam vim faciunt scopo & verbis Apostoli, non moramur*. Profecto, qui tam inaccuratas consequentias ex textibus deducit, is ostendit quam benè sit versatus in scopo Apostoli rectè dijudicando. Sed nos cum eo morari desinamus. Cur porro, inquit Censor, *provocat Apostolus Rom. 10. ex consideratione severitatis Dei in Iudeorum rejectione, & benignitatis ejus in Gentilium assumptione, ad profunditatem sapientiæ & cognitionis Dei, & ad judicia ejus inscrutabilia ac vias inpervestigabiles, si nec sapientiæ arcana, nec potentia singularis in hac gratiæ dispensatione locum habet*, ^{Nec locum ad Rom. 11.} *sed omne discrimen efficacis vocationis ex hominum voluntate aut liberi arbitrii usū est petendum?* Imò, inquam ego, ex contrario, quo modo provocat Apostolus, seu potius admiratur, τὸ βάθος πλάτης καὶ σοφίας καὶ γνώσεως τοῦ θεοῦ, si ejusmodi gratiæ dispensatio, & vocationis efficacia in ea re, de qua agit, locum habet? Nam posito, quod de hac vocationis efficacia hic agat Apostolus, quod sanè falsum est, quæ obsecro sapientiæ, imò quæ divitiæ sapientiæ, nedum profundæ divitiæ sapientiæ in eo positæ esse possunt, quod Deus maximam partem eorum, quos vocat, & quibus seridè jubet ut resipiscant, gratia sufficiente dignari nolit, & quos nominatim elegit ab æterno, ejusmodi gratia velit donare, cum eos vocat, eisque præcipit seridè ut se convertant, qua posita, non possunt non converti? Citius quis hic stultitiam, hypocrisin ac Tyrannidem summam deprehendet, quam vel micam sapientiæ atque æquitatis. Hor-

Y y

ret

EXAMEN CENSURÆ

ret mens & obstupescit ad tam barbaras de Deo sententias. At actiones Dei hic ab Apostolo tales proponuntur, in quibus sapientissima simul atque æquissimis rationibus nixa Dei dispensatio elucet. Neque verò ad rem facit, si dicas Apostolum hic provocare ad judicia Dei, quæ inscrutabilia esse dicit, & ad vias, quas dicit esse inpervestigabiles. Nam eo non indicat Apostolus, judicia Dei talia esse, ut eorum æquitas ac rectitudo intelligi à nobis non possit, cum judicia ista Dei nobis revelantur. Nihil minus. Nam, si id fieri non potest, quomodo sapientiam in iis profundam admirari potuisset Apostolus? Admiratio hæc significat, Apostolum ea intellexisse, & in iis sapientiam singularem penitus perspexisse. Sed tantum indicat, ea talia & tam eximia esse judicia, ut humana mens suo Marte ea excogitare aut alteri suggerere nunquam potuisset, prout ex sequentibus clarè videre est, *Atqui*, inquires cum Censore, *quæ ratio provocationis est, si omne discrimen efficacis vocationis ex hominum voluntate aut liberi arbitrii usu est petendum?* Respondeo, provocatio, sive potius admiratio hæc Apostoli, non oritur ex consideratione modi, quo Deus utitur, quando homines vocat; sed ex intuitu consilii sive dispensationis illius divinæ, qua nunc hos, licet indignos, vocare, nunc illos, licet æquè indignos, rejicere, & in contumacia sua, veluti in carcere conclusos, vult relinquere, prout vers. 30. 31. 32. præcedentibus videre est. Deinde, tantum abest ut ratio provocationis hujus nulla dari possit, si discrimen efficacis vocationis ex hominum voluntate aut liberi arbitrii usu petatur, ut cōtra Apostolus idcirco in hisce actionibus divinis divitias sapientiæ Dei admirando extollat, quia considerabat Deum ex una parte populos integros, qui gratiā vocationis ejus longo tempore abusi fuerant, rejicere, & sub contumacia propria relinquere, suo tempore tamen iterum vocandos: ex altera parte, Deum populos integros, ob propriam suam incredulitatem rejectos, & in contumacia sua, veluti in carcere, longissimo tempore relictos, iterum dignari vocationis suæ gratia, rejiciendos iterum, si concessā vocationis gratiā abutantur, & exemplo rejecti alterius populi non sapiant. Atq; hæc una res sufficit ad demonstrandum locum hunc à Censore citatum contra ipsum Censorem apertè facere; Quod vid. clarum sit, hic agi de integris populis, ac proinde de vocatione non tali, qualem Censor statuit. Talis enim vocatio ad populos integros non pertinet. Deinde, quod ii, quos Deus gratiā vocationis suæ dignatur, per vocationis istius beneficium provocentur ad officium suum faciendum, cum diserta comminatione, nisi

nisi id faciant, futurum ut excindantur à Deo, & vocationis gloria ac gratia priventur: ii vero, quos Deus dicitur rejicere, idcirco rejici dicantur, quod sua propria culpa divinæ vocationis beneficium non acceptaverint, & gratiæ divinæ tempus non observaverint, certissimo indicio, fieri potuisse, ut vocationi isti obtemperarent, ac proinde per Deum & divinam vocationem non steris, quo minus obtemperare possent, sed per purum putum defectum liberæ cooperationis ipsorum, unde gratia inefficax fuerit reddita.

Tertium, inquit Censor, quod Remonstrantes in hac efficacis vocationis definitione vellicant, est, quod per potentiam irresistibilem (quæ nec creatione nec suscitatione è mortuis minor) voluntas ejus, qui vocatur, determinatur ad credendum. Nos de voce irresistibilis, inquit, non laboramus, quam Autoribus suis relinquimus. Esto; vox propria & significantissima est ad exprimendum sententiam Censorum; nec causa est cur ab ea abhorreant, nisi quia significantissima est, & absurditatem sententiæ Prædestinatorum primo statim intuitu ob oculos ponit. Et vocem hanc admitti à Censore non obscure arguunt sequentia verba; Non enim loquimur, inquit, de preparationibus illis & mediis, quæ conversionem antecedunt, quibus homines resistere & deesse posse concedimus, nisi singularis Dei gratia, quominus id faciant, præveniat. Posita itaque illa gratia, fieri non potest ut resistant & desint preparationibus istis. Quid hoc aliud est quam agnoscere potentiam irresistibilem? Sed esto, de vocibus ne contendamus: loquimur, inquit, de efficacia qua Deus hominem jam convertit & regenerat, Eam non esse minorem suscitatione ex mortuis aut creatione diserte Scriptura testatur. Ioha. 5. 25. & 2. Cor. 4. 6. At S. Scriptura non vocat ipsam actualem (de ea enim textum loqui hic vult Censor) conversionem sive regenerationem hominis, suscitationem aut creationem, sed actionem illam Dei, quæ ad convertendum & regenerandum hominem spectat, sive totum illud, quod eo fine à Deo adhibetur, ut homo à peccatis suis excitetur, & ad vitæ æternæ spem certam adducatur, creationi & resuscitationi divinæ metaphorica ratione loquendi comparat. II. Sed posito etiam Scripturam, ipsam actualem hominis conversionem vocare resuscitationem, non tamen idcirco recte quis concluderit, eam affirmare, Conversionem istam non minore potentia fieri (sic enim vox minor hic accipitur. Additur enim in Confessione, minor, quo ad efficaciam; An enim dignitate minor sit, hic non quæritur; haud difficulter concedent Remonstrantes eam dignitate minorem non esse) quam sit creatio, aut suscitatio è mortuis.

Yy 2

Nul-

Vox,
Irresistibilis
inepte fugilla-
tur à Censore.

Expendantur
loca quibus
Censor proba-
re nititur effi-
caciæ quæ ho-
mo converti-
tur, non esse
minorem su-
scitatione ex
mortuis aut
creatione.

Locus qui ex
Evang. Iohan.
cap. 5. 25. de-
sumtus est, ex-
aminatur.

EXAMEN CENSURÆ

Nullum simile currit quatuor, ut ajunt, pedibus. Similitudo omnis claudicat. Ratio similitudinis, ad quam proprie respicitur, ubique attendenda est. Ea autem hic ad hunc modum se habere potest, & proculdubio habet. Quod sicut is, qui è nihilo creatur, aut ex mortuis suscitatur, nihil de suo adfert, ita Peccator, qui sub dominio peccati, & reatu æternæ mortis jacet, nihil de suo adfert quo à peccati dominio liberari & in certam æternæ vitæ spem restitui possit. Totum hoc gratiæ divinæ prævenienti & subsequenti debet, à qua habet quod possit se convertere, & per quam moveri debet, ut, cum jam se potest convertere, actu ipso se convertere ad mandatum & jussu divinum velit, alioquin in æterna morte mansurus, si nolit. Ulterius non est extendenda hæc similitudo, & ut ulterius extendatur, non sinunt infinita, quæ alioquin secutura sunt, absurda: Imprimis hoc, quod alioquin tota ratio divinæ præceptionis sancitæ promissis & minis, funditus evertitur. Et loca, quæ citat Censor, non obscure indicant ulterius eam extendendam non esse. Nam locus primus, quem ex Ioa. cap. 5. vers. 25. citat, posito quod in eo agatur non de suscitatione hominis proprie dicta, uti plerique Interpretes volunt, sed de regeneratione sive suscitatione hominis spirituali, uti Socinum secuti Censores alique volunt, textus aperte dicit; *Qui audierint vocem filii Dei vivent. Audierint* autem significare isto in loco *obedierint*, ut supponatur à Censore, si consequenter loqui velit, necesse est. At obedire, inquam ego, Deo vocanti proprie dici non potest, cujus voluntas per potentiam, quæ nec creatione, nec suscitatione è mortuis minor est, sic determinatur, ut non possit non (ut ita dicam) obedire: Et cum potentia illa determinatrix immediate agat in voluntatem hominis, non potest dici is, circa quem ea adhibetur, obedire voci Filii Dei. Vox enim filii Dei non significat potentiam illam, sed Evangelium, per quod homo convertitur, & ex cujus auditu fides gigni dicitur, Rom. 10. 17. At Evangelium audire, est Evangelio, quatenus obedientiâ postulat & præcipit sub promisso vitæ, & comminatione mortis æternæ obedire. Præcipienti autem obedire proprie nemo dicitur, qui per potentiam talem ad obediendum determinatur, ut non possit non obedire. Talis enim non magis obedit, quam terra obedit Deo, cum ex nihilo creatur, aut mortuus, cum suscitatur in vitam. Quod si vero etiam sequentia verba v. 28. 29. eodem sensu metaphorico velimus interpretari, uti à Socino aliisq; fit, & verbū *Audire* de simplice auditione seu receptione Euāgelii accipere, res evicta est: dicitur enim diserte in textu, inter eos, qui audierint

rint vocē filii Dei, alios futuros qui bona faciēt, & alios qui mala facient. Illos ex monumentis, id est, ex statu illo ignorantiae, miseriae, ac mortis, in quo per peccata sua jacebant, prodituros veluti novos homines in spem resurrectionis: Hos prodituros, veluti novo reatui implicitos, in resurrectionem condemnationis. Unde manifeste colligitur, fieri posse, ut, qui Euangelium & vocem illam Filii Dei audiunt & recipiunt, Euangelio tamen non obediant, atque ita in mortem & condemnationē, à qua beneficio Euangelii auditi liberati aliquomodo fuerant, justissimo Dei judicio quasi denuo praecipitentur. Locus qui ex 2. Epist. ad Corinth. 4. 6. citatur, non agit proprie de conversione hominum ad fidem, sed de revelatione divinae voluntatis, quae Apostolis & Servis Iesu Christi facta fuit, ut servirent Deo pro instrumentis, ad cognitionem illam diffundendam per universum mundum & sic nova veritatis luce mundum in tenebris ignorantiae jacentem quaquaversum illustrandum, eo fine, ut ad amorem & obsequium divinae voluntatis accendi posset atque inflammari, quo sensu Apostoli dicuntur constituti à Deo, *Ut essent lux Gentium, & essent saluti usque ad ultimas terras* Act. 13. 49. Eodem sensu Apostolus de se ipso ait, *quod à Iesu missus erat ad aperiendum oculos Gentium, & convertendum eas à tenebris ad lucem* Act. 26. 18. Itaque non agitur hic de conversione hominum, nedum de modo conversionis, quasi ea efficiatur in omnibus hominibus non aliter, quam lux à Deo in prima creatione mundi facta & formata fuit. *Atqui conversio hominum passim in Scripturis vocatur*, inquit Censor, *nova mortuorum vivificatio, nova creatura, regeneratio & renovatio hominis ad imaginem Dei*. Fate- mur: At metaphoricæ sunt istæ locutiones, quas ad unguem rescare velle est in barathrum absurditatum se conjicere. Ad metaphoram non requiritur omnimoda rerum comparatarum æqualitas, nedum identitas, sed similitudo quævis sufficit. Alioquin, dicam vicissim, conversio nostri etiam dicitur excitatio ex somno, ergo eadem est ratio hominis convertendi, quæ dormientis: dicitur tractio, ergo conversio est violenta actio; dicitur renovatio, ergo conversio non est creatio: dicitur doctio, ut ita loquar, ergo conversio est actio, quæ ab homine fieri potest, &c. *At*, inquit Censor, *hi loquendi modi plane sunt alieni & absurdi, si certitudo conversionis non a sola Dei efficaci gratia, sed ab hominis cooperatione pendeat*. At hoc est principium petere, & per se falsum. Ratio locutionum harum per se manifesta est. Analogia enim sive proportio duplex est inter conversionem hominis & creationem: I. Quod ea

Expenditur
locus ex 2.
Epist. ad Cor.
4. 6.

Expenditur
quo sensu
Scriptura vo-
cet conversio-
nem hominis
novā mortuo-
rum vivifica-
tionem, novam
creaturam, re-
generationem
&c.

EXAMEN CENSURÆ

à Deo primum proficiscatur, & eum primum atque unicum Authorem habeat. II. Quod sit actio, vim habens producendi effectum planè novum, & qui antea non erat, neque in homine, sine præveniente divina gratia, existere poterat. Deinde, si Scriptura consulatur, observabimus non raro dici in ea, Deum *creare simpliciter, creare calum novum & terram novam, creare creationem*, cum rem novam & insolentem facit, sive ea res nova sit, extraordinaria, & inusitata quædam punitio; uti Num. 16. 30. videre est, sive beneficium aliquod novum: imo cum non nisi novam aliquam rem annuntiat eum in finem, ut populus annunciationi isti fidem habeat, & ad colendum Deum de novo quasi adducatur, etiamsi fieri possit, adeoque fiat, ut populus annunciationi isti fidem habere, & per eam ad colendum Deum adduci nolit. Vide disertum locum Esa. 48. 6. 7. 8. 9. 10. &c. *Audivisti totum hoc, & vos nonne annuntiabitis? Audite feci nova ex-tunc, & conservata apud me & non noveras ea. Nunc creata sunt, & non ex-tunc neque ante diem hunc audiveras ea, ne forte diceres, Ecce noveram ea. Etiam non audivisti, etiam non cognovisti, etiam ex-tunc non fuit aperta auris tua. Novi enim quod pravaricando pravaricaveris, quodq; pravaricator ab utero sis vocatus: Vide vero verl. 18. Utinam attendisses ad mandata mea, tunc fuisset sicut flumen pax tua, & justitia tua veluti fluctus maris. De beneficiis vide Esa. 4. 5. & cap. 15. 18. Jerem. 31. 22. In quibus Deus creare dicitur, quia populum suum novi beneficii collatione recreare voluit, etiamsi id actu non fecerit, propter contumaciam & rebellionem populi. III. Tantum abest ut modi hi loquendi plane debeant videri alieni & absurdi, si certitudo, id est inevitabilitas vel necessitas conversionis non à solâ Dei gratia efficace pendeat, ut contra alieni & absurdi futuri essent, si ab ea sola efficacia conversionis tota penderet, ut jam de certitudine nihil dicam. Rationes sunt. I. Quia conversio per istas voces denotata, ipsis hominibus præcipitur. Alienum autem & absurdum foret, effectum istum, qui nullo modo ab homine pendet aut pendere potest, sed ab illa gratiæ efficacia unâ ac totâ pendet, homini præcipere. II. Conversio ista cum jam actu exercita est, ipsi homini tribuitur, adeo ut homo ipse dicatur, *sibi ipsi facere cor novum & spiritum novum, circumcidere cor suum, salutem suam operari, &c.* & tribuitur ei sub ratione virtutis & obedientiæ, quam Deus præmio vult afficere; imò cum assignatione laudis, Rom. 2. 29. 1. Cor. 4. 5. & concessione gloriationis, quam homo in seipso habeat. Gal. 6. 3. Absurdum autem & alienum foret, effectum istum tribuere homini sub ratione*

Rationibus aliquot ostenditur, modis istis loquendi efficaciam determinantem in conversione hominis designari non posse.

ratione virtutis, cum laudis attributione, & gloriationis concessione, qui nullo modo pendet à cooperatione hominis, sed in homine sine homine productus est, & ab efficacia vocationis totus atque integer dependet. III. Quia conversio ista per homines & per verbum ab iis prædicatum effici dicitur, usque adeo ut homines ipsi dicantur in Scripturis *generare, regenerare, renovare, illuminare, aperire oculos eorum, convertere eos à tenebris ad lucem, à potestate Satanae ad Deum* Gal. 4. 19. 1. Cor. 4. 15. Act. 26. 18. &c. & verbum prædicatum *semen* illud dicatur, quo regimur, Jacob. 1. 18. 1. Petr. 1. 23. collato cum vers. 25. & verbum *ex cuius auditu fides est*, Rom. 10. 16. Alienum autem atque absurdum foret effectum illum, id est, conversionem tribuere hominibus, & prædicato verbo, quorum efficacia tota non nisi moralis, ac proinde ut verbo Cenforis utar, incerta efficacia est, si tota conversio ab ista gratiæ efficacia est, quæ non potest non sortiri effectum, quæque per istos modos loquendi, quos Cenfor allegat, designari ab eo dicitur.

Quæ paragrapho sequente à Remonstrantibus dicuntur, ea, inquit Cenfor, *verbis quidem veritati divine conveniunt, sed vestris antecedentibus opinionibus consentanea non sunt: Nam quomodo obsecro hac inter se conveniunt; Homo in statu peccati nihil boni, quod quidem salutare bonum sit, ex vel à seipso cogitare potest, nedum velle aut facere; & tamen homo potest antequam verbum Evangelii ei revelatum est naturæ lege sic uti, ut Deus ex æquitate teneatur ei revelare Evangelium, quemadmodum alibi asseritis? Ubi Cenfor? cedo locum ex Confessione, aut revoca dictum: Tum addis, homo potest esse humilis, esurire & sitire iustitiam, seipsum ad salutem disponere antequam credit in Christum. Cedo, inquam, locum aut pœnam falsi incurre. Quid hic aut ille dixerit, nesciunt Remonstr. nec tenentur præstare omnium dicta. Ex Confessione sua judicari volunt, hæc communis omnium est. Sed posito etiam tale quid dictum ab hoc aut illo esse, da locum Cenfor ubi id posse hominem dicitur naturalibus viribus, sine communi gratia. Hoc nisi feceris, dissensionem non ostenderis. Tum totius Antiquitatis vox est, hominem, antequam de Evangelio quicquam audivit, beneficio gratiæ communis lege naturæ rectè uti posse. Nec desunt ex antiquitate complures, qui asserunt Deum talibus, id est, naturæ Lege rectè utentibus teneri ex congruo gratiam Evangelicæ revelationis dare, quod nuppiam tamen in sua declaratione affirmant Remonstrantes. *Quomodo item dicitis, inquit, gratiam esse principium, progressum, & complementum omnis boni, &c. Ita ut fides, conversio,**

Hominē posse
sine gratia se
disponere ad
fidem, falso
tribuitur Re-
monstr.

EXAMEN CENSURÆ

Non pugnant:
gratia est pri-
maria & prin-
cipalis causa
omnis saluta-
ris boni, &
gratia est effi-
cax ab eventu,

Dilemma in-
solubile,

conversio, & bona opera, omnesque actiones pia & salutare, quas quis cogi-
tando potest assequi, gratia Dei in Christo, tanquam causa sua principali &
primaria in solidum sint adscribenda, & tamen antea statuitis, efficacem vo-
cationem, qua fit ut homo vocanti Deo pareat, distingui à sufficiente, non ex
gratia natura aut mensura, sed ex liberi arbitrii solo usu. Quasi verò hæc
pugnent: Gratia est principalis & primaria boni omnis causa in nobis,
& gratia efficax ab eventu vel ab usu liberi arbitrii (à solo enim nun-
quam dixerunt Remonstr.) efficax vocanda est, non ab intentione Dei
sola sic dicta: Imò, quia gratiam Dei principalem & primariam cau-
sam boni omnis esse dicunt; idcirco hæc non pugnant. Si eam voca-
sent causam unicam, totalem atque integram non moralem tantum sed
physicam, speciem haberet oratio. Nunc specie omni caret disjunctiva
ista, quam adfert Cenfor: *Aut ergo usus ille bonus, & cooperatio liberi ar-
bitrii cum gratia, bonum salutare non sunt: aut omnia bona salutaria &
actiones pie, Dei gratia, tanquam causa principali & primaria in solidum à
vobis non adscribuntur:* Imo vero, inquam, usus ille bonus & cooperatio
ista liberi arbitrii cum gratia bonum salutare sunt Remonstrantibus, &
usus iste bonus, gratia tanquam principali & primaria causæ ab ipsis
adscribitur, & tamen efficax gratia ab usu isto libero non à gratia na-
tura aut mensura efficax ab ipsis vocari creditur. Hæc non pugnant: Gra-
tia enim, cui cooperatur liberum arbitrium, motio tota moralis est, non
Physica. Motio autem ista principalis & primaria adeoque tota moralis
causa est, per quam producit consensus in voluntate. Et tamen, consen-
tientibus penè omnibus Philosophis ac Theologis, moralis omnis actio
efficax vocatur non à natura aut mensura actionis ipsius, sed ab usu &
cooperatione liberi arbitrii: En Cenfor explicatum levi momento quod
inexplicabile putabas. Nec vobiscum se sentire coguntur fateri Remon-
strantes, nec contraria sibi ipsis dicere. Age vero tu, mi Cenfor, explica, &
cõcilia hæc inter se. Usus ille bonus gratia aut est actus officii nostri, qui
virtuosus dici meretur; Aut nō est. Si est, quomodo itaq; efficacis gratia
effectus in solidum est? Si non est, quid ergo est? Viceris, si dixeris quid
sit, ut intelligi ab eo possis, qui communi tantum sensu præditus est.

Paragrapho septimo; *Libenter agnoscimus*, inquit Cenfor, *homi-
nem gratiam divinam adspernari & respuere, ejusque operationi resistere
posse; Proinde opus non erat ut id tam operose probarent Remonstrantes.
Quomodo hoc agnoscat, & quam libenter ex sequentibus constabit.
Longè aliter sine dubio gratia vocem accipit hic Cenfor, quam à
Remon-*

Remonstrantibus accepta fuit hoc paragrapho. Hi enim gratiam intelligunt eam, quam principium, progressum & complementum omnis boni esse paragrapho præcedente dixerant, & per quam eos, qui ordinarie convertuntur, converti statuunt. Quid, an hominem huic gratiæ resistere posse libenter agnoscit Censor? Si serid, vicimus, & Socii, magnum operæ pretium fecimus. Sed longè aliter se res habet: Agnoscit Censor, non agnoscit: Libenter, non libenter, hominem, gratiæ, non gratiæ, resistere posse, non posse resistere. Nam quid ait? *Sive, inquit, respiciamus gratiam externam Evangelii, quod ministerium spiritus appellatur. 2. Cor. 3. Sive etiam operationes internas Spir. S., quibus mentem hominis de veritate Evangelii & suo officio convincit, fatemur hominem huic gratiæ operationi posse resistere, &c.* At gratia hæc non est illa gratia, quæ sufficit ad convertendum hominem, & qua actu aliquando aliqui convertuntur. Atqui de ea agit Remonstrantium Confessio in terminis. Gratiæ itaque illi resistere posse, est posse resistere non gratiæ. Deinde, ut jam non expendamus has gratias, earumque acceptiones, quæ rigidum sanè examen non ferunt, vide quam multæ ineptiæ sint in tam brevi periodo. Dicit I. hominem illis gratiis posse resistere, & tamen ibidem asserit, hominem istis non posse non resistere. Quis a, nisi ineptè dicat, posse aliquem aliquid, qui non potest contrarium. *Ejus est velle, regulæ juris ajunt, qui potest nolle. Consentire non potest* ait Tripho-
nus Iureconf. qui nec potest dissentire. Si vis scire an velim, ait Seneca, effice ut possim nolle. ἐν οἷς γὰρ ἐφ' ἑμὶν τὸ πρᾶττεν καὶ μὴ πρᾶττεν καὶ ἐν οἷς τὸ μὴ καὶ τὸ ναί, inquit Aristoteles lib. 3. Nicomach. Cap. 5. II. Dicit hominem seipsum, cum divinitus ad fidem & obedientiam vocatur, inidoneum posse reddere ad credendum. Quid ineptius? Nam antequam resistit homo gratiis istis, in superlativo gradu inidoneus est, adeo ut magis inidoneus esse non possit; est enim planè mortuus. Quis a. de eo, qui talis est, dicat quod se inidoneum possit reddere? Eodem jure dixeris, cæcum hominem seipsum inidoneum reddere posse ad videndum, & mortuum ad se exsuscitandum. III. Dicit hominem talem se inidoneum reddere posse propria sua culpa, eaque vera & per eandem gratiam vincibili, si homo gratiam istam in injustitia non detineret, quod omnes tamen homines sibi relictis faciunt: Nempe, Si. Quis hanc culpæ & veræ culpæ, & vincibilis culpæ rationem intelligat? Hoc ipsum, quod homo, nulla propria sua culpa, imo per divinam punitionem tantum inidoneus est factus ad credendum, & obediendū, ac proinde gratiam in injustitia necessario detinens,

Z z

quomo-

Ridiculè Cen-
 sor videri vult
 agnoscere, gra-
 tiæ divinæ o-
 perationem
 non esse irre-
 sistibilem.

Detegitur Cen-
 soris fallacia
 in vocæ gra-
 tiæ.

quomodo non liberat atq; absolvit eum à conſequenti omni culpa propria & vera? Si non, tum reus novæ pœnæ fit per id, quod in ipſo nulla propria ac vera culpa ejus eſt, & quod cauſa ejus facti eſt, in quo culpa propria ac vera eſſe dicitur. Et quomodo vincibilis culpa eſt, quæ exiſtit ex cauſa, quæ homini prorsus invincibilis eſt, quam homo ſibi relictus non poteſt non contrahere? Apagelis tam barbaras culpas & pœnas, quæ monſtra potius decent, quam homines, nedum ſanctiſſimum Deum. IV. Dicit; *ſed inde non ſequitur non eſſe aliquam gratiam peculiarem, &c.* Quafi verò quiſquam adeò vâſanus fit, ut ex tam ineptis propoſitionibus concluſionem talem ſequi dicat. Quæritur tantum hoc in loco: An gratia illa, qua Deus uti vult ad convertendum homines ad veram fidem in Jeſum Chriſtum, & qua actu aliquando aliqui convertuntur, eâ efficacitate adminiſtretur, ut ii quibus ea contingit, non poſſint non converti; (quod appellatur à Remonſtrantibus *non poſſe reſiſtere*) an verò tali efficacitate, quam libera voluntate poſſint admittere aut reſpuere (quod appellatur in hac cauſa *poſſe reſiſtere*) Quæſtio quam Cenſor facit; *An non detur aliqua peculiaris gratia, ſive per Dei ſapientiam ſive per potentiam ejus adminiſtrata, cui homo, qui per eam vocatur, nunquam reſiſtit, aliena & impertinens eſt, ob duas cauſas. I. Quia intelligi poteſt de gratia, ſeu extraordinaria, ſeu ſpeciali quadam, reſpectu paucorum quorundam hominum, quod ſine periculo admitti poteſt, & ab Antiquitate tota extra dubium poſitum fuit, ſalva ſemper manente ſententia generali de conditionata electione eorum, qui ordinariè vocantur. II. Quia, cum de actu ſolo loquatur, intelligi poteſt de gratia illa, quæ effectum fortitur, ſive ſortiat, cum cooperatione liberi arbitrii, ſive cooperatione. Ratio eſt, Quia de ea etiam verum eſt, quod ei nemo unquam reſiſtit, qui per eam vocatur. Alio itaque & quidem eo, quo diximus, modo, concipienda fuerat. Sed eſto, cum de mente ſatis conſtet, quicquid eam Cenſor ubique pene in hac materia ſub ſpecioſis verborum involucris oculere ſoleat, de verbis ſoliciti ne ſimus. *Scriptura hîc tam manifeſta eſt, inquit, ut nemo niſi errando adverſus eam unquam diſputaverit. Probant id promiſſiones V. T. Eſa. 43. 17. legendum eſt Eſa. 44. 1. Jerem. 31. 23. Ezech. 36. 26. At quis non miretur Cenſorem, qui tam confidenter audet aſſerere Scripturam pro iſta ſententia adeo manifeſtam eſſe, ut nemo contra eam niſi errando diſputare poſſit, non ſaltem majorem operam daturum fuiſſe ut non niſi clara & manifeſta, ſi quæ erant loca, adduceret: Vix dubitandum eſt, quin.**

Expenduntur
promiſſiones
Vet. Teſtam.
quibus Cenſor
gratiam deter-
minatam pro-
mitti aſſerit,

quin cum hæc clarissima censuerit, alia defuerint. Unde non immerito quis contra eum regesserit, Scripturam pro ista inepta sane ac novitia opinione tam obscuram esse, ut nemo nisi errando pro ea disputaverit. Rem testem demus. Locus primus ex Esa. 44. i. citatur, *Sic ait Iehova qui fecit te & formavit te ex utero adjuvaturus te: Ne timeo, serve mihi Iacob, & IESCHURIM quem elegi: Nam effundam aquas super sitientem, & fluenta super aridam, effundam spiritum meum super semen tuum, & benedictionem meam super prognatos tuos & efflorescent veluti gramen, veluti salices inter progressus aquarum.* Locus hic, inquam, totus est allegoricus, sive potius scatet perpetuis metaphoris, quibus quid directe Deus significaverit, non usquequaque certum est. Nec enim constat, I. quod in eo loco agatur de gratiis spiritualibus ac non potius de benedictionibus temporalibus, quibus Deus *rectos* in populo suo, aut populum totum Israelis propter *rectos* illos volebat afficere. Certe nihil est in loco quod non permittit, ut de hisce benedictionibus, aut huiusmodi benedictionum promissione intelligatur: Effundere enim aquas super sitientem, & fluenta super aridam, significare idem potest, quod populo afflicto variis calamitatibus, & sub iugo divinarum visitationum gementi, succurrere tali beneficio, quod non minus gratum erit futurum, quam si sitienti magna aquæ copia, & aridas fauces habenti, vel terræ præ siccitate & ariditate fatiscenti, fluenta integra affunderentur. Effundere spiritum suum dici potest Deus, cum homines, jam pene ob angustias anima defectos, & spiritum vix trahentes, inter varias calamitates, novo quasi spiritu, novaque virtute adflat, refocillat, & recreat, ut ex variis locis parallelis liquido constare potest. II. Posito, quod in eo agatur de gratiis spiritualibus, neutiquam tamen constat, imo ne vestigium quidem in textu est, unde verisimiliter concluditur, in eo agi de gratia, quæ ad conversionem necessaria est, de qua tamen hic quæritur; imo non obscure ex textu patet in eo agi de gratia, quæ datur jam conversis: Deus enim alloquitur Israelem, quem *rectum* vocat, quia, ut inquit Vatablus, recto & sincero animo Deum colebat opponitque carnali & infideli Israeli, id est, carnalibus in Israele quos Cap. præced. graviter reprehenderat. III. Posito etiam quod in eo agatur de gratia ad fidem & conversionem necessaria, qua verisimili ratione evincetur gratiam istam esse peculiarem illam determinantem gratiam, quæ hic promittitur. Hoc age, Cenfor, & rem miram feceris. Nos contrarium hoc argumento evincimus. Gratia hæc promittitur Israeli recto, quia tum ea

Locus Esa.
44. i. exa-
minatur.

EXAMEN CENSURÆ

carebat Israel & ea indigebat. At gratia determinans ista, quam Cenfor vult, jam tum locum habebat in Israele recto: Israel enim rectus non erat sine ista gratia: Et omni tempore eodem modo gratia ista ubique locorum locum habuit; quia semper & ubique Deus habuit electos & fideles suos. Ergo de gratia illa hic locus intelligi, nec debet, nec potest: Saltem falsum est, quod Cenfor ait, *Scripturam hic manifestam esse pro ista gratia*. Nec juvat, *fidei gentium vocationem hic promitti Israeli*. Nam & incertum id est apud interpretes, & revera falsum. Quia promissio ad Israelem dirigitur, aut ad semen & posteros Israelis: Gentes autem semen Israelis nunquam vocantur, neque semen Israelis sunt. Deinde, quæ ratio esset istius præcedentis hortationis, *Ne timeo serve mi Jacob*, nam aliquando ego vocabo gentes etiam ad fidem; puta post octingentos aut mille annos. Quid? an timebat Israel, ne hoc fieret aut ne hoc faceret Deus? Sed & posito quod id verum sit, quid hoc ad rem? Promissio enim ad populum totum dirigitur: At gratia ista peculiaris ad totum populum non pertinet. Ergo hæc promissio non est gratiæ hujus peculiaris promissio. Denique si ad paucos tantum quosdam ex gentilibus, nominatim à Deo ab æterno electos promissio pertinere dicatur, quænam erit consolatio hæc, qua Israelem Deus vult erigere contra metum & consternationem? Ne timeate vos electi in Israele; Sicut ego vos paucos elegi, & reliquos omnes reprobavi; Sicut vos vocavi vocatione efficaci, reliquos autem non vocavi ea vocatione: Ita agam aliquando in gentilibus, post aliquot secula. Quis succum, quis medullam consolationis in hac oratione esse intelligit contra metum illum, quo obsessus erat Israel? Loca duo ex Jerem. 31. 23. & Ezech. 36. 26. quibus una eademque promissio continetur, quam ineptè ad probandum quod vult Cenfor allegentur, jam ante demonstravimus paragrapho hujus cap. tertio.

Demonstratur
quam ineptè
Cenfor pro-
missiones V.
Test. de gra-
tia determi-
nante, com-
pleri in N.
Test. probet,

Probat id ipsum promissionum illarum complementum, inquit, *in Novo Testamento*. Mirabilis probatio. Quasi vero promissio de peculiari gratia, qua electi efficaciter vocantur, ad N. Testamentum pertineat, aut complementum promissionis istius in N. Testamento fiat. Sanè, si ita res habet, nulli fideles, nulli vere conversi fuerint ante Novi Testamenti revelationem. Aut si fuerunt fideles, non minus sub Veteri Testamento quam sub Novo, necesse utique est, ut gratia illa peculiaris, sine qua conversio fieri non potest, adfuerit non minus sub Veteri, quam sub Novo: Unde, quid de promissionibus hujus gratiæ & complemento promissionum istarum sentiendum sit, facile colligitur.

Quis

Quis enim dicat loca ista, *quicquid dat mihi Pater, venit ad me: Deus aperuit cor Lydia ut attenderet, &c.* & *Deus est, qui in nobis efficit velle & perficere*; continere complementum promissionum illarum, quæ agunt de gratiæ efficacîa, quâ electi convertuntur? Quasi verum etiam non fuerit in V. Test. *Quicquid dat Pater Christo venit ad Christum*, & quasi Deus non aperuerit tum æque cor Moïsi, Josuæ, & Davidis, &c. atque in N. Test. aperuit cor Lydiæ; & quasi tum non effecerit in electis suis velle & perficere, sicut nunc in N. Test. id facere dicitur. Dicet forte quis, promissiones intelligi, tum de ampliore gratia, tum de gentibus, ad quas gratia ista extendenda erat: Atqui, neutrum dici potest. Non prius. Gratia enim peculiaris in indivisibili posita est: Non habet latitudinem: una eademque semper ubique est. Nec posterius, quia loca illa omnia, quæ citantur, de gentibus non agunt: Priora duo expresse de Judæis agunt; de Lydiâ an Judæa, an gentilis fuerit, incertum est. Sed loca ipsa videamus. Primus desumptus est ex Iohan. 6. 37. *Quicquid dat mihi Pater, ad me venit, & eum qui venit ad me non ejiciam foras*: At quis hunc locum manifeste agere dicat de gratiæ illius efficacis, quam Censor probare vult, collatione? Ne per speciem quidem, nedum manifestè id liquet; Nam posito, quod verbum *Dandi* hic significet dationem cum effectu, uti non inviti concedunt Remonstrantes, an inde cum specie aliqua inferet quis, Ergo datio hæc est istiusmodi efficax gratiæ collatio? Nihil minus. Nec enim de datione illa, qua fides dari creditur, nedum de modo, quo dari creditur, hoc in loco agitur; sed de datione ad salvandum, & æternæ vitæ pane saturandum, uti ex antecedentibus & consequentibus manifestum est: ut sensus sit: Vos petitis à me panem illum, qui, ubi eum sumseritis vos à fame æternum immunes possit servare: At illum ego non do aliis, quam iis, quibus Pater eum dari vult, Non enim veni ut exequerer meam sed Patris mei voluntatem. At Pater eum dari non vult, nisi iis, qui primum ad me veniunt, in me credunt, & doctrinæ meæ ingenue adhærent. *Quicquid enim, id est, quoscunque Pater mihi dat ut iis panem istum dem, quo sumto nunquam esuriant, ii primum ad me venient, id est, in me credent.* Sed vos non creditis, id est, non vultis credere in me. Ergo ego vobis panem illum non sum daturus, quia facerem contra aut præter voluntatem Patris mei. Et ratio non obscure arguit de ista, qualem Censor fingit, datione, hic non agi: Nam verbum *venire* in futuro prolatum, satis indicat *venire* aliquid esse, quod vel tempore antecedit dationem Patris, vel sequitur: Nam

Expenditur
locus de proph-
tis ex Ioa. 6.
37.

Sensus verborum
est
*Quicquid dat
mihi Pater,
&c.*

EXAMEN CENSURÆ

veniet ad me necessario significat, vel prius veniet ad me, vel, post dationem veniet ad me. At si datio Patris talem hic efficacem operationem notaret, neutrum dici posset. Qui enim dantur à Patre Christo, id est, in quibus Pater fidem efficaciter operatur, ii non venient ad Christum, sed eo ipso veniunt. Non enim in quibus actu efficitur fides, ii credent, sed ii actu credunt; Deinde, verbum *venire* satis arguit de ista datione, quæ operatio irresistibilis sit, verba textus accipienda non esse. Agitur enim de veniendo ad præscriptum Christi. At nemo venire dici potest ad præscriptum alterius, nisi καλῶν ἡμῶν, cuius voluntas ea efficacitate movetur, ut non possit non ferri quo præscribens jubet. Sed quid multis? Nulla, non dico ratio, sed ne species quidem rationis, pro Censoris interpretatione est. Nec major species, si non minor, est in versu, qui sequitur 45. *Erunt omnes docti à Deo: Quisquis ergo audivit, & didicit à Patre, veniet ad me.* Imo, tantum abest, ut species pro Censoris interpretatione major sit in versu illo, ut contrarium potius ex eo colligi debeat. Speciem non esse pro Censoris interpretatione inde liquet, quia textus non dicit, *Erunt omnes docti à Deo*; sed *erunt omnes docti Dei*, διδῶντο τῷ θεῷ, id est, habebunt solidam cognitionem Dei, eodem sensu quo doctus alex, trochi, Musicæ, &c. dici solet. Et posito textum habere, *Erunt omnes docti à Deo*, non tamen dicit quomodo omnes à Deo docti sint, aut edoceantur, sed tantum dicit, quotquot docti sunt, eos à Deo doctos esse. Deinde, textus non dicit, omnes eos, quos Pater docere vult, aut quos docet, eos venire ad Christum; sed tantum eos, qui ita docentur à Patre ut audiant & discant, & sic revera docti Dei fiant, sive docti fiant à Patre: De doctrina itaque Patris non affirmatur hic, quod nunquam successu careat, aut quod ut plurimum eo non careat. Non enim dicitur, qui docentur à Patre, ii omnes audiunt & discunt, sed de doctrina Patris, quæ successu non caret, sive quæ auditur & discitur, affirmatur, quod ad Christum venire faciat. Qui enim audiunt & discunt à Patre, ii dicuntur οἱ διδῶντο τῷ θεῷ, re ipsa docti Dei sive docti à Deo, sive veri discipuli Patris, quia nimirum tales doctrinam Patris in animum admittunt, ex eaq; affectum veritatis & probitatis studiosum hauriunt; prout docti apud nos dicuntur, non qui cum cæteris Magistrum aliquem docentem audiverunt, etsi ex eo nihil aut parum profecerint, nihil aut parum didicerint, sed qui bene didicerunt, aurem & animum adverterunt, & sic re ipsa docti sunt facti. Et hi tales dicuntur ad Christum venire, id est, quando per Evangelium vocantur, sponte ac li-

Sensus verborum
Erunt omnes docti Dei
&c. Ios. 6. 45.

ac libenter sese ejus doctrinæ submittere, quia Christi doctrina per omnia cum doctrina Patris convenit, nihilque habet à quo pius animus, non dico abhorreat, sed non fortiter ad Christum trahatur & alliciatur. Atque hinc efficitur contrarium potius quam quod Censor vult ex textu hoc colligi posse. Discere enim est actus non docentis, sed discipuli, & actus qui liberā discipuli curam ac diligentiam supponit, quique proinde potest non habere locum in discipulo, etiam quando optimè docetur. Multi enim idcirco non discunt, non quia non possunt discere, aut quia non satis docentur, sed quia, aut non volunt, aut non curant animum advertere ad ea, quæ docentur. Si dicas aliam esse rationem Dei docentis, aliam hominum docentium, petis τὸ ἐν ἀρχῇ, & vim argumenti, quæ phrasi hac, *erunt docti à Deo* nitebatur, deseris, novoque argumento pugnes necesse est. Eadem est ratio loci qui sequitur, Act. 16. 14. *Deus aperuit cor Lydiæ, ut attenderet ad ea, quæ dicebantur à Paulo.* Nam nullo verisimili argumento evincet Censor, apertionem cordis Lydiæ, hic denotare peculiarem illam divinæ gratiæ efficacis actionem in cor Lydiæ, quæ factum fuerit, ut Lydia attenderit ad concionem Pauli, & per cujus unius defectum fuerit factum, ut cæteræ mulieres non attenderint, nec attendere potuerint. Nihil enim vetat accipere verba hæc ita, ut non significant aliud quid, quam eventum concionis Paulinæ, cujus substantia tota divina erat, & à Deo ipsi Paulo suggesta, hunc fuisse in Lydia, quod cor ejus per eam ad apertum fuerit, ita ut attenderet, id est, fidem adhiberet iis, quæ à Paulo dicebantur. Erat enim timens Dei mulier, ac veritatis & salutis suæ studiosa secus quam mulieres cæteræ, quamquam eæ etiam ad precandum foras cum ea prodibant: Quantum autem possit hujusmodi probitas, ut quis cum fructu audiat veritatem, id arguunt clarissimè multa Scripturæ loca. Ioha. 7. 17. Ioa. 3. 20 & 8. 47. Psal. 25. 9. 12. 14. Proverb. 1. 2. 3. 4. 5. 6. 7. 8. & similia. Sensus hunc verbis his inesse, nihil vetat. Nam, etiamsi hac interpretatione eventus tribuatur concioni Paulinæ, nihilominus tamen optimè dictum fuerit Deum aperuisse cor Lydiæ, quia tota concionis Paulinæ substantia, præcepta scilicet, promissa, rationes & argumenta à Deo erant. Deum autem dici facere, quod fit per ista media, quæ à Deo sunt, infinita loca demonstrant, & speciatim contraria omnia loca, quibus diabolus dicitur facere id omne, quod diabolicis artibus ac fallaciis fit. Tantò autè verisimilius videri debet hunc eventum Paulo tribui, quia expresse ipse sese à Iesu vocatū & missum esse dicit Act. 26. 18.

ut apc-

Examinatur
locus Act. 16.
14. de apertio-
ne cordis Ly-
diæ.

EXAMEN CENSURÆ

ut aperiat oculos gentium, ut convertat eos à tenebris ad lucem, à potestate Satanae ad Deum. Verum enimvero, posito etiam per adaperitionem cordis Lydiae, denotari peculiarem quandam Spir. S. actionem in cor Lydiae, nihil tamen ad propositum faceret. Quæritur enim hoc in loco de actione Spir. S. qua primam conversionem, sive primum actum fidei & regenerationis in nobis producit, an ea sit peculiaris seu per potentiam, seu per sapientiam administrata actio, qua posita, non possit non sequi actualis hominis conversio. At in loco isto de ea actione non agitur, si omnino de peculiari actione eum agere velimus quæ per adaperitionem cordis Lydiae denotatur. Ratio est, quia mulier hæc jam tum disertè in textu vocatur *timens Dei*, *σεβομένη τὸν θεόν*, & de ea affirmatur quod *convenit una cum aliis extra urbem*, idque ex more, uti textus videtur indicare, *ad orandum Deum*: ubi valde verisimile est eam etiam à Deo petiisse ut inclinaret cor ejus ad testimonia à Paulo revelanda; & à Deo exauditam esse. *Secretum enim Domini timentibus ipsum*, Psal. 25. 14. Ioan. 7. 17. Locus itaque hic perperam allegatus est. Locum ad Phil. 2. 13. jam paulo ante prolixè tractavimus. Itaque ne actum iterum agamus, eo Lectorem remittimus: ut & ad ea, quæ antea à nobis fuisse dicta ad loca ista, in quibus fides & respicientia *donum Dei* esse asseritur; quia de iis antea visum esse Censor hic ait. Exceptio Censoris ad responsionem generalem, quæ à Remonstrantibus, cum loca ista in medium adducuntur, fieri solet, expendenda tantum hic venit. Nam inquit, *quod Remonstr. existimant fidem & respicientiam Dei donum dici posse, etiamsi is, qui credit & respicit, id non necessario à Deo accipiat, hoc est, ut loqui solent, donum oblatum, non collatum, id omnino, absurdum est, quia id quidem dici potest de donis, quæ extiterunt, antequam acciperentur, sed de ejusmodi donis, quæ non existunt, nisi cum donantur, nunquam quisquam sanus dixit se cuiquam illa donasse, si ille cui donata sunt, ea certò non acceperit, ut robur, pulchritudo, sapientia, &c.* Exceptio hæc multis modis laborat. Nam: I. Etiamsi non diffiteamur donum propriissimè dici id quod actu datur, & recipitur, tamen non rarè, tum apud Iureconsultos, tum in communi sermone, donum etiam vocari solet, quod offertur, etiamsi non accipiat ab eo, cui offertur, & dare dicitur is, qui dare ex animo voluit, etiamsi actu non det. Atque hoc agnoscit Censor verum esse, nam ait id rectè dici posse *de istiusmodi donis, quæ extiterunt, antequam acciperentur*. Hactenus itaque ex verbo dandi, aut ex voce doni nihil demonstrativè pro sententia Censoris concludi posse, manifestum est.

II. Quod

Resp. Jetur ad distinctionem Censoris inter dona quæ extiterunt antequam acciperentur & inter dona quæ non existunt nisi cum donantur.

II. Quod Censor ait esse dona quædam, quæ non existunt, nisi cum actu recipiuntur, ut robur, pulchritudo, sanitas, verissimum est. At dona omnia, quæ vocantur, talia esse, ut aut existant antequam donantur, aut non existant, nisi cum donantur, falsum est. Sunt enim dona quædam, quæ nec existunt antequam donantur, nec statim recipiuntur, cum donantur. Talia sunt omnia ea, quæ is qui donare dicitur, jubet & mandat ut accipiantur, cujusmodi sunt actiones omnes, quæ sub præceptum cadunt, quod gratiosè alicui datur, ut ejus præstatione, excellens aliquod bonum, quod alioquin habere aut ab alio accipere non posset, consequatur; quæ sanè, quatenus actiones illæ medium gratiosum sunt, per quod bonum istud obtineri potest ac debet, ex parte ejus, qui eas jubet, dona dicuntur, etiamsi nec ante existant, quam recipiuntur, nec recipiantur, cum donantur. Hoc ita esse his rationibus evinco. I. Quia Deus dicitur variis in locis dedisse populo suo ea, quæ populo jubebat, ut acciperet, aut ut sibi compararet, & quæ tamen populus nec accipiebat, nec sibi comparare volebat: Ita Deus dicitur *salutem dedisse populo, vitam dare mundo, resipiscentiam dare Israeli*. Act. 7. 25. Joha. 6. 33. Acto. 5. 31. cum tamen populus salutem illam non consequeretur, mundus vitam illam non vellet, Israel non resipisceret, & propriè loquendo nec salus ista, nec vita ista, nec resipiscentia ista antea existerent. Sic dicitur Deut. 1. 25. cum exploratores, id est, Iosua & Caleb terram promissam laudantes, & populum ad eam invadendam hortantes, dicerent, *Bona est terra, quam Iehova Deus noster dat nobis*; quod Moyses populo exprobraverit, *Et tamen nolulistis ascendere, sed rebellastis verbo Iehova Dei vestri*. Et cum nihilominus Moyses eos hortaretur ut bono animo essent, & non timerent: *Tamen, inquit, per hoc non credidistis domino Deo vestro: Audivit autem Iehova, inquit, vocem verborum vestrorum, iratusque est ac iuravit, dicendo: Non videbit quisquam ex hominibus istis de generatione hac mala terram bonam, &c. Sed dabo eam Calebo filio Iephunneh, ipse videbit eam, & filii ejus, quia adimplevit ire post Iehovam*: Similia loca infinita sunt. Dices hic fortasse, Terram istam jam tum extitisse, cum eam Deus daret. Sed frustra: dicam enim similiter, vitā æternam etiā aliquomodo extare, antequā Deus eam hominibus dare vult: Sed uti illam terram armis acquirendam dabat Deus, ita nunc æternam dat, sed fide & sanctimoniam vitæ invadendam. His adde, cur eadem ratio in verbo dandi & voce doni locum non habeat, quæ locum habet in verbis Synonymis, *Servandi, illuminandi, trahendi* & similibus? At hæc Deo & Christo tribu-

A a a

untur

EXAMEN CENSURÆ

untur etiam tum, cum salus, siue servationis effectus, illuminatio & actualis tractio non consequitur. Sic Christus dicitur, *Lux illa, qua illuminat omnem hominem*. Joan. 1. 9. *Deus servator omnium hominum*, 1. Tim. 4. 10. Christus tracturus omnes ad se, Ioa. 11. 23. cum tamen, nec omnes illuminentur, nec omnes servantur, nec omnes trahantur. II. Quia Deus de eo ipso conquestus aliquando apud populum, adeoque populo id vehementer exprobrasse legitur, *quod ei cor non dedisset ad intelligendum, & oculos ad videndum, & aures ad audiendum*. Deut. 29. 4. Sic enim verba ista intelligenda esse antecedentia & consequentia clarissime arguunt, atque imprimis ista verba, quæ adduntur *usque ad diem hanc*. Quasi dicat Deus: Quicquid hætenus egi, quid autem non egi, ut vestrum cor mihi adjungerem, & à vobis obtinerem, ut me, prout oportet, coleretis? id omne frustra fuit. Ed usque pervenire non potui, ut quod ex animo volebam, cupiebam, optabam, cor vobis infererem meæ voluntatis & Legis studiosum: omnia dona mea ed facientia respquistis, omnia insuper habuistis, & hilum non profeci apud vos. Hæc exprobratio, quem nervum, quod os habet, si datio cordis nō significat nisi dationem, quæ facit donum ipsum existere, efficitque ut accipiatur, id est, si non significat nisi efficaciam talem, quæ non potest non sortiri effectum? III. Quia nisi hanc significationem verbi dandi admittamus, necessariò consequetur, fidem, respicientiam, sanctitatem, &c. non aliter effici aut existere in hominibus, quam robur, sanitas, pulchritudo in iis effici solent atque existere. At nihil absurdius cogitare mens humana potest. Nam I. sic non minus stultè & ridiculè præciperetur hominibus fides, respicientia, pietas, sub comminatione mortis æternæ; quam si quis iis, cum comminatione mortis præciperet, ut robusti sani, pulchri & proceri sint. II. Sic non minus stultè & ridiculè fides, respicientia, sanctitas alicujus, virtutis præmio dignæ titulo insignirentur, quam si quis procerum, robustum, sanum pulchrum, diceret virtuosum, & præmio dignum. Sed, inquit Censor, hoc argumentum nullius momenti est; quia non statim Deus solum sic fidem dare & respicientiam, ut media ad eam in nobis efficiendam non adhibeat, cum media illa sint objectum, circa quod fides & respicientia versantur & instrumenta, per quæ in nobis à Deo efficiuntur. Quam frivola sit hæc exceptio, poenè ex terminis patet: Præcepta enim promissionibus præmiorum, & comminationibus poenarum sancta, servire posse pro mediis & instrumentis, ei qui donum confert, quod non existit, nisi cum donatur, & quidem eodem modo, quo robur, pulchri-

Diluitur exceptio Censoris qua Deum sic fidem dare asserit ut media ad eam in nobis efficiendam adhibeat.

pulchritudo, sanitas donantur, aded est ineptum atque absurdum, ut pal-
 pari penè possit. Præcepta enim, quæ præcepta sunt, ad summum non
 habent nisi moralem efficientiam, quæ juxta Censorem tota est incerta &
 inefficax, quia immediatè non attingit voluntatem sed mentem tantum
 atque intellectum: At hic non agitur nisi de donatione sive efficientia,
 quæ certò, ut Cenfor loqui vult, id est, inevitabiliter effectum sortitur,
 sive quæ voluntatem ipsam in se corruptam immediatè afficit, in eaque
 certò consensum efficit. Fatemur quidem dici posse præcepta concurrere
 per modum signi vel objecti repræsentantis id quod Deus donando ef-
 ficere dicitur, quod à Censore hic indicatur, sed ut concurrant aut adhi-
 beantur veluti instrumenta, quæ sub ratione præceptorum, quatenus
 præcepta sunt, operantur, moraliter impossibile est. Nam præcepta, qua
 talia, obligant eum, cui ponuntur, sive postulant officium ejus cui
 dantur & qui præcepta ista præstat, is præstando ea, officium præ-
 scriptum sibi facit. In quo autem effectus, id est, præstatio ejus quod
 præscribitur, per donationem talem efficitur, qualis est donatio roboris,
 sanitatis, pulchritudinis, &c. is præstando id, quod præscribitur, offi-
 cium suum facere ut dicatur, ab omni recta ratione alienum est. Fa-
 cit quidem talis id, quod præscribitur, sed non facit quæ præscribitur,
 & præceptum non concurrat ad obsequium, ut ratio movens & obligans
 hominem ad obsequendum, sed tantum ut objectum sine quo obsequium
 esse non potest, proinde præstatio ejus, quod præcipitur, non est præ-
 cepti præstatio, sed præstatio similis ei, qua quis præcepto, qua tali, ob-
 temperat. Ex quo patet, hac ipsa exceptione totam formalem vim divi-
 narum præceptionum penitus elidi atque eviscerari. Et sane, si Cenfor
 consequenter loqui velit, necesse est ut fateatur, totum verbum Dei non
 servire pro instrumento conversionis, sed tantum pro objecto & doctri-
 na mera, circa quam versantur fides & resipiscentia, quia fides & resi-
 piscentia à Deo speciali actione immediatè efficiuntur in voluntate, pro-
 inde præcepta, qua talia, promissa, comminationes, hortationes, quere-
 las, obtestationes, quibus verbum Dei scatet, non esse nisi inania signa
 & operosam simul ac ludicram quandam histrioniam. Locus, qui ex
 1. Cor. 3. 6. citatur; *Ego plantavi, Apollos rigavit, sed Deus dedit incremen-*
tum, &c. ad rem non facit: Datio enim incrementi, non dicit necessario
 actionem aliquam Dei specialem & distinctam à plantatione & riga-
 tione, cujus vi fiat ut plantatio & rigatio non possint non esse fructuosa;
 sed tantum plantationis & rigationis vim divinam esse, significare po-
 test,

A a a 2

Ventilatur lo-
 cus 1. ad Cor.
 3. 6. à Censore
 allegatus,

EXAMEN CENSURÆ

rest, quasi legatur, soli Deo acceptum ferendum esse, quando plantatio & rigatio fructuosæ sunt, quia tota vis & efficacia, quæ in plantatione & rigatione est, à solo Deo profecta est, prout clarissime id explicatum legimus 2. Cor. 3. 4. 5. 6. In naturalibus res patet: Deus iis, quæ plantantur & rigantur ab hominibus, incrementum dare dicitur in communi sermone, non quia peculiari actione divina fit, ut plantata & rigata crescant, sed quia Deus vim istam, quam terræ indidit, in qua plantatio, & aquæ, per quam rigatio fit, conservat aut vigorem & vim suam habere finit; quod nisi faceret, plantatio & rigatio tota sine fructu esset, & plantata ac rigata incrementum nullum consequerentur. Et ratio etiam postulat, ut aliter hæc verba non intelligantur. Nam plantatio, quæ Paulo tribuitur hoc in loco, quæ aliud nihil est quam prima Corinthiorum ad fidem & Religionem Iesu Christi adductio: Rigatio, quæ Apollos tribuitur, quæ aliud nihil est quam Religionis istius promotio, & eorum, qui crediderant, in fide & Religione Iesu Christi confirmatio, sustentatio atque educatio, dicuntur esse actus eorum, ut ministrorum Dei, per quos Corinthii crediderunt. At si datio incrementi est ipsa fidei ingeneratio, quæ peculiari actione à Deo fit, quæ non potest non sortiri effectum, tum fides sive fidei productio iis, ut ministris, jure tributa dici non potest. Nulla enim ministerialis actio concurrere potest cum peculiari actione divina, sic ut per eam fides aliquomodo efficiatur: Quia tota actio ministerialis, quæ per homines & verbum fit, moralis actio est. At peculiaris illa Dei actio, quæ fidem efficit in homine, est physica vel hyperphysica: Actio autem moralis ut instrumentum fieri dicatur actionis physicæ, absurdum est. Scopus etiam loci non patitur ut id factum credatur. Nam scopus Apostoli non est ostendere, quis ille peculiaris modus sit, quo fides efficitur in homine, quove in Corinthiis effecta fuerit, sed tantum quod tota illa spiritualis suada & efficacia, quæ in externa illa Apostolorum (de iis enim agit) prædicatione erat, & per quam multi primitus à Paulo ad fidem adducti fuerant, qui per Apollos deinde in ea alebantur & fovebantur, Deo auctori, à quo tum plantator Paulus, tum rigator Apollos, dona sua acceperant, præcipue adscribenda sit. Inde enim recte inferitur ab Apostolo, Corinthios non debere ista forma loquendi schismatica uti, *Ego sum Pauli*, qui primus Ecclesiam hic magno animo fundavit, meque etiam ad fidem Christi adduxit; *Ego sum Apollos*, sc. discipulus, qui ab eo adductus sum ad fidem, qui successor quidem Pauli

Pauli fuit, sed non pauciores, imo plures quam Paulus ad fidem adduxit. Quicquid enim aut Paulus, aut Apollos fecerunt, id fecerunt singuli beneficio donorum & gratiarum istarum, quas à Deo acceperant. Itaque sive ille pauciores, sive hic plures, sive vice versa, ille plures, hic pauciores ad fidem adduxerit; istud omne incrementum, quodcunque est, tribuendum est donis istis divinis, quæ singuli non à se, sed à Deo habuerunt, prout Deo visum fuit ea cuique admetiri, vers. 5. Et hoc sensu Paulus & Apollos etiam *nihil* vocantur; quia etiamsi pro viribus laboraverant in opere Domini, ut fideles ministri & cooperarii Dei, tamen totum hoc *nihil*, id est nullius prorsus momenti atque efficaciam, adeoque frustra, & sine ullo fructu fuisset, nisi donis istis singularibus à Deo præditi fuissent, unde omnis, quæ in labore eorum efficacia, omnis fructus, & omne incrementum derivatum fuerat.

Responsio quam Censor subjungit, ad id quod de poenarum comminatione dixerant Remonstrantes, planè est ἀπεορδίνυστος. Nam Remonstrantes non loquuntur de eo, an iusta non sit poena, quam Deus infert mediis contentoribus & neglectoribus, sed tantum de eo, an, si Deus aliquos nominatim ab æterno ad Vitam electos, ut vocant, ea gratia donare velit, quâ posita fieri non potest quin credant, resipiscant, & obediant, nihilominus iisdem legem ferre possit sancitam comminatione poenæ æternæ? hoc sapientiæ divinæ non convenire, atque adeo ab omni recta ratione alienum esse asserunt Remonstrantes. Quis enim comminetur poenam ei, quem peremptorio decreto à poena immunem esse vult, quem gratia ejusmodi donare vult, quâ posita, fieri non potest ut poenam incurrat, imo quem hoc ipsum credere vult, & pro certo atque indubio habere quod in poenam nunquam incursum sit? Res ipsa clamat ejusmodi comminationem ludicram & indignam esse sapientiam, non modo divinam, sed etiam humanam. Ad hoc respondendum fuerat. Hic enim non agitur de eo, an iusta poena sit, quæ infertur mediis contentoribus, sed, an sapiens sit comminatio poenæ, quæ fit iis, in quibus hoc ipsum efficitur à Deo, ut media ista non possint contemnere aut negligere. Sed posito etiam, quod Remonstrantes id affirmaverint iustam poenam non esse, quæ infertur contentoribus seu neglectoribus mediis istorum, quæ Censor media esse dicit, quibus Deus utitur ad fidem & resipiscentiam in hominibus efficiendam, nihil tamen dixissent aliud, quam quod verissimum est. Nam quis animo concipere potest iustam esse poenam illam, quæ infertur contem-

A a 3.

toribus

Detestio Censoris detegitur & ratio in declaratione ad iustitiam defenditur.

Electio peremptoria & æternæ poenæ comminatio sunt.

ἀσύνετος

EXAMEN CENSURÆ

toribus mediorum illorum, quæ nec media, nec instrumenta sunt, quæ ad impediendum contemptum à Deo adhibentur, aut quæ, si omnino eo fine adhibeantur à Deo, prorsus inefficacia sunt & invalida, nisi specialis illa, quam urget ubique Censor, gratia adsit, (uti ipse fatetur in fine parag. 3.) aut quæ, si etiam efficacia & valida esse dicantur, ii, circa quos adhibentur, non possunt non contemnere & negligere; non quia ipsi sese suapte propria culpa & merito inidoneos & incapaces reddiderunt, ad iis recte utendum, sed, quia nulla sua propria culpa inidonei & incapaces nati sunt: Qui poenam, imprimis æternam, quæ huiusmodi mediorum contemtoribus infertur, iustam esse asserunt, nã ii ipsi si illis subeunda esset talis poena, & vel ad semihorium sustinenda, secus indicaturi essent. Remonstr. non dubitant asserere, huiusmodi punitionem non modo iniustam esse, sed adeo barbaram & irrationalem, ut Busiridem & Phalaridem adeoque crudelissimum, qui unquam fuit, Tyrannum potius deceat, quam iustum iudicem, nedum iustissimum Deum. Pergamus.

Obediencia
Christi & no-
stra qua in re-
convenient &
discrepent.

De obedientia vero & premio, inquit Censor, *Quod Remonstrantes addunt, minoris etiam momenti est, quia sic Christi mors & tota ejus justitia, quam pro nobis complevit, non haberet rationem vera obedientia, quum ex hypothesis unionis hypostatica & unctionis Spir. supra omnes consortes suos voluntati Patris non potuit non obedire, & per eam suam obedientiam, premium, quod omnia reliqua premia superat, merito consecutus est.* Hæc sane exceptio prima fronte speciem videtur habere, sed revera, si propius consideres, non habet. Nam obedientia Christi alterius fuit generis, quam obedientia nostra est, de qua hic agimus; in hoc tamen conveniens cum nostra, quod prorsus fuerit libera. Christus obedivit voluntati Patris sui, non, uti nos Legi divinæ obedimus, sub comminatione mortis æternæ si non obediamus: Absit: sed ut Legatus Regi suo, aut ut Filius dilectus Patri suo obedire dicitur, quando Rex aut Pater ei provinciam honorariam defert, ut eam exequatur, addita promissione magnificæ alicujus remunerationis, si eam libere atque in gratiam ejus subire velit: Qui hac ratione obedit, id est, provinciam istam ultro in se suscipit, is sane proprie & libere obedit, non quod proprie peccaturus esset, si eam non susciperet, aut susceptam cum bona Patris gratia iterum deponeret, nedum quod poenam æternam mereatur si eam non subeat, aut ab ejus onere suscipiendo aut ferendo se excuset, uti nos cum non obedimus Deo & Legi ipsius poenam mereri certissimum est; Nulla enim talis poenæ comminatio Christo facta fuit: Sed, quod eam

eam potuit non suscipere, aut, cum suscepit oneri ejus se subducere atque ita promisso præmio non gaudere aut excidere. Quod si verò velimus Christum Jesum non hac tantum ratione obedivisse, sed eodem insuper modo, quo nos, Legi divinæ obstrictum fuisse, tum necesse est ut statuamus fieri potuisse ut Legi divinæ non obediret, & sic non obediendo peccaret, quod quidem nos non audemus affirmare. Quamquam, si id omnino affirmaremus, nec primi, nec soli essemus. Certum enim est complures olim fuisse, hodieque esse inter Scholasticos ipsos, qui id publicè & sine periculo adseruerunt adseruntque. Ita Scotus lib. 3. Sentent. distinct. 12. quæst. 1. Durandus ibidem quæst. 2. Gabriel Biel ibid. quæst. 1. artic. 2. & alibi, ut annotat Gregorius de Valentia, alique. Ita Molina, uti videre est. 1. parte quæst. 14. Art. 14. distinct. 18. n. 4. dist. deinde, dicit autem, quod sicut fuit miraculose factum, ut voluntas Christi, non obstante gaudio beatifico, potuerit summè tristiari (quod naturaliter omnino est impossibile) ita divina virtute fuisse factum ut voluntas ejus, per visionem Dei & amorem beatificum, non fuerit absolutè determinata & necessitata ad obediendum Patri, ut hac ratione posset ei omnino liberè obedire, atque ita ratione visionis beatifica non aliter fuisse impeccabilem, quam rationi unionis hypostatica. Alii, ut Egidius Belanus in lib. de Actibus supernaturalibus, negant id fieri posse, sed non evincunt, ut ipsi fatentur, id omnino implicare contradictionem. Contrariam sententiam tenent plures, adeoque Scholastici ferè omnes, sed qui aliter censent, eos ut hæreticos nuspiam damnant: Quin imò usque adeò subtiliter quæstionem ventilant, ut qua in re fundamentum impeccabilitatis ponendum sit, adhuc apud eos in incerto sit. Quod attinet fundamentum sive hypothesein unionis personalis, quam Censor hic ponit, in eo consentiunt penè, quod ex ea ratio impeccabilitatis physica petenda non sit. Unio hypostatica non habet ex se, inquit, physicam ullam repugnantiam cum peccatis. Nec mirum. Unio enim personalis per se nihil aliud efficit circa naturam Christi humanam, quam quod ei subsistentiam personæ divinæ det, ita ut natura humana, quæ alioquin persona completa fuisset, non subsistat nisi in persona τὸ ἄνθρωπος. Tantum itaque abest ut ejus vi factum dici possit, quod Christus non potuerit peccare, ut ne quidem ejus vi factum fuerit, quod actu non peccarit, non magis sanè quam ejus vi factum fuit, ut, non dicimus nihil posset ignorare, sed ut multa non ignoraret, utque non proficeret sapientia & gratia. Nec sufficiens fundamentum in unctioe Spiritus supra omnes consortes ponitur: Unctio enim, qua talis, impecca-

Ex unione personalis ratio impeccabilitatis physica petenda non est, ex Scholasticorum sententia.

Nec ex unctioe Spiritus supra omnes consortes,

EXAMEN CENSURÆ

Nisi obedi-
tia Christi li-
bera statuatur
quæ absurda
sequantur,

Socini senten-
tia rejicitur.

impeccabilitatem non ponit, ut supra consortes ungi non necessariò est
istò modo ungi, ut cum consortes peccare possint, is, qui supra eos
ungitur, peccare non possit, quasi vox, *supra*, istum modum arguat :
Unde autem fundamentum hoc petendum sit, iis disquirendum relin-
quimus, quibus libet. Nos obedientiæ Iesu Christi specialem ratio-
nem fuisse credimus & eam quidem, quam indicavimus, quam cum
nostra hætenus convenire quod verè ac propriissimè libera fuerit, nobis
ad hanc rem abunde sufficit. Et, hoc nisi statuatur, quod vid. obedi-
tia Christi fuerit libera, perit tota obedientiæ Christi gloria, nulla vis,
nulla emphasis est orationum istarum Spiritus S. *Is sit affectus in vobis
qui in Iesu Christo fuit; Qui, &c. seipsum humiliavit, factus obediens usque
ad mortem, mortem autem crucis. Propterea etiam Deus eum exaltavit, &c.*
Ad Phil. 2. 5. 6. 7. Heb. 2. 9. & 12. 2. Respicite in fidei vestra ducem ac
perfectorem Iesum, &c. 1. Pet. 2. 21. Heb. 1. 9. & similia. Denique,
nostra obedientia multò perfectior digniorque foret obedientia Iesu
Christi. Quæ sanè absurda sunt ingentia, ob quæ merito Christianus
aversari debet ac respuere sententiam, ex qua illa sequuntur. Unde quid
de Socini sententia statuendum sit facile colligere est, qui licet Christum
æternum Deum esse neget, eo usque tamen progreditur, ut non dubitet
affirmare Christum à Deo Patre suo coactum fuisse ut obediret. Quæ de
miraculosè conversis, deque Angelis subjiciuntur, leviora sunt quam
ut refutari mereantur. Alterutrum enim statuendum putant Remon-
strantes, Aut eos, qui miraculosè convertuntur, non posse non converti,
id est, credere & respicere, & Angelos, qui in cælo jam sunt, non posse
non divinæ voluntati morem gerere; Aut utroque posse aliter agere.
Si prius dicatur, tum dicunt Remonstr. istam miraculosè converforum
fidem & respiscentiam non esse virtutem obedientiæ, quæ laude aut
præmio aliquo digna sit: istam Angelorum obedientiam, ut ita dicam,
non esse propriè dictam obedientiam, sive obedientiam formaliter, ut
loquuntur, sed materialiter tantum. Si posterius dicatur, tum verò di-
cunt concidere vim totam argumenti quod ex istorum exemplis à Cen-
sore adducitur. Eligat Censor utrum malit.

Argumentum, quod ex præmii & mercedis promisso deductum
fuerat à Remonstrantibus, non refutat Censor, sed rejicit Academi-
co fastu. *Apage, inquit, objectiones ejusmodi hominum, qui mercede
gratuita contenti non sunt, sed meritam volunt, & ex justitia distribu-
tiva debitam.* At Remonstrantes dictatorium istum fastum ridet,
& ar-

& argumenta non ἀπογοιζομένης postulant. Mercedem promissam gratuitam esse agnoscunt, eaque sola contenti sunt, ut qui maximè. Meritam non modo non volunt, sed ut nimis superbam, atque ut simpliciter impossibilem inter Deum & homines respuunt: Eam, quæ promittitur, gratiosè debitam esse, & ex justitia distributiva sed gratiosa dari credunt. Si quis istam phrasin nolit, rem teneat, & pax est. At qui actum Lege præscriptum nobis, in nobis sine nobis effici volunt, eumque eodem modo nobis donari, quo robur, sanitas, pulchritudo donantur, eos mercedis promissionem totamque ad eam promissæ mercedis distributionem, quam ex justitia fieri dicit Scriptura, stultam & ridiculam actionem facere censent, neque ullo alio fine id facere posse, si cum ratione agere velint, quam ut sub specie humilitatis, qua divinæ bonitatis laudem extollere videri volunt, suæ ignaviæ, desidiæ, securitati & torpori lenocinentur, ut, dum omnia à Deo in se effici credunt, nihil à se magnâ curâ fieri necesse esse sibi persuadeant, & quod pessimum omnium est, cum in peccata gravissima incidunt, tantò fortius sibi mercedem æternam promittere audeant, ne ea merita videatur, sed ut gratuito collata esse credatur.

Mercedē promissam ex gratia dari & simul ex justitia distributiva non pugnant.

Si fides irresistibiliter efficitur in nobis, mercedis promissio, quam ex justitia fieri dicit Scriptura, vanissima est.

Multa alia in Confessione à Remonstrantibus contra irresistibilem gratiam allata sunt, quæ Censor ne extremo quidem digito attigit. Quæ causa eum moverit, Lector judicet. Nos eum præeuntem sequemur, rationi argumenta illa, quæ non nisi studio præterita videri possunt, talia esse, quæ solvi non potuerunt, aut difficultata maxima laborare Censori visa sunt.

EXAMEN CENSURÆ CAP. XVIII.

De promissis divinis, quæ jam conversis ac fidelibus in hac vita præstantur, hoc est, de electione ad gloriam, adoptione, justificatione, sanctificatione & ob-
signatione.

IN hoc capite beneficium electionis ad gloriam, quatenus ad hanc præsentem vitam pertinet, inter promissa illa collocatur, quæ fidem & conversionem hominis consequuntur: Hoc primò loco carpit

B b b

co carpit

EXAMEN CENSURÆ

Electiois vox
quid significet,
& quor modis
accipiat,

co carpit Censor. *Agnoscamus*, inquit, *quatuor ultima beneficia fidem & conversionem hominis re ipsa consequi, sed quod electionem ad gloriam fide posteriorem faciunt, absurdum est & à Scriptura alienum.* Priusquam singula propius expendamus, operæ pretium est non nulla hic præmittere, quæ sequenti examini lucem dabunt. Electio ad gloriam, phrasis est Theologis Scholasticis non Scriptoribus sacris usitata. Vox electionis sive ἐκλογῆς, si etymologiam spectes, exemptionem, segregationem sive separationem rei à re, aut personæ à persona proprie significat, sive in re & persona quæ eligitur aliquid sit, quod in alia non est, quæ non eligitur, sive in ea nihil sit propter quod eligitur, hoc enim extrinsecum est voci electionis. Si usum Scripturæ spectes, ἐκλέγειν sive ἐκλέγεσθαι significat actualem sequestrationem quorundam, sive hominum sive populorum ex communi turba cæterorum ad certum aliquem finem, id est, ad participandum peculiare aliquod privilegium quo cæteri carent. Privilegium a. hoc vel est privilegium muneris alicujus dignioris & excellentioris, puta regni, quo sensu Saul electus fuit ad regnum, & postea David; Apostolatus, quo sensu Christus dicit, *se elegisse duodecim Apostolos*, Luc. 6. 13. & Apostoli illi dicuntur *ex mundo non esse, sed à Christo electi ex mundo*, Joh. 15. 49. Vel est privilegium temporalis aut externæ alicujus gratiæ & typicæ benedictionis, quo sensu propositum, quo Deus Jacobum elegerat præ Esauo ad participandum hæreditatem terræ Canaan, vocatur, *propositum secundum electionem*, Rom. 9. 11. ; cui proposito cohæret propositum Dei, quo Deus Israelitas Jacobi posteros selegit & exemit ex reliquo mundo in peculiarem populum suum, quo sensu populus iste *populus Dei electus & dilectus* passim in V. T. vocatur, usque adeo ut *secundum electionem dilectus populus dicatur*, propter Patres, etiam isto tempore quo incredulus adhuc erat & rebellis Deo, Rom. 11. 28. Vel est privilegium gratiæ spiritualis, sive gratiæ, quæ Evangelica dicitur, quo donari dicuntur ii, qui in tempore à Deo per Christum aut Apostolos & Discipulos ejus è reliquo mundo segregantur quasi & evocantur, ad audiendum & recipiendum Evangelium, & ad participandum gratiam divinam quæ Evangelio continetur, sive ii electioni isti divinæ morigeros se præbeant, quo sensu Deus dicitur *eligisse stulta, infirma, ignobilia mundo*, 1. Cor. 1. 26. 27; sive morigeros se præbere nolint, quo sensu *diligi nunc* adhuc dicuntur *Judei, secundum electionem*, quatenus separatio ista in populum Dei semel facta ex parte Dei semper rata manet, quia ejus Deum nunquam poenitebit : nam dona illa & il-

la vo-

la vocatio Dei sunt ἀμεταμέλητα, Rom. 11. 29. Cæterum, quia is, qui eligit aliquos, sive homines, sive populos, ad participandum aliquod horum privilegiorum, eos ad certum aliquem finem eligit, quem sine eorum libera voluntate consequi non vult: hinc est, quod ii, in quibus finem istum adsequitur, propriissime vocari soleant electi sive ἐκλεκτοί, eodem plane sensu, quo ii, qui Deo vocanti obediunt, ist est, in quibus Deus finem vocationis suæ adsequitur, vocari solent κλητοί, & vocatio eorum κλήσις, cum effectu sc. Sic undecim discipuli sive Apostoli à Christo electi dicuntur Ioh. 13. 18. Iudas vero ex istorum electorum numero seceratur, quamquam diserte eum etiam à se electum esse affirmaverat Christus, Ioha. 6. 70. Sic Iudæi, qui legi divinæ obtemperabant, electus Dei populus passim vocatur imo *peculium Dei*, quamquam certum erat populum totum Israeliticum à Deo etiam electum fuisse, & electum populum Dei non rara vocari, comprehensis etiam iis, qui divinæ legi morem gerere detrectabant. Et hoc eodem sensu ii, qui Evangelicæ prædicationi, ad quam audiendam & fide recipiendam à Deo ex cætera hominum turba gratiose selecti sunt, assentiuntur, id est, in quibus Deus adsequitur finem suum, ut Evangelio obediant & promissæ vitæ æternæ spem concipiant, electi à Deo vocantur. 1. Thes. 1. 4. *ut qui sciamus, Fratres dilecti, electionem vestram à Deo esse: vel electi Dei*, Rom. 8. 33. Matth. 24. 31. Col. 3. 12. Tit, 1. 1. *vel electi simpliciter*, Matth. 22. 14. *Multi enim sunt vocati, pauci vero electi*; item Matth. 24. 22. 24. 2. Tim. 2. 10. denique Apoc 17. 14. ubi synonymis vocibus appellantur κλητοί, ἐκλεκτοί καὶ πύοι: qui vid. *electionem & vocationem suam firmam faciunt*, ut Petrus loquitur, 2. Epist. 1. 10. sensu eodem quo in V. Fœdere, ii, qui Deo obtemperabant, *verba Legis statuere*, firmare & rata facere dicuntur, Deut. 27. 26. Iere 35. 16. oppositè ad inobedientes, qui verba Legis sive *legem Moysi irritam facere vel adterere* dicebantur, uti exponit scriptor ad Heb. cap. 10. 28. cui consonat id quod dicitur Ioa. 3. 33. Et huiusmodi quidem homines vocamus electos ad gloriam, qui vid. propriissime ac re ipsa ad promissam in Evangelio vitam sive gloriam æternam participandam pro isto tempore quo credunt, & vitam Evangelio dignam vivunt, electi sunt, sive quorum electio rata ac stabilis per fidem facta est, contradistincte ab iis, qui Evangelio parere nolunt, & *electionem suam firmam ac ratam non faciunt*, quos electos ad gratiam vocamus, non autem ad gloriam, quia electio ad gloriam fidem præsupponit & obedientiam. *Hoc absurdum est,*

EXAMEN CENSURÆ

Electio num-
quam in Scrip-
tura dicitur
facta ab æter-
no, nisi semel
ubi pro decre-
to eligendi
ponitur,

Electio qualem
Censor statuit
non potest di-
ci facta in
Christo,

inquit Censor, & à tota Scriptura alienum, quum electio ab æterno sit facta, fides vero in tempore conferatur. Justificatio autem, adoptio & sanctificatio & glorificatio in tempore quoque conferantur. At ex iis, quæ jam à nobis præmissa sunt, patet fallum esse quod electio facta sit ab æterno: Unus tantum in Scriptura locus est, qui id affirmare videtur, unde communis error iste natus est, locus vid. ad Eph. 1. 4. ubi Deus elegisse Ephesios dicitur ante jacta mundi fundamenta; sed eligendi verbum isthic pro decreto eligendi accipi posse quis dubitat? Nec mirum nec novum id videri debet; cum Spiritui S. in Scripturis familiare sit, affirmare datum nobis esse ante tempora secularia, quod, ut nobis daretur ante tempora secularia, decretum est. Ita gratia nobis data dicitur ante tempora secularia, 2. Tim. 1. 9. Ita Christus habuisse dicitur gloriam illam, qua à Patre glorificare petebat, antequam hic mundus esset, Ioh. 17. v. 5. Ita nos dicimur jam cum Christo vivificati, suscitati, constituti in cælestibus, Ephe. 2. 5. 6. adeoque jam transivisse de morte in vitam, 1. Ioh. 3. 14. & glorificati jam, Rom. 8. 10. Electio itaque pro decreto electionis quin similiter hic possit accipi dubitandum non est: Quin & pro eo accipi debere ratio manifesta probat. Quia (ut jam de ipsa voce electionis nihil dicam, quæ sane juxta etymon suum actionem externam transeuntem notat, quæ non nisi in tempore fit) Electio hæc in Christo facta dicitur. Sive enim præpositio *in* pro *diu* ut volunt ii, qui cum Censore sentiunt, sive proprie accipiat, de electione illa quam Censor ab æterno factam vult, nullo modo verum esse potest, quod in Christo vel per Christum mediatorem (de eo enim hic loqui Paulum quis dubitet?) facta sit. Electio enim illa Censoris est actio immanens in mente divina, & quæ omnino extra Christum, aut sine ulla ad Christum relatione in mente divina facta est. Est enim ratio & causa, quæ Deum movit ad decretum de Christo faciendum, ut is exequatur antegressum electionis decretum: Unde Christus Mediator, inter media electioni subordinata collocari semper solet à Theologis, quibuscum Censor sentit. Itaque nec in Christo nec per Christum electio ista facta dici potest. Dicere electionis vocem complexè accipiendam esse, prout significat decretum finis & midiorum simul, Scholare *iniqua* est & novitium commentum, Apostolis ignotum, quod se ipsum destruit, & jam ante à nobis etiam plene confutatum est. Tale quid hic Censor indicare videtur, cum ait, *concedimus quidem neminem eligi ad gloriam, nisi qua per fidem & conversionem obtinetur*. At vero ut jam nihil dicamus de hac inepta loquendi ratione, si propterea ele-
ctio

Actio hæc in Christo vel per Christum recte facta dici posset, eodem iure reprobationem in Christo vel per Christum ante tempora secularia factam dici posset, quia nemo reprobatur ad ignem æternum nisi quæ per infidelitatem, vel per peccata eo pervenitur. At nihil à mente Apostoli alienius dici potest, quam quod eos omnes, qui electi non sunt, à Deo in Christo sive per Christum reprobatos dicere voluerit: cum ad summum id de aliis dici non possit quam de iis, qui cum à Christo ad gratiam electi essent, gratiæ tempus non observaverunt, neque sese digne gratiæ divinæ gesserunt: de iis vero, qui ad gratiam à Christo vel per Christum electi nunquam fuerunt, dici nullo modo possit, quod in Christo aut per Christum reprobati sint ab æterno. Concludimus ergo falsum esse (quamquam hætenus id plerique tenuerunt) Electionem in Scripturis uspiam ab æterno factam dici, aut eam (nisi cum pro decreto sumitur) in Scripturis proponi ut rationem Dei internam sive immanentem, quæ in Deo ab æterno fuerit: & contra verissimum esse, quod electio in scripturis proponatur ut actio Dei externa sive transiens, & quæ in tempore capta est, contra quam hætenus fere creditum est. Quod autem Censor ait, *Scripturam docere nos eligi ad adoptionem, justificationem*, &c. id agnoscunt Remonstrantes, sed electionem illam nostri significare ejusmodi peremptoriam destinationem ad gloriam, quæ nominatim & ab æterno in mente divinæ facta sit, qualem Censor statuit, id vero falsum est. Sed nec consequenter loquitur Censor, cum nos eligi ab æterno ad fidem, adoptionem, &c. dicit: Nam electio ad finem, id est, ad gloriam æternam, de qua hic agitur, præcise non est electio ad fidem: Inter hanc enim & illam intervenire debet electio mediatoris, inde decretum de fidelibus justificandis, post hoc decretum demum sequitur electorum istorum ad gloriam, electio ad fidem. Sed quicquid sit hac de re, certum est, Scripturam, cum electionis ad adoptionem, fidem, &c. mentionem facit, istiusmodi electionem non intelligere, qualem Censor cum suis statuit. Addit; *Nunquam vero docet nos eligi cum jam credimus, multo minus, cum jam in fide perseveravimus.* Contrarium verum est. Nunquam Scriptura nos vocat electos ad gloriam, nisi cum & quatenus credimus, uti ex allegatis locis supra manifestum est, imo diserte eos, qui digne se gerunt divinæ vocatione, idcirco, quod ita se gerant, vocat *electos*, contradistincte ab iis, qui vocati erant, & vocationi divinæ assensu quidem fuerant, sed tamen ea satis digne se non gerebant, uti Matth. 22. 14. videre est, ubi Servator ait, *Multi enim*

Electio ad gloriam semper præsupponit fidem.

EXAMEN CENSURÆ

sunt vocati, pauci vero electi. Per electos enim isthic designari eos, qui veste nuptiali induti ad prandium accefferant, & quidem qua tales ex parabola manifestum est. Ut enim per electos intelligantur isto in loco, ii, qui veste nuptiali induti erant, eo quod ab æterno electi, & propter electionem in tempore nuptiali veste ab ipso Deo induti erant, adeo absurdum est, ut refutari vix mereatur. Sic enim vocatio cæterorum simulata potius quam seria fuisse dicatur necesse est, & culpa, quod vocati isti nuptiali veste induti non venerint, non adscribenda erit vocatis istis, quod tamen parabola manifeste propositum habet docere, sed Deo potius, qui eo quod eos rejecerat, eos prandio suo dignari, & ut prandio isto fruerentur, sufficiente gratia, id est, vestem nuptialem habendi potentia donare non voluerat, quamquam id facere videri voluerat, quo nihil indignius divina, tum sapientia, tum bonitate, tum iustitia sive rectitudine concipi potest. Hinc Theophylactus ad locum hunc, *Multos vocat Deus, vel potius omnes, Pauci vero electi; Pauci quippe salvantur dignique à Deo eligi: ita ut Dei quidem sit vocare, nostrum vero electos fieri vel non fieri.* τὸ δὲ ἐκλεκτὸς γενέσθαι ἢ μὴ, ἡμετέρον ἐστίν. Et Hilarius in hunc ipsum locum: Multi vocati, pauci electi: *Non est paucitas in invitatis, sed raritas in electis, quia in invitante sine exceptione publica bonitatis humanitas est, in invitatis vero de iudicii merito probitatis electio est.* Hoc Hilarii testimonium idcirco à nobis citatur, quod Censor Walæus hunc orthodoxæ veritatis vindicem, per quem Pelagii hæresis olim detecta sit, vocet pag. 2. Responsionis suæ ad Censuram Johannis Corvini. Ex hoc consequitur eos, qui sic electi dicuntur, quatenus pro isto tempore se digne gerunt divina vocatione, non aliter peremptorie ad gloriam electos vocandos esse, quam quatenus in isto statu ad finem usque perseverant, & perseverando electionem suam, ut Petrus loquitur, *firmitatem faciunt* ad mortem usque. Si enim id non faciant, tum vero fide, iusticia, electione & salute sua exident; *Christi enim participes facti sumus,* inquit Scriptor ad Heb. cap. 3. 14. *si modo principium ὑποστάσεως, subsistentiæ* (id est fidei quæ ὑπόστασις est ἐλπιζομένων Heb. 11. 1.) *ad finem usque, firmitatem retinuerimus.* At, inquit Censor, quid electio aliud est quam preparatio gratiæ & mediorum in mente Dei, per quæ certissime liberantur, quicumque liberantur? Imo, inquam ego, hanc electionis definitionem esse unde constat? definitio Augustini est, non Scripturæ: definitiones arbitrariæ sunt, & plerumq; ad præconcepas hypothesas fiunt: Electio nihil minus quam hoc est: Prædestinatio ne quidem sic definiri potest, nisi ex hypothesi

Rejicitur definitio electionis, quam Augustinus, verbis facit Censor,

thesi Augustini. Sed quid ad nos Augustini definitiones, quem certum est peculiare placitum habuisse in hac materiâ, quod in nulla Synodo unquam approbatum, imo in variis apertè rejectum & condemnatum est, uti supra vidimus? *At Scriptura*, inquit Censor, *fidem & perseverantiam in eâ passim ex electione ac prædestinatione deducit*. Si de prædestinatione & electione ad gratiam id accipiatur, fatemur, at si de prædestinatione vel electione præcisâ sive certa, ut Censor loquitur, ad gloriam intelligatur, falsissimum est. Loca quæ Censor adducit ne per speciem quidem probant id quod vult. Locus 1. est Matth. 24. 24. *si fieri posset, electi seducerentur*. At quis inde colligat, uti Censor hic facit; Ergo ex electione ad gloriam, quatenus Dei actio est, quæ ab æterno facta est, fit quod non seducantur? Pudet tam ineptæ consequentiæ. Sed & rationes manifestæ sunt, quæ vocem electorû sic accipi isto in loco vetant. Nam I. electio ista nihil ponit, nec in eo de quo affirmatur quod seduci non possit, cur seduci aut possit aut non possit, nedum cur nulla ratione, aut cur difficilius seduci possit quam alii, imo fieri potest ut electi aliqui sint, qui antequam fide donantur, non seducantur tantum sed & facilimè cum aliis seducantur, & nihilominus electi maneant ex Censoris sententia. Nec in Deo ipso aliquid ponit, quo fiat ut electi isti seduci non possint, aut actu non seducantur: Electio enim in Deo, juxta Censorem, nihil ponit nisi internum decretum de his aut illis nominatim salvandis, & per fidem ad salutem adducendis, quod in Deo manet, proinde circa eum, cujus seductio impeditur, nihil omnino agit aut operatur, quia potentia, sive gratia spiritali alia opus est ad hoc, ut seductio ipsa possit impedi. Deinde II. electio ista non potest hoc loco adducta dici, ut causa impediens seductionem, aut seductionis possibilitatem, ne quidem respectu eorum, qui jam fide à Deo donati sunt, cum Censor ipse, aut qui cum eo sentiunt, fateantur fieri posse, ac non rarè fieri, ut electi, etiam postquam crediderunt, ita seducantur, ut non in hæreses tantum sive errores fundamentales incidant, sed etiam in peccata gravissima & atrocissima, quæ hæresibus multo sunt deteriora. Dicere, hoc loco de seductione finali, sive quæ cum exitio seductorum æterno conjuncta est, agi, frivolum est: Sic enim tacitè conceditur fieri posse ut electi seducantur, contra aperta textus verba, quæ Censor urget. II. Sic tacitè conceditur hæreses sive errores fundamentales electis exitiales non esse, aut seductiones exitiales vocari non posse, quibus isti electi seducuntur. III. Sic evertitur tota vis hortationis Jesu Christi,

Ostenditur locum
cum Matth. 24.
24. pro defini-
tione Censoris
non facere.

quæ

EXAMEN CENSURÆ

quæ non tantum eo spectat ne discipuli paterentur se seduci exitialiter, sed imprimis eo, ut nullo modo se seduci paterentur, ed quod quælibet seductio exitialis iis esse poterat: alioquin enim dicendum foret sensum hortationis Iesu Christi hunc esse; videte ne seducamini exitialiter; exorientur enim multi qui seducerent etiam electos exitialiter, si modo id fieri posset. Et hæc tertia ratio etiam tertio loco pro ratione solida servit ad probandum per vocem *electorum* hic non designari electos, quos Censor vocat: quia, quæ foret hæc oratio Christi; videte ne seducamini, d vos electi mei; quia seductio tam ingens orietur, ut vos seductura esset nisi à me electi essetis, & propter beneficium electionis vos seduci impossibile esset. Quare per electos necessarid intelligendi sunt, vel in genere fideles & sancti, quia vel coram Deo electi & pretiosi sunt, uti vox hæc accipitur Luc. 18. 7. *Nonne vindicabit Deus electos suos* (id est, carissimos & dilectissimos suos) *clamantes ad ipsum die ac nocte?* 2. Tim. 2. 10. *Ideo omnia sustineo propter electos, ut & illi salutem consequantur.* Rom. 8. 33. *Quis est qui accusat electos Dei?* Vel in specie, qui inter fideles & sanctos eximii & egregii sunt, quo sensu electi sive Bachurim in Scripturis vocari solent, qui aliqua in re excellunt, vid. in forma, magnitudine, fortitudine, &c. 1. Sam. 26. 2. 2. Reg. 3. 19. Ge. 23. 6. Jer. 48. 15. &c. Iuxta hunc utrumque sensum verborum horum emphasis manifestata est, de qua suo loco plenius agetur.

Nec locum
Act. 13. 48.

Secundus locus est desumptus ex Act. 13. 48. *Crediderunt quotquot erant τεταγμένοι (ordinati) ad vitam æternam.* At I. vox electionis sive verbum eligendi hic non est, de cuius tamen proprio significato quæritur. II. An τεταγμένοι eis ζωὴν αἰώνιον eadem res sit cum electus ad vitam æternam, saltem controversum est; Nec phrasid id postulat: non enim dicitur, quotquot erant preordinati sive προτεταγμένοι: nec quotquot erant à Deo preordinati, nec ratio ulla est, quæ id flagitat. III. Et rationes complures sunt, quæ probant phrasin hanc longè aliud quid significare, quodq; cum electione ad vitam æternam, quæ à Deo fiat, multò minus cum illa, quæ eo modo, quo Censor vult, ab æterno facta sit, commune nihil habet. Inter alias quæ variè in actis & Scriptis Synodalibus Remonstrantium allegatæ sunt in huius loci examine, has habe. Si per τῶν τεταγμένων eis ζωὴν αἰώνιον hic intelligerentur ejusmodi electi ad vitam æternam, tum sequerentur hæc, I. cæteros, qui non credebant, æternum reprobato à Deo fuisse, sive ἄσπι interprete per quotquot, sive per qui. II. non Paulum tantum, sed etiam Lucam Evangelistam ipsum id scivisse.

III. Eos

III. Eos id omnibus constare voluisse, atque idcirco id scriptum reli-
quisse, quod sanè tam variis absurditatibus refertum est, ut omnino fal-
sum videri debeat ei, qui vel leviter tantum istas considerat. Quis enim
credat id Paulo & Lucæ à Deo revelatum fuisse, aut si credat id iis reve-
latum fuisse. (aliter enim credere non potest, impossibile enim est ut ali-
ter illi id resciverint) quis credat Lucam id non tantum dicturum, sed
scripturum etiam fuisse? Quis enim finis istius scriptionis esse poterat,
sive electos illos, sive reprobos respicias. IV. Sequeretur I. Deum istos,
quos ab æternâ vita reprobarerat decreto peremptorio, ad vitam æternam
vocasse, & Paulo Apostolo, cui revelaverat istos reprobos esse, mandas-
se ut reprobos istos juberet credere Euangelio, id est, sermonem istum
de vitâ æternâ ad se etiam pertinere certò sibi persuaderent, hoc enim
est credere Euangelio. II. Cum reprobi isti non crederent Euangelio,
Deum & Paulum Dei Apostolum reprobis istis exprobrasse quod Euan-
gelio non crederent, & quod vitâ æternâ se ipsos indignos judicarent.
III. Deum statuisse, ut, cum reprobi isti non crederent, aut, quia repro-
bi isti non credebant, Apostolus ad gentes irer, diceretque quia vos, ô
reprobi Judæi, credere non vultis, idcirco mandavit nobis Deus ut ad
gentes eamus. Quibus omnibus quid indignius divinâ sapientiâ, & boni-
tate, imò, quid stultius concipi potest? Ex his efficitur phrasin istam
τεταγμένοι ἐς ζωὴν αἰώνιον de electione istâ, quam Cenfor statuit intelligi
non posse, quod impræsentiarum satis est ad evincendum locum hunc
perperam à Cenfore hic allegatum esse. Quo verò sensu phrasin hæc usur-
pata fuerit à Luca Evangelistâ, ut hic à nobis jam explicetur non est ne-
cesse. Quovis potius modo usurpata videri debet quam isto. In genere
istud constat, voces quasdam, quæ passivæ videntur, per se & in sanctâ
linguâ, cujus idiotismum plerumque sequuntur Apostoli & Evangelis-
tæ, non esse passivas, sed activas & significare actionem immanentem
vel reciprocam, ut doctissimè probat Sanctes Pagninus in opere suo
grammatico ex Hebræorum Doctorum Scriptis. Nam conjugationes
Niphal & hitpaël apud hebræos immanentem actionem significare, ne-
que passivas esse, atque ita phrasin hanc *τεταγμένοι ἐς ζωὴν αἰώνιον* accipi
rectè posse, qui se ipsos, auxilio gratiæ istius, quam à Deo acceperant,
ordinaverant sive disposuerant ad æternam vitam quavis conditione,
quam à Deo proponi intelligerent, capeffendam, vel qui apti & idonei
erant ad vitam æternam capeffendam, & sic seipsos quasi imprudentes
ad eam ordinaverant, ut anthithesis elegans appareat inter hos & illos,

Ccc

qui

Sanctes Pagnin-
us.Quid sit,
*τεταγμένοι ἐς
ζωὴν αἰώνιον*

EXAMEN CENSORÆ

qui se ipsos indignos iudicasse dicuntur hoc in loco vita æterna; non quod prudentes & ex proposito ita iudicarent, sed quod ita se gererent, ac si se ipsos indignos iudicarent. *At*, inquit Censor, *hoc contra usum Scripturæ est, & omnium interpretum fidem.* Audax assertio. Scriptura enim phrasi ista nusquam alibi utitur, & non pauci Interpretes Scholastici phrasin istam eo, quo diximus, sensu accipi posse fatentur, ut Martinus Becanus in explicatione loci hujus affirmat; *Duplex*, inquit, *est salutio, una secundum textum græcum, qui non habet προελεγμένοι, id est, præordinati, nec ἀρθεύμενοι, id est, prædestinati, sed τελεγγεμένοι, id est, ordinati, dispositi, bene comparati, ut sensus sit, Gentiles audito Evangelio statim crediderunt, præsertim illi, qui ex desiderio salutis erant bene dispositi ad credendum: Iudei autem propter perveraciam non crediderunt, quia non erant bene dispositi.* Hunc sensum, inquit, approbant Thomas, Stapletonus, Alphonsus, Salmeron, & Iohannes Lorinus in commentario illius loci &c. Sed & absurdum, inquit Censor, ac plane Pelagianum est, statuere aliquem esse aptum & dispositum ad vitam æternam priusquam in Christum credat, quum omnis, qui non credit, sub peccato & maledictione sit. Hoc jam ante sæpius refutatum est: Pelagianum non est, nedum planè Pelagianum, statuere dispositionem prærequiri in eo, qui Evangelio crediturus est. Id penè omnes Antiqui Patres unanimiter statuerunt. Sed Pelagianum est statuere, dispositionem illam viribus naturæ fieri posse ab homine, sine ullâ præveniente gratia. Scripturæ verò tantum abest ut repugnet, statuere dispositionem prærequiri in eo, qui crediturus est, ut id non uno in loco apertissimè in ea expressum legatur. Vide Ioh. 3. 21. ubi dicitur, *qui dat operam veritati, is venit ad lucem, ut manifesta fiant facta ejus, quod in Deo facta sunt: & vers. 20. Quisquis quæ mala sunt, agit, is odit lucem nec venit ad lucem, ne arguantur opera ipsius: Joan. 7. 17. Si quis voluerit facere voluntatem Patris mei, is cognoscet (id est intelliget) de doctrinâ meâ, utrum ex Deo sit: Joh. 8. 47. Qui ex Deo est, is audit verba Dei. Idcirco vos non auditis, quia non estis ex Deo: Joh. 10. 26. Sed vos non creditis, quia non estis ex ovibus meis; Ioh. 8. 44. Quomodo vos potestis credere, cum gloriam alii ab aliis capietis? &c. Nec contra facit quod Scriptura affirmat omnes eos, qui non credunt, sub peccato & maledictione esse. Dispositio enim illa, & quæ dispositioni isti congruit vita, non sufficiunt ad hoc, ut quis à peccati dominio liber sit, & dignè Deo vivere dici possit, atque ita ad vitæ æternæ hæreditatem obtinendam sit idoneus. Fide in Christum præterea opus est, ut à dominio peccati plenè liberetur, atque*

ita ma-

Demonstratur
Pelagianum
non esse, sta-
tuere disposi-
tionem præ-
requiri in eo,
qui Evangelio
crediturus est.

ita maledictionum effugiat, & vitæ æternæ hæres fiat. Non quæ libet dispositio, sed ea demum, quæ Deo digna est, sufficit ad vitæ æternæ præmii consequendum. At hæc sine fide in Christum, juxta Evangelii sententiam, haberi non potest: Aliud itaque est dispositum esse ad fidem istam, & per consequens ad vitam æternam, quæ per illā obtinetur, aliud à peccati dominio & maledictione liberum esse. Apparet id manifeste, Act. 10. 34. 35. ubi diserte Petrus ait; *Vere deprehendo Deum non respicere ad personam, sed in quavis gente acceptum esse ei quemvis, qui eum timeat, & operetur justitiam*: ubi quin de iis loquatur, qui nondum credunt in Jesum Christum, occasio dicti istius arguit. Nempe Cornelii Centurionis exemplum, cujus nondum Evangelio credentis pietatem Deo gratam fuisse indicare voluit: Et tamen hunc eundem salutis æternæ hæredem, & sic à maledictione liberum non fuisse manifeste satis indicatur, cap. 11. 14. cum dicitur *Angelus astitisse Cornelio, eique dixisse ut Petrum ad se accersi juberet, ex quo intelligeret ea, per quæ servandus erat ipse, & tota ejus domus*. Dispositus itaque ad vitam æternam, imo & Deo acceptus erat Cornelius, antequam crederet, & tamen salutis & vitæ æternæ particeps nondum erat, proinde nec à maledictione liber. Et sane, hoc solius fidei in Christum privilegium est, quod per eam à peccati dominio & maledictione liberi fieri possimus.

Tertius locus est Rom. 11. 5. *ita etiam nunc reservatio secundum electionem gratia facta est. Reliquia ergo illa, inquit Censor, quas Deus semper habet in populo illo, servata sunt secundum electionem gratia, & non ex operibus. Electio ergo illa gratia hanc reliquiarum servationem in mente Dei antecedit*: Locus hic jam excussus est in præcedente cap. vide sis Lector. Hic jam addimus, locum hunc ad rem, de qua hic agitur, non facere. Nam non quæritur, an electio hæc gratiæ, reliquiarum istarum servationem in mente Dei antecedit (quamquam electio hæc gratiæ actionem Dei mentalem nullo modo significat, uti jam ante diximus) sed quæritur, an electio ista gratiæ ejusmodi electionem ad gloriam significet, qualem Censor statuit, quæ vid. fidem præcedit & fidei causa est? Hoc probandum fuerat Censori. Contrarium præcedenti capite ex Eliæ exemplo, quod in textu citatur, & ad cujus similitudinem hæc reservatio facta dicitur, evicimus. Adde, quod phrasís καὶ ἐκλογὴν hic non significet, ut Censor aliique arbitrantur, *secundum electionem*, quæ jam multo ante, nedum quæ ab æterno facta sit, tanquam si λείμμα hoc esset executio decreti illius, quod electio dicitur Censori; Nihil minus; sed tantum

Nec locum
Rom. 11. 5.

EXAMEN CENSURÆ

idem significat, quod ex vel pro electione gratiosa, id est, gratiose, five ex gratia, uti ex versu sequente liquido patet, ubi Apostolus repetiturus vel expositurus phrasin κατ' ἐκλογὴν, simpliciter dicit: αἱ δὲ χάριτι, ἐκ ἐτι ἐξ ἐργων, & paulo post, ἐκ ἐτι ἐξ χάριτος, ut electio gratiosa aliud nihil hic sit, quam gratia. Et hoc sensu præpositio κατὰ passim fere usurpari solet. Videatur cap. x. ad Eph. & res patebit; unde videre est quam infirma, ne dicam inepta sit consequentia, quam ex hoc loco Censor pro ista sua electione facit. Quam verò etiam non frustra modo, sed inepte eam hic Censor confirmet ex vers. 7. *electi adsecuti sunt*, capite præced. aliquot rationibus adductus demonstravimus. Nota tantum, quod hic Censor, id quod Apostolus simpliciter dixit, *id electi adsecuti sunt*, explicet per id *ante adsecuti sunt*, quod plane falsum est & præter mentem ac scopum Apostoli, qui adfirmat id tum adsecutos esse electos, qui tum credebant, oppositè ad operarios, qui tum credere volebant, cum credere possent, & cum per Apostolum invitarentur nomine Dei ut crederent. Quod etiam *illud postea explicari ab eodem Apostolo affirmat per totum caput*, similiter falsum videri debet, quia sine ulla probatione adseritur, ut & quod sequitur, *Apostolum idem cap. 9. adseruisse*, cum ait, *Antequam boni aut mali quicquam fecissent, ut propositum illud Dei, quod est secundum electionem, esset firmum* (in textu est, *maneret*) *dictum est ei, Major serviet minori*: Phrasin enim *propositum secundum electionem* significare *propositum quod Deus de illorum salute concepit, secundum modum illum gratuitum, quo illos in Christo elegit*, (nominatim sc.) ac si legeretur, *secundum electionem eorum*, ne speciem quidem veri habet, & uti pene pleraque loco citata sunt, sine ulla probatione adseritur, imò si oraculum illud, *Major serviet minori*, de populis duobus explicemus, uti explicandum esse ex Gen. 25. 23. *duo populi sunt in utero tuo, Major serviet Minori*, & ex eo, qui ex Malachia subjungitur, pene necessario concluditur, plane falsum est: Quis enim tum dicat mentem verborum horum Apostoli eam esse; Quod idcirco Rebeckæ dictum fuerit, antequam pueri nati essent & boni aut mali quicquam fecissent, Major populus serviet minori, id est, primogenitus populus hæres non erit terræ Canaan, sed secundo genitus, ut Deus ostenderet se populum secundo genitum elegisse ad æternam vitam ea electione, quæ electio ad gloriam præcise dicitur; primogenitum autem ab ista gloria æternum reprobasse, nulla habita ratione aut bonorum operum quæ iste, aut malorum quæ hic populus fecisset? Deinde, qua consequentiæ specie affirmabitur

Nec locum
capitis ad
Rom. 9. 11.

mabatur Deum voluisse ut à nobis colligeretur, ex eo quod Rebecca dictum fuerat, antequam pueri nati essent, *Major serviet minori*, propositum Dei de eligendo & reprobando homines pro arbitrio, absque ullo ad bona aut mala eorum opera intuitu, firmum manere? Nulla hic connectio, nulla vel verisimilis consequentia ostendi potest. At ea manifesta & palpabilis est, si propositum Dei, quod est secundum electionem, intelligatur de proposito, quod est cum electione, sive ut optimè dixit Arminius, cum discrimine, & quidem altero horum duorum modorum. I. Ut intelligatur de proposito, quod jam in domo Abrahami cum liberâ electione Isaac præ Ismaële demonstratum fuerat, quasi legeretur, ut propositum illud Dei, quod cum electione sc. jam antè in domo Abrahami conjunctum fuisse apparuerat, cum vid. Deus Isaacum eligeret præterito Ismaële, consisteret non ex operibus, sed ex vocante, id est, Deo, qui vocat filios Abrahami quos vult; cui sensui optimè respondet verbum *non* maneret. II. Ut intelligatur generatim de proposito divino, quo constituit semel apud se liberam sibi servare electionem, quos & quales singulis temporibus pro semine & veris Abrahami posteris, ad quos benedictio pertineat, designare vellet, quasi diceret Apostolus, uti Deus etiam nunc vel hoc tempore facit, quo Judæos & gentiles, licet peccatores fuerint & indigni qui filiorum Abrahamæ loco censerentur, vel filii Abrahamæ vocarentur, censere & vocare vult semen & filios Abrahamæ, vel populum suum, si modo respiciant ex animo, si credant in Iesum Christum & Evangelio ejus dignè se gerant: utroque enim modo patet propositum manere *non ex operibus, sed ex Deo vocante*, sc. semen quos & quales vult. Respicitur enim ad verbum, *vocandi*, quo usus fuerat Deus, cum diceret Abrahamo, *in Isaac vocabitur tibi semen*. Juxta hanc acceptionem sensus hujus loci clarus hic est; Cum nondum nati essent, sed eodem adhuc utero gestarentur gemelli fratres, populorum duorum capita ac stirpes, in quibus benedictionis promissæ excellentia luculenter admodum eventum fortitura videbatur cumque nihil adhuc fecissent vel boni vel mali quo discriminabantur, aut propter quod hic promissâ hæreditate donatus, ille ab ea exclusus videri poterat, uti in domo Abrahami usu venisse suspicari quis posset; Deus oraculo monuit Rebeccam, velle se ut primogenitus, qui ex ipsa nasciturus erat, & populus deinde ex illo oriundus, quamquam illi potior hæreditatis pars jure primogenituræ competere videbatur, secundo genito & populo ex eo nascituro totam hæreditatem terræ promissæ cederet, atque ita secundo

Paraphrasis
versus 11. capituli
9. ad Romanos.

EXAMEN CENSURÆ

cundo genitus semen illud esset & vocaretur, quod promissam hæreditatem suo tempore adiret atque in solidum obtineret. Et quorsum quæso aut quo fine id a Deo factum putatis? Certe ex eo apparet, nullum esse locum suspitioni, quasi Deus Ismaëlem & posteros ejus semen vocare noluerit, quod Ismael ex serva natus & sublannator fratris sui fuerat, sed propositum divinum, quo liberam semper sibi servare decrevit electionem, quos in semine censere aut quibus & qualibus populus omni tempore benedictiones suas conferre velit, coeptum atque inchoatum primo fuisse in domo Abrahæ, cum Isaacum præterito Ismaële semen vocaret, nullo in carnale ejus privilegium, aut hujus illiusve opera, propter quæ hic præferri, iste postferri meritis videri poterat, respectu, & confirmatum ratumque habitum, vel potius eodem filo continuatum esse in domo Isaaci, quippe in qua Jacob, filius, seu semen promissum fuit, non autem Esau, non quod ille melior, hic pejor erat, sed quia Deo placuit illum, ejusque posteros, non hunc aut hujus posteros semen illud vocare, ad quod promissæ terræ hæreditas ex asse devolvenda erat: Et mansisse hoc propositum divinum, verumque comprobatum esse testatur multis annis post Propheta Malachias, cum in eandem sententiam vaticinii sui tempore de posteris utriusque scriptum reliquit, Ecce populus Israëliticus ex Jacobo oriundus populus iste est, quem singulariter dilexit Deus, & etiam nunc diligit, quippe cui ex pura dilectione & gratia terram promissam, melle & lacte fluentē, Abrahamo & Isaac olim promissam, velut hæreditatem possidendam dedit: Populus vero Edomæus ex Esau progenitus, populus iste est, quē Deus amore isto singulari cōplecti & favore tam prolixo adficere noluit, quippe cui horrida & inculta loca, montes Seir vastos, saxosos desertosque, & cū fertili ista terra promissa minime conferendos, habitandos dedit, ut servilis horum, filialis illorum conditio, juxta prægressū de illorum capitibus oraculū, clare elucesceret: quasi dicat Apostolus, Similiter nunc propositum hoc Dei manet, quo Iudæos legem præfraçte sectari volentes, licet illi præferri debere videantur gentilibus, semen vocare non vult, sed omnes & solos eos, sive gentiles sive Iudæi sint, qui Euangelio filii ejus credunt, etsi hi illis deteriores & indigniores esse videantur. Præter hæc nolo allegare varia ex Patribus loca, qui locum hunc de electione, quæ ex præscientia fidei est, interpretati sunt, uti fatetur Beza in notis suis ad hunc locum; & Vossius probat lib. 7. Historiæ Pelag. Thes. 8. Ex prædictis patet, quam infirmum sit argumentum quod illo loco nititur. *Hicce*, inquit Censor, *Colophonis*

loco

Nec locum
Petri 1. Epist.
cap. 1. 2

loco addimus locum Per. i. Epist. cap. 1. 2. ubi scribit, electis secundum præcognitionem Dei Patris, in sanctificatione Spiritus, eis in sanguine, ad obedientiam & asperionem sanguinis Christi. Ergo non quia jam per fidem Christo obediebant, aut ad finem usque obediverant, sed ut obedirent, & asperionis sanguinis Christi per Spiritum sanctificationis participes fierent. Colophon respondet cæteris. Nam I. ne quidem in textu dicitur, Electis secundum præcognitionem Dei Patris, multò minus, Electis ad obedientiam, uti textum hunc citat Censor, & in versione Bezæ legi solet, quod unum sufficit ad evertendam vim omnem argumenti, quod Censor ex hoc loco colligit. Nec electi vox participium passivum hic est, sed nomen verbale: Tum verba ista κατὰ πρόγνωσιν θεῶ πατρὸς connecti nihil vetat, adeoque connectenda esse omnino videntur sequentibus, ἐν αἱματι τοῦ πνεύματος, supple δὲν vel existētibus, eodem sensu quo fideles in Spiritu, in Christo esse dicuntur, quasi legeretur, Electis, id est fidelibus dispersis, qui puro puto Dei Patris scito ac beneplacito à Spiritu vel in Spiritu ex parte Dei sanctificati, id est, separati ab impio mundo, & Deo consecrati sunt eo fine, ut obedirent sanctissimæ Dei voluntati, atque ita sanguine N. Fœderis adaspergerentur, id est, ejusmodi beneficia perciperent, quæ in N. Fœdere, sancto sanguine Iesu Christi, sunt promissa, ut constat ex collatione loci Heb. 9. 13. 14. imprimis, si is conferatur cum typo V. Fœderis, de quo videre est Exod. 24. 8. 11. Sed posito etiam in textu dici, aut textum legendum esse, Electis secundum præcognitionem Dei Patris ad obedientiam, nondum tamen inde efficeretur, electionem hoc loco significare ejusmodi electionem ad gloriam, qualem Censor statuit. Quid enim vetaret vocem *electorum* ab istâ electione denominatam dicere, quæ electio est ad gratiam? quasi legeretur, Fidelibus dispersis, qui non propriâ sua industria & sponte viam salutis repererunt aut ingressi sunt, sed à Deo ipso, Patre omnium nostro, ex cætero mundo electi aut evocati fuerunt ad eam audiendum & ingrediendum, vocati, inquam, pro benevolæ ejus affectu, quem præhabuit in se nullo ad opera nostra respectu, ut 2. Tim. 1. 9. & Tit. 3. dicitur. Hoc sensu electionis vocem hic intelligi nihil vetat, ut jam III. non dicamus de eo, quod verba hæc, *electis secundum præcognitionem Dei Patris*, accipi possent de electione, quæ secundum præscientiam fidei est, quo sensu Patres non pauci loco hoc uti solent. Et sanè, hujusmodi electionem Patres omnes Græcos semper, Latinorum verò illos, qui ante Augustinum vixerunt, electionem ex-

Patres omnes
Græci, & La-
tini, qui ante
Augustinum
vixerunt, ele-
ctionem ex-

Historiæ

EXAMEN CENSURÆ

præscientia fi-
dei adserue-
runt,

Historiæ Pelag. lib. 7. thes. 8. uti jam ante monuimus : & fatetur Calvinus lib. 3. Instit. cap. 2. sect. 2. & Beza in Notis in Epist. ad Rom. 9. 39. Sed IV. ratio etiam manifesta est, quæ sufficit ad persuadendum cuilibet non omnino præjudiciis excæcato, verba ista (siquidem omnino textum ita legendum esse concedatur, electis secundum præcognitionem Patris) de talibus nominatim ab æterno electis, ut Censor credit, accipi non debere. Nam sic statuendum foret, Petrum omnes illos, ad quos Epistolam hanc Catholicam scribebat, id est, omnes fidei Christi proficientes, sed dispersos per Pontum, Galatiam, Cappadociam, Asiam, & Bithyniam, pro talibus nominatim à Deo electis habuisse, aut si eos pro talibus non habuit, ad eos tantum, qui inter eos nominatim electi erant, epistolam suam directam voluisse. Si hoc posterius dicatur, tum necesse est ut affirmetur Petro revelatum fuisse, quod aliqui inter eos nominatim electi essent, & quæ in genere ab eo scripta sunt, ad alios quam ad istos non pertinere : proinde admonitiones, hortationes, increpationes omnes cæteros non obligasse ad obediendum, nec contemtas neglectasve obligasse ad poenam : Tum admonitiones, hortationes, increpationes, comminationes, promissiones, quæ electos istos spectant, ridiculas esse & sapientiâ Dei indignas. Si istud prius dicatur, tum necesse est ut affirmetur Petrum, aut per revelationem istud certo scivisse, & sic coincidit cum altero quod jam indicavimus, redibuntque eadem difficultates : Aut certo id non scivisse, sed ex judicio caritatis ita statuisse. At nec hoc verisimile est. Petrum enim credidisse paucos sic electos, multos verò vocatos etiam inter eos, ad quos scribebat, esse quis non juxta Censoris axioma sibi facile imaginetur? Deinde posito etiam quod Petrus, non obstante isto axiomate, judicium caritatis prævalere voluerit, Deo relinquens & tempori certam ejus rei notitiam, nihilominus tamen ex eo consequitur, omnes admonitiones, hortationes, consolationes, increpationes, promissiones & comminationes quæ Epistolâ hac continentur, invalidas esse atque enerves. Nam superstruuntur fundamento isti, quod hic jaci vult Censor, nimirum gratiosæ electionis, quæ secundum præcognitionem Dei Patris, id est, purum beneplacitum Dei facta sit. At judicium caritatis de electione istâ respectu eorum omnium ad quos scribit, incertum erat, non tantum eâ incertitudine, quâ incertum erat an fides illa, quam profitebantur, vera fides esset, hoc enim semper incertum est alteri, quia Deus solus cor hominis novit, sed etiam eâ incertitudine, quâ incertum erat, an Deus omnibus fidem

fidem illam dare vellet, siue, an non essent inter eos, quos à salute & fide reprobaverat, imò an essent inter eos ulli, quos ad salutem & fidem elegerat, proinde an fides eorum esset vera illa fides, quæ electorum propria est. Neque sufficit, si dicas iudicium caritatis ejus rei rationem non habere, ed quod iudicio isto non ex causa effectus, sed contra ex effectu causa colligatur. Nam id locum quidem habet tum, cum ratio nulla obstat cur ex effectu nō potius hæc quam ista causa colligi debeat. At cum ratio obstat cur effectus huic potius quam illi causæ tribuendus sit, tum profecto iudicium caritatis rectum videri non debet, si contra censeat, & effectum illum tribuat non isti, sed huic causæ. Id in hoc, de quo agimus iudicio fieret. Certum enim est, ex Censoris sententia, inter eos qui fidem Christi profitentur, plures esse vocatos quam electos: proinde rationem esse, quæ obstat, cur iudicio caritatis statui non debeat, omnes fidem profitentes ea fide præditos esse, quæ electorum propria est, & electionem divinam sui habet causam. Aliud est præsumere iudicio caritatis, aliquem esse bonum, quam diu contrarium non apparet, aliud præsumere id, quod in aliquo est boni, ab electione divina, quæ ab æterno facta sit, profectum esse, cum credas firmiter in pluribus frequentissimè adeoque semper penè bonum istud locum habere, qui vocati tantum, non autem electi sunt aut nominantur. Præsumtio hæc stulta foret, & contra rationem rectam esset. Concludimus ergo verba Apostoli Petri in citato loco sensum istum, quem Censor adsignat, habere non posse.

Locus ad Eph. 1. 5. *Sicut elegit nos in Christo ante jacta fundamenta mundi, ut simus sancti & irreprehensi coram eo in caritate*, quem ad rem hanc *illustram* esse dicit Censor, jam ex parte à nobis vētilatus est, & alibi prolixè tractatus. Quod is ad hanc rem non modo non illustris, sed ne probabilis quidem sit, id unum satis arguere potest, quod in eo de electione ad gloriam ne agatur quidem, nedum de ejusmodi electione ad gloriam, qualem Censor statuit: saltem de ista electione eo in loco agi ne verissimiliter quidem probare tentat Censor, quod tamen hoc loco τὸ κρινόμενον nostrum est. Quod si de electione ad gratiam, siue de decreto eligendi ad gratiam, verba hæc accipi possint, uti reuera possunt, adeoque accipi debent, tum perit tota vis argumenti, quod ex loco isto desumit Censor. Nec enim ineptum est statuere, nos ea electione, quæ electio ad gratiam est, electos esse in Christo ante jacta mundi fundamenta, ut simus sancti, etiam si fides sub sanctimoniam ista comprehensa intelligatur. Et de

Nec locum ad
Eph. 1. 5.

D d d

hac

EXAMEN CENSURÆ

hac electione locum hunc exponit Augustinus in libr. de prædest. sanct. cap. 19. Hieronymus in commentario, & alii. Sed & rationes manifestæ sunt, quæ admittere cogunt, locum hunc de electione ad gloriam, qualem Censor statuit, exponendum non esse. Nam sequeretur I. gloriam esse medium ad gratiam. Nam si Deus nos elegit ad gloriam eo fine, ut essemus sancti, tum sanctitas, quæ gratiæ voce denotari solet, finis est respectu gloriæ. II. Sequeretur electionem ad gloriam, qualem Censor statuit, fundari in Christo, sive per Christum factam esse (si propositio in pro dicta accipiatur) quod absurdum est. Electio enim ad gloriam, ex Censoris mente, est actus divinæ voluntatis purus putus, qui in Christo sive per Christum factus dici non potest, sive Christus consideretur ut Deus, sive ut Mediator. Quomodo enim actus divinæ voluntatis immanens in Deo per Christum factus dicatur? Sic enim actus immanens, immanens actus non foret. Tum, si consideretur hic Christus ut Deus, electio in Christo non magis facta dici potest quam in Spiritu Sancto, imò pari jure Christus & Spiritus S. dici possent nos eligisse in Patre. Si ut Mediator, consideretur, in eo facta electio ista ad gloriam dici non potest, quia Christus pertinet ad electionem ad gratiam, quæ Decreto electionis ad gloriam subordinatur. II. Cum nos electi in Christo mediatore dicimur, non possumus considerari nisi ut jam existentes in Christo. Nemo enim in Christo eligitur ad gloriam qui extra Christum est: At si de electione ad gloriam hic agi dicatur, tum fieri non potest ut nos consideremur existentes in Christo, quia electio ista ad gloriam facta est, ait Censor, eo fine ut nos crederemus. Ergo antequam adhuc in Christo existeremus aut ut existentes considerabamur, Quia sine fide in Christo esse non possumus. Dicere, elegit nos in Christo, significare hoc loco, elegit nos quos aliquando daret Christo, Scholastica vanitas est, & quæ seipsam redarguit. Hoc enim tantundem est, ac si legeretur, Elegit nos sine Christo aut extra Christum, sed Christum deinde elegit ut nos ei daret, per quem ad fidem adduceremur; quo ipso sanè tum Christi Mediatoris, tum fidei in Christum necessitas prorsus evenit, ut cuilibet consideranti manifestum est. Huic locorum expositioni subjungimus interrogationem Censoris, *Quid adversus hanc evidentiam afferri potest à Contra-Remonstrantibus, sive à Censoribus his Contra-Remonstr. Patronis, ut ostendant electionem ad gloriam non esse beneficium Dei, quod credentibus & conversis promittitur?*

Posthæc Censor examinat loca tria, quæ ad marginem Declarationis

tionis suæ adnotaverant Remonstrantes pro acceptione vocis *Electio*nis, quam inter promissa divina recensuerunt. *Ea*, inquit, ad rem nihil faciunt, imo istis nihil ad hanc ipsam eorum sententiam refutandam efficacius adferri potest. Videamus ista. Primus locus est Marc. 13. 20. *Nisi Dominus decurrasset dies illos* (nempe afflictionum & angustiarum) *non servata esset ulla caro. Sed propter electos, quos elegit, decurtavit dies illos.* Quid hic quasi pro electione, inquit, ex fide prævisa? an vobis per inde est Remonstrantes quos nam locos in margine citetis aut locetis? nam nulla omnino fidei mentio fit in toto hoc loco, multo minus fidei quæ electionem antecessit. At I. vicissim quærere hic possent Remonstrantes & majori jure, An vobis perinde est, Censores, quomodo Remonstrantium verba censeatis? Elenchi ignoratio hic manifesta est, quæ in Doctoribus Academicis ferenda non est. Nam Remonstrantes hic non respiciunt ad vocem *electi*, sed ad verba sequentia, *quos Deus eligit*. Deinde per electionem ad gloriam, non intelligunt illam electionem, quæ ab æterno facta creditur ex fide prævisa, sed electionem actualem, quæ in tempore fit, & quæ fidem præsupponit. Dicunt enim diserte, esse electionem, quæ est profana pereuntium turba segregantur, & ex ordine damnandorum (quod ad statum præsentem) exempti, veluti in peculium Dei seponuntur. II. Locum hunc non citant Remonstrantes ad probandum quod electio pro electione ad gloriam accipiat, quæ credentibus promittitur, sed tantum ad indicandum, quod isto sensu eum accipiant & interpretentur. Et sane, cum per electos, fideles hic designari fateatur Censor, quid est, quod vetat verba sequentia, *quos Deus eligit*, pro isto sensu, quem Declaratio habet, adduci à Remonstrantibus? Nam esto, nulla fidei mentio hic fiat, attamen fidem etiam, sub voce electorum, intelligi concedit Censor: Nihil itaque vetat Remonstrantes verba ista *quos Deus eligit*, adducere pro electione, quæ fidem consequitur, imo ratio pene cogit, ut ita fiat. At, inquit Censor, *fideles non ex fide, sed ex electione, tanquam fonte fidei, designantur.* Hoc vero est quod probandum erat Censori, ut elenchum faceret, & locum hunc adduci à Remonstrantibus non debuisse, aut non potuisse evinceret. At, inquit, nominantur hic electi, quos Deus eligit, si ergo electus propria & prima sua notione hic significat credentem, tum vox illa, *quos Deus eligit*, significabit necessario, quos Deus credentes facit. Quæ ratio consequentiæ? Imo vero, tum non tantum non significabit necessario, quos Deus credentes fecit, sed contrarium plane significabit, quos Deus ut credentes, aut qua tales, elegit sibi in populum, quem cum cæ-

Adferuntur
loca in Decla-
rationis mar-
ginis citata ab
exceptionibus
Censoris.

Primus locus
est Marc. 13. 20.
Marc. 13. 20.

EXAMEN CENSURÆ

teris perdere non volebat. Subiectum enim vel objectum electionis istius divinæ forent electi, id est, fideles. Et sane, in hisce verbis, quos Deus elegit, emphasis est ista, quam Remonstrantes urgent, & quæ Remonstrantium expositioni manifeste patrocinator. Cum enim vox *electos* non participium hoc in loco, sed nomen esse inde appareat, quia additur, *quos elegit*, nihil sane verisimilius est, quam per *electos* designari non eos, qui ante à Deo electi fuerant, sic enim repetitio illa, *quos elegit*, inutiliter & inepte facta videretur, sed nominaliter eos, qui ἐννομοί, δόξιοι, sancti, fideles, & eximiis virtutibus fidei & patientiæ præditi erant, quo sensu vocem istam passim in Scripturis accipi jam ante demonstravimus, & per consequens sequentia verba, *quos elegit*, sensum, si non habere, saltem verisimiliter habere posse istum, quem assignarunt in declaratione sua Remonstrantes, nullo modo autem sensum istum, quem assignat Cenfor. Non enim dicitur in textu, electi quos Deus antea elegerat ad gloriam, antequam crederent, aut electi, id est, δόξιοι essent, nedum quos elegerat ut electi, id est, fideles essent, sed electi, quos Deus tum eligit vel elegerat, ut restarent sibi & nomini suo in gloriam, eo quod Evangelio filii sui crediderant. Denique, inquit, cum expresse hic dicatur, propter electos illos, quos Deus elegit, dies ire decurtatum, significatur manifeste Deum ideo decurtasse dies, ut electi afflictionum mole non opprimerentur, aut animo deficerent, ac proinde electio hic statuitur causssa, quare Deus dies decurtavit. Hæc conjectura est non ratio, imo conjectura ridicula, si sententia Cenforis videatur. Quis enim metus esse poterat ut electi afflictionum mole opprimerentur, aut animo deficerent? An afflictiones, quarum actio nil nisi moralis actio est, vim habere poterant ad evellendam fidem, quæ per physicam & omnipotentem Dei actionem, quæ nec creatione nec suscitatione ex mortuis minor est, ut Synodus Dordracena loquitur, animis eorum indita erat, & eadem virtute in iis conservabatur, ut passim urget Cenfor? Tum quæ ista oratio foret, Nisi fuissent dies isti decurtati, seducti fuissent electi & æternum cum cæteris periissent, atque ita electio eorum irrita facta fuisset, Nam non salvata fuisset ulla caro? Nugæ, vel ipso Cenfore iudice. Sensus longe alius esse videtur, videlicet, ut non significetur, propter electos istos, quos Deus elegerat, dies decurtatos fuisse, ne videlicet illi cum cæteris afflictionum mole succumberent aut animo deficerent, sed quia illos Deus ita caros sibi ducebat, ut in eorum gratiam populum totum reliquum Israeliticum, quamquam penitus excindi meruerat, non tamen

tamen excinderet, sed ex eo reliquias aliquas superesse fineret, unde populus iterum restaurari posset & propagari. Hoc enim sibi vult, *non salva fieret omnis caro*, id est, nullus Judæus in terra Judæa relictus fuisset, sed ad unum omnes deleti fuissent atque extincti. Hinc non desunt, qui per electos istos Abrahamum, Isaacum & Iacobum intelligunt, propter quos, quia videlicet illis gratiosa promissio facta fuit à Deo, afflictiones decurtatas fuisse dicant, ut iis semen vel posteritas restaret, juxta id quod dicit Apostolus; *inimici propter vos: dilecti autem secundum electionem propter Patres*, Rom. 11. 28.

Secundus locus est ex Epist. ad Rom. 8. 9. De eo jam ante actum est satis prolixè, uti & de tertio, qui ex Epistola Iac. 2. 5. citatus est. Hic tantum addemus, quod prior iste locus jure allegatus sit, Censor ipse probat, dum *præcognitionis* voce denotari in Scripturis semper, ait, *gratuitum Dei amorem*, quo secundum sapientissimum scitum suum aliquos à cæteris mente discernit: Hoc enim si ita sese habet, tunc vox præcognitionis hoc loco cum electionis voce coincidet. Ac proinde, cum hic Deus præcognoscere dicatur eos, qui Deum diligunt, id est, eos amare & à cæteris tanquam sibi dilectos secernere, electio etiam actus erit divinus, quo eos qui Deum diligunt, tanquam caros & dilectos sibi secernit in populum suum, cui æternam gloriam suam destinat. Nec ad rem faciet, si dicas præpositionem *Præ* amplius aliquid denotare, unde electio illa ante alios omnes actus divinos ab æterno facta colligitur; Nam id præpositio ista non arguit vi sua, non enim ex se nec præcise prioritatem temporis, sive præcedaneam aliquam temporis durationem notat, sed tantum impromeritam, sive liberam, & non aliunde quam ex eo ipso qui diligit, perfectam dilectionem, quæ electio sive prædilectio, præcognitio dicitur, prout ex eo apparet, quod Hebræorum more pro prædilectione accipitur *πρόγνωσις*. Hebræi enim sub antecedentibus consequentia comprehendunt, & potissimum intelligi volunt: unde & simplex verbum *γνώσις* eodem sensu accipi solet apud eosdem Hebræos. Quia autem prædilectio, quæ ad vitam æternam est, supponit fidem in eo, qui prædiligitur, inde facile colligitur per eam non prioritatem temporis propriè, sed libertatem dilectionis divinæ propriissimè designari. Quare sic argumentatur Apostolus, Quos Deus præcognoscit sive ex impromerito favore amat, illis omnia cedunt in bonum: At, qui Deum diligunt, eos sic amat, sive sic præcognoscit & eligit Deus: Ergo. Quare, cum Remonstrantes hic vocem *prænotionis* de prænotione fidei accipere ait Censor, in eo fallitur,

Secundus locus est Epist. ad Rom. 8. 9.

EXAMEN CENSURÆ

litur, quamquam plerofq; Patres eam sic olim accepisse certissimum est; sicut & in eo, quod ad vocem Prædestinationis Remonstr. respexisse sibi persuadet, cū id plane alienum sit à mente atque ab hypothefi eorum, qui asserunt, istic agi de prædestinatione non ad gloriam sed ad crucem.

Tertius Locus
est ex Epistola
Iacob. 2. 5.

Locus Iacobi perperam à Censore carpitur isto argumento, quod *ἐλεεινὸν* verbi *ἐν* in textu apertam esse velit, quia id plane falsum est, & à scopo Apostoli alienum, uti præcedenti cap. ostendimus: Ratio etiam, quam Censor pro expositione sua adducit, falsa atque absurda est, dum *Apostolum inter cetera argumenta, quæ adfert cur divites in Ecclesia conventibus non sint præferendi pauperibus, etiam hoc pro argumento adferre dicit, quod Deus elegerit fere pauperes, ac proinde prætulern divitibus, ut sint divites in fide.* Nam si consilium ac propositum Dei vocantis, & Apostolorum, imprimis Pauli consilium ac studium videas, apparet Deum promiscue tum pauperes tum divites elegisse, id est, vocasse ad se, ut divites fierent in fide. Nullū personarum discrimen aut fecit, aut fieri voluit Deus. Nec argumentum Iacobi tale est, quale id facit Censor, sed plane diversum, vid. Cur vos discrimen facitis Fratres: cum Deus ipse discrimen nullum fecerit inter pauperes & divites, cumque pauperes, si modo divites sint in fide, hæredes regni sui æterni scribere voluerit, eosque non minus quam divites, sibi in populum peculiarem seligere ex reliquo mundo voluerit? At, inquit Censor, *argumentum Apostoli nullum est, si id diceret, quia Deus tum eodem modo etiam elegisset divites, qui erant divites in fide.* Imo, inquam ego, idcirco constat argumentum Apostoli; Non esse discrimen faciendum inter divites & pauperes, quia pauperes eo ipso quia credunt, pares sunt divitibus apud Deum. Hoc enim divitem sc. in fide esse, est illud unum, quod Deus requirit ab hominibus, ut eos caros, & dilectos sibi habere, eosque regni sui hæredes facere velit. Adde, quod, juxta Censorum sententiam, argumentum Apostoli valde enervetur, si non prorsus irritum redditur. Nam esto, pone Deum pauperes fere elegisse ut sint divites fide, quæ ratio, quod idcirco divites, quos Deus etiam elegerat ut essent divites fide, (tales enim aliqui erant) non possent præferri pauperibus? Nulla solida ratio dari potest. Quid enim hoc ad rem, quod plures essent pauperes electi à Deo quam divites? Tum pauperes electi divites fieri possunt, & divites vicissim pauperes, adeoque plures in coetu divites fieri aut esse possunt, quam pauperes. Quid, an tum argumentum Apostoli verum non erit, Deum pauperes hujus mundi elegisse, &c. ac proinde divites pauperibus præferendos non esse?

esse? Itemque cum planè incertum esset Apostolo, an pauperes isti, qui in cœtibus istis erant, maximam partem electi essent ad gloriam, & non potius externè tantum vocati, quæ vis, quis nervus, quod robur in oratione Apostoli esse poterat juxta istam expositionem? Sed jam satis ineptias has ruspavimus. Habet hic lector abundè ex quo colligere potest quam immeritò Censor hic subsultet, & tanquam si Remonstrantium causæ jugulum confodisset in examine trium ad marginem citatorum locorum, receptui canat.

Quæ de justificationis promisso obiter subjiciuntur, examinari non merentur. Non enim censuram continent, sed rancidas quasdam, & ad hunc locum non pertinentes quæstiones, ad quas tamen etiam omnes & singulas prolixè suis locis, ac nominatim cap. 11. ad quod Censor Lectorem rejicit, responsum est. Mirum verò meritò videri debet, quod Censor quæstiones non ex verbis definitionis, quæ hoc paragra-pho posita est, sed ex verbis quæ cap. 11. prolixè excussa sunt, formaverit, quasi aut ignoraverit quid cap. isto censitum fuerit, aut cornicum oculos quæstionum subtiliorum, quam quas prior Censor attulit, formatione configere propositum sibi habuisset. Sed heus tu Censor, quisquis es, ut sententia tua plenius cognoscatur, & quæstiones hæ clarius proponantur, age ad has quæstiones vicissim responde. Primò, quid per verum satisfactionis pretium ac meritum intelligi velis? Sunt enim termini metaphorici, & qui ad proprios reducendi sunt. II. An pretium illud persolutum esse velis pro electis, ita ut electi per illud verè redierint in gratiam cum Deo, & Deus electis suis irasci desierit? Si non, quomodo itaque hoc pretium verum satisfactionis pretium fuerit pro iis? Si sic, quid itaque electio eorum fuerit, & quale beneficium? III. An pretium illud satisfactionis tale fuisse intelligas quod persolutum fuit pro peccatis electorum omnibus, quæ unquam commiserunt, committunt, aut commissuri sunt, ita ut eo posito fieri nō possit, vel futurum nunquam sit, ut Deus iis peccata ulla imputet? Si non, quomodo pretium istud verum pretium esse velis? Si sic, quid itaque electis istis restet agendum aliud, quam ut securos se reddant de reliquo, & in utramq; aurem dormiant sine scrupulo? Dices fortasse, credere debent, & sibi applicare tenentur hanc satisfactionem. At quæro tum IV. Aut pretium hoc satisfactionis pro ipsis persolutum & à Deo acceptatum est sine conditione, aut non est persolutum, nec acceptatum nisi cum conditione. Si pro ipsis persolutum est & à Deo acceptatum sine conditione, quid ap-
plicatione

Quæstiones
oppositæ quæ-
stionibus Cen-
soris ad pleni-
orem intelli-
gentiam sen-
tentiae Censo-
rum.

EXAMEN CENSURÆ

plicatione opus est? quid applicatio ista est? quis effectus formalis applicationis illius est? Si perfolutum est & à Deo acceptatum cum conditione, quomodo tum pro iis perfolutum magis est, quam pro reprobis? imò, quomodo tum, ut vos loquimini, perfolutum pro iis est? Quod & quale beneficium Dei est, quod conditionatum est, & à conditione suspenditur? V. Si perfolutum est pro electis cum conditione, quæ itaque conditio illa est? Si fides, quod itaque fidei istius objectum formale est? An pretium istud perfolutum, sive meritum Christi? Si sic, quomodo tum perfolutum & acceptatum est pro iis cum conditione, credere enim debet id pro se reipsa & simpliciter perfolutum esse? Deinde, quæ tum est necessitas obedientiæ & bonorum operum? quis est actus ille formalis fidei, & an actus ille, qua talis, est præstatio conditionis requisitæ. Si sic, quomodo itaque non ex opere Evangelico justificatio fieri dicenda est? Si non, quo nomine itaque vocandus est actus ille? An instrumenti applicantis? At instrumentum applicans non est conditio, sed applicatio ipsa actualis est conditio. An habitus infusus? At conditio requisita non potest esse habitus infusus. Tum, quomodo instrumentum vel habitus infusus imputabitur in iustitiam? Hæc aliaque plura infinita, quæ nunc non attingimus, explicanda clare sunt, Cenfor, ut intelligi possit quid sentias & quid quæras. Sed nos hæc & alia pluribus ventilavimus in examine censuræ cap. 11. ad quæ similiter, uti Cenfor facit, Lectorem remittimus.

Paragrapho sexto Remonstr. tres ordines sive tria genera credentium ac resipiscentium posuerant, *incipientium & proficientium*, sed qui à fide iterum deficiunt, & *perseverantium*, qui in fide ad finem usque perseverant. Illos eligi, adoptari, & justificari vere dixerant, sed non nisi pro tempore isto, quo credunt: hos finaliter ac peremptorie: Istud carpit Cenfor, tanquam repugnans divini decreti constantiæ. *Scriptura*, inquit, *nobis longè aliter de divini decreti constantia loquitur: Nam fieri non potest ut electi seducantur, ut Christus testatur*, Matt. 24. v. 24. Itane Cenfor? Verba ista textus non habet. Verba hæc sunt; *Excitabuntur pseudo Christi & pseudo-prophete, & edent signa magna, & miracula, ita ut seducant (si possibile) etiam electos*. Aliud est, seducunt, si possibile, electos; aliud, non est possibile ut seducant electos: Nec enim phrasis ista, *ἡ δύναμις, si possibile*, vi sua impossibilitatem futuritionis notat: tum Scriptura & communis loquendi usus contrarium manifeste docent, adeo ut contra exphrasi ista concludere liceat, fieri posse ut electi seducantur, Sic Actor. 20. 16. dicitur

Refellitur
Cenforis ex-
ceptio contra
tria genera
resipiscentium
quæ Declara-
tio ponit.

Exponitur
phrasis,
ἡ δύναμις.

dicatur Paulus festinasse ut festo Pentecostes die Hierosolymis esset, *ἔτι δυνάσιν ἀνίστα*, quis inde colligat Paulo id impossibile fuisse, imò quis non colligat contrarium, Paulum id possibile sibi judicasse? Quorum enim alioquin festinasset? Ad Rom. 12. 18. *ἔτι δυνάσιν*, inquit Apostolus, *τὸ ἐξ ὑμῶν*, cum omnibus hominibus in pace viventes. *ἔτι δυνάσιν*, & τὸ ἐξ ὑμῶν conjungit, ut doceat phrasin, *Si possibile*, non denotare absolutam impossibilitatem. Quomodo enim non est possibile, in pace vivere cum omnibus, quantum in nobis est? imò hoc unum possibile est. Gal. 4. 15. dicitur, *Testimonium vobis reddo, vos, si fieri potuisset, vestros oculos effossos duros fuisse*. At quis id impossibile Galatis fuisse dixerit? Sic Matt. 26. 23. dicitur, *Pater si possibile est, transeat à me calix iste*. Hoc simpliciter impossibile esse si credidisset Christus, nec ferio Patrem suum pro eo rogasset, nec præfatione, sive ratione istà usus fuisset, *Pater mi, omnia tibi sunt possibilia*. Imò, non desunt qui Christum hac in re à Patre exauditum fuisse, ac proinde factum esse id de quo dixerat, *Si possibile est*, affirmant. Si communis etiam loquendi usus attendatur, nihil certius quam phrasin istam usurpari, tum, cum creditur aliquid fieri posse, & ut fiat omnis diligentia adhibetur. Hinc sunt formulæ istæ, si fieri poterit, hoc ego persuadebo illi: si fieri poterit, pertraham eum in sententiam meam; aliaque. Et hoc eodem sensu phrasin istam hic à Christo usurpatam esse, quid verat credere? *Seducunt, si possibile*, ipsis sc. erit, id est, omnem quam poterunt adhibebunt diligentiam, extrema omnia tentabunt, eaque facient, quæ vel ipsis electis seducendis idonea erunt; quasi dicat, per ipsos non stabit quominus seducantur; si quid poterunt, id facient, ut seducant electos. Et rationes manifestæ sunt, quæ evincunt fieri non posse ut verba hæc eo, quo Cenfor vult, sensu à Christo prolata credantur. Nam I. quid singulare aut emphaticum in se haberet oratio Christi juxta sensum istum? Pseudoprophetæ facient tot & talia signa ut seducant, *οἱ τὰς ἐκλεκτοὺς* etiam electos, quos seduci impossibile est? Nec est quod dicas, sensum horum verborum Christi esse, Seducerent etiam electos, si fieri posset, id est, si Deus electos istos vellet sibi permittere; Nam quid singulare in se habebit tum hæc oratio Christi? Nec enim mirum foret, si electi tum seducerentur, imò quomodo fieri potest ut electi sibi permitti non seducantur? Ineptè itaque in textu positum fuisset, *si fieri posset*. Nam in tali casu non tantum posset fieri, sed non posset non fieri, ut electi seducerentur, ac proinde nihil dixisset Christus, quando dixisset, seducerent etiam eos, quos seduci necesse

Rationibus aliis
quot evincitur
expositionem
verborum,
Si possibile,
quæ Cenfor
facit, absurdam
esse,

E e e

esset

EXAMEN CENSURÆ

esset ob naturæ suæ cui permitterentur, fragilitatem ad resistendum tentationibus. II. Quæ ratio magni istius moliminis dabitur, quo Satan excitat, exstimulat & impellit pseudopphetas ad seducendum electos? an molimine magno utetur vel mediocri ingenii & iudicii homo, ut id consequatur quod impossibile est, quodque impossibile esse ex tam clara prædictione intelligit? Nec juvat, si dixeris, diabolus & Pseudopphetas nescire an hi aut illi electi sint. Nam esto, hoc nesciant, attamen de singulis hominibus sciunt, si vera est sententia Censoris, eos aut esse reprobos, aut electos, itaque sciunt inanem omnem operam esse, quæ collocatur in seducendis his, & non necessariam, quæ collocatur in seducendis illis: uti hi non possunt non perire, ita illi non possunt perire, ac proinde nec seduci, aut si seducantur, id sine ullo salutis eorum periculo ut fiat necesse est. III. Quia paulo ante Servator diserte affirmaverat futurum, *ut multi seducerentur à Pseudo-Christis & Pseudopphetis, vers. 5. & 11. ut multorum caritas refrigesceret vers. 12. ut non perseverarent ad finem usque.* Cui autem verisimile fiet Christum in eodem sermone tam brevi, tam serio, tam repente sibi contradixisse, & fieri non posse affirmasse, quod antea non posse tantum fieri, sed futurum etiam prædixerat? IV. Quia hac explicatione nervus inciditur hortationi Iesu Christi præcedenti, qua discipulos suos monuit, ut ne crederent Pseudopphetis, &c. addens, *Ecce prædixi vobis.* Quasi dicat, vestrum est sollicitè animum advertere & curare ne id fiat. Quod enim os. inerit huic hortationi, videte ne credatis Pseudopphetis, atque ita seducamini; Nam si vos electi estis, vos non poteritis seduci quicquid Pseudopphetæ molientur & machinabuntur, Atque hæc de hoc loco satis. Locus ex Epist. ad Rom. 9. *propositum Dei quod est secundum electionem manet, non ex operibus, sed ex vocante,* jam ante examinatus est, & ostensum eum perperam à Censore ad has materias allegari. Locus ex cap. 11. ad Rom 2. *Deus non abiecit populum suum quem præcognovit,* (qui ex vers. 7. adjungitur, jam ante fuisse etiam tractatus est) ad rem non facit: Non enim quæritur hic an Deus unquam abiciat populum suum, quem elegit, sed an fieri non possit, ut, qui nunc populus Dei est, desinat esse populus Dei propria sua culpa: Talem enim populum si rejiciat Deus, non rejicit populum suum quem elegit, sed populum, qui populus Dei amplius non est, vel populi Deo subditi officium non facit. Quod si locum hunc pro se facere vult Censor, tum necesse est alterutrum dicat; Aut populum illum, quem semel Deus præcognovit, officium populi Dei semper

Ostenditur locum ad Rom. 11. 2. pro Censoris sententia

Temper facere, aut (si hoc affirmare non audeat) populum Dei semper esse ac manere populum Dei, quomodocunque se gerat, etiamsi in rebellionem & inobedientiam gravissimam incidat. Hoc si dixerit, tum verò viderit quomodo loca ista omnia salvaturus sit, ubi disertè affirmatur, Deum populi istius Deum esse nolle, populum Dei populum, quem vid. Deus carum sibi habeat, non esse qui divinæ voluntati & legi obsequium detrectat. Vide illustrem locum 2. Cor. 6. 16. *Quæ consensio Dei templo cum simulachris? Nam vos templum estis Dei viventis, sicut dixit Deus, Habitabo in eis, & inambulabo, & ero illorum Deus, & ipsi erunt mihi populus. Quapropter exite e medio eorum, & separamini, dicit Dominus, & impurum ne attingite, NB. tum ego suscipiam vos, & ero vobis pro Patre, & vos eritis mihi pro filiis & filiabus, dicit dominus omnipotens.* Deinde videat quomodo salvaturus sit id quod Rom. 11. penè per totum dicitur, Judæos propter incredulitatem suam defrautos fuisse, & Gentes in eorum locum adsumtas, sed similiter aliquando excindendas & repudiandas, si non permaneant in benignitate divinâ vers. 20. 21. 22. Possem his addere expositiones Patrum, qui locum hunc de electione, quæ secundum præscientiam est, acceperunt, ut Chrysostomi, Hilarii, Hieronymi, aliorumque, quas, si admittat Censor, quam vana sit quæ huic loco innitur argumentatio haud dubiè videret. Vide Vossium Histor. Pel. lib. 5. Thes. 8. Sed nos isto argumento eum premere nolumus. Addit Censor, *Ac licet totus mundus sequatur & admiretur bestiam, excipiuntur tamen semper illi, quorum nomina scripta sunt in libro vitæ à jactis mundi fundamentis, ut videre est, Apoc. 13. 8. & 17. 8.* Sed I. neuter locus habet, prout eum citat Censor: Non enim in textu excipiuntur illi, quorum nomina sunt scripta in libro vitæ, sed tantum dicitur in utroque loco, eorum nomina, qui Bestiam adorant & admirantur, non esse scripta in libro vitæ, vel in libro vitæ agni: At quid vetat illa verba hoc pacto accipere; *Quorum nomina (idcirco scilicet) non sunt scripta in libro vitæ?* II. Esto tamen, textus habeant uti eos citat Censor, quæ ratio consequentiæ, quam ex iis infert Censor; Ergo scripti in libro vitæ sunt isti, quos Censor vocat, electi, & qui semel scripti sunt in libro isto vitæ, ii semper in eo scripti manent? Quis consequentiam similem non repudiet, tota civitas rebellat Principi, exceptis paucis, qui nomina sua Principi dederunt, & quorum nomina, ut fidelium subditorum nomina scripta sunt in libro civitatis publico, ergo pauci isti non potuerunt non fideles manere Principi? III. Rationes manifestæ sunt, quæ evin-

confirmanda
non facere.

Similiter ostenditur locum Apocal. 13. 8. & 17. 8. perperam adduci à Censore ad stabilendam sententiam suam.

EXAMEN CENSURÆ

cunt phrasin hanc eo, quo Cenfor capit, modo accipi non posse. Nam I. Sic dixisset Ioannes omnes eos, qui bestiam adorabant, jam ante, imo ab æterno à Deo peremptorie fuisse ad mortem reprobatos; proinde fieri non potuisse, ut electorum ulli in istam adorationis bestię, sive idololatrię culpam inciderent. II. Omnes eos, qui bestiam adorabant, idcirco eam adoratos, quod gratia divina careant eo ipso quia reprobati sunt. III. Sic dixisset Joannes, fieri non posse ut unquam quisquam propter propriam culpam suam deleatur è libro vitę, cui semel inscriptus fuit, quod non modo non verisimile, sed plane falsum esse frequentię probant. I. Quia ipse cap. 22. 19. affirmat, *Deum ablaturum ex libro vitę, ex urbe illa sancta, & ex iis, qui scripti sunt in libro vitę* (ut enim legatur, ut Beza transfudit neutro genere, ex iis *qua scripta sunt in libro isto*, absurdissimum est) *partem ejus, qui abstulerit ex verbis prophetię ejus*, quod affirmare ridiculum foret, si auferri partem ejus ex libro vitę impossibile esset. II. quia Deus ipse Exod 32. 33. expresse asserit, *Qui peccavit mihi, eum delebo ego è libro meo*, quem scripsi scilicet ut ex veris. preced. apparet. III. Quia Prophetę diserte à Deo erant, ut mali ac perversi deleantur è libro vitę, ut Psal. 69. 29. *Deleantur è libro viventium, vel vitę, & cum iustis non scribantur*: quod Jeremias aliis paulum verbis, sed affirmative enunciat cap. 17. 13. *Recedentes à te in terra scribentur; Quoniam dereliquerunt venam aquarum viventium, Iehovam*. Nec juvat si excipias, per librum vitę intelligi istis in locis, vitam hanc, & per deletionem ex libro isto vitę, occasionem sive sublationem è medio viventium, quod admodum verisimile est: Nam eo ipso, quod tales, qua tales, excinduntur è vita, excindi etiam ex vitę æternę libro, id est, à spe regni cælestis excludi eos certissimum est. IV. Quia Apostolus de Dema, qui fuerat *ex coadjutoribus Pauli*, ad Philem. vers. 24. *quorum* (adjutorum sc.) *nomina in libro vitę fuisse* affirmat, Philip. 4. 3. diserte affirmat 2. Tim. 4. 10. quod *eum dereliquerat amore presentis seculi inductus*. Hisce tam disertis & claris Scripturis nihil opponi potest vel in speciem verisimile, si hypothesin Scholasticā de Prædestinationis certitudine jam recepta, tollas. Quęcunque enim exceptiones contra hæc loca fieri solent, eę omnes ista sola hypothesi nituntur, & ab ea speciem accipiunt, cætero quin frivole ac frigide sunt. Quod vero phrasin attinet, apparet ex duobus locis Apoc. 21. 27. & 3. 5. per eos, qui libro vitę inscripti dicuntur, non intelligi nisi eos, qui digne se gerunt divina vocatione & Evangelio, quod liber

vitaę

vita agni est, ad cuius formulam vita æterna danda est, obtemperant, & per eos qui ex libro vitæ delendi nunquam sunt, intelligi eos, qui ad finem usque in obedientia mandatorum divinorum perseverant. In isto enim loco dicitur, *Non ingreditur in illam* (sanctam sc. urbem, sive vitam æternam) *quicquam* (id est, quisquam) *quod* (id est, qui) *inquinat, aut abominandum quippiam patrat vel mendacium loquitur, sed qui scripti sunt in libro vitæ agni.* Ubi ex antithesi manifestum est, in scriptis libro vitæ agni denotare contrarium facientes istis, quæ dixerat: In hoc loco dicitur, *Deum nunquam deleturum nomen ejus e libro vitæ, qui vicerit*, id est, ad mortem usque perstiterit in fide Iesu Christi, uti ex phraeos illius usu, & æquipollentibus aliis liquet. cap. 2. 7. 10. 11. *Esto fidelis usque ad mortem, & dabo tibi coronam vitæ. Qui vicerit nequaquam ledetur a morte secunda: vers. 26. Si quis vicerit & observaverit ad finem usque opera mea, dabo ei potestatem in gentes, &c. & c. 3. 12. 21. &c.* Pergit Cenfor, *Imo & de justificationis ac proinde & regenerationis constantia non minus perspicue multis locis contrarium testatur Scriptura.* Assertio hæc repugnat universæ Antiquitati, cui Augustinus & Prosper etiam apertissime subscripserunt, quæ consentientibus calculis credidit fidem justificantem & gratiam regenerantem totaliter ac finaliter amitti posse, & a plerisque amitti, uti id Sole clarius demonstrat Gerardus Vossius historiæ Pelag. lib. 6. Tes. 12. & 13. quo Lectorem remittimus. Sed hæc antiquitas Cenforibus nostris hic sine dubio sordet, quam alibi plenis buccis crepant. Quod tamen idcirco dictum nolumus, quasi contra eos auctoritate ista pugnare velimus. Nihil minus; sed ut quam dissimiles sibi sint Cenfores in antiquitatis judicio æstimando appareat. Scripturam videamus: *Multis in locis*, inquit Cenfor, *perspicue contrarium testatur.* At loca, quæ citat, & pauca sunt, & non dico non perspicua, sed plane ad rem non facientia. Nam locus Rom. 7. 30. *Quos enim vocavit, illos etiam justificavit, & quos justificavit, eos etiam glorificavit;* De vocatione incredulorum ad fidem non agit, sed de vocatione eorum, qui credunt & Deum diligunt, ad crucem & afflictionem, ergo de justificatione eorum, qui ut credentes & diligentes Deum semper supponuntur. Nisi hoc pro certo statuatur, aut, si cum Cenfore asseratur, per vocatos intelligi hic eos, qui semel efficaciter ad fidem sunt vocati, & hos tales sic semel vocatos eo modo justificari a Deo, ut semper justificati maneant (de constantia enim justificationis Cenfor hic agi vult) tum sequetur alterutrum horum; aut fideles istos vocatos incidere non posse vel nun-

Tota pene
Antiquitas
credidit Fide
justificantem
& gratiam
regenerantem
totaliter ac fi-
naliter amitti
posse,

Locum ad Ro-
man. 8. 30.
contrarium
non statuere
vincitur,

EXAMEN CENSURÆ

quam incidere in ejusmodi peccata, quæ peccata contra conscientiam dicuntur; aut, quando in ea incidunt, & in iis longo tempore perseverant, nihilominus justificatos esse ac manere; quo utroque nihil absurdius dici potest, & in Deum ac sanctam ejus religionem injuriosius, uti suis locis demonstratum est. Utrumque hoc absurdum vitatur expositione Remonstrantium, si nimirum vocatio hæc de eorum, qui Deo credunt, vocatione ad crucem accipiat. Sic enim vis orationis Apostolicæ manifesta est. Quos Deus non vocat tantum ad crucem, sed etiam justificat; iis crux ipsa cooperatur in bonum: Atqui diligentes Deum, quos Deus prædestinavit ad crucem, non vocat tantum in tempore ad crucem ferendum, sed eos etiam justificat: Ergo illis, quæ talibus, crux cooperatur in bonum. Subjicit Censor, *Unde & ibidem omnium fidelium nomine gloriatur Apostolus, quod nec mors, nec vita, nec Angeli, nec Principatus, nec potestates, &c. nec ulla creatura nos separabit à dilectione Dei, quæ est in Jesu Christo, Domino nostro, vers. 38. & 39.* At locus hic quid ad rem facit? Nam Apostolus in eo non gloriatur, quod Dei dilectio constans maneat, quomodocunque nos geramus, sive quod futurum nunquam sit, etiam si graviter peccemus, ut Deus nos æterno amore diligere desinat; sed tantum dicitur, nullam rem creatam, nullum malum, quod creatura nobis valet inferre (malum culpæ, quod contra conscientiam est, semper excipitur) tantum valiturum, ut nos, qui Deum diligimus, ac proinde non peccamus, divinæ dilectionis fructu sit frustraturum. Nec dicitur, nos, postquam semel dileximus, semper in dilectione divinâ perseveraturos: Nam ne quidem agitur hoc in loco de dilectione Dei, qua nos diligimus Deum, sed de dilectione qua Deus nos diligit. Rationes sunt, I. Quia subjectum enunciationis *Nos* supponit dilectionem nostram, qua nos Deum diligimus, uti apparet ex totius capituli filo, & speciatim ex vers. 28. II. Quia vers. 37. aperte dicitur, *διὰ τὴν ἀγάπην τῶν ἡμῶν* cujus ἀγάπης excellentia & vis deinde ab Apostolo extollitur. III. Quia vocatur ἀγάπη τῆς Θεοῦ ἡ ἐν Χριστῷ ἡμεῶν τῶν κυρίων ἡμῶν. Ineptè autē nostra dilectio, qua nos Deum diligimus, appellaretur dilectio Dei, quæ in Jesu Christo Domino nostro est. IV. Quia scopus Apostoli est ostendere diligentibus Deum, qua talibus, omnia in bonum cedere, uti ex vers. 28. apparet, & ex sequentibus, cum tales justificari à Deo dicit, vers. 33. cum Christum pro iis interpellare ait, &c. Quare idem subjectum hoc in loco ut statuatur ratio postulat. V. Quia alioqui dixisset Apostolus id, quod falsum esse ex aliis Scripturæ locis manifestum

Ad Rom. 8. 38. 39. non agi de dilectione, qua nos Deum diligimus, sed de dilectione, qua Deus nos ipsum diligentes diligit, ratio- nibus aliquot probatur.

manifestum est. Nam Scriptura disertè affirmat Matth. 24. 12. futurum ultimis diebus ut *caritas multorum refrigescat*. Refrigerationem autem intelligit eam, cui perseveratio ad finem, quæ salutem sibi annexam habet, opponitur, uti ex vers. 13. statim subjuncto liquet. Apoc. 2. 4. 2. Tim. 4. 10. Breviter, nec de dilectionis nostræ, nec de dilectionis divinæ constantiâ simpliciter gloriatur Apostolus, sed de dilectionis divinæ constantiâ, quâ Deus versatur circa Fideles ipsum diligentes, officium suum sedulo facientes, & in mediis afflictionibus ad finem usque perseverantes. Quare, si peccent fideles, & ab officio suo faciendo desistant, & Deus illos, quæ tales, odio habere incipiat, manet nihilominus constans Deus in istâ dilectione, & vera hæc Apostoli gloriatio. Nisi hoc statuatur, alterutrum statuendum erit; Aut eos, qui jam diligunt Deum, non posse incidere in peccata, quæ contra conscientiam sunt de quibus affirmatur, quod nos ex regno cælorum excludant; aut si in ea incidunt, eos nihilominus tamen dici jure posse Deum diligere. Neutrum Christianus admittet. Eadem est sententia loci Johan. 10. 29. *Oves meas nemo rapiet è manu meâ*. Nam per *oves* intelligi istic fideles Christi Discipulos, Christo indivulso adhærentes, & in fide Christi morientes, planissimum est. Nam de ovibus istis agitur, quibus Christus vitam æternam dat, quæ in æternum non peribunt. Rapere itaque ex manu Iesu Christi est istos in fide Christi mortuos, & sic, veluti depositum, manibus Christi concreditos, ut eos aliquando in vitam suscitet, in morte & damnatione detinere, & efficere quo minus ex morte in æternam vitam à Christo suscitantur, & sic æternum pereant. De raptu itaque diaboli, quo illos ad peccandum sollicitare, & sic è Christi manibus ad se pellicere potest, hic non agitur. Tales enim non rapiuntur, sive ἀρπαζονται ex manu Christi, sed sponte suâ sive aurem præbentes illecebris diaboli, ex manu Christi exeunt, & diabolo sese dedunt, quos ἡττανόητες vocant Græci, quod Christus indicat Iohan. 6. cum 70. discipuli penè omnes offensi Christi oratione, à Christo secessissent; duodecim enim Apostolos rogabat, *Num & vos vultis abire?* q. d. id in manu vestrâ est; ego invitos non teneo, quamquam de vobis meliora spero. Aliud est seducere, aliud rapere. Eo ipso quod quis seducit aliquem, non rapit eum. Seducendo enim efficit ut is ultro ac sponte Dominum deserat, & ab eo regi, pasci & gubernari nolit, ab ipso aufugiat, & doctrinam ejus respuat. Locus, qui ex Matth. 16. 18. desumptus est; *Porta inferorū adversus Ecclesiam non prævalebunt*, eundem cum præcedente sensum.

Locum Ioã. 10.
29. pro Cen-
fore non face-
re evincitur.

Locum
Matth. 16. 18.
pro Cenfore
non facere
prolixè de-
monstratur.

EXAMEN CENSURÆ

fenſum habet. Portæ enim inferorum, ipſos Inferos ſive mortem ſigni-
ficant; Eccleſia itaque hic ſignificat tum ſingulos fideles, tum non niſi
fideles in fide Chriſti mortuos. Contra eos enim mors in æternum non
prævalebit. Per *portas autem inferorum*, ſive *πύλεις ᾗδης* intelligi idem
quod per *portas mortis*, per portas umbræ mortis, docet Locus Elaiæ, ubi
phraſis hæc tantum ſemel adhuc occurrit cap. 38. 10. *Vadam ad portas*
inferni. Sic enim 70. verterunt *πορεύσμαι ἐν πύλεις ᾗδης*, id eſt, moriar
vel vado ad tumulum ſive ſepulchrum, uti vocem *ᾗδης* hic exponunt A-
rias Montanus, Santes Pagninus, Franciſc. Varabluſ, & Sebaſt. Munſte-
rus: Eodem ſenſu phraſin hanc uſurpatam legitimus duobus in locis
Scripturæ Apocryphæ, quos idē citamus, quia ex itis colligi poteſt,
quo ſenſu phraſis iſta olim uſurpata fuerit, Sap. 16. 13. *Tu vitæ neciſque*
potēſtatem habes, ad portas inferorum deducis & reducis. 3. Mach. 5. verſu
ultimo, *ut interventu ſuo miſereretur eorum, qui jam ad portas inferni perve-*
nerant. Hoc ſenſu dixit Homerus Ὀδυσσ. ξ 14.

Εχθρὸς γὰρ μοι κείνος ὁμῶς αἰδᾷο πύλησιν,

ὃς ἔπειρόν μ' ἐν κέυθει ἐνὶ Φερίσιν, ἄλλο δ' ἐβάζει.

Odi illum ſicut inferni portas,

Qui aliud corde premit, quam ore promit.

Quare, cum ex phraſi hac, *portæ inferorum non prævalebunt adverſus Ec-*
cleſiam, concludit Cenſor, nunquam fieri poſſe, ut ii, qui ſemel credi-
derunt, fraude aut verſutiâ diaboli in peccata, & ſic in periculum mor-
tis adducantur, valdè à ſcopo loci aberrat. *ᾗδης* enim nunquam in Scrip-
turis ſignificat diabolum, aut diabolicam fraudem, ſed, uti Viri docti
non pauci obſervant, ſtatum ac conditionem mortuorum, ſeu mortis ip-
ſius dominium, vide Elai 28. 15. Proverb. 2. 18. Apoc. 20. 13. ubi legi-
tur, *Mors & infernus reddiderunt mortuos quos habebant, & judicatum*
eſt de ſingulis ſecundum opera eorum. Infernus autem & mors conjeſti ſunt
in ſtagnum ignis, quæ eſt mors ſecunda. verſ. 10. dicitur etiam ipſe diabolus
conjeſtus in ſtagnum ignis & ſulphuris, &c. Senſus itaque loci huius ſim-
plex eſt idem qui horum, qui credit in me non morietur, & etiam ſi mortuus
fuerit, vivet, Non perdetur æternum: Tranſiit jam de morte in vitam, id
eſt, tam certò aliquando tranſibit, ac ſi jam tranſiſſet. Illum ergo non per-
dam, ἀπολέσω, inquit Chriſtus ipſe, ſed ſuſcitabo ultimo die. Hæc itaque duo
loca planè ſunt ἀπεροσδιόνοτα. Quia verò ad cætera, quæ citari ſolent, lo-
ca, inquit Cenſor, excipi ſolet à Remonſtrantibus, in illis tantum indica-
ri, neminem fidelem à Chriſto ſeparatum iri, aut periturum per majorem
potentiam,

potentiam, quam Christi sit, non autem indicari eos per propria peccata à Dei caritate aut è Christi manu non exituros; Hinc ad illud respondet per $\pi\epsilon\delta\alpha\lambda\mu\psi\iota\nu$: Absurdum hoc est, inquit, Nam nemini verè fideli hoc in mentem venire potest, quod Satan aut mundus sit potentior Deo, ut filios ejus invitos invito ei possit eripere. Bone Deus! Quam crudè hæc dicuntur! Morti, inferno, diabolo ut Principi mortis atque inferni, potentia, $\delta\upsilon\alpha\mu\iota\varsigma$, $\iota\sigma\chi\upsilon\varsigma$, tribuuntur figuratâ loquendi ratione; non quod potentia propriè aliqua à morte aut inferno adhibeatur contra Deum, si homo sub mortis potestate, sub inferni vinculis maneat; sed quod destructio hominis, & destructi in cineres & pulverem redactio, aliquid videatur simile potentia, cum propriè nihil aliud sit quam privatio, cujus nulla per se efficacia est, sed quæ efficax tum creditur, cum tolli non potest.

Morti, inferno quo sensu tribuatur potentia sive vis, rapiendi &c.

Sed esto, cruda hæc oratio transeat: Quid deinde sibi vult ratio hæc, *Quia nemini verè fideli hoc in mentem venire potest*, &c. Esto. Quasi verò hæc à Christo propter vere Fideles tantū dicta fuerint. Nam propter alios etiam dicta fuisse textus non obscure arguit. II. Posito quod propter fideles tantum ista dicta fuerint, quasi quisquam crediderit, idcirco ista sic dicta esse, quia vere fidelibus in mentem venire potest, quod Satan aut mundus sit potentior Deo. De Christo agitur, non de Deo. De Christo, inquam, qui cum infirmo, vili & abjecto schemate inter ipsos versabatur, qui iisdem quibus cæteri homines, infirmitatibus obnoxius erat, & qui de se ipso prædicabat, quod oves suas nemo rapturus esset è manibus suis. Quid? an iis, qui recens ad religionem Christi accesserant, & verè etiam Jesum pro Prophetâ & Messîâ promisso receperant, in mentem venire non poterat, an ille potentia tali valeret, ut sectatores suos ultimo die ex faucibus Satanæ, mortis & inferni posset liberare? Quid ni? Nulla dubitatio promptior, nulla hæsitatio faciliior. De Deo, ut id ipsis in mentem veniret, absurdum est, & hoc indicat Christus, cum id idcirco fieri non posse affirmat, *quia ipse & Pater unum sunt*: quasi dicat; De potentia Patris nemo dubitat, de meâ ne quis dubitet, hoc unum sufficere debet, quod Pater mihi universam potentiam suam dederit, qua ego idem possum quod Pater meus. III. Obscura est oratio ista, *Nemini verè fideli hoc in mentem venire potest*, &c. Nam verè fideli, qua vere & actu in Christum credit, id est, Christum habet pro eo qui divinâ ista potentia præditus est, ut id in mentem veniat, sane absurdum est. Sed vere fideli, non quâ, sed qui verè fidelis jam est, in mentem aliquando ejus-

Expenditur exceptio Censuris, qua dicit, Nemini verè fideli in mentem venire posse, quod Satâ aut mundus sit potentior Deo, ut filios ejus invitos invito ei possit eripere.

F ff

modi

EXAMEN CENSURÆ

Ostenditur
causam soli-
citudinis fide-
lium, quam
Censor adfi-
gnat ineptam
& ridiculam
esse.

modi hæitationem & dubitationem venire posse, quid absurdi in se habet, nedum impossibile? Inter varias, quæ mentem fidelis hominis agitare possunt, dubitationes, cur ista etiam dubitatio, non dico de Deo, sed de Christo, imprimis in statu isto humilitatis, venire non poterat? Nec impossibile, nec omnino absurdum videri deberet, si dubitatio ista diceretur etiam hoc tempore in mentem aliquando venire posse fidelibus de Christo, licet jam exaltato & ad dextram Dei Patris posito. Quocirca assertio hæc Jesu Christi clypei instar esse debet, quo contra dubitationes ejusmodi muniti semper maneamus. *Sed hoc erat, inquit, quod eos sollicitos habere potuit, nempe, ne per mundi aut Satana persecutiones aut insidias à salute abducerentur, aut à Christo deficerent.* Nempe, hoc erat, mi Censor, quod eos sollicitos habere debebat! Quid? An ergo ulli vere fide- li (ut te verbis tuis compellem) hoc totum in mentem venire potest, quod videlicet Satan aut mundus potentior sit in seducendo, quam Deus est in conservando fidem in fidelibus suis? Quod suasio diabolica plus possit, quam potentia illa Dei, quæ nec creatione, nec suscitatione minor est, qua fidem in suis electis efficit & conservat? Quæ ratio sollicitudinis? Cur solliciti sint de persecutionum, insidiarum & artium diabolicarum vi, qui credunt hæc sequentia? I. Electos perire non posse. II. Electos contra artes & fraudes Satanæ sic conservatum ire à Deo, ut seduci non possint totaliter nec finaliter. III. Electis nulla peccata quæcunque committunt, aut commissuri sunt ullo unquam tempore imputatum iri à Deo: IV. Se vere ex istorum Electorum numero esse. Stulta sane foret sollicitudo defectione à Christo, quam tales conciperent. Fundamentum hoc Dei stare norunt, Electos Dei filios à diabolo nunquam in errores, qui ipsis exitiales, aut peccata, quæ ipsis lethalia sint, abduci posse: Extrema tentet diabolus, fallat, seducat, premat, affligat, obruat electos istos, frustra semper erit; Quos semel elegit Deus, eos gratia sua excidere nunquam sinit. Promissiones ut adhibeantur contra sollicitudinem istam, vanissimum est. Sola illa scientia, quod electi totaliter & finaliter nunquam excidere possint gratia Dei, in quæcunque demum peccata incidant, sufficit ad sollicitudinem omnem eximendam ex animis eorum. Promissiones inde vim habent, imo, si recte videas, supervacaneæ sunt: Decreto enim isto stante, promissio, qua promissio, vim nullam habet, dicis tantum causa ut fiat necesse est. Quare, quæ ad hanc Remonstrantium exceptionem respondet Censor, vana sunt & nullius momenti. Locum Luc. 22. 31. jam ante excussi-

excussimus; Quod sequitur ejusdem farinae est. Ideo, inquit Cenfor, & Scriptura alibi hoc quoque apertius pronuntiat, ut fidelibus omnem scrupulum adimat, quemadmodum Ioa. 4. 13. Qui biberit ex aqua illa, rursus sitiet, sed qui biberit ex aqua quam ego dabo ei, non sitiet in aeternum, sed fiet in eo fons vitae saliens in vitam aeternam. & Ioann. 6. 49. Patres vestri comederunt manna ac mortui sunt; & vers. 5. Si quis ederit ex hoc pane, vivet in aeternum. Quid, an Christus hic apertius enunciat, Cenfor, id quod tu ais? Atqui oratio haec tota est figurata, quæ nisi in propriam resolvatur, obscura est, & neutiquam argumentativa: ut autem ex ea efficias quod propositum habes, necesse est ut eam in hanc propriam resolves, Qui semel credidit, id est, semel fide à Deo donatus est, is semper manet fidelis, ac proinde aeternum etiam vivet: At hanc esse propriam illam orationem, quam Christus sub metaphora illa intelligi voluit, probandum tibi fuerat. Qua, quæso, specie id fiet? Enim vero, quid vetat verba accipere hunc in modum; Ista aqua non sufficit restinguendæ corporali siti in universum. At doctrina mea, quam ego de cælo nomine Patris mei adfero, talis est, ut, qui eam semel animo suo recte imbibit, ex ea abunde haurire possit, quod restinguendo universo animæ suæ desiderio sufficit: Nihil amplius, nihil melius cupiet aut optabit, si modo eam in animo suo retineat nec revomat: Doctrina ista non absumitur, sed imbibita semel instar fontis perennis erit, unde consolationum rivi perpetui manabunt, quorum terminus erit ipsa vitæ æternæ fruitio. Hoc modo exposita verba aliud nihil continent quam descriptionem Evangelii Iesu Christi, ab innata ejus vi atque efficacitate, ad explendum totum hominis appetitum, spe tam excellentis boni, ut supra nihil desiderari unquam possit; non vero descriptionem fidei, quasi vid. eum, qui semel credidit, semper fidelem manere necesse sit, ob fidei vivificam & semper manentem qualitatem. Tum ratio manifesta probat, fieri non posse ut isto, quo Cenfor vult, sensu verba hæc Christi accipiantur. Nam certum est, eum qui semel credidit in atrociora peccata incidere, & in iis aliquandiu sine poenitentia perseverare posse. Hoc autem si ita est, tum ex ista Cenforis interpretatione sequeretur, eum qui credidit, in mediis ejusmodi peccatis vitæ æternæ spe plenum permanere, & gratiam ad salutem sitire non posse, aut ut sitiat opus non habere, quod absurdum sane palpabile est, directe enim contrarium legitur Ezech. 18. & 33. ubi diserte Deus affirmat, justum si defecerit à justitia sua, & fecerit iniquitatem, moriturum nec victurum esse, & 2. Corint. 10. 5. ubi plerosque eorum, qui eandem cum cæteris

Ostenditur locum Ioa. 4. 13. inepte citatum esse à Cenfore.

Paraphrasis loci.

Idem rationibus aliquot evincitur.

EXAMEN CENSURÆ

escam spiritualement ederant, & eundem spiritualement potum biberant; Deus non approbasse dicitur: prostrati enim sunt, inquit textus, in deserto. Adde, quod mos Scripturæ S. & Scriptoribus pene omnibus familiaris sit, actui aut qualitati uni alicui solitariæ & semel positæ, effectum totalem salutis & beatitudinis attribuere, quem ex eadem Scriptura constat ei non competere, nisi quatenus aliis qualitatibus juncta est, & ad finem usque durat, quo sensu dicta ista omnia accipi necesse est. Sic actui unico fidei, sic paupertati Spiritus, sic mansuetudini, misericordiæ, caritati & dilectioni fraternæ passim Scriptura adscribit salutem & beatitudinem æternam: cum tamen eis, nec solis, nec semel tantum positis, salus competat, sed conjunctis cum cæteris virtutibus, & positis tum, cum iudicium futurum est. Hinc disertè Servator ait, Caritas multorum refrigeret, sed qui perseveraverit ad finem usque, is servabitur. Matth. 24. 12. & Nos sumus Christi participes facti, si modo principium substantia (id est fidei) ad finem usque firmum retineamus. Hebr. 3. 14. Et hoc confirmatur non obscure ex contrario, quando vid. iis, qui non credunt, qui non faciunt opera misericordiæ & caritatis, eadem Scriptura tribuit, quod salvandi non sint, quod eorum non sit regnum cælorum, &c. Non quod iis hoc tribuat eo quod semel actum unum incredulitatis patravertunt, sed eo quod in incredulitate persistunt, & ab impietate sua se abduci non sinunt. Eadem ratio hic locum habet. Et sane, is ipse, quem Censor citat, locus ex Ioan. 11. 23. non obscure id confirmat: Christus enim ibi seipsum vocat resurrectionem & vitam eo sensu, quod is, qui in ipsum credit etiamsi fuerit mortuus, victurus sit (per ipsum scilicet) & qui vivit & credit in eum (id est, qui vivus deprehendetur tum, cum ipse mundum judicabit, & mortuos in vitam suscitabit) non moriturus sit in æternum; sic enim verba hæc accipiendæ esse evincitur ex locis istis, ubi fideles mortui primum suscitandi, & vivi non suscitandi ex morte sed immutandi esse dicuntur, & sic in æternum non morituri. 1. Cor. 15. 51. 52. & 1. Thes. 4. 15. 16. 17. Quod enim Censor verba ista, Omnis qui vivit, exponit nempe vitam hac spirituali, id absurdissimum est. Nam sic non apparet, quomodo statim deinde addat Christus, & in me credit: Sic enim vitam istam spiritualement fidem illam præcedere dicendum foret, nisi fortasse particulam & (ἐν) ἐξυμνω, sive pro, id est, positam esse velit, quod nulla verisimili ratione nititur, imò vim & emphasin orationis Christi plane enervat. Christus enim opponit in ea rō vivere, ei quod ante dixerat, Etiamsi mortuus fuerit; Deinde expositio ista etiam

Sensus loci
Ioan. 11. 25.

etiam directè repugnat tum universæ Scripturæ Sacræ, ac nominatim duobus istis jam ante citatis locis ex Ezech. 18. & 33. ubi Deus justum (quem vita spiritali vivere certum est) si defecerit à justitiâ sua, mortuum esse, addito juramento, affirmat; tum rationi manifestæ, quam jam aliquoties adduximus, quod vid. alioquin necessariò statuendum sit, fidelem, cum in gravissimis & atrocissimis peccatis & sceleribus aliquamdiu sine pœnitentiâ vivit, manere tamen semper vita spiritali præditum, quo nihil absurdius dici potest: Perperam verò ad id confirmandum adducitur locus ex Apoc. 20. 6. *Beatus & sanctus qui habet partem in resurrectione prima, in eum mors secunda non habet potestatem:* Nec enim prima ista resurrectio, de qua Ioannes loquitur, est resurrectio spiritalis ex morte peccati, uti Censor exponit, cum majusculis literis scribit, *Hæc resurrectio*, sc. ex morte spiritali, vocatur *resurrectio prima*: Manifestum enim est ex vers. precedenti per primam resurrectionem intelligi, resurrectionem eorum, qui in fide Iesu Christi mortui sunt, sive, uti textus ait, *qui securi percussi fuerunt, propter testimonium Iesu & propter sermonem Dei*, quos resurrecturos, & mille annis cum Christo regnatos dicit Ioannes prius quam reliqui fideles ex mortuis resuscitentur, additque, *Hæc est resurrectio prima*. Quomodo & quo sensu id affirmet Ioannes non est necesse hic exponere: Certum & clarum est, resurrectionem istam primam vocari resurrectionem eorum, qui in fide Iesu Christi mortui sunt, non autem, ut vult Censor, eorum, qui in vitam spiritualementem resuscitantur. Hos enim semel suscitatos peccare, & propter peccata sua mori iterum posse, & in eos secundam mortem potestatem iterum habere posse, loca Ezechielis Sole clarius demonstrant, & Scriptura ubique clamat. Nec minus ineptè allegatus est locus Ioan. 6. vers. 49. *Patres vestri comederunt manna & mortui sunt; At si quis edierit ex hoc pane, vivet in æternum.* Nam locus iste non agit de vita spiritali, quæ morti spiritali, sed de vita æternâ, quæ morti illi quam Manna aut tollere aut impedire non poterat, opponitur. Nec opponitur beneficium Christi beneficio Mannæ, in eo quod Christus suos in vita spiritali conservet, id est, efficiat ut qui semel edit, id est, credidit, in fide ista semper maneat, neque unquam ex ea excidat, quod Manna non poterat efficere in iis, qui Mose sese semel addixerant; Nihil minus; sed in eo, quod Christus suos fideles istâ vita donet, ut aut morituri nunquâ sint, aut, si mortui sint, iterû reviviscant, & in æternum permaneant: cum Manna, quam ederant etiam ipsi fideles Israelitæ in deserto, id effi-

Perpera allegatio loci Apoc. 20. 6. redarguitur.

Quid sit resurrectio prima in prædicto loco.

Inepta citatio loci Ioa. 6. 49. redarguitur.

EXAMEN CENSURÆ

Examinantur
duo palmaria
Censoris loca.

Primus locus
est ex 1. Epist.
Ioannis cap. 2.
quem pro
Censore non
facere, ratio-
nibus aliquot
evincitur.

cere non posset. Et si enim aliquandiu in vita eos conservabat, tandem tamen mortui sunt omnes, & nemo ejus beneficio aut usu, à morte immunis est præstitus, nemo in vitam revocatus est, aut ullo unquam tempore revocandus erit. Semper itaque in hoc sermone Christi supponitur fides in iis, qui victuri per Christum dicuntur, & fides quidem durans ad illud usque tempus, quo vita ista æterna, de qua Christus loquitur, conferenda est. Sed jam tempus est, ut ad palmaria duo loca examinanda, quæ superbè pro causa sua jactat Censor, accedamus. Sed quid multis, inquit, immoramur? Ioannes in 1. Epist. sua argumenta irrefutabilia adversus Apostasiam hanc suppeditat. Exiverunt, inquit, ex nobis, sed non erant ex nobis, si enim ex nobis fuissent, mansissent utique nobiscum, Sed (hoc factum est sc.) ut patet non omnes esse ex nobis. Vertite vos in omnes formas Remonstrantes, nunquam hujus argumenti vim eludetis. Euge! Triumphum video. Nullus locus est, in quo minus præsidii pro causa Censoris est. Age, & rectà eamus in hostem: Nec enim ut nos in formas varias, nedum in omnes vertamus necesse est, ut tam imbellem arcem expugnemus. Ac primò quidem nullum ex hoc loco argumentum exstruitur sed nudum eum tantum citat Censor, quod sane non est disputare ex locis, sed loca legere. Nec mirum: Impossibile est, ut argumentum ex hoc loco formetur: Nam ex quibus verbis id formabitur? An ex primis, Exiverunt ex nobis, sed non erant ex nobis? At quid ex iis aliud concludi potest, quam Antichristos illos non aliunde ad illos delatos; sed ex medio eorum cætu, cujus aliquando membra fuerant, ortos & profectos fuisse; sed tamen non fuisse, antequam se tales Antichristos profiterentur, eo animo erga Christi doctrinam affectos, quo oportebat, sed ab iis quibuscum versabantur, aut alienatos, aut iis planè dissimiles. Ecquid verò ex isto sensu pro causa sua concludere potest Censor? Dices; Indicari eos defecisse à Christo, quia non erant electi ad vitam, vel viva fide donati, ut Apostoli & alii verè fideles. At I. Nec phrasim, Exiverunt ex nobis, postulat, ut explicetur per defecerunt à nobis: Significare enim potest, & revera significat aliud nihil, quam ex medio nostri surrexerunt, ex nostro cætu profecti sunt, ut conveniat cum eo quod legitur, Act. 20. 30. Ex vobis ipsis (scio) exorituros vel surrecturos qui perversa loquantur, ut discipulos post se abstrahant; & Act. 15. 24. Audivimus quosdam à nobis egressos, ἐξ ἡμῶν ἐξελθόντας, vos turbasse verbis. Ut jam alias significationes hic non allegemus. Sed & posito per phrasin, egredi ex nobis, hic significari ab Apostolo, defecerunt à nobis, phrasim sequens,

seguens, *Non erant ex nobis*, non significat necessarid, Nunquam fuerunt ex nobis, sive nunquam fuerunt verè fideles & Christiani: Nihil minus; Sed significare potest, jam animum suum mutaverant. Non amplius erant, quales antea fuerant. Et sanè id omnind phrasis hæc significare videtur, quod indicat præteritum imperfectum, quo hic utitur Apostolus. 2. Particula adverbialiva *Sed*, non erant ex nobis: Alioquin enim dixisset; Quia non erant ex nobis: Quis enim sic loquatur; Iste claudicat, sed alterum pedem breviorē habet; Ille barbare loquitur, sed non didicit grammaticam? Nunc autem hic sensus est hujus orationis: Orti sunt ex nobis, sed ne cui hoc mirum videatur, jam esse desierant nostri, jam alienaverant fidem & animum suum à nobis, atque hæc discessionis à nobis causa fuit. III. Ratio etiam manifesta id evincit. Nam, si tales in principio fuerant, nulla ratio dari potest, cur cætui isti Christianorum sese adjunxerint, cum Apostolus disertè eos idcirco non mansisse in cætu isto concludat, quia non erant ex ipso cætu, sive cætui isti addicti. Sanè, si hæc ratio Apostoli militat, uti militare apud nos debet, etiam ista ratio nostra ut militet necesse est. Sed, ut ejus vis clarius elucescat, sequentia verba expendemus, quia in iis fortè robur & vim argumenti sui, Cenfor collocat: Conjectura enim nobis opus est; quia Cenfor ipse argumentum nullum facit: *Si enim ex nobis fuissent, mansissent utique nobiscum*. Ex his enim verbis hoc efficere vult Cenfor, eos, qui semel verà fide cum Apostolis donati sunt à Deo, semper vera fide præditos manere, & contra, eos, qui à fide deficiunt, vera fide præditos nunquam fuisse. At, quam infirma & inconcinna hæc sit collectio, ratio ipsa statim indicat: Nam textus dicit, illi *mansissent nobiscum*: Non dicit simpliciter, illi mansissent tales quales erant aut fuerant semel; sed *mansissent nobiscum* in cætu nostro. Inde enim sic colligo: Si Apostolus id indicare hic voluisset, quod Cenfor eum indicare vult, sequeretur necessarid, eos, qui semel verè fideles sunt, etiam semper professione tales manere, sive ab externo Christianorum cætu, cui semel se junxerunt, nunquam sese segregare, quod absurdum esse fateri cogitur Cenfor, si consentaneè suis loqui vult. Et quid? an non fieri potest, ut sancti aliqui, vel infirmitate aliqua abrepti, vel metu & pudore obfessi, vel vi adacti, vel etiam sponte sua eo usque perveniant, ut cum hæreticis & adversariis Christi conspirent? Sanè, si fieri potest ut in profanam & dissolutam vitam prolabantur, cur nō possent prolabi ad id quod minus est, id est, ad externam professionem, quæ veræ Christianæ Religionis.

EXAMEN CENSURÆ

ligionis professioni contraria est? Sanè, Petri exemplum satis evincit contrarium, & Contra-Remonstrantes in collat. Hag. pag. 54. fatentur disertè, *verè credentes posse eo usque prolabi, ut Ecclesia, juxta constitutionem Christi, cogatur testari se ipsos in externa sua communione non posse tolerare, &c.* Cæterum, Apostolum Ioannem istis verbis aliud nihil, quam id quod indicavimus concludere, sic ostendimus: Aut volumus illum de mansione illà agere, quæ interna est, sive quæ dicitur mansio in vera fide, aut de externâ tantum, quæ est mansio in professione. Si de illa eum agere velimus, tum sic concludet Apostolus; Si fuissent ex nobis, id est, si fuissent verè fideles ut nos, tum permanserunt in ista fide nobiscum: At non permanserunt in ista fide nobiscum; Ergo. At verò, ut hæc collectio Apostoli constet, statuendum est Apostolum affirmare, Illos antea fideles non fuisse, propterea quod non permanerent in verâ fide. At utrumque ignotum erat Apostolo, quod verè fideles antea non fuissent, ac proinde an in fide non manerent, etiamsi à fidelium cætu sese separarent. Id apparet ex eo, quia Apostolus statim addit, *Sed hoc factum est, ut appareret non omnes esse ex nobis* (sic enim Cenfor textum citat) Eo ipso enim significat, ex illâ discessione cognitum & manifestatum fuisse eos in fide non manere, quod antea ignotum & occultum erat: At ex discessione non poterat concludi eos à fide deficere, Ergo de mansione in fide vera hic non agitur. Restat ergo ut concludamus locum hunc, in quo tanquam in palmario triumphat Cenfor, locorum omnium qui pro ista sententia citari solent, infirmissimum esse, & nihil habere quod vel in speciem Cenforis causam juvat: Sensus enim ejus alius nullus est, quam Antichristos illos, qui ex ipsis Christianis, inter quos versati aliquandiu fuerant, surrexerant, discessione sua à cætu isto Christianorum testatum fecisse, quod non essent amplius tales, quales fuerant aut videri voluerant. Non quasi inde sequatur, aut quasi inde sequi indicare voluerit Apostolus, quod nunquam verè fideles fuissent: Nihil minus; fieri enim poterat ut vel tum, vel paulo ante quam discederent, & Antichristos se profiterentur, animum suum mutassent, & à religione Jesu Christi alienassent: Et sanè, hoc videtur indicare quod sequitur, *Sed non permanserunt nobiscum*, vel hoc factum est, quod discesserunt à nobis, ut manifesti fierent (non enim legitur in textu ut Cenfor citat ut appareret, aut ut manifestum fieret) quia (ōt enim hic rationalis particula est) non sunt omnes ex nobis, id est Hebræa phrasi, nulli istorum Antichristorum sunt ex nobis, sed nobis & doctrinæ isti, quam

quam nos tenemus, favere desierunt. Nam per discessionem istam manifesti facti fuerunt, quales videlicet jam essent, at per eam manifestum non fiebat (nedum ut ordinariè manifestum fiat, ut Calvinistæ interpretes ad hunc locum notare solent) eos vera fide præditos nunquam fuisse, uti jam ostendimus. Alter locus est desumptus ex ejusdem Epistolæ cap. 5. vers. 4. *Quicquid ex Deo genitum est, vincit mundum, & hæc est victoria quæ vincit mundum, nempe fides nostra.* Si vincit mundum, ergo nec à mundo plenè seducitur, nec à Christo abducitur. Quam parum præsidii etiam in hoc loco positum sit, prolixè à Remonstr. in Actis & Scriptis Synodalibus, demonstratum est, & hic satis ipse Cenfor indicat, cum prædicatum enunciationis hujus Apostolicæ, *vincit mundum*, exponit per *non plenè seducitur à mundo, nec à Christo abducitur.* Nam hac expositione significat se concedere, phrasin illam non tam rigide accipiendam esse quam sonat, sed amuleto opus habere, ne hypothesein suam evertat, & experientia manifestæ reclamet. At hac ipsa expositione sua non parum emphasin hujus Apostolicæ enunciationis & argumenti sui vim enervat. Nam I. textus non dicit, Quod is, qui ex Deo natus est, non plenè vincatur; Imo diserte non negat tantum quod vincatur, sed contra affirmat quod mundum vincat. Quid? an vincit mundum qui à mundo, etsi non plenè, vincitur? an seductiones superat, qui à seductionibus, licet non plenè, abducitur? Certè non dignè explicat tam prægnantem sententiam, qui eam tam dilutè explicat. II. Quid hoc est, Non plenè seducitur, nec à Christo abducitur? An non plenè seducitur, qui in errores fundamentales, & in peccata contra conscientiam, eaque gravia & enormia abducitur, in iisque aliquamdiu sine poenitentia hæret? At regenito id accidere posse fatetur Cenfor. III. Contrarium patet ex duobus locis, ut jam alia non allegem, quæ plura & penè innumera sunt, I. ex Epistolæ ad Rom. cap. 7. (quem idcirco allegavimus, quia in eo de regenito agi adeo solícite ubique urget Cenfor, ut pene capitale censeat ei contradicere) ubi Apostolus vers. 23. diserte affirmat, *se videre aliam legem in membris suis, belligerantem adversus legem mentis suæ, & captivum eum reddentem legi peccati, &c.* Qui à lege peccati sic vincitur, ut captivus fiat legi peccati, adeoque, uti vers. 14. ait, venditus sit sub peccatum, an non plene vincitur à mundo? Dicere hoc loco de plenaria victoria non agi, eo quod expresse in eo affirmetur eum, de quo loquitur Apostolus, *facere malum quod non vult, & condelectari legi Dei quoad interiorem hominem*; nihil est: Nam hoc ipsum signum est

Secundus locus est ex 1. Epist. Ioh. cap. 5. 41 & in eo Cenforis sententia præsidium frustra queri prolixè ostenditur.

G g g

de plena

EXAMEN CENSURÆ

de plena victoria istic agi, quod vid, ipsam mentem iudicio generali repugnantem peccato, eo quod boni cognitione informata est, non sinit dirigere voluntatem, ut actu ea, quæ recta sunt, velit, sed eam secum captivam abducit, ut quod generali æstimatione malum esse iudicat, in particulari non improbet, & sic voluntatem sub peccati dominio relinquat. Facere enim peccatum necessario secum involvit consensum mentis in particulari, & si alioquin mens æstimatione generali repugnet, ut in incontinente videre est. Omnis enim singularis actio, etiam ex mente ipsius Censoris, necessario sibi præcedaneum habet singulare & determinatum iudicium mentis practicum. Hinc Apostolus Iacobus ait, cap. 1. 14. 15. *Concupiscentia, postquam concepit (consensum sc.) parit peccatum.* Plene itaque vincitur hic, de quo Apostolus loquitur, à peccato, non tamen ea plenitudine, quæ plenitudo graduum dicitur, quasi sc. vincatur sic, ut pessimus fiat; sed quæ plenitudo partium dicitur, qualis in incontinente apparet, qui, licet intemperans non sit, dominio tamen voluptatum, aut affectuum suorum carnalium plerumque succumbit victus ac prostratus, cum virtutis actiones exercendæ sunt. II. Patet idem ex 2. Petr. 2. 18. 19. 20. ubi Petrus expresse ait, *eos, qui oīlos, id est, vere effugerant eos, qui in errore versantur, aliquando inescari per carnis lascivas cupiditates, sic ut superentur ab iis, & in servitutem earum veniant. A quo quis enim superatus est, huic in servitutem additus est.* Quid? an hi plene victi dici non possunt? Ne quis dubitet, addit Apostolus, *Facta est eorum conditio ultima deterior priore.* Nec est quod hic Censor excipiat, fidem tamen in istis manere salvam, & sic illos nihilominus reportare victoriam de mundo, quia *fides est victoria nostra*, ut inquit Apostolus. Nam sic necesse est ut fateatur, fidem consistere posse cum erroribus fundamentalibus, & peccatis contra conscientiam, eosque qui fidem abnegant, & in idololatriam & peccata contra conscientiam prolabantur, adeoque in iis perseverant aliquandiu sine poenitentia, fidem nihilominus retinere & mundum vincere; quod adeo absurdum est, ut confutari non mereatur. *Bona enim conscientia expulsa, fidei naufragium fieri*, asserit Apostolus, 1. Tim. 1. 19. At sic, inquires, evertitur tamen hæc Apostoli propositio, *Qui ex Deo genitus est vincit mundum.* Nihil minus inquam; Sensus enim propositionis huius Apostolicæ alius nullus est, quam fideles, qui fidem retinent & bonam conscientiam, solius fidei beneficio atque auxilio, de mundo & mundanis omnibus, seu voluptatibus seu afflictionibus triumphare; quia sola fides facit ut celestia & æter-

Plenitudo graduum & partium distinguitur.

Quid sit, Qui ex Deo genitus est vincit mundum.

& æterna bona ob oculos habeant, ad quæ mundus & mundana omnia bona & mala alga viliora & pluma leviora sunt; atque hoc indicat Apostolus, cum subiicit: *Quis est qui vincit mundum, nisi qui credit Jesum esse Filium illum Dei?* Ejusdem commatos est argumentum, quod Cenfor ex vers. 18. ejusdem Epistolæ desumit: *Scimus quod omnis, qui ex Deo natus est, non peccat* (nempe, ait, peccato ad mortem, de quo antecedente versu egit) sed, *qui ex Deo natus est, conservat seipsum, & malus ille non tangit eum.* Nam ista ipsa expositione, quam in parenthesi sua facit Cenfor cum *non peccare* exponit de peccato ad mortem, similiter (uti antea) satis aperte indicat phrasin Apostoli simpliciter, & prout jacet, accipiendam non esse; quo ipso iterum non leviter luxat argumenti sui nervum. Tum, nec necessitas, nec ratio expositionis hujus ulla justa dari potest. Quod enim Cenfor asserit verbum *peccandi de peccata ad mortem* intelligendum esse, quia *de eo versu precedente egerat Apostolus*, id verum non est: Nam egerat de peccato quod non est ad mortem; Itaque contrarium potius concludendum Cenfori fuerat. Imo rationes non leves sunt, cur de peccato ad mortem verbum *peccandi* hoc loco exponi non debeat, quia vers. 16. Apostolus non obscure indicaverat, fieri posse ut frater peccet peccata ad mortem: Occurrit enim dubitationi, quæ oriri poterat in animis quorundam contra id, quod dixerat verbis duobus præcedentibus de certitudine & fiducia exauditionis; Quomodo videl. verum sit, fideles semper exaudiri, vel habere petitiones suas, quas à Deo petunt, cum videamus fideles sanctos sæpe orare pro fratribus peccantibus, sed frustra: Respondet Apostolus, Causam ejus rei esse, quod fiat aliquando ut fratres sic peccent, ut Deo statutum sit eos morte punire, ac proinde eos, qui pro ipsis orant, non exaudire. Et sane, nisi dicamus fieri posse, ut frater, id est, regeneritus, sive filius Dei, ex Deo natus, adeo degeneret, ut peccet peccato ad mortem, quid singulare in se habet nostra pro fratre precatio? qua venia aut vita habet opus frater noster, qui peccat? quæ venia à nobis impetratur fratri? quæ vitam ei dat nostra precatio? quid donat ei Deus ad preces nostras? Nam non peccat, nec potest peccare ad mortem; id est, nunquam nec totaliter nec finaliter, ex mente Cenforis, gratia divina & vita æterna excidit, aut excidere potest per ista peccata quæ facit. Dices, expresse tamen Apostolum vers. 16. loqui de peccato, quod non ad mortem est: Fateor, sed per peccatum non ad mortem, neutiquam intelligitur peccatum, quod amicitiam nostram cum Deo non dissolvit, nosque in statu iræ &

Refellitur expositio Cenforis super loco 1 Jo. 5. 18. qua verbum *peccandi* exponit de peccato ad mortem.

Quid sit Apostoli peccatum non ad mortem.

EXAMEN CENSURÆ

Impunitatis
persuasio acre
ad peccandum
calcar est.

Sensus propo-
sitionis Apo-
stolicæ, Qui
ex Deo natus
est, non potest
peccare, pleni-
us elucidatur.

condemnationis non ponit; Absit, Nam ex eo ipso, quod per preces nostras, fratri peccatum istud peccanti venia & vita à Deo impetratur, contrarium satis manifeste colligitur: Sed tantum vocatur *peccatum non ad mortem*, quia tale nondum est, super quo Deus sententiam mortis irrevocabilem tulit, aut quod morte punire vult sine misericordia, cujus remissionem peti non vult à nobis, aut quam, si petatur, frustra peti hic adfirmat Ioannes. Denique, nisi concedamus fieri posse, ut, qui semel regeneritus est, peccet peccato ad mortem, & nihilominus interim concedamus fieri posse ut peccata & scelera pene omnia committat, quæ flagitiosissimi solent committere, janua certe lata aperitur sceleribus & flagitiis omnibus, quando vid. ea sine mortis periculo committi posse, & committi asseritur ab iis, quos ab iis oportebat omnium esse alienissimos. Quid vero certa & firma ista impunitatis persuasio possit, non est necesse ut multis ostendatur. Nullum calcar acrius ad incitandum ingenia nonnihil in peccatum prona, nullum pulvinar, cui suavius indormiunt, ubi peccatis & sceleribus omnibus sese efflictim pro-luerunt. Quare, rejicienda omnino est hæc Censoris parenthesis, ut jam alia non allegemus, quæ alibi à nobis fuscè allegata sunt, & fusius hic à nobis deduci potuissent, si occasionem aliquam nobis dedisset Censor: sed, quia non nisi nuda textus verba allegavit, & pro autoritate tantum sua parenthesin istam inseruit sine ulla probatione, nos etiam à pluribus hic allegandis superfedebimus; si hoc tantum addamus, Sensus propositionis hujus Apostolicæ non esse, quasi fieri non possit, ut is, qui ex Deo natus est, id est, qui animum divinæ voluntatis cognitione & amore imbutum jam habet, peccet, id est, in eum statum relabatur, in quo peccatis operam det; sed tantum eam esse naturam & indolem eorum, qui divinæ voluntatis cognitione & amore imbuti sunt, ut à peccando alieni sint, ut grave sit iplis peccare, ut peccatum oderint, fugiant & averfentur, ut diligentem sui ipsorum rationem habeant, & quæ sunt ejus generis alia. Phrasis hæc populis & scriptoribus omnibus usitata est; Quando enim subjectum qualitate aut habitu aliquo affectum prædicare volunt & extollere, ut qualitatibus & habitibus illius naturam & indolem exprimant, solent affirmare subjectum istud incapax contrariæ qualitatibus esse. Ita cum virtuosum hominem describunt, solent affirmare eum fugere vitium, odisse malum, non facere, non ferre iniquitatem; & contra, cum vitiosum describunt, omnia contraria eum facere affirmant. Non quod negare velint, eum, qui virtutis aut vitii habitu

habitu præditus est, habitum illum exuere aut excutere posse; sed tantum quod naturam & indolem habitus illius exprimere velint. Unde, quam frivolum sit, quod Censor per præoccupationem subjicit, manifeste satis colligere est. *Si quis hic excipiat*, inquit, *Non vincitur à mundo quandiu fidelis est, item servat seipsum & malus ille non tangit eum, quandiu regentis est, ille inepte excipiet; Quia perinde est ac si diceret, Quicquid natum est ex Deo vincit mundum, quandiu non vincitur à mundo, & Qui ex Deo natus est servat seipsum & malus ille non tangit eum, quandiu seipsum servat, & malus ille illum non tangit.* Nam hæc nil nisi mera cavillatio est. Orationes istæ ejusmodi cavillis semper fere obnoxie sunt, nisi ex æquo & bono æstimentur, id est, nisi habeantur, pro meris descriptionibus, quibus natura & ingenium rei cujusque exprimitur. Ita sane, si quis orationes has, Mansuetus homo non irascitur, nec potest irasci; Sincerus homo non fingit nec simulat, imo non potest fingere aut simulare; Liberalis homo non agit sordide; ad vivum velit refecare apud eum, qui statueret ex eo non sequi, fieri non posse ut mansuetus homo desinat mansuetus esse, sincerus homo fiat simulator, & liberalis deveniat sordidus aut avarus, promptam habebit cavillationem istam, quam hic Censor facit. Si hoc fieri potest, tum sensus istarum orationum foret, *Qui mansuetus est non irascitur quamdiu non irascitur, Qui sincerus est non fingit aut simulat quamdiu non fingit aut simulat, Qui liberalis est, non agit sordide quamdiu non agit sordide.* Apagesis tam fuitiles & pueriles instantias, quæ sane in Doctoribus Academicis Sophisticum potius quam veritatis studiosum animum arguunt. Virtus est vitium fugere, inquit Poëta: Hinc concludere, Ergo. *Qui virtute præditus est, non potest vitiosus fieri, quia fieret vitiosus non fugiendo vitium, At virtus est vitium fugere, Vitiligatorum foret, & eorum, qui in rebus gravibus ineptias amant: Eadem hic ratio est. Si quis concludat, Qui ex Deo natus est, non peccat, Ergo non potest desinere natus esse ex Deo, quia desineret esse natus ex Deo, peccando, inepte concluderet.* Sensus phraseos hujus, *Qui ex Deo natus est alius nullus est, quam, is qualitatem illam in se habet, quæ peccato & injustitiæ contraria est, & cujus adjumento peccatum & mundum vincere potest, & si modo animum adhibeat, actu vincit ac superat.* Eo autem non significatur qualitatem istam talem esse ut remitti non possit, & sic paulatim magis magisque deficere, ita ut contraria qualitas in locum ejus succedat. Hoc enim diserte, fieri posse indicat Ezechiel cap. 18. & 33. Scriptor ad Heb.

Cavillus Censoris refunditur.

EXAMEN CENSURÆ

cap. 6. & 10. Petrus 2. Epist. 2. Ioa. in Apoc. 2. & 3 per totum; sed tantum significatur istam esse naturam & indolem eorum, qui Dei filii sunt & vocantur, ac proinde eos, qui se tales profitentur, non ante, nec aliter, statuere de se posse ac debere, quod Dei filii revera sint, quam istam in se indolem experiantur & sentiant. Hic jam Lector mihi vide, quo jure hic superbus Magistellus & nuperus Doctor hæc loca Scripturæ evidentiā vocet, quæ audacibus & erroneis assertionibus Remonstrantium (sic enim ferè cum typho loqui amat inflatus Censor) opposita voluit.

Post hæc censentur loca quædam Scripturæ, quæ vel ad marginem Declarationis adnotata, vel in textu citata fuerant à Remonstrantibus. Ea, inquit Censor, nihil ad rem faciunt. Nam primò qui à vobis citantur, inquit, ad primum fidelium genus & eorum Apostasiam evincendam, quos novitios vocatis ex Matth. 13. & Luc. 8. evincunt quidem, esse aliquos, qui fidem profitentur, & à fide illa abducuntur, quod nos concedimus; sed quod illi, de quibus his locis agitur, attulerunt, una cum sincero adfensu, serium ac deliberatum obediendi voluntati, divina propositum, sicut hic loquimur, hoc in nullo illorum locorum dicitur, sed à vobis fingitur; imò vero contrarium à Christo asseritur, Matth. 13. 10. Luc. 8. 16. locis à vobis citatis. Quid non audent asserere superciliosi hi Magistri? Nempe, inquit, Semen verbi ab illis dicitur quidem cum aliqua lætitiā accipi, sed tamen in terra petrosa, id est, corde duro, cui Lucas opponit cor καλὸν καὶ ἀγαθόν, honestū & bonum. Imò vero, Censor, in textu nec dicitur accipi semen cum aliqua lætitiā: Vox aliqua tuum figmentum est. Nec, cum in terra petrosa dicitur accipi, in corde duro dicitur accipi. Et hoc tuū figmentū est. Nec dicitur a Luca cor καλὸν καὶ ἀγαθόν opponi huic cordi, ut cordi duro, & nequiquam bono & honesto: Et hoc tuum εὐχρημα est. Ex his vide audaciam & temeritatem tuam. Semen hoc dicitur accipi ita, ut credatur, & dicitur εὐθύς, id est, promptè accipi, & dicitur cū lætitiā accipi, sive λαμβάνειν, atque conservari usque ad tempus crucis, sic ut, si crux illud non excuteret, in corde permanens fuisse indicetur. Dicitur autem in terra petrosa accipi, vel simile semini, quod in terra petrosa satum est, non idcirco quia sicut terra petrosa dura terra est, ita etiam cor eorum, qui sic crediderunt, durū fuerit, cum semen istud reciperent: Repugnant enim hæc duo, durum cor & credere, imò recipere sermonem cum lætitiā; sed tantum idcirco, quod sicut id, quod in terra petrosa satum est, etiam si bonum & optimū semen sit, & bene satum, imò & fructum laturū esset, si ab

Redarguitur
Censuræ in-
terpretatio su-
per locis Mat-
th. 13. & Luc.
8. ubi de di-
versis semini-
bus agitur, &
nominatim de
semine, quod
in terram pe-
trosum cadit.

si ab æstu & à tempestatibus liberum maneret, tamen orto æstu Solis, aut tempestate aliqua magna, concidit & occidit; ita etiam fides hæc, licet recte & cum voluptate concepta sit, & aliquandiu duret, tamen, ubi afflictio aut persecutio oboritur, non consistit, non permanet: Similitudinem ulterius extendere est scopum ejus, qui ea usus est, non considerare, aut pro arbitrio disputare ex parabolâ, quod sophistarum est. Quando vero Lucas iis, qui ultimo loco credere dicuntur à Christo, & terræ bonæ comparantur, attribuit *cor bonum & honestum*, id non facit idcirco, quod cor eorum, qui secundo loco credere dicuntur, bonum & honestum non fuisse, quo tempore credebant, nedum durum fuisse indicare velit; sed tantum idcirco, quod cor καλὸν & ἀγαθὸν coram Deo nullum censeatur, quod ad finem usque in fide non perseverat, etiamsi aliquin ad tempus sit optimum & honestissimum, in quo pene nihil desideratur, uti ex Ezech. 18. & 33. & aliis locis manifeste videre est. Et hoc apud hominem etiam obrinet. Nihil videtur actum, inquit Iureconsulti, si quid superest quod agatur. Hinc Basilii: τὸ γὰρ ὑλίων γεγὼς & γεγὼν, Quod fere sit non sit. Tertullianus; *Nemo Christianus nisi qui ad finem usque perseveraverit*. Hieronymus; *Non quaruntur in Christianis initia, sed finis*. Augustinus de corrept. cap. 9. *Tunc vere sunt, quod appellantur, si manserint in eo, propter quod sic appellantur; bi autem perseverantiam non habent, id est, in eo, quod ceperunt esse, non manent; non vere appellantur, quod appellantur, & non sunt, apud eum enim hoc non sunt, cui notum est quia futuri sint*. Nota est distinctio boni verique in bonum & verum καλὸν & εὖ, καλὸν ἐπιμονὴ, & καλὸν ἐπίλασιν & ἀκρότητα. Non raro id quod verum bonumque est κατ' εὖ, id est, quod habet omne id, quod ad essentiam veri bonique requiritur, tamen verum bonumque non esse dicitur κατ' ἐπιμονὴν, quia non est verum bonumque permanens, ac proinde non sufficiens ad consecutionem finis ultimi, ad quem dirigitur. Et hoc sensu ultimo credentium generi tribuitur cor bonum: isto sensu, cur secundo credentium generi cor bonum tribui non possit, nulla causa est; dicere bonitatē, quæ κατ' ἐπιμονὴν dicitur, esse de essentia veræ fidei, est petere id, quod in principio, sive quæstione est, & quod Antiquitas tota ipseque adeo Augustinus & Prosper uno ore semper damnarunt, uti prolixè id in historia suâ Pelagiana probat Vossius, & ante illum alii, inter cæteros Richardus Thomson, in diatriba sua de amissione & intercisione gratiæ & justificationis cap. 2. *Reliqui loci, inquit Censor, qui notantur ex 1. Cor. 3. Gal. 1. Apoc. 2. & 3. agunt de non-*

Quid sit apud
Lucam cor bo-
num & hone-
stum.

Taxatur ex-
plicatio aut
exceptio Cen-
sorum ad loca
1. Cor. 3. Gal.
1. Apocal. 2.
& 3.

EXAMEN CENSURÆ

de nonnullis, qui se in fidei ac morum errores patiebantur abduci, de quo inter nos nulla est controversia. Quasi verò de iis tantum agant ista loca, qui incidunt in leviculos tantum errores & peccata, ut vocant, venialia, quæ errores fidei ac morum hic vocat Cenfor. Imò verò de iis agunt, qui errores tuentur cum fundamento fidei pugnantes, & per quos fit, ut transferamur in aliud Euangelium, ut Gal. 1. disertè dicitur, & in peccatis hæreamus, quæ apertè inter opera carnis censentur, quæ nos excludunt ex regno cælorum, ut ad Gal. cap. 5. dicitur, qualia sunt *ζηλῶν, ἔχθρας, διχόσυνα*, de quibus agitur 1. Cor. 4. 3. Apoc. 2. & 3. proinde quæ faciunt ut Christianus, qui in iis hæret, qua talis, à fide defecisse censendus sit. At inquit Cenfor, Spiritus S. eos ad saniolem mentem revocat, & minis ac promissionibus ad resipiscenciam invitatur: Imò verò inquam, idcirco quia Spiritus S. hoc facit, eos à sana mente defecisse, & à recta via deflexisse significat, quia per resipiscenciam in rectam viam ut reducantur, eos opus habere ostendit. Nam quid sana mente aut reductione in viam rectam opus habent ii, in quibus fidei substantia, & illud omne est ac manet, per quod æternum salvandi sunt? Quod addit, *illa non tantum esse media, per quæ improbi suæ contumaciæ convincuntur, sed instrumenta etiam, per quæ Spiritus S. in electis adhuc reliquus, & à carne penè oppressus, exsuscitatur, & homo ab erroribus illis & pravitate vitæ resipiscit*, plenum est absurditatibus: Nam ut jam de eo non dicam, quod pessimo sensu ea media esse dicit, per quæ improbi suæ contumaciæ convincuntur, de quo superius actum est, non semper sunt instrumenta, per quæ ii, ad quos ea diriguntur, actu revocantur in viam, & ad sanam mentem reducuntur, nec id factum esse dicunt textus, qui citantur, nec nisi ridiculè Spiritus S. in istis sic errantibus & male viventibus reliquus adhuc, & à carne penè oppressus à Cenfore dicitur. Quasi vero Spiritus S. id est, donum Spiritus S. quod Deus per potentiam irresistibilem hominis menti ac voluntati indidit, per quod eum salvare vult, & quod in eo per eandem potentiam conservare vult, non integrum maneat, aut à carne penè opprimatur? Sane, si id fit, aliter fieri non potest ex Cenforis mente, quam quia Spiritus S. propriam potentiam suam operationem in istis electis suis, quos vocant, suspendere vult, & sic doni illius sui influxum imminuere. At vide tum, quam ridiculum sit, si Spiritus S. deinde minis ac promissionibus utatur, velut instrumentis, ad donum istud iterum exsuscitandum in homine, id est, ad operationem suam rursus continuandum, & influxum gratiæ suæ diffundendū. Pudet tam ineptæ

Theolo-

Refellitur Cenfor, cum promissiones & minas non media tantum sed & instrumenta esse dicit quibus Spiritus S. in ipsis reliquis & à carne fere oppressus exsuscitatur,

Theologiæ. Et tamen ei subicit Cenfor, pro more suo, sarcasticam hanc
προς Φωνου, Nempe hac est consolatio qua pijs mentes afficitis, quod licet
 longo tempore in Christum crediderint, atque ei sincero cordis proposito totâ
 hactenus vitâ & bonis ac sanctis operibus serviverint, & porro servire sint pa-
 rati, tamen de perseverantia sua ac salute certi esse nondum possint, ac proinde
 dubitationem Pontificiam ac conscientiarum carnificinam nobis esse revocan-
 da; nempe, quia sanctem fidelium non ex Dei electione promissione & fidelitate,
 sed ex fragili filo vestri liberi arbitrii suspenditis. Digna certe *προς Φωνου*,
 cui alia lege talionis majori jure reponatur: Nempe; hæc est illa confo-
 latio, qua discipulos vestros palpatis Magistri nostri, quod licet in hære-
 ses & errores fundamentales, superstitionem, idololatriam, blasphemiam,
 Christi abnegationem prolabantur, adeoque in scelerum & flagitio-
 rum omnium sordibus ac cæno aliquandiu contra conscientiam suam
 sese instar porcorum ac canum volutent, nihilominus non tantum certi
 esse possint, sed & persuasissimi esse debeant de perseverantia ac salute
 sua. Fundamentum enim salutis immotum stare in æternâ electione
 Dei, ita ut mille peccata, imo omnia peccata totius mundi, quin omnes
 diaboli, qui sunt in inferno, electionem Dei irritam facere nequeant.
 Hæc est illa panoplia, qua armatis eos, contra infidelitatem scilicet ac pon-
 tificiam dubitationem, & conscientiarum carnificinam reprimitis, qua
 liberi arbitrii jugum excutitis, ut securè in peccatis suis dormiant, & in
 cælum suum descendant. Remonstrantes quod attinet, absit ut ii Pon-
 tificiam dubitationem aut carnificinam conscientiarum revocent. Pon-
 tificii statuunt hæc tria. I. Neminem fidelem certum esse debere de sa-
 lute sua. II. Neminem de ea certum esse posse. III. Etiam si quis certus
 esse posset, utile tamen non esse ut certus de ea sit aut reddatur. Nihil
 horum statuunt Remonstrantes, imo contraria omnia aperte statuunt:
 De certitudine perseverantiæ quid statuunt, ex præcedentibus liquet.
 Credunt fidelem certum esse posse, adeoque certum esse debere, Deum
 nunquam ei defuturum ut perseverare possit & perseveret ad finem us-
 que, etiam in gravissimis tentationibus. At non credunt eum certum
 esse, nedum certum esse debere, ex ulla sive promissione, sive actione
 Dei præcedanea, futurum ut in fide sua perseveret quocunque tandem
 modo se gerat, aut ut semper ad finem usque se digne vocatione sua ge-
 rat. Et hac in re consentientem sibi habent universam Antiquitatem, cui
 Augustinus & Prosper, licet alioquin Prædestinationis absolutæ, ut Cen-
 foribus etiâ videtur, patroni acerrimi, subscripserunt, quos omnes dubi-
 tationem

Sarcasmus
 Cenforis re-
 fellitur.

Pontificiorum
 sententia de
 salutis incer-
 titudine, quam
 longe diversa
 sit à sententia
 Remonstran-
 tium.

H h

tationem

EXAMEN CENSURÆ

Ostenditur falsum esse quod Fides, quæ ad tempus durat, à fide vera distinguitur sub-
jectis Mar. 13.
& Luc. 8.

tationem Pontificiam & conscientiarum carnificinam adseruisse ut Cen-
sor dicat necesse est. *At contra illud (inquit Censor,) expresse docet*
Christus Matth. 13. & Luc. 8. locis jam ante expositis, ubi fidem illam, quæ
ad tempus tantum durat, expresse distinguit subjectis, id est, cordis qualitate,
item fidei radice & fructu à vera illa & salvifica fide, quæ firmam radicem ha-
bet, & fructum suum profert cum constantia, ac proinde *περὶ καιρὸς seu tem-*
poraria non est. Imo vero hoc falsum esse jam ante ostensum est. Nam
Christus in locis istis citatis non distinguit fidem subjectis, quasi vid.
primi isti, de quibus asseruit quod credant ad tempus, vera fide prædi-
ti non sint, aut præditi esse non possint, vel quasi fides eorum specie di-
versa sit à fide illa, quæ postremis tribuitur, perinde sc. ac si fides illa,
quæ radicem habet & ad finem usque perseverat, ejusmodi fides sit, cu-
jus priora subjecta incapacia sint: Nihil minus: Sed tantum varia vere
credentium genera proponit, inter quæ eos tantum salutariter credere,
sive fidem illam habere asserit, quæ ad salutem æternam prodesse po-
test, qui constanter ad finem usque in fide perseverant, & fructum fe-
runt cum patientia, id est, patiando ad mortem usque. Aliud autem est
asserere fidem aliquam non esse fidem, quæ durat; aliud fidem non esse
fidem, quæ durare non potest. Nec dicitur in textu, fidem eorum qui ser-
monem recipiunt, & quidem cum lætitia; esse temporariam sive *περὶ καιρὸς*,
quasi natura sua talis sit, ut non possit durare nisi ad tempus, sed illi tan-
tum, qui fidem istam habent, quæ non durat, *περὶ καιρὸς* dicuntur, quia
vid. fidem istam veram, quam habent, quæ durare in ipsis & poterat &
debebat, non minus in afflictionibus quam sine afflictionibus, non reti-
nent, unde *ad tempus credere* dicuntur à Luca, cap. 8. Et ratio mani-
festa est; quia herba illa, cui assimilatur ejusmodi credentium fides,
vera & proprie dicta herba est, quæ apta nata est fructum ferre, &
fructum etiam latura esset, nisi magno æstu aliquo adureretur. *Radi-*
cem autem cum *non habere* dicitur, eo ipso non negatur quod radicem
nullam habeat; quomodo enim alioquin oriri & crescere potuisset? sed
eo tantummodo indicatur, quod radicem non habeat satis profundam,
atque idcirco contra Solis æstum non consistat: Eadem autem ratio esse
dicitur eorum, qui ad tempus credunt. Animum habent verà fide
imbutum, & qui se ad Evangelii præcepta componit, dum omnia ex
animi sententia fluunt, imo ad persecutiones usque in obedientiâ man-
datorum Evangelii perseverat, sed qui debilitatur ac frangitur vi at-
que æstu persecutionum, quia contra eas non satis solide obfirmatus est;

non

non quod fides ista ad ea eum obfirmandum non suffecerit, sed quod ipse ea fide, ad obfirmandum se contra persecutiones, in ipsis persecutionibus usus non fuerit. Nisi hoc dicatur, tum necesse est ut statuatur Censor durationem fidei in adversis de essentia fidei esse, ac proinde neminem de fide sua certum esse posse, antequam adversa tulerit, & in adversis perseveraverit, quod tam alienum est à sententia Censoris, ut contra statuatur, fidem ipsam veram salvam manere posse, ac non raro manere in iis, qui à professione fidei suæ adversis fracti deficient, & Christum ac religionem ejus abnegant, uti in Syllabo testimoniorum, quæ ad V. articulum in Actis & Scriptis suis Synodalibus citarunt Remonstrantes ex multorum Contra-Remonstrantium scriptis demonstratum est.

Neque vero locus Ezechielis 18. (inquit Censor) adversus hanc perseverantiam adferri potest, in quo Deus per prophetam minatur, Si aversus fuerit justus à justitia sua, & fecerit iniquitatem &c. Quod omnes justitia ejus, quas fecit, non commemorabuntur, &c. Quoties inter alios complures hunc imprimis clarum atque illustrem locum considero, toties ab animo meo impetrare non possum, quin credam adversarios nostros vim pene sibi ipsis facere, ut sibi persuadeant eum sententiæ suæ non officere, adeoque per eum sententiam suam non everti funditus. Soli tenebras offundere velle videtur, qui eum à Remonstrantium sententia detorquere conatur. Mirum vero etiam merito alicui videatur, cur Censor hic eum tanquam inanimadversum non maluerit præterire, quam adeo leviter & perfunctorie ad eum respondere. Nos, quia locus hic solidissime contra exceptiones omnes Contra-Remonstrantium adsertus est in Actis & Scriptis Synodalibus Remonstrantium de eo hic prolixè non agemus, sed sequemur Censorem, & vestigia ejus prememus obiter. In eo, inquit, non asseritur absolute quod vere justus aliquando deficiat: Esto: Non enim jam id examinare hujus loci est. Satis manifeste indicatur fieri posse ut justus deficiat, & quod sic hypothetice asseritur, ut ei superstruatur seria communefactio, id absolute asseri credendum est. Sed quid de eo futurum sit, si deficiat. Nempe, quid futurum sit, si id fiat, quod fieri non potest, vel quod nunquam futurum est, quod Deus ipse futurum nunquam esse, imo impossibile esse ut fiat (Sic enim exponit Censor phrasin istam, Si possibile est, seducerentur electi) affirmat, quodque ii, qui monentur ex ista divina affirmatione (si verum est quod Censor ait) certo sciunt, adeoque scire ac credere tenentur futurum nunquam esse, ne electio divina semel ab æterno facta, irrita fiat: perinde

H h h 2

ac si

Locus Ezech.
18. vindictatur
ab ineptis ex-
ceptionibus
Censoris.

EXAMEN CENSURÆ

ac si dicam : Si tu irritam feceris electionem divinam, tum morte morieris : Si ad staturam tuam ulnam addideris, tum beatus eris. At, inquit Cenfor, per istam comminationem eos, qui in iustitia stadio decurrunt, cautos reddere vult, & à defectione abstergere. Nempe ut caveant sibi à defectione, quam fieri impossibile est, & quæ ut fiat impossibile esse sciunt, aut saltem quam scire ac credere debent eventuram nunquam esse. II. Comminatio illa argumentum erit, quo movebit eos Deus, & quo ii movebuntur ne deficient : Nempe, pœnam minabitur Deus, quam infligere nunquam vult, adeoque infligere nunquam potest, & pœnam apprehendent electi, quam sciunt ac credunt se incurrere non posse, aut Deum infligere nolle. Quis sanus hæc intelligit? ubi comminatio pœnæ ut argumentum & ratio movens adhibetur, ibi pœna ut possibilis, adeoque certo incurrenda apprehendi debet : At pœnam istam sic apprehendere iusti five electi nec possunt, nec debent, ex mente Cenforis, quia alioquin de electione sui, & de Dei fidelitate dubitarent. Et quando eam apprehenderent? Posito enim quod comminationem hanc divinam flocci faciant hodie, cras, & usque ad ultimum vitæ momentum; Quid periculi? Saltem tum ne electio eorum irrita fiat, convertendos se esse sciunt, & etiam si non convertantur, se tamen cum ista fide, qua semel à Deo donati sunt, perire non posse, persuasi sunt. Dices Deum non permittere ut ejusmodi cogitationes suis obrepant. Nempe, stolidos eos & fatuos reddi dicendum est, ut convertantur. Cur non sinat Deus eos credere id quod certum est, quodque eos alioquin omni tempore credere ac pro certissimo habere vult. Utinam vero etiam cogitationes hujusmodi compluribus non obreperent ex doctrinæ istius genio, quæ eos in æternum exitium præcipites trahunt! Fieri vix potest, quin obrepant, ubi peccandi occasiones occurrunt, & in peccata proniores sunt animi. Si id non fiat, ex alia causa id oriri credendum est. Ubi salvandi intentio absoluta & irrevocabilis præcedit, & firma fide apprehendi ac credi jubetur; ibi comminatio pœnæ ut histrionica potius quam seria actio locum habet. Comminationis enim finis aut effectus est, metum incutere : At metus rei, quæ evenire non potest, imo cujus contrarium certo certius futurum est, & futurum esse creditur, inanis & frustaneus est metus: Exemplum, quod ex Act. 27. vers. 31. Cenfor in contrarium citat, quam sit ineptum & alienum in Scriptis & Actis Synodalibus Remonstr. ostensum est. Hic addimus: Posito quod Paulus, ut fieri aliquando solet in magna consternatione aut præsentis periculo, comminatione

Locus Actor.
27. à Cenfore
in contrarium
ciatus, breviter
elucidatur.

minatione ista usus fuisset eo, quo Censor sensu arbitratur, ad revocandum nautas, aut ad persuadendum vectoribus ut nautas in navi detinerent, quid hoc faceret ad evertendum, aut eodem loco habendum penes infinita Scripturæ loca, quæ serias & accuratas, ac nihil minus quam ex consternatione profectas admonitiones severissimis comminationibus nixas continent? Veruntamen nec ratio nec causa ulla est, cur credamus Paulum isto sensu comminatione ista usum esse. Contrarium potius evincitur ex ipsa comminatione; vel Promissionem divinam, quæ Paulo facta fuerat, quod nemo eorum, qui navi vehebantur, periturus esset, etiamsi, verbis absoluta esset, sensu tamen hypotheticam fuisse, cuiusmodi promissiones complures leguntur 1. Sam. 2. 30. & cap. 13. 14. Numer. 14. 29. 30. Nam alioquin comminatio Apostoli falsa fuisset, & divinæ promissioni contraria; vel promissionem, quæ facta fuerat de salute omnium, qui in navi erant, sic factam fuisse necesse est, ut servatio ad arbitrium & consilium Pauli fieret, ac proinde Paulum jure suo dicere potuisse, *Nisi isti in navi manserint, vos non potestis servari.* Nempe, volebat Deus ut constaret omnibus verum esse quod Deus Paulo animas omnes donasset, quod constare non potuisset, si nautæ suo Marte beneficio scaphæ periculum mortis evasisent. Vel denique, promissionem, quæ à Deo Paulo facta fuerat, continuasse quod evasuri omnes essent mortem post naufragium, vel navi fracta; proinde Apostolum dicere potuisse, promissioni locum non futurum, nisi prius omnes naufragium facerent, adeoque contrarium quam quod Promissio in gratiam Pauli facta continebat, eventurum esse. Sic enim dixerat, *Iterum nulla erit cujusquam ex vobis, sed tantum navis*, cap. 27. vers. 22. Quomocunque accipiat, ex comminatione Pauli subsequuta non obscure colligitur, sensum promissionis divinæ, qua condonaverat omnes istas animas Paulo, non fuisse eum quem Censor existimat, nec verum esse quod addit, Paulum certum etiam fuisse de eo, quod Deus per Naturam ministerium omnes salvare vellet. Contrarium potius verum est, Deum per naturam ministerium neminem salvare voluisse. Et sane, nemo per eorum ministerium salvatus legitur. Tum, si id omnino propositum Deo fuisset, tum sane promissio divina absoluta non fuisset, sed cum hypothesi intelligenda, si nautæ isti se ipsi non subducant, & ministerium non detrectent, suæ propriæ vitæ liberandæ studio ac cura occupati. Atque ex his facile intelligere est, quam dilutis coloribus utatur Censor, ut locis directe sententiam suam evertentibus speciem aliquam

EXAMEN CENSURÆ

aliquam det, & quam quæsitis atque elaboratis distinctionibus eam con-
netur palliare ac tegere.

AD CENSURAM CAPITIS XIX.

Vbi agitur de promissis divinis ad futuram
vitam pertinentibus, sive de Mortuo-
rum resurrectione & vita
æterna.

IN hujus capitis explicatione, ait Censor, Remonstrantes diligenter sibi
cavent, ne Socinianorum erroribus nimium præjudicent. Quorsum enim
alias, in explicatione articuli de Resurrectione carnis & vita æterna studio-
se omittunt, quæ in Catechesi nostra ad hos articulos expresse traduntur, de
beata animarum in cælis post hanc vitam immortalitate. Censuræ hujus ca-
pitis omnes admodum sunt febriculosæ. Nauseat qui eas vel introspi-
cit. Socinianismi vestigia in eo quærentur, & ecce primum quod sub-
tillis Censor olefacit: *Omittitur*, inquit, in explicatione articuli de Resur-
rectione carnis, id quod Catechesis expresse tradit de beata animarum in cælis
post hanc vitam immortalitate: Quæ causæ? Ne Socinianorum erroribus
præjudicent. Atqui Censor nec de beata animarum in cælis post hanc vi-
tam immortalitate agit Catechesis vestra, nedum ut de ea expresse ali-
quid tradat, uti tu loqueris. Verba Catecheseos generalia sunt: *Ani-
mam meam è vestigio, ubi ex corpore exierit, ad Christum caput suum assumi.*
Iis subscribunt, imo eadem dicunt Sociniani, cum dicunt, animas fide-
lium ad Deum redire, cum Christo esse, &c. Sed esto; expresse id tradide-
rit Catechesis vestra, ejus instar ut in declaratione sua sequerentur Re-
monstrantes necesse non erat. Istud vobis relinquunt, qui ex ea sola pe-
ne sapitis, & pueros jam triennes ex eadem, tanquam perfectos Theolo-
gos, sapere docetis. II. Et causæ erat ut istud non sequerentur. Inapte
enim sub articulo de resurrectione carnis, de quo Symbolum agit, com-
prehenditur status animæ ante resurrectionem carnis. III. De statu a-
nimæ post mortem variasse videbant olim hodieque variare judicæ
maximorum Theologorum. Passiva receptaque veterum Patrum om-
nium, ad nostrum usque sæculum, sententia fuit, Animas fidelium
V. Test.

Putidæ Cen-
soris cavilla-
riones dere-
guntur, ut De-
clarationem
Socinianam
faciat.

Sententia ve-
terum de statu
animarum post
mortem.

V. Test. non prius in Paradisum fuisse receptas, quam eum morte sua reserasset Christus, primusque illum cum Latrone esset ingressus, uti ait & clare probat Gerardus Vossius in disput. sua de statu animæ separatæ. Qui ante annum Christi quadringentesimum vixerunt Patres, ii omnes judicarunt animas fidelium, postquam Christus Paradisum aperuisset, statim ab excessu recipi in Paradisum. Sed per Paradisum non idem omnes intelligebant. Alii cælum intelligebant, alii *ad lw* seu inferos, per quos non locum tormentorum sed unam ac communem aliquam custodiam intelligebant, quam omnes extra cælum beatorum collocabant, alii vero infra, alii intra terram, alii extra mundum, alii etiam ignotam hominibus putabant. Hinc Lactantius lib. 7. cap. 21. *Nec tamē quisquam putet animas post mortem protinus judicari; Omnes in una communique custodia detinentur, donec tempus adveniat, quo maximus iudex meritum faciat examen.* Vide hac de re Molinæum Lib. 7. respons. ad Cardinalem Perronium cap. 20. ubi prolixè probat, Patres plerosque & pene omnes Græcos sensisse antiquitus: Animas sanctorum non frui visione Dei, nec mitti in possessionem gloriæ ante diem resurrectionis. Et huic sententiæ Calvinum favisse, non obscure colligere est ex *Psychopannychiâ* ejus, & libris Institutionum. Quocirca mirum merito videri debet, quomodo Cenfor affirmare non dubitet, *causam nullam aliam se videre, cur silentio hanc rem præterierint Remonstrantes, nisi quod Socinianorum, qui inter eos latent, causam condemnare non velint.* Nam I. eo ipso, quod silentio hoc præterierunt, ostendunt se ne quidem audere tantum affirmare, quantum de ea re statuerunt Patres plerique omnes, vid. quod animæ separatæ statim in cælis beatitudine ista non fruuntur. II. Ne Sociniani quidem ipsi negant animas statim atque ex corpore exceßerunt, in cælos recipi, aut, ut Catechesis vestra loquitur, satis, ut diximus, generaliter, è vestigio ad Christum caput suum assumi, nedum ut affirmant eas aut interire; hoc enim diserte falso sibi affingi queruntur, uti in disputatione 7. de extremo judicio pag. 409. Valentini Smalcicii contra Frantzium legere est: *Falso nobis, inquit, affingi querimur à Frantzio, quod credamus hominem mori quoad animam, & quoad corpus: Credimus enim cum Scriptura, pulverem reverti ad terram, unde sumus est, Spiritum autem redire ad Deum, qui dedit illum: aut cum corporibus dormire.* Etsi enim videntur statuere animam à corpore separatam voluptate nulla extrinsecus frui, tamen incertum est an negent animam intra se vitales operationes habere, illque frui, sic ut non dormiat.

Non-

EXAMEN CENSURÆ

Quæstio de
statu animarū
inter mortem
& iudicium
extremum, nec
decora, nec
utilis adeoque
stulta & teme-
raria est, Cal-
vino iudice,

Quæ hic car-
pit in Decla-
ratione Cen-
sor ea pene
ipsissima S.
Scripturæ ver-
ba esse osten-
ditur,

Nonnulli eorum id videntur aperte satis affirmare. II. Calvinus ipse, quem tantum non adorant pene in omnibus hi Magistri, nihil de eo definit; imo curiose inquirere, quis sit status animarum inter mortem & extremum iudicium, nec decorum nec utile esse ait, adeoque stultum & temerarium. Lib. Instit. 3. cap. 25. sect. 6. & lib. 4. cap. 1. sect. 12. in eandem sententiam ait, *Quæ enim ob hoc unum Ecclesia dissideant, si altera citra contentionis libidinem, citra pervicaciam asserendi animas è corporibus demigrantes in celum convolare putet, altera nihil ausit definire de loco, ceterum vivere tamen domino certo statuat?* I nunc Censor & Socinianum etiam Calvinum dicito, & bilem tuam in eum effunde, qui tibi insuper contentionis libidinem & pervicaciam adserendi adeoque stultitiam & temeritatem tribuet, quod non contentus silentio Remonstrantium, eos cum Catechesi tua loqui & tecum sentire jubeas, & de quibus ille ne quidem affirmare audet quod errent, eos tu non errare tantum, sed perniciosum errorem errare contendas: Sic enim subjicis. *Et vero, si diligenter ad verba eorum, quæ hoc secundo paragrapho proponuntur, attendamus, ea haud obscure huic pernicioso errori patrocinari deprehendentur. Quid enim sibi volunt, inquit, hæc verba; Tunc enim (nempe ultimo die) fideles & sanctos, qui quidem mortui fuerunt ex pulvere terræ in vitam æternam & beatam suscitatus est, eosque solos glorioso & incorruptibili corpore donaturus est.* Intende hic aciem mentis, Lector, & vide quid in verbis istis innoxii sit, quod errori alicui pernicioso patrocinatur. Poteratne malignitas suspicionis & calumniæ virulentia se foedius prodere? Sunt pene ipsissima verba Scripturæ. Quid enim? An non Daniel cap. 12. 2. (quem locum de resurrectione carnis interpretandum esse fatetur, & multis contendit Rivetus, Censorum horum unus, in disputatione sua de resurrectione carnis) sic loquitur: *Multi de iis, qui dormiunt in pulvere terræ, evigilabunt, alii in vitam æternam, alii in ignominiam sempiternam;* & Hiob cap. 19. 25. quem locum idem Rivetus, in eadem disput. eodem pertinere contendit, cum ait, *Scio quod Redemptor meus vivit, & in novissimo die de terra surrecturus sum;* & Servator ipse Ioan. vers. 28. & 6. 39. 40. 44. 54. cum dicit, *Deum suscitaturum mortuos, eosque prodituros è monumentis;* & Paulus cum dicit, *Deum dare semini cuique corpus, uti vult.* 1. Cor. 15. Quare Censor ex sanctis istis exquirat, quid per mortuos intelligant, an corpora eorum, an aliud quid? Nec enim suspicari audeo Censorem hic Remonstrantes in suspensionem vocare velle, quasi credant animas cum corporibus in pulverem redigi, & ex pulvere isto iterum in vitam suscitatum iri ultimo

ultimo die. Sane, si id Cenfor propositum fuit, virus animi sui detexit nimium turpiter. Quod attinet Quæstionem, *An eadem corpora sanctorum intelligantur à Remonstrantibus, an alia corpora à Deo creanda, eam cum* Calvinio inter curiosas potius quæstiones quam inter utiles ponendam esse censent. Vide Epist. Calvini 103. quam Lælio Socino inscripsit. Rationes pro utraque parte probabiles sunt. Nec fieri potest ut solide lis hæc decidatur, quamdiu certo non constat, An hoc corpus pars essentialis hominis, an vero instrumentum tantum sit animæ humanæ, quatenus in hac vita ejus ministerio indiget, ad se in eo sustentandum, & quod in futurâ vita plane necessarium non erit. Litem hanc decidet aliquando Deus in futuro sæculo, ubi tum demum intelligemus & sentiemus, eodem an novo corpore nos donaverit Omnipotens. Faxit ille, ut digni aliquando habeamur isto sæculo, in quo ejus rei experimentum capient sancti & fideles.

Quæstio de corporum post resurrectione numerica identitate inter curiosas à Calvinio censetur.

Secunda sectio censetur quod Remonstrantes phrasi ista utantur, quod *Christus de tribunali Patris sui vivos & mortuos sit judicaturus. Ea non est Scriptura phrasis, sed Sociniana*, inquit Cenfor, Itane? An non expresse Christus ipse Apoc. 3.21. *Thronum suum appellat thronum Patris sui? Qui vicerit, dabo ei ut sedeat mecum in throno meo, ut ego vici, & sedeo cum Patre meo in throno ejus.* Tum quid refert tribunal Christi, an tribunal Patris dicatur? Christi enim Mediatoris tribunal, non est Christi, nisi quia id ei à Patre traditum est, proinde quod non ad gloriam Christi imminuendam, sed ad eam extollendam Patris Christi tribunal merito vocatur. Nam Christus ipse non sumit sibi hunc honorem, sed eum accepit à Patre, ut est Hebr. 5.5. Pater enim dedit Iesu Christo potestatem judicandi, ut est Ioan. 5. quatenus filius hominis est, unde & venturus filius hominis dicitur, cum gloria Patris sui, quando reddet unicuique secundum facta ipsius, Matth. 16.27. Marc. 8.38. quod Lucas enunciat, cap. 9.26. *in gloria sua & Patris.* Hinc tribunal, quod Christi vocatur Rom. 14.10. eodem in loco Patris tribunal esse arguitur, uti ex citatione loci ex Esaia vers. 11. manifestum est, & ex eo, quod statim subjicitur, *unumquemque nostrum de seipso rationem redditurum Deo.* Quare, quod Cenfor subjicit, Remonstrantes in confessione sua id fere agere, ut Christi divinæ Majestati ac gloriæ occulte detrahant, calumnia est, quæ colorem non habet. Christi Mediatoris gloriæ ac Majestati nihil detrahunt, qui eam Patri acceptam ferendam esse ubique urgent, & Christo eam datam esse dicunt ad gloriam Patris. Id Christus, in

Tribunal Christi, tribunal Patris est.

EXAMEN CENSURÆ

terris versans, ipse semper egit, & Apostoli, postquam Christus in cælum fuit sublatus, idem unanimiter urserunt. Quare, contrarium potius observare licet in Censoribus his, quod sic ubique Christi, quatenus Mediator & Θεωπος est, gloriam efferant, ut Patris prærogativæ, Majestati, & gloriolæ donationi, qua Christo Mediatori omnia in manum dedit, eique omnino, se solo excepto, subjecit, tantum non aperte detrahant, uti alibi eos Christi merito & satisfactioni, per absolutam suam Prædestinationem, non obscure detrahere, ostensum est.

Assignatio
præmiorum
& poenarum
pro qualitate
& quantitate
operum, quam
carpit Censor
defenditur ex
Scriptura &
ratione,

Posthæc carpuntur hæc declarationis verba: *Christum iis omnibus, pro qualitate ac quantitate operum suorum, quæ in corpore suo gesserunt, sive bonorum, sive malorum, præmia iusta poenæque condignas assignaturum. Hæc verba, inquit, in rectum sensum accipi possunt, tamen Scriptura sic non solet loqui.* Atqui, Censor, idcirco tamen ea in rectum sensum accipi posse dicis, quia Scriptura sic loquitur; Citas enim illa verba, *Qui enim parce seminavit, etiam parce metet, & dabitur nobis iustitia corona in die illo.* Hæc non conveniunt. Tum, quid aliud sibi vult Scriptura, cum dicit *Deum unicuique reddidit secundum opera sua?* Bene, & quidem constanter agentibus, vitam æternam, cæteris iram, indignationem &c. Rom. 2. 6. 7. 8. 9. 10. Matth. 16. 27. Rom. 14. 12. 1. Corinth. 3. 8. Gal. 6. 5. Apocal. 2. 23. & 10. 12. & unumquemque reportaturum quod in corpore fecerit, congruenter ad id quod fecerit (sic enim interpretatur Beza phrasin græcam *ὅς ἡρπάζει*) sive bonum sive malum. Unde etiam quantitatis & qualitatis operum qua bonorum, qua malorum, rationem habitum iri non obscure colligitur. Et Scriptura id alibi non uno in loco significat. Ac bonorum quidem operum quantitas in censum veniet, juxta id quod Apostolus 2. Corinth. 9. 6. ait: *Qui benigne seminavit, etiam benigne metet:* Matth. 19. 28. *Amen dico vobis, vos, qui secuti estis me, in regeneratione cum sederit Filius hominis in throno gloriae suæ, vos etiam, inquam, sedebitis in thronis duodecim, judicantes duodecim tribus Israel;* Eodem pertinet, quod dicitur Apoc. 20. 4. 5. 6. Malorum operum quantitas similiter, juxta id, quod ex opposito dicit Apostolus citato loco 2. Cor. 19. 6. *Qui parce serit, parce etiam metet:* & Luc. 12. 47. *Servus, qui novit voluntatem Domini, & non facit, plagis pluribus vapulabit?* & quod Matth. 11. vers. 22. dicitur, ubi de extremi judicii agi Censor concedit: *Quin etiam dico vobis, Tyri & Sidonis conditio tolerabilior erit in die judicii, quam vestra, ô Corazin & Bethsaida; & vers. 25. Terra Sodomorum conditio erit tolerabilior in die judicii, quam tua, ô Capernaum;* ut alia

ut alia jam non allegemus. Ratio etiam ipsa id postulare videtur. Nam præmiorum ratione, ut ii gradus, quos Deus in Ecclesia militante hic esse voluit, in Ecclesia triumphante etiam locum habeant, æquissimum omnino est. Pœnarum ratione, ut qui gravius peccarunt, gravius etiam puniantur, nec crudelissimorum Tyrannorum par & æqualis sit ratio, quæ est aliorum, qui peccatores quidem fuerunt, sed injuriam nemini fecerunt, aut non nisi levem, saltem non eam, quæ cum Tyrannorum sceleribus sit comparanda. Unde etiam colligitur, præmiorum & pœnarum assignationem ex justitia distributiva futuram esse, non rigida illa, sed quæ cum moderatione stricti juris conjuncta erit. Atque hoc adeo clarum est, ut Apostolus ipse id, tum præmiorum, tum pœnarum ratione, futurum esse in terminis affirmaverit 2. Thess. 1.6. *Si quidem justum est apud Deum, vicissim reddere iis, qui vos affligunt, afflictionem, vobis vero, qui premimini, relaxationem, quum patefiet Dominus Iesus de calo, cum angelis potentia sua, &c.* Quæ contra hæc allegat Censor, ea adeo sunt aliena, ut quid sibi velit intelligi non possit. Eo videntur spectare, ut concludat præmiorum & pœnarum æqualitatem futuram post hanc vitam, quamquam id ex professo non audet asserere. Quod perabsurdum sane placitum ex doctrina ejus de prædestinatione sequitur pene necessario. Nam si electio horum, reprobatio illorum, absoluta voluntate Dei facta est, absque ullo respectu ad bona aut mala eorum opera, & bonum omne, quod in electis est, sola Dei irresistibili gratia in illis efficitur, malum vero, quod in reprobis est, à solo gratiæ illius defectu est; nulla sane ratio dari potest cur præmiorum & pœnarum diversitas aut inæqualitas, ratione operum bonorum aut malorum, statuatur futura post hanc vitam; cur justum sit apud Deum reddere afflictionem iis, qui nos affligunt, &c. imo ratio recta non patitur, ut ulla præmiorum aut pœnarum distributio locum habeat. En quam tetra & fœda placita scateant ex impuro isto & fordido fonte.

Quæ paragrapho tertio subjiciuntur, de ultimo nostre redemptionis complemento, nempe glorificatione, ea valde sunt jejuna & macra, inquit Censor, cum S. Scriptura passim de vitæ æternæ gloria & gaudio illustriora multa suppediet, sed malunt generalibus tantum verbis insistere; ne errores scilicet, qui occulte ab iis foventur, in lucem erumpant. Quem non pudeat tam malignæ Censuræ? Quid? an Remonstrantes etiam in suspicionem vocabis, ô impudens & superbe Censor, quasi de vitæ æternæ gloria & gaudio non cupiant optima & illustrissima quæque concipi,

Æqualitas
præmiorum
& pœnarum
in futura vita
Censori vide-
tur probari,
& ex senten-
tia ejus de
prædestinatio-
ne necessario
sequi.

Maligna Cen-
sura quæ ro-
felliur.

EXAMEN CENSURÆ

concupi, dici, & asseri? Quis id de capitalissimo hoste suo suspicetur, vel si stultissimum eum putet? Non sunt adeo injurii in seipsos, ut non excellentissima quæque sibi conferri velint in futuro isto beatitudinis ultimæ sæculo. Concipe, enuncia, extolle quicquid potes, Censor, quod ad gloriam & gaudium ævi istius pertinere posse putabis, volentibus, & lubentibus illis facies: Sed quicquid conceperis, quicquid dixeris, id longe infra magnitudinem gloriæ & gaudii illius erit. Macrum, imo macies ipsa erit, & tandem, velis, nolis, devenies ad ultimas illas Remonstrantium voces, *Gloria & gaudium ineffabili perpetuo fruuntur sancti*. Istis optime & nervosissime expresseris præmii futuri magnitudinem; & hoc cum dixerunt Remonstrantes, nihil ultra à se dici posse crediderunt.

Sententia de
totali five sub-
stantiali mun-
di interitu,
nec nova est
nec inter dog-
mata necessa-
ria censenda,

Ultimo loco, *Mirandum esse*, dicit Censor, quod in hac tanta corruptione (quæ cautio, incaute Censor?) universalem totius mundi corruptionem & totalem perditionem hic audeant constituere, contra communem plerorumque Theologorum consensum. Quasi vero crimen sit hoc audere, aut id ita audeant Remonstrantes, ut secus sentientes damnent; aut primi id audeant inter reformatos. Fatentur utique Veteres pene omnes aliter sensitse, uti videre est apud Eusebium lib. 15. præparat. Evangelicæ. Sed nec defunt inter Scholasticos & Theologos Reformatos neotericos, qui se ab iis dissentire jam pridem palam professi sunt: quod agnoscere videtur Censor, quando ait, sententiam de totali mundi perditione, repugnare communi, non omnium sed plerorumque Theologorum consensui. Videatur testimonium luculentum, quod ex Iohanne Chastanone Theologo Gallo citat Gerardus Vossius in disputat. sua de fine mundi. Gemina isti habent Lutherani pene omnes. Ita Wolfgangus Frantzius in disput. suis contra Pontificios, Calvinianos, Socinianos, disputat. 7. de Iudicio extremo sect. 6. *An & quomodo mundus sit interiturus*; post recitatas utriusque partis sententias & rationes, concludit tandem Thef. 37. *Verisimilior igitur est illorum sententia, qui statuunt finem mundi futurum in adventu Filii Dei talem, quod nimirum Filius Dei totum mundum, quoad substantiam, igneâ flammâ resolvat & perdat, ita ut non amplius sint stelle, Sol & Luna in calo, elementa non amplius appareant, & quod in illo transitu mortui omnes revocabuntur in vitam*. Eo enim etiam respexit Iobus, cap. 14. 12. quod homo non resurget, donec non fuerint cali. Cur idem Remonstrantibus non licuerit? An idcirco meruerunt tam acre convitium, quale his iis impingit Censor, quod nullum Theologorum consensum curent, modo ne ipsi à suis præconceptis hypothesibus minimum recedere cogantur.

cogantur. Maſtentur itaque eodem convitio, quotquot hac in parte præ-
euntes ſibi habent Remonſtrantes. Sed & cur maſtentur? Argumenta
certe, quæ pro ſubſtantiali mundi interitu militant, & Scripturæ loca,
quæ ei fini ſerviunt, tam ſunt multa & evidentia: quæ vero pro acciden-
tali interitu adhibentur, tam levia & pauca, ut mirum videatur Remon-
ſtrantes cur non pro iſta potius parte univerſalis conſenſus, quam pro
hac ſteterit. Si cui aliter videtur, ille fruatur iudicio ſuo. Locus ſane de-
ſumptus ex 8. cap. verſ. 19. ad Rom. cui ſententiam ſuam hic ſuperſtruit
Cenſor, & ad quem cæteros Scripturæ locos, qui de mundi interitu a-
gunt, exigi vult, plane impertinens eſt. Nam I. non deſunt inter eos, qui
locum hunc de Veteri creatura accipiunt, qui ſubſtantialem nihilominus
mundi interitum propugnant, quippe qui tantum hic agi dicunt de libe-
ratione creaturæ à turpi illo abuſu, cui nunc, quamdiu homines hic de-
gunt, obnoxii eſſe conſurgunt. II. Negatur hic de Veteri creatura agi,
imo tantum abeſt, ut de ea agatur, ut contra non niſi de ipſa nova creatu-
ra agatur, quæ exerto capite expectare dicitur revelationem filiorum
Dei, id eſt, ſuam phraſi Hebræa. Et ratio eſt manifeſta; Veteri creaturæ,
id eſt, jumentis, equis, aſinis, bobus, piſcibus, avibus, quæ prorsus deſtru-
enda ſunt, abuſiſſime tribuitur, quod *exerto capite expectent revelationem
filiorum Dei*, quod ſperant liberationem *ex ſervitute corruptionis in liberta-
tem gloria filiorum Dei*, quod *ſuſpirent & parturiant ad hoc uſque tem-
pus*; ſperarent enim ſui ipſorum deſtructionem & annihilationem.
Cum enim revelabuntur filii Dei, tum ignis omnia iſta vaſtabit & per-
det. Optime autem id omne tribuitur creaturæ novæ afflictionibus præ-
ſæ, & ſub cruci gementi. Neque quicquam eſt quod huic expoſitioni of-
ficat: Nec creature vox, quia *nova creatura καὶ ἡ ἐξοχὴ* ſimpliciter *creatura*
aliquando appellatur in Scriptura, ut Col. 1. 15. Eph. 2. 10. Iacob. 1. 18.
Apoc. 3. 14. Nec phraſis illa, *Creatura expectat revelationem filiorum Dei*,
pro *creatura nova*, id eſt, *filii Dei*, expectant ſuam revelationem. Hebræi enim
ſolent non raro antecedens loco relativi ponere. Vt 1. Reg. 8. 1. *Tunc con-
vocavit Solomon ſeniores Iſraelis ad regem Solomonem in Jeruſalem*. Gen. 1.
27. *Creavit Deus hominem ad imaginem Dei*, Gen. 5. 1. 1. Sam. 3. 21. &
25. 22. 2. Paral. 8. 2. 1. Cor. 1. 8. 2. Theſſ. 3. 5. 2. Timoth. 1. 18. *Det Do-
minus ut inveniat miſericordiam apud Dominum, in die illo*. Sed impræſen-
tiarum hac de re ſatis eſt.

Impertinens
citatio loci ad
Rom. 8. 19.
redarguitur,

EXAMEN CENSURÆ

AD CENSURAM CAPITIS XX.

In quo agitur de divinis comminationibus ac
impiorum pœnis, tum ad hanc tum ad fu-
turam vitam pertinentibus, puta Re-
probatione, Induratione, Exca-
vatione, deque æterna morte
& damnatione.

Pœnæ ad hanc
vitam perti-
nentes in hoc
capite vocan-
tur quæ in hac
vita infligun-
tur, & sic tem-
porales dici
possunt.

Prima hujus capituli Censura merus cavillus est. Per pœnas ad hanc vitam pertinentes, intelligunt Remonstr. pœnas, quæ homini in hac vita infliguntur, & sic ad hanc vitam pertinent. Phrasin hanc usurparunt juxta propriam ejus significationem, non autem juxta Scripturæ stylum: Deinde Reprobationem non vocant temporalem punitionem, uti Censor perperam affirmat, nisi per vocem temporalem intelligatur punitio, quæ in hoc vitæ tempore contingit, quo sensu Reprobationem temporalem punitionem vocari posse, mirum est à Censore negari, cum ipse in disputat. sua de prædest. Thes. 45. quæ in Synopsi purioris Theologiæ exstat, diserte aliam æternam, aliam temporariam Reprobationem esse affirmet, & eum in finem loci ex Jerem. 6. 30. citet, ubi Deus de maxima populi parte ait; *Argentum reprobum vocabuntur illi, quia Ichova abjecit vel reprobavit eos.* Inepte vero temporalem & spirituales opponit Censor: Sed omiſſis vocibus, rem videamus. Reprobationem, inquit Censor, *deserviunt eorum impiorum & incredulorum, qui præfracte credere ac respicere nolunt, & licet diu mulumq; vocati, moniti, reprehensi, &c. nihilominus tamen Evangelio inobedientes esse pergunt.* Qui ergo tales sunt, inquit, ex Remonstrantium sententia, *sola temporali reprobatione puniuntur, non etiam æterna.* Duplex inconſequentia hic apparet. Nam I. non sequitur, Ergo illi tales temporali reprobatione puniuntur. Quid si enim Deus eos tales à vita tollat, prout merentur, & non raro etiam facit; sequitur tantum, Ergo, qui reprobantur ista reprobatione, ii puniuntur pœna, quæ in hac vita locum habet. II. Nec sequitur, Ergo tales sola temporali reprobatione puniuntur, non etiam æterna: Sed tantum sequitur, Ergo reprobatio ista censenda

Quo sensu Re-
probatio æ-
ternæ divini ju-
dicii ad hanc
vitam perti-
nens vocetur
à Remonstr.
contra Censo-
ris exceptio-
nem.

senda est inter istos actus divini iudicii, qui in hac vita tantum exercen-
tur, quod est illud ipsum, quod Remonstrantes asserunt. Tum, posito
quod consequentia justa sit, quid absurdi? Nam, si per æternam repro-
bationem intelligatur reprobatio ista, quam Censor statuit, quæ ab æter-
no & ante omnes alias causas facta sit, qua ii, qui in tempore increduli
manent, reprobati antea fuerunt à vita æterna, & ab omnibus ad creden-
dum, & vitam æternam consequendam necessariis & sufficientibus me-
diis; eam Remonstrantes, ut pessimum humani cerebri commentum, re-
probant & repudiant. Si vero intelligatur reprobatio, quæ post longum
gratiæ contemptum æternam separationem à gratia divina, & gratiæ
omnis salutaris spe notat; eam Remonstrantes, etiam si locis Scripturæ
& rationibus quibusdam speciosis niti videatur, in hac vita fieri non
arbitrantur, & ad punitiones, quæ in futura vita, vel, post mortem,
locum habent, referendam esse existimant; quamquam Scriptura, cum
de reprobatione loquitur, de alia quam de ea, quæ in hac vita fit, ne-
dum de æterna ista, Tyrannica Calvinistarum reprobatione, loqui
non videtur, uti discurrenti per omnia loca manifestum est. Quare, quod
Censor statim subjicit, vanissimum est. *Quum hic, inquit, de Reproba-
tione agatur, quæ electioni opponitur, & quidem electioni ad gloriam, sicut
ex collatione huius capituli cum initio 18. apparet, quomodo electioni ad glo-
riam temporalis reprobatio opponatur, ipsi viderint.* Atqui vide sis initium
cap. 18. & observabis isthic non agi nisi de electione ad gloriam, quæ
in hac vita fit, & quæ actualem separationem credentium ex numero
& ordine damnandorum, *quoad statum præsentem*, significat, uti verba di-
serte habent. Unde colligere facile est, & merito colligere Censor de-
buisset, Reprobationem hoc loco actum talem denotare, quæ electioni
isti opponitur. Sed hæc non considerat Censor, præ censendi libidine.
Hinc etiam est illud, quod sequitur: *Reprobatio, inquit, est iusta im-
probationum hominum rejectio. Improbi autem illi sunt, qui rebellant Evan-
gelio. Nemo ergo gentilium, qui de Evangelio nunquam quicquam audi-
vit, aut audire potuit, à Deo rejectus aut reprobatus est.* Quæ ratio conse-
quentiæ? Sequitur tantum, Ergo nemo gentilium ista reprobatione re-
jectus aut reprobatus est; quod ut verissimum concedunt Remonstran-
tes. An interim sit aliqua, & quænam sit ista reprobatio, qua Deus cir-
ca gentiles versatur, eosque qui Evangelium nunquam audiverunt, aut
audire non possunt, nusquam definiunt Remonstrantes in hac declara-
tione sua: Nam non nisi intra vocatorum cætum stant, ad quos Eu-
angelii

Diluitur ex-
ceptio Censo-
ris de genti-
lium Repro-
batione,

EXAMEN CENSURÆ

Vindicantur
loca ad margi-
nem Declara-
tionis citata.

Excusatur ci-
tatus locus ex
Matth. 8. 12.

angelii notitia pervenit. Cæteros Deo & divino ejus judicio permittunt certi interim & persuasi, Deum neminem eorum, ad æternos animæ & corporis cruciatus absoluta voluntate destinasse, aut supplicio ullo adfecturum esse, nisi propter propriam & vincibilem cujusque culpam. *Non enim est personarum respectus apud Deum; In quavis gente acceptus est ei, quisquis eum timet & operatur justitiā; Act. 10. 35. & Quicumque sine lege peccaverint, sine lege quoque peribunt, & quicumq; in lege peccaverint, ex lege judicabuntur. Rom. 2. 12.* Loca, quæ ad marginē declarationis citata sunt, id non obscure arguunt. Tantum enim agunt de reprobatione eorū, qui, licet diu multumq; vocati, moniti, reprehensi, nihilominus tamen Evangelio inobedientes esse pergunt, quos, ut tales, à Deo rejectos, reprobatos, exclusos, & avulsos esse dicunt, sed adsumendos, admittendos, & inferendos rursus, si vel tandem resipiscant, & ab infidelitate sua desistant: Primum locum Matth. 8. 12. excipe, nisi quis eum exponere velit de reprobatione increduli populi Judaici à felici statu fidelium in hoc mundo, quorum præcipui, & tantum non proceres fuerunt Abraham, Isaac, & Iacob: qui status Allegorica sive figurata loquendi ratione hic describitur per sessionem ad mensam convivalem, luminaribus, & omni deliciarum genere instructam, & qui illustratur ex opposito per ejectionem eorum, qui mensæ & delitarium istarum participes esse potuissent, nisi noluisent in locum tenebris & tristitiarum omni genere refertum, ubi pro vino lachrymæ, & pro cibo vacui, & præ ciborum defectu stridentes inter se dentes locum habent, cujusmodi status etiam in hac vita esse potest; quasi legeretur; filii regni, id est, Iudæi, ad quos vi promissionis divinæ regnum Dei, id est, gratia Evangelica, & quæ per eam obtineri potest, cælestis felicitas, tanquam ad filios & hæredes pertinet, sed qui oblatam gratiam præfracte repudiant, atque ita Abrahami, Isaaci & Iacobi vestigiis nolunt insistere, rejicientur, id est, à felici isto statu, tanquam spurii & nothi deturbabuntur, & ad eum statum deprimentur, qui merito infelicissimus & miserrimus in hac vita censeretur potest, similis eorum statui, qui extra locum convivii, ubi omnia luce & gaudio plena sunt, in tenebris agunt, nihil habentes, quo sitim restinguant, aut quod dentibus molant. Hujusmodi enim aut similibus figuratis locutionibus describi in Scripturis eos, quos Deus in hac vita gratia sua singulari privat, manifestum est. Hoc sensu locus hic commodè adductus videri potest, quamquam omitti potuerat, quia expositio hæc nova forte alicui & in-

& insolens videbitur; Locus Matth. 21. vers. 43. immerito sane censetur. Est enim proposito Remonstrantium accommodatissimus. *At qui, inquit Censor, dicit quidem fore, ut tollatur regnum Dei à Judæis, sed non dicit hanc esse temporalem abjectionem.* At nec dicit abjectionem esse æternam. Imo vero idcirco, quia dicit regnum Dei tollendum esse ab ipsis, temporalem, id est in tempore vitæ hujus futuram abjectionem dicit. Non enim dicit eos sublato iri, & sublato manfuros ex regno Dei, sed regnum Dei ab iis ablatum iri; cumque regnum Dei significet Evangelium regni, & ablatio regni à toto populo Iudaico futura dicatur, fieri non potest ut abjectio hæc de alia, quam de abjectione ea, quam Declaratio Remonstrantium statuit, intelligatur. Totum enim populum æterna reprobatione reprobaturum iri, quis à Christo dictum credat? Imo vero certum est, stante ista reprobatione, fieri adhuc potuisse, quamquam difficulter, ut ab errore suo resipiscerent, & Evangelio crederent: *At, inquit Censor, statim additur, qui ceciderit super lapidem istum, nempe Christum, conquassabitur, super quem vero ceciderit, dissipabit eum.* At inquam cadere isto in loco, non est simpliciter credere nolle, sed in incredulitate perseverare velle, & Christo ad mortem usque se opponere, quo sensu verbum *cadere* accipitur vers. 2. cap. 11. ad Rom. Tales enim in infidelitate morientes proprie cadunt, ita ut nunquam ex miseria sua resurgant. At qui nunc credere nolunt, ii tandem adhuc ab incredulitate sua desistere possunt, antequam cadent super Christum, hostilem sc. animum ad mortem usque retinentes; Et horum videntur hæc verba Christi addita esse, quasi legeretur; Videte ut in tempore resipiscatis; Frustra enim eritis, imo cum maximo vestro damno tandem sentietis, quid sit credere nolle: Rex hic, & regnum ejus stabit immotum; Quotquot ei sese opponent, eos tandem ruina opprimeret, saxi instar, quod sive quis in illud præceptum ruat, sive illud super aliquem cadat, infractum semper manet, protritum pessumdatisque cæteris omnibus, quibus alliditur. Resipiscite ergo, dum tempus est; antequam aut vos cadatis super illum, aut ille super vos cadat, vosque æterna ruina opprimat. Locus desumptus ex cap. 11. ad Rom. vers. 2. & 20. perperam carpitur à Censore, quasi in eo non de temporali, sed de æterna abjectione agi adeo clarum sit, ut non nisi per manifestam vim alio torqueri possit. Obsecro enim, qua vel specie id dicitur? Contrarium meridiana luce clarius est, I. ex vers. 12. ubi disertè Apostolus quærit, *Num igitur inquam ego impegerunt ut laberentur, aut caderent?* Id enim idem est ac si quæreret, Num igitur æterna & per-

Vindicatur
locus Matth.
21. 43. in
Declar. citat.
cus.

Quid sit, cades
re in prædicto
loco.

K k k

emtoria

EXAMEN CENSURÆ

emtoria est eorum reprobatio? & respondet: *Abst*, sed per eorum ruinam salus obigit gentibus, ut eos ad æmulationem provocaret. Quo ipso Apostolus aperte significat, consilium Dei in reprobando populo suo & transferendo gratiam Euangelii ad gentes, non fuisse, ut hac ratione populum suum ab omni spe gratiæ ac salutis tecluderet, ejusque ad meliorem mentem reducendi curam nullam amplius haberet (hoc enim hic est *πινλειν* labi sive excidere finaliter ex favore divino, & spe reditutionis in gratiam cum Deo, id est *ἐκπινλειν*, contra quam accipitur ab Apostolo vers. 22. ubi pro incidere in iram divinam, non sine spe restitutionis accipitur, ut ex natura rei liquet) sed contra, ut ea ipsa translatione Euangelii ad gentiles, veluti acri stimulo quodam, populum suum stupentem ac somnolentum excitaret ad resipiscentiam & fidem; quasi legeretur: Postquam Deus omnia frustra à se tentata, nihilque apud populum suum profectum vidit, multis & crebris, omnique exceptione majoribus argumentis, signis, ac prodigiis; unicum & extremum quasi remedium superesse adhuc judicavit, si eos desereret, & gratiam suam ad extraneas gentes transferret; easque per fidem in populum suum adscisceret, divinisque suis beneficiis largiter perfunderet, ut hoc videntes increduli Iudæi, veluti Zelotypia incenderentur, & relicta lege Mosai- ca, ad imitandum gentium illarum fidem & obedientiam exstimularentur, sicque iterum favoris ac gratiosorum beneficiorum, ipsis primitus promissorum, participes fierent. Reprobatio itaque hæc populi Iudaici, quam Apostolus nunc *παράπρωμα* nunc *ἀποβολή*, nunc *ἐκκλασιν*, nunc *ἡτῆμα* vocat, æterna reprobatio esse non potest, uti Censor vult, sed temporaria, & quæ bono ipsorum Iudæorum, si modo sanabiles adhuc essent, animumque advertere vellent, servire poterat, utque ei fini serviret à Deo facta erat. Confirmatur hoc planissime ex vers. 13. & 14. ubi Apostolus seipsum Apostolum gentibus à Deo destinatum esse adserit, eo fine, ut consanguineos suos, à Deo reprobatos, ad æmulationem provocaret, & quantum in se erat, aliquos saltem ex iis adhuc servaret. Servari itaque poterant adhuc reprobatii illi, & ut servarentur consilium Dei erat. Reprobatio itaque non æterna, sed temporaria ut hic intelligatur necesse est. Adde his II. quod Apostolus diserte vers. 23. adfirmet, Iudæos reprobatos iterum *insertum iri*, si non permanserint in infidelitate; & rationē addit, quod *Deus eos rursus possit inserere*, quod sane ridiculum esset & prorsus absurdum, si reprobatio hæc æternam reprobationem significaret, qualem Censor statuit. Quæ contra hæc adfert Censor, le-
viora

Paraphrasis
supra dicti lo-
ci.

viora sunt, quam ut vel expendi mereantur. Nec minus leve est, quod sequitur. Dixerant Remonstrantes, Deum improbos homines abjectionis poena punire, cum eos amplius pro populo suo habere non vult. *Reprobatio ergo*, inquit Censor, *tantum erit totorum populorum, nulla singulorum hominum.* Quasi vero populus, qua populus, Logice aut abstracte sumtus, reprobationis objectum esse possit, aut populus aliud quid sit, quam singuli inter se juncti. Sophismata hæc indigna sunt seriis disputatoribus. Cum dicunt Remonstrantes, Deum improbos homines & præfracte aliquamdiu ipsi rebellantes, quos antea populum suum vocaverat, pro populo suo amplius habere nolle, tum impios illos simul sumtos, non ut totum aliquod Logicum intelligi volunt, sed ut totum Physicum, quod reipsa à singulis partibus non differt: quasi dicerent: Deus omnes & singulos istos tergiverfatores & rebelles non amplius vult tractare uti populum suum, sed tanquam alienos & extraneos, familiari aut benigna tractatione seipsos judicantes indignos: Eundem plane ad modum quo ex opposito dicit Deus 2. Cor. 6. 17. *quapropter exite è medio eorum, & separamini, dicit Dominus, & impium ne attingite, tum ego excipiam vos; & uti versu præced. dixerat: Habitabo in vobis, & inambulabo, & ero Deus vester, & vos mihi eritis populus. Sed pergamus,* inquit Censor, *ulterius. Unde vero constat, reprobos illos in Dei populo non haberi? Hoc in sequentibus sic definiunt, quando Deus gratiam Spi. S. ab ipsis saepe spretam, jure iisdem subtrahit; imo externa etiam media illa interdum eis conferre dedignatur, quibus ordinarie ad salutem populi sui uti solet, &c: Ismael Ergo, inquit, & Esau reprobati non sunt. R. Sane, si de personis eorum loquatur Censor, uti verba ejus præ se ferunt, antequam ipsi rebellabant parentibus suis, propriaque sua culpa se indignos divina benedictione reddebant, reprobatione ista reprobati non fuerunt à Deo. Attamen, inquit, de primo eorum testatur Apostolus, quod in semine isto censurus non fuerit. Ita est. At in semine isto non censeri, non erat reprobatione ista reprobati de qua hic agitur; Sed aliud nihil erat, quam reprobati à typica illa hæreditate terræ Canaan, quam Isaac Deus assignabat, non Ismaeli, cum qua reprobatione consistere poterat, adeoque consistebat, gratia divinæ vocationis, cujus beneficio Ismael divinum, favorem, & æternam benedictionem ambire & consequi poterat, sicut cum gratia electionis, qua Deus Isaacum in semine isto censēbat, consistere poterat hæc reprobatio, si videlicet Isaac ea se digne gerere non voluisset; pro ut apparet ex eo, quod Ismael ipse circumcisionis signum accepit*

Quid sit,
Deum impro-
bos præfracte
rebellantes
pro populo
suo habere
amplius nolle.

Quid sit Is-
maelem in se-
mine censuram
non fuisse.

EXAMEN CENSURÆ

jussu divino, non minus, quam Isaac, & Ismaelitæ deinde omnes, etiam si à semine istius privilegio exclusi, ejusdem terræ hæreditate aut potius beneficio gaudere poterant, si ritus & sacra eadem cum Isaacidis amplecti vellent, imo, quod magis est, Deo propitio frui poterant, si modo in terra sua Deum patris sui recte colerent, & ab idololatria omni immunes se gererent; quod Ismaelitas multos fecisse manifestum est; Et contra, quod Isaaci posterì, per Iacobum descendentes, & hæredes terræ istius Canaan, reprobari à Deo potuerint, & eorum non pauci à Deo reprobatì fuerint æterna reprobatione, qui Deum in terra ista hæreditaria non rite colebant, & indignos se divina benedictione præstabant, uti ex historia V.T. manifestum est. Eadem est ratio Esavi. *At de eo tamen, inquit Censor, testatur Apostolus, quod nondum natis pueris, cum necdum boni aut mali quicquam fecissent, ut propositum Dei, &c.* Ita est: At dictum Dei, *Major serviet minori, & Esau odio habui*, significare Esavum à Deo reprobatum fuisse æterna reprobatione, ita ut à spe omni gratiæ & favoris divini seclusus fuerit, qua vel specie dicitur? Aliud est reprobari à typico isto beneficio terræ Canaan, & non censerì in populo illo, quem Deus hæredem terræ istius facere volebat; aliud reprobari à beneficio gratiæ istius, quæ necessaria est, ut quis Deum pro Deo suo habeat, & divini ac cælestis favoris particeps fiat. Hoc modo Esavum à Deo reprobatum fuisse, nec isto dicto adleritur; nec ex isto dicto vel per speciem concluditur. Ratio est: Quia, sicut cum isto beneficio, quo Deus Iacobum & posteros ejus censebat in semine, quo eos diligebat, & Dominos fratrum suorum Edomæorum esse jubebat, stare poterat eorundem reprobatio & condemnatio, si vid. Deo non obedirent, aut eum rite non colerent; ita cum hoc, ut ita loquar, maleficio odii, sive potius amoris hujus & beneficii singularis defectu, stare poterat Esavi & posterorum ejus æterna salus, si vid. in terra sua Deum rite colerent, non quidem ex præscripto legum istarum, quæ populo Israelitico in terra Canaan datæ erant (ad eas enim extra terram istam non obligabantur posterì Esavi) sed ex præscripto isto, quod à patre suo Isacco Esau acceperat, ad quod præscriptum circumcisionis etiam pertinebat; prout ex eo manifestum est, quod multi Esavitæ Deo grati & cari fuisse legantur, & sanctimoniam laude in terra sua claruerint. Solum Iobi exemplum, & historia sapientum istius ævi fidem ejus rei facit certissimam, ut jam alia non allegem. Quod porro Censor colligit ex eo, quod *Remonstrantes inter signa abjectionis sive reprobationis*, quam

vocant,

Sensus verborum, Major serviet minori & Esau odio habui.

vocant, collocant hoc etiam signum, quod eos, quos abjicit aut reprobat, relin-
quat aliquando sine veris pastoribus piisque doctoribus, ex eo, inquam, conse-
qui illos, quibus veros pastores piisque doctores adhuc concedit, reprobatos non
esse, in eo vehementer errat. Non enim convertuntur hæ duæ propositio-
nes: Cum Deus rebelles relinquit sine veris pastoribus, id signum est,
quod eos rejiciat & reprobet; & cum Deus tales reprobat, tum eos re-
linquit sine veris pastoribus piisque doctoribus. Nec Remonstrantes af-
firmant, abjectionem sive reprobationem istam, quam describunt, sem-
per conjunctam esse cum ejusmodi desertione, imo contrarium non ob-
scure dicunt, cum affirmant Deum interdum (NB) interdum inquam, ta-
libus externa media illa non conferre, quibus ad salutem populi sui uti
solet. Eo ipso enim significant, Deum aliquando hoc, aliquando illo, ali-
quando pluribus, aliquando omnibus istis signis simul testatum facere,
se præfactos & rebelles istos punire pœna reprobationis. Non enim
omnes eodem semper modo, nec æquali punitionis gradu in hac vita puni-
t, sed pro arbitrii sui libertate: Quare, quod posthac prolixè disputat
de privatione gratiæ Sp.S. à contumacibus istis diu multumque spretæ,
qua Deum istos, quos abjicit, punire dicunt Remonstrantes, plane ineptum
& superfluum est. *Hoc non convenit*, inquit, *per omnia cum veritate*
nec cum ipsorum aliis hypothesebus. Non cum veritate, inquit, *quia etsi verum*
fit Deum gratia Spiritus sui & verbi quoque ministerio saepe privare eos, qui
adversus illud (cur non addis Censor & adversus illam gratiam Spiritus
S. ? nam & hoc volunt Remonstrantes) *contumaces sunt, uti loca adducta,*
ostendunt; tamen Deus non semper id facit, quia miseretur cuius vult: At nec
Remonstr. dicunt Deum semper id facere. Contrarium ex antedictis li-
quet; divino arbitrio id relinquunt. Imo tantum abest ut id dicant, ut ne
quidem dicant, quod hic à Censore, nimis sane inscite, dicitur, Deum Is-
raelitas, id est, populum suum Israeliticum, post tempora ascensionis
Christi in cælum, sic reprobasse, ut eum pro populo suo amplius nolue-
rit agnoscere. Contrarium satis manifestum est, ex cap. 11. ad Rom.
ubi diserte diligè adhuc dicuntur propter Patres, secundum electionem, adeo
ut vocatio illa & donatio illa, qua Deus illos semel populum suum voca-
re, iisque populi sui nomē donare voluit, dicuntur esse ἀμεταμέλητος. La-
titudine itaque in reprobatione hac agnoscitur à Remonstrantibus, quam
Deus pro arbitrio suo intendit, & remittit, extendit, contrahitque. Ad-
dit Censor: *Non convenit etiam cum ipsorum hypothesebus, quia statuant*
omnibus hominibus gratiam. Spiritus S. ad salutem sufficientem semper
adstiteret.

Exceptio Cen-
toris diluitur
de signo re-
probationis
sive abjectio-
nis populi ali-
cujus.

EXAMEN CENSURÆ

Reprobatio
puli alicujus
& sufficientis
gratiæ reli-
ctio five con-
cessio non pu-
gnant.

Reprobatio,
excacatio &
induratio quo-
modo distincti
actus sunt,

adstere. Hoc vero est manifeste prævaricari, & verba Remonstrantium calumniari. Nam cum Remonstrantes asserunt, Deum sufficientem gratiam ad salutem omnibus semper concedere, non id volunt, quasi Deus nunquam homines ullos, etiam contumacissimos, gratia Spiritus sui S. priver, sed tantum, quod Deus illos non in tantum priver gratia omni, ut plane impossibile sit, tales ad poenitentiam rursum redire, & per preces, aliaque exercitia amissam gratiam recuperare. Semper enim clementem Deum viam aliquam apertam relinquere credunt, per quam redire possunt in gratiam cum Deo; non quod via ista, vel auxilium istud, quod Deus talibus relinquit, per se semper sufficiens sit ad salutem, sed quod sit sufficiens ad id faciendum, quo gratiam sufficientem ad salutem recuperare possint. Atque hoc idcirco urgent, quia Socinum, aliosque statuere vident, Deum in hac vita sæpenumero gratiæ ostium sic occludere, ut prorsus nulla veniæ aut misericordiæ divini recuperandæ spes sit, quamquam sententiam istam adeo falsam ac noxiam non putant, ut tolerari non possit; Absit. Qui eam tenent, eos, si rationibus ab ea abduci nequeunt, indicio suo frui sinunt. Quare, calumnia potius videri debet hæc Censoris ratio, quam justum argumentum. Et eadem est ratio ejus quod de Lege naturæ hic adfert Censor, prout ex antecedentibus aliisque locis, ubi ea de re prolixè actum est, manifeste perspicitur potest. Quæ de excacatione & induratione dicuntur in Declaratione, ea fere probat Censor. *Modos etiam excacationis atque indurationis adductos, ex parte agnoscit, nisi quod reprobatio, inquit, antea ab iis definita, & excacatio hic explicata plane coincidunt.* Sine causa; Nam aliud est privari gratia Spiritus S. aliud erroribus, qui etiam sine gratia illa declinari possent, miris modis implicari, quod Scriptura S. appellat *efficaciam erroris immittere*, & *in mentem reprobandam dare*, que nec probat quod rectum est, nec probari alii ulli potest, qui vel solum naturalem rationis rectæ ductum sequitur. Aliud privari gratia Spiritus S. aliud peccatis & peccandi occasionibus, quæ etiam sine gratia ista evitari possunt, involvi, quod sane multis variisque modis fieri potest. Aliud privari gratia Spiritus S. aliud Satanæ tentationibus, præstigiis, & illusionibus circumagi & seduci. Cetera, inquit Censor, *a nobis probantur.* Sed desinant deinceps Remonstrantes Calvino, atque aliis Orthodoxis scriptoribus calumnias struere, quando ejusmodi quoque loquendi modis, qualibus & ipsi hic, utuntur, &c. Imo à nemine nostrorum facile asseri observetur: Quod denique subjiciunt Remonstr. quod iis, (nempe à Deo, de cujus judicio hic agitur) occasiones errandi

errandi & peccandi multiplices, obijciuntur, &c. Nempe hæc occasio ut clava ubique arripitur à Censoribus, aliisque iptorum *ἡμοψύχοις*, ut ad-
 verlarios suos convicio aliquo mactent, & pudendum reprobationis suæ,
 & quæ ei adherent, placitum, veluti colore aliquo tegant: *ὁ γὰρ ἄδικος λόγος νοσῶν ἐν αὐτῷ φαρμάκων δέται σφῶν*. Quasi vero quisquam adeo
 cæcus sit, ut non videat quam immane discrimen sit inter hoc dictum
 Remonstrantium, & horrendam ac bonis omnibus pudendam Censuram
 de Reprobatione sententiam. Dictum Remonstrantium hoc est; Deus
 occasiones errandi & peccandi, id est, ea, quæ per se occasiones ad erro-
 res & peccata evitandum sunt, per accidens tamen errandi occasiones
 sunt, aliquando objicit istis hominibus, qui propria, diuturna & inex-
 pugnabili sua contumacia se quovis Dei supplicio dignos reddiderunt.
 Sententia autem Censuram de Reprobatione hæc est, Deus, ad decla-
 randum Iustitiam & misericordiam suam, id est, ad gloriam nominis sui
 illustrandam, peccato opus habet: Hinc Adamum peccare vult; in Adamo
 autem peccante censet omnes ex Adamo nascituros, iisq; peccatum Ada-
 mi imputat, adeo ut omnes propter istud reos velit esse mortis utriusque
 temporalis & æternæ: Deinde propter peccatum illud omnes punit pec-
 cato Originis: Tertio, Peccati istius Originalis vi omnes & singulos ine-
 vitabili peccandi necessitati obstringit, usque adeo, ut omnes & singuli
 natura sua propensi sint ad odium Dei & proximi: Multo maximam eo-
 rum partem sub illa peccandi necessitate relinquit: Nonnullis eorum
 externam gratiam Evangelii sui offerri curat, illos hortatur, orat, obtesta-
 tur, & promissis, minis aliisque invitationum modis movere studet, ut à
 peccando desistant & gratiam oblatam recipiant: Non recipientes, prop-
 ter istam peccandi necessitatem, qua laborant ex punitione præcedente,
 quæ facit, ut non possint recipere gratiam Evangelicam, excæcat, indu-
 rat, ac tandem gravioribus, iisque temporalibus atque æternis animæ &
 corporis cruciatibus excarnificat. Hæc summa est sententiæ Censuram
 de Reprobatione. Profecto qui hæc tot barbara, & ab omni recta ratio-
 ne aliena pronuntiata confert cum dicto isto Remonstrantium, adeoque
 (ὦ pudor!) ista ut dicto isto Remonstrantium leniora, ac mitiora censet,
 quid aliud facere credendus est, quam cum ratione insanire velle? Nun-
 quam eluet Censor fœditatem tot ac tam barbarorum pronunciatorum,
 que sententia ista de Reprobatione veluti inter se concatenata habet,

Ψευδολόγων κανόνων φεῦ πληθύος.

A D

Ostenditur
 discrimen in-
 ter Calvini du-
 ras & horri-
 das locutio-
 nes de Repro-
 batione &
 eam qua utun-
 tur in eadem
 materia Re-
 monstrantes,
 cum dicunt,
 Deum errandi
 & peccandi
 occasiones
 pertinacibus
 & diu Euan-
 gelio relac-
 tibus objice-
 re.

AD CENSURAM CAPITIS XXI.

De ministerio verbi Divini, deque ordinibus Ministrorum.

Mirumne est, Lector, Censuram hanc, in vastum volumen exisse? Eadem centies censentur, & sine causa. Nec à minimis abstinentur. Et adeo curiosum & subtile aliquando acumen est, ut nescias quid censeatur. Caput hoc vide & palpabis. Quid hic non cribrat & ventilat novus hic vitiligator potius quam Censor? A titulo orditur. Adeo tener est ejus oculus ut illum non ferat. Et quid in eo taxat?

Cavilli aliquot
diluuntur ex
ordine,

Primo, inquit, Remonstr. *Capite hoc toto non agunt nisi de Ministerio N. Test. Veteris Test. omnino præterito.* Nempe igitur multo majore Censura dignus est Apostolus, qui se & Apostolos omnes cæteros non tantum dicit esse Ministros N. Test. præterito Vetere, sed etiam diserte negat esse Ministros Veteris Test. 2. Cor. 3. vers. 6. *Qui etiam fecit ut idonei simus ministri novi Fœderis, non litera, sed Spiritus:* Quod si idem dixissent Remonstr. an non cum Apostolo multo plus dixissent quam hic dicunt? *Ac ne unum quidem testimonium ex V. Test. producant,* inquit Censor. Nempe & hoc necesse erat fieri, ut Orthodoxa esset Declaratio: At si clara satis sunt testimonia, quæ ex N. Test. citantur, an non hoc sufficit? Sane, nam Vetus Test. ejusque ministerium, ut divinum & à Deo profectum, diserte confirmatur in N. Test. Quæ analogia, proportio, & convenientia inter utrumque sit, non est hujus loci inquirere. In præcedentibus id satis superque factum est. *Deinde,* inquit Censor, *totum Ministerium sacrum desinire videri possunt Ministerio Verbi divini, ita ut omnibus communem faciant ejus administrationem.* Quasi vero id ex titulo colligatur, qui est de Ministerio verbi divini, deque gradibus Ministrorum. Pudet, dicam, an piget tam futilium consequentiarum? Ministerium Verbi divini nominatim tantum describunt, quia primum est, quod fundandis cæteris ministeriis necessarium est, & principem merito locum ac gradum tenet inter ministeria. Paragrapho primo quid censeatur hariolandum pene est. In suspensionem videtur vocare Censor, *quasi Remonstr. publicam verbi predicationem non statuunt medium necessarium à Deo ordinatum ad conversionem hominum, directe contra scopum,*

scopum, quem propositum sibi habent Remonstr. in hoc capite, & contra verba expressa, quæ paragrapho 5. exstant, Unde nata est totius ministerii Ecclesiastici perpetua necessitas & multiplex utilitas. Transiit porro est eadem in thesibus Episcopii, inquit Censor, Nempe & hoc Censura dignum erat. Nos transeamus tam ineptas Censuras. At transiit ista declarant se voluntatem hanc Dei, Ministerii N. Test. adequatum subjectum facere. Quid tum? At in titulo objectum Ministerii statuunt verbum Dei, quod sane per se longius patet, quam Dei illa voluntas. Respicit enim illud & naturam & opera, & voluntatem Dei. Ita est. Sed voluntatem Dei respicit per se, Naturam & opera propter voluntatem Dei: Nam naturæ & operum Dei cognitio non continetur verbo, ut aliquid, quod Deus per se aut ultimo intendit, sed quod tantum intendit ut medium ad voluntatem Dei præstandum necessarium. Quare, cum Remonstr. objectum Ministerii statuunt voluntatem divinam strictiore significato summatam, tantum abest ut sic excludant naturam & opera Dei, ut ea includant; quatenus vid. voluntas divina præstari non potest sine præcedanea cognitione Naturæ & operum divinorum. Nemo enim potest Dei præceptis parere, & promissis ejus fidere, nisi de Natura & operibus ejus antea sit instructus & persuasus. Voluntas itaque Divina est objectum Ministerii per se: Naturæ & operum divinorum cognitio propter aliud, quippe ea semper supponitur in Voluntatis Divinæ tum prædicatione tum præstatione. En, ut operosa hæc & ingens Censura,

Pulveris ex cui jactu concussa quiescat.

Denique inquit Censor, Ministerii hujus officia & partes restringunt ad doctrinam prædictæ illius voluntatis, non item ad Sacramentorum administrationem, & disciplinæ exercitium: Inepte. De Ministerio hic agunt, quo Deus uti vult ad colligendum sibi Ecclesiam: At Sacramentorum administratio, & disciplinæ exercitium ad Ecclesiam jam collectam pertinent, & in Ecclesia collecta locum tantum habent. Unde de iis postea agunt.

Paragrapho secundo & tertio videri possunt, inquit Censor, missionem Dei tantum referre ad Apostolos, qui immediate à Deo missi fuerunt, neque ulterius eam extendere, aut peculiari aliqua vocatione & missione opus esse docere. Quid per peculiarem vocationem & missionem hic intelligat Censor incertum est. Ioannes Polyander collega ejus in Synopsi purioris Theologiæ, per eam intelligit internum Spiritus S. instinctum, quo virorum Dei præcordia ad Sacrosancti Ministerii desiderium efficaciter flectuntur, atque excitantur. Idem & hic Censor passim hic

L II

videtur

Expenditur
quod de pecu-
liari missione
& vocatione
Censor deside-
rat in Declara-
tione Remon-
strantium.

EXAMEN CENSURÆ

videtur indicare. Hoc si ita est, nihil ineptius à Censore disputari potest: Nam nemo unquam istum instinctum missionem vocavit. II. Nec Censores ipsi quid iste instinctus peculiaris sit unquam explicabunt, aut quare ratione à pura pura imaginatione, quam quisque apud seipsum formare potest, distingui possit ac debeat. III. Ubi id explicaverint, nemo erit, qui istum instinctum non requiri dicet in eo, qui ad alios docendum se comparat: Nec Socinus uspiam hujusmodi instinctum requiri negat, ut inepte Polyander videtur in suprad. disput. statuere. Quare hac significatione præterita, de missione proprie dicta quæritur, de qua ita statuunt Remonstrantes. Missionem, seu immediatam, qualis fuit Apostolorum, seu mediatam, ut ita loquamur, qualis fuit ordinatio Episcoporum per Apostolos, aut eorum successores, non existimant esse præcise necessariam ad constituendum ministrum Evangelicum, sive ad hoc, ut quis jure & legitime Evangelium per Apostolos prædicatum, porro aliis hominibus prædicet: Ubi cætus formati sunt, & in cætibus jam certus ordo constitutus est, fatentur mediatam seu ordinariam missionem locum habere & posse, & debere: Ibi enim ut mittantur, id est vocentur, qui cætus istos ex ordinis constituti præscripto doceant, ordinis & decori ratio postulat. At ubi cætus nondum sunt formati, aut ordo nullus in cætibus adhuc constitutus est, ibi prædicandi Evangelium jus habet, quicumque donis ad docendum idoneis, juxta Canonem Apostolicum 1. Tim. 3. Tit. 1. præditus est, quem populus aut rogat ut doceat, pro modulo suo, aut quem docentem ultro audire sustinet. Alia missione hic opus non est. A Deo mittitur, quisquis hac ratione populum vias Dei docet, non quidem si præcisa missionis, sive verbi mittendi significatio, sed si usitata tantum attendatur. Quod si hoc Socinianum esse credit Censor, uti hic non obscure indicat; Sociniani itaque Collega ejus est, Ioannes Polyander, qui in Synopsi purioris Theologiæ disp. 42. Thesibus 42. 43. 44. disertè idem affirmat; & quidem postquam prolixè contra Socinum disputavit pro missionis necessitate. (Quis non miretur viri acumen?) Verba ejus hæc sunt: Si vero ex illis aliqui in principio Reformationis absque prævia certa cujusdam Ecclesiæ vocatione Evangelium Christi plebi ipsis reclamanti annuntiaverunt, illi eodem Spiritu ad illud opus S. Ministerii alii fuerunt, quo olim Apollos, Cyprii, & Cyreni, qui olim in Judæorum Synagogis, & coram gentibus mysteria Iesu Christi, prædicasse dicuntur, Act. 11. & 28. tametsi aut à Judæis, aut à gentibus, aut ab Apostolis, aut Evangelistis ad illud munus fuisse ordinatos, nusquam

Missio immediata qualis fuit Apostolorum, aut mediatam, qualis fuit ordinatio Episcoporum per Apostolos aut eorum successores, non semper aut præcise est necessaria ad constituendum Ministrum Evangelicum,

Confirmatur testimonio ipsorum Censorum,

nusquam legatur. Interim, sicut illi, accedente postea Apostolorum approbatione, per Barnabam aliosque Christi Discipulos in isto munere inchoato sollemniter fuerunt confirmati, teste Luca Act. 11. 17. & 13. 27. Sic Origenes alicui in urbe, in qua nullus est Christianus, Euangelizanti contingere posse asseverat, ut postmodum communi auditorum, quos ad Christum convertit, suffragio Episcopus ordinetur. Hom. 11. in 13. Num. Et sane, ubi nulla est Ecclesia, ibi viris à Deo ad Euangelizandum missis, non est ab hominibus, Deum ignorantibus expectanda vocatio, sed Deo mittenti immediate obtemperandum ex communi obligatione, ad regnum ipsius, pro occasione oblata, promovendum, donec tum Ecclesia ab ipsis colligenda, tum fratrum vicinorum, aut remotorum consensu, in inchoata functione stabiliantur. I nunc, Censor, & Socinianismi dicam scribe Collegæ tuo, & si placet, eandem scribe Petro Molino, qui, in Resp. sua ad Cardinalem Perronium, integro capite 34. probat, complures ab omni ævo Verbum Dei prædicasse, sine ulla præcedente missione, aut vocatione, & quod mirere, tam extra, quam in casu necessitatis, eosque id iure ac recte fecisse. Similiter dicam scribe Amesio tuo, qui nuper in Bellarmino suo enervato, Tom. 2. lib. 3. cap. 2. de vocatione, his verbis utitur: *Missio nusquam in Scriptura significat vocationem ordinariam, quæ per homines in aliquem derivatur, neque sua significatione notat actum aliquem hominum vocantium hominem ordinaria ratione vocandum. Apostoli ipsi nunquam hoc sibi arrogabant, ut missionem suam haberi voluerint pro vocatione ordinarii pastoris: quomodo prædicabunt, nisi mittantur? supple (ait Cajetanus) à Deo. Quin imo, tibi ipsi dicam scribe, Censor, qui pag. seq. 274. diserte asseris istud ipsum. Hæc verba tua sunt in fine paginæ: Interea tamen non diffitemur in Ecclesia prima institutione, cum ordo non est, aut ejus restitutione, ordine collapsa, aliam rationem (quæ tamen vicem habeat vocationis) iniri posse, sed extraordinarie. Vide etiam eundem Amesium sæpius idem asserentem, in cap. de ordinatione in Bellarmino enervato, aliosque Reformatos complures. Ex his eadem opera æstima, Censor, quam aliena sint, quæ à te allegantur loca, ad probandum missione ordinaria opus esse, ad constituendum ministrum Euangelii; & imprimis, quam igepte à te, ex mente Amesii, citetur locus, ex Epist. ad Rom. 10. 15. ut probes ordinariam missionem. Denique quam immeritò Socinianos facias Remonst., cum locum istum de missione Dei extraordinaria, sive quæ à Deo fiat, tantum intelligendum esse dicunt, quia idem forte Socinus dixit, cum Amesius vester diserte asseret, *Missionem in Scripturis nunquam vocatio-**

Et Petri Molino.

Et Amesii.

EXAMEN CENSURÆ

nem ordinariam, aut eam, quæ per homines fit, significare; & missionem illam cum Cajetano, de missione illa, quæ à Deo fit, intelligendam tantum esse.

Sectione tertia: Apostolis, quibus singularem auctoritatem ac ἀντιπροσώπων & irrefragabilem potestatem tribuunt, inquit Cenfor, adiungunt socios tum Prophetas & Evangelistas, tum doctores & Pastores, quibus, qualem, & an similem auctoritatem tribuant, non dicunt. Nempe, silentium tam controversæ & incertæ rei etiam censuram patitur. Quin potius audacia hæc Cenforis censura digna est. Quæcunque enim hac de re disputantur, ea, ut ut speciose ventilentur, talia tamen non sunt, ut pro certis atque indubitatis haberi aut possint, aut debeant. Certe, inquit, Prophetis eam detrabere nequeunt, quum Ecclesia dicatur inadificata super fundamentum Prophetarum & Apostolorum, scilicet tum V. tum N. Testamenti, Eph. 2. 20. & 3. 5. Nec Remonstrantes eam Prophetis vel verbulo detrahunt. Attamen per Prophetas intelligi istis in locis, quos Cenfor citat, Prophetas tum V. tum N. Testamenti, quæ Socini explicatio est, non usquequaque est certum. Et causam dubitandi justam habent ii, qui locum 1. ad Corinth. 14. 32. ubi de Prophetis & Prophetarum auctoritate agitur, exponunt de subjectione, qua Prophetæ pauciores pluribus contra sentientibus subiecti esse debent. Etenim, si ista Prophetarum N. Test. conditio fuit, non fuit sane auctoritas eorum ἀντιπροσώπων, nec potestas irrefragabilis. At si de subjectione illa agi dicatur, qua Prophetarum proprii Spiritus, sive divinæ inspirationes ipsis prophetantibus subiectæ erant, ita ut eas non lymphatorum in morem, sed composito animo atque oratione, suo tempore atque ordine proferre possent in medium, minor dubitandi causa est, quamquam & alia loca sunt, quæ indicare videntur, Spiritus ejusmodi Prophetarum probari etiam à fidelibus ominibus debuisse, an ex Deo essent. Nec Evangelistis, inquit, quod hi ἀνταγορεύοι, cooperari Apostolorum passim dicantur. Quæ & qualis auctoritas Evangelistarum fuerit, incertum adeo est, ut necdum certum sit qui Evangelistarum titulo censiti fuerint, aut cenferi à nobis debeant: Saravia 70. discipulos immediate à Christo vocatos, & alios quosdam ab Apostolis deinde assumptos, Evangelistas fuisse vult: Lucam & Marcum in Evangelistis non censet, nec Titum, Timotheum, &c. Beza id meram fabulam esse vult. Remonstrantes de eo contendere nolunt. Hic tantum admiratio illos tener, quod Cenfor Evangelistis parem cum Apostolis auctoritatem tribuat. Si quidem constans est sententia Ecclesiarum, disparem fuisse

Qui per Prophetas intelligantur Ephes. 2. 20. & 3. 5.

Quæ Evangelistarum auctoritas fuerit,

fuisse Euangelistarum & Apostolorum auctoritatem in docendo & scribendo, imo scripta Euangelistarum pro divinis & Canonicis censenda non fuisse, nisi auctoritate Apostolicæ alicujus approbationis confirmata fuissent. Recte an secus ita sentiant Reformatæ Ecclesiæ, merito adhuc controvertitur. Nec justa satis ratio pro sententia eorum est, quod Euangelistæ *εὐαγγελιστῆς* Apostolorum passim dicantur. Aliud enim est *εὐαγγελιστῆς* esse, aliud parem in docendo auctoritatem & potestatem habere. Quod ex eo manifestum est, quia Apostolus doctores omnes *συμπεροβυτῆς* suos vocat 1. Pet. 5. 1. Et, quos non vocat Apostolus *εὐαγγελῆς* suos? Vide Phil. 2. 25. 4. 3. Col. 4. 11. Philem. 1. An eos omnes dicet Censor Apostolicam auctoritatem habuisse? An Euangelistæ Rom. 16. vers. 7. Apostoli vocentur, ut Censor ait, incertum est; imo quod de Euangelistis ite agatur, parum verisimile est. Sed & generali vocabulo eos sic appellari posse nemo facile iverit inficias, & phrasim loquendi id videtur arguere, quia eximii inter Apostolos vocantur. Atque hæc, quamquam Remonstrantes pro certis atque indubitatis non adserunt: tamen ex iis facile est colligere, quam longe absit à mente Remonstrantium Censor, cum iis tribuit, quod non Euangelistis tantum, sed & pastoribus & doctoribus (quos pro iisdem habere videtur Apostolus) parem cum Apostolis auctoritatem & potestatem tribuant.

Sectione quarta, inquit Censor, *Doctores & pastores diversos ab Episcopis & presbyteris faciunt*: Nihil minus: Distinctionis tantum illius, quam Apostolus facit, Eph. 4. 11. cum *alios à Deo datos Apostolos, alios Prophetas, alios Euangelistas, alios pastores & Doctores* asserit, rationem habuerunt: An autem Doctores & Pastores iidem non fuerint etiam Episcopi & presbyteri, id vero non definiunt. Et posito, quod Doctores hos diversos ab Episcopis facerent, id est, diversam fuisse eorum functionem, ab Episcoporum functione, quid in eo absurdi foret? Sane, in scholis aut domibus & familiis eorum functio locum habere potuit, ut Episcoporum in Ecclesiis, nullo auctoritatis discrimine. Nec refert, quod voces istæ Doctorum, Pastorum, Episcoporum & Presbyterorum, aliquando permisceantur in Scriptura: nam & Prophetarum & Euangelistarum & doctorum, adeoque Apostolorum voces permiscetur in Scriptura, cum tamen Paulus diserte affirmet, Deum alios dedisse Apostolos, alios Prophetas, alios Euangelistas, alios Pastores & Doctores, ratione scilicet; habita ad peculiare cuiusque functiones, quibus inter se discriminabantur, eodem plane sensu, quo *alii per Spiritum datum*

De Doctoribus & pastoribus.

EXAMEN CENSURÆ

fuisse dicit 1. Cor. 12. sermonem sapientia, aliis sermonem notitia, aliis fidem, aliis dona sanationum, aliis Prophetiam, aliis discretionem Spirituum; cum tamen sæpe unis iisdemque omnia ista, aut multa simul, obtigerint. Ceterum, inquit, in Episcopis, presbyteris & diaconis, utuntur designationis & praefectura vocibus, et, ut in Belgico exemplari est, constitutionis, et quidem ab Apostolis aut Ecclesia; non autem missionis Dei, aut Spiritus ejus mentione facta. At missio hæc Dei, aut Spiritus Dei, quam specialem Dei actionem tibi notat Censor, quæ à constitutione illa, quæ ab Apostolis, aut ab Ecclesia fit, distincta est? An immediatam actionem, qualis erat ea, quæ Deus mittebat, id est, instinctu peculiari adflatos ablegabat, Apostolos, & Prophetas? Immediata itaque Missio semper necessaria est ad hoc, ut quis, Episcopus, Presbyter, aut Diaconus hodieque fiat. An eam, quæ quis sibi ipsi persuadet, se à Deo missum & vocatum esse ad docendum? At persuasio missionis, non est missio, imo posterior est missione, adeoque communis omnibus etiam falsis Doctoribus. An immediatam? At quid tum aliud missio ista est, quam constitutio illa, quæ ab Apostolis aut Ecclesia fit, cujus mentionem faciunt Remonstrantes? Quid? An eam missionem Dei aut Spiritus ejus non esse dices? Quid ergo est missio hæc Dei aut unde hæc cognoscetur? Capiat qui potest. Vide quid Amesius vester in Bellarmino suo enervato cap. 2. de Vocatione Ministrorum dicat Theol. 1. Resp. 5. *Post electionem & ordinationem legitimam, nulla vocatio aut missio generaliter est expectanda, neque intelligi potest, quid vocationis desit ministro sic electo & ordinato.* Atque ex hac una re manifestum est, quam vana & frivola sit tota illa, quam de necessitate missionis paulo ante & hic iterum moleste moves, disputatio. Nec enim intelligi potest quid tibi velis. *Missionem necessariam esse dicis, quæ à persona Ecclesiastica manuum impositione, prævia vocatione Ecclesie fiat.* At hæc Missio, est constitutio illa, quæ ab Apostolis, aut ab Ecclesia fit, præter quam adhuc missionem aliam, quæ à Deo, & Spiritu ejus fiat, necessariam esse dixisti, adducto eum in finem loco Act. 20. 28. *Attendite igitur vobis ipsis & toti gregi, in quo Spir. S. vos posuit Episcopos.* Sed esto: Missio ista tua explicanda tibi relinquatur. Quod attinet ad Missionem illam, quam hic describis, jam ante diximus, Remonstr. haud gravate adsentiri in cæteris formatis & constitutis eam necessariam esse, necessitate ordinis & decoris, cujus Deus ipse autor est (Impositionem manuum excipit ipse Amesius vester in Bellarmino suo enervato Cap. de ordinatione parag. 10. *Ritus impositionis manuum non est absolute necessarius ad esse*

De Missione.

Amesius.

ad esse pastoris, non magis quam coronatio ad esse Regis, aut nuptiarum celebratio ad earum esse.) At in prima Ecclesiae institutione, cum ordo non est, aut in ejus restitutione, cum ordo collapsus est, eam necessariam esse negant, proinde eam de essentia muneris Ecclesiastici, quod in Verbi legitima prædicatione, consistit, non esse habendam: Quod cum totidem verbis in fine hujus paginae Censor agnoscat, quid aliud facit quam contra umbram suam dimicat, & quam aliis labem Socinianismi, inustam cupit, eam sibi ipsi turpiter inurit? Et cum in fine hujus Sectionis diserte à clariss. viro Episcopo Missionem & Vocationem solemnem & ordinariam præscripto Magistratus (ubi videlicet Ecclesia constituta est) definiri adserit, adeo ut crimen læsæ Majestatis committi, eum adseverare dicat, si quis injussu Magistratus ad publice docendum, in Ecclesiam istam inolet, an non satis aperte totam hanc Disputationem suam eversum it, quando Remonstrantibus tribuit, quod missionem sive vocationem nullam mediatam necessariam esse contendunt? Tu Lector judica. Clausula, qua Censor in fine hujus paragraphi utitur, cum ait: *Cujus criminis læsæ Majestatis an non sint rei, ipsi viderint*, sine causa, sine occasione paragrapho adjecta, non nisi fel Censoris, & malam conscientiam arguit. *Majestatis crimen*, ait Tacitus, *ferè eorum est, qui crimine vacant*, & qui ejus rei sunt, plerumque eo gravare solent eos quos oppreserunt, ubi cum honoribus, quos quieta Repub. desperabant, perturbata consecuti sunt licentiam quidlibet impune audendi, dicendi, ac scribendi. Quisquis per factiones opprimitur, velit nolit, factiosus audire cogitur, & qui oppressit, factiolus, & Majestatis reus esse desinit. Factio nunquam triumphantis, sed succumbentis, aut, licet per vim & injustitiam oppressæ partis, nomenclatura est.

Sectione quinta, inquit Censor, *Episcopos cum Presbyteris copulant, & confundunt utrosque docendi & regendi officiis, nisi forte hæc distincte, & cum certo officii cujusque respectu accipi velint*: Fatendum est verba Remonstrantium, sic concepta esse, ut distincte & cum certo officii cujusque respectu accipi possint; etiam si potissimum in eam partem inclinent, quæ Episcoporum & Presbyterorum functionem eandem olim fuisse statuit. Atqui, inquit Censor, *sententiam suam ita in ambiguo occultant, ne auctori de pietate Ord. Holl. refragari videantur*, &c. Nempe, hoc illud erat, quod Remonstr. movit: Pulchre conjecisti, mi Censor. At, cur non conjecisti potius id factum à Remonstrantibus, ne universis Magnæ Britanniae Theologis, viris anti-

De distinctione inter Episcopos & Presbyteros.

quitatis

EXAMEN CENSURÆ

quiritatis melioris peritissimis simul ac retinentissimis, refragari videntur? Hoc præjudicium, credo, nimis grave tibi, visum fuit. Author libelli de pietate Ord. Hollandiæ ut primus ac solus sententiæ hujus patronus crederetur, causæ tuæ intererat. Sed, si omnino res ita se haberet, non gravarentur confiteri Remonstr. istius viri auctoritatem, in rebus ad antiquitatem & ritus præfatos pertinentibus, tanti apud se momenti esse, uti nisi gravissimas rationes habeant, sententiæ ejus refragari nolint. Est enim antiquitatis & juris præfati ad miraculum usque peritissimus, ut jam alias ejus dotes, quibus Hollandiam illustrat, & propter quas Hollandiæ nostræ decus appellari meretur, non attingamus. Et, rem hanc quod attinet, etsi Remonstr. litem nemini propter eam movendam esse statuam, jure sane ac merito Presbyterorum hanc distinctionem, in *Presbyteros docentes*, & *Presbyteros regentes* tantum, novitium *ἐνχημα* Vir iste Clarissimus pronuntiavit. Nihil in toto N. Test. est, quod distinctioni istæ fundandæ sufficit. Tota antiquitatis praxis ei repugnat; & non paucæ sunt rationes, propter quas merito culpari debeat, nisi quidem necessitas eam exerceri postulet; quo casu eam, non inutiliter in Ecclesia usurpari posse, haud inviti concedimus: non ut Apostolicam institutionem, sed ut ordinationem humanam. Unus tantum locus est 1. Epist. ad Tim. 5. 17. unde distinctio illa peti posse videtur. Et hunc Censor unicum pro causa sua citat. At, si is propius videatur, apparet non usque adeo clarum esse, ut solide pro distinctione ista, tanquam Apostolica, adferri possit. Nam in textu non dicitur *Presbyteros* alios esse simpliciter *πρεσβυτέρους*, & non laborantes in verbo, id est, non docentes alios *κοπιῶντας ἐν λόγῳ καὶ διδασκαλίᾳ*, sed inter Presbyteros *καλῶς πρεσβυτέρους* dicuntur alii esse *κοπιῶντες ἐν λόγῳ καὶ διδασκαλίᾳ*: alii non. *Κοπιῶν ἐν λόγῳ καὶ διδασκαλίᾳ*, non est simpliciter docere, aut docendi provinciam, veluti laborem, sustinere, neque tantum fideliter aut gnaviter docere, oppositè ad eos, qui negligenter & perfunctorie in docendo occupantur; sed cum magno labore, fatigatione, & cura docendi provinciam sustinere, sive quia multi adversarii, sive quia multæ res graves occurrunt, quæ docenti magnum laborem & curam adferunt, præter eam, quæ in cæteris docentibus requiritur, diligentiam & sollicitudinem. Hos, inter eos, *qui bene præsumunt*, id est, diligenter & gnaviter officium suum in docendo faciunt, præcipue duplici honore dignos, id est, stipendio, aliisque ad functionem istam difficilem sustinendam, necessariis aut utilibus emolumentis, dupliciter dignos esse dicit Apostolus. Quare, quod

Distinctio inter presbyteros docentes & regentes novam *ἐνχημα* est.

Quid sit in Epist. 1. ad Timoth. 5. 17. *κοπιῶν ἐν λόγῳ καὶ διδασκαλίᾳ*.

quod Censor ait, *idcirco phrasin δι κοπιῶντες ἐν λόγῳ καὶ διδασκαλίᾳ δια-
κετακλῶ* non esse ad eos, qui minus non aequè graviter agunt, quia aliquis
ignavi quoque duplici honore digni forent, id nimis exile, adeoque futile
est. Nam id plane præter mentem Apostoli est, ut jam ostensum fuit, qui
eos etiam, qui non laborant in Verbo, recenset inter καλῶς περὶ ἑσῶτας.
Adde, cum honor, de quo hoc loco agitur, ex scopo loci, & sequente
verf. 18. *dignus est Operarius mercede sua*, honorarium stipendium signifi-
cet, quod Presbyteris regentibus tantum & temporariis, ac plerumque
annuis aut biennialibus assignari non solet, adeoque assignari debere non
conceditur, fieri vix potest, ut locus hic de Presbyteris istis intelligi de-
bere credatur. Quod attinet praxin antiquitatis, ex ea vid. id demon-
strari posse idoneis documentis, ut Censor asserit, ingentis audaciæ &
temeritatis est, adeoque tam clare refellitur à Theologis Anglis, aliisque
antiquitatis peritis, ut verbum addere non sit necesse. Hæc tamen, ut
jam diximus, sic accipienda non sunt, quasi ordinem sive regimen il-
lud Ecclesiasticum, quod in Ecclesiis Reformatis receptum est, illicitum
aut damnandum putemus, sed ut appareat istud tale non esse, quod
ab Apostolis in Ecclesiis constitutum, & ubique necessario observan-
dum ad Apostolorum seu præscriptum, seu exemplum, cenferi de-
beat.

Sectione Sexta, inquit Censor, *Episcoporum, Presbyterorum, Diacono-
rum autoritas limitatur* (cessante extraordinaria missione & infallibili instru-
ctione) secundum præscriptionem regulæ perpetuæ cum de doctrina tum disci-
plina: Minus bene, si oppositè id intelligatur, quasi primis Ecclesiæ Doctores
illis regulæ, quam sequi oportuerit, nulla, certa ac præscripta fuerit, sed solus di-
vinus adflatus & instinctus; Successoribus vero regulæ scripta fuerit ac præ-
scripta. Mira Theologia. Quid ergo? An Apostoli, quando à Spiritu
Dei adflabantur, opus habuerunt certa aliqua regulæ, ad quam adflatum
istum probarent, utrum rectus & divinus esset? Si non, solus ergo adfla-
tus & instinctus ille divinus regulæ & norma erat, juxta quam omnia
sua componere debebant, nulla alterius regulæ, ut regulæ, consideratio-
ne. Si opus habuerunt certa regulæ, tum adflatus isto divino sic moti
non fuerunt, ut intelligerent eum divinum adflatum esse. Si enim id
intelligebant, quorsum alia regulæ opus habebant? Divinus enim ad-
flatus omnium est certissimus: Certum quidem est, Apostolos, cum Ju-
dæis cæteris omnibus, regulam certam habuisse, quam sequi eos oport-
tebat, ubi adflatu & instinctu peculiari Dei non donabantur, sed

Mira Censorū
Theologia in
hac Censura
deregitur.

M m m

ubi illo

EXAMEN CENSURÆ

ubi illo donabantur, ibi regulas omnes cessare, adeoque regulas omnes ad adflatum istum exigere & interpretari eos necesse fuit. Quare, hoc discrimen semper statuendum est inter Apostolos, & subsequentes Episcopos ac Doctores: Quod afflatus Divinus, quo Apostoli à Deo donabantur, norma eorum erat, ad quam Vetus Testamentum, quantum ad rem, quæ afflatu isto continebatur, attinebat, interpretari opus habebant, non contra: Cæterorum vero Episcoporum omnium norma sit hæc ipsa, quæ per adflatum Divinum tradita & scripta est ab Apostolis, adeo ut ad eam, Spiritum omnem, id est, omnem inspirationem, omnem adflatum, omnem interpretationem, quocunque demum titulo veniat, exigere ac probare debeant, non contra. Hæc tyrocinia sunt Religionis Christianæ, quæ turpe est convelli à Doctoribus Academicis, dum impense nimis contradicere volunt iis, quæ à Remonstrantibus alio quam revera ab iis fit, sine adferri autumant. *Apostoli, inquit, non ita divinitus recti directiq; fuerunt, ut doctrina sue informationem à Doctrina sacra V. Test. non acceperint.* Contrarium verum est. Apostoli informationem doctrinæ suæ acceperunt à puro puto Spiritus divini afflatu, & juxta adflatum istum genuinum & verum Veteris Testamenti sensum, quem antea ex doctrina Ver. Test. non percipiebant; imo quem antea male percipiebant, informandum esse didicerunt: *Attamen, inquit Censor, passim doctrinam suam eo revocant.* Ita est; Non quia ex ea informationem acceperant, sed quia de ejus recto, atque à Dei Spiritu intento sensu, per spiritus divini adflatum informati erant. Eo vero revocarunt doctrinam suam, quando ipsis cum Iudæis, aliisque res erat, qui adflatum istum divinum nolebant admittere, nisi eum cum V. Test. doctrina consentire adeoque ex ea probari intelligerent. Atque hinc est quod Judæi, hodieque tam difficulter ad Religionem Jesu Christi adduci possint à nobis, qui afflatus istius divini auxilio destituimur, cujus beneficio sensus genuinus V. Test. ut eruatur necesse est: quodque nos qui Christiani jam sumus, doctrinæ V. Test. intelligentiam consequi in multis rebus locisque vix, ac ne vix quidem, possimus, nisi ex Apostolorum informatione, quam à Spiritu divino acceperunt. Quod subjicit levius est: *Mirum est, inquit Censor, quod in testimoniis margini adscriptis Timotheum & Titum in Episcopis consueant.* Adeone hoc mirum est, Censor, cum videamus totam pene Antiquitatem eos in Episcopis censuisse, ut prolixè in scriptis suis de diversis Ministrorum gradibus probat Saravia? Vide Eusebium Historiæ Eccles. lib. 3. cap. 4. *Ex Discipulorum Pauli numero fuit Timotheus,*

De Timotheo
& Tito an
Episcopi fue-
rint,

Timotheus, qui Ecclesia, quæ est Ephesi, primus Episcopatum obtinuisse creditur. Titus, qui Ecclesiis in Creta præfuit, &c. cui consentaneæ ad finem Epistolarum Pauli ad Timotheum & Titum diserte uterque Titus & Timotheus Episcopi vocantur. In fine Epist. 2. ad Timot. hæc verba sunt: Scripta est Roma secunda ad Timotheum, qui primus Ephesi ordinatus fuit Episcopus, cum Paulus iterum sisteretur Cæsari Neroni. In fine Epist. ad Titum dicitur: Ad Titum, qui primus Cretensium Ecclesiæ ordinatus fuit Episcopus, scripta ex Nicopoli Macedonia. Si dicas inscriptiones has de substantia Epistolarum non esse, & supposititias esse, non quidem admodum refragabimur; attamen hætenus merito allegari possunt, ut constet, non esse hanc opinionem, quod Titus, & Timotheus Episcopi fuerint, novam, nec Remonstr. eorum. Tum quicquid ea de re sit, rationes certe tuæ, quas hic adfers, ut probes, eos Episcopos non fuisse, tam sunt leves, ut mirum sit, si quis propter inscriptionem illam, quæ sane per antiqua est, non malit credere Timotheum & Titum Episcopos fuisse, quam propter rationes has tuas contrarium credere, aut inscriptiones illas in dubium vocare. Vide quæ hac de re prolixè & diserte contra Bezam scripsit Saravia, in libris suis de variis Ministrorum gradibus. Sed hæc res tanti non est nobis, ut propterea litigandum putemus. Operæ pretium fuit ostendere obiter, quas minutias censuerint hi Magistri nostri, ne quid non vidisse crederentur, pro acumine suo Scholastico.

Sectione septima nihil taxat, sed ex obliquo tantum, & per suspensionem, more suo, Declarationis verba in calumniam trahere studet. Dixerant Remonstr. ex eo, quod Episcoporum & Presbyterorum omnium munus sit, juxta propositam ab Apostolis formam Ecclesias docere, ac regere, manifestum esse, aliis in alios imperium ac potestatem, nullo jure divino, competere: Se tamen idcirco omnino improbare nolle, multo minus superbe rejicere gradus illos docentium ac regentium, qui in variis Christi Ecclesiis ordinis & decori sive *evangelii* conservandæ causa, jam olim instituti sunt, & passim adhuc obtinent, si modo ii tandem non degenerent in tyrannidem, & dignitatis, potestatisque cujusdam mundanæ potius, quam Spiritualis ministerii, & Christi Discipulos decentis modestiæ speciem præ se non ferant: Ex hac tam innoxia Remonstrantium periodo arripit, quod de gradibus inter Presbyteros docentes & regentes dicitur: *Scilicet, id ab ipsis insertum est, inquit, ut pietatis Ordinum Holl. auctori, id in regimine desideranti, hic subscribant.* Calumniose factum ne & impudenter. Verba ipsa innuunt, id ab ipsis factum in gratiam Ecclesiarum,

EXAMEN CENSURÆ

clesiarum, in quibus gradus istos locum habere, nemini ignotum est. Quibus sane, si favit, hodieque adhuc faver Vir Clarissimus D. Grotius author eruditissimi & utilissimi istius libelli, cui titulus est, *Pietas Ordinum Hollandia*, quid mirum? Causas sine dubio gravissimas & ex ipsa antiquitate petitas habet Vir prudentissimus: cujusmodi non paucas à Theologis Magnæ Britannia, ubi gradus isti obtinent, passim allegari constat. At, quoniam isti gradus sunt, inquit Censor, non explicant: Imo vero tantum non exerto digito eos designant, cum dicunt, *qui in variis Christi Ecclesiis instituti sunt, & adhuc obtinent*; quas Reformatas Ecclesias esse Censor ipse diffiteri non audet, quales sunt Ecclesiae Anglorum, ubi Archiepiscopi, Episcopi, Archidiaconi &c. Lutheranorum, ubi Pastores, Superintendentes, &c. sunt, aliorumque ubi Episcoporum, pastorum, coadjutorum, Decanorum &c. gradus ac nomina sunt. Variant enim gradus, pro ratione quantitatis Ecclesiarum & locorum, in quibus Ecclesiae collectae sunt, diversa constitutione. Quare, dubitativa ista particula opus non erat, qua utitur Censor, cum ait: *Forte in Diaconis, Archidiaconorum, & Subdiaconorum: in Presbyteris, Archipresbyterorum, atque Decanorum: in Episcopis, Archiepiscoporum, &c. ordines intelligunt*. Imo vero & hos, & alios, qui aliis in locis vigent, intelligunt. Nec enim adeo praesumptuosi sunt, ut ordines istos, qui in Ecclesiis Anglicanis obtinent, tanquam illicitos damnent: Nec adeo contentiosi, ut cum Puritanis, Brunistis, aliisque propterea in partes eundem, & ab Ecclesiis istis secedendum esse arbitrentur, quod ordines isti, tanquam ab Apostolis instituti, & ab Antiquitate tota observati, ibidem in usu sunt, vel *intra* causa in illis locum habeant, si modo ii, in tyrannidem non degenerent, quod expresse cavent Remonstrantes. Mirum vero merito hic videri debet, quod Censor ordines hos, & propter eos Ecclesias Anglicanas, aliasque ubi illi vigent, ex obliquo taxare, & tantum non damnare audeat; cum obscurum non sit, primos Reformatores nihil aequè male habuisse, quàm quod ordines & gradus hi proscripti essent ex Ecclesiis, eosque proinde reducere studuisse, ubi ubi potuerunt. Vide quæ ea de re prolixè citat testimonia Saravia in Defensione tractatus sui de diversis Ministrorum gradibus, Cap. 16. pag. 158. 159. 160. 161. Deinde, constat etiam Censorem hunc, aut præcipuos, qui cum eo sentiunt, ab ordinibus istis alienos non esse, adeoque eos in patriam nostram ad instar Anglicanum, introductos velle & optare. Quod ne temere quis à nobis adferri credat, en testimonium Sole clarius, quod paucis abhinc mensibus

Varios Ministrorum gradus non præcise urgent, multo minus ut illicitos damnant.

Puritanorum & Brunistarum error.

mensibus hac de re dedit *Georgius Carleton*, Episcopus Chichesteriensis, qui Regis M. Britanniae nomine, Synodo Dordracenae interfuit, & ex praecipuis eorum, qui ex Fœderato Belgio ad eam Synodum Deputati erant, id se coram intellexisse asserit, in libro suo, quem nuper edidit contra authorem libri, Appello ad Caesarem pag. 111. Cum eo res venisset, ut consentiremus in Confessionem Belgicam Dordracenam, publice protestatus sum in Synodo, Peregrinam esse propositionem illam, quae in Confessione extat, quae statuitur paritatem Ministrorum à Christo institutam esse: Declarabam aperte meam ab ista propositione dissensionem. Ostendebam nusquam à Christo in Ecclesia institutam esse: Duodecim Apostolos ab eo ordinatos fuisse, & 70. Discipulos: Duodecim Apostolorum auctoritatem supra alios fuisse. Ecclesiam hunc ordinem, à Christo relictum, constanter retinuisse, &c. Et paulo post: Et hac in re provocabam ad iudicium Antiquitatis, & Doctorum omnium virorum, qui adhuc in vivis sunt, adeoque postulabam hac in re satisfieri mihi, an Doctorum ullus contrarium sustinere posset. Dominus Salisburyensis testis mihi est, & omnes, quos mihi Socios habebam: Omnes enim in eandem sententiam loquebamur. Et ad hoc nemo erat, qui respondebat. Unde colligebamus, omnes protestationi isti nostrae annuere. Nota, quod in Synodo hac tres Censores nostri Ioannes Polyander, Antonius Thyfius & Antopius Walæus federunt, unde non obscure colligere est Rivetum, quartum horum Censorum, qui tum adhuc in Galliis erat, Censuram hanc scripsisse, ignarum scilicet eorum, quae in Synodo acta fuerant, & quid Collegæ sui in sinu foveant. Pergit Episcopus. Possum etiam narrare id, quod ego solus, & seorsim à ceteris Collegis meis, tum ex iis cognovi. Nam conferebam cum diversis, usque doctissimis in ista Synodo: Dicebam iis, causam turbarum omnium istarum, quas patiebantur, hanc esse, quod Episcopos non haberent in Provinciis, quorum auctoritate reprimi possent turbulenti homines, novitatum authores. Quemlibet pro libitu suo quidvis loqui & scribere. Hinc, quamdiu Ecclesiastici nulli essent, quorum auctoritate contentiosi isti homines in officio retinerentur, aut censuris notarentur, Ecclesias eorum nunquam pacatas fore, aut sine turbis. Respondebant: Multum se honorem & reverentiam deferre bono ordini, ac disciplinae Ecclesiae Anglicanae, & libenter, atque ex toto animo se cupere ordinem istum in Ecclesiis suis stabilitum; sed id hoc rerum statu, vel in statu hoc sperari non posse. Nihilominus se sperare, cum non possent facere quod vellent, Deum propitium sibi futurum, ut facerent quod possent, Hoc erat eorum responsum. At hoc (NB.) credo sufficere ad eorum excusationem, quod videlicet aperte non tueantur

Censorum & Calvinianorum quorundam qui ad Synodum Dordracenam convenerant cum Episcopo Chichesteriensis collatio de Ministrorum gradibus, unde quid de hac eorum Censura iudicandum sit, optime percipitur.

EXAMEN CENSURÆ

ἀναρχία & popularem confusionem: Res est: Sub onere isto *ἀναρχίας* scilicet
gemunt, & ab eo liberari cuperent, si possent. Et hæc optime norunt omnes, qui
in Synodo ista adjuncti mihi fuerunt. En, quid optent, quid cupiant, quid
ambiant, quid affectent ii, qui, quod de gradibus his obiter inseruerant
Remonstr. censere non erubescunt, aut ut censeatur, non reclamant. Ad
id quod quærit: An non ita inter Patriarchas processu quodam parili ordi-
nis & cōsensus, primatus quoque *ὁμολογητός*, id est, universalis totius orbis, seu,
ut vocant, Papatus perinde stabilietur? Respondetur, dubium non esse, quin
periculum ejus rei sit. Per gradus enim ascendit ambitio, nec quiescit
priusquam culmen attigerit. Sed periculo isti obviam eundum est, quan-
tum fieri potest. Obices & repagula omnia ponenda sunt, quo minus ad
istum gradum perveniat, prout hic monent Remonstr. Scimus id difficile
admodum esse. Sed & scimus, eam esse conditionem rerum humanarum,
ut pericula omnia evitari non possint; optimis rebus sua semper aut ad-
stant pericula, aut adnascuntur. Quod adeo verum est, ut in ipsa *ἀναρχία*
periculū sit Papatus. Fere enim ex consilio & arbitrio unius, qui cæteris
judicio pollet, omnia geruntur. Atque is, etiamsi titulo careat, re ipsa
Rex, monarcha, & dictator est. Tum ex altera parte *ἀναρχία* aut *ισοπλία*
sua etiam habent pericula, & incommoda, quæ Papatu sæpe non sunt le-
viora. Vera sane *ἀναρχία* Tyrannide multo pejor est: *ισοπλία* vero pessimæ
confusionis mater est, quando plures adversum paucos bene consu-
lentes insanis consiliis & pertinacibus studiis certāt, & suffragia eorum,
qui adhuc pulverem trivialem olent, in balance appenduntur, cum suffra-
giis eorum, quos ætas, prudentia, & experientia longe supra neophytos
istos & imberbes sæpe adolescentulos extollunt. Breviter: Nullus status,
nullum regimen, nullus ordo dari potest; cui non adhærent magna peri-
cula. Optimus ille est, qui minimis urgetur. Talis status iste est, qui inter ef-
frænem licentiā, & superbam tyrannidem, veluti inter Scyllam & Cha-
rybdim, medium semper cursum tenet. Atq; hoc est illud, quod Remon-
strantes in declaratione sua unice monitum atque consultum voluerunt,
haud gravate alioquin concedentes, ut quælibet Ecclesia (quando univer-
salis consensus sperari per orbem Christianum vix potest) pro ratione
temporum, personarum, locorum, aliarumque circumstantiarum, ejus-
modi regiminis formam condant quam promovendæ pietati, caritati, &
paci ac concordie Christianæ convenientissimam, & minimis periculis,
atque incommodis obnoxiam esse animadvertit, aut persuasum sibi ha-
bet.

Cautio qua
mediam vitam
inter Papatū &
ἀναρχία
tenendam esse
docetur.

EXA-

EXAMEN CENSURÆ CAP. XXII.

De Ecclesia Iesu Christi, ejus-
que notis.

IN hoc capite non agitur nisi de Ecclesia Christi, quæ per Ministros illos, de quibus Cap. præced. actum fuit, colligitur. Id indicant satis aperte verba Declarationis; Porro Cetus illi, qui aut publica horum Ministrorum opera, aut alioquin per verbum Evangelii quocunque modo prædicatum, lectum, auditumve, in unum quasi corpus congregantur. Quare inepte hic Censor postulat agi de Ecclesia Veteris Test. At titulus tamen est, inquit, de Ecclesia Iesu Christi in genere, quæ utramque Ecclesiam tum N. Test. tum Vet. comprehendit. At per Ecclesiam Iesu Christi, Ecclesiam Iesu Christi patefacti, & revelati in carne tantum intelligunt, ut ex re ipsa & connexionione Capituli hujus cum præcedente manifestum est. Quo ipso propositum non habuerunt negare fideles V. Test. ad Ecclesiam Iesu Christi ullo modo pertinere, & per Christum aliquando salvatum iri: Absit: Nihil minus: Sed de Ecclesia N. Test. tantum egerunt, quia istud ordo & series tractationis postulabat. Quod attinet quæstiones illas, An Ecclesia V. Test. eadem specie fuerit Ecclesia, cum Ecclesia N. Test. Si-ve, An eadem specie fides in Iesum Christum à Deo præscripta fuerit sub V. Test. quæ sub novo, an eadem præcepta & promissa sint sub V. Test. quæ sub novo, aliasque ejus generis plures, ut eas hic in sua Declaratione tractarent & deciderent, nec necessarium nec operæ pretium putarunt. Quid enim hoc ad Christianum hominem facit, si-ve quæstiones illas sciat si-ve nesciat? ut quis Christianus sit, & ad Ecclesiam Iesu Christi hodie pertineat, ea sola fide opus est, quæ in N. Test. præscribitur; istis præceptis obediendum, istis promissis fidendum, quæ in Evangelio tradita sunt, quod fieri posse sine quæstionum illarum scientia, aut decisione, quis adeo cæcus est, qui non videat? Tum quicquid de istis dixeris, haud magnopere contendunt Remonstr. Sufficere credunt, si, quod Evangelium aperte testatur, Nemini unquam Iustitiam & salutem ex operibus Legis, sed per gratiam Iesu Christi obventuram esse, aut obvenisse, extra dubium ponatur. Cætera Scholis relinquunt, & curiosis disputatoribus, qui vix haberent quo juventutem vexarent & torque-

Cavillatio Censoris de Ecclesia V. & N. Testamenti ut frivola & inepta obiter diluitur.

EXAMEN CENSURÆ

rent, si quæstionibus istis veluti fidiculis destituerentur. Quid interim de hisce quæstionibus obiter statuam Remonstrantium salvo aliorum iudicio, jam ante sæpius per occasionem indicarunt. Quæstiones enim hæc per totam Censuram veluti Scholæ quædam cantilena sunt, quam Censores singuli eodem pene accentu ubique cantilant.

Sectione prima, censetur disjunctiva Remonstrantium oratio; *Quia Ecclesiam Christi congregari dicunt aut publica Ministrorum opera, aut alioquin per Verbum Evangelii, quocunque modo prædicatum, lectum, auditumve: Sic, inquit Censor, disjunctim plures modi constituenda Ecclesia proponuntur, & opponuntur, quasi qualiscunque prædicatio, lectio auditioque Scripturæ, per se singula, sufficientia & solitaria esse possint media, & causæ Ecclesiæ, cum sane hæc media, privata sc. lectio & publica prædicatio, non disjunctim sed cōjunctim sint accipienda ex divina ordinatione.* Quam inscita sit hæc Censura pene ex terminis apparet: statuit enim fieri non posse, ut quis per privatam Lectionem Scripturæ Sacræ, sine publica Evangelii prædicatione, adducatur ad amplectendum & profitendum Religionem Iesu Christi, & sic ex Iudæo, Turca, pagano aut profano, evadat Ecclesiæ Iesu Christi membrum. Quid vero inscitius à Reformato dici potest, qui statuit aut statuere debet, si convenienter principiis suis loqui vult, uti quidam eorum etiam aperte loquuntur & scribunt, Scripturam Sacram adeo claram & perspicuam esse in iis, quæ ad salutem necessaria sunt, ut à quolibet privato, etiam sine interpretatione, possit intelligi, & privato cui-libet lectionem ejus à Deo mandatam: cum vero etiam prædicatum verbum reipsa idem sit quod lectum, & ea possint incidere tempora, ut prædicatio Verbi publica, imo & privata haberi non possint: Quid? an isto casu lectio Sacræ Scripturæ medium sufficiens non est ad hoc, ut quis vere Christianus fiat? Misera itaque foret, hodieque esset multorum conditio, quos aut tyrannis, aut carcer, aut locorum distantia, aut doctrinæ totius corruptio, hic illic publica verbi prædicatione destitutos vivere cogunt. At vero, inquit Censor, *quomodo alias usus & necessitas Ministerii publici & ordinarii perpetuæ constabit?* Quasi vero usus & necessitas Ministerii publici & ordinarii perpetuæ sit absoluta, & non ex hypothesi vel temporis, si videlicet ministerium publicum exerceri possit, vel divinæ voluntatis, quia videlicet Deus, quando impossibile non est ut exerceatur, id perpetuo exerceri voluit, ad meliorem veritatis suæ conservationem & propagationem, Publicum enim

Ministe-

Refellitur Censura qua privata S. Scripturæ lectionem citra prædicationem sufficiens medium ad conversionem esse negatur.

Diluitur instantia Censoris.

Ministerium Verbi necessarium est, quia Deus id semper obtinere voluit, cum obtineri potest. Deus autem non voluit illud obtinere, quia præcise necessarium est ad semper, & pro semper, ut loquuntur, cum fieri possit ut quis per Verbum Dei lectum, aut auditum ad fidem Iesu Christi tum amplectendam, tum profitendam adducatur, atque ita fiat Ecclesiæ Iesu Christi membrum. Et hoc est illud, quod in Theſibus suis optime dixit Clariss. Vir Episcopus. Sed nos fontem, unde hæc tam incerta Censura orta est, videamus. Eum sequentia indicant: Dixerant Remonstrantes, Ecclesiam aliud nihil esse, quam cætum hominum per Evangelium vocatorum, & in Iesum Christum credentium, aut saltem nomen & doctrinam ejus, tanquam salutarem, ore profitentium. Hæc, inquit Censor, non est plena & adequata Ecclesiæ Catholicæ definitio, sed partialis, seu Ecclesiæ specialius acceptæ, &c. At Ecclesiæ in plena rectaque definitione non à personis tantum credentibus, sed à statu tum interno tum externo definienda erat: quæ & Christum caput totumque Ministerium sacrum, ejus media colligenda & confirmanda, ordinemque insuper comprehendit, ut in sacris passim definitur. Ex hoc fonte nata est prima censura. Nempe, ut postea ait: Ecclesiæ est definienda status & ordine, quemadmodum Respublica seu civitas: ubi status ordoque non est, ait Censor, ibi neque est Ecclesiæ. At hæc omnia gratis adferuntur. Quod ut pateat, altius paulum res repetenda est. Ecclesiæ, de qua hic agitur, vox, in Scholis fere aliter accipi solet, quam in Scripturis. In Scholis accipitur pro cætu & statu formato & certo quodam ordine modoque coadunato: qualis status & cætus est, ut Bellarminus ait, populi Romani, vel regni Galliæ, vel Reipubl. Venetorum. At in Scripturis rarissime ejusmodi statum significat: sed plerumque simpliciter multitudinem (magnum, parvum) credentium in Christum, aut religionem ejus simul profitentium, nulla habita ratione ad definitum statum & ordinem, qualis in Repub. five civitate est: quæ multitudo corpus Christi dicitur, & unum corpus, adeoque Christus ipse, 1. Cor. 12. 12. Apparet id non tantum ex locis istis, ubi Ecclesiis dari & præfici dicuntur Presbyteri, imo ab Ecclesiis Presbyteri eligi; ubi Christus Ecclesiam suam collegisse; denique ubi Ecclesiæ etiam in domo & familia alicujus esse dicitur; sed & ex locis illis ipsis, quæ in Declaratione perperam à Remonstrantibus allegata Censor esse dicit, & ex quibus definitionem suam liquere vult. Locus enim Matth. 16. 18. agit manifeste de Ecclesiæ, contra quam portæ inferorum non prævalebunt: At contra Ecclesiam, quatenus statum & ordinem significat formatum, quis dixerit portas inferorum

De notione & significatione Vocis Ecclesiæ ex S. Scripturæ sensu,

Quid Ecclesiæ significet Matth. 16. 18,

N n n

non

Quid signifi-
cet Ecclesia
Matth. 18, 17.

Ecclesia rarif-
sime significat
in Scripturis
statum forma-
tum.

non prævalituras? Portæ enim inferorum inferi ipsi sunt, id est, status & conditio mortuorum: ut portæ mortis sunt mors, veluti antea prolixè à nobis demonstratum est: At mors & mortis vis ad Ecclesiam, ut cætus & status est, non pertinet; cætus enim, quæ cætus, non moritur, sed ad Ecclesiam, ut Ecclesia homines credentes & in fide Iesu Christi morientes significat. Locus etiam Matth. 18. 17. (quamquam is paulo videtur speciosior) agit de Ecclesia, quatenus multitudinem quandam significat eorum, qui in Christum credebant, & doctrinam ac religionem eandem Christi profitebantur, non quæ jam certo ordine ac statu formata erat. Neque enim ejusmodi Ecclesiam Christus Dominus adhuc instituerat, sed quæ numerum tantum magnum piorum fratrum faciebat, quorum hortationem & iudicium pluris facere, aut saltem non æque facile adspernari debet injuriator, uti iudicium duorum aut trium testium, de quibus antea dixerat Christus. Scopus enim Christi hoc loco tantum est monere, ut quisque pro virili sua id agat, ut fratrem suum peccantem, id est, à quo injuria affectus est, adducat ad resipiscentiam, sic enim futurum ut lucretur fratrem suum. Modum autem, quo id tentare debet, triplicem indicat Christus, quorum ultimus est, ut eum à multis, adeoque, si fieri possit, omnibus fratribus, qui Ecclesia hic vocantur, officii sui moneri curet, si forte ista via ad sanam mentem reduci possit. Æquissimum enim esse, ut quis non refragetur multorum, adeoque omnium piorum fratrum consentientium hortationibus, in re quæ manifesti juris est, cum videlicet agitur de notoria injuria, & contra quam excipi non potest. Et hac significatione usurpatur in Scripturis frequentissime, si non semper, vox Ecclesiæ. Nunquam vero, aut saltem omnium rarissime eo sensu, quo Censor hic & Pontificii fere eam accipere solent, nedum ita, ut presbyterium vel Collegium Pastorum & seniorum quorundam, Ecclesiam totam repræsentans significet. Quare falsum est quod Censor ait, *ubi status ordoque non est, ibi non est Ecclesia*, si significatio vocis Ecclesiæ, prout eam Scriptura usurpat attendatur: Status ad Ecclesiam, quæ Ecclesia est juxta Scripturæ phrasin, non pertinet: imo Ecclesia semper ante statum est: Hinc Ecclesia nunquam Pastorem in Scripturis complectitur. Nec mirum, Pastor est Ecclesiæ Pastor. Ecclesia dicit quidem relationem ad docentem vel vocantem, sed non ut cum illo ordinem & statum formans, sed ut illius doctrinæ subscribens. Hinc Ecclesias colligebant aut faciebant Apostoli, quibus ordinarios presbytero multo post curabant præfici, *Deinde*, inquit

quit Censor, in ea notione, qua Ecclesia ad personas refertur, non generali
nuntur definitione, sed sub ratione distributionis visibilis & invisibilis, seu
credentium jam & profitentium saltem actione, eam definiunt. At vero
hæc fides & professio in definitione Ecclesie non disjunctim, sed conjunctim ac-
cipienda est. Corde enim creditur ad justitiam, ore fit confessio ad salutem.

Iuxta hanc Censuram Ecclesia nulla visibilis est, quæ non simul etiam
invisibilis est: Id est, nulla est Ecclesia, quæ non quod ore profitetur,
etiam corde credit: quod absurdum est. Locus ad Rom. 10. Corde
creditur ad justitiam, ore autem fit confessio ad salutem, non dicit quid
illud sit, quod Ecclesiam visibilem constituit, sed tantum quid requi-
ratur ad id, ut Ecclesia, quæ visibilis est, Deo grata sit, & justitiæ ac
salutis particeps fiat. Definitio itaque Ecclesie, quam hic facit Cen-
sor, cum eam vocat cætum in Iesum credentium, & nomen ac doctri-
nam ejus salutarem, non saltem sed revera profitentium, certo ordine
& statu cum Christo per ministros certosque ritus conjunctorum, ab-
surda videri debet. Nam definitio ista non pertinet ad omnem Ec-
clesiam. Non enim Ecclesia omnis est cætus vocatorum revera cre-
dentium in Iesum Christum, & simul revera Christum profitentium.
Ecclesie visibili, qua visibilis est, hoc non competit. Hæc enim pro
vera Ecclesia habenda est, quando & quamdiu salutarem doctrinam
profitetur, etiam si fide vera prædita non sit, & corde non credat, quod
profitetur, uti apparet ex eo, quod Ecclesie isti, ut Christi Ecclesie nos
adjungere debeamus, cum tamen an vere credat, quod profitetur, sci-
re non possimus, nec ut sciamus, necesse sit. Tam diu enim præsumi-
tur esse bona & vera Ecclesia, quamdiu non apparet contrarium. At,
inquit Censor, ista Ecclesia non est nisi equivoco Ecclesia. Sane coram
Deo, qui corda scrutatur: At non apud Christianos, qui Ecclesiam
omnem pro vera Dei Ecclesia habere debent, quæ salutarem Christi
Doctrinam profitetur, sive corde credat, sive non credat. Deinde,
omnis Ecclesia certo ordine & statu cum Christo per ministros certos-
que ritus conjuncta non est. Id enim de Ecclesia invisibili verum non
est, & ad tempora ista referri non potest, quibus ordo & status ille, ut
habeatur, impossibile est, manentibus tamen iisdem Christianis cre-
dentibus & salutarem Christi doctrinam profitentibus. Quod addit
Censor, multo est absurdius. *Quin imo, inquit, ut plena sit definitio, præ-*
ponendum erat ad vocatorum cætum, Electorum, ut recte Catechesis no-
stra habet. Ecclesia itaque non est vera Ecclesia, nisi quæ ex Electis
constat, & quidem ejusmodi Electis, quales Censor noster statuit.

An fides &
professio in
definitione
Ecclesie non
disjunctim sed
conjunctim
accipiendæ
sint.

Ecclesia om-
nis, quæ salu-
tarem verita-
tem profite-
tur, pro vera
Dei Ecclesia à
nobis habenda
est, etiam si
veritatem istā
corde non te-
neat & vera
fide non ap-
prehendat.

Resellitur in-
epta censura
quæ Ecclesiam
non recte de-
finiri ait, qua

in ea voci, vo-
catorum, non
præponitur
vox electorū.

At cum Electio, unde electi isti vocantur, merum sit figmentum Calvini, Ecclesia etiam vera nil nisi figmentum erit. Deinde, quorsum hæc vox, Electorum? An vox vere credentium non sufficit, cum fides non sit nisi ejusmodi, ut Censor vocat, Electorum? Et, cum vox vocatorum, significet juxta Censorem, vocatos cum effectu, id est, ut Censor ait, vocatos interne & externe, quorsum vox Electorum? Sic enim indicari videbitur quasi vocentur aliquando externe & interne nonnulli, qui tamen electi non sunt, quod Censor nunquam admissurus est.

Qui per vocatos intelligantur in definitione Ecclesie.

Interim per vocatos, unde Ecclesie appellatio seu notatio est, intelligi debere vocatos, non secundum actum vocandi exterius tantum, sed inrerius, sive, juxta propositum (Electionis scil.) vanum ac falsum est. Electio & vocatio, qua non exterius tantum, sed & interius certæ personæ nominatim electæ vocantur, merum commentum sunt. Fides etiam & cordis sinceritas ad constituendam Ecclesiam, quæ à nobis pro vera Ecclesia habeatur, non requiruntur. Etsi enim ad hoc, ut Ecclesia Deo grata sit, plane requirantur, neutiquam tamen requiruntur ad constituendam definitionem Ecclesie, quæ à nobis in hoc mundo pro Ecclesia vera habenda & definienda est, cui nos adjungere, quam adire, & cum qua communia sacra habere debeamus. Hanc sola constituit salutaris doctrinæ professio. Atque hanc visibilem Ecclesiam appellant Remonstrantes. Quod si definitio illa Censoris admittatur, nunquam sciri poterit, quæ sit visibilis Ecclesia ista, quæ à nobis pro vera Dei Ecclesia habenda est.

Sectione III. & IV. censentur illa verba Declarationis, quibus definitur, quæ salutaris illa doctrina sit, cujus fides Ecclesiam invisibilem & cujus professio Ecclesiam visibilem constituat; Videlicet, *Non omne illud, quod doctrina Christi quoquomodo continetur, adeo perfecte cognitum habere, ut in nullo prorsus articulo, in nullave sacra Historia aut sensu sacra Scriptura erres aut hæsites: Sed id saltem probetene, sine quo Fidei & obedientia mandata rite observari, & proinde venia peccatorum & salus æterna obtineri, ex Dei ipsius sententia, nequeunt.*

Refellitur ineptissima Censura adeoque periculosa, quæ fidem & obedientiam pariter in mandatis poni negat.

Hic primo, inquit Censor, ubi quæso fides & obedientia pariter in mandatis ponuntur, quæ rite observari oporteam? Indigna sane, non dico Doctore Theologo, sed Christiano, quæstio: Quid enim clarius in Scripturis est, quam fidem mandari, & mandari pariter obedientiam? Verba Iohannis sunt 1. Epist. 3. 23. *Hoc est igitur ejus mandatum, ut credamus nomini Filii ejus Iesu Christi (En mandatum fidei) & ut diligamus alii alios (En charitatis sive obedientiæ, qua parte*

proxi-

proximum & fratrem spectat, mandatum) & ut plenior sit oratio, addit Apostolus, *Sicut mandavit nobis*. Similiter, quomodo fidem pariter atque obedientiam mandari clarius evinci potest, quam cum Apostolus id, quod ad Galatas fidem vocat, cum ait cap. 5. 6. *In Christo Iesu neque circumcisio quicquam valet, neque praputium, sed fides per caritatem operans*, in 1. ad Cor. 7. 19. *observationem mandatorum Dei vocat*, cum ait, *Circumcisio nihil est, & praputium nihil est, sed observatio mandatorum Dei*. Imo vera, inquit Censor, *Fides & obedientia mandatorum subjectis & objectis distinguuntur*. Itane, Censor, subjectis? Quod ergo fidei & quod obedientiae subjectum est? An fides in intellectu est, obedientia in voluntate? At hoc tu ipse Censor in Synopsi purioris Theologiae negas: Et cum fidem etiam hic mandari fatearis, ut id neges, necesse est. Actus enim intellectus mandato non subiacent. Et si utraque in voluntate est, quomodo distinguuntur Subjectis? *Mandatur quidem fides*, inquit Censor, *& dicitur obedientia fidei, sed aliter fides mandatur, aliter obedientia*. Inepte; utrumque mandatur, sub ejusdem praemii promisso & ejusdem poenae comminatione; Ergo eodem prorsus modo mandantur. At, inquit Censor, *Fides, ut Deum ipsum ejusque promissiones & Christum, ejusque officia, merita, & beneficia respicit, ita mandatur, ut ea apprehendamus & recipiamus, qualiter oculus rem objectam*. Est. At hoc non est ostendere fidem aliter mandari quam obedientiam, sed Fidei, quae eodem plane modo mandatur, quo obedientia, actum alium esse, quam est actus obedientiae propriae dictae, vel strictae sumtae; puta quam est actus dilectionis, temperantiae, iustitiae, &c. Deinde, quid est fidem ita mandari, ut apprehendamus & recipiamus officia, beneficia & merita Iesu Christi? Id exponit Censor hunc in modum, *id est, ita ut patiamur potius, quam agamus proprie: at vero, obedientia mandatorum dicitur de moribus & actionibus proprie*. Atqui, juxta hunc sensum, aliter patientia, aliter liberalitas, aliter temperantia, quae actiones virtutis & obedientiae sunt, mandari dicuntur. Patientia enim mandatur ita ut patiamur potius, quam agamus. Quid ineptius? Tum falsum est, fidem ita mandari, ut patiamur potius quam agamus. Fidei actus formalis est confidentia sive fiducia, quae est roboratus voluntatis actus, non mentis passio: Et actus multo gravior, difficilior, & ut ita dicam, actuosior, quam actus cæterarum virtutum. Vnde non sine causa adeo solícite, imo plus quam cæteræ virtutes (necum, ut vult Censor, non pariter) à Deo imperatur. Fide enim vigente, cæteræ omnes virtutes vigent. Credenti

N n n 3 enim

An fides & obedientia subjectis & objectis distinguantur.

Absurda Censura; Fidem mandari, ita ut patiamur potius quam agamus.

Diluitur æquiva-
catio Cen-
foris, unde
Censuræ vani-
tas patet.

enim omnia non possibilia tantum sunt, sed & facilia ac levia. Addit;
*Quin Fidei & obedientiæ mandatorum, seu observantiæ, ex æquo veniam pec-
catorum & vitam æternam attribuant.* Phrasis, ex æquo, æquivoca est.
Si eam pro æque principaliter accipiat Cenfor, tum injuriam facit Re-
monstrantibus. Fidei enim, ut principi, duci, matri ac fonti obedien-
tiæ, veniam peccatorum & salutem adscribunt. At si eam pro *conjunctim*
accipiat, tum agnoscunt Remonstrantes se fidei, quæ & quatenus
conjunctam sibi habet obedientiam strictè sumtam, sub qua propo-
situm obediendi, cum videlicet actus obedientiæ specialiter exerceri
non possunt, comprehenditur, ac proinde obedientiæ etiam ex fide
profectæ, veniam peccatorum & salutem æternam adscribere. *At
hoc nihil aliud est, inquit Cenfor, quam justificationem & salutem fidei &
operibus indistinctum, seu conjunctim tribuere.* Ita est: Scripturam sibi
præeuntem habent, non tantum in famoso illo loco Iacobi, cap. 2, u-
bi diserte dicitur; *Concludimus ergo hominem justificari ex operibus, &
non ex fide tantum:* sed & in aliis plus quam mille locis, ubi operibus
bonis remissio peccatorum & vita æterna attribuitur. De venia pec-
catorum vide manifesta loca Matth. 6. 14. *Nam si remiseritis homini-
bus suos lapsus, remittet etiam vobis Pater ille vester celestis: Sin autem non
remiseritis hominibus ipsorum lapsus, nec Pater vester remittet vobis offensas
vestras;* Hinc Luc. 6. *Remittite, & remittetur vobis.* Et Matth. cap.
18. 35. *Ita Pater ille meus celestis faciet vobis, nisi remiseritis suo quisque
fratri ex cordibus vestris lapsus eorum.* Similia loca plura sunt. Vide E-
zech. 18. & 33. Iacob 5. 19. 20. &c. Imo, si quis rectè animum ad-
vertat, comperiet totidem, si non plura, enuntiata in Scripturis exsta-
re, quæ conditionem bonorum operum requirunt, ut remissionem
peccatorum consequamur, quam quæ conditionem fidei simpliciter
ita dictæ postulant. De vita æterna, quod ea promittatur & tribua-
tur bene operantibus, res plana est: Videantur tantum cap. 5. 6. 7.
Matthæi, cap. 2. ad Rom. à vers. 6. usque ad vers. 12. Hebr. 12. 14.
&c. Sed, quia hoc Cenfor ipse cum suis admittit, à probando eo plu-
ribus superfedebimus. Ex his, quo jure hoc Socinianum vocetur à
Censore, facile est colligere. Cætera, quæ ad justificationis negotium
pertinent, videantur cap. 11. ubi de iis ex professo & plene actum est;
Eo lectorem remittimus, prout Cenfor hic facit. Quæ porro ad de-
finitionem eorum, quæ creditu sunt necessaria hoc loco à Censore a-
nimadvertuntur, ea jam ante sæpius & fusc ventilata sunt. Similitudo
mater est fastidii.

Sectio.

Sectione V. censetur *definitio visibilis & adspectabilis Ecclesie*. Si-
ne causa. Definitiones arbitrariæ sunt. Remonstrantes definiunt Vi-
sibilem Ecclesiam, quæ talem, & quatenus à nobis in hac terra Eccle-
sia Christi pro vera Ecclesia habenda est. Non dissentitur veram Chri-
sti Ecclesiam, quæ Deo & Christo placeat, vitæque æternæ particeps
sit futura, esse non posse sine vera fide in Christum, sed ad id, ut à no-
bis vera Christi Ecclesia habeatur, cui nos adungere possumus ac de-
bemus, negant requiri fidem: Sic enim nunquam sciri à nobis pos-
set, quæ sit Visibilis Christi Ecclesia, cum qua communio nobis colē-
da est, quod per se absurdissimum est.

Vindicatur
definitio vi-
sibilis Eccle-
siae.

Sectione VI. Ecclesiam *Catholicam* ex proprietate vocis Catholicae
definiverunt Remonstrantes. An generalissime aliquando accipiatur,
ut Censor ait, disputare nolunt, Ecclesiam tamen Triumphantem,
quam appellant, sub ea comprehendere nec posse, nec debere arbitran-
tur: Ecclesia enim triumphans non est Ecclesia aut credentium aut
profitentium fidem. Fides enim locum non habet, ubi triumphus est.
Visio ibi est, & præmium vel *πῶς* fidei, non fides, non obedientia,
nec fidei aut obedientiæ professio prout diserte videre est. 1. Cor.
13. 12. 13. Sed nec de hac re magnopere volunt contendere. Quod
post hæc querit, ex occasione parentheseos, quæ in paragrapho hoc o-
biter legitur (*manente interim salva atque integra Ecclesia Catholica*) quo
sensu ea accipiatur, id alienum plane est, & non nisi per vim ac vio-
lentiam huc rapitur. Totus enim paragraphus iste est directus contra
Pontificios, qui aspectabilem aliquam Ecclesiam semper in terris sar-
tam testam conservari asserunt quæ adiri & consuli potest ac debet,
tanquam omnium controversiarum & litium arbitra. Parenthesis ve-
ro ista (*manente interim salva atque integra Ecclesia Catholica*) per pro-
lepsin tantum addita est, ut occurratur objectioni frequentatæ à Pon-
tificiis: An ergo visibilis Christi Ecclesia possit omnino deficere in
hoc mundo? quasi diceretur, omnino; sed posito, quod Particulares
omnes visibiles Ecclesiae deficerent, nihil obstaret tamen, quominus
maneret Ecclesia Catholica, id est, fideles & pii hic illic dispersi per u-
niversum mundum, qui, si in unum omnes convenirent, Ecclesiam
aspectabilem in mundo facturi essent; at quia dispersi sunt, Ecclesiam
talem facere non possunt. *Atamen*, inquit Censor, *anceps est oratio*.
Declaratione res eget, an intelligant manere salvam & integram Ecclesiam
Catholicam, quod, licet in terris universa deficiat, ejus altera tamen pars in calis
permaneant; an vero de possibilitate quidē deficiendi, non autem actu eventus;

Definitio Ec-
clesiæ Catho-
licæ declara-
tur.

Parenthesis in
Declaratione
posita, *Manente*
interim salva
atque integra Ec-
clesia Catholica,
quo fine &
sensu declara-
tioni inserta
sit, exponitur,
ut Censuræ
absurditas pa-
teat.

Quasi

Quasi vero Remonstrantibus hoc loco res si cum Calvinistis, aut de perseverantia finali hic agatur. Nihil minus. Cum Pontificiis hic agunt Remonstrantes, qui possibilitatem deficiendi à fide totaliter & finaliter agnoscunt, interim tamen Ecclesiam semper aliquam visibilem in terris procul omni dubio mansuram esse contendunt, quod nos ita absolute prolatum negamus, concedentes interim, mansuram Ecclesiam Catholicam in terris, etiam si fieret, ut omnes particulares Ecclesiae visibiliter deficerent. Tantummodo itaque hic quaerendum foret, An, cum utrimque concedatur, Ecclesiam aliquam Dei, in terris mansuram semper esse, id de visibili, an invisibili, vel Catholica potius Ecclesia certum sit? Atque hoc est, quod in hoc paragrapho agitur. Sed videamus quid hic Censor de Perseverantia finali, hoc in loco præter lineam disputet. Parenthesios hujus declarationem ex M. Episcopii privatis Thesibus arcessit. Injuria. Esto: Quænam hæc est declaratio? *Episcopus hoc ipsum, ut Ecclesia deficiat aut non deficiat, pendere non vult ab electione (Calvinistica) nec ab irresistibili quadam Dei actione (quod Censor appellat non pendere à divina voluntate aut potentia Dei) sed à liberrima hominis voluntate: Ergo statuit Ecclesiam Catholicam deficere posse, & quidem tali possibilitate, quæ non modo in actum abire possit, sed & forte usu veniat.* Si possibilitas, quæ forte usu veniat, aliud quid significet, quam possibilitatem, quæ in actum potest abire, falsa & plane præter mentem Episcopii est collectio: Si vero significet meram ac veram possibilitatem, non generalem illam, qua dicitur e. g. fieri posse ut omnes homines uno eodemque momento moriantur, ut omnes unum idemque sentiant, ut ex jactis in aërem literis coalescat poema, & ex lapidibus & lignis casu domus existat, &c. nec fanaticam & stultam illam qualem Censor cum suis statuere solet, quando fieri posse dicit, ut electi & fideles deficiant à fide, si ipsorum natura infirma consideretur, sed non posse deficere, si considerentur cum custodia Dei, &c. tum vero admittitur collectio. *Verum enim vero, inquit Censor, sane, quicquid dicat, Christum regno suo etiam in terra perpetuo, Luc. 1. 32. 33. 1. Cor. 15. 25. exuit.* Futilis ratio. Quasi vero Christus regno suo privetur si subditi ab obsequio ejus deficere, eumque pro Rege suo nolle agnoscere, adeoque ad hostem ejus transire, si velint, possint: Adde: Quasi vero Christus regno suo privaretur, si fieret, ut ab eo subditi ejus omnes & singuli deficerent, seu sponte sua, seu ab hostibus Christi seducti. Tantum abest ut alterum horum sequatur, ut contra ii demum Christum regno suo in terris privent, qui statuunt subdi-

De possibili-
tate deficien-
di.

Diluitur pro-
lixè Censorum
instàtia, si fie-
ri potest ut
Ecclesiae visi-
biles omnes
deficiant, fie-
ri etiam po-
test ut Chri-
stus sit sine
regno, & per
βίαιον
retorquetur.

subditos regni Christi per talem vim ac potentiam conservari, quæ liberam subditorum obedientiam funditus tollit, cuiusmodi vis est irresistibilis ista vis, quam hic in terminis defendit Cenfor. Vbi hæc dominatur, ibi demum liberæ obedientiæ locum esse impossibile est. At sine libera obedientia Christi regnum in terris nullum est. Christus enim non est nisi voluntarii populi Rex. Loca, quæ Cenfor adfert, ut probet Christi regnum in terris etiam perpetuum futurum, non faciunt contra Declarationem Remonstrantium: aliud enim est Christi regnum perpetuum futurum, aliud fieri non posse, ut Christi regnum deficiat, sive Christi regnum, id est, subditos Christi in terris ista virtute conservatum iri, qua posita, fieri non possit, quin Christi subditi maneant. Tantum abest, ut sic Christi regnum in terris perpetuum esset, ut contra, si hoc fieret, eo ipso Christi regnum in terris deficeret. Nam subditus Christi fidelis non est, qui per vim ei subditus manet. Gloria subditorum Christi est, velle obedire, cum possint nolle; & Regis Christi decus est, non facere per vim subditos, sed habere sibi ultroneos. Deinde, aliud est Regnum Christi futurum perpetuum, aliud in regno isto futuros semper, qui Christo obediant: Regnum Christi foret perpetuum, etiamsi omnes ab obedientia Christi deficerent, adeoque nulli essent, qui Christo obedirent, quia inobedientes aut ab obedientia sua deficientes, regia sua potentia non potest tantum punire, sed & actu, juxta comminationem suam, puniturus est: Et in hac re apparet manifeste discrimen inter Reges mundi hujus, si contingat eos per rebellionem subditorum suorum regno exui, & Christum Regem, siquidem omnino contingeret ut omnes ei rebellarent, & ab eo deficerent. Isti titulo tantum manent Reges, sublata omni eorum tum autoritate, tum potestate coactiva, quæ tota à subditis & subditorum obsequio atque auxilio dependet: At Christus non titulo tantum & jure, sed potestate etiam eadem maneret Rex, etiamsi subditi omnes deficerent. Potest enim dominari & dominatur semper in medio inimicorum suorum, & rebelles pro arbitrio suo puniet. Nec enim potestas ejus ullo modo dependet à subditis. Atque hinc liquet, quam vanum sit, quod dicit Cenfor, *Miserum sane & imbecille hoc regnum, Christumque Regem titulo tenus futurum*, Nempe nisi subditos habeat, quos ad obsequium suum necessitet, & per vim in fide retineat. Nihil magis injurium in Christum & regnum Christi dici potest, quam quod constare non possit, nisi ex subditis per vim omnipotentem subactis, id est, non sponte aut libere Christo man-

O o o

dan-

mādanti obtemperantibus, sed vi arcana ad obediendum adactis, & eadē vi in adacta ista voluntate perseverantibus. Atque hæc est illa doctrina, quā hic Cenfor cum suis ut orthodoxam & reformatam ubiq; jactat. Deus talem, ut verbis Cenforis utar, doctrinam ab Ecclesia sua avertat, ut fontem atque radicem non pietatis, sed impietatis, non studii obsequiosi, sed supinæ oscitantæ & torpidæ ignaviæ, qua fit, ut, dum homo divinæ motionis impulsus semper expectat, de officio suo nunquam serio sollicitus sit. Sed &, inquit Cenfor, *Promissionem de Ecclesia in his terris perpetuitate exinaniam, qua dicuntur porta inferorum non prevalitura contra eam, Christum cum illis futurum ad consummationem sæculi*: Matth. 16. 18. & 28. vers. ult. Iam vero loca illa non continent promissionem de Ecclesiæ Christi in terris perpetuitate. Matth. 16. 18. non promittitur Ecclesiam semper mansuram esse Ecclesiam, sed tantum Ecclesiam, qua Ecclesia est, semper mansuram invictam a morte & condemnatione. Portæ enim mortis & inferni mortem & infernum significant: unde potius concludetur, Ecclesiæ hic in terris versanti, qua tali, nihil promitti, sed Ecclesiæ, quæ in terris est & Ecclesia manet usque ad mortem, promitti aliquid post mortem. Deinde, nihil hic promittitur Ecclesiæ, qua Ecclesia cætus est formaliter, sed qua Ecclesia credentium multitudinem significat, contra quos omnes & singulos mors prævalitura non est; juxta id, quod est Iohan. 11. 25. 26. *Qui credit in me, etiam si mortuus fuerit, vivet, & quisquis vivit & credit in me, non morietur in æternum*. Eadem est ratio loci Matth. 28. vers. ult. Nulla ibi promissio datur Ecclesiæ, sed tantum Apostolis, Ecclesiæ fundatoribus, & quotquot iis in promotione veritatis Evangelicæ successuri erant, ministris. Nec promittitur illos semper futuros & mansuros Ecclesiam, aut Ecclesiam, per eos fundatam & propagatam, semper mansuram esse: sed tantum Christum cum iis semper ad finem usque mundi futurum: quod cum conditione, si illi se digne modo gererent, intelligendum esse, ex istis locis colligere est, in quibus Christus ipse dicit Apostolis suis cum conditione; *Vos amici mei eritis, si feceritis, quacunque ego mando vobis, si in me manseritis, &c.* Ioan. 14. & 15. & aliis compluribus. Vide nominatim locum 1. Corinth. 9. vers. ult. Quæ conditio, si sub promissione Apostolis diserte facta, comprehensa est, multo magis sub promissione ad ministros Evangelii, non diserte, sed per consequentiam extensa, comprehensa videri debet.

De

Ostenditur loca quæ Cenfores citant, pro instantia ipsorum nihil facere Matth. 16. 18.

Matth. 28. vers. ultimo.

De Notis Ecclesiæ Visibilis.

Quæ de Notis Ecclesiæ Visibilis Declarationi suæ inseruerunt Remonstrantes, quæque de iis M. Episcopus in Thesibus suis privatis disputavit, ea directe opposita fuerunt Pontificiorum ea de re erroribus, qui notas quasdam dari posse, adeoque dari asserunt, per quas is, qui necdum scit quæ sit vera Christi Ecclesia, certo atque infallibiter pervenire potest in cognitionem veræ Ecclesiæ, & per Ecclesiam in cognitionem veritatis salutaris; ut mirum merito videri debeat, quod Censores, qui Reformati Doctores audire volunt, ista tam acri Censura notaverint, ea solum de causa, quod, quæ in eam sententiam à Remonstrantibus declarantur, etsi aperte Pontificii erroris jugulum petant, tamen non tam cum recepta Calvinianorum opinione, quam cum Socino communia quædam habere videantur. Tantum eorum est odium in Socium, ut quæcunque ejus placitis affinia tantum videntur, ista eo ipso damnanda ac respuenda, tanquam impura hæretici hominis excrementa, censeant, etiamsi alioquin Reformatorum sententiæ contra Pontificios errores adserendæ aptissima & Pontificiorum opinionibus radicitus evertendis, quam maxime sint idonea. Nempe, usque adeo longe eos abripit partium studium, ut cum eo, quæ sibi delegerunt adversarium, commune nihil habere videri velint. Magnus hic est morbus & qui non huic tantum sæculo familiaris est: Ultra omnium pignorum caritatem amamus & exosculamur errores nostros & eorum, quos semel Conscientiæ nostræ magistros delegimus. Indignamur quenquam plus, quam nos scire, & ad hostilem animum sufficit, si quis ingenium nostrum aut illorum non adoret. Itaque sub Religionis Zelo, non raro doctrinæ ac scientiæ nostræ aut Magistorum nostrorum contemptum ulciscimur. Sed ad rem. Sacra enim hæc aliter non constant.

Prima, id est, septimæ Sectionis Censura merus est cavillus, Academicis viris indignus. *Confessio Belgica*, inquit, *unam notam statuit*, *Latina plures, sed quas deinde ad unicam reducit.* Hic, inquit, *inter se & secum pugnantia dicunt*: Nempe igitur, Notam unam statuere & plures, sed ad unam eandemque illam Notam reductas, est pugnantia dicere. Quid videtur, Lector? Satis sanus est Censor? Sane, si hoc est pugnantia dicere, pugnant itaque inter se Reformati pæne omnes, etiam in hoc ipso capite: Quippe alii eorum statuunt tres

Scopus Remonstrantiū, cum in Declaratione de Notis Ecclesiæ visibilis agunt.

Cavillatio de apparente diversitate Latini & Belgici exemplaris in assignanda una & pluribus Notis Ecclesiæ, redarguitur.

Ecclesiæ notas, alii duas, tertia ad duas istas reducta: Alii unam, reductis ad eam duabus aliis. Doctor Gomarus in Collegio Disputationum Repetitarum disput. 45. duas tantum esse dicit veras & essentielles notas Ecclesiæ, idque probat tribus rationibus, Thes. 6. secutus exemplum Calvinii, Bertrandi de Loques, Petri Martyris, Augustini Marlorati, Philippi Mornæi, & Bezæ, cujus hæc in colloquio Pictaviensi Anno 1581. verba Parkerus ex Bancrofo citat, *Ecclesiæ notæ duæ sunt, Purum Dei verbum & sincera Sacramentorum administratio: Sunt qui Ecclesiasticam disciplinam addunt, sed nos duabus illis erimus contenti.* Plerique tres notas faciunt. Antonius Walæus quartam forte additâ cupiet, quia præter prædicationem verbi puram, ejusdem prædicati verbi receptionem requiri ait, in Synopsi purioris Theolog. Disput. 40. Thes. 45. Franciscus Junius unam tantum Ecclesiæ notam facit, Verbum sc. Dei, & quod mirere, Amesius Puritanus, Professor Franequerensis, unam maxime essentialem Ecclesiæ notam esse asserit, & quidem eandem, quam hi Censores hic tam prolixè in Remonstrantium Declaratione carpunt & exagitant, videlicet, *Professionem veræ fidei*, in Medulla Theologiæ suæ lib. 1. cap. 32. Thes. 29. Addit autem, quod notandum est, Thes. 30. *Professio ista in casu aliquo potest antecedere solemnem verbi prædicationem, & Sacramentorum administrationem.* Quid si hoc dixissent in Declaratione sua Remonstrantes? Nempe, hæc mera pax & concordia est in Calvinianis: In Remonstrantibus pugna & dissensio ἀπορρογ.

Abfurditas
Censuræ detegitur, qua doctrinæ prædicationem instrumentum colligendæ & notam collectæ Ecclesiæ haberi vult.

Deinde, eadem sectione censentur hæc Declarationis verba; *Notæ istæ sunt notæ carus illius, qui per prædicationem verbi collectus est. Hoc quidem non diffitemur*, ait Cenfor, *verum & hoc notandum arbitramur, quum de Ecclesiæ proprietatibus seu notis agitur, Ecclesiam in se & sua natura considerandam esse.* Esto: At Ecclesiæ, quæ colligenda adhuc est, aut necdum collecta est, Ecclesiæ non est. At ex eo, inquit, quod doctrinæ prædicatione sit antea quiddam Ecclesiæ, utpote instrumentum collectionis illius, non efficitur, illius neutiquam esse notam. Quid absurdius? Ergo id quod aliquando prius est Ecclesiæ, eadem Ecclesiæ aliquando posterius erit. Nota enim notato suo posterior est. At alio atque alio respectu, inquit Cenfor, & instrumentum colligendæ & nota collectæ est. Imo vero, idcirco quia prædicatione aliquando instrumentum est colligendæ Ecclesiæ, non potest esse certa atque infallibilis nota Ecclesiæ collectæ, ei, qui, ubi vera Ecclesiæ sit, aut dubitat, aut ignorat, unde enim resciscet certo an prædicatione, quam audit, sit prædicatione, qua est instrumentum colligendæ Ecclesiæ, an qua

qua est nota Ecclesiæ jam collectæ? Hoc ex ipsa prædicatione, ut nota, habere non potest. Alia itaque nota opus habebit, ut notam istam discernat, & sic in infinitum tandem ut eat, necesse erit: Receptionem doctrinæ prædicatæ, accedere volet Walæus, uti ante diximus. At inquam, receptio ista, nihil aliud est quam professio doctrinæ istius, quæ prædicatur, non autem, qua prædicatur. Id Amesius vester manifeste docet, quum dicit, *Professionem istam in cætu aliquo posse locum habere ante solemnnem verbi prædicationem, & Sacramentorum administrationem.* Et res liquet: Ex Scriptura, non prædicata, sed lecta, haberi potest plena veritatis notitia & fides, proinde etiam notitiæ & fidei professio. Tum vice versa, prædicatio pura locum habere potest, ubi tamen ea non recipitur, & ubi Ecclesia nulla est, quæ receptionem istam proficitur, puta inter infideles, inter mundanos concionem quidem frequentantes, sed communionis professionem detrectantes. Cui adde, quod prædicatio pura, sive qua est instrumentum Ecclesiæ colligendæ, sive qua in collecta Ecclesia exercetur, non sit nisi Pastoris actio. At pura actio Pastoris, non potest esse nota Ecclesiæ.

Secundo addunt, inquit Censor, eas Nobis Ecclesiam indicare & visibilem facere. Ubi voce Nobis, restringunt ejus notificationem seu notitiam usum ad membra Ecclesiæ tantum, non autem ad alios quoscunque deviantes à vera Ecclesia, aut etiam, qui extra eam sunt. Nihil minus. Declaratio Remonstrantium non restringit vocem illam ad membra Ecclesiæ tantum, sed ad eos, qui, cum norint quidem quæ sit salutaris fidei Christianæ doctrina, nesciunt tamen ubi sit cætus iste, in quo doctrina ista sonat & recipitur, sive ii, qui id nesciunt, membra sint veræ Ecclesiæ, sive non sint. Nimirum, directa est Declaratio contra Pontificios, eosque omnes, qui notas aliquas certas dari asserunt, per quas perveniri potest in cognitionem Ecclesiæ veræ, & per Ecclesiam istam cognitam porro in cognitionem salutaris veritatis, antequam scitur aut cognoscitur quæ sit salutaris veritas, per quam Ecclesia vera Ecclesia est. Hujusmodi enim notas frustra quæri, & falso assignari à Pontificiis aliisque statuunt. Et ratio manifesta est: Ecclesia enim non est vera Ecclesia, nisi per & propter veritatem, quæ in ea docetur & recipitur: Veritas itaque salutaris prius cognosci debet, quam cognosci possit vera Ecclesia, salutare illam veritatem retinens. Vnde consequenter efficitur, Prædicationem puram iis, qui nesciunt quæ sit vera Ecclesia, & quæ salutaris veritas, per quam Ecclesia vera Ecclesia est, notam veræ Ecclesiæ

Sensus & scopus verborum in Declaratione, quibus dicitur, Notas Ecclesiam Nobis indicare, contra Censuram illustratur.

esse non posse. Siquidem non minus ignotum ei est quæ sit pura prædicatio, quam ignotum ei est, quæ sit pura & vera Ecclesia; ut autem id, quod æque ignotum est, atque illud, quod quæritur, nota sit ejus, quod quæritur, contra omnem rectam rationem est. Nota enim notior debet esse suo notato, *Atqui*, inquit Censor, cum fideles jam ante Ecclesiam norint, ne illis quidem nota fuerit. Sane, ut illis nota sit, per quam in cognitionem ejus, quæ nempe vera Ecclesia sit, & quæ salutaris illa doctrina, per quam Ecclesia vera Ecclesia est, pervenitur, necesse non est. Quid enim nota opus est iis, qui rem ipsam, cui notificandæ nota servit, jam cognitam habent? Sed cum Remonstrantes adsignant notas, per quas in cognitionem veræ Ecclesiæ pervenitur, eas notas vel eam notam adsignant, per quam ii, qui cum jam norint, quæ sit salutaris veritas, quæ profitenda est, nesciunt tamen ubi sunt ii, apud quos salutaris ista veritas obtinet, ac proinde qui pro vera Ecclesia sint habendi, cui quisque se tenetur adungere, id deprehendere ac resciscere possunt. Fieri enim posse, ut, qui veritati divinæ ex animo credunt, eamque in cætu Ecclesiæ profiteri non erubescunt, nesciant ubi cætus iste, qui veritatem istam tenet, sit, varia exempla nos possunt docere. Alias notas aut aliam notam, certam imprimis, qualem Pontificii volunt, dari posse, & frustra quæri adserunt, quamquam nota ista, quam adsignant, non tam nota est Ecclesiæ Visibilis, quam id, quod Ecclesiam ipsam visibilem constituit, uti in sequentibus plenius ostendetur. Atque hinc apparet, quod ea, quæ Clar. Professor Episcopus in Thesibus suis de Ecclesiæ notis adseruit, cum Declaratione Remonstrantium optime conveniant, & quæ à Censoribus hisce duobus paragraphis disceptantur, ad verum controversiæ statum non pertineant, quod postea pluribus demonstrabitur.

Tertio loco censetur nota ista, quam adsignant Remonstrantes, *Professio scil. sacra & salutaris doctrina per Iesum Christum tradita, eaque conjuncta cum, externa saltem, mandatorum Iesu Christi observatione.* Hæc, inquit, *professio veritatis & vita singulorum fidelium seu membrorum Ecclesiæ, se junctim consideratorum, potius est nota, quam Ecclesiæ, nisi addatur publica Confessio.* At si hæc ratio valet, tum multo minus prædicatio pura nota erit Ecclesiæ. Prædicatio enim nequidem singulorum fidelium est, sed unius tantum Pastoris actio. Tum publicam hic professionem intelligi à Remonstrantibus, non modo ex Episcopi Thesibus, quod agnoscere videtur Censor, liquet, sed ex ipsa Declaratione, in qua adsignantur notæ cætus illius, qui per prædicationem verbi collectus

Qualem professionem salutaris veritatis intelligat Declaratio, cum eam Ecclesiæ visibilis notam facit.

collectus est, quæ aliæ quam publicæ esse, siue ad cætum, quæ cætus est, pertinere non possunt. Recte sane, inquit Cenfor, sed quæso quomodo hac publica erit professio, sine, imo nisi per prædicationem verbi Dei publicam Sacramentorum exhibitionem & disciplinæ exercitium? Quasi vero professio publica esse non possit, nisi cætus habeantur, in quibus actiones istæ exercentur. Professio ista, quæ maxime essentialis Ecclesiæ nota est, inquit Amesius vester, in cætū aliquo potest antecedere solemnem verbi prædicationem & Sacramentorum administrationem. Quid ni itaque citam potest eam cessantem subsequi? Sane, nemo adeo ignarus rerum ac temporum est, quin fateatur, fieri posse, ac non raro usu venisse, ut prædicationis verbi, Sacramentorum administratio, & disciplinæ exercitium publicum intermittere debuerint, manente cætū publico & publica cætus istius professione: utique, si sine istis actibus Ecclesiæ visibilis aut publica esse non potest, periit toties Ecclesiæ visibilis, quoties sine istis fideles vivere sunt coacti. Si non periit in tali casu visibilis Ecclesiæ, tum necesse est ut dicamus, eos, qui tum profitebantur se prædicationem doctrinæ Iesu Christi ex animo optare, Sacramentorum administrationem ex præscripto Christi cupere, & disciplinam à Christo traditam exercere velle, Ecclesiæ visibilem mansisse, ac per consequens professionem hanc ad Ecclesiæ cognoscendam sufficere. Atque ex hoc uno manifestum fit, ea, quæ postea subjicit Cenfor, nullo prorsus fundamento nixa esse.

Responsum etiam Cenforis, quo rationem in Declaratione adductam, à proportionem internæ Ecclesiæ ad externam redarguit, nil nisi Scholare & operosum commentum est; idcirco repudiandum, quod directe simplici & apertæ Scripturarum locutioni repugnet. *Fides*, inquit, non est interior completa forma & quasi anima invisibilis Ecclesiæ. Attamen Scriptura disertè & passim affirmat, nos per fidem fieri atque esse filios Dei, membra corporis Iesu Christi, imo corpus Iesu Christi, & unum quidem corpus cum eo esse, per unum eundemque spiritum Fidei, id est, fidem, quæ veluti spiritu animamur in mediis mortis periculis 2. Cor. 4. 13. Et ratio manifesta est, quam ipsa Etymologia insinuat. Ecclesiæ enim est cætus eorum, qui vocanti Deo credunt, aut per fidem vocationi divinæ respondent. Nec aliud vocatio divina ab homine, ut Ecclesiæ Dei membrum fiat, requirit, quam ut Deo credat, & ex fide illi obediat. Fides itaque est istud unum, quod hominem Ecclesiæ Dei membrum facit. Quare, quod Cenfor internam completam formam Ecclesiæ invisibilis esse dicit, unio-

Ratio in Declaratione adducta à proportionem internæ Ecclesiæ ad externam, vindicatur à Cenforis ineptiis.

unionem & communionem Christi capitis, in Spiritu, per verbum Dei fidemque, cum electis, non minus falsum, quam operosum videri debet. Nam nec unio nec communio Christi capitis, nedum ejus cum electis, quos vocat, conjunctio forma est Ecclesiæ, sed est id, quod Ecclesiam veram & jam formatam immediate consequitur. Ecclesia enim, qua talis, est id quod Christo capiti unitur. Est ergo Ecclesia per aliud quid Ecclesia, quam per unionem. Communio etiam est beneficium quod Ecclesia, qua talis, à Deo consequitur. Sed hæc lis tota logica est, quam fastidiunt Remonstrantes in re seria.

Vindicantur
loca ad margi-
nem Declara-
tionis citata.

Post hæc examinat Censor loca, quæ Remonstrantes ad marginem Declarationis suæ citarunt, ad ostendendum professionem publicam, quam tribus istis actibus, auditione verbi aut fidei professione, Sacramentorum usu & disciplinæ exercitio contineri dicunt paragr. 10., notam esse Ecclesiæ visibilis, sed adeo frigide & hæsitante, ut nihil supra. *Quædam*, inquit, *nihil tale dicunt*. Atqui non modo non quædam, sed ne unum quidem ejusmodi locum à Remonstrantibus citatum esse ostendit. *Quædam*, inquit, *notam tantum aliquam pariatim, non universim proponunt*. Inter hæc censere videtur loca priora, Matth. 10. 32. 33. Ioan. 10. 4. 9. 27. & Ioan. 12. 42. 43. & Ioan. 13. 34. 35. & Ioan. 14. 21. *In primo loco agitur*, inquit, *de particulari professione cuiusque tum discipulorum, tum Doctorum: non autem de professione, quæ nota est Ecclesiæ, quæ Ecclesiæ cætus est*. Imo vero, inquam, idcirco concluditur in eo etiam agi de nota Ecclesiæ, quæ Ecclesiæ cætus est, quia quæ ratio est singulorum, eadem est ratio totius homogenei, quatenus ex singulis istis constat. Quæ nota dignoscitur unus Christi discipulus, eadem dignoscuntur omnes simul juncti: Sicut idem illud, quod singulos homines facit membra corporis Iesu Christi, omnes simul junctos & in cætu unitos facit totum corpus sive Ecclesiam Iesu Christi. Consequentia plana est: Cætus enim nihil aliud est quam totum, quod singuli isti profitentes, quasi uno ore atque opere, faciunt: uti itaq; singulorum nota est singularis cuiusque professio, sic omnium simul consentientium & in cætu conjunctorum publica professio nota est cætus istius, quæ cætus est. Ioan. 10. 4. 9. 27. *agitur quidem de Ecclesiæ*, inquit, *at utraque nota, prædicatio scil. Evangelii & ejus obedientia indicatur*. Atqui I. id, ex quo oves, id est, Ecclesiam suam agnosci Christus ait, non nisi obedientia & obedientiæ professio à Christo esse dicitur. Manifeste enim oves à Pastore distinguit. Oves autem sunt Ecclesia. II. Audire vocem Christi hic non necessario significat prædicationem Iesu

Iesu Christi audire, eique morem gerere, quod Cenfor urget. Vox enim Christi est verbum Euangelii Iesu Christi, sive istud legatur, sive audiatur tantum legi, sive prædicetur & prædicari audiatur: Audire itaque sive obedire voci Christi, eamque sequi, dici potest etiam is, qui prædicationi Euangelii non interest. Ac, licet quidem Christus hic per vocem suam maxime prædicationem Euangelii sui, quam ipse voce sua faciebat, intellexerit, id tamen latius extendi posse ac debere, nemo sanus inficias iverit. Ex his cæterorum locorum Censuram æstima. Sunt enim ejusdem generis; aut si quæ alia sunt, in iis, inquit Cenfor, idem quod nos statuiamus, adseritur.

Quæ sectione VIII. censentur, ea manifeste arguunt Censorem hunc genuinum controversiæ statum, in hac de Notis Ecclesiæ materia, aut ignorasse, aut studio dissimulasse. Quod sic ostendo: Vult præter professionem publicam, alias notas, & nominatim eas, quas adsignat, dari, per quas infideles deveniunt in cognitionem Ecclesiæ veræ, & dum se propius explicat, haud obscure significat, se intelligere, per prædicationem Euangelii devenire in cognitionem veræ Ecclesiæ, nihil aliud esse, quam per prædicatum & diligenter examinatum Euangelium, pervenire in cognitionem veritatis, & sic porro in cognitionem veræ Ecclesiæ, sive eorum, qui veritatem amplectuntur & profitentur. At hoc non est illud, quod quæritur, & quod negant atque impugnant Remonstrantes in Declaratione sua. Quis enim Reformatus id negaverit? Sed hoc quæritur, & in hoc cardine status controversiæ inter Reformatos & Pontificios vertitur: An notæ aliquæ certæ atque infallibiles dentur, per quas is, qui nescit adhuc quænam sit doctrina veritatis pura, ac proinde quæ sit vera Ecclesia, aut qui in ea re hæsitat & nutat, tanquam per notas, Ecclesiam veram denotantes & certo indicantes, deducitur in cognitionem veræ Ecclesiæ, & per eam, in cognitionem veritatis, quæ ad salutem necessaria est. Hoc est quod negant Remonstrantes contra Pontificios, quodque dicunt vanum atque ineptum esse.

Atqui, inquit Cenfor, eo ipso prædicationem verbi Dei, Sacramentorum & disciplina exercitationem, satis aperte pro notis non agnoscunt, quas Orthodoxi tamen in necessariis, suo gradu & modo, notis habent, & notarum usum restringunt ad fideles, non item ad infideles, & qui de veritate non sunt persuasi. Sane, ita est: Et qui possunt aliter? Quamdiu enim quis nescit, quæ sit prædicatio vera aut falsa, pura aut impura, quæ recta ac legitima Sacramentorum administratio, &c. quomodo fieri potest, ut per prædicationem, &c. tanquam per notam, cæ-

P p p

tum

Pura verbi
prædicatio
&c. notæ non
sunt Ecclesiæ
apud infideles.

tum istum, in quo prædicatio pura recipitur, certo notificantem, in
 ejus cognitionem deveniat? Hoc profecto à ratione omni recta alie-
 num est. Atque hic alterum Censoris *σφάλμα* notandum venit, quod
 arguit eum à vero controversiæ statu constituendo aberrasse: *Per ve-*
ram doctrinam sive vera doctrina prædicationem infideles deduci, ait, *in co-*
gnitionem vera Ecclesiæ. Quasi vero id in controversiam veniat. Nihil
 minus. Non quæritur de medio, quo pervenitur, quolibet modo, in
 cognitionem veritatis, & sic porro in cognitionem veræ Ecclesiæ, sed
 quæritur de medio, quo pervenitur in cognitionem Ecclesiæ veræ,
 tanquam nota, infallibiliter Ecclesiam veram denotante, antequam
 adhuc intelligatur, quæ sit veritas illa, quam Ecclesia ista teneat, quæq;
 in ea docetur aut prædicatur. Prædicatio veræ doctrinæ est medium,
 quod rationes & argumenta continet, quæ veritatē nobis persuadent,
 & sic, quæ vera Ecclesia sit, intelligere nos faciunt: At prædicatio ve-
 ræ doctrinæ non est nota, ex qua is, qui nescit, quæ veræ doctrinæ præ-
 dicatio sit, prædicationem veram esse infallibiliter dignoscit. Et hoc
 tamen est τὸ κενὸν εὐαγγελίου, ad quod in declaratione sua respiciunt Remon-
 strantes, ut cuilibet vel leviter eam consideranti manifestum esse po-
 test. Ex hac una reliquit, quam diluta, vana atque exsucca sit tota,
 quam hic Censor instituit, disputatio. Adde, quod tamen eodem re-
 cidit, cum quæritur de *Notis Ecclesiæ visibilibus*, tum quæritur, quis ille
 cætus sit, in quo pura prædicatio verbi, recta Sacramentorum admini-
 stratio, & debita disciplina locum habent. Pura itaque prædicatio ver-
 bi, &c. non possunt esse notæ istius Ecclesiæ, quia sunt illud ipsum,
 quod Ecclesiam visibilem constituit, de qua quæritur, qua nota, aut
 quibus notis cognosci possit. Verum quidem est, per id, quo consti-
 tuitur res, etiam distingui rem, & inde cognosci, sed id inepte semper
 notam vocaveris. Sic ex eo, quod aliquid ratione præditum sit, co-
 gnosco illud hominem esse, sed nō cognosco id ex eo, tanquā ex nota.
 Eadem hic ratio est: Ex prædicatione puræ doctrinæ ejusque receptio-
 ne, &c. cognosco quæ sit vera Ecclesia, sed non cognosco id ex ea tan-
 quā ex nota, sed tanquam ex re constituyente Ecclesiam visibilem. Quod
 si quis tamen voce, *Nota*, abuti velit, non diffitemur, notam etiam vo-
 cari aliquando posse id, quod rem constituit, imo id locum habet in
 omnibus rebus externis, in quibus signum rei non potest esse nisi id,
 quod rem ipsam, quatenus externa est, constituit: Forma enim rei ex-
 ternæ non est nisi externum quid, sensibile, & in oculos aut sensus in-
 currens: Sed tum fortissime stabilitur id, quod in Declaratione sua
 præbare

Aliud est, infi-
 deles per præ-
 dicationem
 puram adduci
 in cognitionem
 Ecclesiæ, aliud
 prædicationem
 illam infideli-
 bus esse notam
 Ecclesiæ.

probare propositum sibi habuerunt Remonstrantes. I. Frustra quæri notam aut notas Ecclesiæ Visibilis : Nota enim Ecclesiæ visibilis , est ipsa forma Ecclesiæ visibilis , ex vi hypotheseos præcedentis. In exemplo res patet. Ecclesia Visibilis est , ut Antonius Walæus eam definit in Synopsi purioris Calvinisticæ Theologiæ suæ , Disp. 40. de Eccles. Thes. 32. cætus eorum , qui per verbum externum , Sacramentorum ac disciplinæ Ecclesiasticæ usum , in unum externum corpus ac societatem coalescunt. Ecclesiæ nota si quærat , tum necesse erit , ut quærat nota cætus istius , qui sic in unum externum visibile corpus coaluit. Frustra. Nam externa ista coalitio per actus istos visibiles aut sensibiles est tale quid , quod nota opus non habet , ut agnoscatur aut ab aliis dignoscatur. II. Ipsam etiam professionem salutaris doctrinæ , seu malis , ipsam prædicationem veræ doctrinæ , rectum Sacramentorum usum , &c. præcise loquendo , non esse notas Ecclesiæ visibilis , ab ipsa Ecclesia visibili distinctas , per quas in ejus cognitionem devenitur : Sunt enim res ipsa , quæ quæritur , & cujus cognitio ex verbo Dei juxta Pontificiorum sententiâ , sine interveniente Ecclesiæ veræ autoritate , haberi non potest. Notæ autem notiores esse debent re notata uti jam aliquoties dictum est.

Quæ contra rationes duas , à Clarissimo Viro M. Episcopo in The-
sibus privatis citatas , allegat Cenfor , ea nullius sunt momenti. Prima
ratio Episcopii hæc est. Prædicatio verbi divini non est nota Ecclesiæ ,
quia prædicatio Pastoris actio est , non Ecclesiæ , quæ in Sacris semper
à Pastore contradistinguitur. *Quid tum , inquit Cenfor ? Ergone nota non
est ? Etiam professio , Ecclesia , specialiore significatione sumta , seu gregis singu-
lariter actio est , & tamen nota vobis est : quanto magis prædicatio , quæ Eccle-*
siam publicam omnino facit , quum professio sit singulorum ? Atqui conse-
quentia hæc manifeste laborat. Professio enim quatenus est singulo-
rum per se , non statuitur in Declaratione Remonstrantium , nota cætus
universi , quæ cætus est , sed quatenus professio publica est , quæ in cæ-
tu peragitur , uti jam ante ex Episcopii Thesibus clare apparere Cenfor
ipse confessus est. Deinde , professio ita est singulorum , ut totius cætus
etiam esse possit. Prædicatio vero ita est pastoris actio , ut cætus five
gregis , quæ talis , actio esse aut fieri non possit. Denique professio gre-
gis esse potest , etiam si prædicatio nulla in eo fiat , imo ut Amesius ait ,
etiam si nulla prædicatio verbi præcesserit. At prædicatio esse potest ,
etiam si grex aut cætus profitentium doctrinam , quæ prædicatur ,
nullus sit. Altera ratio Episcopii est , *Quia prædicatio verbi divi-
ni non tam necessaria , quam utilis est ad adificationem Ecclesiæ , postea-*

Vindicantur
rationes M.
Episcopii.

Instantia Cen-
foris diluitur.

Adstruitur &
vindicatur al-
tera ratio E-
piscopii.

quam Scriptura omnibus & singulis legenda data est, ut ex ea suo pte Marte discat quisque quantum satis est. Vide, inquit Censor, quo isti homines dilabantur, qui ordinationem Dei perpetuam Sacri Ministerii, illiusque munus à Deo stabilitum in necessariis non ponunt. Imo vero, inquam, Vide quo isti Reformati Censores dilabantur, qui tam manifestam veritatem admordent? Verbum quod prædicatur, statuit *M. Episcopus* simpliciter necessarium, ad hoc, ut quis Ecclesiæ membrum fiat & maneat. Prædicationem verbi simpliciter ad id necessariam esse negat. Quid clarius? Amesium tuum vide, qui diserte affirmat, fieri posse, ut professio fidei (quam maxime essentialem Ecclesiæ notam facit) antecedit solemnem verbi prædicationem, & Sacramentorum administrationem, uti supra ostendimus: Sed & rationem manifestam vide. Quid si pastores nulli haberi possint? quid si nulli gregem docere audeant? Cætus autē conveniant qua possunt, & verbum divinum prælegi audiant, faciantque omnia ista, quæ pro isto tempore ex præscripto Christi facere possunt, an idcirco Ecclesia aut cætus iste definet esse Ecclesia visibilis? At, inquit Censor, sic etiam professio fidei non erit nota, quia incidere posse tempora ait Episcopus, quibus ejus usus esse non possit. At vero, inquam, isto casu fatendum est, visibilem Ecclesiam, qua formaliter cætus est, definire esse, etiam si materialiter maneat, manentibus videlicet iis, qui juncti & congregati cætum facerent: quod aliter longe habet, si prædicatio cesset: Cætus enim formaliter cætus esse ac manere potest, etiam si prædicatio verbi externa in eo cesset, uti jam ostensum est & ex natura rei liquet. Quomodo interim prædicatio verbi in Ecclesia ordinatio Dei perpetua sit, & quam gravem injuriam Remonstrantibus faciat Censor, cum id ab iis negari hic asserit, ex præcedentibus, ubi ea de re ex professio actum est, liquido constare potest.

Sectione IX. & X. inquit Censor, Officia civium Ecclesiæ videntur distinguere à notis. Imo ne videntur quidem distinguere, cum, ut Censor ipse fatetur, ipsam fidei professionem, quam notam Ecclesiæ fecerunt, inter officia civium Ecclesiæ censeant. Aliud est officium, aliud officii præstatio. Hæc nota est, non illud. Ut vero nota illa recte intelligeretur, officii ipsius ratio plenius explicata est à Remonstrantibus. Quod interim officia hæc, non tantum actus, exercitia & partes quasdam officii nostri esse, sed & actus quosdam Dei gratiosos erga suos, quibus & ipse per suos aliquid agit, suisque confert & exhibet, id partim ex absolutæ Prædestinationis insano amore, partim ex aliis ineptis quibusdam hypothesebus proficiscitur, quas hic examinare intempestivum est.

I N

IN CENSURAM CAPITIS XXIII.

De Sacramentis aliisque Sacris
Ritibus.

IN hoc Capite nihil pene censetur. Omnia sunt Orthodoxa & nix puriora. In definitione Sacramenti, inquit Censor, *Remonstrantes Orthodoxa sententia insistentes, & in nomine & usu se à Socino sejungere satagunt.* Nempe hoc orthodoxias negligens est. Sola suspicio atri quid adspersit, quod per quaestiones benigne elui Censor petit. Dignus certe, qui ob tam benevolam scilicet & inusitatam agendi rationem responsum ferat, quod alioquin declinari à nobis jure potuisset.

Remonstrantes in Declaratione sua vocaverant Sacramenta, Fœderalia signa & figilla visibilia, quibus Deus gratiosa beneficia sua in Fœdere, præsertim Evangelico, promissa repræsentat, &c. *Bene utique,* ait Censor, *si modo & fœdus & gratuita beneficia in fœdere promissa, utrobique eadem esse velint, nempe salutaria ac de salute æterna, quæque utrobique fuerint revera dispensata, suo modo & gradu, &c.* At hoc etsi jam ante sæpius responsum sit, paucis tamen hic iterum respondeamus, ut quaestori satisfiat. Sub Veteri fœdere rem promissam eandem, id est, salutem æternam revera dispensatam esse, credunt Remonstrantes. Sed promissionem salutis æternæ sub eo factam aliam non possunt deprehendere, quam typicam, & quæ sub generalibus promissionum aut prophetiarum verbis obscure comprehensa fuit. In novo vero fœdere, promissionem vitæ æternæ claram, sine typis, & specialibus atque apertis verbis factam esse statuunt. Et hoc vult declaratio eorum per articulum, præsertim, cum dicunt gratiosa beneficia, *in fœdere præsertim Evangelico,* promissa esse. Si idem vult Censor cum ait, *beneficia Dei gratiosa, sub utroque Test. dispensata fuisse, suo modo & gradu,* consensus est. Sin aliud quid vult, ejus rei declarationem plenam ac disertam ut faciat necesse est.

Ad quaestionē
An eadē gra-
tuita benefi-
cia sub utro-
que Fœdere
fuerint dispe-
sata, respon-
detur.

Alterum est: Fatentur Remonstrantes Deum nobis per Sacramenta non modo repræsentare & adumbrare promissa sua beneficia, sed etiam exhibere & obsignare: *Sed quia addunt, Deum id per Sacramenta facere, certo modo, eumque non explicant, tantum deprecimur,* inquit, *ut explicent sententiam suam.* Age. Res digna est quæ intelligatur: Interest

Dilucida &
prolixa decla-
ratio de certo
modo, quo Sa-
cramenta, pro-
missa benefi-
cia non modo
repræsentare
& adumbrare,
sed etiam ex-
hibere & obfi-
gnare dicuntur.

Reip. Christianæ, ne sacris hisce ritibus aut nimium, aut nimis pa-
rum tribuatur: Vtrimque enim ingens periculum est, ne aut con-
temptui eorum anfa detur ex una parte, aut superstitioni & idolola-
triæ ex altera parte fenestra aperiatur. Atque à contemptu quidem
minimum periculi est, quamdiu certum manet, ritus istos à Deo tra-
ditos & præscriptos esse. Nihil enim parvi fieri debet, quod sum-
mus Deus mandat & à nobis religiose observari præcipit. Sola Dei
voluntas sufficit ad ritus cujusque magnitudinem & pretium. Sed à
superstitione & idololatria periculum est multo maximum: Nam
ita fere comparatum est, ut circa externas & in oculos incurrentes cæ-
remonias, Deo & cultui ejus destinatas, animus defixus hæreat, & pri-
mo quidem admirari, deinde extollere, & paulatim etiam venerari
eas incipiat. Nec dubitandum est, quin ii, qui primitus hos Sacros
ritus sublimibus & omnes τῆς ὑπερβολῆς limites excedentibus elo-
giis, veluti cothurnis quibusdam extulerunt, iisque admirabiles, in-
comprehensibiles & inexplicabiles effectus, nescio, quo zeli cæstro
perciti, attribuerunt, ne apud populum vilescerent, idololatriæ gravis-
simæ occasionem imperitæ & incircumspectæ multitudini dederint.
Res enim Sacra, si nimium eam laudes atque extollas, facile plebis &
vulgi idolum fit. Quocirca videndum est, ut nos magis considerate
ac vere religiose de iis loquamur. Id Remonstrantes in declaratione
sua facere propositum habuerunt.

Socini senten-
tia de Sacra-
mentis.

Modi exhibē-
di & obfi-
gnandi varii indi-
cantur.

Sacramenta dixerunt esse signa, per quæ Deus beneficia sua gra-
tiosa non tantum repræsentat & adumbrat, sed etiam *certo modo exhi-
bet atque obfi-gnat*, secus quam Socinus ipse, quod mirum est Censo-
rem non animadvertisse, qui Sacramenta non modo non exhibitiva,
sed ne quidem signa nuda appellari recte existimat. Sic enim in tra-
ctatu de usu & fine Ccenæ Domini ait, pag. 88. *Tantum abest, ut ego
quicquam detrabi Sacramentis existimem, si quis ea nuda signa appellet, ut
ea appellatione plus illis tribui quam deceat, penitus persuasum habeam:*
At Remonstrantes ea signa appellant in Declaratione sua non tantum
quia adumbrant & figurant Dei beneficia, sed etiam exhibent; at, *cer-
to modo*, dixerunt, non sine gravi causa. Modus enim exhibendi &
obfi-gnandi est multiplex. Est exhibitio quædam *physica*, qua res ali-
qua vel signo ut ceræ impressa, vel signo ut vase contenta, vel signo ut
instrumento affixa, vel signum nude concomitans vel sub speciebus fi-
gni latens, exhibetur, id est, ut rem clarius proponam, qua res aliqua
vel simul, vel una, vel cum, vel per, vel sub, vel in, vel apud, vel circa
signa

signa physice ut ita dicam admoveatur, porrigitur, distribuitur. Est etiam exhibitio quædam *hyperphysica seu miraculosa*, qua res aliqua ignota, vel dubia confirmatur, stabilitur & certioratur, ac sic menti veluti videnda ac sentienda exhibetur, cuiusmodi signa sunt miracula, prodigia, virtutes omnem naturæ vim excedentes. Denique est exhibitio quædam *Sacramentalis Evangelica*, qua gratia divina, per signa quædam, non eminus aut de longe repræsentatur, nec sub typis, umbris, aut figuris quibusdam, ut multo post futura, veluti per transennam ostenditur, sed qua gratia ista, ut jam præsens, ob oculos ponitur, adeo clare, ac si sensibus manibusque palpanda daretur, adeo efficaciter, ut efficacius non possit affici anima à signis istis, manente salva atq; integra signorum & significationis natura ac proprietate. Atq; hic tertius exhibitionis modus, est modus ille certus, quem designant Remonstrantes. Primum enim & secundum respuunt. *At*, inquires, non hoc tantum designatum voluerunt Remonstrantes, cum exhibitionem illam certo modo fieri dicunt, sed etiam propositum habuerunt indicare, illam ipsam Sacramentalem exhibitionem *certo modo* fieri. Ita est, *At modum istum*, inquit Censor, *cum non definiant, incertum relinquunt, quem modum exhibendi à se intelligi velint*: Et hoc valde vero simile est, adeoque certum. At si dicant Remonstrantes se modum illū explicare non posse, se cum Augustino sentire motum, *at modum nescire*, an non hoc sufficit? Quid? An necesse est ut modus iste exponatur? Atqui ne ipsi quidem Censores eum uspiam exponunt, nec ut eum exponant, ita ut intelligi à sano homine possit, ipsis possibile est. Sic enim diserte habet ipsorum propria Confessio Art. 35. *Certissimum vero est Christum non sine causa tam sollicitè nobis hoc suum Sacramentum* (Cœnæ scilicet) *commendare, utpote qui perficiat in nobis revera quacunque ipse nobis his sacris signis repræsentat, quamvis modus ipse ingeni nostri capium superet, nec percipi à quoquam possit*. Similiter, ubi in synopsis purioris suæ Theologiæ, omnes modos exhibendi recensuerunt & eos qui intelligi aliquo modo possunt, ab hoc exhibendi modo excluderunt, non restare dicunt alium, quam eum *qui Sacramentis aptus est*, id est, qui prorsus inexplicabilis est, addo ego & inimaginabilis. Vide Riverum in Synopsis purioris Theologiæ 43. disputatione de Sacramentis, à Thes. 23. usque ad Thes. 30. hac ipsa de re differentem. Sacramenta negat esse causas physicas gratiæ, sive primarias sive instrumentales, vel per qualitatem aliquam inhaerentem, vel per Dei motionem Sacramentum ad talem effectum elevantem, quem attingat. Deinde, inter Pontificios Scholasticos, illos

Riveri iudiciū
quo Pontifi-
ciorum quo-
rundam sen-
tentiam, de
modo colla-
tionis gratiæ,

quæ per Sa-
cramenta fiat,
Lutheranorū
sententiæ
præfert.

Ostenditur
Censores mo-
dum illum ex-
hibendi, quem
definiri à Re-
monstr. postu-
lant, nec defi-
niri uspiam,
nec definire
posse.

illos, qui statuunt Sacramenta conferre gratiam, non quod eam producant, sed quia Deus ex pacto, in usu Sacramentorum eam producit & offert. Quippe cum Sacramenta magna ex parte consistant in sua significatione & significando seu virtute suæ significationis agant & agere tantum possint, *melius sentire adserit quam Lutheranos, quos à Lutherō potius quam à Christo nomen suum deducere ait*, sed tamen non omnino recte sentire non obscure indicat. Denique se suosque optime sentire adserit: quippe qui præter significationem ex instituto Dei suam etiam exhibitionem (*sed modo Sacramentis apto*) & obsignationem promissionum divinarum Sacramentis attribuant, ut videre est Thef. 29. At, dic sodes, Rivete, quis est ille *modus Sacramentis aptus*? Hunc enim hic definiri postulas cum Collegis tuis. *Relativus*, inquit, est & *Sacramentalis*, quo tamen res ipsæ vere exhibentur, & obsignantur fidelibus, *sed modo spirituali percipiendæ*, ut videre est Thef. 24. At quæro, inquam, ecquis est ille modus relativus, Sacramentalis, aut spiritualis distinctus à significatione, ut loqueris, tum physica, qualis est signorum, quæ Bellarminus practica vocat, tum morali, qualis est signorum theoricorum? Nec enim est modus, qui oritur ex signorum & rerum significationum in Sacramentis unione aut connexionē, vel physica, qualis est materiæ & formæ, vel subjecti & accidentis, per inexistētiā; aut localem, per indistantiā; aut spirituales, per infusionem virtutis alicujus in ipsis signis latentis, ut dicis Thef. 24. Nec est modus, qui oritur ex sola significativa virtute Sacramentorum, ut dicis Thef. 29. Qualis ergo est? Calvinus, uti & Belgica Confessio, ad *occultam & mirabilem virtutem Dei* eum referunt: At hoc tantundem est, atque si dicatur, incomprehensibilis est & ineffabilis. Hoc vero quid aliud est quam certum illum modum incertum esse statuere? Dicunt quidē Censores, *Sacramenta gratiam conferre fidelibus, ita ut nō modo significantia signa, sed & exhibitiva seu media & instrumenta sint, quibus Deus Christum cum beneficiis suis offeri, & in legitimo sanctoque usu magis magisque confert*. At dicant, & explicent intelligibiliter modum istum exhibendi Sacramentalem, qui à significatione tum physica tum morali distinctus sit. Ut enim signum, quia tale, fiat instrumentum seu medium exhibens rem signatam, citra aut supra significationem, ἀκατάληπτον est. Nihil enim agit ultra, nec citra speciem seu virtutem potentiæ suæ. Necesse est, ut, si intelligibiliter velint sententiā suā proponere, exhibitionis istius instrumentalis modum faciant vel physicum vel moralem: At neutrum faciunt. Quid aliud

aliud ergo restat quam ut dicant, incertus plane est & ἀερίος, Deoque relinquendus? Et sane quis, vel Lyncea ingenii acie præditus, percipiat signa instrumentaliter exhibere gratiam seu rem signatam, exhibitione tali, quæ nec sit physica tantum, nec moralis tantum significatio, nec utrumque simul, sed aliud & amplius quid relativum & sacramentale? Tum, quis intelligat signa ista concurrere ut instrumenta seu media exhibitiva gratiæ, in iis, qui ea legitime usurpant, cum ii, qui ea usurpant, ante quam ea usurpent, de gratia promissa apud animum suum sint persuasissimi; imo cum idcirco signa ista usurpent, quia rem signis istis significatam jam ante firma fide apprehenderunt, & apprehensionem istam suam publicitus testatam fecerunt? Denique quis intelligat, signa Sacramentalia esse instrumenta gratiæ collativa & exhibitiva, cum tota gratiæ salutaris operatio immediate à Deo fieri in mente ac voluntate statuatur? Immediata operatio & instrumentalis sunt incompatibilia: Atque hoc argumentum idcirco majoris momenti videri debet, quod Calvinus & Rivetus, Censorum horum unus, eo ipso pugnent contra Pontificios, qui Sacramenta dicunt esse instrumenta gratiæ collativa. *Hoc enim est*, inquit Rivetus Theol. 28. *Dei actionem propriam & incommunicabilem in instrumenta immediate transferre.* Quare perperam admodum fecisse Censores credendi sunt, cum modum istum non tantum confidenter definiuerunt præter morem & consuetudinem aliorum, adeoque contra diserta verba confessionis suæ, sed etiam à Remonstrantibus definiri hic postulant, quasi heterodoxias notam mereantur, si idem aut non audeant, aut non possint. Dicet fortasse quispiam, exhibitionem illam concipi posse, si Sacramentorum usus serius ac legitimus statuatur conditio, ad cuius præsentiam Deus concedat, & quasi sentiendam exhibeat specialiore aliquam gratiam suam; dum videlicet Deus, eum, qui signis istis juxta institutionem Christi ex vera fide utitur, & iis utendo officium suum facit, sensu gratiæ suæ singularis dignatur, ita ut ipse ille usus & exercitium, veluti medium sit, quo utens alacrior & promptior redditur ad obsequium divinum, & cæteras officii sui partes diligentius exequendum: At nemo Remonstrantium erit, qui id non libenter admissurus sit. Cæterum aliam quandam præter physicam, seu moralem, seu hyperphysicam exhibitionem statuere, quæ instrumentalis exhibitio & collatio sit rei signatæ, id vero prorsus ἀκατάληπτον est. Quod si qui tamen se concipere, atque intelligere posse ejusmodi exhibitionis modum credunt, ii fruuntur

Qqq

iudicio

judicio suo. Remonstrantes statuunt hac in parte cum Archiepiscopo Spalatenſi, *Antonio de Dominis* lib. 7. de *Repub. Eccles.* cap. 11. Sect. 5. cujus hac de re verba hic adſcribere operæ pretium eſt. *Diſſenſio* (de modo ſcilicet quo Sacramenta operantur gratiam) *diſputabilis eſt, ac omnino indefinibilis, num videlicet Sacramenta efficiant gratiam, & hoc an phyſice instrumentaliter, an tanquam conditiones ad quarum præſentiam Deus concedat gratiam; an tanquam ſignacula efficacia gratiæ exhibitiva & confirmativa, an alio modo. Et in hac diſputatione mutua tolerantia eſt neceſſaria, & opinandi libertas relinqui debet, modo Sacramentis ſua non negetur operatio ſpirituſualis & efficacia.*

Quomodo Sa-
cramenta o-
centu ſigna
obſignativa.

Eadem eſt ratio obſignationis: Declaratio Remonſtrantium vocat Sacramenta non nuda tantum ſigna, ſed & fœderalia ſigilla, per quæ Deus à parte ſua, veluti Principes per ſigilla diplomatis & tabulis appenſa ſolent, viſibiliter omnibus teſtatum facit in Eccleſia gratioſum atque admirabilem amorem ac favorem ſuum erga genus humanum, quod videlicet, illud per remiſſionem peccatorum, & per traditionem filii ſui unigeniti in mortem acerbiffimam & ignominioſiſſimam, æternæ ſalutis atque immortalis & glorioſæ vitæ particeps facere velit: & per quæ ii, qui ſignis iſtis juxta institutionem Chriſti vera fide utuntur, in perpetue & adſidua recordatione admirandæ iſtius benevolentiæ divinæ occupati retinentur, ſicq; in fide divinorum promiſſorum, & amore Dei continuo, quaſi ſignaculo quodam, à Deo in Eccleſia inſtituto, ſuſtentantur & confirmantur: Sigilla itaque ſunt reſpectu Dei, quatenus per ea amoris ſui & benevolentiæ teſtimonium perpetuo ratum facere, & in Eccleſia viſibiliter extare vult. Reſpectu eorum, qui iis ex præſcripto Dei utuntur, quatenus Deus eos, qua tales, officium ſuum facientes, gratia ſua dignatur. Vnde fit, ut ii divinæ gratiæ guſtum, quaſi ſignaculum quoddam percipiant in animo ſuo, quo promtiores & alacriores redduntur ad tam benevoluntatem & miſericordem Deum redamandum, ejuſque beneficia & laudes in Eccleſia ejus celebrandum. Alio modo ut ſigilla vocentur, aut obſignare dicantur divinam gratiam incomprehenſibile eſt. Quod ſi qui tamen alium modum concipere animo ſuo ſe poſſe credunt, ii & hic fruuntur judicio ſuo. Viderint modo ut eum rationabiliter & intelligibiliter concipiant atque explicent, alioquin ſinum pedibus ſcalpturiunt, unde nullum granum eruitur.

Præter hæc (alia enim levicula, & ad quæ jam ante ſæpius reſponſum eſt, hic multis excutere operæ pretium non eſt) duo, inquit Cenſor,

Censor, silentio praterire non possumus, quæ Socinum redolent. Primum, cum Sacramenta novi præsertim fœderis, desiniant universum, divina ea institutionis, & quidem perpetuæ esse, omittant, forte quod an Baptismus perpetuæ institutionis divine sit, an vero temporaria, cum Socino ἐπεὶ καὶ &c. Redarguitur suspicio Censorum, quod Remonstr. Baptismum temporariæ institutionis, cum Socino facere videantur.

Atqui mirum merito videri dedit Censores hoc in declaratione Remonstrantium tanquam studio aut dedita opera omissum animadvertere, cum nec Confessio eorum, nec Palatina Catechesis id diserte aut in terminis exprimant: Deinde, cum ignorare non possint M. Episcopium in Thesibus istis, quas in hac Censura sua passim citant, velut instar, ad quod declaratio hæc Remonstr. fabricata sit, diserte contra Socinum hoc Corollarium posuisse: *An Baptismus ceremoniam & ritum fuisse tantum temporarium, nullo præcepto Iesu Christi, ab Apostolis tantum usurpatum atque exercitum, ulla solida ratione demonstrari possit. Et negativam partem substinuisse.* Quod vero non nemo pro voce, ulla, substituit, nulla, id tam manifeste falsum esse ex autographo ipsius M. Episcopii ἀποδείξαι ipsa nos docuit, quam certum nobis est, his duo esse quatuor. Alterum est, inquit Censor, quod administrationem Sacramentorum, cum Socino non faciant singulariter Pastorum, sed communiter omnium fidelium. Cedo locum vel verba Censor & viceris. At ab ea sententia non abesse Episcopium patet ex Thesibus publice disputatis. Cedo Theses Censor & en herbam porrigimus. Dixisse id aliquando occasione argumenti alicujus in disputatione dicitur Episcopius, at in Thesibus id uspiam eum proposuisse, falsum est. Sed esto. Dixerit & scripserit id Episcopius, quin imo declaratio Remonstrantium id uspiam directe, vel indirecte affirmet, quod tamen falsum est, ecquod in ea re crimen est? Atqui Socinianum hoc est, inquires. Itane? Atqui Calvinus ipse in Instit. suis lib. 4. Cap. 15. Sect. 20. diserte affirmat, *Multis abhinc sæculis adeoque (NB.) ab ipso fere Ecclesiæ exordio, usu receptum fuisse, ut in periculo mortis Laici Baptisarent, si Minister in tempore non adesset.* Cur quæso, si idem nunc dicerent Remonstrantes, id eos cum Socino dicere per convitium Censor affirmaret, ac non potius cum primitiva Ecclesiæ, totaque adeo multis sæculis continuata Antiquitate? Veruntamen, nec Scriptura nec ratio ulla cogit, cur credendum sit, primitivam Ecclesiæ & totam Antiquitatem in eo errasse, nedum, si erraverit, errorem fundamentalem errasse. Quid enim obstat, cur in casu necessitatis, cū vel cæsus, vel pastor haberi nō potest, à fidei aliquo infans aqua tingi, aut inter fideles Cœna Domini celebrari non possit? Certe, si verbum ipsum in casu necessitatis,

Qq 2

aut

aut ubi ordo nondū stabilitus est, prædicari posse à fideli quolibet, adeoque prædicari debere ex caritatis Christianæ lege, Censores ipsi farentur, cur signa ista Sacramentalia ab eodem, aut ab iisdem administrari in simili casu non possint, adeoque non debeant, nulla causa est. Vbi ordo jam est stabilitus in Ecclesia, & Pastor haberi potest, alia ratio est. Nec satis est, si dicas, ordinem istum dignum esse qui semper observetur, eo quod Baptismus ad salutem præcise non sit necessarius: Nam, I. nec ordo ille præcise necessarius est. II. pone casum, esse, quibus aut hoc persuaderi non possit, uti sunt Lutherani omnes, præter Pontificios, aut qui, licet de eo in genere sint persuasissimi, tamen nescio quo iudicii vel animi defectu infantes suos baptisari malunt in periculo mortis, aut alio aliquo casu: quid? an ordinis istius ratio habenda potius erit, quam primitivæ Ecclesiæ, & totius Antiquitatis? Imo etiāsi forte nec primitivæ Ecclesiæ, nec Antiquitatis exemplum ullum esset, annon infirmitati eorum potius consulendum videtur, quam ordinis istius, quem præcise observari Deus nuspiam præcepit; imo quæ præcise observatum esse ipsorum Apostolorum tempore nullo vel exemplo, vel indicio probari potest? adde, quem non fuisse observatum multa loca non improbabiler arguunt? De *Nazianzeno* constat, eum in periculo mortis, seu casu necessitatis infantem baptisari voluisse à quolibet Christiano, alioquin in tertium quartumve annum baptismum differri. Sane ubi præcisa necessitas nulla est, ibi prudentiæ & caritati locum dare tutissimum est, ut infirmorum conscientis consulari, & scandalis non necessariis occurratur.

De Baptismo.

Mire sagax in hoc Capite est Censor: Odoratur etiam ea quæ nusquam sunt. *Duplex*, inquit, *hic proponitur definitio, una Sociniana, altera Orthodoxa.* Atqui una eademque & simplex prorsus est definitio, quæ in Latino exemplari generalius primum proposita; specialius deinde exposita fuit elucidationis ergo. In Belgico simplicioribus paulum verbis, & capacitati Lectoris accommodatius, aptiusque ob oculos posita fuit. Quare quod dicit id factum fuisse, *ut utrisque & iis qui ad Socinum desceunt, & qui in Orthodoxa sententia persistunt, se accommodent*, vanissimum & à mente Remonstrantium alienissimum est. Veruntamen dato at non concesso, quod id eo fine à Remonstrantibus factum fuisset, nihil equidem præter Christiani

Refellieur
aspicio Censorum,
quod Remonstrantes
definitionem
Baptismi Sociniani
& orthodoxis
aptaverint.

stiani hominis officium, aut charitatis legem ab iis factum fuisse jure meriti dici posset. Nec enim erubescunt fateri Remonstrantes, se toto animo abhorrere à rigore istorum hominum, qui, si quis forte probus piusque post adhibitam omnem quam prudenter adhibere potuit diligentiam, non possit credere, aut ab animo suo impetrare, ut credat, Baptismum alii fini servire, quam ad testandum vitæ male ante actæ derelictionem & vitæ melioris inchoationem, id est, non esse nisi, ut Censores ipsi paulo ante finem hujus sectionis ipsi loquuntur, Sacramentum pœnitentiæ, idcirco eos intolerabiles & anathemate dignos censent. Absit: Contrarium sæpius testati sunt Remonstrantes, & in dies factò ipso testantur in cætibus atque Ecclesiis suis. Qui aliter censent, ii viderint. Eadem ratio est de *Pædobaptismo*; Remonstrantes ritum baptizandi infantes, ut perantiquum & in Ecclesiis Christi, præsertim in Africa, permultis seculis frequentatum, haud illubenter etiam in cætibus suis admittunt, adeoque vix sine offensione & scandalo magno intermitteri posse statuunt, tantum abest, ut eum seu illicitum aut nefastum improbent ac damnent. Sed nec arbitrantur tamen propterea, eum ut præcise observatu necessarium, vel ex præcepto Christi, vel ex traditione Apostolica, vel alia aliqua certa atque indubitata autoritate tenendum, urgendum, aut imperandum esse. Id testantur *Acta Fratrum quorundam*, quæ huic Censuræ suæ præfixa voluerunt, tanquam hæreseos Remonstrantium arcana scilicet. Nec causam habent, cur Censores id iis tanquam hæreticum aut intolerandum in cætu Christiano vitio vertant, imo causa est, cur Censoribus id tanquam tyrannis in Ecclesia Christi intolerabilis vitio verti à quolibet Christiano debeat. Rationes sunt, I. Quia nec præceptum nec exemplum ullum est in Sacris, unde non dico veritas (de hac enim non quæritur) sed necessitas ista infantes baptisandi solide & sine controversia erui aut adstrui potest. Atque hoc fatentur pæne omnes Pontificii; quamquam ii, secus quam Protestantes, Baptismum absolute necessarium esse, necessitate, ut vocant, medii, sine quo regenerari aut salvari nemo potest, ubique contendunt. Hinc Bellarminus ipse lib. 4. de verbo Dei Cap. 4. ait: *Baptisma infantium contra Anabaptistas ex Scripturis Lutherani probare non possunt, Catholici non solent*. Similia habent *Costerus*, *Greiserus*, aliique, imprimis Iesuitæ in Colloquio Regenspurgenſi. II. Quia Concilium nullum ante quartum seculum celebratum fuit in quo necessitas Pædobaptismi adſerta legitur. Seculo demum quarto, & quidem in Africa Concilium Carthaginense,

De necessitate
Pædobaptismi
sententia Re-
monſtrantiū.

Synodi Neocæsariensis
Canon.

quod Milevetanum vulgo dicitur, Canonem hac de re sancivit Anno Christi CCCXVIII. Nec vetustiore huius ritus morem reperire est.

III. Quia inter priora & quæ Carthaginense hoc concilium antecesserunt sæculo integro, & quod excurrit, *Synodus Neocæsariensis* in Asia celebrata legitur Anno scilicet Christi CCCXV. in qua constitutus canon fuit, ex quo non obscure colligere est, isthic tum temporis infantium Baptismus non modo non necessarium, sed ne quidem licitum aut legitimum iudicatum fuisse. Canon sic habet *περὶ κυοφορέσης ὅτι δὲ φωτίζεσθαι ὅποτε βέλεται, ἔδεν γὰρ ἐν τῷ κοινωνεῖ ἡ τικτομένη διὰ τὸ ἐκείνης ἰδίαν τὴν προαίρεσιν τὴν ἐπὶ τῇ ὁμολογίᾳ δεικνύεσθαι*. Enimvero utcumque eum alioversum trahant interpretes, apparet tamen ideo de baptismo prægnantium quæstionem in Synodo ista motam fuisse, quod videretur proles etiam cum matre sua baptisari, quæ tamen baptisari non debeat, nisi super propria voluntate ac professione. Definit autem Synodus ideo recte baptismum procedere, quia ad matrem solum, quæ de se professionem ederet, non etiam ad uterum pertineret.

IV. Quia non modo in Asia Concilium hoc, sed etiam in media Africa, & Græcia non pauci Patres, etiam illis ipsis in locis ac temporibus, ubi pædobaptismus in usu erat, publiceque celebrabatur, aperte professi sunt, Baptismus infantium, sibi non usque quaque placere, salvo fraternitatis jure & communionis vinculo: Vnde non obscure colligitur tum temporis, etiamsi baptismus infantium in Ecclesia usu receptus esset, nihil dum de necessitate ritus istius statutum aut sancitum fuisse: sicuti neque de Eucharistia infantibus præbenda, quem ritum tamen in Ecclesia viguisse antiquissima testimonia fidem faciunt. Talis fuit *Tertullianus*, qui suo tempore baptismi dilationem acriter ur-
 Tertullianus. fuisse & multis rationibus suasisse legitur. Sic enim in libro de Baptismo cap. 18. inquit. *Itaque pro cuiusque persone conditione ac dispositione, etiam ætate, cunctatio baptismi melior est, præcipue tamen circa parvulos. Quid enim necesse est*, (quod hic in quibusdam codicibus repetitur, (Si non tam necesse) non video quem commodum sensum accipiat, ut recte observavit Franciscus Iunius in Notis suis ad Tertull.) *sponsores etiam periculo ingeri, qui & ipsi per mortalitatem destituere promissiones suas possunt, & proventu mala indolis falli? Aut quidem Dominus, Nolite illos prohibere ad me venire, veniant ergo, dum adolescunt, veniant dum discunt, dum quo veniant docentur. Fiant Christiani cum Christum nosse potuerint. Quid festinat innocens ætas ad remissionem peccatorum? Sensus est, Veniant ad Christum ut instituantur, non ut baptiscentur,*
 nisi

nisi postquam vim baptismi intellexerint. Quæ contra hæc ex Tertuliano citantur à quibusdam, aut ad obscurandum hunc locum opponuntur, ea nimis levia sunt, quam ut tam claro & gravi loco opponi mereantur. Talis fuit Nazianzenus, qui in Oratione XL. *quæ est in San-* Nazianzenus.
etum baptisma pag. 658. *Baptismum in tertium annum aut aliquanto brevius vel longius temporis spatium, differri suadet, & rationem addit, quia tum & mystici quiddam audire & respondere possunt, ac, si minus plene & exacte intelligant, imbuuntur tamen & informantur.* Idem hic Pater alibi etiam agens de iis, qui sine baptismo decedunt, exemplum ponit in iis, quibus Baptismus non contingit *διὰ νηπιότητος*. Verum quidem est eum in necessitatis casu sive in periculo mortis infantes etiam baptisari velle, sed extra casum seu periculum istud, eundem voluisse ut baptismus aliquousque differretur, saltem ad ætatem, quæ interrogationis percipiendæ, & responsionis reddendæ aliquomodo capax est, clarissimum est. Nec dubium videtur, quin cum Tertulliano ad ulteriorem ætatem dilationem extendere voluisset, nisi offensionem nimis gravem metuisset: Similia alios alibi sensisse ac factitasse, nec tamen propterea censitos damnatosve fuisse constat. De parentibus Augustini, Hieronymi & Ambrosii manifestum est, eos distulisse baptismum eorum, usque ad trigessimum annum ætatis eorum. De Constantino ipso similiter constat, eum non nisi adultum, anno vid. ætatis suæ 65. postquam Concilium Nicænum coegerat in eoque præfederat, imo cum jam extremum sibi diem imminere sentiret, Baptismum suscepisse. Ex Concilio Provinciali Gerundensi apparet, pueros Concilium Provinciale Gerundense,
catechumenos non nisi in Festis Paschatis & Pentecostes baptisari solitos. Verum quidem est, ante tempora Augustini, in Africa præsertim, non dubitabatur an recte baptisarentur infantes. Nec enim Pelagius quando Augustinus, aliique eo argumento pugnabant, negare id unquam ausus fuit, sed tamen quod necessario baptisandi essent, nondum decisum erat. Primus Augustinus fundamentum necessitatis huius posuisse dici potest, postquam cum Pelagio collidi cœpit. Eo usque enim fervore contentionis abreptus fuit, ut infantes sine baptismo decedentes certo supplicii æternis, quamquam levioribus, addictos esse pronuntiaverit, quod tamen ejus proprium *ἐνέγκμα*, etsi communiter receptum statim non fuit, non levem tamen huic, de qua agimus, necessitati introducendæ, & stabiliendæ occasionem dedit per totam Africam, & paulatim per alias Christianorum Ecclesias. Ut ut sit, Remonstrantes causam nullam esse vident, cur sententia eorum, qui Pædo-

Pædobaptismus necessario in Ecclesia Christi, necessitate seu præcepti seu medii retinendum, aut usurpandum esse non arbitrantur, ut intolerabilis in Ecclesia censenda sit: ac proinde cur pastores isti, qui eum per conscientiam usurpare non audent, & interim alios eum, seu ex conscientia, seu ex traditione, consuetudine, vel recepto more usurpantes, tolerare parati sunt, pro veris ac legitimis Christi pastoribus habendi non sint: Idem sane sensit Franciscus Iunius, uti videre est in examine Grat. Prosp. parte 1. distinct. 49. cum ait, *Etiamsi Pædobaptismus à Christo expresse institutus esset, non tamen adeo audacter pronuntiandum foret, eum ad salutem necessarium esse, aut hereticum esse qui ei contradicit: possent enim multa accidere, ob quæ intermitteri posset cæremonia talis externa salva conscientia.*

De Cœna Domini.

De Fine Cœ-
næ Dominicæ.

IN hac sectione nihil censetur quod examine magno opus habet, præter unicum, quod est, de fine Cœnæ Dominicæ. In definitione ejus, inquit Censor, non nisi unicus & adequatus finis assignari videtur, videlicet, mortis Christi commemoratio, eaque solennis, id est, in publico, & Eucharistica, id est, conjuncta cum gratiarum actione, cum qua & testificatio nostri coheret, eorum quæ morte Christi nobis parata atque acquisita sunt. Cætera omnia aut Orthodoxa esse, & (ut orthodoxias ægittior appareat scilicet) à Socino diversa esse dicuntur, aut adeo sunt levicula ut responsionem non mereantur.

At, primo. Si Remonstrantium Declaratio idcirco censuram meretur, non paucae Confessiones quæ in harmonia extant, eadem Censura dignæ erunt, in quibus nihil aliud quam in Declaratione Remonstrantium, adseritur. Secundo, Eandem censuram merebitur Scriptura Sacra, quæ alium finem aut fines alios non assignat; Imo quæ nec oblationis gratiæ, nec confirmationis fidei nostræ vel verbo meminit, quos tamen fines principales esse Censor non dubitat affirmare. Denique eandem censuram merebuntur Censores, qui in Synopsi purioris suæ Calvinisticæ Theologiæ, totidem pæne verbis idem cum declaratione affirmant. Sic enim in disput. 45. Thef. 82. loquuntur, ubi ex professo de fine Cœnæ dominicæ agunt. *Hinc porro mandato additur universalis Cœnæ Dominicæ ut administrandæ & usurpandæ finis, in mei ἀνάμνησιν, Commemorationem seu recordationem, quod Paulus interpretatur, in meæ mortis memoriam: Quotiescunque enim inquit ederitis*

ederitis panem hunc & poculum hoc biberitis, mortem Domini annuntiabitis, id est, celebrabitis, cum fidei professione & gratiarum actione, donec veniat, id est, rursus appareat iudicaturus vivos & mortuos. Quo ultimo adventu circumscribit durationem seculi, atque perpetuum Cœnæ Dominica usum fore declarat. Addunt quidem deinde hæc verba: Cum quo sine & alter illustrissimus coniungendus est, unio scilicet & communio cum Christo, ac participatio omnium beneficiorum ejus, quem Paulus explicat. 1. Cor. 10. 16. 17. quia, inquit, unus panis, unum corpus multi sumus, & cap. 12. 13. Et omnes una potatione potati sumus in unum spiritum. Sed eo ipso non obscure significant finem illum, principalem finem non esse, & loca, quæ fini isti probando allegant, talia sunt, ut probando isti sine controversia non serviant, & alio longe referantur à quibusdam interpretibus. Primus enim locus qui ex 1. Cor. 10. 16. 17. desumptus est. *Quia unus panis, unum Corpus multi sumus*, referri aliquando solet ad caritatis mutuae, quæ inter Christianos vigere debet, testificationem, quatenus, videlicet, illi eodem pane vescentes, & ex eodem poculo bibentes publice testantur se veluti panis unus est, ita unum corpus vinculo caritatis compactum esse, quod communionem habet cum solo Christo, ejusque cultu, & ab idolorum omnium cultu separatum ac segregatum est: Atque hoc ipso sensu versum hunc explicat Liturgia ipsorum Censuræ, quam ante Cœnæ Dominicæ celebrationem prælegere in templis suis solent. Quamquam verisimilius est, si scopus Apostoli videatur, versum istum non de unione & conjunctione Christianorum inter se per caritatis mutuae vinculum, sed de unanimi potius eorum professione agere, qua publice testantur, se veluti unum corpus, ex uno pane participantes, eodem modo indivulse adhærere unico Domino ac Capiti suo Iesu Christo, qui pro ipsis mortuus est, ejusque unius cultui & obsequio sic devotos ac consecratos esse, ut cum aliis omnibus Idolorum cultibus commune nihil habere velint. Vnde recte Beza communionem exponit, per *efficacem* tesseram nostræ cum Christo conjunctionis, atque adeo incorporationis. Communio itaque hic non significat realem cum ipsa physica corporis & sanguinis Christi substantia unionem, sed tantum professionem unius ejusdemque cultus significat, quo Christo uni Domino suo adhærent Christiani, & quam solemniter testantur, cum memoriam mortis ejus celebrant isto ritu, quem ipse instituit; uti apparet ex vocis istius usu in sequentibus, ubi qui victimas Idolis immolatas edunt, *κοινωνοὶ* dicuntur altaris vers. 18. & mensæ *Demoniorum*, vers. 21. adeoque ipsorum *demoniorum* vers. 20. Alter locus, qui desumptus

Sensus loci
1. ad Corinth.
10. 16. 17.

R r

sumtus est ex 1. Cor. 12. 13. *Et omnes una potatione potati sumus in unum Spiritum*, multo minus ad probandum facit. Nam incertum est; an in eo de potatione illa, quæ in Cœna dominica fit, agatur; Imo rationes graves sunt, quæ pene certum faciunt, de ea isto in loco non agi, sed de potatione, seu liberali perfusione donorum Spiritus S. qua Christiani omnes sic perfunduntur, ut fiant unus Spiritus, id est, unum corpus, & una anima. Sane scopus Apostoli isti expositioni fidem facit, qui est, indicare variam illam spiritualium donorum distributionem eo fine à Deo fieri, aut factam fuisse, ut istis, veluti spiritualibus vinculis ac ligamentis, Christiani inter se cohærent, seque alii aliorum utilitatibus promovendis impenderent, non aliter, quam membra varia uno spiritu inter se cohærentia, pro sua quæque mensura sibi invicem usui & adjumento sunt. Sed & posito de potatione ea, quæ in Cœna Dominica fit, isthic verba ista accipi, quomodo tamen evincetur verba ista, *in unum Spiritum* significare, eo fine, ut uniamur, & communionem habeamus cum substantia corporis Christi. Impossibile est. Quis enim non videt verba ista sensum longe alium habere posse, ita ut per *unum Spiritum*, non intelligatur spiritus, qui Christianos unum cum Christo facit, sed qui Christianos unum inter se, sibi-que invicem obligatos facit? Et sane, si quis recte locum videat, sensum istum scopus loci postulat. Vt ut sit, ex tam obscuro, tam dubio loco finem illum illustrissimum petere, non est accuratorem Theologorum, imprimis in re tanti momenti, quemadmodum rem hanc Censores facere videri volunt. Quare rectius fecisse credendi sunt Remonstrantes, cum finem Cœnæ Dominicæ eum adsignarunt, quem aperte atque in terminis adsignat Scriptura, eumque principalem, aut, ut Censores in Synopsi loquuntur, universalem Cœnæ dominicæ ut administrandæ, & ut usurpandæ finem fecerunt. Erubescere enim Theologus debet sine Scriptura loqui, imprimis cum de consilio & fine, quem Deus in re aliqua propositum sibi habuerit, agitur: Id enim aliunde quam ex Dei ore petendum non est. Quod tamen cum fecerunt Remonstrantes, neutiquam id ita accipiendum est, quasi negent Cœnæ Domini finem etiam obsignationem gratiæ ad confirmationem fidei statui posse, eo modo, quo Sacramenta non tantum significantia, & signantia, sed & obsignantia & confirmantia signa esse jam ante professi sunt. Apparet id manifeste ex disputatione privata Magistri Episcopii, ad quam Censores sententiam Remonstrantium, etiam in hoc de Cœna Domini capite, exigere volunt, Sic enim Theol. 10. ait

Sensus loci
1. ad Corinth.
12. 13.

ait celebrationis Cœna, est sola representatio & significatio mortis ac beneficii illius ingentis, quod per mortem Christi nobis partum atque comparatum est, per quam fides etiam ipsa in nobis excitari & confirmari solet, animusque noster veluti cibo & potu quodam nutrir, & educari in spe vite æternæ. Sed oblationem illam gratiæ & confirmationem fidei esse finem principalem ac præcipuum, & ex reali illa unione, & communione cum ipsa corporis & sanguinis Christi substantia, ac non potius ex nostra illa actione resultantem ex Scripturis probari posse negant. Quapropter etiam finem alium, quem Scriptura aperte ponit, non adsignare in Declaratione sua tutissimum judicarunt. Et hac in re adsentientes sibi habent non paucos Reformatos, inter quos *Zuinglius*, optimus hujus cæremoniæ Doctor, princeps est. Nec dubitant, quin si hujus rei accuratior ratio habita fuisset in principio Reformationis, immuni & detestandæ idololatriæ Pontificiæ, quæ ex reali unione, & communione cum ipsa corporis physici Christi substantia, quæ in Cœna fieri creditur, ortum suum habet, rectius ac solidius occursum fuisset. Atque ut rem hanc altius paulum repetamus, distinctius nonnihil de ea hic agemus, ut quid per unionem & communionem cum corpore & sanguine Christi, quam alterum eumque illustrissimum finem Cœnæ Dominicæ Censores faciunt, intelligatur. Certum est Calvinum & Censores, qui eum ut magistrum suum per omnia serviliter sequuntur, mediam quasi viam inter Pontificios, quibus etiam Lutherani quam proxime accedunt, & *Zuinglium*, qui ab utrisque longissime recedit, inire, & per communionem sive unionem nostri cum Christo, quæ in Cœna fieri creditur, unionem & communionem eandem, quæ à Pontificiis & Lutheranis statuitur, intelligere, quæ videlicet fit cum ipsa physica corporis & sanguinis Christi substantia, sed modo tantum diverso, & quidem tali, cui, ut Calvinus loquitur lib. 4. instit. Cap. 17. par. 7. *nec mens plane cogitando, nec lingua explicando par esse potest.* Qua oratione se separat à Pontificiis & Lutheranis, qui modum istum, ut ita loquamur, corporalem faciunt, & à *Zuinglio*, qui modum istum, id est, manducationem corporis, & bibitionem sanguinis Christi, nihil aliud esse dicit, quam in Christum credere, uti manifestum est ex lib. 4. Instit. Cap. 17. 5. *Sunt, inquit, qui manducare Christi carnem, & sanguinem ejus bibere, uno verbo definiunt, nihil esse aliud, quam in ipsum Christum credere: Sed mihi expressius quiddam ac sublimius videtur voluisse docere Christus in præclara illa concione, ubi carnis sue manducationem nobis commendat.*

Zuinglii sententiam sequuntur Reformatores, ut simplicissimam & ad idololatriam omnem evitandam in hac materia imprimis necessariam.

Sententiæ Theologorum variae de Cœna, earumque occasio prolixius paulum exponitur.

mendat. Hæc est illa communio, quæ Cœnæ illustrissimus finis est, ex Calvini & Cenforum sententia, quamque prætermittam in declaratione à Remonstrantibus conqueruntur Censores. At Remonstrantes fatentur se videre nō posse ejusmodi communionem & unionem cum physica corporis Christi substantia, quæ in cibum animæ cedat, uspiam in Scriptura finem Cœnæ Dominicæ statui, aut ratione ulla solida niti. Quod enim attinet concionem illam præclaram Christi, in qua Calvinus eum à Christo doceri credere se dicit, si ad concionem illam quæ

Concio Testi
Christi Ioan.
cap. 6. perpe-
ram ad mate-
riam de Cœna
Domini trahi-
tur.

Ioan. cap. 6. extat, respicit, in ea de Cœna Domini non agi certissimum est, quia tum nondum Cœna Domini instituta erat, & in ea, non panis Christi corpus, sed vice versa Christi caro panis esse dicitur, & esus carnis Christi, ibi cum vita æterna individuo vinculo connectitur, quod de esu panis in Cœna Domini dici nullo modo potest, quippe qui ad iudicium & condemnationem edi potest 1. Cor. 11. Sed nec ratio ulla est, qua sententia ista nititur, quin & rationes non leves sunt, quæ arguunt, modum istum communionis non tam ex Scriptura haustum, quam confictum tantum fuisse à Calvino, ut Zuinglianis ex una parte, & Pontificiis ex altera aliquid concederet; atque ita dum utriq; parti aliquid indulget, commentum ipsius sine operosiore indagine, ab utraque parte minus ægre admitteretur. Atque ut inquirendi omnis occasio præcideretur, mysterium ei adtributum fuit, quod nec mens concipere, nec lingua effari potest, quo ipso admiratio cæremoniæ hujus adeo aucta fuit, ut non minor fere idololatria secuta quam sopita fuerit, & quod caput rei est, peritioribus atque accuratis rerum æstimatoribus, ritus hic alioquin per se obviu ac facilis, nescio cujus vanitatis suspectus, & adversariis omnibus ludibrio propinatus fuerit. Nam obsecro, communio illa cum ipsa corporis & sanguinis Christi physici substantia, quem fructum dare potest, aut quem spiritualem in anima nostra effectum, imprimis cum sit communio cum corpore mortuo & sanguine effuso? Nec enim est communio cum Christo integro, Spiritu vivifico prædito, sed cum ipsius cadavere.

Offenditur
communio
cum Physica
corporis Iesu
Christi sub-
stantia pericu-
losum & ab-
surdum com-
mentum esse.

Deinde, communio ista, aut est communio cum substantia corporis Christi ut in cælis jam existente & manente, aut cum ea ut in terra, & in ipso Cœnæ usu re ipsa præsentente. Si *primo modo*, quomodo non dico credibile sed possibile esse concipi potest, imo quomodo non impossibile, adeoque absurdum videri debet, Corpus Christi, quod est, & manet in cælis, & non alibi, vere communicari nobis, qui in terra sumus, & non alibi, ita ut nobis cedat in cibum? Dices fortasse,

fortasse, unionem & conjunctionem illam nostri cum substantia corporis Christi per fidem fieri, quæ tanquam ore spirituali corpus ipsum Christi comedimus: Ac hoc consequenter dici non potest, quia communio illa, quæ per fidem fit, etiam ante & extra Cœnam locum habet, adeoque cœnam ipsam præcedere debet. Deinde, unionem & communionem illam, quæ per fidem est, diserte Calvinus distinctam esse vult ab unionem illa & communione, quæ in Cœna fit, uti ex loco ante citato manifestum est. Denique unio ista, quæ per fidem fit, non est incomprehensibilis, nec inperceptibilis, sed talis, quæ facile percipi potest. At unionem seu communionem illam, quæ in Cœna fit, esse incomprehensibilem & ineffabilem passim Calvinus, Beza, aliique docent. Sic enim Calvinus Instit. lib. 4. cap. 17. distinct. 10. *Esti autem incredibile videtur, in tanta locorum distantia penetrare ad nos Christi carnem, ut nobis sit in cibum; meminerimus, quantum supra sensus omnes nostros emineat arcana Spiritus Sancti virtus, & quam stultum sit ejus immensitatem nostro modo velle metiri. Quod ergo mens nostra non comprehendit, concipiat fides.* Et Beza in tractatu de re Sacramentaria s. 9. *Fatemur incomprehensibile esse mysterium Dei, quo fit, ut, quod est & manet in calis & non alibi, vere communicetur nobis qui in terra sumus & non alibi.* Si secundo modo dicatur in Cœna fieri communio cum substantia physica corporis Christi, tum ubiquitas corporis Christi, ut admittatur oportet, & corpus Christi realiter nobis uniri, cumque præsens sit corporaliter, tamen spiritualiter comedi, & quidem modo inexplicabili, ut concedatur necesse est. Quæ omnia cum non modo obscura, & incomprehensibilia sint, sed manifestam etiam in se contineant tum vanitatem tum absurditatem, adduci sane non possunt Remonstrantes, ut communionem talem cum physica corporis & sanguinis Christi substantia, finem Cœnæ Dominicæ faciant, rati sufficere, adeoque tutissimum esse, ut ad Scripturæ instar loquantur, & incomprehensibilia, ineffabilia illa mysteria, quæ humana seu curiositas seu superstitio in hoc tam simplice tam plano & a nullo non ingenio facile perceptibili ritu finxit potius quam repperit, iis relinquant, qui postquam a simplice Scripturæ phrasi semel discesserunt, admirationibus inexhaustis se pascere malunt quam clara veritatis scientia. Nec dubitant quin ex isto fonte emanaverit hodieque adhuc fluat ingens illa idololatria apud complures, quæ major concipi vix potest. Nimirum, magnorum mysteriorum, quæ huic ritui subesse creduntur, apprehensio, peperit admirationem, quam adoratio è vestigio subsecuta est,

totaque illa pompatica circumgestatio, quam in Ecclesia Pontificia non sine lachrymis adspicere potest Christianus, & in cæteris Ecclesiis tanta tamque superstitiosa vanitas, ut Cœnæ hujus usurpatione veluti panacæa quædam habeatur, & præsentissimum scelerum ac mortalium omnium peccatorum remedium & antidotum. Quod si qui tamen communionem hanc firma fide tenendam sibi putant, Remonstrantes ii non sunt, qui eos idcirco cætu suo indignos, nedum cælo excludere statuunt. Absit, dummodo diligenter sibi caveant, ne idololatriam se maculent, eosque, qui idem secum sentire per conscientiam non possunt, cætu & communione sua indignos non judicent, atque ita pietatis & caritatis Christianæ legem non violent.

De aliis sacris Ritibus seu adiaphoris.

CAput hoc sine obelo & verum est. Ne tamen orthodoxum plane videatur, Censores digitum intendunt in paragraphos 6, 7, 8, quasi in iis aliquid sit, quod configi mereatur. Remonstrantes in paragraphis istis liberos & adiaphoros fecerunt omnes istos ritus, qui, etsi ab Apostolis eorumque discipulis observati legantur, præcepti tamen ab iis non fuerunt, aut ut in perpetuum & necessario ubique observarentur, traditi non sunt. *Verum enimvero*, inquit Censor, *quavis neque nos in talibus ex Apostolico instituto, pro tempore, loco, personisque & observationis exemplo legem necessitatis absoluta toti Ecclesiæ figamus: attamen Apostolica constitutiones aut exempla auctoritatem certam præ reliquis hujusmodi observationibus habent.* Quorsum hæc? Nam tantum abest ut declaratio id neget, ut contrarium directe & in terminis adferat. Mirum vero merito videri debet, Censores hic tam diserte istud observare, cum in praxi sua contrarium à se fieri non uno modo testatum faciant, quoad varias constitutiones & exempla, quæ Apostolica esse constat. Nam quam quæso præ reliquis ritibus auctoritatem apud eos habent *impositio manuum super pueros*, Matth. 19. 5. *super agros* Marc. ultimo; *unctio egrotorum quæ cum oleo fit*, Marc. 6. 13. Iacob. 5. 14. *lorio pedum*, Ioan. 13. 14. ? Et annon Apostolica constitutio est ut *virii prophetantes*, id est, juxta ipsorum Censorum propriam interpretationem, *Scripturæ sensus populo exponentes, aperto capite sint*, 1. Corinth. 13. 4. ? & tamen in Ecclesiis eorum Gallicanis, & à duobus hisce Censoribus ordinarie contrarium fit. Et hi tamen Censores, ut scilicet religiosi Apostolicarum constitutionum & exemplorum præ aliis omnibus

Ostenditur
Censores sine
ulla causa cul-
pare declara-
tionem, quoad
rituum & cõ-
stitutionum
Apostolicarum
observationem,
illosque ejus-
rei, quam cul-
pant, maxime
reos esse.

bus patroni & observatores videantur, declarationi Remonstrantium hac parenthesi sua atrum stigma inurunt, quasi videlicet in rituum Ecclesiæ præscriptione, Apostolicas constitutiones & exempla tam parvi faciant, ut ea aliis quibusvis humanis constitutionibus aut æquanda aut posthabenda esse statuere videantur. Sic qui sibi semitam non sapiunt, alteri monstrant viam.

Alterum est ejusdem commatos, Pro Magistratus autoritate & potestate videri volunt religiose contendere, & interim nihil minus quàm hoc agunt, quin & contrarium ubique facto probant, nisi cum eum ad nutum & arbitrium suum habent. *Quod atinet*, inquit Censor, *monitionem, quam de Magistratu addunt Remonstr. dum ajunt: Speciatim Christiani Magistratus autoritas, ubicunque haberi potest, ob publicam Ecclesiæ tranquillitatem in talibus semper attendenda est, eam nullo Scripturæ testimonio muniunt.* Esto: Quid opus erat ut eam testimonio munirent, cum eam extra dubium ponerent Remonstrantes? At eo ipso, quod eam à Remonstr. nullo testimonio munitam fuisse quasi conqueruntur, haud obscure significant, potestatem istam perperam & immerito sive absque divina autoritate Magistratui à Remonstrantibus deferri. Nam cur eam testimonia Scripturæ munitam cupiunt, si de ea non dubitant, imo si eam suspectam reddere propositum non habent? *At multo jam exilius loquuntur*, inquit, *de potestate Magistratus, quam antehac fecerunt, & cap. ultimo faciunt, nupote qui eam restringunt ad talia, sc. Ecclesiasticas observationes, &c. At vero cap. ultimo primariam & architectonicam ipsi auctoritatem in toto ordine & regimine Ecclesiæ attribuant, quæ sane sibi mutuo parum consentiunt.* Quasi vero Remonstrantes hoc in loco propositum habuerint universaliter & in genere de potestate Magistratus agere, aut cum hic *potestatem Magistratus in talibus attendendam esse asserunt*, exclusive id ad alia omnia dictum voluerint. Belgica Confessio, cujus verba Censor ipse hic citat, contrarium satis indicat; Nam diserte habet, Potestatem Magistratus in talibus quoque esse attendam, quasi dicat, uti in aliis, ita in his quoque. Nullum hic vestigium dissensionis est cum iis quæ cap. ultimo & alibi variis in locis à Remonstr. asserta sunt. Sed venenum in cauda est. *Sed inquit quam sint reipsa Magistratus observantes res ipsa abunde clamat.* Calumniam hanc ad animum revocari à Remonstrantibus æquum est. Nihil enim est, quod eos minus decet, quam ne Dei & vicariorum Dei in terris parum reverentes videantur. Nihil etiam, quod ad invidiam iis apud summos imosque justius conciliandam facere potest.

De Autoritate Magistratus circa rituum externorum in Ecclesia publica constitutionem.

Remonstrantes in capite de Magistratus autoritate, sibi non esse dissimiles ostenduntur.

Diluitur atrox calumnia, quæ Remonstrantes gravat Censor, ut parum reverentes Magistratum, & in ipsos Censores regeatur criminatio.

potest. Quare, Censor, si res ipsa id clamat & abunde quidem, dic, quæ, quando & ubi? Cedo factum eorum quod eorum dici potest. Nec enim nisi eorum facta propria reos eos agere possunt. Singulorum facta præstare non est ipsorum, alioquin & Apostolos omnes proditoris, & Ecclesias vestras variorum criminum, scelerum ac flagitiorum reas esse res clamabit, si eæ ex factis horum aut illorum æstimentur. Remonstrantium doctrinam ab isto crimine immunem esse res ipsa clamat. Reverentiam, quæ populorum rectoribus, æquis seu iniquis, debetur ex jure divino, inter prima in cætibus suis commendatam semper habent: Nulli fas esse volunt, ut iis reclametur, nisi cum conscientis vis & divinæ auctoritati injuria fit. Nec vim licitam putant, quæ iis infertur aut statutis eorum opponitur. Quidvis potius ferre subditos jubent, quam vim regere, usque adeo, ut veritas etiam seditiosa iis displiceat: Hæc est doctrina, hoc consilium, hoc studium eorum. Si unquam consilium dederunt contra publicam auctoritatē, imo si id non egerunt, ut consiliis ejusmodi studiisque obex poneretur in animis subditorum, si sanguinolenta consilia & studia omnia non damnarunt palam publiceque, causam non dico, rei agantur, & pro merito plectantur: At, ô Censores, quis pudor? hæc à vobis objici Remonstrantibus? Quam vos sitis re ipsa Magistratus observantes, res ipsa toties, tam abunde docuit: & ne vetera aut jam obsoleta refo diam, nuperum vestrum malefanum consilium, quod manu vestra signastis, & quod jam in oculis ac manibus Fœderati Belgii est, nimis heu! nimis, inquam, clare docuit. Per vos (inscios, conscios, quis dixerit?) non stetit, quo minus rebelles & seditiosi cives in Rectores suos optimos, in florentissima civitate Amstelodamensi insurrexerint, & si res ex turbonum opinione processisset, cæde ac sanguine omnia isthic miscuerint; vos eos, alioquin minime malos, consilio vestro veluti cæstro aut calcari concitados, ea tentare fecistis, quæ si successu non caruissent, & provida Rectorum cura repressa nō fuissent, in nervum erupissent & non Rectoribus tantum, sed patriæ toti nostrę funestissimum drama spectandum dedissent.

Quis tulerit Gracchos de seditione querentes?

aut,

*In tabulam Sylla, si dicant quatuor aut tres
Discipuli, &c.*

Sed istud fere ingenium est eorum, qui scelerum incentores & patroni sunt, ut, aut quod scelus ipsi agunt, aliis fidenter improperent,

rent, ut ab eo abhorreant, videantur, aut quod aliis crimini dant, sibi ipsis indulgeant.

AD CENSURAM CAPITIS XXIII.

De Disciplina Ecclesiastica.

IN hac de disciplina Ecclesiastica declaratione, plurima, inquit Cenfor, recte dicuntur: *Paucula vero sunt quæ requiramus*: Bene habet: *Paucula ista digna sunt quæ vindicentur*: Nec enim levia sunt, nec exigui usus, quamquam jam ante sæpius observata sunt & quorsum tendant, non semel inculcatum.

Ac primo quidem, inquit, quod Sectione 3. & 4. in explicatione causarum exercenda disciplina in pastores præfectosque Ecclesie, & auditores seu oves, delectentur tantopere consueti sibi loquendi ratione, Legum & præceptorum Iesu Christi, quasi Christus novus quidam Legislatores esset juxta Patrem suum. Fatentur Remonstr. delectari se ista loquendi ratione, non quia hunc aut illum autorem sapit, nedum quia eam à Socino mutuati sunt, sed quia Dei & Scripturæ phrasis est, & quia Religionis totius corculum ac medulla est. Nihil æque necessarium esse credunt, quæ ut credatur, Christum Novæ legis latorem esse, non juxta Patrem, ut inepte Cenfor loquitur, sed nomine Patris sui, à quo missus fuit, ut non suam, sed ut ipsius voluntatē humano generi annuntiaret, uti Ioa. 6. & variis in locis apertissime legitur. Nisi hoc serio inculcetur & firmiter credatur, præcipua salutaris veritas ut percipiatur impossibile est. Nec periculosior est doctrina ulla, quam quæ veritatem istam aut obscurare studet aut evertere. Quare suspectissimum videri piis omnibus debet, quod ad lapidem hunc pene ubique seu data seu captata occasione, Cenfores hæreant, tanquam si ægerrimum ipsis sit veritatem istam urgeri & inculcari. Vix certius ullum indicium fieri potest, quod persuasum habeant doctrinæ ipsorum principalis ac fundamentalis, de Prædestinatione absoluta, arcem ab isto ariete maxime labefactari ac tantum non suppeditari. Enimvero quid absolutæ Prædestinationi cum Legibus & præceptis, promissionibus ac comminationibus &c. commune est? Palpari utraque manu potest, ista adversis inter se frontibus pugnare, & quicquid istis conciliandis adhibetur, nil nisi fucum Sophistarum præstigias esse. Quo magis ad laborandum Remonstrantibus

Defenditur consueti loquendi ratio, quæ hic Cenfor impudenter taxat, Legum & præceptorum Iesu Christi.

S ff

strantibus

strantibus, adeoque omnibus pietatis antistitibus est, ut clavam istam ex manibus suis extorqueri sibi nunquam sinant. *Omnis itaque doctrina, Christi, ait Cenfor, ipsis Lex est, jussio & præceptum, cum aliqua sit doctrina quæ actioni nostræ non sit subiecta, sed mente tantum pie accipitur.* Quot verbo hic, tot pene errata. I. Non omnis doctrina Christi Remonstrantibus est Lex, jussio aut præceptum. Non sunt tam bardī, ut universam doctrinam Christi, quæ historias, facta, dicta, promissa, minas &c. continet, pro legibus, jussionibus aut præceptis habeant: At cum hic de disciplina Christi agant, id tantum voluerunt, circa neminem disciplinam illam Christi exercendam esse, sive quis erret in recte concipienda veritate aliqua fundamentalī, sive peccata & scandala committat, nisi voluntariæ alicujus culpæ, qua factum fuit, ut in errorem aut scandalum inciderit, vel postquam in ea incidit, in iis perseveret, reus sit atque esse convincatur; Errorem enim purum putum, vel defectum rei alicujus, quem non habere non fuit in potestate hominis, Censuræ Ecclesiasticæ causam satis gravem esse non posse. II. Doctrinam aliquam esse, *quæ actioni nostræ non est subiecta sed mente tantum pie accipitur*, neutiquam negant Remonstrantes, si modo duo attendantur, I. Vocem *pie* superfluum Cenfori videri debere. Nam dicere, doctrinam mente tantum accipi & simul *pie* accipi mente, *ἀκυρόλογον* est, ne quid gravius dicam: *Pie* enim accipere supponit voluntatem liberā accipiendi, uti ex natura rei liquet. II. Sub voce *doctrina quæ actioni nostræ subiecta non est, & mente tantum accipitur*, fidem non intelligi: Sic enim profiteri non dubitant Remonstrantes, falsissimum esse doctrinam Christi quæ & quatenus fidem respicit, actioni nostræ subiectam non esse, eamque mente tantum accipi. Tantum enim abest ut doctrina fidei actioni nostræ non sit subiecta, ut fides non sit nisi nostra actio. Nec mente proprie nedum tantum accipitur, sed voluntate nostra præstatur idque ad legem & præscriptum Evangelii. Ut fides sive fidei doctrina *pie dicatur accipi mente*, ne quidem ipsi Cenfores admiserint, qui pietatem non præcedere sed sequi fidem & ad præcepta, non autem ad doctrinam fidei pertinere volunt, & ubique urgent. Ratio quæ lectorem movere potest, ut suspicetur, Cenforem id sub verbis istis suis voluisse, duplex est. I. quia non uno in loco nec semel tantum sed ubique fere inculcat, *homines in sui conversione non habere se nisi mere passive*, uti totidem verbis legere est cap. 4. Censuræ pag. 62. ubi & illud obiter adnotavimus. II. Quod statim & è vestigio subijciat hæc verba: *Ipsumque præceptum fidei sic oppositum,* per

Redarguitur locutio, doctrina aliqua esse, quæ actioni nostræ non est subiecta sed mente tantum pie accipitur.

per ἐξήγησιν & ἀνέγνωσιν simul ab eo factum videtur, tanquam si non satis dixisset, cum doctrinam fidei actioni nostrae subjectam non esse, & menti tantum accipi dixerat, nisi adderet, praeceptum etiam, fidei oppositum esse. Quo dicto nihil Christiano homine, nedum Theologiae Doctore & Professore indignius, nihil foedius, nihil pestilentius pene dixerim, concipi potest. Hæsi aliquamdiu animi pendens, anne mentem Censoris recte caperem, sive, annon vox, fidei, in genitivo casu à Censore esset prolata, sed ubi oculum & mentem propius adverti & consequentia introspexi, dativo casu eam prolatam esse reipsa comperi.

Obtruncati, steteruntque coma, & vox faucibus hæsit.

Nam si præceptum est oppositum fidei, fides itaque non modo sub præcepto non est, nec diversum saltem aliquid à præcepto, sed tale quid, quod præcepto qua tali, repugnat; falsum itaque est, eum, qui credit, Deo præcipienti vere obedire; & contra, eum, qui vocatus non credit, inobedientem esse Deo iubenti. Falsum id quod dixit Apostolus Ioan. i. Epist. suæ cap. 3. v. 23. *Hoc est igitur mandatum ejus, ut credamus nomini filii ejus Jesu Christi, &c.* Denique Scriptura tota erit

Pergula pictorum, veri nihil, omnia falsa.

At Catachresica est locutio, qua mandatum Dei pro Doctrina accipitur, inquit Censor; Imo vero, inquam, catachreses ejusmodi fingere sine causa, sine ratione, est Scripturam totam sursum deorsum vertere, & quidlibet ex quolibet facere. Propriissima est oratio & in qua κατὰ χεῖρας ne species quidem est. *Autamen*, inquit Censor (nec enim aliam probationem reperio) *alias diserte distinguuntur, fides, notitia, cognitio Christi & mandatum caritatis bonorumque operum.* Esto, inquam. At nusquam mandatum caritatis & bonorum operum distinguitur à fide, notitia & cognitione Christi, ut non mandatis à Deo, nedum ut mandato caritatis oppositis, quod Censori probandum est. At 1. Ioan. 2. vers. 3. 4. & 3. vers. 6. *ex mandatorum Christi observatione, cognitionis Christi, seu fidei veritas & certitudo colligitur*: Esto, inquam; At istis in locis non dicitur, notitiam illam Dei & Christi, esse notitiam, quæ non præcipitur, & actioni nostræ non subiacet, tantumque mente accipitur, proinde quæ mandatis proprie dictis est opposita. Neque recte id ex verbis colligitur, non magis, quam si quis concludat hunc in modum, Ex mandatorum Christi observatione colligitur veritas & certitudo propositi animi nostri, quo Deum amamus, timemus & reveremur, Ergo propositum animi nostri non proprie mandatur, neque actioni aut voluntati nostræ sub-

SS 2

jacet:

Refellitur falsa & periculosa Censura, quæ Præcepta opposita esse fidei affirmat.

Expenditur sententia locorum 1. Ioan. 2. 3. 4. & 3. 6.

jacet : Conclusio enim hæc manifeste falsa est. Deinde, non dicitur in allegatis locis, mandatorum observationem esse aliquid re ipsa distinctum à notitia Dei & Christi, nedum ei esse oppositum. Denique non dicitur ex mandatorum observatione, tanquam ex re specie aut numero distincta à cognitione & notitia seu fide Dei & Christi cognosci, quod quis Deum & Christum noverit. Nihil horum : Tantummodo in locis istis asseritur, Eum, qui dicit, id est, qui non ore tantum proficitur, ut hypocritæ solent, sed animo etiam suo, aut sibi ipsi persuadet certoq; & serio in animū suum inducit se Deum nosse, id merito dicere aut persuadere sibi non posse, nisi mandata Dei observet, quod de ipso mandato fidei etiam verissimū est; Qui enim dicit se credere seu confidere Deo, is id sibi persuadere jure non potest, nisi mandatum fidei seu confidendi Deo re ipsa præstet. Notitia itaque Dei & Christi his in locis non significat nudam & theoreticā Christi & Christianæ Religionis notitiam, quæ mente tantum accipitur, & actioni nostræ non subjacet. Nihil minus; istam enim notitiam habere quis potest, ut mandata tamen non observet. Nec sequitur, si quis ista notitia Deum & Christum novit, is mandata etiam Dei & Christi præstat. Nam diserte ait Apostolus 1. Cor. 13. 3. *Etiam si sciam omnia mysteria, & omnem notitiam (habeam) & omni fide prædus sum, caritatem autem non habeam, &c.* Fieri itaque posse significat, ut quis notitiam istam habeat & tamen mandata non præstet. Et Servator noster Luc. 12. 47. *Servus sciens voluntatem Domini & non faciens pluribus plagis vapulabit.* Vide similia loca Tit. 1. 16. 2. Timoth. 3. 5. Apoc. 2. 9. Rom. 1. vers. ultimo 2. Pet. 2. 18, 19, 20, 21, 22. &c. Sed notitia Christi istis in locis significat notitiam Christi practicam, non quæ praxin tantum pro fine habet, sed quæ cum praxi conjuncta est, id est, Synecdochice, totum cultum & obsequium Dei, quod hominem Christianum constituit, quo sensu nosse Deum & Christum accipitur, Ioan. 17. 3. *Hæc est vita æterna ut te cognoscant illum illum & verum Deum, & Iesum Christum quem misisti,* & passim in veteri & novo Testamento, Vide expressa loca Jerem. 22. 15. 16. *Pater tuus annon comedit & bibit, & fecit iudicium & justitiam & tunc bonum fuit ei? Iudicavit iudicium pauperis & egeni, & tunc bonum fuit ei? Nonne hoc est, Nosse Me, dicit Dominus?* Jerem. 2. 8. *Sacerdotes non dixerunt ubinam est Dominus? & tenentes legem non NOVERUNT me.* Vide similia Jerem. 4. 22. cap. 9. 3. cap. 10. 25. 1. Sam. 2. 22. Esa. 1. 3. Prov. 1. 7. Iob 28. 28. Osee 4. 1. 2. 6. cap. 5. 4. cap. 6. 3. 6. cap.

Quid in supra
dictis locis sit
Nosse Deum
& Christum,
& quomodo
id conjunga-
tur cum ob-
servatione
mandatorum.

cap 8. 2. &c. Hæc notitia Dei in his etiam locis intelligitur, non quasi aliquid re ipsa distinctum à mandatorum observatione, sed quasi complectens universam observationem mandatorum, & omne illud, quod necessario requiritur ad hoc, ut quis vere Dei cultor & Christianus censeatur à Deo & à se ipso; sed tamen sic eam complectens, ut quis etiam si sciat in genere, notitiam illam omnia ista in se complecti, nihilominus tamen animo suo ea separare possit, id est, sibi persuadere se Christum colere, se Deum revereri, cum tamen serius & sollicitus mandatorum Christi observator non sit. Sensus itaque verborum Apostoli Ioannis hic est: Qui dicit & quidem ex animo, id est, qui sibi ipsi serio persuadet se Christianum & Dei cultorem esse, is iure id dicere ac persuadere sibi non potest, nisi mandata Dei & Christi (ac proinde mandatum etiam de fratribus diligendis, ad quod proprie respicere videtur Ioannes) sedulo custodiat; non quasi fieri possit, ut quis verus Dei cultor & Christianus sit, qui tamen mandata Dei non observat, aut quasi observatio mandatorum aliquid sit diversum aut re ipsa distinctum ab eo quod est Christianum esse. Nihil minus, sed quia fieri potest, ut quis, qui in genere id novit, Christianum scilicet non esse, qui mandata Christi non observat, nihilominus tamen sibi ipsi persuadeat, se Christianum esse, quamvis præcepta Christi non observet, quia videlicet per inadvertentiam aut *φιλανθρωπίαν* ad præcepta Christi in specie, & ad actiones suas singulares non, prout oportet, animum advertit. Itaque locutio hæc Apostoli similis est istis; Qui dicit se subditum Regis esse, & tamen non facit ea, quæ subditos decent, is mendax est. Non quasi is qui id dicit, subditus non sit, aut subditus esse nolit, aut quasi subditum esse distinctum aliquid sit ab eo, quod est mandata Regis facere, sed quod, licet subditus sit, & subditus esse velit, quin imo sibi ipsi persuadeat se subditi officio non deesse, adeoque facere quæ Regiæ voluntatis sunt, tamen subditus verus appellari non mereatur, si in observando hoc aut illo mandato Regis negligens sit, aut alioquin subditi officium in huius aut illius, atque imprimis singularis alicujus mandati Regii observatione non faciat. Similiter, Qui dicit, Amicus tuus sum, & tamen cum fama mea læditur, non interponit se, non studet eam adferere à calumnia, aut cum mihi adversa eveniunt, tum solatium & auxilium mihi non præbet, is est mendax. Non quod amicum verum esse & famam amici adferere à calumnia &c. duo quædam re ipsa inter se distincta sint, sed quod fieri possit, ut aliquis qui in genere scit, illam demum esse

veram amicitiam, quæ mutuo sensu boni & mali adficitur, in specie tamen id ad suas actiones non transferat, non quia directe id facere non vult, sed quia per inadvertentiam (quæ interpretative voluntaria est) usque adeo sibi lenocinatur, ut id à se non fieri non sentiat, etiam cum creberrime id facit. Quare loca hæc perperam allegata hic esse liquet.

Paragrapho VIII. & IX. *declarant Remonstrantes*, inquit Censor, *Disciplinam Ecclesiasticam non esse actionem, quæ cum carnali autoritate, aut mundana potestate, aut vi ulla coactiva ab Ecclesia exercetur. Quod certe & nos fatemur* inquit, &c. *Verum disciplina spiritali vim omnem omnino coactivam simpliciter detrahere, absolum est: Etenim, ut vis illa non sit externa, sed interna, attamen vis coactiva quoque ei competit, nempe in conscientia cuiusque.* Hæc elucidari merentur. Nam partim ad rem non faciunt, partim à Censore consentaneæ non dicuntur. Ad rem non faciunt: Nam cum declaratio Remonstr. de vi coactiva loquitur, vim coactivam proprie dictam intelligit: At vis ista spiritalis, qua conscientia cuiusque convincitur, vis coactiva proprie dicta non est, sed quæ improprie aut per καὶ ἀναγκαστικὴν vis & coactiva vis vocatur, quam vim tantum abest ut Ecclesiæ adimat declaratio, ut ista unica illa vis sit, quam Ecclesia exercere & potest & debet ex præscripto Domini sui. Et si vero non raro, in homiliis præsertim & concionibus, Ecclesiæ tribuatur quod cogat & coactiva vi utatur, quin & in Scripturis aliquando homines dicantur cogere alios ut intrent in nuptias Luc. 14. 13. &c. tamen in disputatione seria cum de coactione & coactiva vi agitur, ad proprietatem vocum attendendum est, alioquin facile committitur ignoratio elenchi & hic de aliis, ille de cæpis disputat. Quare cum Censor addit, *ut ut vis illa non sit externa sed interna, attamen coactiva vis est*, in aliud genus transit & à proprietate vocis se recedere ostendit, quod accuratum disputatorem, nedum Professore, minime decet. Nam vis coactiva proprie dici non potest esse interna: Coactio enim principium motionis externum formaliter dicit, & principium quidem, ad quod is, qui cogitur, nihil plane confert. Omne enim coactum est invitum & involuntarium ex sententia omnium Philosophorum & principis Aristotelis.

Ostenditur Censorem non posse Ecclesiæ tribuere vim coactivam internam, si consequenter loqui velit.

Veruntamen esto, coactio etiam metaphorica intelligatur, nihilominus tamen Censor eam tribuere non potest Ecclesiæ, si consentaneæ principiis suis loqui velit. Quod sic doceo: Vis coactiva interna ista est, persuasio & convictio conscientiae de eo, quod quis in errore,

errore, peccato aut scandalo pertinaciter perseveret, atque idcirco regno Dei non minus certo excludatur quam à mensa Domini arcetur, uti hic Censor loquitur ad Catechesios Palatinæ formulam, Dominica 31. Quæst. 85.

(An possibile sit ut quis in conscientia vincatur & certo apud se statuatur se cælesti regno exclusum esse, si in errore perseveret, & nihilo minus in errore isto pertinaciter velit perseverare, non examinabitur hoc in loco. Quin impossibile sit ex Censoris sententia dubitandum non videtur. Nam juxta Censorem, mens persuasa necessario post se trahit voluntatem. Neque enim voluntas aliud quid eligit aut eligere potest, quam quod ratio consultatione conducibilius esse deprehendit, uti Censor locutus est pag. 103. At ubi persuasio est in conscientia quod quis certo certius regno cælorum exclusus sit, si in errore perseveret, ibi ratio consultatione, quid conducibilius sit, deprehendisse statuitur, ac proinde jam conclusisse, satius esse è regno cælorum excludi & æternum damnari quam errorem deferere, quod impossibile est.) Sed sic jam disputo ex principiis Censoris. Persuasio ista aut fiet in conscientia eorum, qui ab æterno electi statuuntur à Censore, & in tempore jam à Deo fide sunt donati, aut in conscientia aliorum, qui ab æterno reprobati dicuntur & fidem veram nunquam habuerunt, ac ne habere quidem potuerunt. Si in conscientia electorum, & fide vera semel donatorum persuasio ista fieri dicatur, tum sequetur, electos istos quando ob pertinaciam istam excommunicantur, à Deo vere ac reipsa regno cælorum excludi, eosque id credere ac sibi persuadere debere, si videlicet excommunicatio iuste instituatur, prout Censor diserte loquitur hoc in loco: Vtrumque hoc quam sit absurdum res ipsa loquitur: Electum enim aliquem esse & reipsa cælo exclusum, contradictoria sunt. Fide etiam vera præditum esse, qua quis credit sibi omnia sua peccata remissa esse, & persuadere sibi ipsi quod propter pertinaciæ peccatum exclusus sit ex regno Dei, non minus inter se pugnant, quam aqua & ignis. Reprobos quod attinet, Si in conscientia eorum hæc persuasio fieri dicatur, tum sequetur, eos, quando excommunicantur ab Ecclesia, etiam à Deo excludi regno cælorum seque exclusos inde credere debere, cum tamen eos Deus regno cælorum nunquam includere, adeoque eos nunquam non dico fide, sed nec potentia credendi decreverit donare, ne quidem ex Censoris Walæi sententia in statu primo sive integritatis, quod utrumque absurdissimum est. Quare tralaticie & dicis tantum causa hæc à Censore dicta esse

con-

EXAMEN CENSURÆ

concludendum est. Sed pergamus ad id quod hic præcipue agitur.

Adhuc inquit Censor, arbitrari Magistratum coactiva sua externa vi nihil hic gerere posse aut debere, id Sociniana doctrina consentaneum quidem est, &c. Hoc plane extra oleam est. Nam declaratio non agit de autoritate Magistratus in Ecclesia, sed de Ecclesiæ potestate in exercenda disciplina circa errantes aut delinquentes. Hanc potestatem negat esse carnalem, mundanam, aut quæ coactivam externam vim in se habet. Cæterum quod attinet vim coactivam illam externam,

Sententia Remonstrantium de Potestate Magistratus coactiva in personas, loca & functiones publicas.

quam Magistratui competere vult Censor, Remonstrantes hæcenus ubique & semper attribuerunt & attribuunt etiamnum Magistratui potestatem carnalem & vim coactivam in personas, loca, & functiones publicas; adeo ut quicumque sine Magistratus consensu jussuque, in locis publicis, functiones publicas exercere, vel quæ in iis exercentur, turbare quocumque tandem prætextu audent, in eos vi coactiva animadvertere possit, ac pro officio debeat. Hoc jus plena manu tribuendum esse Magistratibus urgent, nec exceptionem ullam à quoquam in contrarium fieri licere credunt. Cedendum est jussui Magistratus; nihil inconsultis, nedum invitis ac repugnantibus proceribus ac Rectoribus in locis publicis tentandum. Æqui an iniqui sint, legitimi an illegitimi nihil refert; Christianus id non disceptat. At extra loca publica jus nullum, nullam vim coactivam competere iis statuunt in conscientias aut actiones privatorum, quæ Religionis aut conscientiæ solius causa fiunt: Hæ solius divini fori sunt & ad tribunal humanum non pertinent.

Sententia eorundem de autoritate Magistratus in conscientias & actiones privatorum, quæ conscientia & Religionis solius causa fiunt.

Qui contra faciunt, ii usurpant divinam potestatem in terris, & reos se faciunt Lææ divinæ Majestatis: Conscientias autem & actiones privatorum cum dico, non id tantum volo, quasi Magistratus vi coactiva neminem possit cogere ad hoc aut illud credendum aut sentiendum, sed quod suum cuique de Religione sensum & judicium liberum relinquere teneatur. Quis enim vel Phalaris vel Busris, imo quis nisi stultissimus affectet imperium aut vim in conscientiam aut animum hominis? *Quis mihi imponet necessitatem, inquit Lactantius, aut credendi quod nolum, aut quod velim non credendi?* Neque etiam id tantum volo, quasi Magistratui non liceat vi coactiva uti ad constringendum subditos, ut aut non palam profiteantur quod sentiunt, aut secus, quam sentiunt, loquantur de Religione sua. Nimis parum hoc est. Misera est Respublica, in qua nec sentire quæ velis, nec dicere quæ sentias de officio tuo erga Deum, licet: *Humani juris & naturalis potestatis est, ait Tertullianus, unicuique quod putaverit colere, nec aliis obedere.*

Quid sit in conscientias jus non habere.

obest aut prodest alterius Religio. Sed nec Religionis est cogere ad Religionem, quæ sponte suscipi debeat, non vi, cum & hostia ab animo libenti accipiantur. Sed hoc volo, Magistratum vi coactiva nulla uti posse, quæ impediatur subditorum in locis privatis ac propriis religiosa exercitia, quæ ad sensum & professionem illam fovendam faciunt, & ad quæ subditi ex lege Dei ac Domini sui se obstrictos credunt. Hæc vi publica De jure Magistratus circa exercitia privata & publica.
 inhibere aut turbare, est conscientiam vim facere, & pabulum necessarium subducere. Quod vita sine pabulo est, id est Religio sine exercitio. Tum, exercitia quædam communia & quæ non nisi in cætu fieri possunt, Religio ipsa dicitur, adeo ut sine illis Religio trunca sit & mutila. Quare & ea libera atque inoffensa permitti necesse est. Quæcumque interim, salvis manentibus istis, Magistratus facere posse judicat ad sententiæ suæ de Religione, quam publice profitetur, atque in locis publicis exerceri jubet, promotionem & propagationem, ea adhibere jure suo potest, etiam, si necesse sit, cum vi coactiva, cujusmodi sunt colloquia, collationes inter cætus, Synodorum convocationes, aliaque ejus generis plura. Quia vero etiam periculum esse potest, ut cætus aliqui sint turbarum & seditionum fontes ac fomites, & in iis conciones tribunitiæ sonent in noxam & perniciem Reipubl. pro eodem jure & arbitrio suo interesse potest Magistratus cætibus, & quæ ad præcavendum aut sistendum turbas faciunt edicere, jubere ac mandare, quin & contra refractarios vim coactivam adhibere, non tantum potest sed & debet. Est enim ordinis in Societate tutor ac curator.

Addit Censor, *Imo vero & Ecclesiæ externa aliqua vi coactioneque aliquando opus est, utpote, si quis aut pastor excommunicatus aut etiam ovis, nihilominus solitum officium præstare, ritibus Ecclesiæ se immiscere, aut Cæna Dominica communicare, quamvis adversante Ecclesiæ, non desistat.* Hoc vero (si ab Ecclesiæ vim istam coactivam adhiberi vult Censor, uti verba videntur velle) jam è diametro pugnat cum iis quæ paulo ante à Censore sunt dicta: Nam Censor diserte affirmavit in hoc ipso paragrapho, *Ecclesiæ nullam habere potestatem auctoritatemque carnalem seu mundanam, neque illam exercere aut posse aut debere, & spiritualem coactivam potestatem quæ Ecclesiæ competit, non esse externam sed internam, nempe in conscientia cujusque:* Hic vero jam Ecclesiæ externa vi coactioneque aliquando opus esse diserte affirmat. Quicquid interim sit de casu isto, quo Ecclesiæ externa vi coactioneque aliquando opus esse Censor asserit, sane Remonstrantes nec ad eum respexerunt, nec arbitrantur vel eo posito, Ecclesiæ
 Ecclesiæ nunquam opus esse vi coactiva, contra Censorem, demonstratur.

T t t

opus

opus esse vi ulla coactiva. Nam si Ecclesia in locis publicis auctoritati Magistratus subditis, functiones suas exerceat, & pastorem vel ovem excommunicet, Magistratus est, Ecclesiam istam ab omni violenta vel inordinata pastoris aut ovis excommunicatae invasione asserere & factam tectam servare, si quidem excommunicatio cum consensu Magistratus, aut ex formula in publico loco recepta & à Magistratu approbata, facta sit. Si vero Ecclesia sub jugo posita seorsim conveniat in locis privatis, aut Magistratum tutorem nacta, excommunicationem fecerit pro libitu suo, & non ex formula à Magistratu approbata, vel alioquin invito & reclamante Magistratu, tum Ecclesiæ externa vi coactioneque nullo modo opus est, imo externam vim adhibere contra excommunicatum, si ritibus Ecclesiæ nihilominus se velit immiscere, uti nunquam, ita tum imprimis nec potest nec debet. Sufficit in tali casu, ut Ecclesia sub jugo posita declaret, se eum quem excommunicavit, non agnoscere pro Ecclesiæ suæ membro, seque cum eo commune nihil habere velle, imo eum, si nihilominus in cærum & cœnæ communionem irrumpat, ad maiorem sui condemnationem id facturum esse. Sic enim conscientiæ suæ & suorum satisfacit, & Deo suo abunde se probat. Et hoc est quod voluerunt Remonstrantes cum postea dicunt, *Excommunicationem esse voluntariam tantummodo Ecclesiæ secessionem ab eo, cum quo, tanquam cum discipulo Christi, amplius vivere ipsi non licet.* Nempe satis esse credunt, ad hoc, ut Ecclesia disciplinam sibi commissam exerceat, si ab illo secedat, quem pro discipulo Iesu Christi & fratre suo non potest agnoscere, aut ut ei significet, sibi non licere sponte sua atque ultro cum illo tanquam cum Christiano sacra divina facere. Quod si nihilominus ille vel per vim irrumpere, vel per insidias se sacris Ecclesiæ ritibus velit immiscere, ut Ecclesia contra eum adhibeat vim coactivam, opus non est. Nam si accedit, suo periculo accedit, nec Ecclesia cum illo tanquam cum fratre aut Christiano convenit, eademque sacra obit, sed tanquam cum violento invasore, nec sponte sua nedum libenter, sed invita & coacta. Quod satis est coram Deo, ut Ecclesia officio suo functa abunde dici possit, & peccatis ejus non communicet. Non enim vi quemquam à se abigere aut arcere tenetur, sed se ab omni fratre inordinate se gerente separare jubetur, animo, studio, opere quantum potest, sed sine vi aut coactione. Hanc enim, faciente Censore, Ecclesia exercere nec potest nec debet.

At sic nimis exiliter loquuntur, inquit Censor, Quippe non tantum dicitur, & est, Ecclesiæ declinatio, subductio, secessio, aversatio, vitatio & rejectio.

rejectione, sed & praterea clavis ligans, qua peccata in terra & in calo ligantur & remittuntur Matth. 16. At peccata ligare, non est peccatorem vi externa ligare aut vincire. Hoc licitorum est non pastorum. Sed aliud nihil est, quam indicare, peccatorem, quamdiu talis est & manet, æternæ damnationi obligatum & obstrictum esse; ubi hæc declaratio ab Ecclesia fit, ibi nulla coactiva vi opus est, etiam si contingat (qui tamen imaginarius potius casus est quam realis) ut excommunicatus separari ab ea nolit, imo per vim se illi velit adungere. *Est praterea etiam, inquit Cenfor, census pro Ethnico & publicano* Matt. 18. Atqui censere aliquem pro Ethnico & publicano, non est eum templo, sacris ritibus, & communione Ecclesiæ per vim & violentiam prohibere. Nam publicani non arcebantur à templo & sacris, quæ in templo peragebantur, uti Luc. 18. videre est, & Christus cum iis edebat & bibebat, Matth. 9. adeoque familiariter cum iis versabatur: Ethnicos arcebant quidem Iudæi à templo & templi sacris, idque ex præscripto divino, sed publicanos non. Tum hoc erat carnalium Iudæorum, quorum Religio magna ex parte carnalis & externa erat, non Christianorum, qui templum Dei in Spiritu sunt, & quorum Religio maximam partem spiritualis est. Quid ergo, inquires, est censere aliquem pro Ethnico & publicano? Nihil aliud, quam cum eo tanquam cum Christiano conversari nolle, eumque non alio loco habere, quam si Religionis Iesu Christi plane expers & ab ea alienissimus esset, Ethnici instar & publicani. Nulla hic vis externa, nulla coactio Ecclesiæ tribuitur aut permittitur: Imo tantum abest ut ea Ecclesiæ hoc in loco concedatur, ut contra ne quidem Ecclesiæ, qua tali, hic quicquam tribuatur. Non enim Ecclesia jubetur peccatorem contumacem, aut impænitentem censere pro Ethnico & publicano, sed is cui cum eo res fuit; Sit tibi, inquit textus, *veluti Ethnicus & publicanus*, Tibi, inquit, postquam omnia ad eum ad pœnitentiam reducendum istis, quos jam præscripsi, gradibus, adhibuisti: ut autem Christus singulis fidelibus iusserit aut concefferit vim coactivam exercere contra excommunicatum, quis nisi vœcors dixerit? *Est etiam, inquit Cenfor, iudicium cum potestate Iesu Christi exercitum, quin expurgatio & ejectio è medio Ecclesiæ, imo vero traditio Satanae*, 1. Cor. 5. 1. 1. Tim. 1. 20. At hæc omnia non dicunt separationem, quæ ab Ecclesia cum carnali & externa coactione fit, sed tantum declarationem, qua Ecclesia publice profetur, sibi non licere cum talibus, de quibus isthic agitur, tanquam cum veris Christianis vivere, eademque sacra sponte atque ultro obire, quæ

Quid sit peccata ligare
Matth. 16.

Quid sit pro
Ethnico &
publicano
censere
Matth. 18.

Quid sit peccatorem ejicere ex medio Ecclesiæ & Satanae tradere 1. Cor. 5. 1. Tim. 1.

conjunctam sibi habet actualem Ecclesiæ ipsius secessionem, quā cum carnali potestate exercitam tum non fuisse, imo exerceri ab Ecclesia non potuisse, temporis, quo hoc scribebat Apostolus, ratio satis manifeste arguit: Nempe, Ecclesia tum vivebat sub jugo Ethnicorum Cæsarium, neque carnali ulla potestate prædita erat. Non inficiamur tamen Apostolos speciali aliquando potestate usos etiam fuisse in ejusmodi excommunicationibus, Sed potestas illa qualiscunque fuerit, & qua verisimiliter usus hic fuit Apostolus, cum solemniter congregata Ecclesia separatio ista fieret, potestas fuit Apostolis propria, iisque à Deo concessa singulari privilegio in initio Ecclesiæ, ut reverentia ministerio eorum conciliaretur, & veritatis divinæ, quam prædicabant, gloria inde clarius elucesceret. Nec fuit carnalis, sed plane miraculosa & extraordinaria, quæque verbo solum ac nutu vel Spiritu oris divini exercebatur, & quidem per Angelos bonos aut malos, sive ipsum Satanam, cui, ut Patres multi crediderunt, Apostoli flagellandos, vexandos & aliquando interficiendos dabant eos, qui peccatis suis & hæresibus Ecclesiam Dei turbabant. Quam potestatem cum ipsis defuisse constat & perperam adeoque frustra in exemplum trahi à nobis manifestum est, cum potestas illa, qua nunc Cenfor uti vult Ecclesiam, plane alterius generis sit, & cum ea commune nihil habeat, cumque iudicium nostrum de hæresibus Apostolico longe impar sit. Neque ad rem facit quod Cenfor quasi per *πεδανψιν* monet, *Non esse quod quis actionem hanc ut actionem Pauli singularem accipiat, cum textus dicat, Paulum id præstare non solum, sed cum Dei Ecclesia*; Nam aliud est, Paulum id præstare cum Ecclesia, Aliud Paulum jubere ut Ecclesia istud idem semper facere, etiam cum ipse & Apostolorum chorus jam esse defuisset: Paulus absens corpore, sed Spiritu suo præsens, una cum Ecclesia, (jussu Pauli Apostoli Iesu Christi, & Apostolicæ potestatis certa scientia mota atque excitata scilicet) istud fecit. At Paulus non iussit, ut Ecclesia, quæ Spiritu Apostolico & Apostolica virtute mota, excitata, aut fulta non esset, id faceret. Quamdiu Ecclesia Apostolos sibi præsentis habuit, Apostoli in & cum Ecclesia multa admiranda & miraculosa fecerunt, quæ post mortem Apostolorum frustra ab Ecclesia requiras aut Ecclesiæ commissa dixeris. Talis fuit traditio illa Satanæ, qualem Patres hic intelligi volunt, quæ alio quam Apostolico Spiritu fieri non potuit, nec magis Ecclesiæ imitanda proposita est, quam cæteræ Apostolorum actiones miraculosæ.

Restat sectio IX, & ultima de Hæreticorum coercitione & hæreticidiorum.

reticidïo, digna in qua pedem paulisper figamus, ut pestilentissimi dogmatis, quo in mutuam lanienam & carnificinam armantur Christiani, fibras, si pote, revellamus, & purissimam Iesu Christi Religionem, à tetra ista lue & pudenda labe adseramus. *Hoc*, inquit Cenfor, *si in Ecclesias nostras intorqueant, ne injuriose faciunt.* Pronomen, *hoc*, ad hæreticidïum refert Cenfor, quasi dicat, Injuriam Ecclesiis suis nullam fieri, si iis tribuatur, quod hæreticorum coercionem per magistratum licitam, adeoque Magistratui à Deo injectam esse statuunt. Sub coercionem autem omnem pœnam comprehensam vult, dummodo ultimum capitis supplicium aut cædes ejus, quem pro hæretico habet, non sit. Hoc ergo primum esto, quod Cenfores aperte probant & declaratio improbat ac damnat. Nulla carnalis coercitio, nulla pœna errantibus constituta à Deo est. Nulla ratio recta constitui permittit: Omnes in seipsum armat, qui in alios, quos errare credit, armatur: Par omnium in omnes jus est: Qui sibi jus tribuit coercendi alios, idem aliis in se ipsum idem jus ut concedat necesse est. Nulli homini aut Ecclesiæ judicium infallibile de erroribus aliorum delatum est. Quare si coercionem ullæ admittuntur, quid erit Christianismus aliud, quam gladiatorum in se invicem concurrentium arena ac mutua inque vicem rediens incarceration, relegatio ac flagellatio? Hic itaque primus obex ponendus est, alioquin facile ulterius ad sanguinem & cædem ibitur. Facilis ab una pœna ad aliam progressus est, & ubi semel horror pœnarum animo exentus est, sanguis etiam tandem vilis haberi incipit; Nec prætextus desunt. Crudelitas dum sibi indulget, facile mantellum reperit, quo se tegit. Titulus novus novam pœnam postulat: Quid vero facilius quam novum titulum fingere? Principiis obviam eundum est, ne sævitia gradum faciat, & ad culmen enitatur. Non enim consistit, nisi summum attigerit. Pœna pœnæ tegula est, ne perluatur. Nec fieri potest, ut non tandem ad sanguinem veniatur, nisi ergastulorum, carcerum, insularum chiliadas erigere velis, & vastitatem ubique facere. Quid enim? Si errantem pœna prima non coerceat, an non cum Tribuno isto dicetur, *Cedo alteram, & alteram & alteram*, donec tandem ad ultimum supplicium devenias, & tranquillitatem tuam pretio sanguinis redimas? Ista sacra aliter non constant, dum errantem sua impellit conscientia ut errorem profeminet, & te tranquillitatis carnalis consequendæ aut retinendæ propositum tenet. Nihil jam dico de Lege Domini nostri sanctissimi simul ac mitissimi, quæ nil nisi amorem, benevolentiam,

De Hæreticidïo & hæreticorum coercionem.

caritatem, aliaq; pietatis officia spirat: quæque non in errantes solum, sed in hostes, inimicos & osores extendi jubet, cum quibus coercitio ista carnalis è diametro pugnat. Nunc tantum dico, coercitionem hanc Legi naturæ & rectæ rationi esse contrariam: Error coerceri non potest externa vi: Errans pœnam non meretur; Iudicium peremptorium de errore nulli mortalium competit, nisi quod pro se & suo animo quisque facit. Iudicium suum, nulli jus in alterum dat, nisi ab illo secedendi, quem periculose errare credit. Hoc innoxie facere potest & teneretur, Nihil amplius. Nec ad rem facit quod hic Cenfor ait, *se Magistratui mandare potestatem istam in hereticos & lupos graves, eorumque exitiosum impetum, contagionem & gangranam serpentem & depascentem.* Hæc enim nil nisi odiosa nomina sunt. Hæresis gravis aut levis est pro arbitrio cuiusque. Quantum quisque eam valere vult, tantum valet. Pro studio partium judicia sunt, & pro affectu quo quis in sectam suam fertur, ita dissidentes æstimat. Gangræna, contagio, lues, alteri alterius doctrina est. Nec facile temperat se dissentendi libido. Augent in immensum sectæ sectarū errores; Vti familiariter domestica aspiciunt, ita acrius aliena contuentur, quam

Exceptio Cenforis, de potestate Magistratus in hereticos graves & quorum doctrina vocatur contagio & gangræna, diluitur.

Aut aquila aut serpens Epidaurius.

Tum pone, esse lupos graves, eorum doctrinam gangrænam & contagionem, quæ ratio eos coercendi per vim corporalem? Spiritualis est contagio, quæ non affricatur per contactum ut lepra, sed per consilium, nec invitis sed volentibus. Coerceatur contrario spirituali remedio ne serpat: Si per vim reprimas, tum demum serpit gangræna instar, tum accenduntur animi in amorem ejus. Error enim error vi videtur, si vi opprimatur: Commiserationis affectus judicia fascinat, ut quod falsum est verum credant. Hinc pœna ista semen erroris fit: Et accedit suspicio, quæ eum roborat; quod, videlicet, si rationibus convinci posset, vi non opprimeretur. Et speciem habere creditur, quia errans puniri mavult, & gravissima ferre, quam errorem deserre. Magnum erroris fulcrum est martyrium. Exquisitior quæque crudelitas, illecebra est magis sectæ. Nunquam tantum potest vel subtilissime, diutissime, ac liberrime defensio erroris, quantum semel vi repressus. Vis ipsa favorem errantibus conciliat: Libertas vero erroris non leve remedium est. Ratio vero unicum, tutissimum & valentissimum. Qui aliis armis contra errorem pugnat, aut errantes vexat opprimitve, næ is humanitatem ejurat & dignum se reddit, qui iisdem armis

armis oppugnetur, vexetur, & opprimatur. Sed nos jam alterum & præcipuum hujus controversiæ caput expendamus.

Hæreticidium ob simplicem & nudam hæresin nemo nostrum simpliciter adseruit. Ain Censor? utinam hoc verum esset. Longe alio & meliore loco jam pridem fuissent res vestræ. Sed ista labes, ista macula nimis manifesta est in vultu Ecclesiæ vestræ, quam ut eam aut tegere aut eluere possit apud prudentes rerum æstimatores hæc vestra protestatio. Scripta, facta vestra aliud clamant. Vidistis hoc & sensistis jam dudum, itaque vela contrahitis, & sinum obliquatis. Sanguinis innoxii clamor invisus est Deo & mortalibus. Hinc ab eo videri vultis alieni & intra coercitiones corporales consistitis, non quod *βδελυγμᾶ* illud cruentum excremini, sed ut ab eo abhorreere videamini, & clementes ac mites Reformatores scilicet audiatis, usque dum vobis vires vestræ placuerint; Tempori & scenæ servitis. Hinc varia & dissimilis est vestra oratio. Sub jugo gementes corporales omnes coercitiones damnatis, ut illicitas & à Christiana caritate prorsus alienas; ubi jugo colla vestra subduxistis, per fas & nefas, ibi si tempora atque ingenia populi non ferant sanguinaria consilia, suppliciorum & poenarum omnium jugum aliis imponitis, solo sanguine excepto. At ubi pro voto rerum potimini, & populorum Rectorumque voluntates ad nutum vestrum habetis, ibi extrema omnia tentare, & sanguinem hæreticorum effundere gloriosum Zelum dicitis, plane ut alterutrum necesse sit fieri, Aut martyres vos esse aut facere. Recte Seneca. *Multorum, quia imbecilla sunt, latent vitia, non minus ausura, cum illis vires sue placuerint.* Experientia variorum temporum fidem huic rei facit: Sed, præter eam, videantur scripta Reformatorum, quæ circa incunabula Reformationis à variis hic illic edita sunt, & quæ indies adhuc scribuntur ab iis, qui sub jugo Tyrannidis gemunt. Nihil illa crepant nisi universale odium & generalem detestationem carnalis potestatis, contra eos qui creduntur hæretici: Pro libertate conscientiarum certatim pugnant. Nemini fas licitumve esse clamant, per vim reprimere aut opprimere dissentientes Religionis & conscientiæ causa. Libertatem autem illam non tantum intra conscientiam & liberam professionem cujusque coarctant, sed ad exercitia cætusq; publicos extendunt. Sine his conscientiæ libertatem salvam esse non posse, non magis quàm vita sine nutrimento incolumis esse potest. Hæc ex libris editis apertiora sunt, quàm ut negari possint. Videantur deinde scripta Reformatorum, postquam cervicibus suis jugum Pontificiæ aut Hispanæ

Expeditur id, quod Censor ait, Neminem suorum hæreticidii obnudam & simplicem hæresin adseruisse.

Theodorus
Beza, de hære-
ticis à civili
Magistratu
puniendis.

Vide Præfa-
tionem eorum
ad librū præ-
dictum Theo-
dori Beza.

Ministri in
Belgio fomi-
tes persecutio-
num & qui
quotidie id fe-
re unū agunt,
ut Ordd. ad ex-
equenda edi-
cta sua inci-
tent atque ex-
acuant.

spanæ tyrannidis excussum viderunt, & rerum potiti sunt, contraria omnia reperies: Calvinus signum primus extulit supra alios omnes & exemplum dedit in theatro Gebennensi funestissimum, quodq; Christianus orbis merito execratur, & abominatur: Nec hoc contentus, tam atroci facinori cruento simul animo ac calamo parentavit. Vestigiis illius institit Discipulus ejus Theodorus Beza. Libri utriusque de puniendis per Magistratum hæreticis, omniū manibus teruntur: Confilium Bernatum, Tigurinorum, Schafhusianorum & Basileensium nota sunt. Ex hoc tempore certatim Reformati pro hæreticidio, tanquam Reformationis palladio & veræ Religionis asylo, scripserunt, contenderunt, pugnarunt. Et ne longe abeam: Librum Beza, tanquā *νεμύδιον* aliquod, ex verbo Dei, historia Ecclesiastica & *Omnium Reformatarum Ecclesiarum consensu*, pulcherrime confarcinatum laudarunt in Belgio, flagrante adhuc bello cum Hispano, *Bogermanus Synodi Dordracenæ Præses, & Geldorpius*. Nec fuit reformatus, qui contra hisceret, imo fuerunt, qui in Academiis & Scholis sententiam & judicium eorum publicis disputationibus & scriptis adseruerunt. Nec multo post secuta praxis est complurium, ac non ita nuper in hoc ipso libertatis quondam asylo, foederato Belgio: Damnatos, proscriptos, relegatos & omni persecutionis genere vexatos vidimus, jam per decennium & quod excurrit, pene ducentos pastores ex consilio & instinctu eorum, qui Reformatorum Ministrorum titulum sibi vendicant. Docent id, præter arcem Lupesteineam, in qua præclaræ illæ & nunquam satis laudatæ animæ, Ecclesiarum suarum & patriæ nostræ ornamenta, Carolus Niellius, Petrus Cupus, Bernherus Vezekius, Simon Lucæ, Arnoldus Geisteranus, Theodorus Bomius, pauperrimo victu & arctissima custodia incarceratæ detinentur; libelli supplices, consilia, studia & molimina eorum, quæ jam in propatulo sunt & tot ac tam crebra, ut ea jam pene fastidiat nostrum Belgium: Nulla comitia Ordines Foederati Belgii habent, in quibus non proram & puppim faciunt libelli eorum supplices ad concitandos eos in odium & lanienam eorum, quos damnavit Synodus Dordracena: Nec dubitant crudeles Reformatores persuasum ire Rectoribus, nō pugnare istud cum Conscientiarum libertate, quam hætenus armis suis adseruerunt, & quam sibi ipsi sub iugo positi concedi postularunt; sufficere ad Conscientiarum libertatem, judicium suum cuique liberum relinquere & in conscientias ac privatas familias non inquirere. Cætera vi reprimi posse ac debere: parum profecto memores aut valde ignari eorum quæ Pa-
tres

tres nostri olim Hispano ejusque vicariis variis libellis supplicibus re-
praesentarunt, quæ ignorare stupor, nescire velle pertinacia est: *Sed
nec eadem nec sanguinem suadent*, inquires, Sed nec dissuadent, nedum
ut aut damnent aut improbent. Temporum oportunitates & populo-
rum voluntates pro Cynosura habent, ad quam consilia sua dirigunt
patricia plane arte, quæ jamdudum ex curia in Ecclesiam Reforma-
tam irrepsit. At *consilia lenia suggerunt*. Nempe ergastula, carceres,
proscriptiones æternas, & si iis non pareatur, cædem ac sanguinem:
Hæc lenitas ipsorum est, cujus vestigia leget posteritas in variis Belgii
civitatibus, quæ adhuc à stupris, à sanguine & cæde innocentium ru-
bent, & rubebunt cum æterna Reformatorum infamia, & cælorum
fama, quippe quæ

Nec poterit tempus, nec edax abolere vetustas.

Verum ad Censores revertamur velut ex diverticulo in viam. Hære-
ticitium à se non adferri videntur affirmare. Videntur, inquam, nec
enim istud omnino aut ex animo à se damnari aut ut illicitum impro-
bari vel verbulo significant. Circumspecta eorum & elaborata oratio
contrarium non obscure testatum facit, uti postea videbimus. Nec le-
via sunt indicia, unde colligitur hæreticitium ipsis non usque quaque
improbari. Synopsis eorum videatur, quam *purioris Theologiae Synopsin*
vocant, in qua propius paulum sententiam Theologorum suorum &
propriam suam aperuerunt, quam pro sua haberi ab omnibus volunt:
Sic in ea loquuntur Disput. 50. Thes. 56. *Si vero Magistratus eos cogere
ac gladio suo coercere possit, alii censent, ipsius officii esse, hujusmodi hæreticos
mortis supplicio afficere, exemplo pii Regis Iosæ &c. & Iehu & Elia &c.*
confer hæc cum verbis Censuræ hujus quibus dicunt, *Hæreticitium ob
nudam & simplicem hæresin nemo nostrum simpliciter adseruit, & quam
consentaneæ loquantur, perpende: Nemo nostrum, inquit, id adseruit:*
& in hac Synopsi fatentur Theologos alios censere hæreticitium non
tantum jure divino licitum, sed & imperatum, partemque officii Ma-
gistratus esse. Loquuntur autem de Hæreticis proprie dictis, prout
ab Atheis, summe blasphemis, aliisque turbonibus distinguuntur, uti
Thesibus 55. & 57. videre est: Vt quis existimet per alios istos Theo-
logos, à Censoribus, Pontificios designari, causa nulla est. Longe e-
nim aliter tum locuti fuissent. Certe mollis oratio eorum, qua utun-
tur, non obscure arguit Reformatos Theologos intelligi. Sic enim lo-
quuntur, *In horum Theologorum malo ire sententiam, qui ubi alia ratio da-
tur hæreticos ex aquo & bono coercendi &c.* Et ne quid dubitetur amplius,

Ostenditur
Censores hæ-
reticitium tā-
tū videri velle
non probare,
cum re ipsa il-
lud probent
eique faveant.

EXAMEN CENSURÆ

Censura hæc Theologos istos, *Magnos Theologos* vocat, quorum sententia jure merito damnari non potest. Esto, inquires, at ea ipsa verba arguunt sententiam istam de hæreticidïo licito aut jussu, ab ipsis saltem Censoribus damnari. Nihil minus: Tenuis nimium ac diluta est oratio, quam ut ista eorum sententia inde eliciatur: Adseverantius, apertius loquendum fuerat in re tanti momenti, in qua innoxii sanguinis causa agitur: At quid tenuius, quid dilutius dici poterat, quam, *Malumus in illorum Theologorum sententiam ire, qui Hæreticos relegandos aut alio modo constringendos potius esse asserunt, quam mortis supplicio plectendos?* Mavult aliquid, qui rem rei præfert, non quia rem, quæ postferatur, nullo modo vult, sed quia eam minus vult. Nempe malunt Censores ire in sententiam, quæ hæreticorum coercitionem suadet, quam quæ eadem; non quia hæc illicita, injusta aut damnanda est, sed quia illa tutior est minusque offensionis & periculi in se habet: Et hoc particula eorum, *Potius*, arguit. Deinde anceps aut ambigua est oratio. Non enim dicunt se malle ire in sententiam Theologorum istorum, qui hæreticos ex æquo & bono coercendos potius quam occidendos censent, sed in eorum sententiam, qui *plerosque hæreticorum* potius coercendos putant: Id sic accipi potest, ut hæreticorum coryphæos, quos hæresiarchas vocant, ab isto ordine exemptos & in eos severius quam in cæteros animadverti velint, in qua sententia non pauci Theologi & Politici, qua Pontificii, qua Reformati olim fuerunt, hodieque sunt, inter quos Lipsius non postremo loco censendus est. Severior autem animadversio post coercitiones non datur, quam mortis. De istis itaque ut mereat carnifex, non reclamant: Quod si quis mitius & benignius hæc verba, *Plerosque eorum*, accipi posse credit, nos non admodum pugnabimus. Sufficit indicasse ea sic concepta esse, ut hæreticidïo favere possint. Nempe sollicite sibi cavent Censores, ne id aperte uspiam damnare videantur, aut improbare: De animo eorum judicabit Dominus, qui corda & renes scrutatur. Denique nec simpliciter dicunt, se in sententiam eorum ire, qui hæreticos coercendos potius censent, quam occidendos, sed se malle ire in illorum quam istorum sententiam, *ubi alia ratio datur hæreticos ex æquo & bono coercendi*: Quæ parenthesis sine dubio emphasin habet. Nam ubi alia ratio non datur hæreticos coercendi, quid tum hæreticis fiet? Ad Leones & furcam, ad cruces, rogos & gladium. Hanc esse mentem Censorum non obscure arguunt præcedentia verba, quibus rejicere videri volunt sententiam eorum Theologorum, qui officii magistratus esse censent, hære-

hæreticos mortis supplicio afficere. Etenim exempla eorum Regum, quibus Theologi isti sententiam suam confirmant, non rejiciunt ut impertinentia, quia videlicet ea ad hæreticos non pertinent, nec quæ, ut plane extraordinaria & arcano Dei impulsu, proinde ut non imitanda aliis data sunt, sed ut talia, quæ à Deo data sunt, quoniam *vel in officio suo exequendo cessabat Magistratus ordinarius, vel in casu extremae necessitatis ac metu totalis regni everisionis, nulla alia ratione evitabilis*, adhibita fuerunt. Quo ipso testatum facere voluerunt, in similibus casibus idem fieri posse, id est, semper. Raro enim alteruter horum prætextuum deest persecutoribus, ut aut cessare in officio suo Magistratus ordinarius ipsis videatur, aut extremae necessitatis periculum, totalisque regni everisionis metus urgere & postulare supremum supplicium videantur: Extrema necessitas facile obtenditur: Metus totalis everisionis regni aut status omnium facillimum ac speciosissimum Tyrannidis velum est, ubi negotium Religionis agitur. Nimirum, aut Religionis ea vis esse creditur, ut potenter stimulet ad turbas & factiones; aut Religio obtenditur creditur nefariis conatibus, & ab iis, qui odio præsentium nova moliantur, fortunarumque suarum compendia ex turbata Reipublicæ ruina sperant. Sed à Synopsi ad Censuram revertamur: *Hæreticidium*, inquit Censor, *ob simplicem & nudam hæresin nemo nostrum simpliciter adseruit*. Circumspecta hæc & caute ac solícite elaborata oratio merito suspecta est. Quid enim est *simplex & nuda hæresis*, quid *simpliciter* hæreticidium adserere? An nuda & simplex hæresis est merus error, qui in mente errantis tantum locum habet? At nec merus tantum error ad constituendam hæresin sufficit, nec, si omnino sufficeret, objectum aut causa punitionis ullius esse potest. Error enim merus errantem non egreditur. Itaque in quo error est, is non modo non morte puniri, sed ne coerceri quidem potest. Animus hominis imperio humano non subiacet. Solus Deus mentibus imperat. Cogitationes à vectigali humano liberæ sunt. An est error, qui sine pertinacia est? At pertinacia de ratione formali hæreseos est, ut Censores ajunt in Synopsi sua Disput. 40. de Ecclesia, Thes. 39. An qui sine blasphemia est? At cum de hæreticis quærent Censores, An morte plectendi sint, an vero coercendi, de hæreticis quærent, qui *pertinaciter blasphemii sunt*: uti videre est in eadem Synopsi Disputat. 50. de Magistratu, Thes. 55. An qui sine seductione & propagandi studio est? At ibid. de *hæreticis populi seductoribus errorum exitium legitime convictis* quærere se dicunt. An qui sine Reipublicæ tur-

Cryptica Censorum locutio detegitur, cū hæreticidium ob nudam & simplicem hæresin à nemine suorum adseritum esse dicunt.

Nuda & simplex hæresis Censoribus merum commentum est.

batione aut turbationis metu est? At turbatio à seductione & erroris propagatione est. Nihil horum. Quid itaque est nuda & simplex hæresis? Merum commentum & Academica fictio. Hinc est quod, cum Censores ex professo agunt de hæresi in Synopsi sua disputat. 40. Thef. 40. hujus nudæ & simplicis hæreseos ne quidem meminerint: *Hæresis, inquit, est duorum generum, vel quæ directe fundamentum, id est, Christum vel ejus officium evertit: vel indirecte & per consequentiam, ut vocant, quorum primi ab ipsa Scriptura Antichristi & Apostata appellantur: posteriores generali voce Pseudoprophetae aut falsi Doctores.* Neutra harum nuda & simplex hæresis est. Quid itaque est? Chymera.

Quid Censoribus sit, Hæreticidii simpliciter non adferere.

Quid vero etiam est *hæreticidii simpliciter non adferere*? An est adserere, eo statim atque è vestigio provolandum non esse? At sic adseritur hæreticidii non tollendum sed differendum tantum esse & post coerciones omnes adhibendum, nempe ut velut ultima anchora & tabula sit in naufragio. An est nudis ac simplicibus verbis id non probare, sed molli quadam & in speciem blanda oratione circumlitis, re ipsa tamen hæreticidii faventibus? At hoc hypocritarum est, & eorum, qui cum mundo exercent histrioniam, foris boni, intus pessimi. Malus enim cum videri vult bonus, tum est pessimus. *Simpliciter itaque hoc simplicioribus verbis opus habet, ut intelligatur.* Hoc ubi fecerit Censor, tum vero rem magnam præstiterit, unde cuilibet constare poterit, simplice an duplice animo his verbis usus fuerit: Atqui additur, inquit Censor, *Imo contra in Pontificiis scilicet ipsis hæreticissimis, sævitiam illam adversus simplices hæreticos, quos vocant, omnes damnarunt.* Imo vero, inquam, hoc priore obscurius est. Nam simplices hæretici isti quinam sunt? An vulgus hæreticorum & qui vel in hæresin veluti per tempestatem delati, vel in hæresi nati & educati sunt, qui distinguuntur ab Antesignanis & Sæctæ autoribus ac ducibus? At sic non damnaverint Reformati sævitiam Pontificiam contra Pastores & gregis præfectos, sed quæ contra proleteriā turbam & pullatam plebem hæreseos incapacem exercebatur: Itane? At tantum abest ut à vobis hæreticidii idcirco damnari statuendum sit, ut non desint inter Pontificios, hæreticidii patronos acerrimos, qui eandem sævitiam adversus simplices hæreticos damnant. Pastoricidium itaque à vobis probari dicendum est, quia eorum hæresis nuda & simplex hæresis non est. At inquires, *simplices hæreticos vocamus, qui mente magis, quàm voluntate laborant.* At hæreticus, quæ hæreticus mente magis quàm voluntate laborare non potest ex sententia vestra, *Pertinacia enim vobis est de ratione*

J. Lipsius, Gaspar Scoppius, aliique.

ratione formali hæreseos, ut jam diximus, & quidem ea, quæ fit, ut quis correctionem omnem respuat & Ecclesiam recte monentem audire non velit, etiam postquam errorum exitialium legitime convictus est. Simples ergo hæretici isti in rerum natura non sunt. Deinde, sævitiam Pontificiam adversus simplices hæreticos vestri omnes quomodo damnaverunt? Nempe cum ea contra vos vestrosque exercebatur: Scilicet vos hæretici non estis, sed Orthodoxi, vobis præmium Reformationis debetur, cæteri hæretici sunt, fæx & excrementum populi, velint nolint. At cum ea in alios ab ipsis & à vobis pertinaciter dissentientes exercebatur, tantum abest, ut vestri eos idcirco crudelitatis damnaverint, ut contra eos laudaverint & ad cælum usque extulerint. Exempla Anabaptistarum aliorumque fidem faciunt, contra quos, quæcunque exercita fuerint à Pontificiis aliisque dirissima supplicia, à vestris damnari nusquam fere legere est. Impune in ipsos (Monasterienses aliosque factiosos excipio) sævitum esse haud illubenter admittitis. Si quis dubitet, is videat Præfationem *Bogermanni Synodi Dordracenæ Præsidis & Geldorpii*, quam libello Bezæ de Puniendis per Magistratum hæreticis præfixerunt & Senatui Snecano inscripserunt. Nec minus *Serveti, Valentini Gentilis*, aliorumque crudelia supplicia non dico excusare, sed laudare palam publiceque soletis. *At illi blasphemæ fuerunt*, inquires: At inquam, hæreticus blasphemus proprie non est, quia hæresin suam ex ipso Dei verbo probare nititur, probationemque suam tanti facit solius Dei & verbi divini reverentia motus, ut mori mortisque adeo mille subire malit, quam eam deferere. Deinde esto, blasphemæ etiam fuerint, per hæreticos, etiam pertinaciter blasphemantes à Censoribus intelligi, quos tamen occidi non volunt ex disputatione eorum 40. de Ecclesia, Thes. 55. manifestum est: Sed juvat hac occasione ostendere quam dissimiles in hac de hæreticidio materia sibi ipsis sint Censores. Nam in Synopsi sua Thes. 55. 56. & 57. Disputationis 40. de Ecclesia, cuius jam semel atque iterum mentionem fecimus, cum quærent, An hæretici à Magistratu morte plectendi sint, de hæreticis sive *ἀθετοδοξοις*, populi seductoribus, errorum exitialium legitime convictis & pertinaciter blasphemis loqui se dicunt, & in eorum Theologorum sententiam se ire malle asserunt, qui eos mortis supplicio plectendos esse negant. Hic vero in Censura sua blasphemos, contumacesque eosdem insuper Hæreticos ac Reipublicæ turbones, non modo posse sed & debere extremo supplicio affici ex lege Deut. 13. Levit. 24. 15. & Num. 25. 30. affirmant. Sic enim ajunt;

V V V 3

Has

EXAMEN CENSURÆ

Has leges cur antiquatas dicamus potius aut minorem vim habere in Novo quam Veteri Testamento, & Magistratus autoritate & potestate ex V. Testamento in Novo continuata, minus ipsum (NB.) obligare in hac causa quam in aliis quibuscunque criminibus, nulla iusta ratio subesse videtur. Hæc quam sint dissona quis non audit? At sequitur, inquires, Nos quod attinet etiam hic debitam moderationem adhibendam cum prisca Ecclesia arbitramur. At, inquam, hæc simul non consistunt: Nam si ex vi legum illarum divinarum Magistratus non modo autoritatem, jus & potestatem habet tales morte plectendi, sed & ad plectendum eos morte obligatur, adeoque non minus obligatur nunc, quam olim obligabatur Magistratus Iudaicus, nec minus in hac causa quam in aliis criminibus, uti diserte Censor hic affirmat, quomodo jus moderandi poenam ei conceditur? obligari enim ad istam poenam & jus poenam istam moderandi, imo in poenam longe diversam commutandi habere, contradictoria sunt: Moderatio itaque illa illegitima & iniusta est: Moderatio poenæ non competit jurato iudici: Alienum jus nulli moderari licet: De suo jure quis concedere potest, non de alieno. Nec ratio, quam allegat Censor, ad rem facit. Quia, inquit, de Apostasia aut blasphemia tali ex consequentiis facile judicandum non est. Nam de Apostasia & blasphemia agitur, cujus quis convictus esse & in qua pertinaciter perseverare creditur: sive credatur id ex directa probatione, sive ex consequentiis directæ probationi æquivalentibus. Eodem enim id reddit Censoribus. Si non, ne coercitioni quidem eorum locus erit, quia eadem ratio hic, quæ ibi: Ex consequentiis scilicet facile judicandum non esse. Deinde hoc ipsum, quod ex consequentiis facile judicandum non esse dicit Censor de Apostasia tali aut blasphemia, non obscure arguit, Censorem velle moderationem omnem posthabendam esse divinæ Legis rigori, quando de istis ex consequentiis quidem judicatur, aut judicari creditur, dummodo id non facile ne leviter fiat. Facile autem nemo judicare se credet etiam si ex consequentiis judicet, qui vel mediocrem diligentiam adhibet, ut ex principiis & hypothesebus Ecclesiæ suæ, quas pro indubitatis habet, etiam si sæpe falsissimæ sint, aut etiam si sæpe in eas an falsæ sint, ne quidem cum mediocri diligentia inquisiverit, iudicium suum formet, aut de iis non nisi de consilio & sententia eorum, quibuscum sentit, statuatur. Hoc jam sufficit, ne quis se facile judicare credat; uti in omnibus sectis olim hodieque observare est. Hoc primum est: Alterum est, quod in Censura hac & alibi ne hæreticidium simpliciter videantur asserere, hæreticos ab Apostatis;

statis, & blasphemis distinguant, quasi aliud sint hæretici, aliud Apostata & blasphemus, uti revera longe diversissima sunt: In Disputat. vero 40. de Ecclesia, Theol. 40. in Synopsi purioris Theologiæ, *Hæresin duorum generum faciunt, unum, quod directe fundamentum, id est, Christum & ejus officium evertit; alterum, quod indirecte & per consequentiam.* Sub illo diserte comprehendunt *Antichristos & Apostatas*: Sub hoc *Pseudopphetas aut falsos Doctores*. Recte an secus jam non disputo: Sed id tantum observatum volo, Censores hos sub voce, *hæretici*, pro arbitrio ludere & nunc hos, nunc illos, eo nomine censere, ut, sive pro hæreticidinio stent, sive contra, callide in utramque partem sese possint vertere. Et hoc inde est, quod nusquam certam ac quarto modo propriam hæretici definitionem faciant, nec possibile cuipiam sit eam ex scriptis eorum solide concipere. Anguilla est hæresis, non tenes eam, etiam cum arctissime eam tenere videaris: Elabitur & effluit: Quod idcirco indignius ferendum est, quia de sanguinis poena agitur: de qua sane statuendum adeoque cogitandum non est, nisi primum certa atque omnino indubia stet hæreseos & hæretici definitio. Atque hæc causa est, cur ubique fluctuent, & nunc *hæreticos simplices* non occidendos, nunc ne quidem *hæreticos pertinaciter blasphemos* occidendos putent, nunc contra, *blasphemos* occidendos ex Lege, nunc nisi *summe blasphemos*, nunc denique eodem hæreseos nomine *Antichristos, Apostatas, blasphemos & Pseudopphetas* censeant: plane ut in labyrintho fictionum & terminorum te deprehendas, cum de hæretici definitione propria quæritur. Sed jam videamus, quinam isti sint, quos morte plectendos censuerunt magni illi Theologi, quos vocant, & ex qua Lege. *Tantum*, inquit, in *Repubblica Christiana Christianismo publice suscepto in Apostatas*, id est, *Christianismum egerantes & ad Ethnicismum, Judaismum vel Mahumetanismum transeuntes, severior animadversio à quibusdam magnis Theologis adserta est.* At primo aliud est Apostata, aliud hæreticus. Hæreticus Christianismum non egerat, sed hæresin deserere non vult, ut Christianus maneat & conscientiam suam licet erroneam Christo integram atque illæsam servet. Quare pessime Censores in Synopsi sua inter hæreticos censuerunt Antichristos & Apostatas. Nihil enim commune inter se habent, sed tota religione & professione differunt. Hæreticus enim Apostata hostis est, & Apostasiâ odio habet: Nec minus hæreticum odit Apostata, quam Orthodoxum. Christianum enim qua talem odit atque averfatur. Deinde secundum quam legem id asseruerunt? *Secundum Legem divinâ*, inquit Censor,

Sub voce hæretici & hæreseos ludunt Censores, ut nescias sæpe quid sibi velint.

Discrimen faciendum inter Apostatam & Hæreticum.

Prava legis
Deut. 13. alle-
gatio, indica-
tur.

for, *latam in Apostatas Deut. 13.* At Lex ista de Apostatis à Christianif-
mo deficientibus non agit, nedum de Apostatis ad judaismum deficienti-
bus: imo tantum abest, ut de istis agat, qui ad judaismum deficiunt,
ut contra non agat nisi de Apostatis ab ipso judaismo deficientibus ad
gentilismum, id est, à cultu veri Dei ad cultum falforum Deorum.
Nec satis est, si dicas eandem esse rationem apostasias hujus & illius.
Nam I. consequentia illa, non est Lex divina. *Ex consequentiis facile
non est judicandum*, ait ipse Censor. Vbi de vita hominis errantis sed
probi & cætera irreprehenfi agitur, consequentiæ illicitæ sunt. Presse
ac præcise Legis verbis insistendum est. II. Nec speciem habet conse-
quentia. Nam qui à Christianismo ad judaismum deficiunt, contra eos
pœna lege ista statuta, eo ipso quod deficiendo Iudæi fiant, non mili-
tat, quin imo (urget Iudæus) ad eos Legis promissa pertinent, tan-
quam ad veros Iudæos, veri scilicet atq; unici Dei cultores. Tum Lex
Christi à qua deficiunt, neminem conscientia causa ultore gladio per-
cuti jubet, nedum ut jubeat gladio percuti eos, qui veri Dei cultores
se manere velle profitentur. Religionem suam Christus liberam esse
voluit. Qui ab ea deficiunt, suo periculo & damno deficiunt: Deum
vindicem habebunt & animum suum carnificem, uti clarissime vide-
re est in omnibus istis locis, ubi de Apostasia & Apostatis agitur in
V. Testamento. Addit Censor Legem quam subditis suis fixit Nebu-
cadnezar, Dan. 3. 29. secutus hac in re exemplum Calvini inter non
Papistas Hæreticidarum principis, sed pessimo exemplo. Nam I. Lex
illa Nabuchodonosoris, quid aliud est, quam Lex instabilis & desulto-
rii atque impii Tyranni, ut eum appellat ipse Calvinus, quam nec ipse
secutus est, imo contra quam ipse, uti capite sequente legere est, super-
bivit, adeo ut à Deo ipso in brutam naturam conversus sit & insani in-
star inter bestias vixerit, nec alio spiritu eam condidisse & tulisse vi-
deatur, quam qua antea Legem tulerat contra sapientes & hariolos,
quia somnium ejus explicare non potuerant, nempe ut magnitudi-
nem imperii ac dominationis suæ ostentaret, qua pro arbitrio suo
quidlibet jubere atque edicere poterat, & uti cap. 5. 19. dicitur, *quos
volebat occidebat & quos volebat percutiebat.* Tum quid hæc Lex facit
ad hæreticidium, cum hæretici eundem Deum Sidraci, Mesach & A-
bednego colant & Christi etiam ejusque religionis observantissimi vi-
deri velint, etsi in modo utrumque colendi errent? Pudeat Christia-
nos ejusmodi Tyrannorum Leges in exemplum & normam trahere
suæ immanitatis. Cur non eadem opera provocent alii ad legem An-
tiochi

Prava allega-
tio Legis Na-
bucadnezaris
Dan. 3. 29. in-
dicatur & re-
fellitur.

tiochi i. Machab. i. 43. &c. quæ, abolitis pessumdatisque omnibus legibus divinis uniformem cultum gentilem severissimo edicto sanciebat. Verum enimvero si placet imitari edicta Regum, imitentur potius Cyri edictum, quem Esdras longe magnificentius celebrat quam Daniel Nabuchodonozorem: Nempe is Spiritu Dei afflatus edixit, ut Iudæi Babylonienſes Hierosolymam colendi Dei sui causa redirent, sed neminem coegit. Imitentur aliorum piorum Principum exempla, qui suam cuique populo liberam fecerunt Religionem, & neminem vi ad colendum Deum adigere Imperatoriæ suæ majestatis gloriam esse judicarunt. Secundo loco ait Cenſor, Blasphemos, contumacesque eosdem insuper hæreticos à Theologis istis intelligi. At aliud iterum est blasphemus proprie sic dictus, aliud hæreticus. Hæreticus blasphemus proprie esse non potest: Blasphemia enim proprie voluntariam divinæ Majestatis læsionem significat, ita ut quis ex professo Deo maledicat & excellentiæ ejus detrahat. Hæresis plane est involuntaria, quia ex errore mentis est & nihil minus quam voluntaria divinæ Majestatis læsio. Hæreticus enim divinæ Majestatis gloriam intendit, & per hæresin suam eam promotam cupit. Quod discrimen tanti momenti est, ut blasphemiam, qua divina gloria læditur, Deus pro blasphemia vix censeat, quando ex ignorantia oritur, saltem ut blasphemantium ex ignorantia misereatur; cum blasphemantes proprie sic dictos sine veniæ aut misericordiæ spe interfici jusserit, eadem plane ratione qua homicidarum misereri vult, qui per ignorantiam plane involuntariam homicidium commiserunt: unde etiamsi contingeret hæreticum blasphemum esse, id est, ea adserere aut negare, quæ divinæ Majestatis gloriam lædunt, nihilominus tamen proprie blasphemus non esset, nec blasphemix poena ad illum pertineret, non magis quam homicidii poena ad eum, qui ex ignorantia aut errore hominem occidit: Quare inepte Theologi isti legem de blasphemia ad hæreticos, quos blasphemix postulant (jure an injuria jam non disputo) referunt. Nec auget Cenſor crimen cum *contumaces* hos hæreticos vocat. Contumacia enim vel pertinacia de ratione formali hæreseos est. Pertinacia autem non significat voluntatis actum, quasi Hæreticus, etiamsi de veritate fundamentali convictus sit, velit tamen ex professo opinioni suæ falsæ adhærere, aut quasi cum sciat Ecclesiam in judicando de veritate fundamentali non errare, imo errare non posse, nihilominus tamen Ecclesiæ judicio acquiescere de industria nolit, Nihil minus. Hoc enim merum figmentum est (loquor de Hæreticis, quos Cenſor

Discrimen inter hæresin & blasphemiam.

X x x

res

Aliud est hæreticus, aliud turbo Reipublicæ proprie sic dictus.

Evincitur Leges Mosaicæ civiles & ceremoniales abrogatas esse in N. T. ita ut Christianos in N. Testamento non obligent.

res sic vocant, qui circa fundamentalem articulum Religionis Christianæ errant: Non vero de iis, qui volunt inhærere levibus minutisque litibus & quæstionibus, quas inutiles & vanas esse sciunt, de quibus agitur Tit. 3. ubi tales *διωκόμενοι* vocantur.) sed significat errorem mentis, in quo quis manere vult, sive quia rationes non audit, quæ contrarium efficaciter suadent, sive quia rationes per se satis efficaces pro merito non introspicit aut considerat, sive quia Ecclesiæ iudicium pro infallibili non habet. Nec multum ad rem facit cum eos turbones Reipublicæ vocant. Aliud enim est turbare aliud turbare velle. Turbat aliquando quietos, qui nihil minus, quam turbare eos in animo habet. Turbatio accidit aliquando sine causa & præter opinionem. Deinde aliud est turbare pacata & tranquilla sui commodi causa, aliud bono & commodo aliorum. Medicus turbat aliquando humores in corpore, quos correctos aut expulso vult in solatium ægri. Hæc turbatio laudem meretur: Illa in vitio est: Ex eventu non sunt æstimanda consilia: Nec eventus noxius ad culpam sufficit, si nocendi voluntas absit & noxa in actione non sit. Sed esto, demus Leges Mosaicæ de Apostatis, blasphemis, eo sensu intelligendas esse, quo Cenfor ait, quid tamen hoc ad rem faciet? *Nulla ratio subesse videtur*, inquit Cenfor, *cur leges istas antiquatas dicamus, aut minorem vim habere in Novo quam in V. Testamento & Magistratus autoritate & potestate ex vetere in N. Testamento continuata, minus illum ipsum obligare in hac causa, quam in aliis criminibus.* Imo vero contra: Nulla ratio est, quæ leges illas antiquatas non esse suadet. Lex tota Mosaicæ quatenus ceremonias & iudicia spectat, non nisi populo Iudaico lata fuit, atque idcirco populum Iudaicum tantum obligavit: Quare abrogata & antiquata necessario censeri debet cum populo & Republica tota Iudaica. Mutato enim populo, Republica & sacerdotio, necessario quoque Legis mutatio fit (non ceremonialis tantum sed etiam positivæ) Hebr. 7. 13. Si dubitas Cenfor tum sic colligo: Aut tota Lex Mosaicæ ceremonialis & iudicialis adhuc viget & obligat Christianos, aut si non tota viget, aliquas & nominatim hanc de Hæreticidii Legem vigere aut abrogatam non esse adferendum est. Totam Legem Mosaicam Iudicalem adhuc vigere & obligare Christianos, temeritatis foret adserere. Sic enim, ut jam alia non allegem, postliminio in Christianum orbem reducendæ forent Leges de non alienandis Hæreditatibus, de polygamia, de libello repudii, de Zelotypia &c. Si tota Lex Mosaicæ non viget, neque obligat

gat Christianos, tum ratio danda est, cur hæc, non illa, obliget adhuc Christianos, & speciatim cur hæc leges Deut. 13. Levit. 24. adhuc vigere debeant & ex vi illarum obligetur Christianus Magistratus. Id impossibile est. Dicere has Leges à Christo diserte non esse abrogatas, non est satis. Nam variæ Leges Mosaicæ à Christo diserte abrogatæ non sunt, ad quas tamen Christiani non obligantur. Dicere Leges has, quatenus ad alios, quam eos, quos expresse verba Legis designant, per consequentiam extenduntur, juris communis esse & perpetui, est petere τὸ ἐν ἀρχῇ, adeoque falsissimum, uti jam ante vidimus: Hæreticus enim, qui errore deceptus blasphematur, cum credat se non modo non blasphemare, sed Deum ex præscripto verbi sui glorificare, blasphemus non est, quem Lex occidi jubet, saltem ut eodem cum blasphemo loco censeatur, iniquissimum est. Sine expresso oraculo divino id statuere, summæ audaciæ & crudelitatis est. Favores, non rigores, ampliandi sunt, vel ipsius Moïse exemplo, qui cum ei offerretur qui ligna Sabbatho collegerat, Num. 15. 32. 33. 34. & alius qui nomen Dei exprefferat eique maledixerat Levit. 24. 10. 11. 12. contra eos statuere quicquam noluit inconsulto divino oraculo, ne per consequentiam, licet valde speciosam, Legis divinæ transgressor & iniustæ cædis author fieret. Tum, si juris communis Legem hanc esse velimus, necesse erit, ut eadem etiam pœna, quæ Lege hac expressa est ac non alia, contra hæreticos statuatur. Hoc enim postulat reverentia, quæ divinæ Legi & sapientiæ atque æquitati ejus debetur: Lapidare itaque cogetur hæreticum patrem, fratrem, uxorem, qui primus eorum hæresin deprehendit & detulit: Et si plures sint, qui hæresin eorum sectantur, omnes istos, cum familiis, pecoribus, urbibus, pagis, domibus vivos comburere & solo æquare: Dicere, pœnam hanc non esse juris communis, est jus fingere, aut jus opinioni, vel animo suo non divinæ voluntati aptare: Adde, leges has juris communis non censendas esse, praxis universi orbis Christiani docet: Apostatas seu à Christi religione ad Iudaismum deficientes, nemo lapidandos censet: Iudæos directè blasphemos in Christum & religionem Christi, non modo non occidit, sed & liberas Synagogas habere finit, & quod mirere, hæreticos flamma & ferro persequitur magna Christiani orbis pars, seque legibus his Mosaicis tuetur, dum eos, quos Lex ista Mosaicæ expresse olim designabat, & lapidari jubebat, liberos atque impunitos dimittit, pudenda sane cæcitate dicam an perversitate. Nec juvat si dicas, Iudæos Apostatas non esse nec deficere à Religione Christi,

X x x 2

quia

Cæcitas Christianorum in
urgendis Legibus
divinis præter & contra
expressam earum sententiam.

quia eam nunquam probarunt : Nam esto, Apostatæ non sint, attamen blasphemæ sunt, & non indirecte neque per consequentiam, ut hæretici, sed directe atque aperte Christo ejusque religioni sacrosanctæ maledicunt : Quod tamen idcirco non dico, quasi in Iudæos concitare velim sæculare brachium. Absit. Lege enim hac Mosaica Christianos Magistratus obligari ex professo nego, sed ut ostendam eos, qui Legem Dei, quæ de blasphemis, non autem de hæreticis agit, pro hæreticidii jure allegant, Legem tamen de blasphemis expressam, neglectui habere : quod non obscurum indicium est, eos Legem istam communis juris esse non agnoscere & Lege ista pugnare dicis causa, ut affectibus suis fibulam imponere, & Zelo tantum divinæ Legis ferri videantur, cum nihil minus quam eo ferantur, quia apertam Legem contemnunt & consequentiam suam Legi apertæ præferunt, dum notorie blasphemos tolerant, quos Lex aperte occidi jubet ; hæreticos occidunt, quos Lex nulpam occidi mandat, idque prætextu Legis ipsius, quæ non nisi de blasphemis agit. Atque hac in re Christiani multo deteriores videri debent ipsis Iudæis, qui cum Legem de blasphemis & Apostatis strictissime semper observarent, nunquam tamen hæreticos, licet pertinacissimos & directe fundamentum fidei evertentes, eadem pœna teneri adseruerunt : Sadducæos enim, qui Angelos, Spiritum & resurrectionem mortuorum aperte negabant, ut est Act. 23. 8. non modo non occidendos judicarunt, sed & Synagogas suas habere permiserunt : adeoque sacerdotii summi honore dignati sunt : Sed quid pluribus argumentis opus est ? Leges has Mosaicæ etiam si eas extendas cum Censore ad Apostatas, id est, à Christianismo ad Iudaismum, Atheismum aut Gentilismum deficientes, & ad blasphemos pravam & blasphemum sensum Deo aut Scripturæ impudenter & pertinaciter attribuentes, juris communis & perpetui non esse, universa primitiva pura & incorrupta adhuc Ecclesia credidit. Percurrantur ejus annales, comperietur Patres omnes stetit intra spiritualia remedia sive Ecclesiasticas excommunicationes : Pœnas omnes temporales non modo non exercuisse propter defectum auxilii aut potestatis carnalis, aut quia tum sic expedire judicabant contra scandala, quæ inde potuissent oriri, ut Pontificii inepte solent fingere, sed & aperte damnasæ, ut illicitas & sanctissimæ religioni Iesu Christi regni-que ejus de caritate Legi contrarias : prout prolixè ex Patribus primitivis, Ignatio, Dionysio Areopagita, Tertulliano, & sequentibus, Athanasio, Optato Melevitano, Gregorio Nazianzeno, Chrysostomo, Hilario,

Ostenditur
Antiquitatem
totam intra
Ecclesiasticas
excommunicationes
stetisse.

Hilario, Ambrosio, Severo Sulpitio, Gregorio, Agathone, Bernardo, loca evidentissima allegat Archiepiscopus Spalatensis, Vir antiquitatis Ecclesiasticæ ad miraculum usque peritissimus Lib. 8. de Republica Eccles. cap. 8. Nec dubitatur à Theologis, quin Augustinus ejusdem sententiæ fuerit in principio & longo admodum tempore, quam tamen, post multa cum Donatistis, hominibus satis pertinacibus, certamina, hæcenus mutaverit, ut eas pœnas non improbaret, quæ pœnitentiæ tempus relinquerent, capitalia autem diserte exceperit, iisque intercesserit sæpissime, uti videre est lib. 3. contra Cresconium Grammaticum; cap. 5. de fide & Operibus. Epist. 158. & 159. ad Marcellinum. Epist. 150. ad Apringium & alibi multis in locis. Similiter de Constantino judicandum est: Prima ejus edicta liberum cuique ex animi sui sententia Dei cultum concedunt, uti videre est apud Eusebium lib. 2. cap. 27. in vita Constantini. At postea, sive quod imperii sui rebus ita judicabat conducere, sive quod Episcopos laborem quotidianæ disputationis videret subterfugere, pœnas constituit in eos, qui se à communione τῆς μεγάλης ἐκκλησίας separaverant, sed maxime pecuniarias: Secuti imperatores, ut expedire rebus suis judicabant, ita pœnas contra segreges cætus statuerunt. Honorius contra Donatistas Laicos pœnas constituit pecuniarias, contra Clericos exilium. Martianus similes scripsit Leges, sed postea declaravit suæ intentionis non esse, ut propterea vis conscientiis inferatur. Idem de magno Theodosio fatetur Nazianzenus. At pœnæ capitales adeo omnibus Patribus atque Episcopis invisæ erant, forte ob memoriam paganæ sævitæ, ut in Gallia Episcopi, qui autores potestatibus fuerant, ut in Priscillianistas pravorum dogmatum autores & vitæ inquinatæ homines gladio animadverteretur, eam ob causam ab Ecclesiarum amoti sint communione, & in Oriente damnata Synodus, quæ in Bogomili exustionem consenserat. Certe Ario, Macedonio, Nestorio, Eutycheti, novarum Sectarum principibus nihil durius relegatione evenit: Et graviorum pœnarum aut extremi supplicii occasionem dedisse videntur Arriani Imperatores & ejusdem sectæ Africæ Reges: Hi enim cum usque adeo sævirent in dissidentes ut manus suas eorum sanguine imbuerent, similibus pœnis sævire in eos alii cœperunt & talionis jure agere: Tandem crescente dominandi cupiditate eo ventum fuit, ut non quævis mors visa fuerit sufficere, sed in exquirendis suppliciis ingenium suum exercuerit sævitia: At ne sævitæ hujus causa intelligeretur & ut offensionibus obex poneretur, obtendi

Quæ fuerit
Augustini sen-
tentia.

Quæ Constanti-
ni & sequen-
tium Impera-
torum.

Refelluntur
Censoris argu-
menta, ex di-
ctis factisque
Christi & A-
postolorum ex-
traordinariis,
ad probandū
hæreticorum
coercitionem
Magistratui li-
citam esse.

Expenditur
dictum Chri-
sti Matth. 18.6.
Marc. 9.42.
Luc. 14. 1. 2.
& refellitur
consequentia,
quam ex eo
deducit Cen-
sor.

obtendi cœperunt Leges Mosaicæ & Imperatoribus persuasum fuit ab Episcopis degeneribus sane primitivæ & mitissimæ antiquitatis filiis, eas communis & perpetui juris esse, iisque non minus obligari nunc Christianos Magistratus, quam olim Iudæos. Atque hanc sententiam Cenfores hi aperte satis probant, etiam si aliter agere videri velint, & intra coercitiones consistere. Apparet id ex eo, quod sequitur in Censura, *Certe, inquit Censor, Magistratus partes, quæ versantur in coercitionibus pœnisque externis, etiam in regno Christi curando, Christus ipse & Apostoli dictis factisque extraordinariis quibusdam indicant & exhibent.* Dicta enim & facta ista extraordinaria eousque extendit Censor, ut lapides molares hæreticorum collis appendi, flagellis hæreticos cædi, effossionibus oculorum excarnificari & extemporancis mortibus è medio tolli optare, adeoque necessarium esse statuere videatur. Horret animus, cum tam ingentis crudelitatis auctores Reformatos hos Doctores esse legit: nec cæcitatem eorum dicam an stuporem satis mirari potest, quod extraordinaria ista facta & parabolica aut hyperbolica dicta Christi & Apostolorum, exempla ordinariæ punitionis, quæ per Magistratum fieri debeat, facere audeant: perinde ac si Magistratus in Christi ac Apostolorum locum successerint, qui extraordinaria eorum judicia, dicta ac facta, ordinaria tribunalium, carcerum, virgarum & gladii sui usurpatione in Ecclesia continuarēt, ridicula sane ac merito detestanda consequentia. Cur non similiter ac multo rectius quis concludat, Christum dictis & factis suis, quibus adulteram noluit damnare, Ioan. 8. Fratres de hæreditate eriscunda inter se contententes judicare renuit, Luc. 12. 13. 14. inter Apostolos & discipulos suos dominium & potestatem exerceri vetuit, adeoque omnes inter se æquales esse iussit, Matth. 20. aliaque similia dixisse ac fecisse legitur, exemplum dare voluisse Christianis Magistratibus, ut adulteria impunita dimitterent, hæredipetis jura non dicerent, adeoque dominium & potestatem nullam exercerent in subditos suos? Sed nos dicta & facta extraordinaria, quæ hic citavit Censor, propius paulum videamus, ut quorsum tendat tanto manifestius liqueat. Primum dictum Christi citat ex Matth. 18.6. Marc. 9.42. Luc. 14. 1. 2. ubi de iis, qui offensiones infirmis objiciunt & inferunt, ita pronunciat: *Quisquis offenderit unum ex parvulis istis, qui credunt in me, bonum esset ei potius, ut circumponeretur saxum molare & projiceretur in mare, quam ut offendant unum ex parvis istis.* Inde infert Censor; Imprimis ergo qui incautas animas exitiosis opinionibus offendunt & pervertunt,

perveniunt, coercendi fuerint. At I. quæ ratio consequentiæ? De talibus offendentibus Christus ait; melius esse ut in profundum maris præcipitentur, ergo imprimis coercendi sunt hæretici. Contrarium potius colligitur. Nam aliud est hæresis, aliud offensio, imo gravius multo est offendere infirmos, quam hæreticum esse. Deinde, offensio ista, de qua Servator agit, non pertinet ad errores aut hæreses, in quas imprudenter aliquis incidit & quas propagatas vult ex mero, licet cæco, errore in bonum & salutem aliorum (de hæreticis enim ejusmodi loquimur, qui erroneas opiniones tenent, licet alioquin pii ac probi vitæque prorsus sint inculpatæ) sed contra ad peccata, quæ ex contemptu fidelium recens Christi sacris initiatorum & sic parvulorum atque infirmorum adhuc in fide, fiunt: per quæ accidit, ut illi vel à recta pietatis semita prorsus avellantur, vel ea committant, quæ apta nata sunt in ipsis recens natam pietatem & salutis spem extinguere & suffocare. Quare si consequentia ex scopo Christi facienda sit, concludetur tandem directe adeoque, ut Censor loquitur, *imprimis* Christum dicto hoc suo Magistratus indicasse, officii ipsorum esse, peccatoribus omnibus, qui infirmos & recens sacris Religionis Christianæ imbutos, dicto vel facto ullo suo offendunt, id est, uti Christus ipse verbum *σκαυδανίζειν* exponit vers. 10. contemnunt, ita ut eos ex professo tanquam injuriæ oportunos ad ejusmodi facta sollicitent, per quæ in periculum defectionis aut salutis prolabi possunt, imo actu etiam prolabantur, his, inquam, omnibus molaria saxa circumponere, hos in mare projicere & horrendo submersionis supplicio afficere: Bone Deus! quæ molaria saxa, quæ maria sufficerent delendis ac perdelendis omnibus istis peccatoribus? Adde cum Christus dicit, *bonum esset ei potius ut circumponeretur molare saxum & in mare projiceretur*, eo non significat bonum esse, ut id ei fiat ab hominibus, aut melius esse ut Magistratus eum isto supplicii genere adficiat: Absit à mitissimi Domini Iesu verbis tam barbarus tam crudelis sensus; sed tantum significat, præstare istis hominibus, ut subita aliqua morte pereant atque intereant, quam ut istiusmodi enormibus peccatis reos se faciant divinæ iræ, quæ in eos aliquando eam ob causam effundenda est. Circumpositio enim molaris saxi & demersio in profundum maris, hic non significant pænæ aut supplicii genus, sed mortem atque interitum simpliciter, oppositæ ad pœnas & supplicia, quæ propter scandala infirmis data aliquando incurfuri sunt ejusmodi offensores: quasi legeretur; Præstaret eos una subita horrenda certa que morte cum cæteris

Expenditur
factum Chri-
sti, quo ven-
dentes & e-
mentes ex tem-
plo ejicit, &
quæ ex illo de-
ducitur conse-
quentia, refu-
tatur.

cæteris impiis perire, quam in manus Dei ultrices incidere, qui tenerime infirmos istos amat, & qui eos lædunt, gravissime puniturus est. Facta sequuntur. Sic enim Cenfor pergit; *Quin & facto suo idem confirmat, dum templum ingressus omnes ementes & vendentes templo ejicit, mensasque & sedes vendentium columbas subvertit* Matth. 21. 12. Marc. 11. 18. *idque alias flagello & funiculis ei rei facto* Ioan. 2. 13. *Multo magis Magistratus Christiani fuerit hoc Christi exemplo Pseudopphetas & falsos Doctores &c. arcere & prohibere.* At I. Vendentes & ementes hi quid commune habent cum hæreticis & falsis Doctoribus? Contrarium potius quis collegerit: Vendentes & ementes hos ejecit Christus, at nunquam ejecit templo Sadducæos, licet hæreticissimos, quin imo communia cum iis sacra in eodem templo obivit, Synagogas eorum non modo non disturbavit, sed & subinde ipse frequentavit &c. Nec unquam adulteros, avaros, superbos, aliove peccatores flagris licet dignissimos templo ejecit: Ergo ab illis ad hos inepte concluditur. Quare cum Cenfor à minori quasi ad majus collegit; multo magis Christiani Magistratus esse hæreticos templo ejicere, quam ineptas & futes consequentias faciat, videre potest. Adde, quod vendentes & ementes hos ejecerit Christus non eo fine, ut ostenderet vendere aut emere istud rem illicitam esse (nam non licita tantum, sed & utilis adeoque necessaria erat ista negotiatio) sed quod venditionem & emtionem illam in templo Dei fieri indignum erat & quidem ab istis, qui commodi tantum & utilitatis suæ causa absque ulla divinæ Majestatis reverentia eam exercebant: Quare ut ementes & vendentes isti exempla esse dicantur hæreticorum, aut ab emtione & venditione ista ad hæresin concludatur, stultissimum est. Deinde, quod Christum alias vendentes & ementes istos ejecisse flagello & funiculis ei rei facto, ait Cenfor, nullo certo fundamento nritur. Nec enim ex Ioanne, quem locum isto fine citat Cenfor, certo constat, flagello usum fuisse Christum propter vendentes & ementes. Vox enim πέν-
τας non necessario ad τῆς πωλῆντας refertur, sed referri posse, imo refe-
renda omnino videtur ad sequentia verba τὰ πρὸς ἑαυτὰς τῆς βόας. Quæ
enim postea sequuntur, ea non obscure indicant, Christum cum ipsis
ementibus ac vendentibus verbo egisse, iisq; pro autoritate sua jussisse
ut mensas suas tollerent & collybia isthic non facerent. III. Esto ta-
men, ejecerit etiam Christus vendentes & ementes flagello (parum
enim interest si hoc admittatur) unde tamen colligetur, ejicere hos è
templo esse coercere eos ne templum adeant, aut in templum nō con-
veniant

veniant religionis suæ causa? Imo quod magis est, eos Synagogis, civitate, regno expellere, incarceratione aut virgis cedere, quid dico occidere & in crucem tollere, si negotiationem illam extra templum facere pergant? Apagelis tam manifestas ineptias à causa tam gravi. Denique pone ab ejectione vendentium & ementium è templo per flagellum facta, recte colligi, ejectionem hæreticorum Magistratui licitam esse; nihil tamen aliud colligetur, quam ejectionem hæreticorum ex publicis templis ad Magistratum pertinentibus, licite à Magistratu fieri posse & quidem, si necesse sit, flagello è funiculis ei fini facto, ulterius aut plus concludere nemo jure potest: At hoc jus Magistratui plena manu tribuunt Remonstrantes: Hac ergo in parte imitetur Magistratus Christum: Quod si vero etiam pergat eos ejicere Synagogis, civitate, Republica, non modo non imitabitur Christum, sed eum damnabit, quippe qui Synagogas eorum liberas in civitate permisit, licet hæresum & errorum gravissimorum essent semina.

Pergit Cenfor; *Quin & Apostoli similia quadam gesserunt, ut dum Petrus Ananiam & Sapphiram mentientes Spiritui S. & sacrilegio peccantes divinitus morte ferit, Actor. 5.* At quid hoc ad hæreticos? Ananias & Sapphira erant simulatores & hypocritæ, qui Spiritui Dei vel potius Spiritum Dei mentiebantur, id est, præ se ferebant se Spiritus S. impulsu motos ad conferendam in commune bona omnia sua, cum tamen de industria & ex composito quandam partem sibi retinerent, unde & *consensisse dicuntur in eo, ut tentarent Spiritum Dei* vers. 9. Hæretici vero nec simulant nec mentiri se sciunt, & quod animo sentiunt, id ore profitentur. Quare si Cenfor Petrum hic Magistratus locum gessisse velit, necesse est ut fateatur Magistratus officium esse mendaces, Hypocritas, simulatores omnes extemporanea morte è medio tollere. Deinde, certum non est nec ex textu necessario colligitur, Petrum, Ananiam & Sapphiram morte percussisse, quod Cenfor hic audacter asserit. Dicit textus Petrum acriter objurgasse utrumque, Sapphiræ autem insuper prædixisse simile cum marito excidium. At aliud est occidere, aliud objurgare & prædicere: Ad verba Petri, vel postquam Petrus utrumque objurgavit, Sapphiræ autem etiam mortem prædixit, ceciderunt ambo exanimati, sive id factum fuerit acrimonia & severitate objurgationis, quam sciebant illi justissimam esse, uti quidam volunt allegantes ei fini simile exemplum ex 1. Sam. 25. 37. ubi Nabal audita narratione Abigaëlis uxoris suæ de periculo summo in quo fuerat, *diriguisse* dicitur & post aliquot dies obiisse

Y y

veluti

veluti attonitus & sideratus : sive , quod verisimilius est , divinæ ultionis vi , qua hypocrisin & simulationem illam manifestariam punire & publice traducere ac veluti *μακαριζέειν* voluit : Deus itaque occiderit hos non Petrus : Quare si Cenfor hoc factum in exemplum datum esse velit Magistratibus , necesse est ut concludat , idem semper licere Magistratibus , quod Deo licuit : Si vero etiam velit Petrum hos occidisse verbo vel vi acris objurgationis suæ , idem posse facere Magistratum , si velit , concludat & recte fecerit , nec erit mortalium ullus , qui refragabitur : Nam si objurgationem illam Deus ratam habeat , & eum , qui objurgatur , perimat , justam eam fuisse & divinitus approbatam judicabitur ; Sin minus , liberum relinquetur objurgatis , objurgationi isti non parere , utpote ad exemplum Petri non factæ. Sed hoc lene consilium non ferunt , qui nil nisi scalptra & cauteria , equuleos , & carceres spirant. Quid mirum ? Si verbo coercere aut occidere hæreticos aggredierentur , puderet eos suæ stultitiæ : Non subita sed lenta mors hæreticorum sequeretur. Compendia amant : Gladio subitam mortem inferunt , ne Petro dissimiles videantur & seipsos ludibrio non propinent : Nempe uno ictu occidere & repente exanimare , est Petrum imitari. O stultum sæculum ! Nota interim , Lector , an , cum hoc exemplum inter alia refert Cenfor , non clare satis testatum faciat , se credere Magistratui etiam licere hæreticos non tantum coercere , sed & capite plectere , sive morte punire ad exemplum Petri : Et hoc cum ita sit , nihilominus tamen videri vult credere intra corporales coercitiones tantum standum esse , quæ scilicet ad emendationem non ad perditionem spectant.

Refellitur argumentum ex facto Pauli desumptum , quo Bar-lesum cecitate percussit Actor. 13. 8. 9. 10.

Porro inquit , *Paulus Bar-lesum Pseudopropheta* , qui *Sergium proconsulem avertibat à fide* , *hominem plenum dolo* , *maleficum* , *filium diaboli* , *hostem justitiæ* , ut illi exprobrat Paulus , cecitate corporali percussit , Acto. 13. 8. 9. 10. Hoc factum plane alienum est à re : Nam Elymas iste nec hæreticus erat , nec cum hæreticis conferri potest : Nimirum Iudæus & Pseudopropheta erat , alienus adhuc à fide Iesu Christi , adeoque ex professo se opponens prædicationi Euangelii , cujusmodi homines pro hæreticis censere , eosque occidere aut poena corporali afficere , licitum esse negant ipsi Pontificii hæreticidii patroni juratissimi. Deinde Magus erat , plenus dolo , & ad quodvis scelus facilitatus , hostis justitiæ omnis , filius diaboli &c. quorum nihil convenit hæreticis istis , de quibus hic agitur , quos supponimus probos , pios & innoxios homines esse , sed in errore aut hæresi sua pertinaciter tantum persistentes , non

non quia volunt errare, aut quia non volunt ab errore suo liberari, sed quia se errare in animum suum non possunt inducere, parati quamlibet potius mortem tolerare, quam à sententia sua contra conscientiam suam discedere. Atque hæc sufficiant ad facta Apostolorum extraordinaria, quæ Censor citavit: Quibus unum tantum coronidis loco adjiciam; Iniquissimum esse, ut, quæ primis istis temporibus ab Apostolis facta fuerunt, ad hæc nostra tempora transferantur. Nimirum primis istis temporibus judicia Apostolorum certa erant & indubiæ veritatis, contra quæ nemo excipere poterat, nisi dedita opera contumax esse vellet aut Religioni Christianæ nuntium remittere: Quare qui istis non acquiescebant in omnibus & interim Christiani esse atque haberi volebant, ii dignos se reddebant quovis supplicio. Nostrorum temporum alia longe est ratio: Nempe oracula ista cum ipso Apostolorum sanctissimo choro desierunt, & judicia omnia, licet centumvitalia, errori sunt obnoxia, adsentientibus Censoribus & Reformatis Ecclesiis omnibus. Quare nunc contumaciæ & pertinaciæ isti notoriæ locus non est: Cui adde, quod tempora, quæ Apostolorum mortem usque ad ætatem nostram secuta sunt, tam densa ac profunda errorum, hæresium, schismatum, dissensionum caligine involuta atque obsita fuerint, ut mirum non sit multos in dijudicandis erroribus & evolvenda ista caligine hallucinari, unoquoque reperto, quo errorem suum tueatur & colorem det pertinaciæ suæ. Fatetur ^{Theod. Beza in præfatione ad N. Testamentum.} id Beza in præfatione sua ad N. Testamentum, ubi *Patres & Concilia non particularia tantum, sed & generalia in iis, quæ ad doctrinam spectant, non obscure tantum, sed & imperite judicasse, fidenter asserit, usque adeo, ut optimis etiam temporibus illis eam dicat fuisse nonnullorum Episcoporum partim ambitionem, partim futilitatem & ignorantiam ac multorum etiam apertissimam ac desperatissimam improbitatem, ut Satanam ipsum plane catibus eorum præfuisse vel ipsi cæci facillime perspiciant.* Deinde ^{Distinctio faciendi est inter tempora Apostolorum & nostra.} tempora Apostolorum erant veluti prima vagientis adhuc Ecclesiæ incunabula & quasi rudimenta Societatis Evangelicæ: Cætus Christianorum erant viles, despecti & nullius pæne nominis ac splendoris: Concilianda itaque erat divina quædam reverentia eorum fundatoribus, & autoritas eorum stabilienda privilegiis extraordinariis de cælo, ne plane vilesceret aut apud rudia & variis adhuc præjudiciis obfusa ingenia vacillaret. Horum serviebant inusitata & admiranda quædam autoritatis ac potestatis eorum signa atque indicia, quibus testatum fiebat, præscriptis eorum parendum esse ex

animo, & jussibus eorum incunctanter cedendum, nisi Deum ultorem in caput suum accersere vellent, qui in familiam & disciplinam eorum se dederant : Nostra vero hæc tempora ad adultam Christi ætatem pertinent, quæ factis istis roborata & confirmata est, quæque ad sui stabilimentum fulcris & adminiculis istis non eget, quibus ætas prima atque infantilis opus habebat. Decreta & statuta Apostolorum omnes pari fiducia amplectimur, omnes istis Sacramentum dicimus. De sensu eorum si controversia incidat, eam ex illis ipsis decretis statutisque decidi volumus : Sic statuminatur & facta recta manet Apostolorum autoritas : Rationibus ergo utendum est hinc inde. Hæc virorum est & eorum, qui, ubi factis extraordinariis decisio fieri non potest, rationibus Apostolicis urgendi & cogendi sunt, ut exercitatos sensus habere discant in scriptis Apostolorum ad dijudicationem boni & mali. Si virgis, si carceribus, si fustibus, equuleis, gladio, igne, rota sententiæ tuæ fidem facere velis, ad infantiam redis & Ecclesiam jam ex phebis egressam ad cunas & virgas revocas : Nec Apostolos imitaris, quando non ut illi miraculosis & inusitatis factis, nec verbi nec spiritus virtute asserere potes sententiæ tuæ veritatem, sed affectibus tuis indulges, dum factis humanis, imo plane inhumanis, quæque divinum nihil præ se ferunt, id est, mere externa vi eam propugnas & sic vestigiis Apostolorum insistere iisque consentanea facere videri vis, quasi non cum viris, sed cum infantibus tibi res sit, qui quantum inter tua ista & Apostolica facta interfit, dijudicare non valent. *At nisi sic agatur*, inquires, *manebit semper lis indecisa*. Cur ? decide eam judicio tuo : At decisionem illam respuent alii ; Decide ergo eam facto aliquo Apostolico, ut decisionem tuam divinam & neutiquam respuendam esse omnibus constet ; verbo respuentes exanima cum Petro, oculorum usu ad tempus priva cum Paulo, trade eos cum eodem Satanæ flagellandos & castigandos. Ferro tantum abstinere & vinculis, quibus usi Apostoli non sunt : Si non potes, fatere ergo infirmitatem tuam, & quod unum potes, rationibus firma sententiam tuam, quas Apostolicas esse credis, aut si hoc nolis, quod tute tibi in alios jus indulges, idem aliis in te sibi sumere posse cogites : Sic decisio litium in Christianismo à fortioribus fiet non à melioribus, & bonæ causæ ac decisionis signum erit, viribus pollere supra alios, quibus dissentientes possis constringere, ut de iis mereat carnifex. Ultimo loco adfert Censor id quod de Antichristo, ut ait, *ejusque peremitione per Magistratum diserte dicitur*, quod decem cornua, id est, reges illi decem odio persequen-

Exceptio diluitur.

Refellitur argumentum ex Apocal. 17. 17. defunctum.

*tur meretricem & solam illam reddent & nudam, & carnes ejus comedent, ipsam igne absument : Deus enim dedit in corda eorum, ut faciant quod beneplacitum ei est. Quo quid evidentius esse potest, ait Cenfor, ad demonstrandum quod Magistratus potestas etiam eo sese extendat. Nempe ergo Antichristus non coercendus tantum, sed ferro flammaque excidendus est ex sententia Cenforum. Esto : Hoc enim volunt, quicquid hic illic sententiam suam dissimulent. Sed quid hoc ad rem ? De Antichristo agitur, inquit Cenfor, in loco citato. Esto. Demus hoc Cenfori. At hic jam non de Antichristo blasphemante & sanguine Martyrum, quos hæreticos vocant, sese inebriante, quin & Reges Principesque contra eos incitante, sed de hæreticis errantibus & Antichristum ejusque persecutionem detestantibus agitur. Deinde de potestate Magistratus Christiani, non de potestate Regum à fide Christi alienorum hic quæritur. His enim ne Calvinus quidem concesserit potestatem aut jus in eos, qui hæretici vocantur, nedum ut jus illud iis à Deo expresse concessum esse asserat. Denique nec ex textu patet, Regibus his potestatem à Deo tribui contra Antichristum, nedum contra eum qua Antichristus est. Quod enim in textu dicitur, *Deum in corda eorum dedisse ut faciant* *τὸν νόμον αὐτοῦ* (quod Cenfor inepte exposuit, quod placitum ei est, *νόμον* enim sententiam, consilium, decretum potius significat, quam id quod placitum Deo est.) id non significat, Deum Regibus istis potestatem illam dedisse seu daturum aliquando esse (Prophetiam enim hanc Molinæus in libro suo de completionem prophetiarum nondum completam sed complendam aliquando esse dicit) ita ut jure Regio, sive quia Reges, Principes & Magistratus sunt, eam exercituri sint, alique etiam Magistratus simili jure eam exercere possint, sed nihil aliud, quam id, quod aliquando divina directione & Providentia per Reges istos à Deo exequendum est, quando videlicet eorum opera & brachio utetur ad extirpandam meretricem istam, quæ peccatis suis enormibus, *quæ in calum ascendisse dicuntur*, cap. 18. vers. 5. iram & ultionem cælestem in caput suum provocavit ; ut plane conveniat cum eo quod apud Esaiam cap. 10. de Rege Assyrio legitur, quo Deus ut *virga furoris sui* usus erat contra Iudæos, quemque Deus ipse *se misurum* dicit *eique mandaturum ut spoliet spolia & prædetur prædam & ponat gentem* (Iudaicam) *in conculcationem sicut lutum platearum*. Non quasi ei Deus potestatem aut jus daret id faciendi, sed quia ejus animum sanguinarium & dominandi cupidum directurus erat ad scopum istum, quem propositum sibi habebat, prout ex sequen-*

tibus patet. *Ipsē enim, inquit textus, non sic existimabit, nec cor ejus ita reputabit: Sed ad perdendum se putabit missum in corde suo & ad excidendum gentes non paucas, &c.* Hinc visitaturus eum etiam Deus dicitur eam ipsam ob causam & excidii poena ulturus vers. 12. *Et erit cum compleverit Dominus omne opus suum in monte Sion & in Ierusalem, visitabo super fructum magnitudinis cordis Regis Assur & super gloriam altitudinis oculorum ejus, &c.* Quod ipsum non obscurum indicium atque argumentum est, Mandatum hoc & missionem hanc Dei non notare dationem sive collationem potestatis vel juris, quo legitime uti, ut Rex, poterat Assur, sed tantum directionem divinam, qua Regem hunc Assyrium potestate sua regia abuti volentem, & nil nisi sanguinaria consilia, ac magnitudinem imperii animo agitantem veluti rivulum, aquilegis instar, flexit & direxit contra populum Iudaicum ad eum affligendum, & propter peccata sua puniendum: Simile est quod 2. Sam. 16. legitur, quo Deum dixisse ad Simei Propheta David affirmat, ut malediceret Davidi, & quidem addito expresso mandato,

Sensus loci
2. Sam. 16.

Maledic Davidi: Quis ex eo collegerit, Deum dedisse potestatem Simei maledicendi Davidi, ita ut Simei jure id fecisse & divino imperio motus videri debeat? directio tantum divina indicatur, qua homini ad maledicendum prono occasionem maledicendi adeo luculentam præbuit, ac si ei dixisset, en quod vis jam facito, quam ille arripuit injustissime & contra expressam legem, quæ Principibus populi maledicere diserte prohibet: Eodem sensu dicitur Deus Psal. 105. 25. convertisse cor Agyptiorum ut odio haberent populum suum, ut machinarentur dolos in servos ipsius, non dando eis potestatem aut jus eos odio habendi, sed per beneficia, quæ populo suo faciebat, eorum perversa ingenia quasi irritando, ut de populo isto frænando & molestissima servitute obruendo cogitarent. Idem hoc in loco à Deo factum esse, vel aliquando futurum phrasi hac, dedit Deus in corda eorum ut facerent τὸν γνώμην αὐτοῦ cur non intelligatur causa nulla est. Quare argumentum hoc stipula est, quæ examinis ignem non fert: & confirmatur id quod diximus ex iis quæ seq. cap. 18. dicuntur, ubi Christus Dominus populo suo diserte mandat ut reddant Babyloni sicut ipsa reddidit, & duplicent ei duplum secundum opera ejus, &c. Nemo enim ex verbis istis recte collegerit, ergo cuilibet Christiano potestas à Deo datur, Antichristum & sedem ejus omni malorum genere afficiendi & ultionem conduplicandi. Nam ejusmodi orationes propheticae quæ emphatice & cum προσφωνήσῃ seria proponuntur, non tam continent, quid fieri debeat,

beat, aut quid facturi sint ii, ad quos eæ pertinent, quam prædictionem ejus, quod aliquando futurum est, ut sensus sit, Reddetur ei duplum &c. vestra causa sive eo quod vos afflixerit sine causa aut ratione ulla, perinde uti pauperes quos liberalitate nostra nobis conciliavimus *recepturi nos dicuntur in æterna tabernacula* Luc. 16. 9. & *Nimivite ac Regina Austri condemnaturi dicuntur* Iudæos incredulos *in die judicii* Matt. 12. 41. 42. Haftenus ergo de dictis factisque extraordinariis, quæ citavit Cenfor, actum est.

Post hæc examinat Cenfor loca, quæ Declarationi suæ ad marginem adscripserunt Remonstr., quibus probant eos, qui disciplinam Ecclesiasticam non tantum cum potestate carnali & vi coactiva exercent, sed etiam ad corporales punitiones & supplicia capitalia extendunt (præsertim sub prætextu hæreseos vulgo sic dictæ) potestatem nimiam, imo prorsus alienam & illegitimam sibi arrogare. *Nequicquam valent*, ait Cenfor, At mirum est hæc loca sugillari aut labefactari à Censore, cum non adferantur in Declaratione nisi contra capitalia hæreticorum supplicia, quæ tamen Cenfor videri vult nec approbare, nec suadere. Sed ubique prodit se suopte indicio; Nam ex una parte, dum loca pro jure non occidendi sed coercendi hæreticos adducit, promiscue citat ea, quæ pro jure occidendi non minus quam pro jure eos coercendi militare debent si rigide urgeantur. Cum loca à Remonstr. citata contra hæreticidium examinat, non minus confutat ea, quæ contra hæreticorum cædem, quam quæ contra simplicem eorum coercionem militant, uti hoc in loco videre est: Quod certissimum indicium est Censores hæreticidii favere, quicquid sententiam suam cælare & dissimulare satagant. Parabola de Zizaniis non evellendis primum ab eo convellitur: Non diffiteor quidem parabolam istam de hæreticis hominibus directe non agere, quamquam tota pæne Antiquitas & Reformatorum complures ita credunt, nedum ut de iis tantum agat. Per Zizania enim potissimum vel ii, qui vitam Evangelio, quod profitentur, dignam non vivunt, vel qui etiam si Evangelium non profiteantur, isthic tamen ubi Evangelium recipitur in impura sua vita perseverant, & piis ac fidelibus hominibus perpetuo veluti scandalo sunt: non quidem tales, qui manifesti legirupæ sunt, fures scilicet, latrones, adulteri, sicarii, perduelles, &c. sed qui carnales & mundani sunt & voluptati, ambitioni, aut avaritiæ totos se mancipant: Hoc, inquam, non diffiteor: Interim argumentum quod ex parabola istius scopo petitur contra hæreticidii, solidum videtur: Nam

si finis

Vindiciæ locorum ad marginem Declarationis citatorum.

Parabola de Zizaniis citata vindicatur.

si finis Christi est ostendere Zizania ista, id est, profanos & mundanos istos homines non esse à nobis è medio tollendos & igne comburendos, sed divino iudicio usque ad ultimum diem relinquendos, quanto magis itaque concludendum est, homines hæreticos, id est, in errore imprudenter sed pertinaciter persistentes, alioquin inculpata & innoxia prorsus vitæ, è medio tollendos non esse? Consequentia per se plana est. *At sic*, inquit Censor, *non modo civilis cohibitiva potestas, sed et Ecclesiastica disciplina evertetur*. Quæ ratio? Aliud est disciplina Ecclesiastica, aliud hæreticidium. Hoc damnat parabola, non illam. Quare si Ecclesiastica disciplina hæreticorum è mundo sublationem, sive hæreticidium aut exerceat aut suadeat, directe impingit in hanc parabolam. *At in hac parabola non agitur*, inquit Censor, *de Magistratu sed de Pastoribus*: Imo vero, inquam quia de Pastoribus agitur, idcirco pastorum est Magistratum commonefacere, ne officio suo abutatur in occidendis istis, quos Servator & Dominus noster Iesus è medio tolli vetat. Nec enim Pastoribus id vetatur, quia officium eorum distinctum est à Magistratus officio, sed quia id Deo ingratum, & plane voluntati ejus repugnans est, sive quia id Christianis qua talibus illicitum est: Sed videantur quæ hac de re prolixè tractavit *Minus Celsus Senensis* in libro suo de hæreticis capitali supplicio non afficiendis, sect. 2. Secundus locus quem Censor carpit est ex Epist. ad Gal. 4. 29. qui ita habet; *Is qui secundum carnem genitus est persecutus est eum qui natus (erat) secundum Spiritum. Ita et nunc. Quid hoc ad rem facit*, inquit? *An hæreticus secundum Spiritum natus qui in manifesto opere carnis versatur?* Non sane. Sed persequi alium, tribuitur ei qui secundum carnem genitus est, tanquam *ιδιογενὴς υἱὸν πατρὸς*, quasi legere-tur, Ismael homo carnalis, sive vi carnis genitus persecutus olim est fratrem suum Isaacum natum secundum Spiritum, sive vi promissionis, aut virtute Dei, quæ Spiritus est, non vice versa, ita etiam nunc & omni tempore accidit: Spirituales & religiosi homines nunquam persequuntur carnales, mundanos, & ex arbitrio suo viventes, sed contra hi persequuntur istos. Hoc enim carnis ingenium est. Spiritus lenia, moderata, & benigna omnia suadet ad aliorum emendationem. Caro aspera, sæva, crudelia & sanguinaria consilia contra sibi dissimiles agitat, nec quiescit donec eos è medio sublato videat. Hinc vis argumenti manifesta est, quam pessime pervertit Censor, cum locum istum à Remonstr. allegatum sic accipit, quasi Remonstr. hæreticum hominem vocent secundum spiritum natum, & hæresin opus

Diluitur Cen-
soris exceptio.

Vindicatur lo-
cus ex Episto-
la ad Gal. 4. 29.
depromptus.

opus faciant non carnis sed spiritus, plane præter & contra Remonstramentem. Interim non volunt Remonstr. hæresin istam, de qua hic inter nos agitur, esse istam hæresin, quam Paulus carnis opus vocat. Nihil minus. Hæresis quæ carnis opus est, manifestum opus carnis est: At hæc, de qua quæritur non est manifestum opus carnis: Sæpissime enim innocentissimi & optimi homines, carnis & mundi ocores ac contemptores, hæretici esse deprehenduntur, id est, errori alicui pertinaciter insistentes. Nec quisquam est hæreticus, qui si hæresin suam opus carnis esse intelligeret, non statim eam abdicaturus sit & deserturus. Hæc obiter. *Sed an id Magistratum concernit?* Ita sane. Magistratus, si persequatur eum qui errore solo mentis laborat, neque quicquam facit contra leges civiles aut Societatis jura, carnalis est, & vestigiis Imperialis insistit, nec spiritualis aut veri Christiani titulo dignus est. Carnalis enim persequitur spiritualementem, Spiritualis nunquam persequitur carnalem, id est, mundanum hominem. Nec officium, quod Magistratus gerit, facere potest, ut si persequatur eum, qui legirupa non est, sed carnalis tantum ac mundanus, nihilominus tamen spiritualis esse non desinat: Ubique militat hæc Apostoli sententia. *At ne sic quidem*, inquit Censor, *quenquam Ecclesia ejicere licebit cum tamen subjiciatur. Sed quid dicit Scriptura? Ejice ancillam & filium ejus.* Inepte. Aliud est ejicere ex Ecclesia, sive excommunicare, aliud persequi & longe aliud occidere: Non persequitur qui excommunicat, secedit tantum ab eo quem excommunicat, & eum res suas sibi habere jubet: Deinde ejectio illa inepte ad excommunicationem adducitur: Nec enim fratris Isaac ista vox est, *Ejice ancillam & filium ejus*, sed Dei ipsius, significantis tantum veluti in typo quod carnalis nullius prærogativæ sed solius istius rei rationem habere velit, quam ipse probat & requirit, ad hoc, ut quis æternæ vitæ hæres fiat, uti exponitur ad Rom. 9. 9.

Distinctio inter hæresin vulgo sic dictam & hæresin, quæ carnis opus ab Apostolo vocatur.

Tertius & ultimus locus, quem carpit Censor, est desumptus ex Luc. 9. 55. ubi conversus Iesus, Discipulos suos desiderantes ut ignis descenderet ex cælo & consumeret Samaritanos, objurgasse dicitur in hæc verba, *Nescitis cujus spiritus sitis.* Ex hoc loco nihil aliud efficitur (inquit Censor) quam quod Samaritanis Christum non recipientibus, eamque ob causam Apostolis Zeli intemperie & stulta imitatione vindictam adversus eos homines à Republica Judaica alienos, exposcentibus, talis his vindicta à Christo fuerit inhibita, sed Discipulis non autem Magistratui. An vindictæ privatæ studium fuerit quod hos sive Apostolos omnes, sive duos à Christo missos, *filios tonitru* abripuit, non disputo. Quin zelus

Vindicatur locus desumptus ex Lucæ 9. 55.

Z z z

præceps

EXAMEN CENSURÆ

præceptum & valde vehemens fuerit, non est dubium. An stulta imitatio zeli Eliæ fuerit, in medio relinquo. Duo tantum dico. Primum, exceptionem hanc Cenforis admodum esse ineptam, cum dicit, ex hoc loco nihil aliud effici, quam vindictam istam discipulis quidem prohibitam fuisse, at non Magistratui. Sic enim tacite videtur concedere, vindictam ejusmodi licitam quidem esse Magistratui, sed neutiquam Pastoribus aut verbi Dei Ministris, quod ingens paradoxum est. Alterum est, argumentum, quod ex hoc loco desumitur, non recte accipi à Cenfore. Tale enim est: Si Christus Discipulis aut Apostolis suis non permisit, ut votum cœlestis punitionis conciperent contra Samaritanos, solo Religionis suæ amore & Zelo transitum aut comitatum ipsis renuentes; ergo multo minus permittere eum credendum est, ut in hæreticos sive religionis aut conscientiae solius causa à nobis dissidentes, & interim paratos promptosque ad nos omnibus caritatis & benevolentiae officiis juvandum, sævitia ulla aut exerceatur aut exerceri procuretur. Consequentiae vis per se manifesta est. Dicere, Christum hæc prohibere tantum Discipulis sive Apostolis suis, quia aut qua discipuli sive Pastores erant, nullo prorsus fundamento nititur, imo contrarium non obscure arguit oratio Christi, & quæ ei subjungitur ratio. *Nescitis, inquit Servator, cujus Spiritus sitis, Filius enim hominis non venit ut perderet animas hominum sed ut servaret.* Sensus enim manifeste hic est, non advertitis quo Spiritu ducamini & quo Spiritu vos duci oporteat, si filii hominis, id est, mei Discipuli atque imitatores esse velitis: Spiritus ille, qui vos nunc stimulat acer & vehemens est, tendens ad perniciem & internecionem hominum Religionis suæ zelo seductorum, eaque de causa vobis mihi que non benevolentium: Iste Zelus perdit animas, quæ servari poterant, & ad quas servandas omnia tentanda erant. Sed Spiritus ille, quo vos contra dissidentes & religionis causa vos odio habentes, duci oportet, omnesque eos, qui me præceptorem sequi amant, mitis, lenis, placidus, & benignus est, qui non de occidendo, sed de servando cogitat. Hunc responsum hoc Christi generale esse apparet adversus omnem in religionis negotio sævitiam, non autem singulare adversus istam tantum sævitiae speciem, quæ ultionis studio exercetur, vel de hoc tantum aut illo infidelium genere. Atque hæc ad locorum citatorum vindicias factis sunt.

Secundum argumentum, quod Remonstr. obtendunt adversus coercionem hæreticorum, est, ait Cenfor, *Quod prophetia libertatem ea*

tem ea ipsa sententia opprimat. Mirum quod Censor vocem *conscientiarum* omiserit, quæ magnum argumento pondus dat, aut si velis, novum & validum argumentum in se habet: Quid? an puduit eum argumentum istud tangere? Ita videtur, ne se ipsum ludibrio prostitueret. Iam enim eo dementiæ eventum est, ut conscientiarum libertas opprimi non credatur, dummodo cuique quod vult sentire, liberum permittatur, etiamsi alioquin severissimis edictis exercitia & segreges omnes coetus prohibeantur, & in transgressores omnium poenarum generibus strictissime animadvertatur. Huc dementiæ inquam jam eventum est, ut istud Dordraceni Reformatores jam palam publiceque profiteri non erubescant, quin & scriptis, libellis supplicibus, concionibus, aliisque quibus possunt modis, omnibus persuasum velint, adeoque supremis Patriæ Reſtoribus, tanquam rem certam & minimæ controversam, atque à primis Reformationis incunabilis defensam & propugnatum, repræsentent & inculcent tam pudenda temeritate, ut qui inter eos paulum emunctioris naris sunt, non possint non hæsitare, stupori eorum an impudentiæ tribui debeat tam infamis & notorie falsa assertio. Vidit hoc fortasse Censor, itaque præterire maluit argumentum, quam cum istis misereolvere, & contra communem Belgarum sententiam, veluti contra Solem, loqui. Tamen principale argumentum est, cujus ante alia omnia ratio habenda fuerat: Hoc itaque tanquam insolubile aut saltem de industria a Censoribus præteritum nos hic non urgebimus amplius. De prophetiæ libertate, quam per hæreticidii doctrinam opprimi dicit Declaratio, videamus. *Quid* (inquit Censor)? *An prophetia ita tollitur, dum non rectus usus prophetiæ, qua tantum versatur circa insignem verbi interpretationem, sed hæreseos (qua quocunque gradu accipitur, non prophetia sed prophetia everso est) audax licentia cohibetur?* Non sane. Aliud est libertas prophetandi, aliud audax hæreseos licentia. Inter effrænem licentiam, & superbam Tyrannidem seu coactam servitutem, libertas media est. Neutrum extremum probant Remonstr.

Virtus est medium vitiorum utrinque redactum.

Verum enimvero Censoris partes fuerant hic ostendere, qua re libertas prophetandi vera, ab audace licentia distingui debeat. Nam alioquin facile licentia vocatur id, quod non nisi ipsissima libertas est. Tyrannorum est odiosa nomina prætexere rebus optimis, quas sublatas cupiunt. Libertatem non volunt videri opprimere nisi odio licentiæ. Nihil usitatus, nihil speciosius. Optima invisâ reddi non

Z z z 2

possunt

Vindicatur argumentum de libertate prophetiarum.

Notatur Censor, quod argumentum de libertate conscientiarum præterierit, cum tamen principale sit ac palmarium.

possunt nisi sub persona & larva pessimorum. Idem hic facit Cenfor. Sufficit dum libertatem prophetandi veram suffocatam vult, non libertatem, sed licentiam tantum audacem à se opprimi dicat: hoc si satis est, nihil restat quo libertas prophetandi asseratur: Habent Turcæ, Pontificii, Lutherani, Anabaptistæ, sectæ denique omnes, quo dissentientes tuto coerceant & opprimant: Nempe quælibet ab eorum placitis dissensio, non nisi audax licentia erit, quam à se opprimi jure posse clamabunt. Nec finis erit nisi libertatis & licentiæ fines recte designentur, non ex arbitrio partis dominantis, aut ejus cujus interest quomodo distinguantur, sed ex natura rei ipsius, quæ tum optime intelligitur, cum is, qui dominatur se ponit loco ejus qui opprimitur. Nos, quia hæc & similia Cenfor non fecit, paucis ea de re dicemus sententiam nostram. *Prophetiam dicit Cenfor esse quæ versatur circa insignem verbi Dei interpretationem*: Inepte, si insignis interpretatio significet interpretationem quæ tantum recta & bona est, sed in genere rectarum excellit & eminet. Hoc enim sensu prophetiæ vox in hac materia non usurpatur. Quælibet interpretatio intelligitur, quam quis sensui & menti Dei optime quadrare credit. Libertas itaque prophetandi est liber ius interpretationis usus, ita ut quis, juxta illam Deum colere permittatur, eo cultus modo, quem à Deo sibi præscriptum credit, absque ullo dissentientium odio aut insectatione & legum publicarum ad honestam & civilem conversationem pertinentium violatione. Libertatem itaque hanc constituit bonæ conscientiæ & sanctæ atque innoxie vitæ studium. Vbi conscientiæ stimulus in causa, & sanctæ atque innoxie vitæ studium pro scopo non est, ibi non libertas, sed libertatis abusus quæritur. Conscientiæ stimulus excludit pruriginosam omnem libidinem altercandi & rixandi de levibus, minutis, & nullius aut exigui usus quæstionibus, quæ nec scientem juvant, nec ignoranti nocent, cujusmodi erant stultæ illæ quæstiones, de quibus Apostolus loquitur Tit. 3. & 1. Tim. 1. Qui enim istis seipsum aliosque præfracte vexat, eum hæreticum appellat Apostolus, qui *αὐτοκαταργητός* est, quippe qui convictus est apud animum suum eas leves & nullius usus esse, & nihilominus tamen eas, ubi ubi potest, avide arripit, & mordicus tenet, ut occasionem litigandi & contendendi habeat, unde & eum *devitari* jubet post unam aut alteram, de quæstionum istarum inutilitate, admonitionem. Sanctæ vitæ studium excludit dissolutionem morum, & profanam vivendi licentiam. Innoxie vitæ studium excludit seditiones, factiones, convitia, maledicta, & includit

Sententia Remonstrantium de Prophetiarum libertate dilucide ac fuse proponitur.

Quis Paulo Tit. 3. sit *αὐτοκαταργητός*.

includit liberam & liberalem dissentientium tolerantiam, five ea fiat in iisdem five in diversis cœtibus. Hæc est libertas illa quâ Remonstr. factam rectam custodiri volunt, & quam in Declaratione sua opprimi dicunt ab iis, qui hæreticidium, vel quamlibet corporalem eorum, qui hæretici vocantur, coercionem aut suadent aut non improbant. Quicquid citra aut ultra eam datur, id aut licentia aut servitus est. Neque tamen inficias imus, quin libertas hæc degenerare aliquando possit in licentiam, vitio eorum qui affectibus suis in transversum abripi se sinunt. Vicina enim virtutibus sunt vitia. Sed ea rerum humanarum conditio est, ut à medio ad extrema facile deflectant, & nihil usque adeo certum ac constans detur, quod periculo mutationis obnoxium non sit. Quid ergo inquires cum Censore, *an libertas hæc etiam extendenda erit ad eos qui ἀκίνητοι κινῶσι & nec Ecclesia nec Magistratui licebit tales coercere aut reprimere?* Nequaquam. Qui ἀκίνητοι κινῶσι, ii hæretici non sunt, sed divinæ veritatis manifestarii contemtores. Quæ enim ἀκίνητοι sunt, ea tam clare ac dilucide definita sunt à Deo, ut à nemine sine divinæ veritatis contemtu negari possint, aut in dubium vocari. Nisi hoc ut certum statuatur, nihil non erit ἀκίνητον. Quælibet Secta suas habet hypotheses, sua principia, quæ ἀκίνητα censet. Tum ἀκίνητα quædam creduntur, quæ communiter, aut longo usu recepta sunt, ac proinde etsi manifeste falsa, aut prava, aut valde dubia sint, movenda tamen non creduntur, ne turbetur tranquillitas publica, aut veri etiam articuli in suspensionem vocentur, & paulatim eorum ruina sequatur. Politicorum axioma est, τὸ κακὸν εὖ κείμενον, ἔκ ἐστὶ κινήτεον. Malum bene positum non est loco movendum: At licet id in leviculis quibusdam, five dogmatis, five ritibus diuturna consuetudine radicatis locum habere possit; attamen in iis, quæ magnæ five necessitatis five utilitatis esse creduntur, nequaquam valere debet apud eos, qui à Pontificiis secesserunt, & Ecclesiæ competere negant auctoritatem infallibilem statuendi quæ ἀκίνητα habenda sint ab omnibus. Enimvero nisi Deus ipse clare pronunciet quæ ista sint, quo jure censentur ἀκίνητα? Nec præscriptio temporis, nec consensus Doctorum, nec auctoritas conciliorum ad id sufficiunt: Alioquin actum est de Reformatione. Pleraque enim ista quæ Reformati moverunt contra Pontificios, ea ἀκίνητα five μὴ κινήτα censuit Romana Ecclesia. In Reformatos ergo jure Magistratum concitavit, hodieque concitat Ecclesia Romana, tanquam in eos, qui non dubitant ἀκίνητος κινεῖν. Sin minus doceat ergo Censor, unde infallibiliter colligi possit ac debeat,

An libertas
prophetandi
extendenda
etiam sit ad
eos, qui
ἀκίνητοι
κινῶσι.

quæ ἀνίηται ista sint, quæ movere audax licentia est, & quæ ab iis, quæ Reformati moverunt, plane sunt diversa. Sed mirum est Censores hos usq; adeo solícite coercionem eorum urgere, qui si ἀνίηται κινῶσι, non nisi imprudenter & per errorem purum putum id faciunt, cum de coercendis per Magistratum iis, qui præcepta Iesu Christi de industria & dedita voluntate quotidie violant, cuiusmodi sunt avari, heluones, invidi, superbi, iracundi, ambitiosi, aliique ne cogitent quidem. Et hi tamen isti sunt qui ἀνίηται κινῶσι, qui sciunt se id facere, & in faciundo eo pertinaciter perseverant: Sed

Dat veniam corvis, vexat censura columbas.

Nempe in hos, licet complures exemplo & suasu suo ad eadem peccata & vitia solícitent, Magistratus jus non habet, quamvis certum sit, eos ἀνίηται κινῶν. At in hæreticos & errantes, licet moribus laudatissimis præditi, & vitæ plane inculpatae sint, aliosque ad pietatem exemplo & suasu suo provocent, Magistratus jus habet, quia movent ea quæ ἀνίηται esse non credunt, & sæpe non modo ἀνίηται non sunt, sed talia quæ moveri universæ Christianitatis interest. Quare hæc exceptio Tyrannidis tantum velum videri debet, cuius Reformatos merito pudere debet. Solis Pontificiis ista servit, quibus autoritas Ecclesiæ irrefragabilis norma est, ad quam τὰ ἀνίηται & κινῶντα exigunt. Post hæc respondet ad loca, quæ ad marginem Declarationis sunt. *Non huc faciunt testimonia ista* inquit. *Ac primum Pauli 1. Thes. 5. 19. Spiritum ne exstinguite.* At versus hic in Declaratione ad marginem ne ab ipsis quidem Censoribus citatus est: Versus duo sequentes 20. & 21. adnotati tantum sunt. Fatemur tamen commode eum etiam in Declaratione adduci potuisse, si per *Spiritum* intelligi velimus (uti Censor videtur concedere) spirituales sensuum verbi Dei interpretationes, quas quis se habere à Spiritu Dei, id est, vel per inspirationem & suggestionem Spiritus, vel auxiliante Spiritu divino, sibi persuadet, quo sensu vocem *Spiritus* aliquando accipere videntur Apostoli, uti ex locis allegatis à Censore, 2. ad Thes. 2. 2. & 1. Iohan. 4. 1. videre est. Quanquā & alio sensu hic accipi potest, & fortasse debet, ne coincidat cum versu seq. *Prophetias ne contemnitis.* Huiusmodi Spiritum si exstingui non vult Apostolus, sed uti est, 1. Ioh. 4. 1. probari, examinari & dijudicari ab omnibus ac singulis fidelibus, profecto omnino liberum eum esse vult in Ecclesia. Libertas autem nulla est, si spiritus iste una cum homine ipso aut incarceretur, aut suffocetur, aut stranguletur. At inquit Censor, *An Spiritus est quod cuique insana & corrupta mens, contendendi libido,* adeoque

Vindicatur
locus pro li-
bertate pro-
phetandi in
Declarationis
margine cita-
tus ex 1. Thes.
5. 19.

adeoque *malus Spiritus suggerit* ? Nihil minus. Sed hoc ipsum est Spiritum extinguere, auctoritatem sibi arrogare, Spiritum, qui cum spiritu nostro non convenit, pro insana & corrupta mente, libidine contendendi adeoque mali Spiritus suggestionem censendi, eoque nomine vi armata eum opprimendi. Hoc enim ubi locum habet, ibi non potest dominari nisi unus Spiritus, & quidem is, qui fortius armatus est, sive is bonus sive malus sit. Quod si affirmatio aut iudicium nostrum de Spiritibus ejusdem esset infallibilitatis, cujus erat Apostolorum, cum de variis Spiritibus judicabant, tum speciem habere videretur responsio, quamquam certum etiam est, Apostolos ipsos auctoritate ista sua sic usos non fuisse, ut libertatem hanc probandi Spiritus Ecclesiis ademerint. Nam spirituum probationem iis diserte non semel commendant. At cum iudicium & affirmatio hæc nostra de aliorum Spiritu incerta & dubia sit, fallique possit, ratio ipsa postulat, ut qui cum auctoritate & vi alios Spiritui suo proprio adhærentes, & alioquin probos pioque oppressos deletosque cupiunt, quia Spiritum eorum insanam & corruptam tantum mentem esse judicant, Spiritum directe extinguere dici debeant. Quod ut certum esse intelligatur, age Censor, colloca te ipsum coram tribunali Pontificio, Reformationem dogmatum & articulorum variorum urgentem, & orantem ne Spiritum tuum, quem divinum esse credis, extinguat, quid respondebis si tibi reponat hæc verba tua; An Spiritus est quod cuique insana & corrupta mens, contendendi libido, adeoque *malus Spiritus suggerit* ? Tuis te propriis verbis condemnatum senties. Et jure id à se Pontificiorum tribunal fieri dicet, quia infallibilem judicandi auctoritatem de Spiritibus sibi competere (etsi falso) credit. Ut hic dicas rationes tuas audiendas esse, frivolum est. Audientur & idem respondebitur, insanas eas & corruptas esse. At falso inquires & sine causa. At inquam, quo iudice ? Te ipso ? Inepte. Esto tamen; At cum iudicem te ipsum facias in causa tua, cur aliis Spiritum suum jactantibus idem jus eripis, cum carceres & relegationes adeoque furcas & rogos contra eos decernis ? imprimis cum fatearis te in eo ipso iudicio tuo de aliis errare & falli posse, ii vero qui te damnant se in iudicio de Spiritu tuo falli non posse credant ? Quare à Spiritu vertiginis potius quam à sano & recto profecta videri debet hæc Censoris responsio. Nimirum perfacile & proclive est nomenclaturis, veluti atris carbonibus, notare Spiritus eorum, quos oppressos cupimus. Spiritus quilibet diaboli Spiritus erit si velis, & Spiritus ipse Dei, Beelzebubi Spiritus, ubi ita videbitur & collubrum

Ineptissima
instantia re-
fellitur.

erit

erit animo tuo; hoc si sufficit scribatur utique epicedium universæ Reformationi & damnetur ad æternas ignorantiae atque errorum tenebras Christianus orbis. Qui potentissimus est, Monarcha esto. Eum solum Spiritus Dei agitabit, cæteros omnes insana & corrupta mens, lymphatorum instar & phreneticorum, in devia & præcipitia errorum rapere credetur.

Eadem ratio est alterius moniti, & ad quod digitum intendit declaratio, *Prophetias ne contemnitis, vel ne pro nihilo habete*. Est, inquit Censor, *ubi libertas est aliter atque aliter sentiendi, sed id non universim*. Quasi vero quisquam sit qui libertatem hanc extendi velit in infinitum usque. De hæreticis quæritur, non qui ea quæ in Scripturis aperte decisa sunt convellere audent, sed qui ea, quæ controversa sunt aut contrahi possunt, in dubium vocant. Nemo unquam hæreticus fuit, qui in dubium vocavit an fures, ebriosi, raptores, convitiatores, avari, idololatæ, &c. vitæ æternæ hæreditatem sint consecuturi: An Deus diligendus sit supra omnia, an proximo sit faciendum quod ipsi nobis fieri cupimus, & similia. Hæc enim tam manifesta sunt in Scripturis ut negari non possint ab eo qui Christianus esse vult, aut cui sanum sin cipit est. Qui ea negare audet aut in controversiam vocare, is eo ipso hæreticus non est, sed hæretico multo deterior, imo profanus & Religionis Christianæ contemtor. At quæ extra manifesta ista sunt interpretationes aliorum Scripturæ sensuum, eæ ad libertatem prophetandi pertinent, & cum Scripturæ Dei que reverentia maxima conjunctæ sunt. In his si quis alteri legem ponat quam sequi teneatur, nisi mala morte perire, aut carcere, exiliove mulctari velit, nã is prophetias conculcat & in nihilum redigit, quantum in se est. Si aliter credit Censor, age dicat quando & in quibus prophetiæ libertas locum habere debeat, ne contra præceptum hoc Apostoli agatur. Nam generatim tantum dicere, *est ubi libertas est aliter atque aliter sentiendi, sed id non universim*, uti hic Censor, nihil est dicere. Generalia omnia pronuntiata confusa sunt, & fere nihil nisi Tyrannidis vela. Qui istis utuntur, ii quicquid volunt aliis imperare possunt pro arbitrio suo, & sub speciosis verbis libertatem omnem prophetandi pessumdare. *Sed & falsa prophetia est*, inquit Censor, *quæ certe contemnenda est*. At prophetias non contemnere, non est prophetias, quas falsas esse judicas, damnare aut rejicere. Quilibet id facere tenetur ex præscripto Apostoli. *Probate Spiritus an ex Deo sint* 1. Ioh. 4. 1. & omnia probate, quod bonum est tenete, hoc ipso in loco de quo nunc agimus, sed eas prophetantibus

Libertas prophetandi non extenditur in infinitum usque.

tibus, qui eas veras esse sibi persuadent, aut rationibus tuis adfentiri non possunt per conscientiam, liberas permittere, aut eos, qui interpretationes istas faciunt, sic non damnare, ut, nisi eas interpretationi tuæ submittant, communia tecum civitatis jura habere nolis, adeoque diris modis persequaris. Non contemnit prophetas, qui rejicit quod falsum esse credit, sed qui carcere, exilio, ferro, flammaque ora hominum occludit, ut prophetare non audeant, aut sine summo periculo prophetare non possint; aut prophetas aliorum suæ prophetiæ sic posthabet, ut ferre ac tolerare eas nolit. Nimis magni facit se ipsum & prophetas suas, qui aliorum adeo parvi facit, ut nisi eas deserant, non inferos tantum, sed & carceres atque exilia superba denunciatione iis decernat. Hoc est prophetas *ἐξερῶν* & in nihilum redigere. *Quid ergo*, inquit Censor, *An non pati quemvis quidvis adferere id quoque prohibere Magistratum, erit occasionem dare ut & spiritus extinguatur & prophetia contemnantur?* Sane, si intra nudas adfersiones maneat, easque non aliter quam Scripturis probare velit, paratus cedere meliora adferentibus & dissentientibus a se tolerare. Alterutrum necesse est: Aut libertas hæc communis esse debet, & eo usque extendi, quo eam quisque sibi concedi amat; Aut vis inferenda aliorum conscientiis, & patiendum ut ea inferatur nostris pari jure. Medium non datur. Qui libertatem istam circumscribunt pro arbitrio suo, ii fere negotium suum agunt, & jugum, quod ægre sibi imponi ferunt, alienis conscientiis imponunt, eorumque fidei dominantur. *At pati quemvis quidvis adferere periculosum est* inquires. Cur? Aut enim quod asseritur verum, aut falsum est. Si verum, cur id non admittamus, cur autorem ejus incarcerationemus, aut civitatibus nostris proscribamus? Injuria hæc in Deum auctorem veritatis redundat. Si falsum, facile id revincet veritas, uti Aquilinæ pennæ cæterarum volucrum plumas: Sua sponte disfluet cæræ instar ad Solem. Ille honor veritati habeatur, ut sua luce triumphare permittatur supra errorem & mendacium: Vim si adhibeas, veritati decus suum eripis, & errori pabulum præbes: Nunquam veritas gloriosius vincit, quam cum vi sua vincit, nec metuendum est, ut ea se à nobis subducatur, quam cum eam, aut servitutis nostræ, aut flagitiorum tædet. *At hoc modo*, inquit Censor, *non tantum civilis potestas, sed & Ecclesiastica disciplina revera tollitur.* Nihil minus: Disciplina Ecclesiastica facta recta manet, quæ citra noxam cujusquam est: Quælibet Secta eam exercere poterit pro dictamine conscientiæ suæ, & quod nobis in alios, idem aliis licebit in nos, salvo utrimque communi pietatis studio, & quod Magistratibus debetur, obsequio. Prudentia tamē & moderatione

A a a

magna

EXAMEN CENSURÆ

magna opus est circa eos, quos graviter errare credimus, ceteroquin probos pioſque, ne præpropere aut temere quid fiat & quos conjunctos manere oportebat, non neceſſaria aut immatura ſeparet aſperitas. Cruda omnia conſilia & aſpera vitæ ſunt. Facile vulnus infligitur, ſed lente ſanatur: Circa peccatores id fieri videmus, quanto magis circa errantes id fieri æquum eſt? Et tutius fortæſſe fuerit, errantem, dummodo probus piusque ſit, diutiſſime tolerare, quam unquam à cœtibus noſtris arcere, ſi iis gaudeat, eos amet: Pietas ejus id meretur, & Chriſtianæ commiſerationi id eſt conſentaneum. Sed de his alibi. Quæ ad locum ex 1. ad Cor 14. citatum adfert Cenſor, ea ſunt ejuſdem farinæ, ſi de ordinario prophetandi dono ſaltem ἀναλόγως locus intelligatur, quod Cenſor videtur concedere. Nam quod prophetiam iſtam ἀναλόγως de Doctōrum in Eccleſiâ munere tantum intelligendam eſſe dicit, id vaniſſimum eſt. Prophetia illa commune donum erat, ut quod ab omnibus ambiri vult Apoſtolus, præ quam alia omnia dona. Tum eadem ſingulorum quæ Doctōrum libertas eſſe debet. Singulorum prophetias non minus expendere debent Doctōres, quam ſuas à ſingulis expendi volunt: Ordinis privilegium Doctōres habent, non iudicii. Extraordinariorum Prophetarum alia ratio eſt.

Vindicatur locus citatus ex 1. ad Cor. 14.

Aſſeritur ab objectionibus Cenſoris argumentum Declarationis tertium contra hæreticidium.

Tertium argumentum, ait Cenſor, quod opponunt, eſt, quod ſalutare diſcipline remedium à Servatore noſtro ad peccatores emendandum ſapienter inſtitutum in mortiferum deleterium tranſmutant, &c. Hoc merito, inquit, dixerit Socinus, qui Magiſtratus poteſtatem, in quacunque demum cauſſâ ad capitalem punitionem non extendit. Sed dici nequit ab iis, qui Magiſtratus poteſtatem etiam ad pœnas capitales in rebus criminalibus admittunt, quæ & ipſæ diſciplina curantur. Quali vero aut de cauſſis criminalibus hic agatur, aut diſciplina Eccleſiaſtica, quæ circa criminales cauſſas verſatur, excludat Eccleſiam à jure cenſendi Magiſtratum, ſi in manifeſtorum criminum reos publicâ autoritate non animadvertat. Imo hoc diſciplinæ Eccleſiaſticæ eſt, quæ circa Magiſtratus verſatur, curare, ut officii ſui rationem habeant. Aliud eſt hæreſis, aliud crimen. Hoc ut puniatur curare, quando propriæ vindictæ negotium non agitur, crimen non eſt. Illam qui punit, aut puniri curat, criminis culpam coram Dei tribunali graviſſimâ committit; quia crimē voluntaria culpa eſt, hæreſis planè involuntaria, & proprie dicta innocentia eſt. Similiter quoque, inquit Cenſor, & diſciplina Eccleſiaſtica in deleterium convertetur, dum ea Contumaces & impœni-

impœnitentes ex regno Dei ejiciuntur & Satana traduntur. Quasi vero eadem utrobique sit ratio. Hoc fieri mandat Dominus Iesus; Istud non modo non mandat, sed plane vetat. Error enim innocens est & culpæ expers.

Discrimen inter disciplinam Ecclesiasticam & hæreticidium.

*Haud est nocens quicunque non est sponte nocens,
&c*

Quis nomen nunquam Sceleris errori dedit?

Deinde hoc remedium ad emendationem facit: At nemo unquam capitales pœnas, quas Magistratus fontibus irrogat, ad fontium emendationem facere dixerit. Puniuntur fontes ut pœna ad eos, metus ad plures, Exemplum ad omnes perveniat. Quare qui Ecclesiæ jus competere dicunt, ut Magistratum animet aut armet in capita eorum, quos hæreticos putant, ii salutare remedium Ecclesiasticæ disciplinæ, quod Ecclesiæ conceditum est ad errantes, & qui nulla sua culpa alios seducunt (de istis enim peccatoribus hic agit Declaratio) rationibus, beneficiis & censuris suis emendandum, in deleterium convertunt, & quod saluti eorum destinatum erat ad evertendum ac destruendum eos convertunt.

In conclusione sua duas præterea alias rationes attexunt, ait Cenfor. Quarum una est; *Quocirca qui hæreticidii, aut simili Tyrannidi, aut persecutioni ob conscientiam ullo modo patrocinantur, eos arbitramur à mitissimo Christi Spiritu alienos esse. At Christus, inquit, mitissimus quidem in peccatores respicientes, verum quoque hostium vernatis & regni sui iudex & vindex severus, ut est Apoc. 2.6.9.14.15.20.21.22.24. & 3.9. Ubi odium suum Christus erga hæreses testatur. Hos si Christianus Magistratus arceat & reprimat an eo dicendus immitis? Elumbis & indigna Theologis exceptio: Nam Christi Regis & in cælo dominantis actiones non sunt norma actionum nostrarum, nec exemplum, ad quod actiones suas Magistratus dirigere aut debet, aut jure potest: Christi Spiritus, qui Christianis omnibus, seu subditis, seu Magistratibus pro norma & exemplo est, & de quo agit Declaratio, Ex præceptis, legibus, & vitæ Christi exemplo atque instituto petendus est, quod adeo verum est, ut, ne quidem actiones omnes Christi, quas fecit, dum in terris adhuc esset, pro norma actionum nostrarum habendæ sint. Quin imo, contrarium potius concludendum hic est, idcirco quia Christus Dominus hostium veritatis & regni sui iudex & vindex severus est, nullius esse vindicias istas, quas sibi soli reservavit, præoccupare, aut vindictam corporalem & temporariam sumere de iis (puta hæreticis) quos suo solius*

*Adstruuntur
duæ aliæ rationes contra
hæreticidium.*

I.

Quia repugnat mitissimo ingenio & Spiritui Iesu Christi.

Contra hanc rationem qui à Cenfore adducitur locus ex Apoc. 2.6.9.14.15.20. expenditur,

A a a a 2

judicio

EXAMEN CENSURÆ

Actiones
Christi in cæ-
lo regnantis
non sunt nor-
ma actionum
nostrarum.

Instantia dilui-
tur, Si Christo
actiones istæ
tribuuntur ci-
tra inclemen-
tiæ notam, cur
si eandem Ma-
gistratus ex-
erceat incle-
mens vocabi-
tur.

Discrimen
ostenditur in-
ter Christum
Regem &
Magistratum
punientem aut
occidentem
hæreticos.

judicio æterno puniendos servat: Imprimis cum videamus vindictam & severitatem, qua Christus usus est, maximam partem referri ad extremum judicii diem, in locis à Censore citatis, & si quæ aliæ actiones sint, nulpam legatur, Christum actiones istas suas pro exemplo Regibus imitandas proposuisse, imo quæ præceptis ejus continentur actiones contrarium plane faciendum esse arguant. Adde, si actiones Christi, de quibus agitur in citatis locis ex Apocalypsi, in exemplum trahantur, quod imitari Magistratus jure possit citra inclementiæ notam, tum necesse est, ut Magistratui jus ac potestas detur hæreticos in *lectum abjiciendi & filios eorum morte interficiendi*, id enim Christus sibi in citato à Censore loco Apoc. 2.22. tribuit. Et cum Christus venturus aliquando sit cum igne flammante, ultionem sumpturus de rebellibus, & immo- rigeris, aliisque, quos Censor vocat, hæreticis, idem etiam nunc licere Magistratui concludetur, ut ferro flammaque hæreticos & quicquid hæreticorum est extinguat ac funditus evertat. Sic repente vastitiem fecerit, & mundum eremum, atque ab habitatoribus desertum, aut hypocritis redundantem. Hæc quam sint absurda quis non videt? *At- tamen*, inquires, *actiones hæ Christo adscribuntur citra inclementiæ notam, cur, si eandem Magistratus exerceat, immitis atque inclemens vocabitur?* Rationes manifestæ sunt. Longe diversa ratio est Magistratus & Christi, posito etiam quod in citatis locis de hæreticis, de quibus nunc quæritur, agi concedatur. Nam Christus, qui scrutator renum & cordium est, novit quinam sint vere pertinaces & desperatæ sanitatis hæretici; Magistratus id non modo nescit, sed ne scire quidem potest, adeoque credere debet neminem, qui modo pius ac probus est, studio ac de- dita opera hæreticum esse velle, aut pertinaciter in errore velle perseve- rare, quem æternæ salutis suæ officere novit, imprimis si id serio profitea- tur & mori se malle dicat, quam à sententia sua vel latum unguem dis- cedere. Hinc Christus in puniendo errare non potest; Magistratus facil- lime. Tum Christus in judicando de hæresibus nec odio, nec gratia, nec præjudicio, nec affectu ullo ducitur. At in Magistratu omnia ista lo- cum habere possunt, imprimis præjudicium, quo quantopere fascinen- tur animi nemo nescit. Ex præjudicio enim affectus oriuntur pessimi, & qui non modo non libera, sed sæpe ne decora quidem judicia esse si- nunt. Sed, ut concludam, ne agitur quidem in locis istis de hæreticis qua talibus, sed de prævaricatoribus, & legum Christi transgressoribus, quique alios leges & mandata Iesu Christi transgredi docent, prout

ex tex-

ex textibus omnibus manifestum est. Nimirum agitur de iis, qui *Nicolaitarum doctrinam*, impuris factis contaminatam, tenebant, odi enim facta *Nicolaitarum*, inquit Christus, proinde & doctrinam, quæ facta ista permittit aut suadet; Qualia autem illa fuerint non usque quaque certum est. De doctrina quæ promiscuos concubitus & uxorum communitatem permittit fere accipitur; at quæ impurior doctrina & magis detestanda dari potest? Deinde agitur de doctrina, quæ docet scortari, & ex iis, quæ simulachris immolata sunt edere: denique de doctrina, quæ profunditates *Satanæ* vocatur, opponiturque operibus istis, quæ Christus ad finem usque observari mandat, ut salvi fiamus. Quæ sane omnia arguunt, loca hæc perperam ad hæreticos istos referri, de quibus inter nos quæritur, quos legum Christi retinentissimos esse supponimus, at in sensibus quibusdam interpretandis errare ac perperam sentire. Quare si in hos gladium stringat Magistratus, aut poenis ullis corporalibus sæviat, nec exemplo isto Christi, de quo in locis citatis agitur, se tueri, nec inclementiæ, à Christi mitissimo Spiritu alienissimæ, notam potest effugere.

De Nicolaitis,

Atqui, inquit Censor, neminem alterius corpus, bona, famam lædentem & perdentem, aut Majestatem blasphemantem inultum patietur: occidentem vero animas, Deum blasphemantem, & quidvis, sub prætextu conscientia, dicentem & facientem patienter feret? Hoc sane palmarium est hæreticidarum argumentum, at revera futile, meritoque jure execrandum. Quis enim non videt disparem longe esse rationem facinorosorum & hæreticorum. Illi fatentur facinora sua & sciunt ea suppliciis digna esse divino atque humano jure: hi negant se hæreticos esse, se perperam sentire, se blasphemare, &c. imo contraria omnia protestantur, atque ut protestationi suæ fidem faciant, mortibus omnibus mori malunt, quam aliter agere, ne iram & ultionem divinam in se concitent & æternum pereant. Qui furantur aliorum bona, qui proximum lædunt, aut occidunt, qui Majestatem blasphemant, ii eo animo ea faciunt, ut furentur, ut lædant, & ut blasphement. At qui alios imprudenter seducunt, ii eo animo id faciunt, ut eos in viam reducant, & ab æterna perditione secum præstent immunes, parati gravissima quæque idcirco subire ac ferre, potiusque jacturam fortunarum & vitæ suæ facere, quam à proposito isto desistere, ne Deo ac Domino suo displiceant: Inter hæc quantum sit discriminis qui non animadvertit, næ is cæcus est & hæreticus vere pertinax, dignumque se reddat poena illa quam in alios statuit.

Frivolum Be-
zæ & Censo-
rum argumen-
tum diluitur,
Fures & latro-
nes vitam hæc
nobis eripien-
tes licet occi-
dere, ergo
multo magis
hæreticos oc-
cidentes ani-
mas.

Altera ratio sequitur in Declaratione, Quod id sit inepris & præpo-

Aaaa 3

steris

EXAMEN CENSURÆ

II.

Ratio, quod
hæreticos gla-
dio punire, sit
ineptis & præ-
posteris armis
adversus hære-
ses pugnare,
vindictatur à
Censoris ex-
ceptionibus.

De Malitia &
pertinacia hæ-
reticorum,
paulo prolixius
differitur.

Discrimen in-
ter malitiam
& hæresin.

Ad pertinaci-
am quæ requi-
rantur.

steris armis adversus hæreses pugnare. Ad hanc sic respondet Cenfor; *Certe cum hæresis mentis tantum error est, non nisi similibus armis oppugnanda & expugnanda est:* At juxta Censores ipsos, uti jam ante probavimus, hæresis non potest esse mentis tantum error. Nam de ratione formali hæreseos pertinaciam esse dicunt. Esto tamen, transeat hoc σφάλμα: Nos accipimus hanc Cenforis confessionem, & ex ea concludemus, hæreticos aliis armis quam spiritualibus oppugnandos non esse, quia demonstrabimus, cum Deo, hæresin, de qua inter nos agitur, non debere nec posse nobis videri aliud quam nudum ac merum errorem mentis. *Sed, inquit, cum ad errorem mentis concurrat voluntatis actus maliciosus, perver-*
caciam & obstinationem animi adjunctam habens, &c. Malitiam itaque & pertinaciam sive obstinationem animi requirit ad hæresin, propter quam puniri vult hæreticos & quidem tanquam duo diversa: malitiæ enim pertinaciam adjungit. Nos de utraque paulum videamus: De blasphemia, & Reipub. perturbatione quæ adduntur, ea jam ante ex professo ventilata sunt, nec repetentur hic à nobis, ne actum agamus. Ac malitiam quidem, quam *malitosum voluntatis actum* Cenfor vocat, quod attinet, de ea nemo, nisi solus Deus judicare certo potest. Humana omnia judicia de mente animoque alterius incerta sunt, conjecturæ fallaces, consequentiæ dubiæ, nisi cum quis aperte culpam & crimen fatetur, aut quod malum esse novit, nihilominus tamen facere vult. Tum enim homo seipsum judicat & animi sui secretum nobis aperit. Contrarium in hæresi est. Nemo enim dedita opera errat, aut errare se sibi persuadet, cum de æterna salute sua agitur. Quare fas non est invito alicui malitiam tribuere. Caritas aliud suadet, & præsumptiones pro errante sunt. De pertinacia videamus. Ista enim manifesta est & in propatulo, nec diffidetur eam errans, qui eam constantiam esse in veritate credit: Hæc sine malitia esse potest fatentibus id Pontificiis ipsis hæreticorum persecutoribus acerrimis. *Ad pertinaciam sufficit, inquit, ut quis advertat se contra Ecclesiam sentire. An id fiat ex directo affectu contradicendi Ecclesie, an ex cupiditate gloriæ, an quia vi argumentorum convictus est apud animum suum, an alia de causa, id perinde est.* Pertinacia oriri potest vel ex obstinata malitia, vel ex infirmitate judicii, vel aliunde, ut Martinus Becanus in tractatu suo de hæresi & Apostasia cap. 3. pluribus differit: Atque hi sane consequenter loquuntur, & colorem dant hæreticido, quod tuentur. Nec alia via est, quæ colorem ei dent aut speciem. Pœna enim, capitalis præsertim, certo fundamento atque irrefragabili judicio

dicio niti debet. Quæ res Reformatos meritò movere debuisset ut ab hæreticidïo prorsus atque omnino abstinere. Nam cum Ecclesiæ suæ istam infallibilem iudicandi auctoritatem non tribuant, ut in eo, quod verum esse statuit, errare non possit, qua via, quo jure eos, qui contra Ecclesiam suam sentiunt, & in sententia sua perseverant, culpæ aut criminis ullius postulabunt? Pertinacia enim pertinacia esse definit, cum quis in eo, quod credit aut sentit, errare se non advertit, adeoque se non errare firmiter persuasum sibi habet: Pertinacia

creditur à multis fiducia.

Omnis ignorantia, siue ea inculpabilis, siue culpabilis sit, excusat à peccato hæreseos. In cæteris peccatis sola ignorantia invincibilis excusat. Sufficit ut voluntaria sint contra legem Dei, siue quis advertat se contra legem istam peccare, siue non advertat, dummodo advertere id possit & debeat. At in hæresi voluntariū non sufficit, sed scientia insuper atque advertentia requiritur, quā quis scit id quod sentit aut statuit repugnare Ecclesiæ, vel normæ secundum quam iudicium faciendum esse creditur. Quia vero Ecclesiam, vel normam talem infallibilem hic in terris non agnoscunt Reformati, hinc pertinaciæ nemo ab iis postulari potest. *At rationes sunt, inquit, luce meridianā clariores, quibus non adsenti-ri pertinacia est.* At, inquam, aliud est simpliciter rationes esse luce meridianā clariores, aliud mihi tibiue clariores. Persæpe enim quod mihi clarum & Solis radio scriptum videtur, aliis nocte & tenebris ipsis obscurius videtur: Nec mirum: Judicia enim aut pro captu aut pro affectu variant. *γλαύκωμα* sæpe in animo est, quod rem aliter atque aliter apparere facit. Intus apparens prohibet alienum. *At plurium concordibus iudiciis refragari, pertinacia est,* inquit. At, inquam, multitudo certum non est veritatis indicium. Quod uni accidit pluribus accidere potest. Est & consensus errantium. Tum, permultum admodum refert, quales illi sint, quorum iudicia & suffragia conspirant: Suum cuiq; ordini vulgus est: optima aliquando paucissimis placent, & *argumentum pessimi plerumque turba est,* inquit Seneca. *Sed si ad incitas redigatur, & nihilominus perseveret, quid ad pertinacia crimen super est?* At, inquam, fieri potest, ut quis ad incitas reductus videatur, non veritatis vi, aut rationū evidentia, sed vel obscuritate earum nimia, vel probabilitatis specie, vel quia hypothefibus nituntur, quas convellere non audet, aut consultū non iudicat. Aliud est adducere aliquē eo usq; ut obmutescat, aliud efficere ut quis in errore se fuisse

Instantia prima diluitur.

Instantia secunda diluitur.

Instantia tertia diluitur.

EXAMEN CENSURÆ

fuisse intelligat. Fit nonnunquam, ut quis, etsi apertam veritatem tueatur, subtili & horrida aliqua distinctione, veluti fragore & tonitru quodam percussus atque attonitus hæreat, & tantum non obstupescat, cumque non reperiatur, quo distinctionem eludat, cedere videatur, non quia persuasus est, sed quia impeditur quo minus aliis id, de quo persuasus est & persuasus manet, probare possit. Aliud est persuadere, aliud percellere: Aliud convinci, aliud obmutescere. Quare concludo: Cum nec de malitia nec de pertinacia ejus, qui errare creditur, certi atque indubitati quicquam statui à nobis possit, imò nostrum de aliorum pertinacia iudicium nil nisi mera pertinacia esse possit; pessime facere Reformatos, cum hæreticidii autores sunt Magistratibus, & Magistratus gravissimo peccato se obstringere, cum in hæreticos capitalibus aut corporalibus ullis suppliciis animadvertunt. Quare quam cara ipsis est æterna salus sua, tam sedulo operam dare debent, ut ab isto tam horrendo crimine sceptrum, coronas, & tribunalia sua præstent immunita, si Deum sibi regnisque suis propitium velint. Nihil magis invisum supremo Numini, quam innocentium cædes, quid dico piorum & Dei timentium? Inter peccata clamantia principem locum tenet innocentium afflictio. Itaque sanguinis innoxii reverentia Reges Principesque supra alia omnia decet. Nunquam se polluant sanguine, nisi cum de crimine, meritoque criminis dubium nullum oriri potest. *Nulla unquam de morte hominis cunctatio longa est.* Quare qui sanguinaria consilia suggerunt contra hæreticos, eos pestes animarum, Regnorum, ac Rerumpub. suarum habeant. Nulla enim major innocentia quàm imprudenter errantium. Nulli minus peccant, quam qui conscientis suis vim facere, & linguam vānalem habere nolunt, aut sententiam suam de æterna salute sua, veluti navigium aliquod ex Reipub. tempestate moderari nesciunt. Simplicitatem & reverentiam Numinis id arguit, quam si comitetur par in dissensionem benevolentia, perfecta est innocentia, & qui adest error, commiseratione non odio dignus est. Date gloriam divinæ veritati Reges, Principesque ut suis armis contra errorem pugnet. Veritatem comitetur innocentia, & error ad eam evanescet veluti ad Solem tenebræ. Pericula ne vos terreant. Summum periculum patitur veritas cum eam non tuetur innocentia. Innocentiam proscribit, qui lædit eum, qui nulla sua culpa errat, & mori mavult, quam deferere quod verum putat. Pacem & tranquillitatem si vultis regnis vestris, innocentia præstabit. Dissensiones pacem non turbant, quæ ab animorum conjunctione est. Animos
non

Seria parēsis
ad Reges
Principesque,
contra hære-
ticiidii aucto-
res.

non divellit dissensio, sed violentia. Docent id Regna, & Respub. quæ inter infinita sententiarum divortia incolumes durant, solius innocentiaæ beneficio. Ubi vis dominatur, ibi servitus est, & in opprimentes immortale odium. Inde omnes lachrymæ. Tuta ibi omnia timenda sunt. Malus diuturnitatis custos est metus. Quicquid exprimitur grave est. Tandem in nervum erumpunt odia, & tanto acrius, quanto premuntur gravius. Columna Rerumpub. & Regnorum est dissentientium tolerantia. Fugite ergo, ô Principes, crudeles istos medicos, qui nil nisi cauteria & carceres suadent, qui, quod sibi concedi postulant, aliis non indulgent. Suæ tantum carnali quieti consulunt, quam tanti faciunt, ut eam relegatione, incarceratione, denique sanguine innocentium redimere non reformident. Ne facto vestro sævitiam Albanam excusetis, aut exemplo vestro alios sævire doceatis in dissentientes. Alioquin Christianismus nil nisi carnificina erit & laniena mutua. Crudelitatem suam damnat, qui alienam non fert. Nec moderata consilia credite, quæ sævissima quæque præter solum sanguinem suadent: Teter & æternus carcer morte brevi deterior est: Exilium sæpe miseriam habet, mors nunquam. Mille mortibus afficitur, qui longa & lenta conficitur, &, ut ut sit, innocentiam tollunt, qui crudelitatem suadent. Nec facile consistit crudelitas: Crudelitas hydrops est, quanto plus bibit tanto plus appetit, nec satiatur nisi sanguinem hauriat, eoque se, ubi vult, ingurgitet. Enimvero sanguinis odium consilia ista non suggerit, sed offensionis metus: ubi ille desinet, sanguis postulabitur. A primo gradu pedem abstinete nisi progredi velitis. Alio pretio non constabit tandem tranquillitas vestra, nisi sanguinis. Naturæ lex Cynosura vestra sit. Quod vobis fieri non vultis, aliis ne facite. Quam teter vobis aliorum error, tam teter aliis error vester videtur. Cogitate quam facile sit errare ac labi, quam difficilis sit electio veræ viæ inter tot opinionum divergia; quam acra sint studia Sectarum pro iis, quas cum lacte imbiberunt, sententiis: Odia, quæ à teneris annis imprimuntur, nimis gravate exuuntur, & cum nemo credatur erroris expers, sua quæque secta odia putat iustissima. Conscientiam suam quisque Deo integram habere vult: Malitia opus non est ad perseverationem in errore. Præjudicium sufficit, & contra veræ sententiæ Patronos firmiter impressa erroris suspicio. Tum suus cuique error satis nocet, ut odio novo errantem gravari non oporteat. Et si errantem inimici nostri bovem reducere Deus jubet: Si homicidium, facinus aliquin gravissimum, imprudenter admissum, Deus puniri vetat: Si

B b b b

percus-

EXAMEN CENSURÆ

percussoribus innoxiiis asyla poni iussit, cur eos odio nostro dignos putabimus, qui imprudenter errant, & errorem suum, tanquam perditionis nostræ æternæ remedium, persuasum nobis volunt. Si profanos, avaros, ebriosos, invidos non pellimus, non fugamus à nobis, cur probos piosque, nulla sua culpa errantes, proscribimus? Hoc est Barrabam dimittere, & Christum in crucem agere. Hanc labem Iudæi sibi habeant. Christiani sumus, & Spiritum alium à nobis requirit Deus ac Servator noster. Quod si tamen officii vestri esse puteris, providere ne veritas detrimentum aliquod patiatur, hoc agite, ut subditi vestri rationibus, beneficiis, & caritatis officiis inter se certent, si forte alius alium ad se volentem pelliciat, & sic tandem sponte sua omnes in unum ovile coëant. Facessant à cœtibus convitia, scommata, diſteria, & quæ alendis odiis ferviunt conciones Philippicæ ac Tribunitiæ. Hoc si ullis, imperate iis saltem, qui fidem à solo Dei donantis arbitrio pendere volunt, qui neminem credere posse docent, nisi quem omnipotens Dei Spiritus ex alto adflat, qui à fidei donatione omnem receptionis nostræ operam excludunt. Cur enim illi sæviant in errantes & nulla sua culpa fidei expertes? Cur illis serviat brachium vestrum in innoxia capita & myriadas animarum doni istius incapaces? Commiseratione tangamini, & quos errare ac perire necesse est, eos fletu non deleri jubete. Miseris & afflictis ne addatis afflictionem. Hoc si facitis, tum vere tranquillitatem animo vestro & regno præstabitis securitatem: Securitas à pietate est, & mutua inter cives benevolentia in mediis dissensionibus.

AD CENSURAM CAPITIS XXV.

De Synodis seu Conciliis, eorumque modo & usu.

OMnia sunt similia. Colophon respondet præmio, & capitis ultimi censura cæteris prioribus. Cavillationum, suspicionum, detractionum plena sunt omnia, à capite ad calcem. Rem testem demus.

Primus hujus capitis cavillus est; quod Declaratio Synodis aliquando opus esse afferat idque exemplo Apostolorum Act. 15. Gal. 1.

Adde,

Adde, inquit Cenfor, ex communi congregationis Ecclesie disciplina præcepto, Dic Ecclesia, & Si Ecclesiam non audierit, &c. Atqui quæ consequentia Cenfor? Christus jubet congregari Ecclesiam, & disciplinam exerceri contra eos, qui fratres suos injuria adficiunt, ergo etiam præcipit ut Synodi habeantur & quidem ordinarie. Tum, Ecclesie aliquid hic præcipi, ex textu non liquet, nec ex scopo Christi est. Adde falsum esse quod Ecclesia hic significet Synodum aut Ecclesiam repræsentativam quam vocant. Totus fidelium grex, quocunque demum in loco sit, ex quibuscunque personis constet, intelligitur, quatenus videlicet multitudinem piorum & Dei timentium fratrum notat, qui idonei sunt ad eum, qui peccati manifestus est, arguendum & increpandum. Denique, in loco isto non agitur de re controversa aut dubia, propter quam dirimendam aut disceptandam Synodo opus sit; multo minus agitur de opinione aut placito aliquo, quod hæresin aut errorem sapit. Nihil minus: ne *γὰρ* quidem ejus rei in textu est: De re nota & confessa agitur, puta de peccato sive injuria, quam is, qui eam fecit, nec negat nec negare potest à se in fratrem suum commissam esse. Sic enim habent verba: *Si peccaverit in te frater tuus, &c.* Et ratio est, Quia Christus eum, qui sic peccavit, propter peccatum istud, tanquam rem notam & indubiam, redargui & reprehendi jubet, primum ab eo, qui læsus est, deinde à pluribus, denique ab omnibus simul, si pertendat. Quo fine? nullo alio, quam ut ista via, si fieri possit, ad poenitentiam revocetur, atque ita æternæ damnationis periculum evadat. Quid, sodes, propter hujusmodi hominem Synodo opus est? Magna hæc negligentia aut *ἀνδραδεία* in Cenforibus merito culpanda est, qui Scripturam adeo oscitanter & leviter citant, etiam cum de necessitate rei alicujus ex ea concludenda aut demonstranda agitur.

Idem apparet in eo, quod subjicit, de addita promissione: *Ubi duo aut tres congregati sunt in nomine meo, illic sum in medio eorum*, Quid enim hæc promissio ad Synodos, nedum ad earum necessitatem concludendam facit? Etenim si scopus Domini Iesu Christi congregatos, qua tales, sed ad duos vel tres in nomine Iesu Christi congregatos, qua tales, sed ad duos vel tres consentientes, sive potius ex discordibus concordatos, qua tales, qui videlicet positos inimicitias amice inter se conspirant, & sic conveniunt sive congregantur & uniuntur, antea vid. divisi ac dissociati: *συνηγμένοι* itaque hoc in loco, idem est, quod versu præcedente dictū fuerat, *συνφωνήσαντι*. Antecedentia & consequentia sensum hunc tam

An locus
Matth. 18.
Dic Ecclesia
&c.
ad concluden-
dum Synodo-
rum necessi-
tatem faciat,
expeditur.

An ex promif-
sione, quam
Christus in eo-
dem capite
facit, necessi-
tas concluda-
tur.

EXAMEN CENSURÆ

clare demonstrant, ut probatione alia non sit opus. Hæc etsi sic se habeant, neutiquam tamen negant Remonstrantes, verba hæc Christi extendi etiam posse ad omnes, qui in nomine Christi ob similem causam conveniunt. Tantummodo negant, scopum Christi esse, istis verbis promissionem generalem dare, quæ ad omnes quamcunque ob causam in nomine Christi congregatos, sive in Synodis sive extra Synodos, sive alibi pertineat, quasi vid. ex vi promissionis hujus certum sit, quicquid in Synodis in nomine Iesu Christi congregatis, de quacunque controversia aut lite statuitur, id speciali quadam Iesu Christi directione statui; ac proinde pro vero certoque ab omnibus amplectendum esse; quod impræsentiarum satis est, ad demonstrandum, Censuram in citandis Scripturis, cum de rebus maximi momenti videlicet de præceptis & promissionibus divinis agitur, negligentiam.

Declarationis
& Episcopii
consensus in
hac materia
de Synodorum
necessitate.

Atque hæc eorum negligentia idcirco videri debet indignior, quod Censuram hanc suam, non ex Declaratione ipsa, sed ex M. Episcopii privatis Disputationibus, multo ante habitis, arcessant, quasi sententia unius Episcopii, communis omnium Remonstrantium sententia videri debeat. Nempe, Episcopus adseruit olim, *Synodos nec ad esse nec ad bene esse Ecclesiæ absolute esse necessarias*; Ergo idem adserere videri debet declaratio: Quæ consequentia? Contrarium ex ipsa Declaratione in terminis patet; Nam ea *Synodos seu conventus Ecclesiasticos non tantum utiliter posse institui, sed & quandoque debere* adserit. Quare, cum inquit Censor, Synodos non esse absolute necessarias ad bene esse, quid aliud est, quam vehementer utiles non esse? Nos contra regerimus, *Synodos non tantum utiliter posse institui, sed & quandoque debere* (uti declaratio habet) quid aliud est, quam Synodos non utiles tantum, sed etiam aliquando necessarias esse (etsi non absolute, quod tantum adserit Episcopus)? ut jam non examinemus ineptam Censoris collectionem, Si Synodos absolute necessarias ad bene esse Ecclesiæ negat Episcopus, ergo negat eas vehementer utiles esse. At, inquit Censor, *Declaratio quidem aliter non nihil loquitur, quam Episcopus, sed & illa à debito ad possibilitatem recidit, dum ait, utiliter institui possunt, siquidem in iis legitimus ordo & modus servetur.* Quam frivole! Aliud est Synodos posse ac debere institui, aliud Synodos, cum jam instituuntur, utiliter institui. Hoc exponit Declaratio, cum ait, *Si quidem in iis legitimus ordo ac modus servetur*, Non istud. Nimirum scopus Declarationis est, indicare, quantus Synodorum abusus accidere possit, etiam cum eæ

Scopus Declarationis, cum

non

non sine gravi causa instituuntur. Tantus certe ac tam late patens, ut Synodus utili-
 etiam si graves causæ sint, ob quas convocantur, tutius tamen utilisque ferit, siquidem
 sit eas non convocare, si quidem in iis, ubi convocata jam sunt, legiti- in iis legiti-
 mus ordo ac modus non servantur. Damnum enim ex illegitima earum mus ordo ac
 celebratione multo gravius metuendum esse, quam fructus ex iusta ea- tur.
 rum convocatione sperari possit. Experientia seculorum omnium re-
 stis est: Pleraque Synodi polemicæ fere fuerint, & nonnullæ etiam le-
 stricæ. Partium studia in iis manifesta sunt. *Φιλονεικίας & Φιλαρχίας*
 vestigia ubique sunt obvia: Factionum, pravarum artium, ambitionis,
 intemperantis Zeli lineamenta passim apparent, imprimis postquam Ec-
 clesia Imperatoris gratia & favore opus habere cæpit; Exinde eruditio-
 nis gloria, Episcopatum splendor ac luxus, pro scopo fere fuerunt: Et
 sequebatur litis æternæ tedium ac contendendi molestia. Hinc, suffra-
 gia ambiebantur & qui numerum eorum non pondus augerent, hinc in-
 de ex fæce hominum quærebantur. *Alii*, inquit Nazianzenus in carmi-
 ne de Episcopis, *nepotes erant eorum, qui tributorum scriba fuerant, & aliud*
nihil animo volebant quam falsas & subdolas rationum depravationes; alii
ab aratris venerant adusti à Sole, alii à ligone vel bidente, totum diem non qui-
escentes, alii remos exercitusve reliquerant, redolentes adhuc sentinam, vel
corpus fœdatum cicatricibus habentes; populi gubernatores ac duces mili-
tum, qui ne MINIMUM quidem concessuri videntur, nonnulli etiam
opificiorum, quæ citra ignem operas suas perficere nequeunt, gnari, ne fuliginem
quidem carnis integre abluerant, flagriones ac pistrinis digni, &c. Hinc plus
 mali quam fructus ex iis ad Christianum orbem rediit. Unde Nazian-
 zenus in Epistola ad Procopium de sui temporis Synodis non dubitavit
 affirmare; Nullam se unquam vidisse Synodum, cujus exitus non fuerit
 infelix & deplorandus; sed in omnibus propter consultantium ambitio-
 nem & contentiones, res Ecclesiæ alioquin laborantes, potius exacerba-
 tas quam sanatas. Nec meliore si non deteriore conditione fuerunt, quæ
 Nazianzenum secuta sunt, sæcula & Concilia. Nostratia sane pudenda
 fuerunt, & Dordracenum nuperum tale, propter quod æternum erubef-
 cet Fœderatum Belgium. Nec mirum: Quis in hac tristissima & lu-
 ctuosissima Ecclesiarum secessione, pertinacissima animorum divisio-
 ne, exiguo probitatis, æquitatis, moderationis studio, aliud quid ex-
 spectet? Quare nihil æque necessarium judicarunt Remonstrantes,
 quam ut in Declaratione sua, omnia in Synodis rite atque ordine a-
 genda esse monerent, certi & crebris variisque documentis persuasi,

EXAMEN CENSURÆ

nisi ejus rei diligens ratio habeatur, Synodos non tantum non utiliter institui, sed ab iis pericula majora quam commoda in Ecclesias redundatura esse. De fine Synodorum, quod hic obiter carpit Cenfor, mox agetur, cum, ut Cenfor ipse ait, *de conditionum expensione videbimus.*

De Synodi
conditionibus.

Inter conditiones, ut Synodi utiliter habeantur, primam, quam adsignat Declaratio, probat Cenfor.

Secunda con-
ditio de liber-
tate plenaria
vindictur,

Secunda est, *de libertate plenaria uniuscujusque, sine scrupulo & periculi metu, tum proponentis tum examinantis,* ait Cenfor, additque, *Ingens & vaga est hæc libertas, nullisque terminis circumscripta, quidvis in controversiam adducendi & examinandi, imo licentia effrenis.* Atqui plenaria libertas, quam Declaratio postulat, non est libertas, quidvis in controversiam adducendi, uti Cenfor verba Declarationis calumniose hic exponit; sed, uti verba Declarationis ipsissima habent, *libertas sententiam suam,* (vid. super omni re, quæ in questionem in Synodo deducitur) *dicendi sine scrupulo aut periculi metu, & in aliorum opiniones inquirendi,* videlicet, uti conditio prima exigit, ex solo Dei verbo. Quo ipso libertas plenaria terminis verbi divini circumscripta manet, adeo ut ulterius porrigi non possit, quam ad ea, quæ ex scripto Dei verbo, quoad ejus sensus & consequentias, in controversiâ aut vocantur aut vocari possunt: Ea itaq; quæ in verbo Dei clare ac perspicue decisa ac definita sunt, semper excepta esse vult Declaratio. Quod satis est ad diluendum id, quod Cenfor ex innoxiiis declarationis verbis odiose simul ac perperam colligit, quasi, videlicet, iis sanciat libertas nullis terminis circumscripta, qua quidvis adeoque etiam ea, quæ certa & firma sunt in Religione Christiana, liceat in controversiam adducere. Quod si vero Cenfor hanc limitationem existimat non sufficere, & præter ea, quæ clare atque aperte in Scripturis decisa sunt, (sub quibus etiam ea, quæ per evidentem & cuilibet obviâ consequentiam deducuntur, comprehensa volumus.) alia adhuc esse vult, ad quæ libertas inquirendi non extendatur, age ea definiat, & videbit protinus Tyrannidi latam portam aperiri, cujus ea indoles est, ut non facile confiat, sed paulatim, nunc hæc, nunc illa, examini & inquisitioni subducatur, donec tandem libertatem totam opprimat ac pessumdet: Uti enim in licentia quidlibet, ita in Tyrannide nihil moliri licet, nisi quod Tyranno placet. Utrique vitio Tyrannide scilicet ac licentiæ, alia via occurrere non potest, quam ista, quam jam indicavimus. Quisquis ultra aut citra eam id tentat, is, velit nolit, aut in effrænem incidet licen-

licentiam, aut deflectet ad Tyrannidem: Quare, quæ ex Paulo 1. Epist. ad Timoth. 6. 20. & 2. Timoth. 2. Censor citat, *Quum Timotheum suum aversari jubet profanos de rebus inanibus clamores, & oppositiones falso nominata sapientiæ, (qualis fuit illa Hymenæi & Phileti falsa doctrina, dicentium, Resurrectionem jam factam,) & alibi, stultas quæstiones rejicere & vitare; ea omnia ad rem non faciunt. Nam illas ipsas quæstiones, quæ à Paulo vocantur oppositiones falso nominatæ sapientiæ, qualis erat doctrina Hymenæi & Phileti, ut jam decisas & rejectas à Paulo, in controversiam iterum adduci non permittit Declaratio, quia sunt ipsissimum verbum Dei, quod unum extra controversiam in Christianis Synodis ponit Declaratio, & ad quod controversias omnes expendi vult. Sed videndum tamen est etiam atque etiam, ne nobis Apostolicam auctoritatem arrogemus, aut turpi adeo adulatione nobis ipsis imponamus, ut quæcunque receptis nostris opinionibus objiciuntur quæstiones, ad eas statim accommodemus hæc Apostoli verba, easque ut profanos de rebus inanibus clamores & oppositiones falso nominatæ sapientiæ, ilico respuamus, non aliter, quam si in eas digitum intendisset Apostolus, aut nobis, Apostolica ista oratione audacter utentibus, non aliter quam Apostolo credendum sit. Hoc si nobis semel indulgeamus, perit libertas; mera servitus Christianos tenebit. Quod quæque secta volet, id tantum in controversiam deduci sinet. Cætera omnia ultra libertatis terminum erunt, & licentiæ effrænæ convitio reprimuntur: quod ipsissimum Papatus fundamentum est.*

Post hæc examinat Censor loca ad marginem Declarationis annotata, pro libertate ista plenaria, quam diximus. *Ea, inquit, nihil tale probant. Nam cum Paulus inquit, omnia probate, quod bonum est tenete, eo non vult, in disputationem adduci vel admitti posse aut debere omnia, sed illud generale Omnia, restringendum est ad ea, quæ apud fideles explorationi subiecta sunt. Quasi vero omnia in universum, absque ullo discrimine, in quæstionem admitti aut adduci posse, Declaratio ex isto loco probatum velit. Nihil minus. De libertate sententiam suam dicendi, & in aliorum opiniones inquirendi, juxta Dei verbum, tanquam certam & infallibilem normam veritatis ac judicii agit, quod ipsum est, uti Censor loquitur, prophetia Scripturarumque interpretatio, sive libera de Scripturæ sensibus sententiæ dictio. Atque hanc interpretationem generatim intelligi vult Declaratio. Quod si Censor hanc prophetiam sive Scripturarum interpretationem non generatim accipi vult, sed restringi ad hos aut illos*

Ineptæ locorum duorum ex 1. ad Tim. 6. & 2. ad Timoth. 2. citatio refellitur.

Loca ad marginem Declarationis citata vindicantur.

Primus locus ex 1. ad Thef. 5. 21. à Censoris exceptionibus, adstruitur.

EXAMEN CENSURÆ

sensus, quos ipse sibi cum suis imaginatur, aut non posse, aut non debere interpretatione alia, seu contraria, seu diversa convelli, tum vero Apostolicum hoc præceptum violat, & sub titulo licentiæ, veram prophetandi aut Scripturas interpretandi libertatem pessum dat. Id vero eum velle, subjuncta ejus ratio indicat; *Alias enim jubemur*, inquit, *ab omni specie mali abstinere, in qua qualiscunque etiam falsa doctrina est*. Nihil tamen hac ratione ineptius. Nam nec per speciem mali, doctrina falsa intelligitur, nedum qualiscunque doctrina falsa, nec, si omnino qualiscunque doctrina falsa intelligeretur, ad rem quicquam faceret. Aliud enim est abstinere ab omni falsa doctrina, quam falsam esse per debitam antegressam probationem constat: Aliud abstinere à doctrina, quæ falsa quidem est, sed de qua, an, vel quod falsa sit, nondum per justam probationem constat. Per justam probationem, inquam. Nam quamdiu ea non præcessit, tamdiu species mali, à qua abstinendum sit, nondum apparet; nisi per speciem mali aut falsi intelligi Cenfor velit, id omne, quod cuique homini malum aut falsum videtur, etiamsi malum aut falsum non sit, aut nulla de ejus malitia vel falsitate saltem non contradictoria præcesserit probatio, quod nullo modo verisimile est. Quamvis enim cuique abstinendum etiam sit ab omni eo, quod malum aut falsum esse sibi persuadet, tamen eo hic non respexisse Apostolum, manifestum est. Adde, si ab omni specie mali abstinere sic generatim intelligatur, uti Cenfor vult, tum fieri non potest, ut omnia probentur. Per omnia enim intelligi etiam ea, quæ bona non sunt, aut quæ falsa sunt, sed quæ falsa esse nondum constat, ex eo, quod additur, liquet: *Quod bonum est*, (inter ista omnia scilicet) *tenete*, malis sepositis, quæ per accuratam probationem talia esse deprehendistis. Unde concluditur, falsum esse, quod Cenfor ait, vocem, *Omnia* ad ea tantum restringendam esse, quæ apud fideles explorationi subjecta sunt.

Secundus locus ex 1. Cor. 14. vindicatur.

Locus 1. Corinth. 14. *ultra prophetas & Scripturarum interpretationem*, ait Cenfor, *extendi non potest*. Ita est, nec aliud vult declaratio: *At*, inquit, *nec omnes prophetae*. Sane, inquam: Sed omnibus prophetias ambire licitum erat, imo ut eas fideles omnes ambiant, suadet Apostolus ibid. vers. 1. & 39. *Neque de omnibus prophetia est*, inquit Cenfor. Non equidem de sensibus sua luce claris, & qui interpretatione non egent, sed de istis omnibus, qui obscuri sunt & varias aut retrusiores interpretationes admittunt, quod satis est ad libertatem istam plenariam, quam urget declaratio. *Neque omnium de pro-*

de prophetis prophetisque iudicium, ait. Imo, inquam, omnium, si vel-
lent. Eorum quidem, qui prophetiæ dono pollebant, ut idoneorum ad
prophetandum; Cæterorum vero omnium, si prophetiæ donum ambi-
rent, & sic idoneos se redderent, quod facere quilibet fidelis sine discri-
mine poterat, ac tantum non debebat.

Locum 1. Ioa. 4. 1. intelligendum esse ait Cenfor, de singulorum fide-
lium probatione, qua fidem suam quisque stabilis, ut tuto requiescat in ea do-
ctrina, quam novit à Deo profectam. Inepte. Nam quid probatione Spi-
rituum opus est, ubi jam ante certo quis novit Spiritus istos repugnare
doctrinæ isti, quam scit à Deo profectam esse? Aliud est probare Spi-
ritum negantem doctrinam istam, quam certo scimus à Deo profectam
esse. Aliud probare an Spiritus iste neget doctrinam illam, quam à Deo
profectam esse scimus. Ista probatio, proprie dicta probatio non est. Hæc
vera probatio est, de qua loquitur Apostolus, quam quilibet facere te-
netur, & absque qua tuto non potest requiescere in doctrina ista, quam
tenet; Id indicat non obscure Apostolus, cum normam probationis sta-
tim subjungit, ad quam expendi & probari vult eos, qui Spiritum ja-
ctabant, id est, siue spirituales revelationes, siue proprias & à privato
Spiritu profectas solum divinarum interpretationes.

Tertia conditio est, de personis ad Synodum admittendis, nempe, ut in
Synodis non compareant nisi viri apti & idonei. Indefinite id dicunt, inquit
Cenfor, neque imprimis referunt ad Ecclesiæ ministros. Quasi vero certum
non sit, istud imprimis ad Ecclesiæ ministros referendum esse, de quibus
iusta præsumptio est, quod sint viri apti & idonei. Quare cum Cenfor
addit, declarationem id referre indiscriminatim ad quasunque personas,
ita ut non referant, imprimis ad ministros Ecclesiæ (nisi jam ante de iis
constet, quod apti & idonei non sint, cuiusmodi non raro inter mini-
stros reperiuntur) calumnia est, quæ palpari potest. Nisi fortasse verba
hæc sua Cenfor sic accipi velit, ut soli ministri admittantur ad Synodum,
& inter ministros imprimis ii, qui apti & idonei sunt: Hoc vero est,
quod Declaratio repudiat. Nempe ea omnes fideles ad Synodum ad-
mittendos censet, dummodo sint viri apti & idonei, qui in medium
consulere & expendere possunt, quod è re Ecclesiæ est, siue sint Laici,
qui vocantur, siue clerici. Imo laicus quilibet è trivio qualitatibus istis
præditus, præferri meretur ministris omnibus, quibus eæ non adfunt.
Ita olim Gerson ipse, quem Iuellus citat, cum ait, *Ius ferendi suffragii
etiam ad Laicos potest extendi, & plus aliquando quam ad multos clerico-*

Cccc

rum.

Tertius ex 1.
Ioa. 4. 1. a Cen-
for, ritur,

Tertia condi-
tio de Perso-
nis ad Syno-
dum admittendis
vindicatur
à Cenforis ca-
villationibus,

EXAMEN CENSURÆ

rum. Imo *Witbakeyus* in lib. de Conciliis asserit, opinionem omnium Protestantium esse hanc, Ius ferendi suffragii nulli ex officio competere. Prælatos & Episcopos, nisi docti sint, domi detinendos esse, & nullos mittendos nisi propter doctrinam. Addimus nos, doctrinæ quidem & prudentiæ rationem habendam esse, cum negotia tractanda sunt, quæ non præcise ad æternæ salutis & communis fidei regulam, sed vel ad Ecclesiæ regimen, vel ad subtiliorum quarundam controversiarum ventilationem pertinent; sed cum salutis æternæ negotium agitur, omnes pari jure ad Synodum admittendos esse. Quod ad omnes pertinet, ab omnibus tractari debet: Nemini mortalium licet hanc provinciam alteri mandare, nemini mandatam suscipere. Pastor an ovis sit, nihil refert. Pastores ordinis causa cæteris præferri possunt, non juris aut potestatis alicujus privilegio.

De missionis
ad Synodum
necessitate,

At, inquit Censor, quascunque personas ad Synodum admitti volunt, etiam sine Ecclesiæ missione, tantum impulsu proprio. Atqui, inquam, in Declaratione ejus rei ne vestigium quidem est. Ita est: At (inquit) Episcopus in Thesis suis privatis exprimit, quod Declaratio hic subricet. Atqui, unde constare potest Censori, aut Episcopium non mutasse sententiam, aut Declaratores Episcopo tacite suffragatos esse? Audacia hæc est non exigua, sed quæ Censoribus per quam familiaris est: Esto tamen, Episcopo etiam tacite suffragetur declaratio, quid in ea re absurdi? Qua missione opus habent, ut in Synodo compareant, qui ipsi eos, qui ad Synodum veniunt, mittunt? Quo jure missi Synodo intersunt, cur non eodem jure intersint mittentes? Et cum in Synodo causa communis Fidei agitur, cur ad eam non admittantur omnes, quorum interest? Tantum abest, ut, cum Fidei negotium tractandum est in Synodo, Ecclesiæ missione opus sit, ut contra Ecclesiæ judicanda sit perperam agere, cum aliquos eo fine ut quovis modo decisionem faciant, ad Synodum mittit; & ii, qui sic mittuntur, aut ab Ecclesiæ sic mitti se sinunt, provinciam plane indebitam atque illicitam in se suscipiunt. Fides per delegatos aut commissarios tractanda non est. Omnium interest audire & expendere quicquid ad eam pertinet. Alieno judicio nemo debet stare. Cujuslibet est sine ulla missione accurere eo, ubi de salutis æternæ negotio in comitia itur. Quod tamen sic accipiendum non est, quasi Synodos per delegatos haberi non velimus. Nihil minus. Sed delegatos istos, ad Synodum eo fine non debere accedere volumus, ut sine tacita vel expressa conditione referendi ad Ecclesiæ totam, quæ in Synodis proponitur & ejus consensum inquirendi quicquam

quam statuant, quod ad communem Ecclesiæ totius fidem pertinet: Ipsius Ecclesiæ consensus & approbatio libera antequam quicquam decidatur, omnino prærequiritur. *Atqui*, inquit Cenfor, *hæc boni omnis ordinis perturbatio est.* Imo contra, tum demum bonus ordo turbatur, cum, quod cōmune omnibus est, ad paucos trāsferatur, cum missi & ablegati ab Ecclesia, Ecclesiam ipsam mittentem excludunt, & privilegium sibi in præjudicium aliorum, quorum interest, proprio suo impulsu vendicant. Aliud est ordinē introducere pro arbitrio, quem violatū nolumus, aliud ordinem, quem violatū nolumus, esse ordinem, qui jure introductus aut merito introducendus est. *Sed neque aliter se res habuit in Synodo Apostolica Hierosolymitana*, ait Cenfor, *ubi sententiæ dictio & judicium pastorum fuit; suffragatio plebis adstantis & audientis silentio suo.* Hoc falsum est. In Synodo ista plebs sive multitudo tota, quæ nunc Ecclesia, nunc fratrum cætus vocatur, potestatem suffragandi & partem in definitione habuit, uti prolixè id probant *Tuellus, Wubakerus, Parkerus*, alique, & ex textu ipso non obscure liquet, quando decretum de mittendis ad gentes fratribus, discrete ab Apostolis & presbyteris cum tota Ecclesia factum esse dicit, & literas omnium, non Apostolorum & presbyterorum tantum, sed & fratrum nomine, ad eos expeditas fuisse narrat, c. 15. Actor. vers. 22. 23. De silentio sive tacito aut muto suffragio plebis, ne verbum quidem in textu est. Versu quidem 12. dicitur, *tota multitudo tacuisse & audivisse Paulum ac Barnabam* narrantes, *quanta Deus per ipsos inter gentes edidisset signa & miracula;* sed multitudo ista non significat ibi Ecclesiam contradistinctam ab Apostolis & presbyteris, sed universum cætum, qui ex Apostolis, presbyteris & fratribus constabat: *πᾶν τὸ πλῆθος* habet textus. Nec ad rem facit, si quis dicat cap. seq. 16. vers. 4. *decreta ista facta ab Apostolis & presbyteris*, nulla mentione facta plebis aut Ecclesiæ; Nam plena rei cujusque veritas non est petenda ex verbis quibusdam, extra rei gestæ historiam obiter aut incuriose prolatis, sed ex ipsa rei gestæ historia, ubi perfecta ejus narratio perscripta est.

Atqui, inquit Cenfor, *nos admittimus quidem juxta Ministrum & alias privatas personas, ei rei idoneas, sed publica autoritate missas & admissas.* Nempe, autoritate vestra, & quam vos vobis soli usurpatis, nullo alio fine, quam ut non compareant in Synodo, nisi mancipia libidinis vestræ, muti scilicet aut jurati suffragatores, de quibus jam ante vobis constat, quod non pedibus tantum, sed toto corpore in suffragia vestra concessuri sint & inclinato capite dicturi, *Placet.*

Cccc 2

Hæc

De personarum privatarum ad Synodum missione cum publica autoritate.

EXAMEN CENSURÆ

Exceptio Cen-
foris diluitur:
Sic ordo om-
nis Ecclesia-
sticus pessum
dabitur,

Hæc autoritas, publica ista autoritas, scilicet, est, quam adsertum itis, & pro qua, veluti pro pupilla oculi vestri, acrius contenditis, quam pro veritate divina. Nimirum, ista salva, haud difficile vobis est in Synodis decernere ac statuere quicquid libet. Res patet. Ecclesiæ missio- nem prærequiritis: Quid? An Ecclesiæ, id est, plebis totius Christianæ, quam pascitis? Plebs itaque Christiana, pro arbitrio suo, mittet, quos volet. At, si Ecclesia mittat quos vult, cur non compareat etiam in Sy- nodo, si velit? An vero Ecclesiæ repræsentativæ, sive consistorii missio- nem prærequiritis? Haud dubie. At ii ipsi vos estis; vestra itaque autori- tas, publica illa autoritas est, quam requiritis; Pro vestro itaque arbitrio stat caditque in Synodis Veritas & fides Christiana. Hæc sine dubio vo- ti vestri summa est: Quid ergo, inquires, *ordo omnis Ecclesiasticus pessum dabitur*? Absit: Ordinem Ecclesiæ suum cuique liberum relinqui volu- mus. Deus author ordinis est: nemo illum impune aut violat aut con- temnit. Tantummodo id asserimus; Ordinem illum illegitimum & divino juri repugnantem esse, quo sancitur, ut in Synodis nullis liceat comparere, nec suffragii jus habere, nisi qui à Consistoriis aut Classi- bus, id est, à pastoribus ad eas deputantur & ablegantur, quando in iis de communi Ecclesiæ fide agendum est: Hunc ordinem dicimus meram Papalem usurpationem esse, & quæ cedit in maximum præjudicium to- tius Ecclesiæ. Quod ad omnes pertinet, ab omnibus æquo & pari jure tractari debet. Salutis autem æternæ & fidei ad salutem necessariæ ne- gotium ad omnes æque pertinere, quis dubitaverit?

De altera per-
sonarum con-
ditione, ut qui
ad Synodum
mittuntur, sint
vere liberi &
durante litis
examine nulli
vel personæ,
vel Ecclesiæ,
vel Confessio-
ni &c. sed so-
li Deo & ver-
bo ejus sim-
pliciter ad-
stricti,

Additur & alia personarum conditio, inquit Censor, ut, qui ad Synodos delegantur, vere sint liberi, & durante litis examine, nulli vel personæ vel Ec- clesiæ vel Confessioni, &c. sed soli Deo & Christo, ejusque sancto verbo simpli- citer adstricti: Hanc conditionem Episcopus ita effert (biennio sc. antequam Confessio aut declaratio edita est: quis non miretur?) ut nullum præjudi- cium domo adferatur, sed tantum verum inveniendi, & boni publici cupido. Conditionem hanc non improbat Censor, si oppositæ aut per se & in se Ec- clesiæ scripta qualiacunque, Confessionesque publicæ considerentur, &c. At vero, si Ecclesiæ publicæ Confessio evidentem ex Scripturis, & secundum Scripturas, sententiam planæ & obviæ veritatis continet, certe ei, non quidem propter vel per se, sed per & propter Scripturam, obligati sumus. Quam hæc dicuntur inepte! Quasi vero quisquam adeo infrunitæ mentis sit, ut aliquem ad- strictum nolit isti opinioni seu confessioni, quæ evidentem ex Scriptu- ris, & secundum Scripturas, sententiam planæ & obviæ veritatis continet.

continet. Nimis hoc putidum est. Aliud est, Confessionem seu opinionem aliquam, continere re ipsa evidentem ex Scripturis & secundum Scripturas sententiam obviæ & planæ veritatis: Aliud credere aut persuadere sibi eam evidentem talem sententiam continere: Hoc enim credere aut persuadere sibi quis potest, ubi non modo nulla talis evidentia, sed manifesta atque aperta falsitas est: Tum, Declaratio non loquitur nisi de lite pendente, id est, de opinione aut Confessione, cujus veritas in quæstionem deducitur. Quamdiu lis ista pendet, nemo obstrictus manere debet alteri litis parti, ita ut, quia quod allegatur, isti parti, quam veram esse credit, contradicit, idcirco istud falsum esse credere velit: Sic enim, nec examen liberum est, nec iudicium legitimum. Iudex enim in iudicio contradictorio non debet esse altera pars litis.

At impossibilis est conditio, inquit Cenfor, durante lite personam deponere, omnemque suscepta veritatis sententiam, ac sese, sine ullo prorsus præjudicio, neutralem, ut ita loquar, constituere. Hæc mera covillatio est. Sine præjudicio accedere ad litem, non est exuere sententiam, quam de re aut dogmate aliquo concepisti, aut non amplius isti ad sensum præbere velles: Nihil minus; sed tantum eo animo ad litem accedere, ut sententiæ isti tuæ, quam nunc credis veram esse, sic non ad sentiaris, ut quicquid ei contradicit aut contravenit, id eo ipso falsum esse velis in animum tuum inducere, quia cum sententia ista tua non convenit, etiamsi rationibus & argumentis hinc inde munitum tibi proponatur & considerandum offeratur. Primis iste ad sensus non est in potestate nostra; Itaque eum deponere aut exuere nobis impossibile est. Actiones enim mentis, voluntatis imperio non subjacent. At postremus iste in potestate nostra est: Nemo enim opinioni suæ aut humanæ ulli Confessioni sic obstrictus est, ut non semper paratus esse debeat meliora aut diversa ostendentibus cedere. Quare, quod addit Cenfor, *Id in rebus facti locum habet, non item juris: Jus enim veritasque in nostra potestate arbitrioque non est*, plane absurdum est. Tum eadem plane ratio est in rebus facti ac juris, cum videlicet de veritate seu facti seu juris lis incidit. Qui factum aliquod se scire credit, eodem loco cenferi debet, quo, qui credit se scire jus & veritatem. Nemo fidem aut opinionem suam debet facere normam iudicii sui, quando fidem aut opinionem suam disceptari audit, aut in dubium vocari videt rationes, quibus fidem aut opinionem suam superstruit. *At sufficit, inquit, si meliora ex verbo Dei edocti verbo Dei nos semper submitamus.* At, inquam, eo ipso, quia isti vestræ præcon-

Ostenditur
conditionem
istam non esse
impossibilem,
contra excep-
tionem Cen-
foris.

EXAMEN CENSURÆ

ceptæ opinionis aut sententiæ obstrictos vos esse creditis, meliora ex verbo Dei edoceri vos posse, nec vultis nec potestis animum vestrum inducere. Opinio obligationis remora est omnis boni conaminis, & melioris instructionis obex atque obstaculum. Liber animus, & qui omnia sine præjudicio ad Scripturæ S. & rectæ rationis normam amat expendere, unicus adeoque optimus veritatis iudex atque arbiter est.

Quarta Conditio de Fine & usu Synodorum vindicatur.

Quarta conditio est, *finis & usus Synodorum habendarum*, inquit Censor, *videlicet, non ut quovis modo controversiæ Fidei tollantur, scilicet, ob nudam tranquillitatem Reipub.; sed ut opera detur ante omnia, seu, ut Belgica editio habet, ut propositum habeamus, ut hereses, schismata, aliaque publica id genus vitia & scandala, ante omnia arceantur, aut inuenta tollantur, atque ita pietati & veritati, item libertati & caritati semper in iis consulatur, propositum, operam, conatum hoc loco habemus ad hereses, schismata aliaque ab Ecclesiis arcendum & tollendum; non autem per decisionem factum ipsum.* Quis non fastidiat hujusmodi censuras? Declaratio Remonstrantium ait, *Id opera detur ante omnia, &c.* Ergo significat, conandum tantum esse ut id fiat, & intra conatum ac propositum nudum consistendum semper esse. Quid ineptius verbis istis adfingi potest? Contrarium potius concludendum est. Si conandum ante omnia esse monet Declaratio, ut hereses, schismata aliaque vitia ab Ecclesiis arceantur, aut inuenta tollantur, ergo, ubi commode ac legitime id fieri potest, arceri ac tolli actu ea vult. Quis enim conetur ad hoc, ut conetur? Sed quid consequentia opus est, cum Censor ipse fateatur, in quinta, quæ sequitur, conditione, Declarationem agnoscere, decisivam aliquam sententiam in Synodis locum habere posse? *Sed mentem horum architectus Confessionis Magister Episcopus plenius & planius exhibet in disput. de Synodis.* Ridenda hæc sunt. Nempe, M. Episcopus (quem architectum Confessionis hujus immerito & sine causa Censor vocat) exhibuit Declaratorum mentem biennio antequam aut Declaratores noverat, aut de Declaratione concipienda quisquam cogitaverat. O divinum Episcopium! Mirum, quod Censor hic non potius tribuat Episcopo annuam aut biennalem fidem, quæ cothurni instar vertit se ad arbitrium cæterorum Declaratorum; *At sic architecti Confessionis gloria decessisset Episcopo.* Nempe, ut solus Episcopus crederetur Confessionis architectus, Censorum intererat. Esto. Ineptias has transcamus. Mentem declarationis ut ex Episcopi Thesibus arcesseret Censor, opus non erat, Eadem utriusque mens est, & utrobique satis mani-

manifeste liquet : Nimirum Synodorum habendarum finem ac scopum esse non debere , ut per eas *quovis modo* tollantur controversiæ , ad externam Reipub. & Ecclesiæ pacem. Aliud est operam dare ut tollantur controversiæ , aliud operam dare ut quovis modo tollantur. Deinde , aliud est operam dare , ut controversiæ tollantur eo fine , ut veritas triumphet : Aliud operam dare , ut controversiæ tollantur eo solum aut potissimum fine , ut externæ Reipub. paci ac tranquillitati consulatur : *Quovis modo.* Priores utriusque membri fines , tantum abest , ut negent Synodum proponere sibi posse , ut contra statuunt , illos ipsos Synodo potissimum propositos esse debere : Posteriores , à Synodo exclusos tantum volunt. Et ratio manifesta est : ubi controversias quovis modo tollere pro scopo est , ibi veritatis divinæ cura aut nulla , aut non nisi inter postremas est. Et ubi externa Reipub. tranquillitas præcise intenditur , ibi conscientiarum tranquillitas pro nullo , aut minimo ducitur : veritas ibi non persuadetur , sed obruitur , Suffragia ibi non tam ponderantur , quam suffragatores numerantur. Paucorum rationes , licet optimæ , in censum isthic non , aut non nisi vix veniunt : Numerus quæritur. Contradictiones ibi repelluntur per sola muta suffragia , per *placet* , aut *non placet*. Placentini isthic dominantur , non Veronenses. At ubi id operatur , ut controversiæ tollantur eo fine , ut veritas triumphet , ut conscientis satisfiat ; ibi ponderantur vota ac suffragia : ibi non admittitur contradictio , quæ per solum *placet* , aut *non placet* , fit : Rationes & argumenta postulantur , quibus contradictio fulciatur. Muta suffragia sine ratione ibi exulant. Plures an pauciores , laici an clerici sint , qui rationes adferunt , perinde est. Quod si contradictio bene fundata sit , & quæ omnino per alios adversa sentientes tolli non possit ; is vero , qui contradicit , adversam sententiam non omnino etiam tollat , id agitur , ut in medio relinquatur lis , & tolerantia mutua sanciat ; Quod si vero parti alteri omnino satisfiat , sublata est controversia , & lis decisa , non *quovis modo* , sed eo , quo decisio fieri potest ac debet. Est enim decisio non præcise intenta , sed ex consensu & persuasione nata : nec per pluralitatem suffragiorum imperata , sed per efficacitatem argumentorum obtenta , nec ita omnium , ut non etiam sit singulorum ; quæ decisio , in rebus fidei & salutis æternæ negotium spectantibus , unica illa decisio est , sine qua cæteræ omnes decisiones , quibuscunque tandem titulis ornentur , non frustraneæ tantum , sed & noxiæ ac Tyrannicæ decisiones sunt , & quæ Iliadem malorum , schismatum , vid. scandalorum , persecutionum , bellorum ,

Ostenditur
scopus Decla-
rationis , cum
asserit , Syno-
dorum finem
esse non debe-
re , ut per eas
controversiæ
tollantur
Quovis modo.

EXAMEN CENSURÆ

bellorum, pepererunt per Christianum orbem. Et in hæc mala incidere eos necesse est, qui scopum & finem Synodorum esse volunt, ut controversiæ enatæ quovis modo tollantur, ut Reipub. status in tranquillo sit, sive id fiat per dissentientium persuasionem, sive per eorum oppressionem, exautorationem, relegationem, sive per alia violenta media, quæ decisionibus istis exequendis passim adhiberi solent. Hæc summa est sententiæ Declarationis, & eorum quæ M. Episcopus in Thesibus suis privatis adseruit: Decisionem in & à Synodis fieri posse non negant, sed eo fine Synodos cogere, ut præcise fiat decisio & controversiæ quovis modo tollantur, id vero injustum atque illicitum putant, nec referre, seu plures, seu omnes simul, qui isto fine conveniunt, decisionem faciant. Finis enim iste sic præcise intentus suspectum reddit quicquid agitur. Et fere conspiratio seu conjuratio potius, quam consensus animorum ac sententiarum est, quæ in Synodis istis locum habet: Alii nolunt, alii non student, alii non audent meliora suggerere, aut quæ sentiunt proferre, ne finis iste intentus non obtineatur, aut convocatio sine fructu isto sit, quem propositum sibi habent quovis modo consequi. Quare, quæcunque à Censoribus in hoc paragrafo contra Declarationem adferuntur, ea nullius momenti sunt. *Nisi, inquit, decisiones huiusmodi in Synodis fieri concedatur, evanida foret omnis Synodi autoritas*; Nempe, hæc prima atque unica cura vestra est, ut Synodo autoritas constet. Quasi vero in rebus fidei autoritas seu homini seu cætui ulli competat. Hinc illæ lachrymæ: Est tamen, autoritas illis aliqua competat, & publici intersit ne ea evanescat; At autoritatem, quæ injustitiam & Tyrannidem sapit, evanescere, quid periculi in se habet? Optandum utique & adlaborandum est, ut hoc fiat. Decisiones autem istas in rebus fidei præcise intentas, & quæ à delegatis quibusdam ad Synodum fiunt, Tyrannidem sapere tam clarum est, quam lux Solis. *At sine iis religio tota Christiana in incerto versaretur.* Quasi vero Christiana Religio ante decisiones istas in incerto versetur, aut per eas in certo ponatur. Pudeat hæc à Reformatis affirmari, quæ ipsissimum Papatus fermentum sapiunt: Quid enim? Cum Synodos omnes non particulares tantum, sed & generales in decisionibus istis errare posse credatis, quomodo Religio per decisiones istas in certo ponitur? Et cum decisiones istæ ut plurimum fiant cum dissentientium exautoratione, si dissentientes isti contrarias decisiones faciant, quæ certitudo? & apud quos? *Pauci fere sunt isti, inquit.* At nō raro plures contra pauciores bene confu-

Exceptio prima Censoris diluitur, quæ Synodi autoritatem convulsam iri adserit, nisi decisiones præcisæ Synodo concedantur.

Altera exceptio diluitur.

confulentes infanis consiliis & pertinacibus studiis in Synodis certasse author est Sulpitius, & experientia omnium sæculorum fidem fecit: Provinciales Synodos interdum rectius quam universales sensisse, autor est Beza in præfatione sua ad N. Testamentum. *Sed & litium* inquit, *ac controversiarum nullus omnino finis foret.* Nempe ergo, decisionis istæ litium remedia sunt. Quis credat? Hydræ sunt; plures inde nascuntur & confertim pullulant: Ex una lite sic resecta infinitæ germinant. Nec mirum. Oppressa creduntur judicia & externæ quieti, non veritati nec conscientiis consultum: Hinc murmura, susurri, clandestinæ coitiones, odia & schismata, quæ non raro in factiones litibus omnibus pejores definunt. Non est necesse ut huic rei fides fiat. Nullum sæculum est quod non clamat hoc indubium esse. Experientiam nostræ temporis adderem, nisi eam flere ac deplorare satius esset, quam in exemplum & ad confirmationem rei per se manifestæ adducere. Nimirum, litem quinquarticulariam, sic decidit ac finivit Synodus Dordracena, ut nemo, nisi quorum interest, litem hodie integram non malit, quam sic decisam. Majores animorum exacerbationes, majora odia vix concipi possunt, quam quæ post istas decisiones enata sunt: Eo res rediit, proh dolor! ut jam patria nostra nec lites suas, nec litium suarum remedia ferre possit. Hoc pretio constat Dordracena decisio, & litium istarum facta est redemptio.

Quinta conditio est, Si in illis plana, salutaris, atque necessaria veritas arte quidem teneatur; at dissidentibus tamen & veritatem adhuc nescientibus, periculum idcirco nullum creetur, nec vis ulla conscientiis inferatur, &c. *Hic*, inquit Censor, *dicisquam aliquam sententiam agnoscere videri possunt, veruntamen talem agnoscunt, quæ aliis non præscribat.* Ita est: cum de rebus ad communem Ecclesiæ fidem aut salutarem veritatem pertinentibus agitur. Earum enim, quæ ad praxin sive ad Εὐαγγέλιον Ecclesiæ pertinent, alia ratio est. In his, quod pluribus placuit, cæteris præscribi potest, & à cæteris sine tergiversatione ut admittatur, æquum est. At in istis, ut, quod pluribus placuit, cæteris præscribatur, iniquissimum est. Nemo alieno judicio in rebus fidei obligare conscientiam suam debet, nemo judicio suo alienam. Qui obligat & obligari se patitur, in pari culpa sunt. Fides proprium judicium atque ad sensum postulat, quem tollit aliena præscriptio, quocunque demum titulo veniat.

Quasi vero, inquit Censor, *decisio in Synodo, plane, salutaris, & necessaria veritatis, in & ex verbo Dei facta, alios quoque non devinciat,*

D d d d

para,

Tertia exceptio diluitur, quod sic litium & controversiarum nullus omnino finis foret.

Vindicatur Quinta conditio: Ne dissidentibus, aut veritatem nescientibus post decisiones periculum ullum creetur aut vis conscientiarum auferatur, &c.

An decisio in Synodo facta, aliter sentientes aut reluctantes devinciat,

EXAMEN CENSURÆ

puta, aliter sentientes, etiamsi reluctantes. Non sane, quatenus decisio in Synodo facta, vestra est decisio, non eorum qui vel aliter sentiunt, vel decisioni reluctantur. Vestra decisio istos non obligat, priusquam ipsi intelligant, non minus quam vos, decisionem illam recte factam esse: Enimvero, satis non est adhuc ut quis ad adsensum obligetur, ut, quod decisum est, verum sit, & verbo divino consentaneum. Iudicium cuiusque privatum accedat necesse est. Alioquin fides nil nisi implicita fides erit, & turpe ac deforme obsequium. Quocirca, nec decisio quæ in Synodo facta est, obligare quemquam potest ad adsensum, etiamsi decisio recte & ex verbo Dei facta sit, nisi is de decisa illa veritate, apud animum suum persuasus sit, non minus quam ii, à quibus decisio in Synodo facta est. Quod adeo verum est, ut omnes, qui decisioni isti non interfuerunt, de ipsa illa decisione iudicium facere ac ferre debeant, an recte facta sit, nec ante ut recte factam admittere, quam eam proprio suo iudicio deprehenderint recte factam &c. Fatendum quidem est, decisionem, quando à viris multis piis, eruditis, gravibus, & prudentibus facta est in Synodo, non leviter habendam esse, quin & merito inclinare animos nostros ad acriorem decisionis factæ considerationem, sed ut ea cuiquam præscribat, aut dissentientem cogat ad adsensum & obsequium, nec ratio recta, nec communis Reformatorum sententia permittunt. *Neque conscientia ita vis fit*, ait Censor. Non equidem quatenus conscientia merum actum mentis internum sive immanentem significat: Sic enim Vis conscientia fieri nequit, ut recte ait Censor; At non quatenus conscientia significat actum mentis, quo quis obligari se credit ad docendum alios id, quod verum & necessarium esse sibi persuadet: Sic enim cogitur per præscriptionem istam vel dissimulare, quod palam publiceque profitendum esse credit, vel simulare, quod credit esse falsum. *At hæc vis*, inquit Censor, *à verbo Dei fit, cui omnis anima subijcitur.* Imo vero contra à verbo Dei non fit, quando is, cui vis ista fit, credit verbum Dei contrarium jubere, quam quod decisum est & credendum præscribitur aut quando nondum intelligit verbum Dei id jubere, quod decisum est: Nam verbum Dei, etiamsi vim obligandi ex se & per se habeat, actu tamen non obligat quemquam, nisi intellectum, & sic prout adhibita omni possibili diligentia & prudentia intelligendum esse creditur. Nemo enim obligatur ad verum verbi divini sensum sequendum contra conscientiam suam, licet erroneam. Addit Censor, *Et quomodo omnes omnino dissidentes à plana, salutaris, & necessaria veritate*

Quomodo si
eos devinciat,
vis conscientia
eorum
fiat.

Exceptio Cen-
soris diluitur,
vim istam à
verbo Dei fic-
ti.

ritate expertes omnis periculi debere esse statum, quum Ecclesiæ disciplinam incurrant, in tales ex ipsorum sententia quoque exercendam? Quasi vero excommunicationem inter pericula ista censeat Declaratio, a quibus Declaratio liberos esse ac manere vult dissentientes aut reluctantes. Nihil minus: De proprie dictis periculis agit Declaratio, quæ aut corpori aut bonis, aut vitæ ipsorum creantur, ad quorum nullum extenditur excommunicatio.

Postrema conditio est, ut quod in iis statutum est, libero semper examini & ulteriori revisioni subiectum relinquatur, &c. *Hæc fluit*, inquit Censor, ab eodem fonte. Certe, quod semel in verum in planis, salutaribus, & necessariis ex verbo Dei statutum est, semper ut verum, statum firmumque permanere debet: Merus hic est cocylimus, & qui indignus est Reformationis Theologis. Aliud est, id quod in verbo Dei semel statutum est, semper ratum ac firmum permanere debere: Aliud, id quod ex verbo Dei in Synodis ut verum statutum esse creditur, semper ratum ac firmum permanere debere. Prius enim istud semper extra erroris aut dubitationis aleam est: At posterius periculo erroris aut dubitationis semper obnoxium manet, etiamsi millies, & centum viralibus judiciis statutum esset. Hoc si verum est, uti verum esse nullus Reformatus dubitat, quid causæ est, cur, quod semel statutum est in Synodis, non semper examini & ulteriori revisioni subiectum esse ac manere credi debeat? Certe ubi erroris periculum est, ibi examini & revisioni semper locus est. *Atqui, id quod statutum est, ex verbo Dei statutum esse supponitur*, inquit Censor. Esto. At suppositio ista fallere potest. Deinde, si ex verbo Dei statutum est, ergo in verbo Dei antea statutum erat; & tamen ejus examen in Synodo, ubi decisio facta supponitur, factum est. Quid isto examine opus erat? & cur examini ejus, quod in Synodo statutum est ex verbo Dei, & quod tamen errori obnoxium est, locus non erit, cum examini ejus, quod in verbo statutum est, & quod errori nulli obnoxium esse potest, locus in Synodo illa datus sit, ubi decisio facta est? Certe, ex eo quis efficacissime concluderet, majorem auctoritatem a vobis deferri Synodali vestræ decisioni, quam ex verbo facitis, quam decisioni quæ in ipso Dei verbo à Deo facta est. *At, sic semper discitur, & nunquam ad veritatis cognitionem pervenietur*. Contra. Aliter nunquam discitur, nec discere opus erit. Synodales decisiones memoria tenere, iisque mordicus inhærere summa doctrina & eruditionis apex erit. Deinde Christiani hominis est semper discere, examinare, expendere placita & statuta humana, an di-

Postrema conditio vindicatur, ut quod in Synodis statutum est, libero semper examini & Re-
visioni subiectum relin-
quatur.

Exceptio Censoris diluitur: Sic semper discitur, & nunquam ad veritatis cognitionem pervenietur.

EXAMEN CENSURÆ

vino verbo consentanea sint. Nunquam de ullis humanis statuere debet, quod talia sint, ut examinari non debeant ad verbi divini normam, ne quidem, si illa millies examinaverit. Hoc privilegium soli verbo divino competit. Quæ in eo clare decisa sunt, ea non opus habet ut semper discat. Sant enim claræ, apertæ atque indubiæ veritatis. In cæteris, Christianus semper est discipulus & inquisitor; non quod semper dubitet aut hæsitet; sed quod, etiam si impræsentiarum nec dubitet nec dubitandi causam habeat, de iis tamen certus esse non possit ea certitudine, quæ omni erroris periculo exempta est, ac proinde, ea semper solícite expendere & trutinare teneatur, ad regulam, quæ falli non potest. Atque hoc coram Deo satis est, ut prudenter semper didicisse, & ad cognitionem veritatis, quantum in hac fragilitate humana fieri potest, pervenisse dicatur, prout in Censuræ ad Præfationem examine prolixius hac de re à nobis disertatum est.

Ostenditur,
Protestantes
has ipsas con-
ditiones, quas
hic Censores
censuerunt, o-
lim approbas-
se & postula-
se à patribus
Concilii Tri-
dentini.

Atque hæc sunt ea quæ ad vindicias conditionum, quas in Synodis requirit Declaratio, contra exceptiones Censoris sufficiunt. Quibus unum tantum impræsentiarum addimus. Mirum merito videri debere, quod conditiones hæ Censoribus nostris usque adeo displiceant, cum re ipsa non sint nisi ipsissimæ illæ conditiones, quas olim Protestantes ad legitimam Concilii celebrationem contra Tridentinos requisiverunt, & propter quarum defectum Concilium Tridentinum multifariæ, ut vocant, Nullitatis *μὴ ψήφω* condemnarunt. Qui dubitat, videat quæ *Gentiletti* de Nullitatibus Concilii Tridentini, & quæ nuper *Archiepiscopus Spalatensis* pro conditionum à Protestantibus requisitarum æquitate, contra Bellarminum scripsit. Deinde, cum sint conditiones, quæ ex præcipuo Reformationis fundamento deductæ sunt, quod est, Synodos omnes tam Generales quam particulares in decisionibus suis errare posse, ac non raro gravissime errasse. Hoc fundamento supposito, in quo omnes Reformati & Protestantes contra Pontificios conveniunt, omnino necessarium est, ut conditiones illæ, quas requirit Declaratio, in Synodis locum habeant, ut utiliter & ex re tum Ecclesiæ tum Reipub. Christianæ instituantur. Hæc diversitas unde oriatur, haud difficile est colligere. Prout tempora se dant, ita Censores magni humilesque sunt. Autoritate publica pressi æquissima postulant: Autoritate publica præditi iniquissima imperant. Et iniquitatis color est, quod Reformatarum & Pontificiarum Synodorum longe dispar sit ratio: Quasi Reformationis titulus iustum iniquitatis velum sit, & ad bonitatem

nitatem causæ sufficiat Pontificium non esse. Res patet. Inter conditiones octo, quæ à Protestantibus olim requirebantur, hæc una erat, ut decisio non fieret secundum suffragiorum pluralitatem, sed juxta normam verbi divini. In nupera Synodo Dordracena mera pluralitas suffragiorum proram & puppim fecit. Et tantum abest ut decisio ad normam verbi divini facta sit, ut plerique non nisi muti suffragatores fuerint, utpote homines Scripturam & controversiarum ignorantissimi, & inter eos etiam linguæ istius, qua Synodus de communi consensu utebatur, prorsus imperiti, adeo ut, quæ in ea tractabantur, oculis tantum, non auribus observarent, & contradictiones omnes repellerent per merum capitis nutum, aut per nudum *placet* aut *non placet*. Deinde, inter conditiones etiam hæc erat, ut altera pars litigantium iudex non esset, ac proinde Pontifex Romanus Concilium non indiceret, nec ei præsideret. In Synodo Dordracena pars altera litigantium, jampridem schismatis rea, judicandi & præsidendi auctoritatem sibi sumsit, sualque schismaticas actiones suo proprio iudicio, approbavit & confirmavit, & quos jam ante, indicta causa contra omne jus & fas damnaverat, ejecerat, expulerat, iuste à se damnatos, segregatos, ejectos & expulsos pronunciavit. Tertio, Inter conditiones Protestantium erat, ut Theologi Principum ac statuum Confessionis Augustanæ non modo citati ad Synodum accederent, sed non minus quam Episcopi sententias aut voces decisivas haberent. In Synodo Dordracena, Remonstrantes, & inter eos *Professor Episcopus*, & *Ultrajectini fratres*, ille Illust. DD. Ordd. Hollandiæ & Westfrisiæ literis ad Synodum evocatus, hi à Synodo Provinciæ suæ ablegati, Synodo interesse prohibiti fuerint, & citatorum in numero comparere iussi sunt, quibus non modo non permissa fuerunt libera cum cæteris suffragia, sed libertas citatis jure omni divino atque humano debita, etiam contra ipsarum literarum citatoriarum fidem, adempta fuit. Quarto, Inter conditiones etiam erat, ut Prælati omnes absolverentur à juramento fidelitatis, quo Papæ obstricti erant, & traditionum ac Canonum Ecclesiasticorum rationem non haberet, sed solius verbi divini. In Synodo Dordracena, ut deputati ad Synodum absolverentur à juramento fidelitatis, quo Confessioni & Catechesi obstricti erant, iniquissimum iudicatum fuit, & in hac Censura accerrime reprehenditur à Censoribus. Hæc palliare atque incrustare hac una exceptione, quod in Synodo ista decretum fuerit, ut non nisi secundum normam verbi divini judicaretur, nihil aliud est quam

D d d d 3

sæpius

EXAMEN CENSURÆ

sepia atramentum addere, & virtutem verba putare, ut lucum ligna. Aliud *ἔργα* aliud *πράγματα*. Decreta ista fieri videntur, ut pro operimento sint, ne praxis diluceat: Nihil enim commune cum decreto isto praxis habet. Atque hæc inter arcana imperii sunt, Pessimis factis decreta optima prætexere, &, cum aliter agas, aliter tamen agere videri velle.

De officio
Christiani Ma-
gistratus in re-
gimine Eccle-
siæ.

Denique, Sectione III. & IV. Censor ait, *de officio pii Magistratus circa Synodos, & universim de toto Magistratus in regimine Ecclesiæ officio agunt.* Si per pios Magistratus Censor Magistratum Christianum intelligit, recte mentem Declarationis expressit; Non enim agit Declaratio nisi de Magistratu, qui Dei Christique auctoritatem supra se agnoscit, & ex præscripto Religionis Christianæ eam exercet & administrat. Quod vero addit, *Declarationem agere universim de toto Magistratus, in Regimine Ecclesiæ, officio, id amuleto opus habet.* Nam de officio Magistratus simpliciter, qua Magistratus est, sive, qua supremam in Regno, statu, aut Republica potestatem habet, sive sit Iudaicus, sive gentilis, sive aliis quivis Magistratus, Declaratio non agit: sed tantum de officio Magistratus Christiani, circa externum Ecclesiæ ordinem, ac regimen, quod videlicet istud agnoscere debeat Ecclesiæ, quæ potestati ejus subdita est. Quæ sit potestas Magistratus, qua talis, circa sacra universim, alterius loci est disquirere. Dicunt itaque, ait Censor, *officium Magistratus esse, externum Ecclesiæ ordinem ac regimen architectonice moderari, & publicum Dei in ea cultum sartum tectum conservare.* Certe agnoscimus & nos inquit, hoc Magistratus officium: Sed quod addunt, *Architectonice moderari, id absolute ita dici non potest:* At nec absolute id ita dicit Declaratio, quamquam, si id dixisset, nihil dixisset, nisi quod verissimum & optimis rationibus nixum est. Atqui tamen, inquit Censor, *id evincitur ex eo, quod prænotarunt de Magistratu Christiano, si quis modo talis sit in Ecclesiæ, quo satis indicant non absolutam ejus potestatem esse in Ecclesiæ regimine, &c.* At verba illa, *Si quis modo talis sit in Ecclesiæ*, non eo fine declarationi inserta sunt, ut indicetur Magistratui supremo absolute, sive, qua Magistratus supremus est, jus sive potestatem illam in publico sive externo Ecclesiæ regimine non competere. Nihil minus: Potestati enim supremæ sive architectonicæ, qua potestas suprema est, jus hoc ut competat, ratio ordinis sive boni regiminis natura sua postulat. Duas enim summas potestates in uno populo dari, ipsius summitatis naturæ omnino repugnat. Sed eo tantum fine declarationi inserta sunt verba illa, ut indicaretur,

Quid sibi ve-
llet verba De-
clarationi in-
serta, Si modo
Christianus
Magistratus in
Ecclesiæ sit,

dicaretur, Ecclesiæ esse, in publico isto atque externo regimine agnoscere potestatem illam, neque sine ejus autoritate, jussu aut consensu, nedum, invita aut refragante illa, quicquam eorum, quæ ad externum istud regimen pertinent, decernere aut suscipere, tanquam si ad eam cura ista non pertineret, aut ad eam non nisi secundo ac minus principaliter pertineret. Si enim Magistratus persecutor aut osor sit Ecclesiæ, aut si curam illum externi regiminis in se nolit suscipere, sed eam subditorum suorum arbitrio liberam velit relinquere, tum ut autoritas Magistratus interveniat necesse non est. Quid enim juvat Magistratum potestate illa præditum esse, si ea uti nolit? At, si talis in Ecclesia Magistratus sit, qui ea uti vult, & curam istam ad se pertinere credit: tum autoritas ejus, post Dei Christique autoritatem, regimini isti intervenire debet. Et ratio est; Si Magistratui, qua tali, jus hoc competit, ergo multo magis competit Magistratui Christiano, & si quis modo talis in Ecclesia sit, ut id ei deferatur ab Ecclesia, æquissimum est: Christiana enim Religio non modo non adimit Magistratui potestatem illam, sed addit insuper aptitudinē potestate illa recte & ex præscripto Religionis Christianæ utendi. Quare, cum Censor ex verbis istis colligit, Potestatem hanc Magistratui competere ex accidente, quando, scilicet, Magistratus Ecclesiæ membrum est, nec aliter, à mente atque sententia Declarationis plane deviauit.

Veruntamen, juvat totam hanc rem propius paulum, vestigiis & verbis Censoris insistendo, expendere. Hic enim manifeste produnt se Censores, & quam sint reverentes supremarum potestatum, cum de earum summa autoritate agitur, palam testatum faciunt. Quicquid alias videri volunt maxima earum reverentia duci, quicquid protestantur de obsequio & fidelitate sua, id omne vanum videri debet. Ad hunc apicem, unde tota eorum reverentia fluere debet, ubi ventum est, protestationum omnium naufragium fieri necesse est: Non potest autoritas suprema magis directe labefactari, nec Tyrannidis aut Hierarchiæ Ecclesiasticæ fundamentum apertius scabilliri, quam si vel supra vel juxta Magistratum collocetur potestas, cui immediate sub Christo publica cura religionis & externum Ecclesiæ regimen competere dicatur: Sic enim necessario efficitur, supremi Magistratus esse, potestati isti aut parere aut servire, quod ad curam istam attinet, quod summitati & supremæ potestatis essentia directe repugnat. Vertant sese Censores in mille formas, huc recidet universa eorum reverentia, & tandem in Papatum vel quasi
Papa-

EXAMEN CENSURÆ

Papatum desinet: Rem testem dabimus, vestigia Cenloris prement-

tes.

De potestate
Magistratus
architectoni-
ca in regimi-
ne Ecclesiæ.

Christus, inquit, ut unicus Ecclesiæ Rex, Ecclesiam suam ipse regit ac moderatur architectonice, non tantum, qua interna, sed & qua externa & publica est: At de eo non quæritur, utrimque hoc in confesso est: Sed quæritur tantum, An Christus Ecclesiam suam, qua publica & externa est, immediate tantum regat ac moderetur. Per Ministros suos id facit, inquit Censor: Ministri ergo sive pastores habent potestatem & auctoritatem immediate, id est, primam ac supremam sub & à Christo. Magistratus itaque potestatem istam aut prorsus non habet, aut immediate etiam una & cum Ministris eam à Christo habet, aut ministrorum istorum ista in re minister ac subditus est, quæ quam sint absurda, in sequentibus demonstrabitur. At Ministri isti ministerialiter tantum agunt, inquit Censor. Hæc tantum sunt verba. Ministerialiter agere hic reipsa idem est, quod architectonice regimen ac moderamen Ecclesiæ habere. Nam & Magistratus minister est & ministerialiter tantum Dei ac Christi respectu agere dicitur, cum architectonica ei potestas tribuitur. Et Architectonice regere ac moderari nihil aliud est, quam potestatem & auctoritatem regendi ac moderandi habere, qua nulla alia potestas sive auctoritas sub Christo superior est. At nulla potestas vere architectonica est in Dei Ecclesia. Nempe, vere architectonica, id est, quæ nulli superiori, nec Deo, nec Christo, subdita est. Quis non tussiat ad tam frigidas, & in speciem humiles exceptiones, dicam, an cavillationes, quibus ipsum superbix virus tegitur? Quasi quisquam adeo sit demens, ut tale quid ei in mentem veniat, aut quasi Declaratio architectonicam moderationem, quam Magistratui tribuit, non diserte ponat post summam Dei Christique auctoritatem: Verba videantur, & res patebit. Quare futile est, quod Censor hic distinguit inter potestatem absolute architectonicam, & subalterne. Nam, ne occasio quidem suspicandi est, Declarationem tribuere Magistratui Christiano potestatem absolute architectonicam, aut talem, quæ non sit subalterna potestati Domini Jesu Christi: Hæc sine tædio vix possunt disputari, adeo sunt, non Dico Academica, sed trivialia.

At, inquit Censor, Si quis subalterne sub Christo talem auctoritatem architectonicam dicat competere Magistratui, ille Ecclesiam sacrumque Ministerium, quod immediate subest Christo, jam Magistratui ita submittit, ut Ministri non modo Dei, sed & Magistratus ministri dici debeant,

beant, atque ita Ecclesia, Ministerioque Ecclesiastico sua potestas divinitus tributa subducetur. Hæc non in Remonstrantes tantum, sed in complures Reformatos Theologos adeoque Reformationis Principes dici, ex sequentibus manifestum fiet. Sed nos hic jam pedem paulisper figemus, ut status controversiæ, qui alias mirum in modum involvi solet, pateat & oculis omnium expolitus sit: Thesis Declarationis & Remonstrantium hæc est:

Potestas architectonica, quoad publicum & externum Ecclesiæ regimen, immediate sub Christo competit Magistratui Christiano, non Ministris Ecclesiæ.

Thesis Censorum hæc est:

Potestas architectonica, quoad publicum & externum Ecclesiæ regimen, immediate sub Christo competit Ministris Ecclesiæ, non autem Magistratui Christiano.

Contradictoria hæc Censorum Thesis ex verbis eorum manifeste liquet: Dicunt enim eos, qui auctoritatem architectonicam subalterne sub Christo Magistratui tribuunt, Ecclesiæ adimere auctoritatem, quæ divinitus & subalterne sub Christo ei concessa est. Hoc autem tantundem est, atque dicere, Potestatem architectonicam, quoad publicum Ecclesiæ regimen, competere Ministris Ecclesiæ, non autem Magistratui Christiano. Ex ratione etiam contradictio hæc manifesta est. Alterutrum enim dicendum est, Aut utrisque simul immediate architectonicam istam potestatem sub Christo competere, aut alterutri tantum: utrisque simul ut competere dicatur, per se absurdum est: Nam alioquin duæ collaterales potestates architectonicæ, quarum altera ab altera non dependeret, in Ecclesia Christi statuendæ forent, quod contra boni regiminis naturam est: Ministris itaque Ecclesiæ, exclusive ad Magistratum Christianum, quatalem, auctoritas ista competit, ex Censorum aperta confessione.

Digna est hæc sententia & Confessio, quæ à Regibus, Principibus, & Ordinibus, populorumque Rectoribus serio perpendatur. Est enim ipsissimum Papatus corculum ac medulla, qua salva, auctoritas eorū nil nisi inanis umbra & titulus sine re est. Hoc tamē ita accipiendum non est, quasi sententia ista conveniat per omnia cum iis, quæ Papa jam usurpat aut sibi tribuit: Nihil minus: Sed quod contineat illud ipsū, in quo sita est forma Papatus, seu Papalis hierarchias, sive illa in Papa solo, sive in cōcilio supra Papam, sive in utroque simul residere dicatur: Ex eo autem concessio, cætera omnia, quæ Papa jam usurpat, tam necessario fluunt, quam calor ex

E e e

igne,

Status controversiæ inter Remonstrantes & Contra-Remonstrantes, de Potestate Magistratus Christiani in regimine Ecclesiæ.

Ostenditur sententiam Censorū cum sententia Pontificiorū convenire, quoad principalem controversiæ statum.

EXAMEN CENSURÆ

igne, si quis modo consequenter sentire & loqui velit, prout infra demonstrabimus. Quod idcirco monendum putamus, ut intelligatur, quam inepte ii disputent, qui, ut sententiam hanc suam à Papatus crimine aut suspicione purgent, varia adferre solent, quæ jam Papa sibi arrogat, à quibus ipsi se abhorreere profitentur; quasi vid. id magnopere ad rem faciat, salvo manente principali Papatus fundamento, & quasi certum non sit, cætera ista ex fundamento hoc necessario consequi, quicquid ii, qui fundamentum hoc tenent, ab iis abhorreere videre velint. Deinde, quam parum candide ac sincere agant ii, qui, cum de Autoritate Magistratus circa sacra disputatur, principalem controversiæ statum dissimulant, & operosas quæstiones ac speciosos quosdam controversiæ status formant, qui aut ad rem principalem non faciunt, aut extra controversiæ lineam sunt, & quos non nisi ad amoliendum aut divertendum Principalis status seu controversiæ, quam metuunt invidiam, facere, pene palpari potest: In hoc ordine si cum ineptis quibusdam aliis scribillatoribus, se non esse sibi persuasit Walæus vester, quum de officio Ministrorum & Magistratus autoritate librum suum contra Reverendum D. Uytenbogardum scriberet; næ, aut valde sibi ipsi placuit, aut Elephanti corio textus fuit. Quorum enim tria illa capita, quæ in libro isto tractat, alio spectant, quam ad obscurandum & tegendum principalis controversiæ statum, quem Reverendus iste Senex optime formaverat, & quem pro principali statu habendum esse non obscure hic illic Walæus in libro isto testatum facit; ipsiq; adeo Pontificii, quando contra Anglos disputant, principalem esse agnoscunt, usque adeo ut omnia pene, quæ in isto libro Walæi tractantur, vel ipsis iudicibus, ad rem non faciant. Distinguunt enim inter Potestatem ordinis, Potestatem jurisdictionis interioris, & Potestatem jurisdictionis exterioris: & duo priora certa utrimque esse dicunt; Postremum in controversia. Vide Mart. Becanum de Primatu Regis Angliæ, circa principium. Itaque huc omnia redeunt:

Architectonicam potestatem regendi Ecclesiam immediate sub Christo competere Ministris Ecclesiæ, non autem Magistratui Christiano.

Hinc immediate sequitur:

Supremum atque architectonicum iudicium de iis, quæ pertinent ad externum Ecclesiæ regimen, immediate sub Christo competere Ministris Ecclesiæ.

Consequentiar ratio per se patet: Supremum enim regimen, sine supremo

premo iudicio, supremum regimen non est: Qui enim iudicia aliorum sequi tenetur, is non regit, sed regitur, adeoque mancipium & servus est iudicantium.

Hoc posito sequitur immediate,

Universam auctoritatem, inspectionem, curam & directionem, quæ Magistratui à Censoribus tribuitur dependere à iudicio Ministrorum Ecclesiæ, tanquam à iudicio summi tribunalis, & supremæ Curix, à qua provocatio non datur.

Ex eo a, deinde immediate hæc sequuntur:

- I. Magistratum Christianum non indirecte tantum, sed directe etiam obligari ad sequendum iudicium Ministrorum Ecclesiæ in vocatione, promotione, correctione, exautoratione, punitione, coercitione, &c. pastorum aliorumque Ecclesiæ subditorum, in convocatione & celebratione Classium, Synodorum, &c.
- II. Magistratus Christiani esse, decreta omnia Ministrorum, quæ ad publicum Ecclesiæ regimen pertinent, auctoritate sua sancire ac stabilire contra omnes dissentientes, reluctantes, & tergiversantes.
- III. Subditos & membra Ecclesiæ non obligari ad parendum Magistratui Christiano, si quid statuat aut decernat contra iudicium Ministrorum Ecclesiæ, in rebus ad regimen Ecclesiæ pertinentibus; imo obligari ad non parendum.

Breviter; Magistratus Christiani esse, statutis, decretisque Ministrorum Ecclesiæ parere ac servire: sententias latas approbare, & exequi licitoris aut carnificis instar, aut, si malis, famuli ac mancipii instar.

Hæc omnia ex primo isto fundamento consequi, natura rei ipsius docet, & praxis Ecclesiarum istarum omnium, quæ fundamentum istud tenent & rerum in Regno, Repub. aut statu ullo potiuntur. Matricem ipsam Ecclesiarum omnium, Genevam tantum vide, quæ axioma hoc Calvinus ut & cætera omnia ejus placita mordicus tenet atque amplectitur: Quæcunque ex eo sequi diximus, ea isthic omnia in usu sunt, etsi non desint aliquando, quibus hierarchia ista displicet. Magistratus omnia, velit nolit, ex Ministrorum arbitrio gerit: Quin & auctoritatem suam iis commodat, ubi ea opus esse Ministri iudicant. Crimen læsæ divinæ Majestatis esse creditur non parere Ministrorum decretis. Hinc nemini in ea sedem aut domicilium figere licet, nisi qui consensum suum cum Ministris istis per omnia

EXAMEN CENSURÆ

nia profitetur Sacro sanctæ cœnæ communionem. Idem hoc confirmant non obscure Censores hi, hoc ipso in loco, cum *Magistratus potestatem dū loq[ui]t[ur] & dēg[er]it[ur] in eo positam esse dicunt, ut pietatē & ordinem Ecclesiæ, (à Ministris sc. constitutum) legibus sanciat ad vigorem publicæ observantiæ.* Quod revera aliud nihil est, quam Magistratus esse, executioni mandare & autoritate sua politica, quam vocant, sancire ac rata esse jubere Ministrorum decreta ac statuta, prout aperte satis innuunt, cum deinde subjiciunt, *Magistratum potestate ista sua uti debere, non tantum quod boni publicique ordinis sit iutor; sed etiam quod membrum Ecclesiæ Christi sit, cujus est quoque, externam suam potestatem (qualiter omnia membra pro modulo queque suo facere debent) conferre ad Ecclesiæ bonum, & se ejus nutrimentum præbere ac præstare.*

Ostenditur
sententiam
Censuræ à
Reformatis
multis Theo-
logis aperte
damnata[m] es-
se hodieque
clamari.

Theologos
M. Britannia,
cum Remon-
strantibus sen-
tire, testimo-
niis & ratio-
bus evincitur,

Atque hæc omnia ipsissimum Papatus aut Papalis imperii arcanum esse qui non videt, nã is in meridie ipso cæcus est. Hæc causa est, cur non pauci Reformati doctores ab ista sententia se prorsus abhorreere professi sunt, tanquam à sententia, quæ ipsissimum Pontificiæ hierarchias *Ango-
licæ* est. Inter quos principem locum tenent omnes fere Magnæ Britanniæ Theologi, prout ex disputationibus eorum doctissimis contra Pontificios manifestum est. Cum his sentiunt, Musculus, Martyr, Paræus, Brentius alique non infimi subfellii Theologi. Ac Theologos Magnæ Britannia quod attinet, sententia eorum in propatulo est. Eam flectere aut interpretatione elaborata torquere velle, ut conveniat cum sententia horum Censuræ, adeo vernile ac putidum est, ut mirum sit, si Walæum vestrum, qui id in libro suo de officio Ministrorum Ecclesiæ &c. tentavit, instituti sui non pudeat: Nimirum sic ex capite Ecclesiæ pes & brachium, ex supremo gubernatore Minister Ministrorum sit, qui decreta & jussa eorum sancire & exequi tenetur, ad vigorem publicæ observantiæ. Verba Walæi videantur, & jurare ausim, neminem sani cerebri reclamaturum: quin & ipsos Pontificios clamatueros, nescire se quis inter ipsos & Anglos de Primatu Regis controversiæ status sit. Profecto candidius multo (etsi durius non nihil) sententiam Regis & Theologorum Magnæ Britannia expressit Petrus Martyr in commentariis suis in 1. librum Samuelis cap. 8. pag. 50. cum ait: *Atque hoc fortasse est, quod Rex Angliæ voluit, se secundum Christum appellari caput Ecclesiæ. Putavit enim eam potestatem, quam sibi Papa usurpaverat, suam esse, & in suo regno ad se pertinere.* Ita est. Candor hic est, quem obfuscant nebulæ istæ interpretationum. Huc enim

enim redit controversia inter Britannos & Pontificios : An potestatem istam jurisdictionis exterioris , quam Papa antea sibi vendicaverat , Rex quilibet in regno suo non habeat , & quidem immediatè à Deo , id est , ut rectè Becanus in refutatione *Apologia & Monitoria Prefationis* , *Jacobi Magnæ Britannia Regis* , ad Imperatorem , Reges & Principes , & in Refutatione *Tortura Torti* , ait ; *An Rex sit supremus Index Ecclesiasticus* , qui sua autoritate à nullo alio in terris dependente , possit convocare Synodos , iis præsidere , controversias circa fidem & religionem dirimere , (intellige quatenus exteriori jurisdictioni subjacent , nec aliter) beneficia conferre , Episcopos constitutare & deponere , & similes religionis actus exercere ? Hoc enim est , inquit , habere primatum , quoad gubernationem exteriorem : Nisi hic controversiæ status ponatur , fatendum utique est Anglos & Pontificios inter se *ἀγορασέν* ; Imo , si Anglorum ista est sententia , quam iis tribuit *Walæus* , fatendum est eandem esse utriusque partis sententiam , ac proinde controversiam sopitam . Etenim quæcunque *Walæus* Regi tribui ab Anglis asserit , eorum ne syllabam quidem negaverit Pontificius . Tu Lector , quisquis es , judica . Hæc sunt *Walæi* verba , libri sui pag. 116. 117 .

Quando Angli Regem supremum Ecclesiæ gubernatorem vocant , tum non id volunt , quasi Rex Ecclesiasticam aut spiritualem potestatem ad regendum Ecclesiæ à Christo acceperit , secundum quam vicinior Christo sit quam Ecclesiæ Ministri , qualem Papa sibi arrogat ; Nec id volunt , quasi Rex tantum Deo & verbo ejus subiectus sit ; Ministri autem non subsint immediate Christo & verbo ejus , sed Regis nomine Ministerio fungantur , aut Ecclesiæ spiritualibus mediis regant , Nam Rex , qua Rex , non habet spiritualem potestatem ; quare nec eam exercere possunt Ministri Ecclesiarum , nomine Regis : Sed id volunt , Regem in Regno suo esse Politicum Ecclesiæ gubernatorem , ut Ecclesiæ civilis & corporali sua vi defendat , omnesque Regni sui subditos , qua Ecclesiasticos , qua saculares cogat ad officium rectè faciendum , prout supra diximus , hoc ad munus Magistratus pertinere . Atque hæc cura vocatur suprema , quia se extendit ad omnes , & cum corporali vi ac mundana gloria supra alias omnes conjuncta est : Sic tamen id accipi debere declarant , ut intelligatur , Ministros etiam à Christo mitti , non solum ad alia Ecclesiæ membra , sed etiam ad Regem ipsum , quem , ratione spiritualis hujus regiminis , volunt subditum esse Ministris Ecclesiarum , tanquam Ministris Christi , & Ecclesiæ instrumentis seu organis . Hactenus *Walæus* . Hoc si ita est , quis vel perspicacissimus videat , quis sit controversiæ status inter Anglos & Pontificios ? Tentet id *Walæus* , & sentiet aquam sibi hæerere ,

EXAMEN CENSURÆ

& se in eodem cum Pontificiis, quantum ad principalem rem attinet, luto hæere; id est, se eandem prorsus sententiam tenere, quam *Becanus* in tractatu de Primatu Regis Angliæ, sub finem partis primæ cap. 8. ingenue & consequenter profitetur, cum respondet ad quæstionem, Quod sit ergo officium Regis circa Ecclesiam? dicam verbo: Debent illam tuere ac defendere, non ut Domini, sed ut Ministri; neque ut iudices, sed ut exequutores.

Varios Reformatos Theologos cum Remonstrantibus idem sentire, eorum testimoniis & argumentis demonstratur.

Cæterorum Theologorum Musculi, Martyris sturmi, Paræi, aliorumque eadem est ratio. Testimonia eorum passim à nostris citata legere est. Musculus in locis suis communibus de Magistratu, *Se sentire & confidenter absque ulla dissimulatione adserere* profitetur, Religionis instituende, gubernande ac vindicande potestatem supremam, pertinere ad eos Magistratus, quibus est merum imperium in subditos & potestas gladii, humanæque vite gubernatio & condendarum legum autoritas, N.B. nullo ad hæc superiores potestatis requisito consensu. Martyr eo usque progreditur uti paulo ante diximus, ut Regem Angliæ recte fecisse adferat, quum secundum Christum Ecclesiæ caput appellari voluit, Putavit enim, inquit, eam potestatem, quam sibi Papa usurpaverat, suam esse, & in suo regno ad se pertinere. Vide commentaria ejus in 1. lib. Samuel cap. 8. pag. 50. Sturmius in præfat. ad Principem Turchesium asserit, In Magistratum cadere curam Ecclesiarum ἀρχιερωσύνην. Paræus in præfatione ad Lantgraviū idem prolixè tradit, cum potestati civili architectonica, Ecclesiasticam & civilem simpliciter dictam, ut duas disparatas species subordinat; & Architectonica istius potestati non modo curam, sed præcipuam curam religionis tribuit, nec curam tantum passivam, ut est privatorum; sed potestativam & cum jurisdictione, &c. Hæc si quis conciliare velit cum sententia Censorum, is citius ignem & aquam inter se conciliaverit. Quare pertinacia aut stupor Walæum vestrum habuit, cum tam longe dissita componere studuit. Usque aded pervicax quorundam est ingenium, ut ineptire malint, quam veritati vel adversario hilum concedere; Nimirum hæc propositiones conciliandæ sunt: Architectonica potestas externo regimine regendi Ecclesiam competit sub Christo, Magistratui: & Qui Architectonicam potestatem externo regimine regendi Ecclesiam tribuit sub Christo Magistratui, ille subducit Ecclesiæ Ministerioq; Ecclesiastico potestatem, quæ divinitus Ecclesiæ & Ministris tributa est. Item Magistratus habet immediate sub Christo architectonicam potestatem externo regimine regendi Ecclesiam, & Ministri habent potestatem isto regimine regendi Ecclesiam

clesiam immediate sub & à Christo. Item: Cura prima ac præcipua externa Religionis Magistratui à Deo mandata est, & , Curam Religionis immediate à Christo & sub Christo habent Ecclesiarum Ministri: Item, Potestas Ecclesiastica subordinata est potestati civili; & potestas Ecclesiastica immediate subest Christo: Hæ propositiones toto cælo distant: Et mirum admodum est, id à Walæo in dubium vocari, cum authores illi ipsi, Musculus saltem, apertis verbis profiteantur, se, cum istam suam sententiam proponunt, diversum sentire à cæteris; non Pontificiis tantum, sed Reformatis Theologis. Quod si quis insuper adhuc videat rationes, quibus prædicti Theologi sententiâ suam adstruunt, fieri vix potest ut dubitationi ulli locus supersit. Duæ tantum, quæ passim occurrunt, & fere palmarie sunt, videantur. *Prima est*: Repugnat naturæ Legislationis & ordinatæ gubernationis, ut Duæ sint in eodem populo potestates authenticæ sive architectonicæ, duæ diversæ legislationes & dominationes, nisi per subordinationem, perinde atque repugnat ut duobus in uno corpore locus sit capitibus: Hanc rationem habent fere doctores citati omnes. Eam autem quis non videt directe evertere sententiam eorum, qui statuunt Ministros, quoad regimen Ecclesiæ externum, immediate Christo subesse? Immediatum enim regimen tollit subordinationem, adeoque aut duo in uno eodemque corpore constituit capita, sibi invicem non subordinata, aut ex subalternato subalternans facit. *Alteræ ratio est*. Supremi Magistratus officium est, curare ut vera Religio vigeat, & collapsa restituatur; ut pastores officium suum faciant: & , non facientes, pro merito puniantur. Hoc officium, inquiunt, exercere non potest Magistratus quæ talis, nisi autoritas & potestas ejus, quoad Regimen Ecclesiæ, sit supra Ministros eorumque functiones publicas: Nam pone alterutrum horum accidere; Aut Ministros, sive omnes sive plebrosque à vera doctrina sanctisque moribus ad hæreses aut vitæ profanitatem deficere; eosque nihilominus sibi persuadere, se certam viam in docendo & vivendo tenere; Aut, si doctrina publice recepta, falsa sit, Magistratum rectius edoctum judicare receptam doctrinam emendatione, correctione, aut revisione opus habere, contra sententiam & judicium Ministrorum Ecclesiæ; Pone, inquam, alterutrum horum accidere, fieri non potest, ut concipiatur, quomodo in hisce casibus Magistratus se gerere ex officio debeat, nisi statuatur, supremam potestatem & curam regendi Ecclesiam ipsi à Deo attributam esse; Nam nisi id statuatur, quando, quo jure, quomodo instituet Reformationem

tum

EXAMEN CENSURÆ

tum pastorum, tum errorum? Iudicium suum si sequatur, potestatis suæ limitem egredi dicitur. Si pastorum iudicium sequatur, nullam Reformationem instituet aut instituere poterit. Hæ sunt duæ rationes, quibus citati Theologi alique sententiam suam confirmant; graviores sane ac solidiores, quam ut distinctione aliqua Academica eludi possint aut enervari. Pluribus hæc & prolixius à nobis tractarentur, si occasionem nobis dedissent Censores: Sed quia id in hac Censura factum ab ipsis non est, hæc pauca sufficient. Tantummodo nonnulla dicemus ad rationes eorum, quibus sententiam suam obiter confirmant.

Refellitur prima Censuræ ratio contra sententiam Re-monstrantium in Censura adducta.

Observatio necessaria ad pleniorē sententiæ Declarationis intelligentiam.

Prima ratio eorum est: *Qui Magistratui subalterne sub Christo potestatem Architectonicam tribuit, ille Ecclesiam sacrumque Ministerium quod immediate subest Christo, Magistratum ita submitti, ut Ministri non modo Dei sed & Magistratus ministri dici debeant.* Nempe hoc ingens absurdum est! Quasi vero eadem ratio non militet contra Censores. Si Ministris immediate sub Christo tribuatur architectonica potestas regendi Ecclesiam, ergo Magistratus non modo ministri sive *ἀδελφοὶ* Dei, sed & Ministrorum istorum Ministri erunt. Deinde, Quid absurdi in eo est, si dicatur Ministros, quoad externum Ecclesiæ regimen, non Dei tantum, sed & Magistratus, qui Dei vicem in terris gerit, Ministros esse? Subordinata non pugnant, & manifesta est ratio, quæ istud non esse absurdum arguit. Nam alioquin alterum horum duorum statueretur. Aut Magistratus non Dei tantum, sed Ministrorum ministros esse, aut eos eandem architectonicam potestatem collateraliter & immediate sub Christo habere, juxta Ministros Ecclesiarum. Eligat utrum volet Censor. Si prius adferat, rationem suam enervabit, cur enim absurdum videri debet, Ministros non Dei tantum sed & Magistratus Ministros esse, & absurdum non videbitur, Magistratus, qui differt *ἀδελφους* & *ἀρχιεπισκόπους* sive Minister Dei vocatur Rom. 13. 4. 6. non Dei tantum, sed Ministrorum etiam ministrum esse? Si posterius adferat, collateralitatem, quam ubique damnare videri vult, à Deo institutam esse ut dicat necesse est. Verum enimvero animadvertendum hoc loco est: Quando adferitur, absurdum non esse ut Ministri non Dei tantum, sed & Magistratus Ministri sint, id eo sensu accipiendum non esse, quasi Ministrorum ministerium simpliciter dependeat à Magistratu, ita ut ministris non nisi ex præscripto & jussu Magistratus verbum Dei docere, Sacramenta administrare, & disciplinam Ecclesiasticam aliasque functiones exercere liceat. Absit. Nam ministri Magi-

Magistratus Ministri sunt, quatenus Magistratus Dei minister est; Quare si judicent in conscientia sua, præscriptum Magistratus non esse Dei præscriptum, sed divinæ voluntati in verbo ejus expressæ repugnans, non modo non possunt; sed & debent Ministerium Magistratui reculare: *Oportet enim Deo magis parere quam hominibus, Act. 4. 19.* Sed id eo sensu accipiendum est, Quod Ministri, si Ministerio publico in templis locisque publicis, quorum Dominus est Magistratus, fungi velint, præter aut contra Magistratus voluntatem in locis istis publicis docere aut agere nihil debeant. Alterutrum enim faciendum est: Aut parendum est Magistratui, si iusta & verbo Dei consentanea in locis istis fieri jubeat; Aut si contraria jubere aut vetare nobis videatur, nullisque rationibus à proposito suo dimoveri possit; cedendum est locis & functionibus istis publicis, & conscientia Deo integra reservanda est, docendumque ex præscripto Dei seorsim in locis privatis, in quæ Magistratui jus non est; imprimis, si sint qui doceri & institui velint. Rebelle, aut per tumultum & seditionem se opponere Magistratui, aut loca publica per vim retinere invito Magistratu, nunquam licet. Nullius conscientia obstringitur ad docendum in locis publicis. Aliud est docere, aliud docere in locis publicis juri Magistratus subditis. In his qui docere volunt, Magistratus sunt ministri; neque invito magistratu tentare quicquam debent: Aut serviendum aut credendum est & docendum ubi licet, & Magistratus jubendi ac prohibendi jus non habet.

Altera ratio est, *Hoc modo, loco unius Papæ, tot Papæ erunt, quot sunt summi Ministri.* Et hæc ratio contra Censorem militabit si retorquetur hunc in modum; Si ministri immediate sub Christo potestatem architectonicam regendi Ecclesiam habent, tum loco unius Papæ tot erunt Papæ, quot ministri aut Ministrorum Synodi: verbi gratia, Calvinistæ, Lutherani, Anabaptistæ, Arriani, Samosateniani, Brunistæ, Puritani, &c. singuli in suis Ecclesiis Papæ erunt. Hoc si absurdum non videretur Censori, cur si idem Magistratibus supremis, Regibus ac Principibus tribuatur, absurdum videbitur? Certe *Petrus Martyr* non dubitat adfirmare, uti supra vidimus, Regem quemlibet in suo regno eandem potestatem circa externum Ecclesiæ regimen habere, quam Papa sibi hæcenus injuste usurpavit. Quare, ex sententia Martyris, tot erunt Papæ, quot Reges Principesque. Plura hic respondere non est necesse: Ratio enim hæc Censoris nihil solidi in se habet, sed speciem tantum & larvum, quam ei dat odiosum Papæ nomen, quod tamen non minus in ipsos Censores, quam

Secunda Censorum ratio refellitur.

F f f f

quam

EXAMEN CENSURÆ

quam in Magistratus quadraturum esse, si ratio retorqueatur, jam demonstravimus.

Tertia Censorum ratio refellitur.

Tertia ratio, quæ tamen obscurius proponitur, est: *Magistratus est membrum Ecclesiæ, ergo Ecclesiæ & Ministris ejus subditus est.* Et hæc ratio contra Censorem retorqueri etiam potest hunc in modum, Ministri etiam sunt membra Ecclesiæ; ergo pari jure regimen Ecclesiæ supremum sub Christo iis non competit. Deinde, Magistratus, quia Magistratus, non est membrum Ecclesiæ, non magis quam Pater, quia Pater, membrum est Ecclesiæ; uti Pater, quia Pater Dominus est familiæ suæ, sic Magistratus, quia Magistratus, Dominus est Reipublicæ suæ, *Omnis enim anima potestati illius subdita est*, uti diserte dicitur Rom. 13. 1. Denique, si omnino quis velit Magistratum, quia talem, membrum Ecclesiæ esse, certum tamen est, eum non aliter Ecclesiæ membrum dicendum esse, quam quatenus Ecclesiæ Christi corpus est, quod fide & sanctimonia vitæ cum Christo capite conjunctum est. At hic quaeritur, an magistratus Ecclesiæ membrum sit, quatenus Ecclesiæ significat cœtum, qui in publicis & jure magistratus subditis locis convenit, & externis functionibus veluti unum corpus ligamentis ac vinculis, compactus ac conglutinator est: Hoc sensu enim magistratus, quia talis, non est membrum proprie dictum, cœtus istius, sed Dominus, cujus imperio tum loca, tum quæ in locis istis geruntur munia, subdita sunt: Concludam rem hanc verbis Paræi, quæ optime ad eam quadrant: *Atqui, inquit, Principes Christiani sunt oves? Regi ergo verbo, non regere verbum Dei debent. ægyptiæ sunt, vocem Jericæ habent. Regere igitur Ecclesiasticos, non regi ab illis debent.* In præfat. ad Lantgravium.

Quæ porro de potestate Magistratus in convocandis Synodis, cum opus est, de ejus præsidio, suo scilicet loco, aliisque Synodicis actibus, &c. in Declaratione adseruntur, *ea omnia*, inquit Censor, *suo modo & gradu illis competere possunt.* Solicita hæc & macra Censoris oratio satis arguit, quid Censor velit. Divinatione opus non est, ut intelligatur, quid sit, *Omnia ista suo gradu & modo* Magistratui competere posse: Ex antedictis haud difficile est id colligere. Qualis modus & gradus potestatis, talis modus & gradus autoritatis in convocandis Synodis, talis modus & gradus præsidentiae in Synodis, talis denique modus & gradus curæ ac providentiæ, ut in Synodis omnia secundum Deum gerantur. Ex potestatis gradu, quem in regimine Ecclesiæ Censor Magistratui tribuit, cæterorum omnium modus ac gradus æstimandi sunt,

Sed

Sed addit Censor, hoc omnino mirum est, cum fateantur Magistratus id officium esse, ut publicum Dei cultum sartum tectum conservet, omnesque Præsidis partes ei tribuant, easque ab eo agendas, qua Magistratus est, agnoscant; quod executionem tamen, quæ officio ejus respondeat, quæque in potestate coactiva consistit, ei detrahant. Ubi Censor? Viceris si id eviceris. Remonstrantes non sunt adeo à Sole averſi, ut, cum Magistratui in regimine Ecclesiæ architectonicam potestatem tribuant, potestatem tamen coactivam ad executionem necessariam ei detrahant. Potestas suprema sine cogendi potestate, nil nisi potestatis umbra aut larva est. Qui supremum jus habet in personas, loca & functiones publicas, is, si fieri aliter non possit, refractarios cogendi jus habet. Neque tamen coactio illa est coactio, qua conscientis subditorum aut Ministrorum Dei vis fit. Nihil minus. Neminem obligat sua conscientia ad docendum in locis publicis, invitis iis ad quos ea pertinent: Aliud itaque est, Magistratui tribuere potestatem coactivam, quæ Ministros constringere possit simpliciter ad docendum aut non docendum quod ipsi rectum videtur. Aliud ei potestatem coactivam tribuere, qua Ministros possit constringere, ut doceant quod ei rectum videtur, in locis templisque publicis. Istam potestatem negant Remonstrantes competere Magistratui: Ad docendum enim, & ad docendum quod rectum Ministris videtur obligatur conscientia Ministrorum, ex lege superioris domini, id est, ex generali caritatis & speciali vocationis divina lege, quam reſigere Magistratus nec potest nec debet. Hanc ei plena manu tribuunt. Suarum enim rerum quilibet est Dominus. Quare cum Censor subjicit, Remonstrantes hac in parte cum Socino nullas partes Magistratui concedere in regimine Ecclesiæ, satis aperte testatum facit, se mentem Remonstrantium aut non intellexisse, aut studio deditaque opera ad calumniam & invidiam detorquere voluisse.

Verum, inquit Censor, ad totam hanc materiam verbis Augustini respondemus, quæ habentur in Epistola ad Bonifacium comitem de moderate coercendis hæreticis, &c. Nempe, Augustini verbis sententiam suam proponere Censor maluit, quam suismet ipsis: Ea tamen, ut ut commode accipi possint, non tantum ad sententiam suam, non dico de hæreticis moderate coercendis, sed de iisdem supremo supplicio afficiendis, (sic enim verba Augustini accipere quis potest, si velit) detorsit, sed etiam sic protulit, ut ex iis hanc conclusionem inferat: Unde quoque apparet, quam vere ab illis dicatur, Magistratui jus non esse iis, qui extra publica loca, modeste & salva semper obedientia superioribus

Refellitur in-
stantia Censorum de Magi-
stratus pote-
state coactiva
ad executionem necessa-
ria.

Augustini au-
toritate fru-
stra pugnare
Censorem
ostenditur.

EXAMEN CENSURÆ

rioribus debita, solius Religionis & conscientia causa cœtus faciunt, moleste-
am facessere. Nam quæ consequentiæ ratio, Augustinus ita olim judica-
vit, (posito etiam quod plane idem cum Censoribus senserit) ergo qui
contra sentiunt, eos apparet verum non dicere: Quasi vero tanti sit au-
toritas Augustini in re tam magni momenti, imprimis cum certum sit
Augustinum hac in re admodum sibi ipsi dissimilem fuisse, & cum diu
multumque à vi omni abstinendum esse credidisset, tandem Donatista-
rum & Circumcellionum furore ac rabie motum, ad rigidiora & seve-
riora consilia prolapsus esse. Haud difficile foret, Augustinum sibi ipsi,
& Patribus longe illo antiquioribus opponere, quibus severa ista & non
nisi multo post ex occasione probata consilia displicuerunt. Sed non libet
stramineis huiusmodi autoritatibus litem protelare.

Diluitur Cen-
soris ratio,
quod liberta-
te Religionis
concessa jan-
naaaperiatur
ad omnes hæ-
reses & schis-
mata.

Rationem Censoris videamus quam subjicit. *Hoc sane, inquit, nihil
aliud est, quam apertam januam aperire ad omnes hæreses & schismata;*
Speciosa oratio, sed revera vana ac futilis. Nam I. Aliud est hæresi-
bus & schismatis omnibus januam aperire, aliud iis aperire januam, qui
nullo infallibili iudicio convinci possunt, quod placita eorum hæreses
sint, imo qui placita sua hæreses non esse persuasissimum habent, ultro
alioquin & libenter eas abdicaturi & deserturi. Nemo Christianus hæ-
resibus januam aperiri vult; omnes ab iis videri volunt alienissimi. Sed
& nemo jus sibi arrogare debet de aliorum placitis statuendi quod hæ-
reses sint, eo usque, ut quia id sibi persuadet, corporali ulla poena ani-
madverti velit in eos, qui placita sua hæreses esse nesciunt, & nescire
se profitentur, imo qui idcirco, quod contrarium credant, mori ma-
lunt quam à placitis sui contra conscientiam suam discedere. II. Tan-
tum abest, ut, si segreges cœtus solius Religionis & conscientia caus-
sa institutos Magistratus permittat, idcirco januam aperiat ad omnes
hæreses, & schismata, ut contra eo ipso hæresibus & schismatis januam
pro virili & optima ratione occludat. Hæreses enim alia ratione tol-
lere velle, quam per liberam & inoffensam conscientiarum convictio-
nem, tantundem est atque tenebras velle discutere alia ratione, quam
per lucem: Vim adhibere ad pellendas errorum tenebras, est luci veri-
tatis diffidere, & de conscientiiis convincendis desperare. Quare, qui
veritati fidit, ejusque præsidio & vi segreges cœtus destrui vult, is re-
cta via januam hæresibus studet occludere. Schismatum, quæ ex diver-
sitate opinionum solius conscientia causa fiunt, eadem est ratio. Ea per
vim tollere, est oleum igni addere & vel ex uno schismate plura, vel
quod.

quod enatum est, plane desperatum reddere. Nihil enim ad hæreses aut schismata stabiliendum potentius fortiusque est, quam si credatur, ea non nisi per vim opprimi posse. Violentia refugium creditur eorum, quibus doctrinæ suæ fides suspecta est. III. Metus hic est incertæ rei metus & vanus. Incertæ rei metus est, quia incertum est an hæreses ullæ nascituræ aut ingressuræ sint, etiamsi janua aperta sit; & si omnino natæ sint an non ilico rursus sint evanituræ, & veluti larvæ ad veritatis liberæ Solem disparituræ. Vanus etiam est metus; Nam si veritatem non habemus, quid periculi? multo minus periculi, si eam habemus. Nec enim veritatis vim digne æstimat, qui mendacium aut errorem ei prævaliturum credit, nisi vi fulciatur. IV. Posito tamen, verisimile admodum esse, hac ratione multas magnasque hæreses biparentibus portis se in Ecclesiam & Rempub. diffusuras esse; quid periculi inde pro se suisque metuere Censores opus habent? Hæreses illæ, nullius saluti officere aut nocere possunt, ex Censorum sententia. Electos per eas seduci, impossibile esse credunt. Reprobi, si per eas seducantur, si non seducantur, nihilominus tamen reprobati ab æterna salute manent decreto irrevocabili. Cur itaque tantopere sibi metuunt Censores ab hæresibus aut hæresium caterva? Fidem electorum non quatiet unquam hæresis, ne pestilentissima quidem: Reproborum ut quatiat, necesse non est. Denique, si omnino incommodum hoc grave esse & revera metuendum esse credatur, prout fortasse videbitur iis, quibus, inepta ista Censorum de seductionis impossibilitate sententia, displicet, tum videndum est, an non plura & multo magis metuenda incommoda sequutura sint, si segreges ejusmodi coetus per vim prohibeas ac reprimas: ut omnia non enumeremus, hæc perpendantur. I. Hac ratione, conscientiarum libertas simul ac semel suffocatur atque eliditur: Non quidem libertas sentendi quod velis, hanc enim suffocari impossibile est, sed profitendi quod sentis & agendi quod ex præscripto Christi agendum esse credis. II. Hac ratione, aliis, ubi viribus prævalent, idem jus in nos nostrosque conceditur, quod nobis ubi prævalemus, in alios sumimus. III. Hac ratione, eorum querelas, qui sub jugo aliorum gemunt & focii fidei ac Confessionis nostræ sunt, ut injustas & iniquas damnamus. IV. Hac ratione, Reformationi omni januam occludimus, si Dominans Religio, falsa, idololatrica, superstitiosa aut tyrannica sit. V. Hac ratione, Ecclesiam & Rempub. aut hypocritis aut atheis implemus, dum eam liberam volumus ab hæreticis & schismaticis. Denique hac ratione damna-

F f f 3

mus

III.

IV.

Incommoda
multa & gra-
via, si liberta-
tem Religionis
aut sectarum
tollas.

EXAMEN CENSORÆ

mus proceres Patriæ nostræ, omnesque Reges ac Principes, qui sectas varias, hæresibus iudicio nostro diffuentes, æquis oculis tolerant & auctoritate sua protegunt. Utrum hæc incommoda graviora non sint, quam id unum quod Censor hic allegat, Lector iudicet.

Ostenditur
libertatem is-
tam concede-
re non esse ru-
ere ad Eccle-
siam, & cum
Ecclesia Rem-
pub. totam
evertendam.

Experientiam
contrarium
docere, fidem
faciunt non
pauci regna,
quæ libertate
huc concessa
florēt, erep-
ta, gravissimis
motibus labo-
rant,

Addit Censor, *Hoc est ruere ad Ecclesiam, & cum Ecclesia Rempub. totam evertendam, & Magistratus omnem auctoritatem elidendam & eludendam.* Ecclesiam quod attinet: Quasi vero metuere opus habeat Censor, ut ea ruat & pessum eat, si hæreses vi non opprimantur. Quid? Ergone adeo ingens periculum imminet veritati ab erroribus, ut non contra potius errorum omnium internecio à veritate speranda sit? Sane, si ista formido nos tenet non satis bene de causæ nostræ bonitate sentimus. Tum, quod obsecro periculum Ecclesiæ suæ metuit Censor, qui eam nec totaliter nec finaliter per hæreses seduci posse credit & firmiter sibi persuasum habet? Rempubicam quod attinet, eam multo minus periculi manet à cæteris ejusmodi licet numerosissimis. Nam libera veritatis disquisitione in ea commune privilegium tum est omnium ac singulorum: Nemo ab eo excluditur. Omnes pariter ac promiscue eo gaudent. Quamdiu autem id manet illæsum atque integrum, tamdiu, seditionum, turbarum ac factionum nullum est periculum. Ipsa libertas tranquillitatis ac securitatis mater est & nutrix. Ubi illa opprimitur, ibi factionum, turbarum ac motuum plena fiunt omnia. Hinc videmus non paucos Reges Principesque, post omnia severissima remedia frustra tentata, tandem ad libertatis hujus indulgentiam, veluti ad securitatis suæ asylum & communis obedientiæ vinculum, confugisse. Germaniam, Galliam, Poloniam & hoc nostrum Fœderatum Belgium vide inter Christianos: Inter nō Christianos, Vide Turcas, Ægyptios, Iapanos aliosque. Mera in iis malacia & tranquillitas est, quando libertas Religionum, quæ in iis viget, bona fide sua cuique integra conservatur. Nec laborant unquā motibus, nisi ubi libertati isti metuitur. Tum enim fæces odiorum atque irarum, quæ aliquatenus subsederant, rursus effervescent, Religionis amore concitatae, & quietem Reip. acutissimis sæpe paroxysmis turbare incipiunt, nec bona fide desinunt, nisi Libertas obicem ponat & repagulum figat. Galliam civilibus bellis & cruore innoxio madidam, Rex pacatam habere cœpit, ubi cœtus suburbicarios segreges indulgit Reformatis. Simulatque contrarium metuitur, repente convellitur regnum totum intestinis motibus & nutat: Et tu, ò Germania, veteris Imperii imago, floruisti diu altissima in pace solius Libertatis be-

tis beneficio : Nuper concussa meram vastitiem vidisti & desolationem
subditorum tuorum. Et miraculum eris omnibus, si erepta libertate Re-
ligionis, tuta stabis atque expers motuum. Poloniae regnum viguit vi-
getque, & pro Christiani orbis muro est, inter varias ac pene innumeras
Religionum sectas. Apud Aegyptios quatuor vigent sectae, ut author
est Ioannes Leo lib. 8. quarum antistites inter se sine odiis concorditer
vivunt. Apud Iapanos, magnum potentemque populum, novem Reli-
gionum sunt genera, integrumque est omnibus pro libitu quam velit
sectari, adeo ut familias multas reperiās, in quibus vir huic, uxor alte-
ri, filius item alteri alterique adhæreat, nec turbat id quidpiam dome-
sticam pacem, uti Epistolæ Iapanicæ referunt : Apud Turcas omnis Re-
ligio libera est, nulla imperii divisione. Sed quorsum hæc exotica? An-
nales nostri ævi videantur : Quoties circa Reformationis incunabula
libellis supplicibus representarunt Imperatori, Regi, & gubernatrici
Parmensi Ecclesiæ nostræ, ex re Patriæ ac Reipub. esse, ut plures una
Religiones aut Religionis unius sectæ, earumque exercitia in iis libera
permittantur. Conscientiis alioquin vim fieri, & tumultibus novis
semper causam dari. Et hæc cum ita sint, mirum utique videri debet,
Censores hos nunc directe contrarium adserere, & libertatem aliis con-
cedere, nihil aliud esse profiteri, quam ruere ad Ecclesiam & cum Ec-
clesia Rempub. totam evertendam. Hoc est, quod ille ait, sententiam
suam veluti aliquod navigium ex Reipub. tempestate moderari & ad
fortunæ cursum atque arbitrium inflectere : Concludamus hanc rem
dicto uno atque altero, & manum de tabula retrahamus. De Valenti-
niano refert Ammianus lib. 25. eum *hoc moderamine Principatus sui in-
clavisse, quod inter Religionum diversitates medius steterit, nec quemquam
inquietaverit, neque ut hoc aut illud coleretur imperaverit, nec interdictis mi-
nacibus subditorum cervicem ad id, quod ipse colebat, inclinaverit.* Regis cu-
iusdam Gothorum hanc fuisse vocem refert Cassiod. lib. 10. variat. Epist.
26. *Cum Divinitas diversas Religiones esse patiatur, nos unam non aude-
mus imponere.* De Maximiliano annales nostri hanc æterna memoria
dignissimam sententiam referunt : *Nullum enormius peccatum dari pos-
se, quam in conscientias imperium exercere velle. Qui enim conscientias im-
perare volunt, eos arcem cali invadere & plerumque terra possessionem perde-
re.* Utinam hæc Christianæ mansuetudinis & æquitatis exempla anti-
stites Religionis ac pacis, ob oculos ponerent Regibus populorum,
ac non horrida illa & sæva aliorum Imperatorum, quibus dirum,
istud

EXAMEN CENSURÆ

istud carmen, Ure, seca, column ac propugnaculum imperii visum fuit ! Melius multo se haberent res Christianorum. Nunc, quia id non fit, sperandum est ut aliquando fiat à Censoribus his aliisque, ubi eos ab utraque bile sanaverit dies & quies. Uti multum tempore opus habet ut despumet, ita animi aliquando temporis tractu egent, ut desæviant, & fæces ejiciant opinionum pariter atque irarum. *Tempus est, inquit Medicorum Princeps, in quo occasio: & occasio, in qua tempus, Medela tempore, est etiam ubi occasione contingit.*

Ad Conclusionem.

AD umbilicum usque pervenimus cum bono Deo. Tempus est *τὸν κορμὶν ἐπιθεῖν.* & manū de tabula tollere. Hæc sunt, quæ ad vindicias Declarationis Remonstrantium contra Censuras quatuor Theologorum Leydensium dicenda habuimus, non pro merito rei cuiusque, sed quantum sectionis cuiusque argumentum postulat. Nunc, quod Censor hic optat, idem nos optamus, ut tu, quisquis es, Lector, diligenter & auraria, quod dicitur, trutina expendas, jure an injuria Censoris Declarationem Remonstrantium tot atrocium convitiatorum veribus transfixerint, tot aculeatarum suspicionem obelis compunxerint, tot deformium stigmatum maculis inusserint, ut eam veluti Censoria virgula notatam, tribu moverent & in Ceritum, quod dicitur, tabulas relatam, populi manibus extorquerent. Si bene animum advertas, videbis nullas hæreses, seu veteri seu novo schemate in orchestram productas, diserte ac nominatim à Censoribus adnotatas esse, sed meras suspensiones, hario-lationes, conjecturas & detorsiones utramque Censuræ paginam facere; A prima ad ultimam usque sectionem non occurrere nisi verbum *videtur*; perinde ac si id unum egissent Censores, ut Declaratio, non esset, sed videretur hæresium atque errorum omnium Odysea. Pelagianæ hæreseos nomenclatura infamant nonnulla, sed, quæ apertissimæ sunt veritatis, & à Pelagii hæresi toto cælo distant: Leviculas quasdam dissensiones, & quas Declaratio cum variis Theologis Reformatis habet communes, tam atrociter exaggerant, ac si ex musca elephantum facerent. Sane nos, post omnia diligenter & bona fide expensa & perpena, aliud deprehendere non potuimus, paratissimi alioquin culpam fateri, veniam precari, & gratias agere. Neque tamen diffitemur esse in Declaratione quædam, quæ non usquequaque conveniunt cum Censorum

forum placitis, & receptis quarundam Scholarum opinionibus: sed ea talia sunt, ut vel necessario vinculo cohæreant cum Prædestinationis articulo, vel, si cum eo non cohæreant, inter ea censerî debeant, & à non paucis Theologis censeantur, quæ in utramque partem credi possunt, sine concordia ruptura. At quæ necessario & explicita fide ab omnibus & singulis credenda sunt, ea omnia ubique illæta ac facta testâ reperies. Enimvero id religiose, mediate, ac scrupulose operam dederunt Declaratores; ut omnia, quæcunque ad praxin Christianæ pietatis aut informandam aut promovendam pertinent, accurate definirent. Inde enim necessaria æstimant, & nullo negotio à quolibet Christiano, sensu tantum communi prædito, æstimari posse credunt. In cæteris, si quod aut definit, aut reticet, aut in medio ponit Declaratio, liberam dissensionem permittunt, & libertatis indulgentia, pacem redimendam esse, existimant. Dissentiendi tamen pruriginem & altercandi scabiem procul esse volunt ab omnibus, quibus veræ pietatis ac pacis studium curæ ac cordi est. Est enim, ut Galenus recte ait, malum quavis scabie insanabilius, & fere eorum proprium, qui victoriam magis amant quam veritatem; & gloriam suam potius ex dissensione quærunt, quam fructum ex aliorum ædificatione. Hæc ita esse non modo exiis, quæ hætenus in Censuræ hujus examine dicta sunt, verum etiam ex hoc ipsa Censuræ conclusione manifestissime liquet, cum asserunt; *Remonstrantes non modo recedere in pluribus, quam professi antea fuerant, ab Ecclesiis Reformatis, sed etiam* (nota emphasin Lector, quod sine horrore & dolore non dicimus, inquit) *in fundamentalî Reformationis articulo puta de Justificatione, infausto illi Socino se socios præstare.* Quid enim inde aliud sequitur, quam apud Remonstrantes omnia Reformationis fundamenta integra atque illæsa stare, si unus de Justificatione articulus excipiat? At, in eo ipso articulo, quam recte & sane cum Orthodoxis ipsis sentiant Remonstrantes, examen Censuræ capitis 11. manifestum facit. Nimirum huc redit universa, quæ circa articulum istum est dissensio sive controversia; An fides sive creditio illa, ut sic loquamur, qua credimus nobis remissa esse peccata nostra, sive qua apprehendimus misericordiam Dei, & Christi Iesu pro nobis satisfactionem, nos coram Deo justificet, qua simpliciter talis actus est, an quatenus actus vivus est, id est, conjunctam sibi habens vel actualem respicientiam, vel saltem firmum ac deliberatum animi propositum de vita tota ad normam Christianæ Religionis, auxilio divinæ gratiæ,

G g g g

cum

EXAMEN CENSURÆ

cum timore ac tremore instituenda. Hoc est quod Remonstrantium Declaratio adserit & profiteretur, nihil aliud. Tu Lector judica, an hoc tale sit, ut fundamentalem Reformationis articulum evertat, & sine horrore ac dolore a Cenforibus dici non possit: Profecto, si omnino hac in re Remonstrantes errare contingeret, error eorum idcirco solum veniam mereretur, quod ad necessitatem resipiscentiæ & bonorum operum fortius stabiliendam, in errorem istum imprudenter incidisse judicandi essent. Adde, Quod Cenfores ipsi adeo timide hæresin hanc impingant Remonstrantibus, ut eos non directe cum Socino sentire, sed Socino propiores quam Reformatæ Ecclesiæ (NB.) videri posse, adeoque Socini quædam interpolare & incrustare, concludant. Qua oratione satis testatum faciunt, sententiam Remonstrantium de Iustificatione sic conceptam esse in Declaratione eorum, ut hæreticam eam esse, aut Ecclesiarum Reformatarum sententiæ repugnantem, sine scrupulo adfirmari non possit. Quod porro ait Censor, *Remonstrantes jam profiteri se in pluribus, quam famosis quinque articulis de Prædestinatione recedere ab Ecclesiis Reformatis, cum antea in iis consensum suum saltem verbis essent testati*, id falsum plane ac vanum est. *Falsum*, quia semper testati sunt, se considerationes alias plures adhuc habere, quas in legitima Synodo examinandas proponere parati erant: Nec testati tantum id sunt, sed & scripto consignatas eas ordinibus patriæ suæ mittere jussi sunt, & pro se quisque miserunt: Tum, Revisionem Confessionis & Catecheseos uno semper ore in Synodo fieri postularunt, non obscure significantes eo ipso esse alia quædam, quæ accuratius examen mereri, & ad Synodi justæ ac legitimæ tempus differenda ac non propalanda esse judicabant. Consensum interim cum fratribus suis, non verbis solum, sed re ipsa semper & bona fide testati sunt, palam publiceque, liberas tantum sibi reservantes privatas collationes, tum inter se, tum cum omnibus, quos libertate ista non offendi, sed veritatis amore ac studio in utramque partem omnia expendere ac trutinare haud gravate velle, videbant. Qua in re jure suo, & quod Christianis omnibus, ac nominatim divini verbi præconibus ac professoribus, ex æquo commune est, uti se credebant. Liberæ, amicæ & seriæ de rebus controversis qualibuscunque collationes, privilegium Christianorum omnium sunt. Veritas per eas eruitur, aut stabilitur aut illustratur. Cotes sunt judiciorum, & animorum Soles. Tolle eas, torpor & stupor habebit Christianum orbem. Infallibilis sententiæ præsumptio in eo dominabitur, unde definiendi temeritas, decernendi audacia,

cæca.

cæca atque præceps alios damnandi libido, aliaque infinita mala scatunt. Vanum etiam est, quia plura ista, in quibus nunc dissentire se profitentur Remonstrantes à Censoribus, talia non sunt, quæ fundamentalem ullum Reformationis articulum, ut Censor ipse hoc loco fatetur, lædunt, ac proinde in quibus licet dissentire sine salutis æternæ periculo, aut pacis & concordiæ iactura. Si aliter credunt Censores, omnibus votis exoptamus, ut id nobis demonstrent: quod quo fecerint luculentius, eo gaudebimus magis, modo ingenue directe atque aperte agant, neque dubitabimus publica culpæ confessione pacem eorum redimere, & Deo gratias agere.

Interim Censores cum gregalibus suis recogitent, quam immanium peccatorum se reos fecerint, quamque gravem divini Numinis iram in se concitaverint, quod, solius hujus libertatis & mutuæ tolerantiae odio, insanis consiliis & pertinacibus studiis suis, autores fuerint supremis potestatibus, ut propter meram dissensionem in quinque articulis, in quibus tolerantiam antea Lutheranis non semel obtulerant, nec ullam aliam ob causam, tot fidi, & de patria, atque Ecclesiis suis optime meriti pastores, non modo Ecclesiis suis extruderentur, stipendiis suis privarentur; verum etiam, tãquam κατ'ἀρχαῖα & βδελύματα, patria sua proscriberentur, in ergastula nebulonũ compingerentur, æternis carceribus manciparentur, & cum familiis liberisque aut fame inediaque enecarentur, aut prodigioso silentij promisso, conscientiam & bonam mentem ejurare cogerentur: Quod tot ingenia, ad optima quæque nata atque erecta, in herba, quod dicitur, suffocaverint, & ad infima vota deprellerint: Quod tot flores Ecclesias, patriæ & Reformationis amantissimas, pastori- bus suis orbaverint, & jam per decennium integrum, segreges, inermes, atque innoxios earum cœtus; edictis, minis, multis omnique persecutionis genere vexari, & per armatorum militum incurfiones, virginum stuprationes, vestium direptiones, ædium spoliationes & demolitiones, per cædes & sanguinem turbati curaverint: Et, ne quis hæc invitis ipsis facta credat, quod indies adhuc libellis suis supplicibus, consiliis studiisque, quæ jam in propatulo sunt, & in officinis omnibus prostant, summas potestates ad moderatiora, ut videtur, consilia hic illic incli- nantes, sine intermissione sollicitent atque incendant, ut edicta sua, multarum & carceris æterni pœna sancita, inviolata atque æterna esse velint, & persequendi finem non faciant: quod præclaros illos quos supra nominavimus viros, fratres, concives ac symmistas quosdam suos,

G g g g 2

nullius

EXAMEN CENSURÆ CAP. XXV.

nullius criminis reos, sed solius bonæ conscientiæ studio, fidem domino Iesu datam abnegare renuentes, alios octo, alios septem, alios sex, alios quinque annis integris in arce Lupestinenſi arctiſſima militum custodia detineri ſuadent, neque unquam, vel verbo, vel factò eos in rectam, quam putant, viam, revocare tentaverint: quod piam illam ſanctamque animam, *Eduardum Poppium*, nunquam ſatis laudatum, nunquam ſatis laudandum Chriſti ſervum, in carcere iſto contabescere atque emori fecerint. Quod ſæcem Romuli, ſentinam vulgi, contra omnia jura ac leges, in bona, domos, & vitam innoxiorum & ſolius Religionis ergo congregatorum civium graſſantem, nunquam vel dicto ullo repreſſerint; quin contra, licet moniti rogatique, tribunitiis ſuis concionibus, inveſtivis Philippicis, conſiliis in ſpeciem religioſis, ſed revera ſanguinariis, veluti follibus, quotidie ad rabiem uſque incitaverint atque inflammaverint, aut ab aliis incitari atque inflammari impune permiſerint, hodieque adhuc ſine contradictione aut cenſura ulla permittant, cum maximo non inſirmorum tantum, ſed bonorum omnium ſcandalo.

Hæc inquam ſecum recogitent Cenſores, ut verbis eorum utamur, memores ſeveræ illius ſententiæ Chriſti: *Ve mundo ab offendiculis: Quiſquis enim offendit aliquem ex parvis iſtis, qui in me credunt, præſtiterit ei, ut ſuſpendatur ſaxum molare ex collo ejus, & demergatur in profundum maris.* Quam formidandam ſententiam ne aliquando in eos ferat ſummus conſiliorum factorumque omnium Arbiter, ſupplicibus votis & ardentibus precibus eum rogamus, ut tempus ii concedat, quo tantorum peccatorum ſeria pœnitentia ducti, contrariis conſiliis, ſtudiis, factisque ſe ei approbent, atque ita gratiam & miſericordiam conſequantur in illuſtri & tremendo illo die domini noſtri Ieſu Chriſti, Eccleſiisque Reformatis poſt tot vulnera, redeat pax, concordia & tranquillitas: Amen.

F I N I S.

I N D E X

INDEX

RERUM PRÆCIPUARUM:

a denotat priorem, b alteram folii Paginam.

A.

Absurda, quæ ex sententia alicujus fluunt, non sufficit seorsim rejici, ut sententia absurda dici non possit. Fol. 8. a.

Absolutum, vox est ambigua. 88. a.

Acontius pauca ad salutem necessaria statuit. 11. a.

Academia Leydensis Doctores vicini sunt præcipuo fundamento Pontificiorum. 31. a. b.

Actio, ut moraliter bona sit quid requiratur. 73. b.

Adami corpus immortale non fuit. 59. a.

Adami lapsum Deus ordinavit secundum Calvinistas. 65. b.

Adami posteris quatenus mors infligta sit. 57. b. Peccatum ejus quomodo posteris imputatum dici possit. 84. a. & c.

Adoptio quid. 50. a.

Adorationis Christi ratio an sit tantum ejus divina natura. 51. a.

Adorationis gloria, Christo mediator competens, vera gloria est. 153. b.

Amor amicitia & benevolentia. 73. a.

Angeli quomodo electi dicatur. 58. b. 59. a.

Angeli boni an nunc necessario bene agant. 76. b.

Anabaptistarum error de origine carnis Christi non est tanti ut propterea in fundamento errare dici possint, dummodo fateantur Christum verum hominem natum esse. 93. b.

Anima. Sententia Veterum de Statu Animarum post mortem. 217. b. 218. a. Animas interire negant Sociniani. 218. a. Quæstio de statu animarum inter mortem & Judicium inutilis est. 218. b.

Arbor vite symbolum beatæ immortalitatis. 59. b.

Arminius defenditur in articulo de Providentia Dei circa malum. 72. a ejus expositio in 7. cap. ad Rom. non repugnat antiquitati. 129. b.

Articulorum quinque controversorum quæstio ventilatur. 154. b.

Athanasii Symbolum. 6. b.

Augustini sententia de efficacia gratiæ. 172. a. ejus sententia de Prædestinatione convenit cum sententia Prædestinarianorum. 79. b.

Augustana Confessio adserit speciale Prædestinationis misericordiam non pertinere ad objectum fidei. 108. a. b.

Autoritas Synodorum quæ. 294. b.

Auxilium divinum, quod fideles à Deo

Gggg 3

INDEX.

Deo petunt, quid sit. 145. a. b.

B.

Quid de Baptismo Remonstrantes statuunt. 248. a. Quid de necessitate pædobaptismi. 249. a. & c.

Baptizatio laicorum. 248. a. de ea Calvini iudicium.

Bezae sententia genuina de Prædestinatione. 63. a. & c.

Blasphemia quæ sit: discrimen inter eam & heresin. 271. a.

Bona ut moraliter sit actio quid requiratur. 73. b.

Bona opera necessaria ad salutem. 237. b.

Brunistarum & Puritanorum error. 232. b.

C.

CAdere quid sit in Proverbiiis Salomonis. 132. b.

Cæus impiores quando deferendi. 10. b. 11. a.

Cœna. sententia Theologorum varia sunt de cœnâ Domini. 252. a. Remonstran. sequuntur sententiam Zwinglii. 252. a. Concio I. Christi Iob. 6. perperam ad materiam Cœnæ trahitur. 252. b. Quid de Communione cum physica corporis Christi substantia statuendum sit. 252. b.

Calvini sententia de Prædestinatione non est Reformatarum Ecclesiarum communis sententia. 62. a. Calvini sententia de Prædestinatione cum sententia Dominicanorū convenit:

62. b. Calvinum quare in scenam produxerint Remonst. 62. a. & c. Calvini & Bezae sententia genuina de Prædestinatione. 63. a. & c. Calvinistarum syncretismus constat, salvo tantum fato. 63. b. In Conversione hominem se passive tantum habere statuunt Calvinistæ. 58. a.

Caro quid in Scriptura sit. 129. a.

Casaubonus Regis M. Britannia nomine pauca ad salutem necessaria statuit. 11. b.

Causa deficiens in necessariis ad causam efficientem reducitur. 68. b.

Censor. Censura. Censendi modus, quo censent Professores Remonst. Confessionem, est 1. admodum immo-destus. 2. b. 2. fastidiosus. ibid. 3. iniquus. 3. a. Scopus censorum precipuus est ostendere Confessionem Remonst. esse Socinianam. 20. a. Sarcasmus Censoris de præfationis magnitudine refellitur. 3. b. Censor sibi suisq. contradictoria tribuit. 8. a. Quid censes & multos alios in errore detineat. 8. a.

Censoris impudentia. 10. a. calumnia. 10. b. 11. a. 13. b. impetritia. 25. a. oscitantia. 80. a.

Certitudinem salutis quam statuunt Remonst. 215. a. Pontificiorum de certitudine salutis sententia 215. a. Christus doctrine N. T. primus auctor recte dicitur. 28. b.

Christus pluribus modis & variis de causis vocatur filius Dei. 48. b. & c.

Vetus

INDEX.

Vetus Ecclesia coluit communio-
nem cum iis qui credebant Iesum
non esse nisi hominem, ex Iustino
ostenditur. 53. b. & 54. a. Christi
satisfactio ex sententia Theologo-
rum remedium est pro hominibus
apud Deum, non remedium Dei
per quod in hominibus operatur.
87. a. Christus servator est pluri-
bus modis. 94. a. Christus morte
sua quid nobis meritis sit. 94. a.
meritum Christi evertitur à Cal-
vinistis 97. a. b. & c. 98. a.
I. Christi Majestatis Regia ratio
non pendet à voluntate hominum
101. a. Christus regno suo non
privaretur licet subditi ejus defi-
cerent ab obsequio illius. 238. b.
illi Christum Regno privant qui
statuunt conversionem irresistibi-
lem. 239. a.
Christus quo sensu dicatur præde-
stinatus Rex electorum. 103. b.
Nemo, qui ad Christum vocatur,
talisis est, qualē cum natura finxit.
118. b.
Christo ut homini, datus est honos à
Deo. 39. b. 138. b.
Christus legislator est. 142. a. b.
Christum nova legis - latorem esse.
255. a.
Christus libere obedivit. 189. b. 190.
b.
Tribunal Christi Patris est tribu-
nal. 219. a.
Actiones Christi in cælo regnan-
tis non sunt norma actionum no-
strarum. 284. b.

Cognitionem cultui præfert Censor,
per se Deo gratiam & homini sa-
lutarem esse statuit, cultum vero
per accidens. 40. b.
Concio Christi Matth. 5. 6. 7. ad
omnes Christianos pertinet, ita
tamen ut quadam ad Apostolos.
137. a. b.
Collationes libera privilegii omnium
Christianorum. 307. b.
Conditio stulta est, quam is, qui con-
ditionem præscribit, solus efficit. 56.
a.
Conditio præscribi non potest ubi
ea vi irresistibili efficienda est. 99. b.
Conditio quatenus instrumentum
dici potest. 112. a.
Conditio ejus qui commode credit
qualis sit. 118. b. 119. a.
Conditiones à Remonstrantibus præ-
requisite ad Synodum ipsissima
quas protestantes perierunt. 296. b.
Conditio eorum qui erroribus recep-
tis se opponunt. 1. a.
Confessionis Remonstr. edenda causa.
1. b.
Confessio Remonstr. non est sceptica
in oxi. 15. b.
Nemo rogatus est ut ei subscribe-
ret. 16. a.
Edita est communi consensu. 15. b.
quare sine notatione temporis, loci,
& sine ulla subscriptione edita sit.
16. b. non est Socianiana. 21. a.
Confessio Belgica à quo scripta. 16. b.
Contingentia nulla agnoscunt Cal-
vinistæ. Scibilia ea non esse fra-
tuunt. 43. a. b.

Con-

INDEX.

Contingentia Remonstr. agnoscunt.
44. a.

In Conscientias jus habere quid sit.
262. b.

Conscientia in rebus fidei alieno judicio non obliganda. 295. a.

Conversione hominis quomodo Scriptura vocet novam mortuorum vivificationem, novam creaturam
Ec. 181. a. b. gratia determinans
iis phrasibus non exprimitur. 181. b.

Cor bonum & honestum quid sit
apud Lucam. 214. a. ex corde
toto facere quid sit. 130. b. 131. a.

Creatura vox pro nova creatura.
221. a.

D.

D*Are quando Deus dicitur.*
168. a.

*David ex infirmitate adulterium &
homicidium non commisit.* 75. a.
132. a. *An & quomodo Deus ei
Spiritus S. abstulerit.* 75. b.

Decalogus quae praecepta contineat.
142. a. 151. b. *an contineat omnia
quae Christus clare proposuit*
in N. T. 151. b. 152. a.

*Dilectio Dei in decalogo iussa quid
sit.* 142. b.

*Decisionum circa non necessaria sci-
tu pericula ac damna.* 5. b. 29. b.

Decisiones quas admittant Remonstr.
in Ecclesia. 29. b. 31. a.

*Decisiones Synodicas quales conve-
niat esse.* 294. a.

*Decisio Synodica simpliciter non ob-
ligat.* 295. b.

*Delegatis ad Synodum quo fine acce-
dendum.* 291. b.

*Decreta esse qualis est executio, quo-
modo accipiendum.* 54. b. *per de-
cretum, quo Deus constituit salva-
re credentes, quid Remonstr. intelli-
gant.* 102. a.

Deum esse expedita ratio probandi.
25. b. *Deum esse inter praecognita
censet Confessio Remonstr.* 25. b.
*An homini innata sit divinitatis
alicujus opinio, & an homo ex
naturalibus principiis possit cog-
noscere Deum esse, ut definiatur
in Confessione, superfluum judi-
cant Remonstr.* 25. a. b. *ad Deum
accedere quid sit.* 24. a. *An ef-
fentia Dei oculis beatorum visibi-
lis sit futura, inepta & inutilis
quaestio est.* 41. a. *Dei visio quid
in Scriptura significet.* 41. a. *De
simplicitate divinae naturae quid
dicat Scriptura.* 41. b. *eius decisio
cognita praecise necessaria non est.*
42. a.

*Decisio quaestiones de immensitate
atomica an sit ad salutem scita
praecise necessaria.* 43. a.

De libertate divinae voluntatis. 44. a.
Deus quibus anathema non dicat.
53. b.

ex Deo esse quis dici possit. 121. b.
*Deus quem ingratitude argue-
re non possit.* 160. a. *Non sequi-
tur Deum mutabilem esse si finem
sub conditione intentum non adse-
quatur.* 161. a.

*Diaboli possunt intelligere sensus ad
salutem*

INDEX.

salutem hominū necessarios. 34.b.
quantum & quousque in voluntatem impiorum agere possit Diabolus, non est proclive exponere. 82. b. non tamen determinat nec immediate movet voluntatem hominis. 82. b.

Dilectio Dei aliquando late aliquando presse accipitur. 137. b. dilectio Dei in decalogo iussa quid sit. 142. b.

Dispositio quæ requiratur in eo qui crediturus est. 118. b. 195. b. non est Pelagianum dicere dispositiones aliquas requiri in eo qui crediturus est. 95. b.

Docilitas, quæ nos aptos reddit ad virtutes morales, eadem nos aptos reddit ad virtutes divinas amplectendum. 119. a.

Doctores qui sint. 229. a.

E.

Ecclēsia vocis significatio ex Scripturæ sensu. 235. a. Ecclesia rarissime significat in Scriptura statum formatum. 235. b.

An Fides & Professio in definitione Ecclesie conjunctim accipiendæ sint. 236. a. b.

Ecclesia omnis, quæ salutarem veritatē profiteatur, pro vera Dei Ecclesia nobis est habenda. 236. a. b.

Sola salutaris doctrina Professio constituit visibilem Ecclesiam. 236. b.

Notæ Ecclesie. 240. b. 241. a.

Professio salutaris doctrinæ quo se-

su statuatur nota Ecclesia. 241. b. Controversia de notis Ecclesie inter Pontificios & Reformatos. 243. a.

Pura verbi prædicatio, &c. nota non sunt Ecclesie apud infideles. 243. a. b.

Ecclesia quale iudicium reliquerit Christus. 29. & 30. Ecclesia non competit vis coactiva. 261. b. Ecclesia nunquam opus est vi coactivæ. 263. a. Regimen quale probent Remonst. in Ecclesiis. 233. b.

Doctores Calvinista Pontificiis affines sunt in articulo de Autoritate Ecclesie. 31. a. b.

Ecclesia veteris T. an eadem specie fuerit cum Ecclesia N. T. non est questio necessaria. 234. a.

Ecclesia Reformata omnes non statuunt specialem misericordiam obiectum fidei, nec iis bellum indicunt Remonst. 108. a.

Educationis vis. 119. a.

Electiois vox quid significet & quot modis accipiat. 191. b.

Electio ad gratiam. 106. a. Electio ad gloriam & gratiam qualis sit phras. 191. b. 192. a. b.

Electio nunquam in Scriptura dicitur facta ab æterno nisi semel ubi pro decreto eligendi ponitur. 192. b. 193. a.

Electio qualem Censor statuit non potest dici facta in Christo. 192. b.

Electio ad gloriam semper præsupponit fidem. 193. a. b.

Electioem ex præscientia statuerunt

Hhhh omnes

INDEX.

- omnes Patres Græci qui ante Augustinum vixerunt. 198. a. b.
- Electio peremptoria cum æterna pœne comminatione non potest consistere. 189. a.
- Electio Calvinii tollit Christi meritum. 72. b.
- Electi aliquando vocantur in genere fideles, vel qui inter fideles eximii sunt. 194. b.
- Episcopi quid differant à Presbyteris. 230. a. Episcopus & Ultrajectini ad Synodum legitime delegati Synodo interesse prohibiti. 297. a.
- Erasmus probat. symbolum dictum Apostolicum paulatim auctum fuisse. 38. a.
- Evangelium præcepta non continere pestilens error est. 143. a.
- Evangelistarum Auctoritas. 228. b.
- F.
- F**ermentum papatus quod apud Reformatos. 294. b.
- Fides in J. Christum an & quomodo sub V. T. locum habuerit inutilis est hoc tempore quæstio. 91. a. & c. 151. b. 234. a.
- Non pauci veterum sentiunt complures sine fide in Christum salvatos fuisse sub V. T. 91. b.
- Fides quomodo distinguatur ab operibus. 110. b.
- Fidei actus est actus obedientie. 111. a. b. 144. a.
- Fides est inter bona opera præcipuum. 73. a.
- Fides & obedientia pariter mandantur. 236. b. 237. a.
- Fides & obedientia an subjectis & objectis distinguantur. 237. a.
- Fidei actus multo gravior est quam actus cæterarum virtutum. 237. a.
- Fides actio nostra est. 255. b.
- In fidei justificantis forma differunt Remonst. à Socinianis. 110. b. & c. 111. a.
- Fidem justificantem Pontificii non statuunt actum. 111. a.
- Augustana Confessionis de fide sententia. 111. a.
- Fides ut actus noster in justificationis negotio consideranda est. 111. b. ut instrumentum ajunt Censores, quid hoc sit. 111. b. 112. a.
- Fides qua habet bona opera an justificet. 113. a. & c. inutilis est quæstio. ibid. 114. a. b.
- Fidem esse in omnium potestate quomodo intelligant Remonst. 121. a.
- Fides respicit minas & promissa. 125. a.
- Fides quomodo pellat. timorem. 125. a.
- Fides si irresistibiliter efficitur, mercedis promissio si credamus, vanissima est. 191. a.
- Fidei negotium per delegatos non debet tractari in Synodis. 291. b.
- Fidem justificantem & gratiam regenerantem totaliter ac finaliter amitti posse tota Antiquitas pene credidit. 205. a.
- Fides præcipue à Satana impetitur. 144. a.

Quæ

INDEX.

Quæ dispositio praequiratur in eo qui est crediturus. 118.b. 195.b.

Pelagianum non est dicere dispositionem praequiri in eo qui Evangelio est crediturus. 195.b.

Fiducia animi quid sit. 112.a. an Specialis Dei misericordia sit obiectum fiducia. 107.b. 108.a.

Filius Dei quibus de causis Christus in Scriptura dicatur. 48.b. 49.a.b.

Finis dupliciter potest considerari. 55.b.

Formularum autoritas quomodo paulatim invalescat. 4.a.b.

Formulas Confessionum cum edi volunt Remonstr. non ut iis declaratur quid omnibus precise credendum sit, quomodo intelligendum sit. 5.a. 11.a.

De optima Formularum editione. 5.a.

Satana ars ad Tyrannidem stabilendam per exaltationem formularum. 5.b. 6.a.

Formulas controversiarum iudices statuunt Censores, licet ad Scripturam provocent. 9.a.b.

Formulis simpliciter adstringunt Calvinista suos. 9.b. ut & Berghenses Concordistae. ibid.

Fratrem quem agnoscant Remonstr. 19.a.b.

G.

Generationis naturalis & spiritualis discrimen. 50.a.

Gladii usum concedunt Remonstr.

Magistratui. 141.a.

Gomarum supralapsarium orthodoxus censitus est in Synodo Dordracena. 63.b.

Gratia efficax quæ secundum Remonstr. 102.a. quæ secundum Calvinistas Censores. 165.a.

Gratia efficax quot modis dicatur. 162.b.

Gratie sufficientis definitio ridicula. 161.b.

Sententia Remonstr. de gratia sufficiente & universali communis Veterum sententia est. 157.a. eorum sententia de gratia universali. 158.b.

Gratia efficaciam à decreto absoluto pendere negavit Antiquitas. 171.b.

Sententiam de congrua gratia Remonstrantes nunquam approbaverunt. 177.a.

Gratia sapienter administrari non potest per potentiam determinantem. 177.b.

Num Petro & Paulo major gratia facta non sit quam Iude & Pilato. 178.a.

Sententia Cyrilli de hac questione. ibid.

Hominem se posse sine gratia disponere ad fidem falso tribuitur Remonstrantibus. 162.a.

Non pugnant, Gratia est Principalis causa salutaris boni, & gratia est efficax ab eventu. 182.b.

Hhhh 2 Gratiam

INDEX.

Gratiam irresistibilem non esse statuere vult videri censor. 183.a.
Promissiones Veteris T. quæ videntur statuere gratiam determinantem in conversione. 183.b.

H.

H *Abitus difficulter exiit. 127.b. 128.a.*

Hæresis quæ secundum Pontificios. 15.a.

Merus error non sufficit ab hæresin constituendum. 268.a.

Pertinacia est de formali ratione hæreseos secundum Censores. 269.a. 271.a.

Discrimen inter hæresin & blasphemiam. 271.a.

Distinctio inter hæresin vulgo sic dictam & hæresin, quæ carnis opus ab Apostolo vocatur. 279.a.

Discrimen inter malitiam & hæresin. 285.b.

Hæreses tollendi expediti. ratio. 104.b.

Hæreticus quis secundum Neoſtadianos. 14.b.

Hæreticus blasphemus proprie non est. 269.a.

Hæretici voce pro arbitrio utuntur Censores. 270.a.

Discrimen inter hæreticum & Apostatam. 270.a.

Alius est hæreticus, alius turbo Reipub. 271.b.

De malitia & pertinacia hæreticorum. 285.b.

Hæreticidium & hæreticorum coër-

citio ventilatur. 265.a. &c.

Calvinus & Beza hæreticide. 266.b.

Item Ministri qui hodie in Belgio vocantur Reformati. 266.b.

Hæreticidium faret Censor. 14.a.b. &c. 266.a. &c.

Antiquitas intra Ecclesiasticas excommunicationes stetit contra hæreticos. 272.b.

Quæ fuerit Augustini, Constantini & sequentium Imperatorum sententia. 273.a.

Refelluntur Argumenta ex dictis factisque Christi & Apostolorum, quæ proferuntur ad coërcitionem hæreticorum probandum. 273.b. 274.a.b. 275.a.b. 276.a.b.

Discrimen inter disciplinam Ecclesiasticam & hæreticidium. 284.a.

Argumentum fures & latrones vitam hanc nobis eripientes licet occidere, ergo multo magis hæreticos occidentes animas refellitur. 285.a.

Hæreticos occidere inepta sunt arma adversus hæreses. 285.b.

Seria parænesis ad Reges Principesque contra hæreticidii autores. 286.b. &c.

Honor Christi in quo situs. 101.b.

I.

I *Ehova vox quid. 51.b. aliquando creaturis tribuitur. 51.b. 52.a.*

Ignis æternus, qui manet impios, an proprie dictus ignis sit. 84.a.

Imago Dei an consistat precipue in dominio

INDEX.

dominio hominis in ceteras creaturas, questio est non necessaria. 60. a. in quo consistat. 60. a.
Immortalitas homini non est naturalis. 59. b.
Impossibile aliquando denotat difficultatem. 136. a.
Incommoda, quae ad sublatam religionis libertatem sequuntur. 305. a.
Infantes fidelium etiam absolute reprobantur secundum Censores. 87. b.
Infernus quid denotet. 206. b.
Institutionis vis. 119. a.
In intentione quod primum est, in executione ultimum est, quomodo intelligendum. 55. a. b.
Irresistibilis vox inepte sugillatur à Censore. 180. a.
Index supremus atque infallibilis in Ecclesia non est in terris. 29. a.
Judex non debet altera pars litis esse. 292. a.
Judicium Ecclesia admittunt Remonst. 30. b. 31. a.
Controversia inter Pontificios & Reformatos de judicio Ecclesiae. 30. b. post Synodum adhuc liberum manet. 295. b.
Judicandi potestas de controversiis omnibus, privatis concedenda. 31. a.
Iustitia inepte dicitur actu ac meritorie abjici. 85. b.
De iustitia originali questio est inutilis. 60. a. b.
Quid per eam intelligant Calvinista. 60. b.

Iustitia Christi imputatio est posterior fide. 74. b.
Iustitiam Christi nobis imputari, quare phrasi ista usi non sint Remonst. in declaratione sua. 112. b.
Iustificatio quid. 107. b. 112. a.
In articulo justificationis Socinus conspirat cum Orthodoxis quoad summam rei. 107. b. 114. a.
Iustificatio & salus fidei & operibus conjunctim tribuitur. 237. b.
Deus non iustificat impium qualem. 72. b.

L.

L*Aicus quatenus in Synodo admittendus. 291. a.*
Lex decalogi an perfectam vitam Christianam normam contineat an non, inutilis est questio. 142. a.
Lex decalogi quae praecepta non contineat. 142. a.
Leges Moisaicae civiles & caeremoniales abrogatae sunt sub N. T. 271. b.
Libertas divina voluntatis. 44. a.
Libertas arbitrii non tollitur per providentiam Dei. 75. b. quo sensu dicatur in homine lapsa mansisse. 76. a.
Status questionis de libertate voluntatis accuratius expenditur. 81. a.
An indifferentia iudicii ad libertatem sufficiat. 81. a. 82. a. b. & c.
Liberum arbitrium non impedit quominus Deus auctor sit nostrae salutis. 144. a.

Hhhh 3 Libertas

INDEX.

- Libertas contrarietatis & contradictionis.* 77. a. b.
- Libera quatenus obedientia dicitur licet necessario fluat. ex fide.* 122. b.
- Libertatis indulgentia in religione optimum securitatis asyllum.* 305. b.
- Lueta in regentis incipientibus unde.* 128. a. b.
- An sit in omnibus regentis.* 128. b.
- M.
- M**agistratui licet fontes capite plectere. 141. a.
- Socini Sententia de Magistratu fuit multorum ante natum Socinum.* 141. a.
- Magistratus auctoritas circa rituum externorum in Ecclesia publica constitutionem.* 254. a. quae ad Synodum. 297. b. in capite de auctoritate Magistratus sibi non sunt dissimiles Remonstrantes. 254. a.
- Magistratus quo respectu Ecclesiae membrum.* 303. b.
- De Magistratus potestate coactiva in personas, loca & functiones publicas sententia Remonst.* 262. b. 263. a. 304. a.
- Augustini sententia.* 304. b.
- Autoritas Magistratus in conscientias & actiones privatorum nulla est.* ibid.
- Remonstrantes Magistratum sunt reverentes, contra Remonst.* non. 254. a.
- Mandatum. Vide Praeceptum.*
- Manicheum Fatum.* 79. a.
- Martyr quemlibet regem in suo regno parem cum Papâ potestatem obtinere affirmat.* 303. a.
- Massilienses quare damnati.* 171. b. nunquam hereticos fuerunt damnati. 172. a.
- Maximiliani apophtegma.* 306. a.
- Mercedem promissam ex gratia dari & simul ex justitia distributiva non pugnat.* 191. a.
- Meritum Christi.* 94. b. 95. a. 97. a. inepte dicitur Christum meritum nobis esse fidem & regenerationem. 95. a. b.
- Vide porro Christum.*
- Ministerii publici necessitas quae.* 234. b. 235. a. 244. b.
- Ministorum Varii gradus.* 232. b. 233. a.
- Ministerium quatenus Magistratui subordinatum.* 302. b.
- Missio.* 229. b.
- Missio & vocatio peculiaris.* 227. a.
- Missio quae non sit necessaria praecise ad constituendum Ministrum Evangelicum.* 227. b.
- Molinæus statuit Scripturam in necessariis explicatione non indigere.* 34. b.
- Mori æternum quid Socino sit.* 56. a.
- Mors quid sit.* 83. b.
- Mors temporalis dupliciter dici potest.* 83. b.
- Mors æterna duplex.* 57. a.
- Mortale corpus habuit Adam ante peccatum.* 56. b. 57. a.
- Mortalitas Adamo naturaliter ante peccatum competebat, mors vero & mo-*

INDEX.

& moriendi necessitas non. 75.a.
 Morti, inferno, quo sensu tribuatur
 potentia rapiendi. 207.a.
 Mundum interituum quoad sub-
 stantiam, nec novum nec inter ne-
 cessaria dogmata est censendum.
 220.b.

N.

Natura lex agnoscitur à Soci-
 no. 80.a.
 Necessaria quæ. 6.b. 7.a.b. 11.b.
 32.a.
 Necessaria ad salutem paucæ. 11.a.
 32.a.
 Necessaria & non necessaria quomo-
 do credenda & proferenda. 6.b. 7.a.
 Necessariorum assertione salva non
 est timendum Theologiam fore
 problematicam, diariam, hora-
 riam, &c. 6.b.
 Necessitas missionis ad Synodum.
 291.b.
 Nicolaitæ. 285.a.
 Nosse Deum & Christum quid sit
 & quomodo conjungatur cum ob-
 servatione mandatorum. 260.b.

O.

Obediendi necessitas tollitur à
 Calvinistis. 124. b. ad obe-
 dientiam quid requiratur. 131.a.
 Obedientia fidei. 111.a.b. 144.a.
 Obedientia Christi & nostra qua in re
 conveniant & discrepent. 189.b.
 Obedientiam preceptorum statuit So-
 cinus formæ fidei Iustificantis con-
 tra quam faciunt Remonst. 110.b.

Observatio preceptorum rigida non
 urgetur a Remonst. 152.a. Evan-
 gelica quantum differat à legali.
 ibid.

Opinio obligationis obex melioris in-
 structionis. 293.b.

Opus ut bonum dici possit quid re-
 quiratur. 73.b. 74.a.

Ordo quomodo in Synodis turbatur.
 292.a.

Operum bonorum necessitatem tollit
 Censor. 40.b. Adsignatio premio-
 rum & pœnarum pro qualitate &
 quantitate operum erit. 219.b.
 Ex iustitia distributiva futura est.
 220.a.

Ovis Christi quis esse potest licet non
 sit regnitus. 121.b.

P.

Papalis usurpatione. 292.b.
 Papatum erigunt Calvinistæ Do-
 ctiores. 31.a.b.

Passivæ voces activam significatio-
 nem sæpe habent. 195.a.

Pastores qui. 229.b.

Peccatum Adami quomodo posteris
 imputetur. 84. a. &c. Discrimen
 inter Pelagii & Remonst. sententi-
 am de effectu peccati Adami. 87.a.
 Deus nullos infantes æternis cru-
 ciatibus destinare jure potest ob
 alienum peccatum. 87.a.

Peccatum Originis quid sit Remon-
 strantibus. 84. b. &c. Sententia
 Zwinglii de peccato originis. 85.a.

Peccatū Veneni instar qualitate con-
 traria non extinguit iustitiā. 85.b.
 Actus,

INDEX.

- Actus*, quos homo divinâ gratiâ privatus non potest non facere, non sunt formaliter peccata per quæ ad novam pœnam obligatur. 86. b.
- Peccata carnis*, spiritus. 89. a.
- De peccatis levioribus Remonst. Sententia. 89. b. Signum certum quo cognoscitur an peccatum ex infirmitate proficiatur. 89. b.
- Peccati* unius enormis actus condemnare hominem potest. 90. a. aliquando longe præponderat consuetudini. 90. a.
- Peccatorum* remissio est actus in Deo immanens. 108. b. statuitur præcedere fidem à Calvinistis. 110. a.
- Peccatum* non ad mortem. 212. a. b.
- Peccata* ligare quid Matt. 16. 264. a.
- Peccati* Autorem Deum faciunt Calvinistæ. 71. b. 72. a.
- Peccare* quid Iohanni sit. 131. a. b.
- Peccandi* habitus non statim eximitur. 127. a.
- Impunitatis* spes maxima ad peccandum illecebra. 212. b.
- An Deus necessario teneatur punire peccatorem. 46. b.
- Pelagii* sententia quomodo evertatur 157. b.
- Permittere* Deum velle peccata quid sit. 45. b.
- Permissio*, qua Deus peccata permittit quid Calvinistis significet. 45. b. per eam Deus statuitur autor peccati. 68. a. b.
- Permissionem* veram requirere ut non tantum potentia voluntatis sed usus etiam potentia liber sit, quo sensu intelligendum sit. 70. a.
- Permissionem* Dei esse adiunctum voluntatis peccatoris, absurde dicitur. 71. a.
- Permissa* multa sunt sub V. T. quæ nunc verita sunt. 152. a.
- De *Perseverantia* fidelium sententia Censorum. 133. b.
- Repugnat pluribus Reformatis Confessionibus. 133. b.
- Quid sit perseverantiam in fide & pietate à Deo orare. 149. a.
- Pii* de exauditione precum certi esse possunt licet incerti de finali sua perseverantia. 149. a.
- Personæ* quæ ad Synodum ablegandæ. 291. a. 292. a.
- Pertinacia* quid requirat. 285. b.
- Petrus* an ex infirmitate Christum abnegavit. 75. a. An Deus ei abneganti Spiritum abstulerit. 75. b.
- Placere* Deo multis modis dici quis potest. 73. a.
- Plenitudo* graduum & partium distinguitur. 211. b.
- Plebs* in Synodo Hierosol. potestatem suffragandi habuit. 292. a.
- Pœne* temporales quæ. 221. b.
- Pontificiorum* sententia de salutis incertitudine nihil commune habet cum sententia Remonst. 215. a.
- Si Possibile, quid aliquando significet 202. b. 203. a.
- De Possibilitate deficiendi. 238. b.
- Potentia* credendi & obediendi semper præsupponitur in omnibus vocatis. 70. b. 159. a. eam dat Deus

INDEX.

Deus omnibus vocatis. 70. b.
 Potestas architectonica in regimine
 Ecclesie penes quem. 298. b. 299. a
 Præcepta nova an Christus Moſis
 legi addiderit, quæſtio eſt exigui
 ponderis, addidiſſe tamen veteres
 ſenſerunt. 138. a. 151. b.
 Præcepta Evangelii non eſſe præcepta
 proprie dicta ſtatunt Cenſores.
 143. a. peſtilens iſ eſt error. ibid.
 Præcepta Chriſti neceſſaria ſunt ad
 ſalutem. 151. b.
 An Chriſtus perfectiora præcepta
 dederit legalibus non opus eſt de-
 cidere. 151. b.
 Præceptum, non Mœchaberis ſub lege
 non ita late extenſum eſt ut à
 Chriſto. 152. a.
 De præceptorum obſervatione ne-
 ceſſaria ad ſalutem Remonſt. ſen-
 tentia. 152. a.
 Præcepta præſtari poſſe auxilio divi-
 nae gratie non eſt Pelagianum.
 154. b. 155. a. &c. verum id eſſe
 patet ex ſcriptura. 156. a. &c.
 Præcepta non ſunt oppoſita fidei.
 260. a.
 Precari. cum fideles precantur, San-
 ctificetur nomen tuum &c. non
 orant pro auxilio determinante
 voluntatem. 145. b.
 Secundum voluntatem Dei &
 recte diſpoſitum precari oportet.
 146. b.
 Pii de exauditione precum certi
 eſſe poſſunt licet incerti de finali
 ſua perſeverantia. 149. a.
 Prædeſtinatione Calvini quam ingens

abſurdum poſt ſe trahat. 17. b.
 18. a.
 Ut Religio Pontificiorum depen-
 det ex uno capite de Eccleſia, ita
 Calvinistarum Religio dependet
 ex uno capite de Prædeſtinatione.
 18. a.
 Prædeſtinationem Calvini quare præ-
 cipue rejecerint Remonſtrantes.
 53. a. b.
 Genuina ſententia Calvini & Beze
 de prædeſtinat. 63. a.
 In Synodo Dordracena etiam ſu-
 pralaſarii orthodoxi cenſui ſunt.
 63. b.
 Prædeſtinatiani. 79. b. eorum doctri-
 nam ſequitur Cenſor. 79. b.
 Per abſolutam Prædeſtinationem
 Calvini evertitur reconciliatio per
 Chriſtum facta. 96. b.
 Præſcientia divina quomodo conſide-
 retur à Cenſore Calviniſta. 92. b.
 Præbyterorum diſtinctio in docentes
 & regentes novum inventum eſt.
 230. b.
 Probitas animi quid poſſit. 186. a.
 Promiſſum parit obligationem. 47. a.
 Promiſſa Novi T. continent omnia
 auxilia quibus homo opus habet
 ut divina voluntati obediat. 117. a
 Spe promiſſæ vitæ æternæ moveri
 ad obedientiam ſervile non eſt.
 126. a.
 Promiſſiones V. T. quibus gratia de-
 terminans promitti videtur, ex-
 penduntur. 183. b.
 Promiſſiones & minas non media
 tantum, ſed & instrumenta eſſe,
 Iiii quibus

INDEX.

- quibus Spiritus S. exsuscitatur, refellitur. 214. b.
- Propheta qui Eph. 2. 20. & 3. 5. 228. b.
- Sententia Remonst. de prophetiarum libertate. 280. b. 281. a. quousque extendatur. 282. b. 291. a.
- Quod ad omnes pertinet ab omnibus tractari debet. 291. b. 292. b.
- Propositum quid sit Rom. 8. 28. 172. b.
- Publica loca invito Magistratu retinere nunquam licet. 303. a.
- R.
- R**atio recta qua fit de qua Remonst. in Confess. agunt. 36. a.
- Rationis recta, licet interne non illuminata, usus aliquis est ad iudicandum necessaria. 37. a. 120. a.
- Reformatorum crudelitas cur intolerabilior sit quam Pontificiorum. 15. a.
- Reformata Ecclesia an statuunt obiectum fiducia specialem electionis misericordiam. 108. a.
- Reformatis Ecclesiis Remonst. bellum non indicunt in obiecto fidei iustificantis. 108. a. & c.
- Reformatarum Ecclesiarum sententia de Remissione peccatorum. 112. b.
- Regenius. quando quis desinit esse. 132. a.
- Regeniti sunt sine sceleribus. 132. a.
- Regenitorum gradus. 126. b.
- Regis M. Britannia sententia de paucitate articulorum necessario rum. 11. b.
- Regis honor in quo consistat. 101. a.
- Regia potestas Christi maneret etiam si nullus ei obedire vellet. 101. b.
- Rejectio alicujus populi & gratia sufficientis relictio non pugnant. 225. b.
- Religionis vis tollitur per praedestinationem absolutam. 105. b.
- Religionis Christiana veritas nititur idoneis argumentis. 117. b. 118. a.
- Remonstrantes non statuunt plures una vias salutem consequendi. 10. b.
- Remonstr. gloria & tesera qua discriminantur à ceteris sectis. 19. a.
- Remonst. neminem fugant qui pie in Christo & pacifice cum illis vivere vult. 19. a.
- Non curant an Theologia eorum Socini an Calvini dicatur, modo vera sit. 19. b. 20. a.
- Nulli dicunt Anathema nisi cui Deus dicit. 53. b.
- Reprobatio absoluta etiam ad infantes fidelium extenditur à Censoribus. 87. b.
- Reprobatio à Contraremonst. consideratur vel comparate vel non comparate. 88. a.
- Reprobatio quo sensu actus divini iudicii ad hanc vitam pertinet sit. 221. b. 222. a.
- Reprobatio Gentilium. 222. a. b.
- Reprobatio, excacatio & induratio quomodo

INDEX.

quomodo sint distincti actus. 225.
b.

Discrimen inter locutiones Remonst. & Contraremonst. in materia Reprobationis, cum dicunt Deum obicere occasiones errandi. 226.a.

Sententia Censuram de Reprobatione. 226.a.

Resurrectio. Questio de corporum post resurrectionem numerica identitate ipsi Calvino curiosa visa est. 219.a.

Revisio post Synodum integra manere debet. 296.a.

S.

Sacramenta quomodo promissa beneficia exhibeant & obsequent. 245. b. 246. a. 247. b.

Socini sententia de Sacramentis. 245. b.

Salutis nostrae ratio divinae gratiae praecipue tribuenda est. 96. a.

Satana ars ad stabiliendum tyrannidem in Ecclesia per formularum exaltationem. 5. b. 6. a.

Scripturam S. quomodo Censores Calvinista dicant controversiarum Indicem. 8. b. rectum Scripturae sensum tribuunt iis tantum quibus per specialem gratiam à Deo est donatus. ibid. obscuram eam statuunt cum Pontificiis. 12. b.

Scriptura V. T. veritas potest probari propriis notis. 28. a. b.

Scripturae sensus literalis cognitus necessarius potest intelligi sine specia-

li interna revelatione. 33. a. 34. a. b. 35. a.

Sensus literalis quis. 35. b. 36. a. Sensus mysticus, allegoricus, anagogicus & spiritualis. 33. b.

Dicere hominem posse intelligere Scripturam quoad necessaria, non derogat Deo, nec adscribit nimium homini. 36. b.

Scriptura ipsa aliquando censetur à Censuribus. 38. b.

Scriptura lectio privata sufficit ad aliquem adducendum ad fidem Christi. 234. b.

Secla unde oriantur & foveantur. 7. b.

Secla hodierna eos tantum pro fratribus habent, qui cum illis per omnia conspirant. 19. a.

Securitatis carnalis duo pulvinaria. 156. b.

Sine praedicio ad Synodum accedere quid sit. 292. a.

Sociniani loca varia adversus Arrium prolata explicant ut Calvinus. 20. b.

Sociniana non est Confessio Remonst. 21. a. & c.

Socinus in summa rei cum Orthodoxis conspirat in justificationis & fidei capite. 107. b.

Formam fidei statuit obedientiam Evangelicam non legalem. 111. a.

Socini sententia rejicitur de necessaria obedientia Christi. 190. b.

Spiritus quid aliquando significet. 75. b.

liii 2 Spiritus

INDEX.

Spiritus S. testimonium internum non datur nisi credentibus. 28. a.
Spiritus testimonium internum de Scriptura certitudine servit tantum ei convincendo cui datur. 28. b.
Gratiam Spiritus S. conjungi argumentis externis quæ probant certitudinem scripturæ concedunt Remonst. 28. a.
Spirituum probatione ubi opus. 291. a.
Spiritum S. adorandum aut adoratum esse scripturam nusquam discrete exprimit. 51. a. b.
Spiritus aliquando significat spirituales verbi Dei interpretationes. 281. b.
Spirituum probatione ubi & quando opus. 291. a.
Stoici vulgo necessitatem fatalem posuisse creduntur. 79. a.
Suffragia in synodis non ponderantur. 294. a.
Suspicio Censuræ basis est. 23. b. vano 24. a.
Symbolum vulgo dictum Apostolicum an ab Apostolis sit scriptum. 37. b.
An complectatur omnia scitu ac creditu ad salutem necessaria. 38. a.
Paulatim actum est. 38. a.
In pretio habent Remonst. 38. b.
Symbolorum Majestas nimia. 6. b.
Synodorum Majestas nimia. 6. a.
Ea quæ sunt necessaria & non necessaria quomodo à Synodis sint

proferenda. 6. b.
Synodi provinciales rectius quandoque sentiunt universalibus. 295. a.
Synodorum habendarum fuit. 294. a.
De Synodorum necessitate. 228. b. conditionibus. 289. b.
Synodus Dordracena orthodoxos supralapsarios censuit. 63. b.
Synodistarum Dordracenorum dissensio. 16. b.
Synodi conditiones à Remonst. requisiti vindicantur. 289. b. 290. b. &c.

T.

Temperamenti vis quoad mores. 118. b.
Theologia in quibus decisionibus posita non sit. 7. a.
Theologia Calvinistarum est mere speculativa. 17. a. b.
Theologiae partitio Calvinistica. 17. a.
Timotheus & Titus an Episcopi fuerint. 231. b.
Tyrannidi conscientiarum quomodo occurrendum. 7. b.

V.

Valentianus inter religionum diversitates medius stetit. 306. a.
Walai sententia de summa potestate regis Angliæ in Ecclesia. 301. a.
Verbo externo an semper Spiritus S.

con-

INDEX.

conjunctus statuatur à Remonst.
159.a.b.
Veritatem facere quid sit. 121.a.
Veritas cujusque rei unde petenda.
292.a.
Vita aeterna promissiones continentur
in V. T. sed non clare. uti in N.
26.b. 151.b. 245.a.
Vita aeterna promissionem factam sub
V. T. negavit Antiquitas. 138.a.
Vita aeterna donatio ex iustitia fu-
tura est. 46.b.

Vita aeterna spe moveri ad obedi-
entiam non est servile. 126.a.
Ad Vitam aeternam ordinati qui
sint. 195.a.b.
Vocati qui sint Rom. 8. 28. 174.a.
Voluntas Dei ultima quae sit. 26.a.
non fuit plenissime declarata sub
V. T. 26.a.
Voluntati quae corruptio inesse possit.
88.b.
D. Vorstius non fayer Nestorio. 93.
a.

Iiii 3



INDEX LOCORUM SCRIPTURÆ,
Quæ in Apologia elucidantur.

	cap.	vers.	fol.
Gen.	2	17	57 b
	4	7	75 a
	6	5	88 a
	8	21	88 a 92 a
Deuter.	13	6 &c.	270 b
2. Samu.	16	5	277 b
1. Reg.	8	57	146 a
Esa.	42	8	138 b
		16	165 b
	44	1	184 a
Ierem.	31	31	100 a 166 a
Ezech.	18	24 &c.	216 a
	36	26	166 a
Daniel.	3	29	270 b
Iob.	9	2	155 b
Pfal.	19	13	132 b
	105	25	277 b
	119	36	145 b
Proverb.	14	16	132 b
	20	6	132 b
Matthæ.	5	8	40 b
	8	12	222 b
	10	32	242 b
		33	ibid.
		22	219 b
	11	25	ibid.
		27	29 a
	12	36	90 a
		42	278 a

INDEX.

	13	20	213 a 215 b
		28	278 a
		29	ibid.
		30	ibid.
	16	18	206 a 235 a 239 b
		19	264 a
	18	6	273 b
		17	235 b 264 a 288 a
		19	288 a
	19	28	219 b
	20	26	103 a
	21	12	274 b
		43	223 a
	22	14	193 a b
	24	24	194 a 202 b
	26	23	203 a
	28	19	239 b
Marc,	9	42	273 b
	11	18	274 b
	13	20	200 a
Luc,	1	74	125 a
		75	ibid.
	8	16	213 b 215 b
	9	55	279 a
	12	47	219 b
	14	1	273 b
		2	ibid.
	16	9	278 a
	18	7	194 b
	8	22	149 b
		23	ibid.
Iohann,	1	17	29 a
	2	13	274 b
	3	6	89 a
		19	121 a
		20	121 a 195 b
		21	195 b
	4	13	208 a

INDEX.

	5	25	180a
	6	37	104a 185a
		45	185b
		48	209a
		51	252b
	7	17	195b 121a
	8	44	195b
		47	195b
	10	4	242b
		9	ibid.
		26	195b
		27	242b
		29	206a 135a
	11	25	208b
		52	98b
	16	8	160b
	17	5	192b
		6	121b
Actor.	2	37	87b
	5	1	275a
	10	35	196a
		43	92a
	13	8	275b
		9	ibid.
		10	ibid.
		48	194b & cc.
	15	24	209b
	16	14	186a
	20	16	202b 203a
		30	209b
	27	31	216b 217a
Roman.	4	4	47a
	6	21	90a
		23	90a
	7	7	129b 130a
	8	6	129a
		9	201a
	10		192b

INDEX.

	19	221a
	28	172b
	30	205a
	33	194b
	38	205b
	39	205b
9	11	196ab 224b
	13	179a
	23	175a
10	15	228a
11	2	203b 223a
	4	176a
	5	103a 196a
	20	223a
	33	179a
	35	58b
	36	58b
12	18	203a
14	23	74a 122ab
1. Corinth.	1	23
	26	37a
		158a
3	1	214ab
	6	188a
4	4	133b
	7	144b 145a
5	1	264a
10	16	251a
	17	251a
12	13	251b
14	32	228b
2. Corinth.	1	20
		92a
4	6	181a
9	6	219b
10	4	118a
	5	118a
Galat.	1	6
		213ab
	13	178b
	14	ibid.

Kkkk

15

INDEX.

	15	ibid.
3	16	91 b
	19	91 b
4	15	203 b
	29	278 b
5	17	128 b 129 a
Ephes.	1	2 95 b
	4	192 b
	5	199 a
	19	115 a b
2	3	119 a
	5	192 b
	6	192 b
	20	228 b
3	5	228 b
Philipp.	1	6 150 a
2	13	169 a
1. Theff.	5	19 281 b
	20	290 a
2. Theffa.	1	6 220 a
	11	115 b 116 a
	2	281 b
1. Timoth.	3	2 120 a b 121 a
	1	20 264 a
	2	24 170 a 290 a
		25 ibid.
		26 ibid.
	3	16 50 b
	5	17 230 b
	6	20 290 a
2. Timoth.	1	9 192 b
		2 290 a
	2	10 29 a
	2	10 194 b
		13 138 b
		19 103 b
Tit.	3	10 271 b 280 b
Hebr.	1	1 25 b 26 a

INDEX.


	3	68 a
2	3	28 b
	14	193 b
6	4	135 b 136 a
7	19	24 a
11	6	24 a 74 a
12	23	24 a
Jacob.	2	5 158 b 201 b
	24	113 b
1. Pet.	1	2 198 a
2. Pet.	1	3 116 b
1. Iohan.	2	1 128 a
	3	260 a
	4	260 a
	19	209 b
	4	131 a
3	5	131 a
	6	260 a
	14	192 b
	18	131 a
	1	281 b 291 a
	4	211 a
	18	212 a
Apoc.	2	9 284 a b
	14	ibid.
	15	ibid.
	20	ibid.
	21	ibid.
	22	ibid.
	9	ibid.
3	8	204 a
13	8	204 a
17	17	276 b
18	6	277 b
20	4	219 b
	5	ibid.
	6	ibid. 209 a


FINIS.


ERRATA.

In Præfat.	à 3 a lin. 17 latent	<i>pro</i> latet.
	à 3 b 24 enim	eum.
	ibid. 29 laboret	laboraret.
	ibid. 30 laboret	laboraret.
	è 2 a 25 quorum	quorum.
	è 3 b 12 justissima	justissimè.
	è 4 b 30 & species	additur <i>dele.</i>
Folio	3 a 10 digidi	digiti.
	25 b 2 definiatur	definirent.
	53 a 13 <i>ante</i> revera	Sed.
	302 a 31 certam	rectam.
	260 b 7 Consilium	Consilia.

Ibidem linia 26. Hic neglectum est nomen D. Pauli Lindenii. Meretur viri optimi pietas, & quam cum reliquis in tolerandis æterni carceris molestiis communem habet, invicta patientia, ut illud sine causa & non sine gravi editorum culpa præteritum esse intelligat Christianus orbis.







005643276

